



Rome Hall  
X


B 27.

Strass

PRESENTED  
TO  
THE UNIVERSITY OF TORONTO  
BY  
THE UNIVERSITY OF STRASSBURG,  
GERMANY.  
JANUARY 10TH, 1891









*Lau Rom. 468*  
*Heineccii*  
**IO. GOTTL. HEINECCI** *ici*

CONS. AULAE REGIAE PRVSS. ET IN ILL.  
VIADRINA PAND. ET PHIL. RAT. ET  
MOR. PROF. P. ORD.

# **ANTIQUITATVM**

**ROMANARVM**

**IVRISPRVDENTIAM**

**ILLVSTRANTIVM**

**SYNTAGMA**

**SECVNDVM ORDINEM**

**INSTITVTIONVM**

**IUSTINIANI**

**DIGESTVM**

**IN QVO MVLTAE IVRIS ROMANI**  
ATQVE AVCTORVM VETERVM LOCIS EXPLI-  
CANTVR ATQVE ILLVSTRANTVR.

**Editio tertia auctior & emendatior.**

**ARGENTORATI.**

**Sumptibus IO. REINHOLDI DVLSSECKERI.**

**MDCC XXX.**



12225  
141191

6





ILLVSTRISSIMO ATQVE

EXCELLENTISSIMO

DOMINO

LVDOVICO  
OTTONI

NOBILI DOMINO

DE PLOTHO,

POTENTISSIMI PRVSSO-

RVM REGIS IN SANCTIORE CONSI-

LIO ADMINISTRO, ET SVPRE-

MORVM TRIBVNALIVM

PRAESIDI

DYNASTAE IN PAREY, GERBSTAED,

REESSEN, GVTTER ET ILENBURG,

PATRONO LITTERARVM LITTERA-

TORVMQVE COMMVNI

S. P.

ILLUSTRATIONES  
EX LIBRIS

DOMINO

ADONICO  
OTTO

NOBIL DOMINO

DE PLOTTO

TESTIS  
M. REGIS IN ANTORE CONS.  
LIO ADMINISTR. ET  
MORVM TRIVIALIVM  
PRESIDI

NAT. IN PARTIBUS  
REGEN. CIVIT. P. 1784

KNOW LIT. A. V. LIT. A.  
FORV. 1784

1784  
P. 2



*ILLVSTRISSIME VIR.*



Vem libellum , ante  
hoc decennium pri-  
mum in lucem pro-  
deuntem, Viro Illu-  
strissimo ,  
MARQVARDO  
) ( LVDO.

LVDOVICO DE PRINZEN,  
more maiorum consecraveram,  
eum nunc, tertium praelo exeun-  
tem, non alii me debere arbitra-  
tus sum, quam TIBI, quem in-  
signis non minus rerum scientia,  
quam natalium ac munerum  
splendor omnibus mei ordinis  
hominibus venerabilem reddit.  
Non potui sane ego, quum ex  
Belgio euocatus in hanc prouin-  
ciam venissem, TVOque con-  
spectu ac colloquio coepissem  
frui, quin vel maxime mirarer  
incredibilem illam, quam TIBI  
peperisti, non modo rerum ciui-  
lium, sed & omnis elegantioris  
litteraturae notitiam, bibliotheca-  
cam omni librorum rarissimo-  
rum genere instructissimam,  
ipsam denique Domum TVAM,  
commune tot provinciarum ora-  
culum, ad quam non modo ci-  
ues



ues litibus impliciti , rerumque  
suarum incerti, verum etiam litte-  
rarum paullo studiosiores omnes  
quotidie confluunt, nec vnquam  
inde redeunt, nisi laetiores. Sane,  
si recte olim iudicauit PLINIVS,  
esse hanc sapientiae pulcherrimam  
partem , agere negotia publica,  
cognoscere , iudicare , promere  
atque exercere iustitiam , quae-  
que nostri ordinis homines doce-  
re oportet, in vfu habere: nemo,  
vt opinor , facile dubitauerit,  
quin TV, VIR ILLVSTRISSI-  
ME, id, quod in mascula illa ac  
ciuili sapientia summum est, iam-  
pridem fueris adsequutus. Qui-  
bus caussis communibus , quae  
bonos omnes in TVI admiratio-  
nem rapiunt , quum & propriae  
accedant, inusitata nimirum, qua  
studia mea qualiacumque prose-  
queris, beneuolentia , Musasque

meas a maleuolorum insultibus  
tuendi studium : occasionem  
hanc mihi non praetermitten-  
dam esse putavi, hoc quaecum-  
que meae in TE venerationis  
monimentum statuendi, conci-  
piendique simul voti, vt Deus  
TE vtriusque reipublicae bono  
in multos annos fospitem seruet  
atque incolumem! Id enim est,  
quod a Deo immortalis preci-  
bus ardentissimis quotidie effla-  
gitat

ILLVSTRISSIMO  
NOMINI TVO

devotissimus

Jo. Gottl. Heineccius IC.

PRAEFA-



PRAEFATIO  
NOVA  
LECTORI BENEVOLO

S. P.

**P**Raeter ea , quae olim huic  
libello verbosius praefatus sum,  
iam quoque sunt , LECTOR,  
quae paucis te volo. Qua occasione  
ille mihi olim subitanea veluti opera  
natus sit , ex vetere praefatione , si  
memineris, didicisti. Fata tunc illi  
longe alia , quam quae expertus est,  
ominabar. Non dubitabam enim,quin,  
( 3 quum



quum plerique alieno ab his studiis animo esse soleant, libellus non nisi meis, quibus illum destinaueram, auditoribus vtilitatem aliquam adlaturus, adeoque extra academiae in qua tunc publice docendi munereungebar, Halensis pomperia non multum consequuturus esset celebritatis. Enimvero aliter accidit, ac quidem existima-ueram. Vix enim praelo exierat opusculum, quum & exteri in ephemeridibus publicis institutum meum probarent, & ipsum libellum commendarent vnice. Fuerunt etiam qui se eo non parum adiutos esse, litteris ad me datis, significarent. Fuerunt, qui illum in hac ac exteris academiis, publice enarrarent, suisque illustrarent interpretationibus. Fuerunt denique, vt fit, qui in libellis & schedis suis, mea, vel suppresso auctoris nomine, exscriberent, vel cum honoris praefatione citarent, vel nactus quosdam, siue veros, siue sibi ita visos, candido indicarent; quibus ego me magis obstrictum fateor, quam illis, qui mihi laudes, quas non agnosco, admetiri non dubitarunt. Inter haec omnia li-  
belli

belli exemplaria paucos intra annos distracta sunt , meque iam monet bibliopola , in quem , dissipato bibliopolio nouo , ius vendendi opusculum , translatum est , vt si quid in scriniis esset , quod addendum putem , id secum communicare non dubitem , ast ita tamen componam rationes , vt forma libri non multum immutetur. Statim ergo sub incudem illum reuocaui , & nihil feci reliqui , vt multo concinnior emendatiorque prodiret in lucem. Quid praestiterim , paucis accipe. Naeuos , qui vel operarum incuria vel culpa mea , quamuis leuissima , priori editioni haeserunt , seuerissima cura sustuli ; Auctorum loca accuratissime citavi : quaedam non satis firmata , nouis nunc testimoniis stabilui : Adieci hinc inde obseruationes , quae deesse videbantur : quibusdam , de quibus amplius deliberandum censui , induxi lituram. Mutaui etiam nonnunquam sententiam , a nemine monitus , & solo veritatis studio , quod rebus omnibus anteferre soleo , adductus. Quaedam amicorum , doctorumque virorum monitu correxi , si quando

do eos acu tetigisse deprehendi. Numquam enim mihi adeo placui , vt humani quidquam a me alienum ducerem. Denique quum a quibusdam non ex merito vellicari me animaduertentem , operam etiam dedi , vt mea vindicarem modeste. Exemplo esse poterunt , quae contra Virum Clarissimum , B. BRANCHV , iureconsultum Lugdunensem disputauit. Bis me vir doctus erroris postulauit in elaboratissimis , quas euulgat , observationibus iuris. Sed utroque loco eum non errorem deprehendisse , sed coniecturam coniecturae opposuisse , animaduerti , & quidem parum verosimilem verosimillimae. Vnde quum non liceret mihi esse tam beato , vt ab eo proficerem , committendum mihi haut putauit , vt errasse me faterer , vbi ipse errori propior videbatur. Denique , ne id ignores , indicem auxi quam maxime , insertis iis , quae in noua hac editione accesserunt. Ita vere adfirmare possum , auctiorem emendationemque proditurum esse libellum , si is , qui emendationi plagularum impressarum praefuerit , tantum industriae attu-




attulerit, quantum ego ad illius recognitionem attuli. Diligentiam enim operarum, quamvis exactissimam a bibliopola, viro integerrimo, stipulatus sim, ipse praestare nequeo, plus quam centum milliaribus Argentorato remotus. Haec sunt, quae scire te volui, LECTOR, antequam te ipsius libri lectioni dares. Tu lucubratione, quam in tui gratiam sustinui, vtere, frui, & mihi, tua causa omnia volenti, & antiquitates Germanici iuris multo maiore studio adornanti, & breui eidem praelo commissuro, faue. Halae Kal. Sextil. clo Ic cccxiii. Haec ante biennium. Iam scito, iterum distractis exemplaribus, me denuo libellum recognouisse, emendasse, nihilque fecisse reliqui, ut prodiret & auctior & emaculatio. Est hoc studium huiusmodi, ut quotidie aliquid obserues: nec quisquam tam bene subducta ad scribendum ratione est, quin res, ætas, usus semper aliquid adportet noui, aliquid moneat, ut illa, quæ te scire credideras, nescias, & quæ tibi putaras prima, in experiundo repudies. Quod & mihi, quoties mea relego,

PRAEFATIO NOVA.

relego, euenit, euenietque fortassis &  
in posterum, si me uiuo libellus quar-  
tum praela exercuerit. Sed haec Deo  
curae erunt, cui TE, LECTOR,  
aeque ac me ipsum meaque omnia  
commendo. Franequerae Fri-  
siorum x. Kal. Febr.  
cdo lccc xxvi.

PRAEFATIO



# PRAEFATIO

PRIORI EDITIONI PRAEMISSA.

LECTORI BENEVOLO

S. P. D.

IO. GOTTL. HEINECCIUS.  
IC.

**Q**uantum utilitatis in iurisprudencia nostra antiquitatum Romanarum adferat notitia, nemo, nisi qui nunquam est hisce sacris initiatus, ignorat. Equidem iam eo tempore, quo adhuc florebant res Romanae, vix quisquam praecclarum iureconsulti nomen tueri videbatur, qui erat ab hoc insigni praestantissimoque praesidio destitutus. *Plurima erat, teste CICERONE, (a) in omni iure civili antiquitatis effigies, & prisca verborum vetustas, & actionum genera quaedam, quae maiorum consuetudinem, vitamque declarabant.* Haec vero omnia quis  
( ) ( ) quaeso

(a) CIC. *de Orat.* I, 43.

(b)



quaeſo intelligat, niſi qui interiorē ſibi antiqui-  
 tatis ſcientiam comparauerit? Hinc in maxima  
 plerumque ac praecipua veterum iureconſul-  
 torum laude ponebatur accuratior antiquita-  
 tum notitia, PLINIVS, (b) ARISTONEM  
 iureconſultum laudaturus, nihil in eo magis,  
 quam illam priſci moris peritiam, admiratur.  
*Quam peritus, inquit, ille & priuati iuris & publici?*  
*Quantum rerum, quantum exemplorum, quantum*  
 ANTIQVITATIS tenet? Nihil eſt, quod diſcere  
 velis, quod ille docere non poſſit. Mihi certe, quoties  
 aliquid abditum quaero, inſtar theſauri eſt. Idem re-  
 conditarum litterarum praefidium etiam in  
 ANTISTIO LABEONE celebrat GELLIVS,  
 (c) ex quo diſcimus, nihil eum ratum penſumque  
 habuiſſe, niſi quod iuſtum ſanctumque eſſe, in Romanis  
 ANTIQVITATIBVS legiſſet. Quum ergo  
 jam ii iureconſulti, qui florentem viderant  
 rempublicam, hoc praefidio carere haut poſſe  
 viderentur: quid de noſtris dicamus tempo-  
 ribus, quibus ita exſtinctā eſt Romana republi-  
 ca, nullum vt exſtet, niſi in hominum memo-  
 ria, veteris illius formae veſtigium? Aliae ho-  
 die ſunt conſuetudines, alia religio, alii magi-  
 ſtratus, alia iudicia, alia denique imperiorum  
 & rerum publicarum facies. Et tamen pere-  
 grinis adſtricti legibus viuimus, easque inter-  
 pretari & obuenientibus hodie negotiis adpli-  
 care iubemur. Quis hoc praefliterit, niſi qui  
 impreſſam animo circumferat veteris illius  
 Ro-

 (b) PLIN. *Epist.* I, 22.

 (c) GELL. *Noct. Att.* XII, 12.

Romanae reipublicae effigiem, &, vt IVSTIANVS (d) alicubi monet, nihil ANTIQVITATIS penitus ignoret?

Equidem si cui hoc dubium videbitur, eum ego ad Glossatores remittam, ad illud, inquam, hominum genus, cui, extincto litterarum lumine, tantum statuebatur pretii, vt quasi Atlantis humeris coelum, ita eorum auctoritate iurisprudentiae dignitas videretur sustineri. Quid enim aliud eminentissima illa ingenia in tot ridiculos ac paene pueriles errores abripuit, quam antiquitatum Romanarum omnisque politioris litteraturae ignorantia? Fieri enim profecto haut poterat, quin homines, eius reipublicae ignari, cuius leges & iura tractabant, tamquam illi nocte sine lumine oberrantes, saepe offenderent. saepe laberentur, saepe quouis potius, quam quo instituerant, peruenirent, vt eleganter ait M. ANTMVRETVS. (e) Non pudebat ergo tum legi Fufiae Caninae a canina inuidia; (f) legi Hortensiae a nescio quo Rege Hortensio; (g) cala-

) ( 2

tis

(d) Princ. Inst. de testam. ordin.

(e) MVRET. Part. 1. Orat. XVI.

(f) Glossa ad princ. Inst. de Lege Fuf. Can. roll. edit. antiquiss. ex saeculo XV. Quam legem Fufiam Caniniam forte a quodam, qui Caninius nominabatur, inductam; vt in publiciana dicitur infr. de actionibus §. aliae. Nam canis seruabat naturam, qui stat in palea, qui nec sibi potest habere paleam, nec alii permittit accipere. Sic nec sibi poterat tenere seruos, quod moriebatur; nec libertatem patiebatur iis dari. Vnde merito caninia dicitur, vt sit consequens nomen rei.

(g) Glossa ad §. 6. Inst. de iure nat. gent. & cin. Sed hoc sublatum est per legem, latam ab Hortensio Rege.

(h)

*tis comitiis* a Graeco καλός; (*h*) quartae Falcidiae a defalcando; (*i*) & libertis *orcinis* a nescio quo Graeco *orcos*, quod *rectum* significet, (*k*) nomina arcessere. Neque religio tum erat, ea quae de antiqua in ius vocatione in iure Romano repererant, ad hodiernam citationem; & quae de albis praetorum legerant, ad edicta iudicum nostrorum referre. Quin, ne quid deesset ineptiarum, ex veteribus istis praesidiis & praefectis praetorio imperii nostri principes atque electores deriuare haut dubitabant. Quas ridiculas interpretationes ex crassa antiquitatum Romanarum interiorisque litteraturae ignorantia subnatas quum posterius, nugis istis tamquam glebae adscripti, tantum non consecrarent: tantus sensim succreuit errorum grauissimorum prouentus, ut extirpando huic luxurianti lolio ne eminentissimorum quidem iureconsultorum sufficeret diligentia.

Enimuero, condonandum id forsitan fuerit magnis illis, qui tam infelici saeculo adoleuerant, ingeniis. Illud vix ferendum, quod in felici illa temporum reparatione, quum ubique feruerent elegantiorum litterarum studia, non de-

(*h*) Glossa ad princ. Inst. de testam. ord. Calatis, id est bonis initiis vel conuentibus, καλός enim bonum interpretatur.

(*i*) Glossa ad princ. Inst. de Lege Falcid. Falcidia sic dicta, quod ut falx foenum, sic & lex legata refecat.

(*k*) Glossa ad s. 3. Inst. de sing. reb. per h. deicom. vel. Orcinus sic dictus ab orco, quod est rectum, unde orcinus, id est, directe manu nissus, vel ab orco ist est capio.



deessent, qui in illa glossatorum barbarie quaererent delicias, frugeque reperta, glande tamen vesci mallent. Nemo ignorat, quantum in iurisprudentia repurganda illustrandaque desudauerint praestantissima superiorum temporum ingenia, ALCIATI, BVDAEI, CUIACII, BALDVINI, HOTO-MANI, CHARONDAE, CONTII, BRISSONII, FABRI, AVGVSTINI, GIPHANII, PITHOEI, RAEVARDI, RITTERSHVSI, qui omnes cum iuris peritia admirabilem quamdam atque inusitatam antiquitatis notitiam coniunxerant: sed eorum tamen labores adeo sorduerunt plerisque, ut vir quidam doctissimus, qui Balduini opera coniunctim edere instituerat, non reperiret, qui sumtus facere sustineret. Si qui etiam, eorum excitati exemplo, eandem docendi rationem sequerentur in academiis, iis publico expositis odio, barbaroque *humanistarum* nomine traductis, tantum non aqua & igni interdicebatur.

(l) Certatim ergo tum iuvenes in Italiam, tamquam ad iurisprudentiae mercatum quemdam confluebant, audituri ibi iureconsultos *magistraliter*, si Deo placet, docentes, (m) & redituri inde rabulae haut postremi, confidentes, acres, contentiosi, & quod palmarium tum videbatur, multarum legum, sibi non intellectarum principia uno spiritu citare gnarissimi.

)( ( 3

Ve-

(l) Exemplum est in MELCH. von OSSEN. Testamento *part. II. cap. VIII. §. 2. p. 385. & §. 14. p. 423.*

(m) Magistrali hanc docendi methodum luculenter ex Pancirolli de *Clar. leg. Interpr. II, 6. exponit THOMAS. ad Melch. de Ossen. Testam. p. 398.* (n)

Verum suppuduit demum iureconsultos  
 tantae barbariei, Deusque hanc eis mentem de-  
 dit, ut cum illo legum studio praeter accuratio-  
 rem ratiocinandi artem aliaque praefidia, etiam  
 antiquitatum inprimis Romanarum peritiam  
 coniungerent. Viderunt postrema haec secu-  
 la iureconsultos humanissimos, MERILLOS,  
 GROTIOS, GOTHOFREDOS, AVERA-  
 NIOS, VINNIOS, FREHEROS, HERAL-  
 DOS, OISELIOS, BRVMVEROS, ME-  
 NAGIOS, HVBEROS, SPANHEMIOS,  
 BYNCKERSHOEKIOS, NOODIOS,  
 SCHVLTINGIOS, qui nihil fecerunt reliqui,  
 ut legibus ex ipsa status Romani veterumque  
 rituum contemplatione lucem suffunderent.  
 Sed plerique tamen duntaxat singularia quae-  
 dam iuris nostri capita illustranda susceperunt,  
 nemoque adhuc, quantum memini, exstitit, qui  
 per omnes iuris partes eundo hoc antiquitatis  
 iter, ut CICERO (n) vocat, confecerit. Equi-  
 dem IACOBVM GOTHOFREDVM ius-  
 tum antiquitatum iuridicarum corpus medi-  
 tatum esse, auctor est MORHOFIVS, (o) id  
 quod, si vidisset lucem, tamquam Phidiae ali-  
 quod signum omnium procul dubio corda-  
 tiorum admirationem meruisset. Verum in-  
 viderunt nobis fata tam luculentum opus, ne-  
 que quisquam adhuc in tanti viri labores suc-  
 cessit.

Quum

(n) CIC. *de Orat* I. 60.

(o) MORHOF. *Polyhist.* Tom. III. Lib. VI. sect. II. §. XL  
 p. 83.

Quum vero & ego, quantum vtilitatis haec antiquitatum notitia iuris Romani cultoribus adferat, experiundo didicissem, & olim ita ferente studiorum meorum ratione, in peruoluendis melioris aetatis auctoribus indagandisque antiquitatibus haut parum infumissem operae: facile a me impetraui, vt hac recupidae legum iuuentutis studia pro virili mea parte iuuare anniterer. Eo consilio superiore aestate in publicis, quas indixeram, praelectionibus ad singulos Institutionum titulos ea explicauit, quae ex antiquitatibus ad intelligendam illam iuris materiam obseruanda videbantur. Quum vero, auditorum memoriae consulturus, breuissimis, quantum licebat, positionibus omnia conclusissem: dignae illae quibusdam visae sunt, quas reuocarem sub limam, & publicae luci exponerem. Et inde subnatum mihi est hoc antiquitatum Romanarum, quod nunc publici iuris facio, syntagma, interioris iurisprudentiae studiosis non ingratum, vt spero, futurum. Equidem & in antiquitatum studio suavis nonnumquam latet in sania. Non desunt hodiernum, Damascippi illius similes de quo HORATIVS: (p)

*Insanit veteres statuas Damascippus emendo.*

Non desunt, qui Protei baculum, aut Epicteti fictilem lucernam talentis coemerent, dummodo essent qui decipere vellent. Sed hos ego

) ( 4

ho-



homines suauiter rideo, & si recte ab HENR. STEPHANO(q) obseruatum Graecos olim simplices homines ἀρχαίως & ἀρχαίως; stultos vero κρόνως κρόνως, κροτάλως, & βικκισ λήνως vocasse: nulli mihi magis hoc nomen mereri videntur, quam qui antiquitatis quisquiliis auro mercantur. Numquam mihi placuit antiquitatis studium, nisi quod sublimioribus scientiis lumen praeferret. Non ergo vulgaria ac trita hic quaeres, non ἀστολογίας illas, quas plerumque in antiquitatum scriptoribus rident, quotquot sunt cordatiores eruditi. Non hic de veterum calceis, non de eorumdem tricliniis, epulis, ianuis, ludis, hastis, tibiis, coronis, laruis, thermis, torquibus, lucernis agitur: (cui enim non dictus Hylas?) sed de iis, quae ad statum reipublicae Romanae, ad legum origines & rationes, ad ritus formulas & sollemnia populi Romani verba, ipsumque veterum iudiciorum ordinem pertinent, sine quibus intelligi haut possunt leges Romanorum. In consilium vbique adhibui auctores praestantissimos quos omnes ipse euolui, &, quantum licuit, bona fide citavi. In prioribus titulis multum me fateor profecisse ex illustribus THOMASII dissertationibus, quibus Institutiones illustrare coepit, (r) quae si omnes vidissent lucem, supersedere potuissim hisce lucubrationibus. Multum quoque adiumenti mihi attulerunt

(q) HENR. STEPH. Apolog. Herodot.

(r) De usu politico Institutionum, in quibus tamen adhuc non longius, quam ad Lib. I. Tit. XII progressus est.

lerunt aeterna CUIACH, HOTTOMANO-  
 RVM. BRISSONII, BALDVINI, PET.  
 FABRI, BRVMMERI, M. VERTRANII  
 MAVRI, SIGONII, SALMASII, IO. FR.  
 GRONOVII, EZ. SPANHEMII, MENA-  
 GII, NOODII, BYNCKERSHOEKII, PE-  
 RIZONII, HVBERORVM, BVRMANNI,  
 SCHVLTINGII, aliorumque doctissimorum  
 virorum opera, quae diurna nocturnaue ver-  
 saui manu. Legem tamen hanc ego mihi met  
 ipse dixi, vt semper ad fontes recurrerem: ea-  
 quere factum est, vt haud pauca obseruarem,  
 quae aliis in mentem haud venisse arbitror.  
 Quum vero in praelectionibus, quarum memi-  
 ni, publicis ordinem Institutionum sequutus  
 essem: nolui postea ab eodem recedere, sed  
 eundem in toto opusculo seruandum existi-  
 maui, ea tamen lege, vt potiores, quae in pan-  
 dectis occurrunt, materias iusto loco atque or-  
 dine infererem, multaque, quae in vtrisque  
 desiderantur, hinc inde supplerem. Sic quum  
 verbi causa distinctiones personarum omnes  
 neque in Institutionibus, neque in latiore Di-  
 gestorum opere explicatae sint: de illis accu-  
 ratissime egi in adpendice libri primi, vbi in  
 simul dedi operam, vt quae a CAR. SIGO-  
 NIO in libris *de antiquo iure ciuium Rom Italiae  
 & prouinciarum*, vt & EZECH. SPANHE-  
 MIO in *Orbe Romano* paullo prolixius tradun-  
 tur, tanquam in nucleo exhiberem. Eadem  
 cura & diuisionem illam *rerum Mancipi & nec  
 Mancipi*, de qua altum est in iure nostro silen-  
 tium, exposui *Libro II. Tit. I.* Multa quoque  
 dicta

dicta inuenies de iurisdictione & imperio , de ordine iudiciorum, de feriis & dilationibus, de edendo, postulando, procuratoribus, de iure dotium diuortiis, aliisque iuris capitibus, quae sicco pede in Institutionibus praetereunda putauit TRIBONIANVS. Vt paucis dicam, ita in hoc opere versatus sum, vt liceat mihi fructum vberimum ad conscientiam meam referre. Illud vnum doleo, inter concatenatos labores non licuisse mihi esse tam felicem, vt paullo seueriore lima menda omnia tollerem. Ea TV, LECTOR BENEVOLE, tantisper aequo animo feras, rogo, dum in calce posterioris partis indicem eorum, in quibus operae aberrarunt, confecero. Interim fruiere his, & ANTIQVITATES GERMANICAS, quae ad illustrandum ius Germanicum hodiernum faciunt, & quas ego iam a plurimis annis perpolui, eadem methodo expositas, breui, si Deo visum fuerit, exspecta. VALE. Ex Academia Fridericiana, ipsis KAL. SEPT. clolcccxviii.



# INDEX

## TITVLORVM PARTIS I.

ET MATERIARVM QVAE IN ILLIS  
TRACTANTVR.

### LIB. I.

**A**D PROOEM. *de variis iuris Romani collectionibus differitur.*

Ad TIT. I. *de iustitia & iure, agitur de iureconsultorum veterum philosophia, & aemulatione cum philosophis.*

Ad TIT. II. *de iure Nat. gent. & civili, agitur de ritu ferendi leges & plebiscita, ut & de SC. de Praetorum & Aedilium edictis, de iureconsultorum origine & responsis, de constitutionibus principum, & aliis.*

Ad TIT. III. *de iure personarum, agitur de senorum Romanorum conditione & variis generibus.*

Ad TIT. IV. & V. *de ingenuis & libertinis, agitur de variis manumittendi ritibus, de libertinorum conditione, variis generibus, insignibus.*

Ad TIT. VI. *qui & quibus ex causis manum. non possunt, agitur de legis Aeliae Sentiae origine, ratione, variis capitibus, & abrogatione.*

Ad

## INDEX TITVLORVM.

Ad TIT. VII. de Lege Fus. Canin. tollenda agitur *de huius legis origine, ratione, materia, abrogatione.*

Ad TIT. VIII. de his, qui sui vel alieni iuris sunt, agitur *de Dominorum potestate & crudelitate in seruos & variis legibus, quibus illa coercita.*

Ad TIT. IX. de patria potestate agitur de antiqua patrum potestate in liberos, veluti de iure vitae & necis, de trina venundatione liberorum, de iudiciis domesticis, de acquaesu per liberos, & quid in his omnibus sensim mutatum sit.

Ad TIT. X. de nuptiis, agitur de variis ritibus nuptiarum, veluti consarreatione, coemptione, usu, eorumque effectibus, ut & de nuptiarum requisitis.

APPENDIX de legitimatione, in spuriorum conditionem, originem legitimationis variaque eius genera inquiri, ubi & de curiae datione.

Ad TIT. XI. de adoptionibus, de variis adoptionis generibus, & ritibus in ea adhibitis differitur.

Ad TIT. XII. quibus modis patr. pot. soluitur, agitur *de ritibus emancipationis eiusque variis speciebus.*

Ad TIT. XIII. XIV, XV XVII-XX. de tutelis testamentaria, legitima, fiduciaria, dativa, partim origo tutelae, partim leges XII. tabularum de tutelis explicantur. Adduntur quaedam de ritibus dandi tutores, ut & de tutela mulierum, cuius historia latius traditur.

Ad TIT. XVI. de capitis deminutione, eius origo ex antiquo censu instituto deducitur, multaue ex  
an-

*antiquitatibus explicantur de iure postliminii, de servitute poenae, de exilio, aquae & ignis interdictione, de portatione, & aliis.*

**Ad TIT. XXI.** *de auctoritate tutorum quid antiquis fuerit auctoritas, quid administratio, & quomodo interponi consueverit auctoritas, docetur.*

**Ad TIT. XXII** *Quibus modis tutela finitur, de ritu explorandi pubertatem, & aliis modis finiendi tutelam agitur.*

**Ad TIT. XXIII.** *de curatoribus, agitur de curatione furiosorum, & prodigorum, de ritu interdicens bonis, de origine curationis minorum, de auctoribus & adiutoribus, aliisque rebus huc pertinentibus.*

**Ad TIT. XXIV.** *de satisdat. tutor. & curat. satisfactionis origo, SC. sub Traiano factum, ipseque ritus satisfaciendi explicantur.*

**Ad TIT. XXV.** *de excusat. tut. vel curatorum multa differuntur ex antiquitatibus de lege Pappia Poppaea & iure liberorum, de liberorum recens natorum professione, de administratione fisci & aerarii, de schola Romana, Cpol. & Berytensi & variis in illa Professoribus, Grammaticis, Rhetoribus, Philosophis, Medicis, Iureconsultis, eorumque immunitatibus.*

**Ad TIT. XXVI.** *de suspect. tutorib. vel curatoribus origo huius criminis ex lege XII. Tab. explicatur.*

**APPENDIX Libri I.** *ea supplet, quae in institutionibus de iure personarum omittuntur. Hinc in illa agitur de iure civitatis & Quiritium, de Latio & latini nominis eorumque iuribus, de Italis, de provinciis, earumque formulis, de municipiis, coloniis, praefecturis, civitatibus foederatis, de peregrinis denique eorumque conditione & iuribus, aliisque.*

LIB.



**AD TIT. I.** *derer. diuif. & adquir. rer. do-  
min. explicatur, quomodo Romani res sacras  
Diis superis; religiosas diis inferis consecrauerint, quo-  
modo sepulcra circumfcripserint limitibus, quomodo mu-  
ros aratro signarint, ac deinde dedicarint? Quae res  
dictae veteribus publicae, communes, vniuersitatis,  
nullius? Quaeenam res Mancipi & nec Mancipi? quo-  
modo facta Mancipatio, in iure cessio, sub corona vendi-  
tio, auctio, traditio, adiudicatio? Quid Dominium  
Quiritarum & Bonitarianum?*

**Ad TIT. II.** *de rebus corporalibus & in-  
corporalibus haec diuifio e principijs Stoicorum ex-  
plicatur.*

**Ad TIT. III.** *de feruitut. rustic. & vrbano-  
praediorum de vtrarumque origine & indole ex an-  
tiquitatibus Romanis differitur.*

**Ad TIT. IV. & V.** *de vfufructu, vlu & ha-  
bitatione eorumque origine agitur.*

**Ad TIT. VI.** *de vfufructibus & longi  
temporis praefcriptionibus origo horum iurium ex  
iure Attico & legibus XII. Tabularum deriuatur, &  
de legibus Atinia, Iulia, Plautia, Scribonia aliisque no-  
uis constitutionibus agitur.*

**Ad TIT. VII.** *de donationibus differitur de  
differentia doni & muneris, de donis Romanorum va-  
rijs, veluti strenis, apophoretis, maneribus natalitijs,  
lustricis, nuptialibus, xenijs, &c. Eadem occasione de le-  
ge Cincia & alijs iuribus eorumque origine agitur.*

**Ad TIT. IIX.** *Quibus alienare licet vel non  
licet, tota materia de dotium origine & iure, vt & de  
ritibus dotem dicendi, dandi promittentiae tracta-  
tur.*

*tar. Agitur item de alienatione pignoris & rerum pupillarium.*

Ad TIT. IX. Per quas personas cuique acquiritur, praecipue de adhaesione per liberos horumque peculio, ut & per seruos, matres familias, personasue liberas agitur.

Ad TIT. X. XI. XII. XIII. De testamentis ordinandis, de testam. militar. & qui testari non possunt, ostenduntur prima rei testamentariae initia, additurque, quomodo testamenta in comitiis calatis, in procinctu, per aes & libram, ut & praetoria facta scriptaque sint. Agitur etiam de testamentis militariibus, de testamentis feminarum, de exheredatione liberorum vetere & noua, ut & abdicatione eorum &c.

Ad TIT. XIV. de heredibus instituendis de iis praecipue agitur, qui heredes institui hant potuerint, quales erant peregrini, caelibes, orbi, vniuersitates, in quibus tamen non comprehenduntur municipia. An & quinam Dii potuerint heredes institui? Qualis as hereditarius, & quomodo computandus?

Ad TIT. XV. XVI. de vulgari & pupillari substitutione in vtriusque originem inquiritur, simulque eius formula & modus ostenduntur.

Ad TIT. XVII. XVIII. XIX. quibus modis testam. infirmantur, de querela inofficiosi test. ut & de hered. qualitate & different. explicatur, quatenam testamenta fuerint nulla vel iniusta, infirmata, rupta, irrita rescissa: quae fuerit origo quaelae inofficiosi eiusque natura? quae origo portionis legitimae? Quinam heredes dicti necessarii, sui & necessarii, extranei? Quibus ritibus creta & adita hereditas? Quid pro herede gestio? Quid immixtio & agnitio?

Ad


Ad XX. XXII. de legatis eorumque ademptione & translatione, vt & lege Falcidia ostenditur, quotuplicia legata fuerint, quomodo legatum sit per vindicationem, damnationem, sinendi modo, per praeceptionem? Quatenam fuerit horum legatorum differentia? Quid legatum partis hereditatis? Considerantur porro leges Furia testamentaria. Voconia, Falcidia earumque origo & materia expenditur.

Ad TIT. XXIII. XXV. de fideicommissis vniuersalibus & singularibus & de codicillis, fideicommissorum origo formulae, natura ostenditur: adduntur nonnulla de SC. Trebelliano, Pegasiano, Aproniano, de codicillorum nomine, natura, origine, & quae huc pertinent, aliis.



ANTI-





# ANTIQUITATES ROMANAE

## IVRISPRVDENTIAM ILLVSTRANTES.

### PROOEMIUM.



Vum Iustinianus Imperator in Institutionum prooemio potissimum collectionis suae texat historiam : facturi videbimur operae pretium, si & nos illius exemplo iuris Romani collectiones,

tum ante Iustinianum, tum postea confectas, veluti per indicem recensuerimus.

I, Urbem Romam principio Reges habuere, qui manu initio omnia regere, post ea vero & leges quasdam curiatas ad populum ferre coeperunt. Tacit. *Annal.* III, 26. L. 2. §. 1. D. *de orig. iur.* Has leges regias, maxime sacras

I. Legum  
regiarum  
collectio,  
seu ius  
Papirianum.

primus collegit C.(a) Papisius, non multo post exactos Reges Pontifex Maximus, vt patet ex Dionys. Halicarn. *Antiq. Rom.* I I I. p. 178. ex quo etiam discimus, C. Papisium illum leges Numae, dudum abolitas, in lucem reuocasse. Et haec quidem collectio IVS CIVILE PAPISIANVM (b) vocatur a Pomponio L. 2. §. 2. *D. de orig. iur.* de eoque tempore Caesaris, (vt eleganter obseruauit V. C. Car. Andr. Duker. *de Latinit. et, Ictur.* p. 156.) librum integrum composuit Granius Flaccus, laudatum in L. 144. *D. de verb. signif.*

II. Eius interitus & restitutio.

II. Dudum vero, praeter paucissima fragmenta (c) Papiriana illa collectio periit. Et hinc post renatas litteras de colligendis legibus regis cogitarunt Ioannes Guil. Forsterus in *historia*

(a) Pomponius L. 2. §. 2. *et* 36. *D. de O. I.* modo *Sextum* modo *Publium* vocat: Dionysius vero Halicarnasseus, cui plurimum ea in re credendum, *Caium* adpellat. Quum autem Cuiacius obseruat, in codicibus MSC. Igi VI. pro *Sextum*: non dubito, quin ex nota numerali Sexti praenomen sibi finxerint scribae. significare vero videtur numerus iste Papisium quem Dionysius Halicarnasseus praecipue sacras Numae leges collegisse refert, sexto demum libro reliquas leges regias veluti adpendicem adiecisse: Vnde ita forsan legenda verba Pomponii: *Quae omnes conscriptae exstant in libro sexto C. Papisii.* Conf. Bynkersh. *Praetermissa ad L. 2. D. de O. I.* p. 17.

(b) *Papisii* olim dicti, qui postea *Papirii*, Cicero *Epist. ad famil.* IX. 21. Primus Appius Claudius siue Coecus, siue Centummanus, siue Crassus circa annum V. C. cccv. litteram R. reperit, ex eoque tempore dici coepit, *Papirius*, *Furius*, *Valerius* pro *Papilio*, *Fusio*, *Valerio*, L. 2. §. 36. *D. de orig. iur.* & ibi Bynkershoeck in *Praetermissis* Petr. Faber *Semestr. I.* 11. p. 52. (c)

*Historia iuris Romani, Lib. I. Cap. VI.* Fulvius Vrsinus Ant. Augustinus & Iustus Lipsius *de legibus regis & decemviralibus*. Pandulphus Prateus *in iurisprudencia vetere Draconis & Solonis cum Romano iure legum regiarum & decemviralium collata*. Lugd. MDLIX. 8. Franc. Modius, Steph. Vin. Pighius, Ant. Syluius, &, qui reliquis omnibus palmam praecepit Paulus Merula *de legibus Romanorum, Capite II. & sequentibus*. Romuli leges singulari opusculo collegit exposuitque Franc. Balduinus. (d)

III. Leges  
XII. Tabul.  
III. Eiectis Regibus, leges quoque eorundem exoleuisse, (e) & ius maxime incertum esse coepisse,

(e) Fragmentum bene longum e iure Papiriano exstat apud Macrobi. *saturn. III. 11.* Quamvis quum illud non tam legum, quam commentarii faciem praeferebat, magis Gratio Flacco, quam Papirio videatur tribuendum. Forfan etiam huc pertinet L. 2. D. *de morte infer.*

(d) Sequutus est Balduinus tabulam Capitolinam, cuius apographum a Io. Barth. Marliano acceperat. Sed eam genuinam, certe antiquam haud esse, vel primo intuitu adparet. Vid. Eric. Mauriti. *Dissert. de libris iur. comm. p. 92.* Ge. Schubart. *de Fat. iurisprud. Rom. Exerc. I. 38. p. 64.*

(e) Leges omnes regias semel simulque lege tribunicia abrogatas esse, vulgo colligunt ex L. 2. §. 8. D. *de orig. iur. Exactis regibus lege tribunicia, omnes leges hae exoleuerunt.* Ex hoc enim loco palam esse putant, lege quadam, vel a Iunio Bruto, Tribuno adhuc Celerum, lata, vel tributim a populo scita, leges regias omnes fuisse proscriptas. Vid. Ge. Eberlin. *de orig. iur. IV. 11. p. 22.* Ge. Schubart. *de fat. iurisprud. Rom. Exerc. II. 4. 11x.* Sed sane leges lege non exoleunt, sed abrogantur: neque Pomponius ait, leges regias lege illa tribunicia exoleuisse, sed reges ipsos proscriptos esse lege



pisse, nouimus ex *L. 2. §. 5. D. de orig. iur.* Post diuturnas patriciorum plebisque simultates, an. Urb. cond. CCC I. tres legati in Graeciam missi sunt, qui variarum civitatum leges describerent. Postea decemviri, legum ferendarum causa creati, e moribus antiquis, (f) & iure, quod legati attulerant peregrino, & praecipue Attico, (g) decem initio, ac paulo post duodecim tabulas

lege Tribunicia. Rittershus. *ad Leg. XII. Tab. p. 9.* Bynkersh. *ibid. p. 10.* Tribunicia vero illa lex non alia est, quam Iunia *de imperio consulari*, quippe quam Brutus, adhuc Tribunus Celerum, ad populum tulit. Exoleuerunt vero regiae leges defuetudine, & quidem omnes. Nam si quae in usu manserunt, eae non tanquam leges regiae, sed tanquam mores patrii, postliminio in usum revocati, observabantur, vt discimus ex Dionys. Halic. *Antiq. Rom. X. p. 627.*

(f) Multas leges veteres in XII. Tabulas migrasse, prolixè demonstrant. Jac. Cuiac. *Observat. III. 40.* Guil. Maran. *ad L. 2. D. de orig. iur. p. 107. 120.* Et satis id constat exemplo patriae potestatis, de qua legem Romuli in quarta tabula exstitisse, testatur Dionys. Halic. *Ant. Rom. II. p. 97.* qui etiam *Libro X. p. 681.* observat, XII. Tabulas ἐκ τε τῶν ἐλληνικῶν νόμων, καὶ παρὰ τῶν σφισιν αὐτοῖς ἀγράφων ἐθισμῶν, tum ex Graecorum legibus, tum ex suis moribus non scriptis, esse compilatas. Sed & Liuius VI. 1. post incensam a Gallis urbem etiam leges regias cum XII. Tabulis conquisitas fuisse refert. Plura non addo de re certissima.

(g) Solonis leges adeo primas tulerunt, vt eas solas commemorent auctores quamplurimi. At Liui. III. 31. legatos illos iussos esse ait, inclitas leges Solonis describere & aliarum Graeciae ciuitatum instituta, mores, iuraque noscere. Et Gell. *Noct. Attic. XX. 1.* duodecim tabulas inquisitis exploratisque multarum urbium legibus, eleganti atque absoluta breuitate verborum scriptas

las compilarunt, quas deinde populus in comitiis centuriatis probavit. Liu. *Hist.* III. 31. 34. 37. 57. Dionys. Halicarn. *Antiq. Rom.* X. p. 676. Et hae sunt illae tabulae, quas omnibus omnium philosophorum bibliothecis anteponendas putabat Crassus. apud Ciceron. *de Orat.* I. 44. Hae sunt illae tabulae, *fons universi publici priuatique iuris.* Liu. III, 34. Naevis tamen eas non caruisse, ostendere conati sunt Phauorinus philosophus apud Gell. *Noct. Att.* XX. 1. & Thomas. *de naevis iurisprud. Rom. Anteiustin.* I. 2. & *Dissertat. annexa* p. 158. seq.

IV. Quamvis vero hae leges decemvirales I V. Earum tabulis aeneis (b) inscriberentur a Romanis, interitus & restau-  
Dionys. ratio.

scriptas testatur. Tacitus denique *Annal.* III. 27. a decemviris *quae usquam egregia*, accita esse docet. De Lacedaemonum legibus vulgo hoc negant, ob testimonium Augustini *de Civit. Dei* II. 16. Sed illi opponi possent Symmachus *Epist.* III. 11. Ammian. Marcellin. *Hist.* X VI. 5. Athenaeus *Deipnos.* VI. p. 273. Fortasse tutelam agnatorum legitimam Laconum moribus debent Romani. Sane enim Sparta eam tutelam visitam fuisse patet ex Herodot. I. 65. Nec dubitandum, quin ex Charondae quoque legibus nonnulla adoptarint decemviri, inprimis legem de supplicio falsi testis, seu ex Arist. *Polit.* II, 10. docet Rittershusius. Ab Aequis Faliscis quoque decemviros iura fecialia & nonnulla XII. Tabularum supplementa accepisse, docet Servius ad Virgil. *Aen.* VII. v. 695. Sed errasse Servium palam est ex Liu. I. 32. ubi iura fecialia iam Ancum Marcium, defuncta a Faliscis, Romanis tradidisse, legimus.

(b) Pomponius L. 2. §. 4 D. *de orig. iur.* meminit tabularum *eborearum*, vel, ut alii legere malunt, *roborearum*.

Dionys. Halicarn. *Ant. Rom.* X. p. 681. & loco vrbis celeberrimo, id est, pro rostris, adfigerentur in perpetuam rei memoriam: (Liu. III, 57. Diodor. Sicul. *Biblioth.* XII, 26.) anno tamen V. C. CCCL XVIII. Gallico incendio vna cum ipsa vrbe perierunt, restitutae paullatim, conquisitis vndique fragmentis & apographis. Liu. VI, 1. Postea vt eo minus esset eas amittendi periculum, non solum aeri incidebantur, in quo Cypriani adhuc aetate publice exstabant, vid. Cyprian. *Epist.* II. 2. verum etiam pueris ipsis ab incunabulis ediscendae proponebantur. (i) Cicero *de legib.* II, 4. & 21. Verumtamen sic quidem aetatem tulit nobilissimum illud legum decemviralium corpus, quod iam inde a saeculo V I. periisse, non sine ratione existimamus. (k).

## V. Post

rum, quod sane conuenientius videtur priscoe Romanorum paupertati. Sed forsan hae leges in tabulis roboreis primum promulgatae, ac dein, vbi populus eas iure sciuerat, vel eboreis vel aeneis demum inscriptae sunt. Sane Anci Marci adhuc temporibus leges inscribi consueverunt tabulis quernis, additque Dionysius Halicarn. *Lib.* III. p. 108. χαλκέαι γὰρ ἦσαν ἔτι πότε ἦσαν. Nondum enim tum erant columnae aereae Ge. Schubart. *de Fat. Iurispr. Rom. Exerc.* II, 35.

- (i) Pueris ediscendae erant hae tabulae, isque mos tamdiu durauit, donec lege Cornelia Praetores ex edictis perpetuis ius dicere iuberentur. Ex eo enim tempore iuris studia non a legibus XII. tabularum, sed a Praetoris edicto auspicabantur adolescentes, ceterum ex Cicero *de Legib.* I, 6. erudite ostendit V. C. Jac. Perizonius *Diff. de Lege Vocon.* p. 193.

- (k) Rittershusius *ad XII. Tab.* p. 13. tabulas has periisse putat sub irruptionem Gothorum. Ast saeculo adhuc Iustiniani



V. Post renatas litteras, collectis vndique fragmentis, restituere eas tentarunt Aymarus Riuallius, Io. Oldendorpius, Io. Guiliel. Forsterus, Ant. Augustinus, Fulu. Vrsinus, Franc. Balduinus, Ant. Contius, Franc. Hotomanus, Iac. Ræuardus, Cael. Calcagninus, Io. Crispinus, Steph. Vin. Pighius, Theod. Marcilius, Fr. Pithoeus. Dionys. Gothofredus, Iustus Lipsius, Paulus Merula, Conr. Rittershusius, Ludou. Charondas, Basinstochius, Pandulph. Prateius, Hadr. Turnebus, Iul. Pacius, Car. Sigonius, Ant. Clarus Syluius, Ricardus Vitus, Ian. Vincentius Graulina, &, qui reliquis omnibus videtur præferendus, Iac. Gothofredus, cuius absolutissima collectio exstat in *quatuor fontibus iur. civilis*, qui prodierunt *Genevæ M D C L I I I. 4.*

V. Collectiones  
XII. Tabularum  
recentiores.

VI. Ex interpretatione XII. Tabularum *legis actiones* natae sunt, id est, certi exercendi iuris ritus, certaeque verborum conceptiones & formulae, quibus neglectis susceptum quodvis civile negotium irritum habebatur. Quamvis enim actus legitimi nonnunquam in sensu latiore acciperentur pro omnibus actionibus, quae coram magistratu fierent, adeo, ut & lictores *lege agere* dicerentur: Schulting *Iurisp. antej. p. 85. 602. sequ.* strictius tamen hic vocem accipimus partim pro formulis actionum, partim pro actibus voluntariae iurisdictionis, sollemniter explicandis, partim pro actibus sollemniter,  
non

VI. Legis  
actiones  
earumque  
formulae  
& facti.

Iustiniani exstiterunt Commentarii Caji, quibus integrum XII. tabularum textum insertum fuisse, ex fragmentis patet, quae in digestis passim exstant.

non tamen in iure peragendis. Hinc *actiones legis* sunt manumissio, emancipatio, in iure cessio, adoptio, & similes; *actus legitimi*, tutoris datio, mancipatio, hereditatis aditio & repudiatio, alique plures. Horum omnium proprium erat, I, ut vel in iure vel certe sollemniter, (l) fierent. II, ut nec diem nec conditionem admitterent. III, Ut vno actu fierent, & iterari nequirent IV, ut per procuratorem explicari non possent. Ian. Vinc. Graulina de XII. Tab. LXXX. p. 442. Briffon. *Antiq. Rom.* III, 20. p. 76. Petr. Faber. *Semestr. II* 23. 24. & ad L. 77. D. de reg. iur. p. 344. seq. Iac. Raeward. de *Auctorit. prudent. II* p. 952. seq. Accedebant Fasti, seu consignationes dierum fastorum, nefastorum, intercisorum, quibus lege agere vel licebat, vel non, vel ex parte tantum licebat. Harum rerum omnium notitia initio penes solos patricos, & pontifices potissimum erat, qui tamquam oracula adibantur a populo: neque e re sua hi esse putabant, eas formulas & fastos euulgari. Cicero de *Orat.* I, 41. & pro *Muraena* XI. Quinctilian. *Inst. Orat.* III, 8. Pomponius L. 2. §. 6. D. de orig. iur.

VII. Collectio earum in iure Flauiano.

VII. Egregiam ergo plebi operam nauabat CN. FLAVIVS, qui arcanas istas formulas & fastos pontificios, (m) ab Appio Claudio (n) in

(l) Omnes actiones legitimas & actus legitimos in iure factos putat Graulina, l. c. sed id falsum de hereditatis additione, repudiatione, aliisque actibus legitimis, qui & extra ius recte expediebantur. Sollemniter tamen omnes fieri debebant.

(m) Solos fastos a Flavio cum plebe communicatos dicit Cicero pro *Muraena* XII, sed formulas addunt reli-

(n) in librum collectos anno circiterCCCCXL. primus euulgauit. Vnde natum IVS FLAVIANVM, de quo Pompon. L. 2. §. 7. D. de orig. iur. Cicero de Orat. I, 41. pro Mur. XI. & ad Attic. Epist. V l. 1. Liu. IX, 46. Plin. Hist. Nat. XXXIII. 1. Gell. Noct. Att. VI. 9. Valer. Max. II, 5, 2. Addunt Pomponius, & Plinius, Flauium eo beneficio aedilitatem a plebe meruisse: sed constat ex Valerio Maximo, eum iam tum, quum ista patriciorum arcana euulgaret, aedilem fuisse, & deinde praetorem factum, idque vel inde colligas, quod ipse Pomponius factos illos *populo traditos*, id est uti ego ex Liuio, IX, 46. interpretor, in albo (o) *propositos*, refert.

VIII. Quanto gratius hoc plebi fuit officium: tanto minus illud placuit patriciis, qui  
 nouas subinde excogitarunt formulas, easque  
 ne in vulgus manarent, occultioribus quibusdam  
 notis consignarunt. Eas vero denuo  
 euulgauit Sext. Aelius Q. F. P. N. Paetus Catus, (p) anno circiter V. C. D LIII. unde enatum  
 IVS AELIANVM. L. 2. §. 7. D. de orig. iur.  
 Cic. VIII. Et  
 ius Aelianum.

reliqui auctores, vt puta, Valerius Maximus, Liuus, Gellius, Plinius, & ipse Cicero *Epist. ad Attic. VI. 1.* An facti sint iidem cum illis apud Gruterum *Inscr. p. CXXXIII.* nondum liquet.

(n) Non decemuiro illo, ceu existimat Guido Panciroll. *Var. Lect. I l. 2.* sed Appio Claudio Caeco, cuius scriba fuerat Flauius. Plin. *Hist. Nat. XXXIII. 1.* Cicero de *Orat. I, 41.* Conf. Bynkersh. in *Praeterm. p. 46.*

(o) In albis aliquid proponere, non priuatorum erat sed Praetorum atque Aedilium.

(p) Sextum hunc Aelium ob iurisprudentiam mirifice collaudant Cicero in *Bruto XX. & de legib. II, 23.* Plin.



Cic. *pro Muraen.* XI. An hoc ius Aelianum idem sit cum S. Aelii Tripartitis nondum expeditum est. Negant Bertrand. *de Iurispr.* II, 4. p. 171. Guil. Grot. *Vit. Iureconf.* I, 3. p. 17. Mihi tamen ea de re dubitandum vix videtur ob L. 2. §. 38. *D. de orig. iur.* ex qua patet, in Tripartitis illis præter XII tabulas earumque interpretationem, legis etiam actiones occurrisse. Vid. Beyerii *Posit. ad tit. D. de orig. iur. p. m.* 10.

IX. Vtriusque interitus & restauratio.

IX. Vtramque collectionem fata nobis induiderunt. Formulas tamen actionum antiquas stupenda plane industria collegit Barn. Briffon. libro *de formulis & sollempnibus populi Romani verbis*, edito *Francos. M D X C II.* 4. quibus tamen non has tantum, sed & alias, sacras, militares, forenses familiaresque formulas complexus est. Fastorum exemplum non vnum exstat in antiquis marmoribus, ex quibus quaedam aeterno inscriptionum operi inseruit Gruter. *p. C X X X I I I*, & cum Petri Ciacconii aliorumque explanationibus recudenda curavit Jo. Ge. Graevius *Thesaur. Antiq. Rom. Tom. VII I.* Veterum denique notarum iuridicarum specimina post Valerium Probum, Petrum Diacorum & Mangonem dedit Jo. Nicolai in libro *de Siglis veterum*, qui prodiit *Lugd. Batav. M D C C V I*, 4. X. Ab

*Hist. Nat. XXXIII, 11*, & Ennius apud Cicer. *de Orat.* I, 46. cui vocatur.

*Egregie cordatus homo, Catus Aeliu'*

*Sextus.*

Conf. L. 1. pr. C. *de comm. seru. manum.* De gente Aelia egregie differit Henr. Noris. *Genotaph. Pisan. Dissert. III, 9. p. 419.*

(2)

X. Ab iis temporibus multae subinde latae sunt leges, multa quoque plebiscita, multa edicta praetorum atque aedilium prodierunt, quibus accesserunt responsa prudentum, & sub Imperatoribus senatus consulta, Edicta perpetua & Imperatorum rescripta, adeo, ut in magnum *aliarum super alias cumularum legum cumulum* excresceret Romana iurisprudentia. Liu. III, 34. Romanarum legum Senatusque consultorum historiam plures dederunt, in quibus eminent Paulus Manutius, Anton. Augustinus, Paulus Merula, Franc. Hotomanus, Janus Vincent. Grauius: sed hi omnes tamen in tanta messe haut leue aliis reliquerunt spicilegium.

XI. In hac legum Romanarum farragine haut pauci de universali quadam iuris Romani collectione cogitare coeperunt. Agitauerat hoc consilium Cicero, (q) cuius integrum ea de re librum allegat. A. Gellius *Noct. Attic.* I, 22. Quinctilian. *Inst. Orat.* XII, 3. Ipse quoque luculentam illius operis *συναγγραφήν* sub Crassi persona dederat libro *de Oratore* I, 42. Sed in spongiam incubuit hic Ciceronis Ajax.

XI. De Vniuersali iuris Rom. collectione cogitat Cicero.

## XII.

(q) Ciceronem non fuisse in Romana iurisprudentia hospitem, vel scripta illius demonstrant. Q. Scaeuolae se operam dedisse, testatur ipse in Bruto: & in orat. pro Muraena Cap. XIII. minatur, se, si sibi homini occupato stomachum mouerint, triduo iureconsultum professurum. Vnde & inter iureconsultos Ciceroni locum dedit Guil. Grot. *Vit. Iureconsult.* I, 9, p. 61. Sed an magnus in hac arte fuerit, adhuc sub iudice lis est. Vid. Schulting. *Orat. de jurispr. Ciceronis* & Bynkersh. *Praetern.* ad L. 2. §. 38. D. de O. I. p. 85. seq.

(r)

XII. Vt &  
Iul. Caesar  
& Cn.  
Pompeius  
& Constan-  
tinus M.

XII. Idem labor, teste Suetonio *Iul. XLIV*,  
Iulium Cæsarem; idem & jam antea Cn. Pom-  
peium exercuit, si vera refert Isidorus Hisp.  
*Orig. V*, 1. &, qui hunc exscripsit, Gratianus *can. 2.*  
*distinct. 7.* Ita enim ibi Isidorus: *Leges autem*  
*redigere in libros primus consul Pompeius instituere vo-*  
*luit, sed non perseveravit, obtreñtatorum metu.* Deinde  
Caesar coepit id facere, sed ante interfectus est. Sunt  
etiam, qui Constantinum M. de ejusmodi cor-  
pore juris compilando cogitasse ferunt. Beyer.  
*Posit. ad Digest. I, 1. 146.* Sed nescio quo autore.  
Id certius, horum omnium consilia fuisse irrita.  
In primis dolendum, Caesari, huic operi quam  
maxime pari, per fata non licuisse tam praecla-  
re de Romana iurisprudencia mereri. Huber.  
*Auspic. domest. V*, p. 177.

XIII. E-  
dicta Prae-  
torum pri-  
mum col-  
lecta ab  
Ofilio.

XIII. Edicta praetorum, Augusto imperan-  
te, diligenter colligere interpretarique coepe-  
rat C. Aulus Ofilius Iureconsultus. (r) *L. 2. §. 44.*  
*D. de orig. iur. L. 1. §. 2. D. ne quis eum qui in ius vo-*  
*cabitur.* Sed priuatim susceptum fuerat hoc  
opus, neque adeo publicam umquam auctori-  
tatem videtur obtinuisse. Menag. *Amoenit. Iur.*  
*447. & p. 98.* Vnde eo facilius periit, postquam  
edictum Iuliani eius luminibus offecit.

#### XIV.

(r) Iam ante C. Ofilium ad Edictum quædam commen-  
tari coeperat Ser. Sulpicius, quæ Bruto dedicauit.  
*L. 2. §. 44. D. de orig. iur.* ex quo Sulpicii commenta-  
rio fragmentum exstat. *L. 5. §. 1. D. de institor. actione.*  
sed breuissimum hoc opus fuisse obseruat Pompo-  
nius.



XIV. Postea, Hadriano imperante, edicta praetorum in vnum codicem coaluere, vel ex multis potius edictum unum, quod perpetuum vocabatur, concinnatum est circa annum, vti Ant. Pagi in *diff. Hypat. P. II. p. 209.* computat, cxxx. Eutrop. *Epit. Hist. Rom. VII, 9. L. 1. §. 18. C. de vet. iure enucl. L. 10. C. de condict. indebiti.* Auctor operis non Didius Iulianus, Imperator, ceu ex loco quodam Aurelii Victoris male intellecto coniecerat Hugo Grot. *Florum spars. p. 641.* sed Saluius Iulianus, Didii proauus, teste Spartiano *vit. Iulian. I. gente Africanus, Adrumeti natus, vti est apud Grut. Inscript. pag. CCCCLVIIII.* de quo jureconsulto praeter Bertrandum & Guil. Grotium legi merentur Aegid. Menag. *Amoenit. iur. XXIV.* & Henr. Dodvvell. *Praelect. Cambden. VIII, p. 333.* Quamuis vero mirifice Iulianum collaudent veteres, adeo, vt eum vocent *virum sapientissimum, Nov. LXXIV. maximae existimationis virum, & disertissimum iurisperitum, L. 5. C. de bonis quae lib. iuris sublimissimum testem, summae auctoritatis hominem, & praetorii edicti ordinatorem, L. 10. C. de condict. indeb. summum auctorem iuris scientiae, L. 15. C. de usufr. & habit. & quae alia passim sunt eius elogia: non tamen naevis caruisse aiunt hoc edictum. Quaedam enim addidit de suo, quae praetor nunquam edixerat *L. 3. D. de coni. cum emanc. lib.* Quaedam detraxit, veluti illa quae de iure iurando Vestalibus & Flamini Diali remittendo edixerat praetor. Gell. *Noct. Attic. X, 15.* Quaedam correxit pro lubitu *L. 1. §. 1. D. commod.**

XIV. Edictum perpetuum Saluii Iuliani.

*commod. L. 1. D. quod met. causa.* Vid. Io. Bertrand. *de Iurisperit. I. 1. p. 31.* Guil. Grot. *de Vit. Iureconf. II. 6. p. 127.* Iac. Gothofred. *Manual. Iur. III. p. 14. 15.* Nihilominus tamen facile eum excusat Hadriani Imp. auctoritas. Huius enim auspiciis scripsit. Et laudi sibi duxisse Hadrianum, si nova iura condidisse diceretur, quin ideo alterum Numam videri voluisse, ex Aurelio Victore Schotti praeclare obseruauit Henr. Dodvvell. *Praelect. Cambden. VII. p. 294.* Ceterum tantam hic Iuliani labor auctoritatem in foro obtinuit, ut Diocletianus & Maximianus Imp. illud IVS PERPETVVM adpellare non dubitent, in *L. 5. C. de adpellat.* Vnde non mirum, quod ex eo tempore Furius Anthianus, Pomponius, Callistratus, Paulus, Vlpianus alique clarissimi iureconfulti, certatim ad Edictum perpetuum commentati sint.

XV. Edictum provinciale.

XV. Eodem exemplo etiam Edictum provinciale nescio (s) quis concinnauit, quod tamen ab edicto perpetuo praetoris parum discrepasse videtur. Caii sane fragmenta ex commentariis ad Edictum provinciale tantum non in omnibus fragmentis aliorum ex libris ad edictum praetoris respondent: adeo ut Gothofredus in ordinando edicto perpetuo etiam Caii fragmentis uti non dubitarit. Ceterum hanc  
vtri-

(s) Eidem Hadriano hoc edictum provinciale tribuit Henr. Dodvvell. ad Spartian, *Had. 2. p. 395.* Sed dubium hoc est. Verosimilius, quod sub Marco in lucem prodierit. Vid. Ez. Spanh. *Orb. Rom. II. 12. p. 97.*

vtriusque edicti similitudinem nemo mirabitur; qui nouerit, iam olim proconsules urbana edicta in iure dicundo plerumque esse sequutos. Cicero *Verrin. I, 46.* & *ad Attic. Epist. VI, 1.* Conf. Ezech. Spanhem. *Orb. Rom. Exerc. II, 12.*

p. 97.

XVI. Perit vtrumque edictum, magno iurisprudentiae incommodo. Fragmenta tamen, hinc inde in Digestis reliqua, tamquam fractas e naufragio tabulas collegerunt Eguinarius Baro in libris *Manualium*, (t) Guil. Ranchinus, cuius labor ad edictum prodiit Paris. MDXCVII. 8. recusus in Jo. Herm. Schminckii *Syntagm. Critico. Marp. clō lō ccxvii, 4.* & qui in digerendo ordinandoque potius, quam concinnando edicto, omnium superauit industriam, Iac. Gothofredus, cuius *Series librorum edicti perpetui* inter quatuor fontes iuris civilis exstat.

XVI. Restitutio edicti perpetui.

XVII. Ex quo Imperatores non amplius senatus consultis, sed epistolis, noua iura condere coeperant: intra ducentos annos in tantum cumulum etiam haec excreuere Principum rescripta, vt etiam de iis in codices (u) colligantur.

XVII. Codices in quibus collectae constitutiones principum.

(t) Parum honorifice de hac Eguinarii collectione sentit. Iac. Gothofr. in *Biblioth. iuris. l. p. 46.* vbi observat, auctorem saepe data opera fingere edicta, quae numquam fuerint, multaue eo referre, quae ex iureconsultorum placitis, moribus antiquis, nouisque principum institutis descendant.

(u) Codices quum semper vocentur huiusmodi Rescriptorum principalium collectiones: obseruandum, codices olim a voluminibus distinctos, atque ita appellatos



colligendis cogitarint Gregorius & Hermogenes, seu, vt aliis vocantur, Gregorianus & Hermogenianus, quorum codices, priuata auctortate concinnati, etiam a Iustiniano celebrantur. *Const. summa reip. §. 1. de Iustin. cod. confirm.*

XVIII.  
Codex  
Gregorianus.

XVIII. Ad Gregorianum codicem quod attinet, eum recentiorem Hermogeniano credit Guido Panciroll. *de claris legum Interpret. I, 65. 66.* qui & auctorem esse suspicatur Gregorium, sub Valente & Gratiano praefectum anno-nae, Africaeque procos. cuius mentio fit *L. 15, C. Theod. de pistorib.* At Gregorio alii hunc codicem tribuit Gothofredus *Proleg. Cod. Theod. I, p. 183.* qui sub Constantino M. fuerit Praefectus praetorio, cuiusque mentio fit. *L. 3. C. Theod. de annon. & L. 2. C. Theod. de contrah. emt.* vt & in *L. 1. C. de natural. lib.* Neutrum adeo certum atque expeditum videtur. Augustinus sane *ad Pollent. II, 8.* auctorem non Gregorium vocat, sed Gregorianum: eodemque modo eundem laudat Auctor *collationis legum Mosaicarum & Romanarum I. 8. 9. & 10. VI, 4. 5.* Continuisse vero hic codex videtur constitutiones ab Hadriano vsque ad Diocletianum & Maximianum. (x)

XIX.

pellatos libros quadrata vel quandrangula forma. (nam & triangularis formae mentio fit apud Dionys. Perieget. p. 36.) quamuis alias vulgari vsu omnes libri vocentur codices. *L. 52. D. de Legat. 3. Salmaf. de mod. Vsur. X. p. 413. Schulting. ad Paul p. 377.*

(x) In fragmentis sane codicis Gregoriani, quae etiam  
mnum

XIX. Nec certior auctor est codicis Hermogeniani. Eugenio Hermogeniano, qui teste Baronio, sub Diocletiano, Praefectus praetorio fuit, atque ad senatum retulit de persecutione Christianorum, hanc compilationem tribuit Pancirollus *de clar. leg. Interpret. I*, 65. Alii Hermogenianum iureconsultum auctorem fuisse coniiciunt, quem sub Constantino M eiusque liberis floruisse, erudite demonstrat Aeg. Menag. *Amoen. Iur. XI. Conf. Iac. Gothofred. Prolegom. Cod. Theod. I, p. 183. seq. Reines. Epist. ad Rupert. LXIX. p. 640.* Constitutiones vero principum, quorum Gregorianus rationem habuerat, in Hermogeniano etiam codice fuisse recte existimat Iac. Gothofredus, sed ita, ut in nonnullis inter se dissenserint. Quamvis vero de dissensu eorum res certa sit, neque dubitare nos ea de re patiat Auctor *Collationis legum Mosaeicarum & Rom. VI, 5.* qui vnam eandemque Diocletiani & Maximiani Constitutionem in utroque codice, *ast aliis tamen diebus & consulibus* lectam, testatur: nihil tamen est, quo certo demonstres, Hermogenianum etiam ab Hadriani temporibus auspiciatum fuisse. In fragmentis sane illius non nisi Diocletiani & Maximiani Constitutiones occurrunt, si a tribus

XIX. Codex Hermogenianus.

num exstant, legimus constitutiones Antonini Caracallae & Seueri, Alexandri, Gordiani, Philipporum, Valeriani & Gallieni, Cari & Numeriani, immo & Diocletiani & Maximiani. Ex quo patet, errare virum summum, Iac. Cuiacium, dum in *princ. paratitl. Codicis* Gregorianum codicem in Valeriani & Gallieni Constitutionibus desuisse existimat.

bus primis discefferis, quae Aurelio (y) nescio cui tribuntur. Sed quum hanc inscriptionem sinceram haut esse vel primo intuitu pateat, nec ratio vlla adpareat, cur post Gregorianum actum agere voluerit Hermogenianus : non praeter rem suspicari mihi videor, Codicem Hermogenianum non nisi supplementum Gregoriani fuisse, adeoque praeter ea quae Gregorius omiserat, superiorum principum rescripta Diocletiani solum & Maximiani, vt & eius successorum Constitutiones completum esse, vsque ad annum Christi CCCXII. (z)

XX

(y) Nemo veterum Imperatorum solo Aurelii nomine dictus est. Vnde adparet Inscriptionem harum constitutionum minus esse sinceram. Sed certum est, has quoque constitutiones aut Diocletiani aut Maximiani esse. Nam prior C. AVRELIVS VALERIVS DIOCLETIANVS vocatur in marmoribus apud Gruterum *Inscript. p. CCLXXIX. & MLXXIX.* Posterior vero M. AVRELIVS VALERIVS MAXIMIANVS dicitur non solum in nummis, sed & inscriptionibus apud Gruter. *p. CLIX. & CCLXXIX.* Accedit, quod haec constitutionum fragmenta in subscriptione habeant Sirmium, ex qua Pannoniae vrbe quam plurimas horum Imperatorum Constitutiones emanasse patet ex L. 19 L. 24. L. 25. C. de trans. et aliisque plurimis. Vid. Schulting. *Iurispr. Anteiust. p. 709.*

(z) In Codice Iustiniano constitutiones quaedam occurrunt, post Diocletianum scriptae, & anteriores tamen epocha Codicis Theodosiani, qualis est L. ult. C. de tutor. & curat. qui satis non ded. edita anno CCCVI. & L. 1. C. de feriis priore illa paullulum antiquior. Hae, quum ex Codice Theodosiano desumptae non sint, procul dubio ex alterutro horum codicum

XX. Vterque collector profano deorum cultui addictus fuisse videtur Gothofredo. De Hermogeniano sane jureconsulto contra Io. Bertrandum id demonstrarunt Aegid. Menag. *Amoenit. Iur. civ. XI.* & Guil. Grot. *Vit. Iureconf. vet. II, 12. p. 173.* Nec a veritate abluere videtur sententia Gothofredi, qui hos Auctores ideo tantam operam in colligendis vetustiorum Principum epistolis posuisse existimat, ut veteris iurisprudentiae antecostantinianæ, quæ tum Constantini M. & successorum constitutionibus quotidie evertebatur, faciem posteritati contemplandam sisterent.

XXI. Perit vterque codex, præter fragmenta, quæ initio Jac. Sichardus edidit cum *Codice Theodosiano Basileæ MDXXVIII. fol.* deinde Petrus Gregorius Tholosanus *Lugduni MDLXVI* & Iacobus Cuiacius *Colon. Allobr. MDLXXXVI.* & eodem anno *Parisiis*. Nouissima absolutissimaque editio est Antonii Schultingii, cuius simul annotationibus illustrata utriusque Codicis fragmenta podierunt in *Iurisprudentia vetere antecostantiniana. p. 683. seq. Lugd. Bat. MDCCXVII. 40.*

XXII. Quum vero hi codices & priuatim collecti essent, & gentiliū tantum Imperatorum rescripta complecterentur: Christianorum quoque imperatorum a Constantino M. usque ad suam aetatem constitutiones in vastum

cum in corpus Iustinianum migrarunt. Adeoque probabile est, Hermogenianum saltem Codicem pertigisse ad annum CCCVI. Schulting. *ibid.*



stum satis opus collegit THEODOSIVS JUNIOR Imp. circa ann. ccccxxxviii. Gothof. *Proleg. cap. I. n. III.* Vnde etiam hic Codex inscribitur *Novae leges legitimorum Principum*: itemque *Codex Theodosianus*. (a) Isidor. *Orig. V, I. p. 925.* Iac. Gothofr. *Prolegom. ad Cod. Theod. I & II.* Exstat etiamnum hic codex, qui post Sichardi, Tili, Cuiacii, Puteani, Pithoei & Sirmondi curas luculento commentario Iac. Gothofredi, illustratus prodiit *Lugd. clō b clxviii. fol. Tom. VI.*

XXIII.

Naeui hu-  
ius codi-  
cis.

XXIII. Nec tamen hic Theodosianus etiam codex sine naeui est, quos accurate recenset Gothofred. *Proleg. II, p. 187.* Imo nec integer satis ad nos pervenit. Nam CCCXX. circiter constitutiones occurrunt in Codice Iustiniano, quas in Theodosiano frustra quaesiveris, quarumque indicem confecit Anton. Maruillius, editioni Gothofred. subiectum sub titulo *Supplementi Codicis Theodosiani*, post Glossarium nomicum.

## XXIV.

(a) Cum hoc Theodosiano Codice caue confundas *Alarici Gothorum Regis Codicem*, Aniani opera compilatum ex particulis codicis Theodosiani, Gregoriani, Hermogeniani itemque ex institutionibus Cuii, sententiis Pauli & Corpore Ulpiani, hinc inde tamen interpolatis manu eiusdem Aniani. Nam & haec farrago saepe *Codicis Theodosiani* vel *legis Romanae* nomine laudatur a medii aevi Scriptoribus. Oise-lius *Proleg. ad Cuii Inst.* Iac. Sirmond. *Quaest. xvipl. ad calcem Var. Opus. Tomo III.* Iac. Gothofred. *Proleg. Cod. Theodof. V.* Car. du Fresne *Glossar. Lat. voca Lex Romana Tom, II, p. 269,*

(b)

XXIV. Adiiciuntur etiam Codici Theodo-  
siano constitutiones *novellae* Theodosii, Va-  
lentiniani III. Marciani, Maiorani, Seueri &  
Anthemii, a Pithoeo primum vulgatae *Paris.*  
MDXXXI.

XXIV.  
Novellae  
illi adie-  
ctae.

XXV. Quum ergo nemo ante haec tempo-  
ra legibus compilatis fecisset operae pretium,  
iurisprudentiaque esset *ὡς αὖ ἄχθος καμηλῶν πολ-  
λῶν*, multorum camelorum onus, vt lepide ait Euna-  
pius *Vit. Aedesi* p. 32. factum est, vt Iustinianus  
Imp. de noua vniuersi iuris collectione cogita-  
re coeperit, laudandus sane hoc nomine, quod  
dignum persona imperioque suo cepit consili-  
um, felix quoque eo, quod opus a multis ante  
se frustra tentatum perfecit, sed a multis repre-  
hensus, quod non prudentius hoc negotium  
conficiendum curavit, & in eo infelicissimus,  
quod in ea incidit tempora, quibus ob gliscen-  
tem barbariem vix licebat orbi litterario ma-  
gnum quid atque excellens a iureconsultis eius  
aetatis expectare.

XXV.  
Collectio  
Iustiniani.

XXVI. Est hic princeps ancipitis admo-  
dum famae, &, si eius ingenium nouer-  
dibus, quas ei vulgus iureconsultor  
titur, vix dignus. Fuit sane varius in  
nere vitae, Cleri pariter ac Theodor-  
scenicae, quam uxorem duxerat, lud  
euertendas pretio leges paratissimus  
tia denique legislatoria parum instr  
corrupta fides Procopii in *Anecdosis*  
manno vulgatis, cui nescio an ab  
Gabriele Triuorio, aliisque satisfacti

XXVI.  
Huius Im-  
peratoris  
ingenius.

lau-  
me-  
re-  
ris  
ad  
i-

XXVII.  
Ictorum,  
quorum  
opera vsus  
indoles.

XXVII. Nec opera vsus est virorum huic labori parium, sed *Dorothei*, *Theophili*, aliorumque huius commatis iureconsultorum, & maxime *Tribonian*, cuius indolem post *Suidam* in voce *Tribonianus*, viuis coloribus depinxit *Franc. Hotomanus* in *Antitriboniano. cap. XI, & XII, p. 146. seq.* Et quum huius viri imprudentia & sublesta fides ex ipsis operibus eluceat, (quamuis & quaedam ei perperam vitio verantur,) merito miramur, *Io. Chiffletium de vtriusque iuris architectis*, & *Ianum Vincentium Grauinam de ortu & progr. civil. CXXXVII, p. 159. seq.* tanto molimine eius causam egisse.

XXVIII.  
Codex Iu-  
stinianus.

XXVIII. Huius ergo viri opera, auspiciisque Iustiniani, A. C. DXXVIII. Id. Febr. primo loco prodiit *Codex Iustinianus prior*, qui quam parum diligenter fuerit a decemviris huic operi praefectis collectus, vel inde patet, quod postea vna litura videretur inducendus. (*b*, *Const. Haec quae fin. de nou. C. fac.*

XXIX.  
Pande-  
ctae.

XXIX. Deinde xvii. viris datum negotium, conficiendi *pandectas*, vel *Digesta*, (*c*) in quae

(*b*) Interim laudatur prior iste Codex in Institutionibus in quibus adeo ad multas Constitutiones remittimur, quae in nostro *Codice repetitae praelectionis* desiderantur.

(*c*) *D* *orum* vocabulum iam olim iureconsultis famosissimum fuit. Exstiterunt olim *Digesta* *Iuliani Vari*, *Iuuentii Celsi*, *Vlpium Marcelli*, *Cerebrolae*, *Pauli*, Ita vero vocati sunt libri, in quibus decisiones & disputationes iuris continerentur, veluti digestae essent. *Bertrand. de Iurispr. l. 1.* *pandectas* scripsere *Vlpianus*, & *Modestinus*.

(*d*)

quae Tribonianus eiusque focii, quidquid ex Ictorum scriptis excerpserant, coniecerunt. Sed quam parum diligenter isthoc quoque labore defuncti sint, & brevitatis temporis ostendit, (intra triennium enim tantum opus abolverunt,) & parum commoda excerptendi methodus, & ordo rerum perturbatissimus, ne ad edicti quidem perpetui seriem per omnia redactus, (vid. Bynkersh. *Obs.* II, 25. & tot denique emblemata, quae iamdudum Pandolphus Prateius *iniurisprudencia media*, & Iac. Wissenbachius *singulari tractatu* notarunt, quamvis & hic aliquando iniuria fiat Triboniano. Conferatur Iac. Frid. Ludouici *Hist. Pandect.*

XXX. Tum porro sequutae sunt *Institutiones*, à Triboniano, Theophilo & Dorotheo, (tantillum scilicet compendium a tribus viris) conscriptae. In iis & diuisio librorum, & materialium ordo aliquando auctorum ἀναρίων arguit. In plerisque sequuti sunt Caium, (d) quem Imperator, vel potius Tribonianus, ideo suum vocat. Conf. de eo Caio Menag. *Amoenit. iur.* p. 464. Bertrand. *de Iurisperit.* I, 29. Guil. Grot. *Vit. Iureconf.* II, 7.

XXX.  
Institutiones.

## XXXI:

- (d) Exstat etiamnum *Caii institutionum* siue epitome siue ἀποσπασμάτων, ab Aniano Wisigotho seruatum, atque hinc inde interpolatum, quod cum aliis eius fragmentis luculentoque commentario edidit Iac. Oisellius & suis aliorumque adiectis notis Ant. Schulting. *iniurisprud. ant.* 4. *Lugd. Bat.* 1717. 4. Saeculo tamen XI. integriores adhuc superfuisset Caii institutiones, ex Cyni loco memorabili ostendit. Bynkersh. *de reb. manc.* cap. 7. p. 107.



XXXI.

Codex repetitae praelectionis.

XXXI. Sed ne hic quidem substitit Iustini diligentia. Quum enim prior ille Codex parum placeret, & in multis pandectae ab eo discederent: denuo V viris eius emendationem commendauit. Vnde prodiit *Codex repetitae praelectionis*, promulgatus anno DXXXIV, XVI Kal. Dec. qui etiamnum exstat.

XXXII.

Nouellae.

XXXII. Denique Iustinianus, vt erat ad mutandum emendandumque procliuus, multa in superioribus libris promulgata ipse sustulit & mutauit, editis subinde nouis constitutionibus, quas *Nouellas* adpellant. Nouem earum collectiones, vel, vt barbare vocantur, *collationes* a cuiusnam manu sint, parum constat. (e) Nec omnes Iustini, sed quaedam etiam Tiberii Imp. sunt. vti CLXI. CLXIII. CLXIV. quaedam etiam Iustini, vti CXVII. CXL. CXLIV. CXLVIII. CXLIX. Id saltem vel ipsa versio ineptissima indicat, eas collationes e barbaris seculis esse. Vnde de Graeco restituendo textu iam dudum solliciti fuere eruditi. (f) Nouellas CXLIV. Graece edidit Greg. Haloander Norib. MDXXXI. fol. alias XXIII, e codice Fuggeriano extulit Henr. Scrimgerus Scotus. quae prodire ex *Stephaniana* MDLVIII. fo. Exstant & versiones Latinae cultiore stilo adornatae partim a Iuliano,

(e) Ipsum enim Tribonianum, qui *Nouellarum* collectionem promisit §. 4. *Const. de emend. Cod.* auctorem haut esse, vel ex ipso stilo adparet. Nec magis de Berguntione liquet.

(f) Nec omnes tamen nouellae Graece conceptae. Vid. *Nov.* 9. 11. 17. 23. 33. 34. 35. 41. 62. 65. 114. 138. 143. 150. quae manifesto Latine editae a Iustiniano.

no, (g) Patricio & Antecessore Constantinopolitano, partim a Gre. Haloandro, quarum haec cum corpore iuris Haloandrino, illa e bibliotheca Pithoeorum prodiit *Bas.* 1576. f. & *Parif.* 1689. f.

XXXIII. *Authenticæ* ex nouellis desumptæ. adiectæque codici iam seculo VI. a Gregorio M. *Epist.* XI. 54. & Iuone Carnot. *Part.* III. *Cap.* CLXXXV. citantur. Vnde nec ab Irnerio sunt, vt vulgo creditur, nec a Iureconsultis Papiensibus, qui tamen forsitan eas auxerunt. Vid. Strauch. *Diss. Acad.* IV. *Cap.* 1. 2. Beyer. *Posit. Pandect.* I, 2. p. 30. seq.

XXXIV. Post Iustiniani tempora in occidente non adeo magnum iuris Iustiniani usum fuisse comperio. *Wisigothi* Codicem Theodosianum compilationi Iustinianæ præferebant. In *Italia*, quo Longobardorum arma non pertigerunt, *Codex* tantum & *Nouellæ* in aliquo pretio erant. Postea a Francis permissum *Ital*is, iure vel Longobardico vel Romano vel Francico uti. Demum ab Irnerii tempo-

(g) Ad hunc Iulianum pertinet epigramma Thæeteti, quod exstat in *Antholog.* IV. 1,

Τέτον ἰχλιανὸν νομικῆς Φάος, εἶπον ἰδεῖσαι

Ῥώμην καὶ Βερὺν, πάντα Φύσις δύνатаι;

*Roma & Berytus, conspecto hoc lumine legum.*

*Quantum, aiunt, virtus, ingeniumque potest!*

Quod elogium ad Saluium Iulianum, Edicti perpetui conditorem, frustra retulerunt Alciat. *Dispunct.* II. 27. & Bertrand. *de iuris perit.* I, 1. p. 30. merito hinc notati a Menagio *Amoen. iur. Civil.* XXIV, & Guil. Grot. *vit. Iureconf.* II. 6. p. 122.

temporibus enatum est studium iuris ciuilis in scholis Italicis. De quibus omnibus videndus Conring. *de origine iur. Germ. cap. XX. seq.*

XXXV.  
In oriente  
ius Iusti-  
nianeum  
primo  
Graece  
versum.

XXXV. At in oriente non cessatum a compilandi studio, siue quod Imperatores Iustiniani gloriae inuiderent, siue quod eius compilationes ob insignem prolixitatem odissent. Et primo quidem de Graece vertendo corpore iuris cogitatum imperante Phoca. Institutionibus ergo eam operam nauauit Theophilus, ille ipse, qui institutiones cum Triboniano & Dorotheo elaborauit. Eius enim paraphrasin iam laudari a Thalelaeo ipse obseruat Fabrott. in *Praefat. ad Theoph.* vid. Gundlingiana *Part. II. obs. II.* Pandectis & Codici Thalelaeus, Theodorus Hermopolita, Anatolius & Isidorus. Suares. *Notit. Basilic. Tom. I. praemiss.* Vinc. Graulina *de ortu & progr. iur. ciu. in CXXXIIX, p. 163. seq.* Theophili *paraphrasis* potius, quam versio etiamnum exstat, edita primum a Viglio Zuichemo insigni Frisiae nostrae ornamento Bas. anno MDXXXIV. deinde a Christiano Welchelio Paris. eodem anno, hinc a Jodoco Petro Neithardo anno MDXLIV, porro a Iac. Curtio anno 1545. Dionysio Gothofredo anno MDLXXXVII. & denique a Carolo Hannibale Fabrotto *Paris. 1634. & 1657.* Thalelai opus pandectarum nondum adspexit lucem. (b)

XXXVI.

- (b) Vidisse se tamen alicubi hanc versionem MSC. testatur Greg. Haloand. in *praefat. Nouellar.* Quemadmodum & codicem Graecum visum esse in Creta insula, tradit Suallenb. in proleg. Harmenop. (i)

XXXVI. Postea Basilus Macedo nouam collectionem instituit, desiderans in Iustiniano corpore breuitatem, perspicuitatem ordinemque concinnum. Cedren. *Annal* p. 568. Leon. *Imp. prooem. ad Basilica*. Sed morte praeuentus non nisi epitomen edidit codicis Iustiniani, quam ἀρὸ χειρὸν τῶν νόμων adpellauit. Perijt hoc opus praeter fragmenta quaedam de nuptiis Io. Leuncl. *Iur. Graeco Rom. Lib II, p. 86.* aliudque apud Baron. *Ann DCCCXXVI. n. XII.*

XXXVI. Deinde noua collectio tentata Basilio.

XXXVII. In labore illo Basilio, idem, qui in imperio successit Leo, filius, insigni rerum scientia σοφὸς vel φιλοσόφος cognomen adeptus. Et is quidem edidit βασιλικὰ νόμιμα, vel διατάξεις βασιλικαί: ex pandectis & codice, omiſſis tamen iureconsultorum & Imperatorum nominibus, compilata Suares *l. c.*

XXXVII. Et Leone.

XXXVIII. Denique Constantinus Porphyrogenneta, frater Leonis natu minor edidit repetitam βασιλικῶν praelectionem, quae & ἀρὸ χειρὸν μέγα, vt & τὸ πλάτος τῶν νόμων nec non τὸ πλάτος absolute appellatur. Et haec ipsa sunt illa βασιλικά, quorum libros XXVIII, XXIX, XXX, XLV, XLVI, XLVII, XLVIII, edidit Gentianus Heruetus. Paris. clb lclvii. Librum LX, Iac. Cuiacius, vtrique coniunctim sub titulo βασιλικῶν διατάξεις Dionys. Gothofredus Hanov. 1606 fol. Libr. XXXVIII. & XXXIX. ex Cuiacii schedis emisit Car. Labbaeus Paris. clb lbcix. Integra βασιλικά (i) Graeca & Latina

XXXIX. Nec non Constantino Porphyrogenneta. Unde natum opus βασιλικῶν.

(i) Libri tamen XIX. XXXI. XXXII. XXXIII. XXXIV. XXXV. XXXVI. XXXVII. XXXVIII. XLIII.



tina debemus Car. Annib. Fabrotto, qui ea publicauit *Paris. 1607. f. Tomis VII.*

XXXIX.

Variae  
epitomae  
inde con-  
fectae.

XXXIX. Succedere variae epitomae, quales sunt I.) *πρόχειρον μικρόν* ab iisdem Imperatoribus confectum, quod & *ἐκλογῇ καὶ ἐπειδιόρθώσεως* nomine venit. (k) II.) Index *νομικῶν κατὰ σοιχείον* per alphabeti seriem digestus. a Io. Sambuco Pannonio Tarenti repertus & sub titulo *ἐκλογῆς βασιλικῆς* editus a Io. Leunclauio *Basil. 1576.* Auclor fertur Romanus Lacapenus. Vid. Cuiac. *Obs. XVIII, 37.* III.) Mich Attalio, iudicis & Procos. *πόνημα* seu *πραγματικὴ* tempore Michaëlis Ducae compilata. (l) IV.) Michaëlis Pfelli *synopsis*, qua ius compendiarium versibus politicis complexus est. (m) V.) *πρόχειρον*

XLIII. XLIV. XLIX. & LIX. non sunt authentici, sed a Fabrotto ex *Synopsi βασιλικῶν*, & Theodoro Hermopolita, Constant. Harmenopulo & Cuiacii Commentariis utcumque compilati. For- san ii etiamnum in bibliotheca quadam latitant. Ita ominabar secundam editionem quum pararem. Vatem me fuisse haut vanum, nuper demum intellexi Amstelodami ex V. A. Corn. a Bynkershoek, qui se bonam horum partem a iuvene nobili, Parisiis redeunte nactum referebat. Gratulamur saeculo hunc thesaurum, maxime si obstetricias viri doctissimi manus experietur.

(k) Eius titulos priores XXVIII, exhibet Io. Leunclau. *Iur. Graeco Rom. Tom. II. p. 79.* Conf. Lambec. *Bibl. Vind. Lib. V. p. 162. Gr. Lib. VI. p. 24. 25.*

(l) Edidit illud *πόνημα* sub titulo *σύνοψις ὡς ἀνὲρ συνόψεως* Io. Leunclau. *Tom. II. p. 1.*

(m) Prodiit ea *synopsis* cum aliis quibusdam Mich. Pfelli *opusculis* cura Franc. Bosqueti *Paris. 1632. 8.*

(n)

χειρον Constantini Harmenopuli, qui circa annum cdo cccxlv. floruit (n) ex Basilicis contractum, & nuncupatum ἐξ αὐθιγῶν. Ei non abfimile VI, Antiochi Balsamonis πρόχειρον, & si qua sunt huius generis alia.

XL. Denique Turcae, capta Constantinopoli, & Graecorum imperio, & iuris Romani in oriente studio finem fecerunt, dubiumque est, an in Turcicis dicalsteriis quaedam iuris Iustiniani reliquiae feruentur. Vid. Groeneweg. *ad proem. Instit. num. 1.* Feltmann, *ad L. 22. §. 3. D. de orig. iur.* Pagenstech. *Sicilim. Manip. 2. p. 105.* Leonis certe nouellas hodieum in Graecia non extra vsum esse, patet ex Christ. Angeli *de statu eccl. Graecae* p. 112. & 115. & obseruauit id Bynkersh. *obs. 17, 1. p. 385.*

XL. Finis iuris Iustiniani in Oriente.

XLI. At in occidente a saeculo XII. magis magisque in academias & fora irrepere coepit ius Iustinianum, cuius tot ex eo tempore prodierunt editiones, glossae, commentarii, paratitla, systemata, compendia, vt eorum mole & multitudine laboremus.

XLI. Eius incrementa in occidente.

XLII. Quum Iustinianus §. 3. huius proemii & §. 2. sequentis tituli nonnulla quoque de docendae discendaeque iurisprudentiae ratione moneat: licebit & nobis ea de re ex antiquitatibus differere. Iuris scientiam olim in latenti habebant patricii, (o) nec temere solebant

XLII. Ratio veterum tractandi ius ciuile.

(n) Editus est Harmenopulus Graece & Latine cum notis Io. Merceri & Dionysii Gothofredi *Gen.* 1587.

4.

(o) Hinc est quod iureconsulti adpellantur *principes ciuitatis.*

bant quemquam, nisi sui ordinis, hisce sacris initiare. Cicero *de offic.* II, 19. *Cum multa praeclara maiorum, tum quod optime constituti iuris civilis summo semper in honore fuit cognitio atque interpretatio. Quam quidem ante hanc confusionem temporum in POSSESSIONE SUA PRINCIPES retinuerunt: nunc ut honoris, ut omnis dignitatis gradus, sic huius scientiae splendor deletus est.* Addi poterit eiusdem Ciceronis *Oratio pro Muraena XII. & de Oratore I, 41.* Et videtur sane antiquissimis temporibus iurisprudentia veluti traditione quadam conseruata inter patricios, vsu magis quam institutione addisci consueuisse. Quod non difficile erat in tanta Romanarum legum paucitate.

## XLIII.

Methodus  
eorundem  
tradendi  
iurispru-  
dentiam.

XLIII. Primus veterum hanc consuetudinem migravit Tiberius Coruncanius, primus e plebe Pontifex Maximus, anno V. C. IO. Is enim odio patriciorum iuris cognitionem, quam alii in latenti habuerunt, paullo amplius diuulgauit, & discentibus se dare coepit L. 2. §. 35. D. de O. I. Eius Exemplum deinde sequuti sunt alii, veluti Q. Mucius Scaeuola, C. Aquilius Gallus, L. Lucilius Balbus, T. Iuuentius, Q. Cornelius Maximus, & inprimis Seruius Sulpicius, quorum ex aedibus, tamquam ex

equo

*uiratis.* Cuiac. ad Pompon. L. 2. §. 35 D. de Orig. iur. p. 1188 *maximique viri.* Pompon. d. L. 2. §. 35. Hinc illa Mucii obiurgatio: *Turpe esse patrici & nobui, & caussum oranti, ius, in quo versaretur, ignorare* L. 2. §. 43 eod. Conf. G. Schubart. de Fatis. *risp. Rom. Ex.* I, 16. p. 28.

equo Troiano, magna praestantissimorum iureconsultorum frequentia prodiit. Quum vero hi omnes amplissimos in vrbe honores gesserint: facile est ad existimandum, eos non scholas aperuisse, aut leui didactro inuitatos subsellia posuisse discipulis. Sed solebant, quum de iure consulentibus responderent, admittere iuuenes, qui audirent, notarentque responsa, rationemque tradendi atque interpretandi iuris, adeoque vna opera & consulentibus & discipulis satisfacere. Cicero in *Oratore ad Brut.* XLI. *Ius civile docere, semper pulcrum fuit, hominumque clarissimorum discipulis floruerunt domus.* Et paucis interiectis: *Alteros respondentes audire sat erat, ut ii qui docerent, nullum sibi ad eam rem tempus ipsi seponerent, sed eodem tempore & discipulis satisfacerent, & consulentibus.* Ac denique in *Bruto* LXXXIX. *Ego autem, iuris civilis studio, multum operae dabam Q. Scaeuolae, P. F. qui quamquam nemini se ad docendum dabat, tamen consulentibus respondendo, studiosos audiendi docebat.* Ex quibus patet, vsu magis atque exercitatione, quam doctrina, veteres ad tantam de iure respondendi facultatem adspirasse.

XLIV. Sub Christianis Imperatoribus publica Romae schola floruit, iurisprudentiae etiam studiis consecrata, de qua infra dicemus *Lib. i. Tit. XXV. n. XX. seq.* Docuerunt in ea schola iureconsulti vel Antecessores duo, tempore Theodosii iunioris *L. vn. C. Theod. de stud. lib. urb. Rom. & Const.* antea tamen eodem instituto, quo veteres erant, vsi, iuuenes domi habuisse videntur Papinianus, de cuius discipulis

XLIV.  
Schola iuridica Romana.



lis Lamprid. in *Alex. Seu. LXVIII.* aliique iure  
consulti egregii quorum in digestis fragmenta  
exstant.

XLV. Me-  
thodus  
docendi  
in scholis  
iuridicis  
ante &  
post Iusti-  
nianum.

XLV. Denique a tertio saeculo tres prae-  
cipue scholae floruerunt iuridicae, Romae,  
Constantinopoli, & Beryti, hoc privilegio mu-  
nitae, vt non liceret alibi cuiquam ius docere,  
ceu infra docuimus *Lib. I. Tit. XXV. n. XX. seq.*  
in his scholis ea seruata methodus, vt primo  
anno non nisi ad limina legitimae scientiae ad-  
mitterentur, dicti ideo *dupondii*, quasi nullius  
pretii homines (p) Secundo anno Edicti audie-  
bant interpretationem, vnde & *Edictales* cogno-  
minati. Tertio anno ad praelectiones in ~~pri-~~  
ores octo libros Responsorum Papiniani admit-  
tebantur, atque inde dicebantur *Papinianistae*,  
quo nomine adeo sibi placebant iurium stu-  
diosi, vt diem, quo eius doctrina primum fue-  
rant initiati, festum sollemnemque haberent.  
*Bertrand. de Iurisperit. l. 2. p. 38.* Quarto anno  
Responsa Pauli in manibus erant, eaque tunc  
ipsi recitabant, & tum dicebantur *Pauliani*, quasi  
soluendis quaestionibus idonei, vel vt ait Iuue-  
nalis *Satyr. VIII. Qui iuris nodos legumque aenig-*  
*mata*

(p) Seneca *Controu. X. 1.* Ita reperibant decem iuuenes  
propter dupondios duos? Hieronym. ad *Helvid. p. 12.*  
*Tom. VI. Op. Quis te, oro, dupondio subputabat?* Et  
Petron. *p. 13. dupondium* pro pretio vilissimo accipit,  
vbi addendae virorum doctorum observationes, &  
Cuiac. *Objer. XII. 40.* Nemo non hic deprehendet  
speciem quamdam monstri illius scholastici, quod  
recentiore aetate Penalismi nomine academias inua-  
serat.

*mala soluant.* Vnde errant, qui *λύται* vertunt solutos: sic enim dici debuissent *λύτοι*, ut recte obseruat Turneb. *Aduers. VIII, 19.* Quinto anno, quo Constitutiones addebant, *προλύται* dicti. Sed mutauit nonnulla Iustinianus, qui primo anno Institutiones suas & *τὰ πρῶτα* legum praelegi, novitiosque *Iustinianeos nouos* dici voluit: secundo quosdam digestorum libros, quos ipse praescribit, per vicissitudinem interpretandos, audiebant, seruato *edictalium* cognomine. Tertio anno *Papinianistas* vocari concessit, sed audire eos iussit libros digestorum XX, & XXI. Reliquos digestorum libros adiciebant anno quarto, quo *λύται* dicti, quemadmodum quinto codicem iungebant, & *προλύτων* nomen eo ipso merebantur. Vid. Iustin. *Orat. ad Antecessores* §. 2. 3. 4. 5. & ibi interpretes.

## LIB. I. TIT. I.

DE

## IVSTITIA ET IVRE.

**T**itulo hoc institutionum non inculcantur leges quaedam Romanae, sed principia generalia, & quae ad ideam iustitiae & iuris concipiendam faciunt. Quum ergo in definitione Iustitiae & Iuris a recentioris scholae placitis se procul seiunxerint veteres iureconsulti: ratio eius rei ex antiquitate erit reddenda.

I. Iurisconsulti itaque, quod inter omnes constat, plerique cum legum studio philosophiam olim coniunxere, ex eiusque principiis

I. Iuris  
consulti  
operam  
dabant  
philosophiae.

C

leges

leges sunt interpretati. Vnde Cicero de *Legib.* I, 5. *iurisprudentiam non a praetoris edicto, ut plerique sua aetate fecerint, neque e XII. Tabulis sed penitus ex intima philosophia petendam* putabat.

II. Maxime Stoicae.

II. Quamvis vero non eidem omnes sectae nomen dederint, & Epicureae imprimis fauerint C. TREBATIVS TESTA (a) (Cic. VII. *Epist.* 12. Gassend. de vit. & morib. Epic. Tom. V. op. p. 188. Aegid. Menag. *Amoenit. iur.* p. 80.) ALFEN. VARVS (L. 76. ff. de indic. & ibi interpretes.) & alii: plerique tamen teste Athenaeo *Deipnos.* VI, 8. stoicam philosophiam maximi habuerunt, vel quia Zeno minime, ut aliae sectae philosophorum a rebus gerendis auocabat, (Diog. Laert. VII. 122. & 130.) eaque secta *turbidos & negotiorum appetentes* facere videbatur; Tacit. *Ann.* XIV. 57. vel quia isti sapientes philosophiam practicam felicius, quam alii excoluerant. Et hinc stoica philosophia *summa* dicitur *sapientia* L. 2. D. de leg. (b) Multis id demonstrarunt Schilterus in *Manuductione philosoph. moral. ad iurisprud.* Cap. I. Vinc. Graulina de *ortu & progressu iur. civil. num.* XLIV. p. 80. Em. Merill. *Observ.* I, 8. & singulari ac pererudita oratione V. C. Euerardus Otto.

III. Vnde multa in iure Stoica.

III. Hinc frequentissimae in iure nostro I. *deri-*

(a) Dissentit Schilter. *Manud. phil. mor. ad iurispr.* I, 6. p. 7. Sed Trebatius initio stoicus postea Epicureus factus videtur Cic. *Epist.* VII. 12.

(b) Fallitur ergo Paganin. Gaudent. de *ortu & progr. philos. ap. Rom. cap.* XLIII. p. 106. qui plerosque Ictos cum Aristotele potius & Platone sensisse putat. Conf. *obs. Hal.* VII. p. 252.

(a)

*deriuationes nominum* satis contortae, quales stoicis erant sollemnes e. g. testamentum quasi *testatio mentis*; mutuum, quasi *quod ex meo fit tuum*. Vid. Cui. *Obs.* XI. 37. Em. Merrill. *Observ.* I, 8. seq. Frequentissimae II. *definitiones* mere stoicae, qualis est etiam in hoc titulo definitio iuris naturae. Frequentissimae III. *divisiones stoicae*, qualem esse illam rerum corporalium & incorporalium, ex Sexti Empirici VII. *adu. Mathem.* & Senec. *Epist.* LVIII. obseruauit Oisellius *ad Caii Inst.* II, 1, 1. p. m. 73. Frequentissimae denique IV. *decisiones* ex interioribus philosophiae stoicae principiis deriuatae, quales collegerunt Vinc. Graulina l. c. Schilterus l. c. & V. C. Euerardus Otto *de philos. Stoica iurec.*

IV. Quamvis vero philosophiae amantissimi essent Romani iureconsulti semper tamen inter eos reliquosque philosophos ἀπράκτους, in primis Epicureos, quaedam intercessisse videtur aemulatio. Eoque pertinere arbitramur verbosam illam Vlpiani declamationem de *vera non fucata iureconsultorum philosophia*. L. 1. §. 1. D. *de iustit. & iure*. nec non quae Horatius *Lib. I. Epist. I.* canit: *Nunc agilis fio, & mersor CIVILIBVS VNDIS, Virtutis verae custos rigidusque sacerdos*. Conf. Cic. *Epist.* III, 9. 10. vbi Epicuri philosophia ἀπράκτος ASTVTA vocatur. Locum praeclare explicari memini in Gundlingianis.

V. Et ista quidem aemulatione factum est, ut iureconsulti ea, quae philosophorum erant propria, ad se raperent, e. g. ut definitionem philosophiae iuri suo adplicarent: §. 1. *Inst. h. t.*

IV. Aemulatio inter iureconsultos & philosophos.  
V. Cur iureconsulti multa philosophorum propria iuri



applica-  
rint.

vt loco iuridicae definitionis iustitiae darent  
mere moralem & philosophicam: & denique  
ipsa illa iuris praecepta §. 3. *Inst. h. t.* ex philo-  
sophia morali stoicorum in ius transferrent.  
Conf. Schilter. *l. c.* Christ. Thomas. *Annot. ad*  
*Inst. h. t.* Ger. Noodt. *Iul. Paul. X. p. 365.* & quae  
nos obseruauimus in *Elem. Iuris civil. h. t.*

## TIT II.

DE

## IVRE NAT. GENT. ET CIVILI.

**A** Gitur hoc titulo de *diuersis speciebus iuris.*  
Quum verò iam superiore titulo, cur hunc  
potissimum de iure naturae & gentium sibi  
conceptum formarint, abunde explicatum sit:  
iam ex antiquitate varia iuris ciuilis genera sunt  
explicanda, docendumque quid lex fuerit,  
quid *plebiscitum*, quid *praetores* & *aediles*; quid  
item *iureconsulti* ad locupletandum ius Roma-  
num contulerint, quid denique *Imperatores* in  
legibus Romanis, earumque ferendarum ratio-  
ne immutarint.

I. Leges  
proprie  
sic dictae  
a quibus  
latae?

I *Lex* Romanis, libera adhuc republica,  
vocabatur, quam populus Romanus, Superiore  
magistratu rogante, constituebat. (a) §. 4. *Inst.*  
*h. t.* Eiusmodi magistratus superiores quibus  
cum populo agendi ius esset, praeter Reges,  
Inter-

(a) In libera ergo republica ad legislationem omnes  
concurrerant, & hinc patet ratio, cur lex *communis*  
*reipublicae sponsio* vocetur Vlpiano *L. 1 D. de Legib.*

(b)

Interreges, Dictatores, Consules, erant Tribuni militum *cos.* potestate, Censores, Praetores. Hinc non ignotae leges *Regiae*: non ignota lex Aemilia de censura a *Dictatore*; lex Aelia Sentia, a *Coss.* lex Pinaria de ambitu a *Tribuno mil. cos. pot.* lex Caecilia de fullonibus a *censoribus*, (\*) (Plin. *Hist. Nat.* XXXV, 17.) lex Aurelia iudicialia a *Praetore* (Flor. Epit. Liu. CXVII.) latae.

II. Ab his ergo magistratibus, lex, si qua II. Earum opus videretur, primo domi *scribenda* erat. *scriptio.* Quod fiebat adhibitis viris prudentibus & necessariis, cum quibus expendere solebant, an lex esset e republica, maiorumque moribus conveniret. Vnde plerumque additae formulae: SI QUID IVS NON FVIT ROGARI, EIVS HAC LEGE NIHIL ESSET ROGATVM, itemque: SI QUID CONTRA ALIAS LEGES EIVS LEGIS ERGO LATVM ESSET, VT ELQVI EAM LEGEM ROGASSET, IMPVNE ESSET. Cic. *ad Attic.* III, 23 Conf. Briffon, *de Form.* II, p. 138.

III. Scripta lex *communicabatur cum senatu*, III. *Communicatio cum senatu.* sine cuius auctoritate cum populo agere nefas habebatur. Liu. I, 17. Plutarch. in *Coriolan.* p. 227. Quum vero Senatus nonnunquam difficilior esset in permittendis comitiis, lege Maenia cautum est, *uti, rogatore comitiorum iusto postulante, patres ante inita suffragia fierent auctores eius rei, quam* popu-

(\*) Alioquin non negatur, saepe etiam *leges censorias* adpellari Censorum edicta, quibus conditiones locationum publicarum proponebant Gell. XV, II. Vid. Gundlingiana *Part XVI. Obs.* I, §. XXVI. p. 61.

*populus iussurus esset.* Cic. *in Bruto*. cap. XIV. In eandem sententiam legem tulit Q. Publilius Dictator apud Liu. VIII, 12. Et postea quum iste mos desuetudine obumbraretur illum denovo in vsum revocavit L. Cornelius Sulla. Vid. Appian. *de bello civil.* I. p. 650.

IV. Promulgatio.

IV. Hinc porro legis sequebatur *promulgatio*. Publice enim lex proponebatur, ut quilibet e populo eam legere, expendere, & ferendane esset, an antiquanda, secum statuere posset. Spatium promulgationis erat *trinundinum*, ut lex noua etiam a rustica plebe, quae singulis nundinis rure in urbem veniebat, legi ponderari que posset. Cic. *pro domo* cap. XVI, & *Phil.* V, cap. 11. Manut. *de Leg.* p. 839. Addebatur editum, ut populus in proximum trinundinum in campo Martio conueniret. Gell. *Noct. Attic.* XIII. 14. Quum tamen ipsis nundinis cum populo agere haut liceret: comitia plerumque in sequentem diem indicebantur. Macrob. *Saturn.* I, 16. Et his demum omnibus obseruatis, magistratus quis POPVLVM IVRE ROGASSE, POPVLVSQVE IVRE SCIVISE dicebatur. Cic. *Philipp.* I, 10. (b)

V. Recitatio per praecorem nec non suasio & dissuasio.

V. Lex ipsa ferebatur in *comitiis*, olim in *curiatis*, postea & *centuriatis*, & *tributis* ad quae ubi populus in *campum Martium* vel in *comitium* ad *rostra* confluxisset, praeco primum legem

(b) Neque tamen promulgatio sola faciebat legem, sed populi suffragium. Sola lex Didia Licinia tanto studio patrum lata est, ut SCO caveretur, ut eam promulgatam omnes seruarent. Macrob. II, 13.

(c)

gem recitabat ; dein is plerumque, qui rogaturus erat, eandem *suadebat*, quod & alii faciebant nonnunquam. Nec deerant, qui *dissuaderent*, id quod cum tribuni plebis, tum etiam priuati, si quibus a magistratu concio dabatur, facere poterant Liu. *XLV*, 21. Nonnunquam & ii ipsi, qui legem rogaturi erant, eam dissuadebant, si forte non ex sua, sed senatus sententia legem ferrent. Exemplum Pisonis consulis refert Cic. *Epist. ad Att. I*, 14. cui cum fructu addes, quae nos nuper differuimus in *Comment. ad Leg. Iul. & Papiam Lib. I. cap. 4. p. 84.*

VI. Auditis orationibus praesentibusque sacerdotibus & diuina exponentibus, (Dionys. *X. p. 681.*) *fitella* vel *urna* deferebatur, in quam coniciebantur centuriarum nomina. Deinde sortibus aequatis fiebat *sortitio*, quaequae prima centuria, quae secunda, quae tertia de *fitella* exiisset, ea eundem in suffragiis locum atque ordinem obtinebat. (c) Quae prima forte exierat prima ferebat suffragia, atque inde PRAEROGATIVA, proxime sequentes PRIMO VOCATAE vocabantur. Reliquae IVRE VOCATAE dicebantur Ascon. Paedian. in Cicer. *Diuinat. p. m. 1819.* Liu. *X*, 22, XXVII, 6. Exemplum est in lege Thoria apud Sigon. *de ant. iure Ital. II. 2. p. 638.* VII.

VI. Auspicia & sortitio.

*cf. de iur. in Procem. in Ver. p. 54*

(c) Sequiorum temporum est haec *sortitio*. Sub Tullio enim Rege primae ad suffragium vocabantur maximi census. centuriae, in prima & secunda classe descriptae, quae, quia reliquas numero superabant, plerumque rem conficiebant, ut adeo raro vocarentur reliquae. Dionys. Hal. *Antiq. Rom. VI, p. 224. seq. VII. p. 464.* Liu. *I*, 43.



VII. Inter-  
cessio fa-  
cta a tri-  
bunis, au-  
guribus  
coff.

VII. Interim licebat iis, quorum intererat, legi *intercedere*. Faciebant id *Tribuni plebis* sollemni illo VETO. Liu VII, 17. XXVII, 6. XLV, 21. Faciebant & Consules, vel intercedendo, Dionys. Hal. VIII. p. 557. vel comitiales dies eximendo, vel supplicationes decernendo, vel ferias Latinas indicendo. Cic. *ad Quint. Fratr.* II, Ep. 7. Faciebant idem & *augures & magistratus*, quorum erat, de coelo seruare. Qui si quidquam adversi visum auditumque obnunciarent, (d) comitia impediabantur, reque infecta discedebatur.

VIII. Ro-  
gatio.

VIII. Si nihil sinistri obnunciabatur, ipsa iam fiebat *rogatio*, sollemni formula: VELITIS IVBEATIS QVIRITES HOC ITA VTI DIXI ITA VOS QVIRITES ROGO. Cic. *pro domo XVIII. seq.* (e) Tum addebatur: SI VOBIS VIDETVR, DISCEDITE QVIRITES.

(d) E.g. si fulsisset de coelo, si tonasset, si bubo volasset a sinistra, si aues triste quid portendissent, si quis morbo comitali repente correptus concidisset &c. Longa enim est fabula, de qua Paul. Manut. *de Legib.* p. 848. Paul. Merula *de comit.* III. p. 17. *seq.* Struu. *Antiq. Rom. Synr.* VI. p. 269. Ceterum haec omnia ideo inuenta, vt magistratus, vel collegarum, vel populi consilia periculosa bonis rationibus turbare possent. Dio Cass. XXXIII. p. 66. Cic. *de Leg.* III, 12.

(e) Notanda hic quaedam vocabula, quae subinde confundi solent ab iis, qui sunt in Antiquitatibus Romanis hospites. Lex ROGATVR, dum fertur: ABROGATVR, dum tollitur: DEROGATVR eidem, dum quoddam eius caput aboletur: SVBROGATVR dum aliquid adiicitur, OBROGATVR denique, quoties aliquid in ea mutatur. Vlpian. *Fragm.* I. 3.

(f)

TES. Quo factō in suam quisque centuriam discedebat, in qua erat suffragium laturus. Ascon. Paedian. in Cic. *Orat. pro Corn. Balbo. p. 1310.*

IX. Facta discessione ferebantur *suffragia*, IX. Suffragia per tabellas lata, olim quidem voce; post tabellariam vero legem *tabellis*, quarum alteri inscriptum V. R. *uti rogas*, alteri A, id est *antiqua probe*. Cic. *Epist. ad Attic. I, 14.* Tulit eiusmodi legem tabellariam L. Cassius Trib. pleb., (f) C. Mario VI. & L. Valerio Flacco Coss. Cic. *de Leg. lib. III.* Sed de iudiciis publicis. Vnde & in numis familiae Cassiae egregium tabellariae istius legis monumentum occurrit. Vid. Fulv. Vrsin. *de Famil. Rom. p. 67. edit. Patini.* De comitiis iam antea similis exstabat lex Gabinia.

X. Distribuebantur hae tabulae per *diribitores*, quibus nongenti *custodes* adstabant, daturi operam, ne qua fraus in distribuendis tabellis admitteretur. Plin. *Hist. Nat. XXXIII, 11.* Et exstructi quidem in campo Martio erant *pontes* centum nongenti tres, totidem scilicet, quot numerabantur centuriae. Hi nihil aliud erant, quam angustae quaedam substructiones, opere subitaneo e tabulatis solo editis adornatae, per quas iis, qui suffragia ferrent, viritim esset transeundum. His ergo in capite pontium *mini-*  
*stra-*

(f) Sed non primus. Biennio enim ante *legem* eiusmodi *tabellariam* tulerat A. Gabinus, Trib. pleb. Quae ergo Gabinus statuerat de comitiis; ea ad iudicia etiam transtulit Cassius, inuenitque tabulas, quibus inscriptum A, *absoluo*, C. *condemno*, NL. *non liquet.*

strabantur binae istae tabellae, quarum alterutram deinde in extremo ponte *cistulae* immittebant. Plutarch. in *Mario*. p. 407. Fiebat id ita, ut praeco singulas centurias, eo ordine, quo sorte exiissent, ad suffragia vocaret. Quicunque vero ex ea centuria primus rogabatur, PRIMVS nuncupabatur. Cic. pro *Plancio* XIV, Reuersi e ponte intra *cancellos* concludebantur, quos *ouilia* vocat Lucretius, *Pharsal.* II, v. 197.

- - & *miseræ maculauit ouilia Romae.*

Conf. Nic. Gruch. de *Comit. Rom.* I, p. 688. Omnia haec accurate depicta sistit egregius P. Licinii Neruae numus, quem exhibent. Fulv. Ursin. *Famil. Rom.* p. 149. edit. Patin. Ezech. Spannhem. de *usu & praestant. numism.* Diff. VI, p. 579.

XI. Suffragiorum diremtio.

XI. Latis hoc ordine suffragiis, *diremtio* fiebat. Numerabantur enim tabellae a singulis custodibus, numerusque earundem *punctis* (g) notabatur, Cic. *Philipp.* II, 33. & pro *Planc.* XXII. quo ea centuriarum sententia renunciaretur, in quam plurima suffragia conuenissent, & reticeretur, quae paribus esset distracta suffragiis. Si plures sententiae legem probassent: SCITA vel PERLATA; si plures eandem reiecissent, ANTIQVATA dicebatur. Manut. de *Legib.* p. 842.

## XII.

(g) Inde nata phrasis: *omne punctum ferre.* Horat. *Art. poet.* v. 343.

*Omne tulit punctum, qui miscuit utile dulci.*

De qua loquutione, ipsoque hoc ritu conferri meretur Sauro ad Sidon. *Carm.* II, 20. & *Epist.* ult.

(h)

XII. Perlatam legem primo *iureiurando* XII. Le-  
confirmatam, deinde *aeri incisam delatamque in* gum con-  
*aerarium* legimus. Manut. *de Legib.* p. 843. Vnde firmatio.  
patet, quatenam sint illa apud Ovid. *Metam.* I, 3.

- - *Verba aere minacia fixo*

Exstant eius ritus vestigia in *L. 8. pr. D. ad L.*  
*Iul. pecul.* Conf. Iust. Rycqu. *de Capitol. cap. XXX.*  
*p. 374. seq.*

XIII. Nomina leges plerumque accipiebant XIII. Ea-  
ab utroque consule, e. g. lex *Aelia Sentia*, *Papia* rundem  
*Poppaea*, *Fusca Caninia*. Nonnunquam vni- cognomi-  
cum iis cognomen dabatur si a dictatore vel na.  
praetore vel censore latae essent. Tales sunt  
lex *Aemilia*, lex *Aurelia* & aliae. Addebantur  
interdum alia cognomina, a materia legis de-  
sumpta, veluti lex *Cornelia sumptuaria*, lex *Gabinia*  
*tabellaria*, lex *Cassia agraria*.

XIV. Quo stilo scribi concipique solitae XIV. Quo  
sint leges, ex multis antiquis monumentis adpa- stilo con-  
ret. Qualia sunt leges antiquae apud Reines. signatae?  
*Inscript. CCCCLXXIII*, ut & egregium frag-  
mentum legis *Seruiliae* apud Car. Sigon. *de Tu-*  
*dic. II*, 27. p. 422. nec non legis *Thoriae* apud  
eundem *de iure Ital. II*, p. 638. Adde Barn. Brif-  
son. *de Form. p. 141. seq.*

XV. Haec de legibus. Sequuntur *plebiscita*, XV. Plebi-  
quae & ipsa leges vulgo vocantur, ceu exemplo scita.  
legum *Ilciae*, *Voconiae*, *Aquiliae*, *Cinciae* alia-  
rumque adparet, quamvis id more antiquo  
non fieret, (b) teste Gellio *XV*, 27. *XX*, 20.

XVI.

(b) Primo, quum patricii plebiscitis teneri nollent,  
*plebiscita* vocabantur. Post leges *Horatiam*, *Publiam*  
&



XVI. Eorum differentia a legibus proprie sic dictis.

XVI. Erant plebiscita, quae plebs plebeio magistratu interrogante, constituebat. §. 4. *Inst. de iure nat. gent. & ciu.* Ea quum eodem fere ritu, quo ipsae leges conderentur; differentiae tantum legum & plebiscitorum erunt notandae. Lex ergo a superiore magistratu; plebiscitum a plebeio, id est. tribuno plebis rogabatur, & eo quidem, cui illud e collegio forte vel reliquorum collegarum consensu obtigisset. Liu. III, 65. Lex suffragante vniuerso populo, plebiscitum suffragante plebe condebatur. Liu. II, 56. Dionys. Hal. IX, p. 598. Tribuni enim nec aduocare patricios, neque ad eos referre vlla de re poterant. Gell. *Noct. Attic.* XV, 27. Leges in campo Martio ferebantur; & comitio; plebiscita, non in eo tantum, sed & nonnunquam in circo Flaminio, aut in Capitolio, maxime vero in comitio, vbi ex rostris tribuni ad plebem concionabantur. (i) Docent id exempla apud Ciceronem. *Epist. ad Attic.* I, 1. *ad familiar.* VII, 30. Plutarch. in *Gracch.* p. 832. Liu. III. 54. XXV. 3. XLV, 36. III, 54. Leges in comitiis centuriatis & tributis; plebiscita in solis tributis condebantur, vbi non opus erat vel SCto vel auspiciis. Dionys. Halic. IX, p. 598. & 605. Solebant tamen

& Hortensiam leges dicebantur, vel leges tribuniciae. Cic. *de leg. Agrar.* II, 8.

(i) Hinc *rostra* inter praecipua tribuniciae potestatis insignia sunt. Hinc M. Lollius Palikanus, quum tribuniciam potestatem a Sulla abrogatam restituisset, *rostra* in numis suis signari iussit. Vid. Fulv. Ursin. *de famil. Rom.* p. 158. *edis, Patini.*

(k)

tamen nonnunquam & Tribuni plebis aues consulere, & de coelo feruare, quando legem erant interrogaturi. Exempla sunt apud Plut. in *Gracchis* p. 8, 2. & Cicer. in *Vatin. Cap. VII.* Leges plerumque tribuni plebis; plebiscita patricii & postea magistratus dissuadebant, quamuis eam facultatem coss. adimere conaretur Volero, tribunus plebis. Dionys. Hal. IX, p. 598. Sortitio etiam in plebiscitis duplex fiebat, quarum altera, in qua tribu Latini suffragium ferrent, explorabatur, altera inter ipsas tribus fiebat sortitio. Liu. XXV, 3. Quidquid ergo tributim plebs ita iussisset, id ratum habebatur, & deinde tabulis inscriptum aedilibus plebeis in aliqua aede custodiendum dabatur. L. 2. §. 21. *D. de orig. iur.*

XVII. Quamuis vero plebiscita non ab vniuerso populo, sed a sola plebe conderentur: tamen non plebem tantum, sed & patricios obligabant. Id quod post multas patriciorum tergiuersiones cautum est lege primum Horatia: anno V. C. CCCVI. Liu. *Hist. III, 59.* Dionys. Hal. XI. p. 725. deinde Publilia anno CCCCXIV. lata a Q. Publilio dictatore, ac denique, quum plebs anno CCCCLXVI. in Ianiculum secessisset, lege Hortensia, lata a Q. Hortensio, dictatore. Gell. *Noct. Attic. XV, 27.* §. 4. *Inst. de iur. nat. gent. & cin.*

XIIX. Praeter leges & plebiscita etiam edicta praetorum atque aedilium (k) certam iuris

XVII.

Quos ea obligauerint.

XIIX. Ius honorarium.

(k) Quin & censores edicta de locandis vectigalibus & operibus publicis proposuisse, patet ex Gell. *Noct. Attic.*

ris speciem , quam *ius honorarium* vocabant ,  
constituere coeperunt. Quare & de praetori-  
bus atque aedilibus & vtrorumque edictis non-  
nulla monenda sunt.

XIX. Prae-  
toris ori-  
go.

XIX. Creari primum praetor coepit anno  
V.C. CCCLXXXIX. quum paullo ante plebs  
obtinuisset , vt alter consulum plebeius esset.  
Male haec summae potestatis iactura habebat  
patricios : hinc dabant operam , vt penes con-  
sules eo minus esset potestatis. Fraudibus ita-  
que adorti plebem , facile id consequiebantur ,  
vt redhostimenti loco e patriciis crearetur  
praetor , in quem deinde omnem , quae penes  
consules adhuc fuerat , iuris dicundi potesta-  
tem transferebant. Liu. *Hist. VI, ult. VII, 1.*  
Vnde fallit Pomponius , quando ideo creatum  
ait praetorem , *quia consules auocarentur bellis finiti-  
mis, neque esset, qui in ciuitate ius reddere posset. L. 2.*  
§. 27. D. de orig. iur.

XX. Va-  
riae in  
praetura  
mutatio-  
nes.

XX. Non diu tamen iste honor patricio-  
rum mansit proprius. Non multo post enim,  
anno V.C. CCCCXVI. primus e plebe prae-  
tor creatus est. Q. Publilius Philo. Liu. *Hist.*  
*VIII, 15.* Sub belli deinde Punici primi tem-  
pora duo fieri coeperunt Praetores , quorum  
alter vrbanam ; alter peregrinam sortiebatur  
iurisdictionem. Flor. *Epit. Liu. XIX.* Vnde hic  
vocatur PRAETOR QVI INTER CIVES  
ET

*Attic. XV, 11.* vocabantur etiam *leges censoriae*, sed im-  
proprie. Vid. Gundlingiana XVI. *Obs. 1. §. XVI. p.*  
*61. seq.* Cum his tamen non confundendae rogatae,  
2 Censoribus de quibus supra §. I.

ET PEREGRINOS IVS DICIT. apud Reines. *Inscript. Class. VII. n. 10.* & ΣΤΡΑΤΗΓΟΣ ΕΠΙ ΤΩΝ ΞΕΝΩΝ apud Grut. *Inscript. p. DIII.* Insequentibus temporibus hic numerus non semel auctus est, si quidem initio quatuor, (Liu. XXIII, 30.) tum sex, Liu. XXXII, 27.) postea octo, mox decem, (Dio. XLII. p. 209.) hinc porro duodecim, immo & quatuordecim, ac denique sedecim, a Iulio Caesare creati, Praetores ius dixere, Dio *Lib. XLII. & XLIII.* Quo factum, ut patrem imitatus etiam, Augustus sedecim expleret numerum, mox ad XII. eundem reduceret, quem se non excessurum, Tiberius iureiurando pollicitus est Dio Cass. *Lib. LVI.* Tacit. *Annal. I, 14.* quamvis eius sibi gratiam fecisse videatur princeps parum religiosus, siquidem & illo imperante modo XV. modo XVI. Praetores creatos novimus. Dio Cass. *Lib. LVIII, & LX.* Claudius tamen iurisdictionem de fideicommissis, quotannis, & tantum in urbe delegari magistratibus solitam, in perpetuum, atque etiam in provinciis potestatibus demandavit. Sueton. *Claud. XXIII.* novosque creavit *praetores fideicommissarios* (1) duos L. 2. §. 17. *D. de orig. iur.* ex quibus tamen unum detraxit Titus

(1) In marmoribus etiam mentio fit PR. DE FIDEICOMMISS. apud Gruter. *Inscript. p. CCCXCIII. 6.* Illud addendum ex Quinctilian. *Instit. Orat. III, 3.* fideicommissariam iurisdictionem ita diuisam esse inter praetorem & consules, ut ille ad certam Summam; hi de maiore cognoscerent. Vnde lucem capit locus Vlpiani in *Fragm. XXV. 12.* Videatur Cuiac. *Obs. XXI, 34.* Merill. *Obs. V. 36. p. 112.*



Titus L. 2. §. 32. D. eod. Accessit sub Nerua praetor fiscalis L. 2. §. 32. eod. vt & praetor tutelaris sub M. Antonino Philosopho, Iul. Capitolin. vit. Marci Anton. X. L. 6. §. 13. D. de excus. tut.

XXI. Ex his praetoribus urbanus reliquos anteibat, iisdem, quibus Consules, auspiciis creatus. Hinc consulibus instar collegae erat, Gell. Noct. Att. XIII, 14. Plin. paneg. LXXVII, 4. illisque absentibus, summum penes Praetorem erat in vrbe imperium, ceu patet ex Ciceron. Epist. ad Fam. X, 12. Liu. XXIV, 9. Dio Cass. LVIII. Vtebatur enim praetor, sicuti consules, praetexta, sella curuli, ministris, scribis & accensis. Cicero de lege agrar. aduers. Rull. II, 13. Lictores eum praeibant duo cum fascibus. Quamuis enim de sex lictoribus subinde loquantur Plutarchus, Polybius, Appianus, qui ideo etiam praeturam *ἀρχὴν ἐξαπωλεκτην* vocare solent: intelligendum tamen hoc non est de praetura urbana, ceu suspicatur Petr. Fab. Semestr. I. p. 169. sed de prouinciali, vti obseruatum est a Car. Sigon. de antiquo iure Ciu. Rom. I, 20. p. 227. Praecipuum vero praeturae insigne erat hasta, quae ideo saepius in numis veteribus conspicitur.

XXII.  
Praetoris  
iurisdic-  
tio.

XXII. Totum praetoris munus tribus hisce verbis continebatur DO, DICO, ADDICO, Ouid. Fast. I. v. 47. sequ. Varro de Lingu. Lat. V, 4. Dabat enim Praetor actionem & exceptionem, dabat bonorum possessionem: dabat iudices, arbitros, recuperatores, dabat tutores ex lege Atilia. Dicebat viam in vindiciis: dicebat interdicens, quoties de possessione agebatur, indicebat, aduocata concione, ferias,

serias, si quando terra in vrbe tremuisset. Gell. Noct. Attic. X, 24. Sueton. Claud. XXII. Addicebat denique, veluti facta in iure cessione, mancipatione, ceteris.

XXIII. Mos autem erat, vt praetor, creatus centuriatis comitiis, priusquam ius diceret, edicto in albo (m) denunciaret, quomodo eo anno ius esset dicturus. At quis? Urbanus tantum an peregrinus etiam? De prouincialibus enim nulla est dubitandi ratio. Praetori peregrino sane hoc ius negant Hotoman. & V. C. Io. Ge. Schubart. de Fat. Iurisp. Rom. p. 399. At eidem id vindicat V. C. Hern. Bern Reinold, Var. XXXVII. p. 267. ob legem 9. §. 4. D. de dol. mal. vbi memorantur Labeonis libri Praetoris peregrini. Sed illis non tam videtur Labeo edictum Praetoris peregrini interpretatus, quam exposuisse officium Praetoris peregrini, quemadmodum etiam de officio Praetoris urbani egit in libris Praetoris urbani, quorum mentio fit in L. 19. D. de

XXIII.  
Edicta  
praetoria.

(m) Album quid fuerit, adhuc sub iudice lis est. Theophilo §. 12. Inst. de action album est edictum, διὰ τὸ λευκοῖς γειγραμμένον γράμμασι, Albis litteris scriptum. Enim vero non ipsum edictum album vocabatur, sed edictum in albo proponebatur. Accursii sententia, existimantis, fuisse parietem dealbatum, plerisque hodie vapulat. Sed videtur tamen idem colligi posse ex Plauto Pers 1, 2. v. 21, modo codices MSS. addicerent:

Nae isti faxim nusquam adbare ant,

Qui hic ALBO PARIETE aliena oppugnant bona.

Et Suidas voce λευκωμα album interpretatur parietem, gypso obductum, ad inscriptionem civilium rerum aptum. Iac. Raeward. Protribun. IV, p. 887.

*de V. S.* Sane libros ad edictum singulares scripsisse Labeonem, & ab illis diversos, patet ex *L. 1. §. 5. D. de fugitiu.* & Gell. *IV, 2.* Certiora itaque sunt testimonia Boethii *ad Cic. Topic.* & Theophili *§. 7. Inst. de I. N. G. & C.* qui & Praetores peregrinos edicta proposuisse, diserte scribunt, eiusque rei auctores procul dubio habent veteres & satis idoneos. Edicebant itaque omnes Praetores. Idque fiebat habita concione, dictoque in leges iure iurando, (n) ceu adparet ex Ciceron. *de Finib. II, 21.* Erant vero praetorum edicta vel generalia vel specialia. Illa, quam iuris dicundi rationem per annum sequuturus esset praetor, indicabant, unde & *leges annuae* dicuntur Cicer. *Verr. I, 42.* Haec obuenientibus quibusque negotiis dabantur, ad similes causas non extendenda. Unde vberimus natus est iniquarum sententiarum prouentus, qui occasionem dedit edicto: QVOD QVISQVE IVRIS IN ALTERVM STATVERIT, VT IPSE EODEM VTATUR. Exemplum reperies apud Tacit. *Annal. II, 30.* Quum vero generalia edicta subinde mutarentur, nec levis inde nasceretur iuris confusio: obuiam huic praetorum licentiae initum est lege Cornelia, (o) lata A. V. C. lbc LXXXVII.

(n) Praetores edicta scripturos etiam tribunos plebis adhibuisse in consilium, patet ex Cic. *de Offic. III, 20.*

(o) Antea, A. V. C. lb. LXXXVI. more consueto SC. ea de re factum patet ex actis diurnis, quae in bibliotheca If. Vossii fuerunt, in quibus & haec exstant:

HORA OCTAVA SENATVS COACTVS  
IN HOSTILIA.

LXXXVII. a. C. Cornelio, tribuno plebis, C. Pilone & Man. Glabrione coss. qua cautum est, ut praetores ex edictis perpetuis ius dicerent, neque per integrum annum quidquam in iis immutarent. Dio Cass. *Hist. XXXVI* p. 12. Ex eo tempore paullo certius esse coepit ius praetorium, (p) adeo, ut iam tempore Ciceronis plerique non, ut olim, a XII. Tabulis, sed a praetoris edicto iuris disciplinam auspicarentur, ceu ex Cicer. *de Legib. I, 6.* obseruat Iac. Perizon. *Diss. de Leg. Vocon. p. 193.* Quamvis vero post legem Corneliam praetori haut liceret edictum suum per annum mutare: nihil impediebat tamen, quo minus successor antecessorum edicta, inito magistratu, vel augere vel immutare posset. Vnde, quae retinebat successor, *edicti tralatitii*; quae addebat vel immutabat, *edicti noui* nomine veniebant. Cic. *Verrin. I, 44.* Non prius ergo edictum vere perpetuum prodiit, quam temporibus Hadriani, de quo diximus in *prooem. n. XIII. & sequ.*

XXIV. Quamuis vero praetores initio magistratus in leges iurarent: reuera tamen leges edictis suis euertebant sub specie aequitatis.

Quod ius immutauerint ?

SC. FACTVM EST. VTI PRAETORES EX SVIS PERPETVIS EDICTIS IVS DICERENT.

Vid. Dodvvel. ad Spartian. *Hadr. p. 333. & in Adpend. p. 665.* Ez. Spanhem. *Orb. Rom. II, 12. p. 97.*

(p) Vnde iam ante edictum perpetuum ad edictum commentari coeperunt iureconfulti, veluti Seru. Sulpicius, A. Ofilius & alii.



Quod iam Dio Cass. *Hist. XXXVI. p. 21.* observans :  
 ἔ γάρ, inquit, οἱ στρατηγοὶ, πάντα τὰ δικαίωματα,  
 ἀ περὶ τὰ συμβόλαια διετεταγμένα, ἕτε ἑσάπαξ τῇ  
 ἐπίειν, ἕτε τὰ γραφέντα ἐτήρουν, ἀλλὰ πολλάκις αὐ-  
 τὰ μετέγρουν, καὶ συχνὰ ἐν τέτῳ πρὸς χάριν ἢ καὶ  
 ἔχθραν τινῶν, ὥσπερ εἰδικός, ἐγίνετο. *Neque enim*  
*praetores id ius, quod ad contractus dirigendos positum*  
*erat, observarant, neque scripto iuri steterant: sed*  
*saepenumero ea variaverant, crebroque per gratiam*  
*& odium certorum hominum, veluti fieri adsolet mul-*  
*ta gerebantur.* Vtebantur hanc in rem variis ar-  
 tibus, veluti I. *fictionibus*, quando, verbi gra-  
 tia, fingeant rem vsucaptam, quae vsucapta  
 haut esset, vel contra. §. 4. & 5. *Inst. de actionib.*  
*immo, quod magis ridiculum videri posset, quando*  
*fingeant, filiam patroni esse filium, cuius παλαιᾶς*  
*ὑποκρίσεως ἢ παρατηρήσεως mentio fit in Basilic. Lib.*  
*XLIX. tit. I. p. 594. Tomo VI.* Addantur, quæ  
 diximus in *Comment. ad L. Jul. & Pap. Lib. II. cap.*  
*22. p. 355.* Vtebantur II. *novis nominibus*, veluti  
 quum bonorum possessionem darent iis, qui-  
 bus leges hereditatem negabant. Vtebantur  
 III. *exceptionibus* quibus actiones legibus datae  
 eliderentur. Vtebantur IV. *restitutionibus in in-*  
*tegrum*, quibus non modo leges, sed & res iu-  
 dicatas resciderunt praetores. Vt adeo vere  
 summa penes Praetores esset non quidem legis-  
 latoria, sed leges euertendi potestas, quam-  
 vis edicta adiuuandi, supplendi, corrigendi-  
 que iuris civilis gratia proponi, prae se ferrent.  
*L. 7. §. 1. D. de inst. & iur. Thomaf. Naen. Iuris-*  
*pr. Anteiust. I, 7. p. 31. Ge. Beyer. Posit. Paudect.*  
*I, 2. p. 14.*

XXV. Praetorum exemplo *aediles* quoque XXV. Aediles plebei & curules. edicta sua proponebant, quae & ipsa pertinebant ad ius honorarium. Erant aediles vel plebei vel curules. Plutarch. in *Mario*. p. 408. Illorum duo una cum tribunis plebis creari coeperunt anno V. C. CCLX, ut Tribunis essent ad manus, eorumque iussu causas leuiores litesque priuatas diiudicandas suscipere, aedium sacrarum, locorumque publicorum, ut & annonae, curam gererent, matronarum denique ciuiumque mores obseruarent. Dionys. Halic. *Antiq. Rom.* VI. p. 411. Curules vero, de quibus hic agimus, e patriciis legebantur. Quum enim discordia, de consule plebeio creando inter plebem & patricios exorta, sopita videretur, ludique ob eam rem decernerentur diis patriis, detrectantibus hanc curam aedilibus plebeiis, obtulerunt se bini iuuenes patricii, polliciti, se hoc munus suscepturos. Collaudauit populus hoc de republica bene merendi studium, & denuo delusus patriciorum artibus, hos patricios iuuenes aediles creauit, sellamque curulem honoris causa concessit, unde & AEDILES CURULES dici consueuerunt. Liu. *Hist.* VI, 42.

XXVI. Penes hos ergo erat annonae (q) via-

(q) Hanc annonae procurationem postea Iulius Caesar demandavit duobus aliis Aedilibus, qui CEREALLES vocabantur. Dio Cass. *Hist.* XLIII, p. 271. L. 2. §. 32. D. de orig. iur. pro quibus perperam *Praetores Cereales* sibi fingunt Rosinus, Alex. ab Alexandro & Jan. Vinc. Grauius, quibus satisfecit. V. C. Henr. Bern. Reinold. *Var. cap.* III. p. 27.

viarumque publicarum curatio, tutela vr̄bis, ludorum institutio, de rebus venalibus promercalibusque cognitio, & praecipue sacrarum aedium cura, a qua & AEDILIUM nomen sunt consequuti. Varro *de Lingua Lat. IV. p. 20.* Cicero *Verrin. VII, 14.* Iisdem quoque demandata erat ἐπισκοπή in fornices, cauponas, & mulieres, quae quaestum corpore faciebant, quae nomina solebant apud aediles profiteri, vt suo loco docebimus.

XXVII.  
Edictum  
Aediliti-  
um.

XXVII. De rebus hisce ad iurisdictionem suam pertinentibus ipsi quoque, vt iam diximus, edicta proponebant, ad quae adludit suo more Plautus *Capt. IV, 2. v. 44.*

Euge EDICTIONES AEDILITIAS habet.

Et ex hoc quidem aedilitio edicto descendunt actiones contra venditores rerum vitiosarum, & eos qui bestias feroces habent, vbi iter fit, veluti redhibitoria, quanti minoris, & aliae, quarum fragmenta tria etiamnum exstant in pandectis. Primum scilicet *L. 27. §. 28. D. ad L. Aquil.* alterum *L. 1. §. 1. & L. 38. pr. D. de aedil. edict.* tertium *Leg. 40. §. 1. & L. 41. 42. D. eod.* Fr. Pollet. *For. Rom. III, 2.* Barn. Briffon. *de Formul. III, p. 289.* Ceterum, de quibus edicebant aediles, de iisdem & praetores cognoscere consueuerant, & illis deficientibus, causae ad hos transferebantur. De qua concurrente praetorum aediliumque iurisdictione (r) disserit Jac. Cuiac. *Obseru. VIII, 38.*

XXVIII.

(r) Ob hanc concurrentem iurisdictionem factum videtur,

XXVIII. Pergimus ad *responsa prudentum*, XXVIII. *Responsa*  
 quae & ipsa partem iuris constituebant. Di- *pruden-*  
 cebantur ea speciatim IVS CIVILE, Ci- *tum.*  
 cer. *pro A. Caecinna* XXIII, L. 2. §. 5. *D. de orig.*  
*iur.* non vero IVRISPRVDENTIA ME-  
 DIA: §. 3. *Inst. de legit. agnat. success.* qua po-  
 tius totius iurisprudentiae Romanae periodus  
 ab Hadriano ad Constantinum M. intelligitur.  
 Ictos hic discrepantes in viam reduxit V. C.  
 Iac. Perizon. *ad L. Vocon. p. 198.* Multa tamen  
 iuris capita post XII. Tab. per interpretatio-  
 nem inuexerunt Icti, ob eamque rem & iu-  
 reconsulti ipsi IVRIS AVCTORES L. 3.  
*D. si pars hered. pet. L. 39. D. de act. emt. L. 17. D.*  
*de iure patr. vt & IVRIS CONDITO-*  
*RES* adpellantur. *L. 25. C. de procurat.*

XXIX. Iureconsultis Romae originem XXIX. *Iu-*  
 dedit institutum a Romulo IVS PATRO- *reconful-*  
 NATUS. Patriciorum enim erat, parentum *torum ori-*  
 munere fungi erga plebeios, vnde & *patroni* di- *go.*  
 cebantur, quasi patres, quemadmodum ma-  
 tronae quasi matres sunt. Optio ergo cuius  
 erat e plebe, quem vellet sibi patronum legendi  
 e patri-

detur, vt & Aediles haut raro PRAETORES di-  
 cantur. Sic Paullus *Recept. Sent. l. 15. 2.* aedilitium  
 edictum diserte tribuit Praetori. Quin & generale  
 fuit hoc magistratum nomen. Nam & consules,  
 procoff. praelides, legati Caesaris, dicti nonnum-  
 quam PRAETORES. In notis quoque Valerii  
 Probi exstat PR. VIGILVM, id est, vti V. C. inter-  
 pretatur, *Praetor Vigilum*, qui & *Praetor plebis* voca-  
 tur Iustiniano *Nov. XIII. Conf. Ger. Nood. Probabil.*  
*l. 6. p. 16. 17.*



epatriciis. Hunc vero oportebat clientibus respondere de iure, cuius illi rudes erant, absentium aequae ac praesentium negotia curare, lites pro iis suscipere, in ius vocatos defendere, & quietem eis pro virili parare a publicis privatisque negotiis. Vicissim plebeiorum erat, patronos in elocandis filiis iuvare, captivos vel ipsos vel eorum filios redimere, litium aestimationes & multas pro iis soluere, in magistratibus muneribusque eos argento subleuare, & quae sunt alia huius generis officia. Vnde & *clientes* dicti, quasi *colentes* vel *κλειςθης*. Dionys. Halic. *Ant. Rom.* II. p. 84. Plutarch. *vit. Romuli* p. 24. *Tomo I. op. Polyb. Hist. VI.* p. 459. Eaque mutua obligatio tanta necessitudine ac fide adstringebatur, ut proximum patrono locum secundum parentem concedat Cato *apud Gell. Noct. Att. V,* 13. Nec privati tantum suos habebant patronos, sed & coloniae, urbes sociae, gentes amicae & deuictae, suos Romae patronos eligebant ex patriciis & postea senatoriis familiis, quibus saepenumero senatus controuersias illarum decidendas commisit. Dionys. Hal. II, p. 85. Cicero *de Offic. I,* 11. Immo nullum temere erat negotiatorum corpus, nullum artificum collegium, quod non patronum sibi Romanam quamdam familiam adoptasset. Sic in marmore Surretino *apud Reines. Inscript. Classe VI, n 32. p. 412.*

FLAVIO FVRIO FAVSTO V. C. TRIBVNO.

AB ORIGINE PATRONO  
OB MERITA LABORVM SVORVM  
VNI.

UNIVERSVS ORDO ET POPVLVS  
SVRRETINORVM  
STATVAM NOBILITATI EIVS  
FACIENDAM CVRAVIMVS.

Ita & municipes Ciuilitani *L. ARCADIVM  
PROCVLVM V. C. LIBEROS POSTEROS-  
QVE EIVS SIBI POSTERISQVE SVIS  
PATRONOS COOPTAVERVNT* Gruter.  
*Inscript. p. CCCLXII. 1.* Sic & alibi laudantur  
PATRONVS CAPVANORVM LONGE  
A MAIORIBVS ORIGINALIS, Idem *p.  
CCCLIX, 1.* SVESSIANORVM COMMIV-  
NIS ABORIGINE PATRONVS *p. MXXVII,*  
*3.* PATRONI COLLEGIORVM CEN-  
TONARIORVM *Reines. Class. I, 302.* DEN-  
DROPHORORVM Idem, I, 283. FABRO-  
RVM. Idem II, 17. LENVNCVLORVM.  
OSTIENSIVM. Idem I, 33. NEGOTIA-  
TORVM OLEARIORVM EX BAETICA  
Idem VI, 123. PAGI TOLENTINES Id.  
*Adpend. num. VIII.* Horum patronorum in eo  
consistebat officium, vt coloniarum, vrbium,  
collegiorum, pagorum negotia in senatu & vr-  
be sese curaturos, reciperent. Quo officiorum  
genere ita plerumque aere emungebant clien-  
tes, vt legibus nouis opus esset ad hanc patro-  
norum rapacitatem coercendam. *Tit. C. Theod.  
de patroc. vicor. Lib. XII. tit. 24. & Cod. Iust. Lib.  
XI. tit. 53.* Liban. *Orat. περί των προσασιαων. p. 14.*  
*seq. edit.* Iac. Gothofr. Alias veteri iure gratuita  
erant inter patronos & clientes officia, & vt il-  
li gratis plebeiorum curabant negotia: ita &  
hi pecunias sine foenore credebant. *Dionys. Ha-  
licarn. II. p. 48.* Quum ergo initio e patriciis

fuis quisque clientibus de iure responderet :  
 postea omnibus consulentibus promiscue se  
 dare coeperunt, & quidem mercede conducti :  
 & inde obsoleuit antiquum illud ius patrona-  
 tus, natiq̃ue sunt iureconsulti, qui iam respon-  
 derunt de iure, causasque egerunt, atque adeo  
 omnia, quae olim patronorum fuerant, in se  
 transferebant officia. Vid. praeter Fr. Brumme-  
 rum V. C. *ad Legem. Cinciam.* Ge. Schubart. *de*  
*Fatis Iurisp. Rom. I, 15. p. 29.* Et hinc facile reddi  
 poterit ratio, cur plerique Iureconsulti veteres  
 ordinis fuerint patricii ? cur *patroni* dicti, qui  
 causas agebant ? cur iureconsulti atque aduo-  
 cati eos, a quibus adhibebantur in consilium,  
*clientes* vocarint ? Cur iure veteri & per legem  
 Cinciam gratuitum esse oporteret aduocato-  
 rum officium ? Brummer. *l. c. cap. III, usque ad*  
*XI.*

XXX.

Quale ius  
 iurecon-  
 sulti con-  
 diderint.

XXX. Tria vero sunt summa capita, qui-  
 bus iurisprudentiam locupletarunt iurecon-  
 sulti ? I. actiones legis II. interpretatio legum,  
 & III. nouum ius quod interpretando inuexe-  
 runt, petatum plerumque ex mediis philoso-  
 phiae morales principijs, & iuri XII. Tabula-  
 rum veluti adpendicis loco adiectum, vt loqui-  
 tur Iac. Raenard. *de Auctorit. prudent. I. p. 952.*  
*Tomo I. op.*

XXXI.

Actiones  
 legis a iu-  
 reconsultis inuen-  
 tae.

XXXI. Actiones legis quid fuerint, iam  
 supra est a nobis explicatum. Eas vero a iure-  
 consultis maximam partem esse inuentas, adpa-  
 ret ex L. 2. §. 2. *D. de orig. iur.* Cicer. *pro Muraena*  
*XI, XII.* Et hinc eae ad singulare veluti iure-  
 con-

consultorum peculium (s) pertinebant, quod seruabant tanto diligentius, quanto magis hac arte plebem habebant sibi obnoxiam. Cicero l. c & de Orat. I, 41.

XXXII. Interpretari porro solebant leges, partim libris scriptis, partim editis responsis, partim disputatione fori. Et initio quidem a docendo non modo, sed & scribendo sese abstinebant iureconsulti, ne mysteria sua cum plebe communicarent. Postea, vbi Cn. Flavius & Sex. Aelius horribile illud actionum secretum euulgarunt, multi se ad scribendum commentandumque certatim contulerunt, quorum in-

XXXII.

lidem leges interpretati sunt l. scribendo docendoque.

(s) Equidem penes Pontificum collegium fuisse legis actiones docet Pompon. L. 2. §. 6. de orig. iur. sed caue cum vulgo existimes, ad omnes legis actiones uniuersamque interpretandi rationem hunc Pomponii locum pertinere. Aliud docet Cicero de Legib. II, 19. *Saepe ex patre audiui, pontificem neminem bonum esse, nisi qui ius ciuile cognosset. Totumme? Quid ita? Quid enim ad pontificem de iure parietum, aut aquarum, aut ullo similium? Ergo quod cum religione coniunctum est. Id autem quantulum est? De sacris, credo, de votis, de feriis, de sepulchris, & si quid eiusmodi est* Conferatur & cap. XXI. Quaecunque ergo cum religione coniuncta erant, ea demum erant cognitionis pontificiae. Hinc eorum erat, dies iudiciorum signare, & litigantibus indicare, quibus lege agere vel fas vel nefas esset; *Lin. I, 19. Cicero pro Muraena XI. respondere de iuribus domus, nam & domi sacra priuata erant, in quibus quum constitutae quoque essent uxores & liberi, etiam nuptiae, adrogationes, adoptiones auctoribus fiebant pontificibus. Denique de omnibus rebus sacris & religiosis iura interpretabantur Pontifices.* Georg. Schubart. de Fat. Iurispr. Rom. II, 59. sequ. p. 296.

(s)



interpretationes sensim auctoritatem iuris vsu  
 fori sunt consequutae. *L. 2. §. 35. seq. de orig. iur.*  
 Vnde illud ius *sine scripto venire*, ait Pomponius  
*L. 2. §. 5. D. eod.* siquidem libri iureconsultorum  
 non eo fine eoque instituto fuerant conscripti,  
 vt instar legum promulgarentur; sed tantam  
 auctoritatem eorum sententiae tacito populi  
 consensu erant consequutae. At postquam  
 Theodosius quibusdam iureconsultorum libris  
 legum adcommoauit auctoritatem, & Iusti-  
 nianus eorum loca in Pandectas relata ita pro-  
 mulgauit, vt *quidquid ibi scriptum est, hoc Iustiniani*  
*adpareret, & ex eius voluntate compositum existi-*  
*maretur: L. 2. §. 10. C. de vet. iur. enucl.* coepe-  
 runt eae iureconsultorum decisiones iuri scri-  
 pto accenseri, Et huc referenda §. 3. *Inst. h. t.*  
 Ger. Noodt. *de pact. & transact.* XIX. p. 715.

XXXIII.

Vt & II. de  
 iure re-  
 sponden-  
 do.

XXXIII. Responso iureconsulti vel par-  
 tibus dabant consulentibus. vel iudicibus vel  
 vtrisque; & tunc quidem vel scripto vel ver-  
 bis, quid sibi videretur, exponebant. Solebant  
 enim iureconsulti frequenter medio foro inam-  
 bulare, veluti obuui & communes iis, haerent  
 incerti, & remedium sibi consulendi ignora-  
 rent. Cicero *Topic XVII. Priuata iudicia maxima-*  
*rum quidem rerum in iure consultorum mihi videntur*  
*esse prudentia.* Nam & *adsunt multum* (in medio  
 puta foro.) & *adhibentur in consilium* (domi,) &  
*patronis diligentibus ad eorum prudentiam confugienti-*  
*bus hastas ministrant.* Vnde facile patet, cur &  
 ADVOCATI dicti sint. Deinde & domi suae  
 sibi constituere solebant solium, ex quo con-  
 fluentibus ad se clientibus, tanquam ex tripode,

de, responderent. Cicero *de Leg. 1, 3*. Et ad hoc folium respicere arbitror eundem Ciceronem, quando per iocum scribit: *C. Aquilium iureconsultum iurasse morbum, & illud suum REGNUM IUDICIALE opposuisse. Epist. ad Attic. 1, 1*. Mane ergo quotidie ad aedes eorum ventitabant clientes, & vestibula eorum maxima semper frequentia ciuium celebrabantur, vt non immerito iureconsulti domus totius oraculum ciuitatis videretur Ciceroni *de Orat. 1, 45*. Quo pertinent illa Horatii *Serm. 1, 1. v. 9, 10*.

*Agricolam laudat iuris legumque peritus*

*Sub gallicantum consultor ubi OSTIA PVL-*  
*SAT,*

Et alibi *Epist. 11, 1. v. 103*.

*Romae dulce diu fuit & sollemne, reclusa*

*Mane domo vigilare, clienti promere iura.*

Immo & Tibullus *1, 4*. quasi amatorii iuris scientiam sibi adrogans, seque ad priscam iureconsultorum imitationem componens :

- - - *Me, inquit, qui spernentur, amantes*

*Consultent: cunctis ianua nostra patet.*

*Tempus erit, quum me Veneris praecepta ferentem*

*Deducat iuuenum sedula turba domum.*

Ge. Schubart. *de fat. iurisp. Rom. 11, 52. p. 265*. Ceterum & hoc fiebat formulis quibusdam & verbis sollemnioribus. Venia enim prius petebatur his verbis: LICET CONSVLERE? Adnuente iureconsulto, & respondente: CONSVLE, plerumque breuissime referebatur negotium, addita quaestione; QVAERO AN EXISTIMES? vel: ID IVS EST NECNE? Respondebat Iureconsultus: SECVNDVM  
EA,

EA QVAE PROPONVNTVR , EXISTI-  
MO , PLACET, PVTO , id semper dans o-  
peram, vt quam modestissime loqueretur. Ho-  
rat. *Serm. II, 3. v. 192 seq.* Turneb. *Advers. VII, 10.*  
Briffon. *de Form. III. p. 331.* Franc. Duaren. *Disp.*  
*Annu. II, 11. p. 1064.* Ger. Nood. *de dolo malo. XII,*  
*p. 507. & de pact. & transact. p. 733.* Consuleban-  
tur etiam nonnunquam iureconsulti a iudici-  
bus, quibus vel absentes scribebant, quid esset  
iuris, L. 2. §. 47. *D. de orig. iur.* vel coram iura  
explicabant. Plerumque enim iudices in con-  
siliū adhibebant aliquot iureconsultos, vt pa-  
tet ex Gellii *Noct. Attic. XII, 13.* Car. Sigon. *de*  
*antiquo iure civ. Rom. II, 18. de antiquo iure provinc.*  
*II, 5. p. 198.*

XXXIV.  
Responso-  
rum for-  
ma.

XXXIV. Erant responsa plerumque bre-  
uissima, & nullis munita rationibus. Seneca  
*Epist. XCIV. Quid? quod etiam sine probationibus*  
*monentis auctoritas prodest, sic, quomodo iureconsulto-*  
*rum valent responsa, etiamsi* **RATIO NON**  
**REDDITVR.** Nonnunquam tamen & ratio-  
nes quasdam addebant, vel ex legum verbis, vel  
ex aliorum prudentum auctoritate, vel ex usu  
fori, vel ex decretis denique seuerioris philoso-  
phiae depromtas. Hortled. *Diff. de vero sensu L.*  
*20. D. de Legib. num. XLVIII.* D. Okel. *Diff. de iu-*  
*reconsulto rationali III. & VII. p. 154,*

XXXV.  
Denique  
III. Dispu-  
tatione for-  
xi.

XXXV. Pertinet etiam ad interpretationem  
**DISPVATIO FORI.** Nonnunquam enim de  
grauibus perplexisque quaestionibus dissiden-  
tes iureconsulti, rationibus subductis, decisio-  
nem communi suffragio inueniebant, adeoque  
prius in commune consulebant ea; dicebatur  
**DISPVTA-**

DISPUTATIO FORI, cuius meminit Pomponius L. 2. §. 5. *D. de orig. iur.* In dubium quidem id vocat Ge. Schubartus *de fat. iurisprud. Rom. Ex. II*, 57. p. 292. sed sexcenta ad sunt rei testimonia. Augustum ob quaestionem de codicillis, conuocasse prudentes viros, interque eos Trebatium quoque, cuius tunc maxima erat auctoritas, notum est ex §. 1. *Inst. de Codicill.* Pari ratione diui fratres, quum quaestio esset de exclusionem nepotis a bonis auiti liberti, *cum Maeciano, aliisque amicis suis iurisperitis adhibitis, rem plenius tractarunt*, teste Vlpiano L. 17. *de iure patron.* Sed & Paullus ait, *quum de quodam quaereretur, an recte exheredatus videretur. Scaeuolam respondisse, non videri, & in DISPUTANDO responsi sui rationem eundem Scaeuolam adiecisse.* L. 19. *D. de lib. & postum.* Nec alio videtur respexisse Asconius Paedianus in Cicer. *Verrin. III*, p. 1849. quando ait: *Maleficia sponte, & non DISPUTATIONE IVRISCONSULTORVM, sed naturali interpretatione, fugienda sunt.* Denique eodem referenda illa veteris Scholiastae, qui explicaturus illa luuenalis. *Sat. I, v. 128.*

- - - - *Iurisque peritus Apollo.*

addit p. m 26. *Quia iuxta Apollinis templum iure-consulti sedebant, & TRACTABANT.* Vbi tractare idem ac disputare est. Plura dabit Iac. Raeuard. *prudent. XIV. p. 1031.* Reperta vero ejusmodi disputatione definitio, quamuis non haberet vim iuris, nisi simul usu recepta: magnae tamen auctoritatis habebatur, & si vel vsus fori, vel noua auctoritas accederet, etiam ad similes extendebatur casus. Ger. Nood.

ad



*ad Leg. Aquil. XV. p. 106. de Pact. & Transact. XIX. p. 718.* Et tum demum vocari solebat RE-  
 CEPTA SENTENTIA, RECEPTVM IVS,  
 RECEPTVS MOS, POST MVLTAS VA-  
 RIATIONES RECEPTVM. (t) L. 215. D. de  
 verb. obl. L. 3. C. in quib. causf. L. 41. D. de reb. cre-  
 dit. *Receptum enim inquit Festus, dicitur, quid-*  
*quid a plerisque prudentibus adprobatum est.* Conf.  
 Barn. Briffon. *de verb. signif. voce Receptum* & Guil.  
 Budaeus *in Comment. ad L. 11. §. 1. D. de verb.*  
*signif.* Quin & REGVLAE IVRIS, quarum  
 toties ius nostrum meminit, nihil aliud sunt,  
 quam breues quaedam positiones, quae rem  
 fori disputatione definitam & iureconsultorum  
 consensu receptam concise enarrant. *Raeuard.*  
*de Auctorit. Prudent. XV. p. 1036. seq. & Comment.*  
*ad L. 1. de reg. iur. p. 125.*

XXXVI.  
 Iurecon-  
 sulti ius  
 suppleue-  
 runt.

XXXVI. Tertium, quod iureconsultis  
 ius Romanum debet, caput veluti adpendicem  
 quamdam XII. Tabularum & reliquarum le-  
 gum complectitur. Vbi enim deficere vide-  
 bantur leges & praetorum aediliumque edicta,  
 ibi iureconsultorum erat, ius ex aequitate sup-  
 plere. Hinc permulta nata sunt in Iurecon-  
 sultorum scholis ac disputationibus decreta  
 quae ex nulla scripta lege nulloque edicto de-  
 scenderunt. Sic acquisitio verbi gratia per ad-  
 rogationem inuenta fuerat a iureconsultis.  
*princ. Inst. de acquisit. per adrogat.* Eamdem origi-  
 nem

(t) Frequentissima in iure nostro locutio: *Post magnas*  
*variationes obinuit.* L. ult. D. pro Legat. L. 32. D. de  
 oblig. & act. L. 35. §. 1. de legat. 2.

nem fuisse nouimus codicillorum, exheredationis postumorum, differentiae inter exheredationem filiorum, filiarum & nepotum, stipulationis Aquilianae, regulae Catonianae, substitutionis pupillaris, donationis inter virum & uxorem prohibitaе, actionis rei uxoriae, querelae inofficiosi testamenti, aliarumque huius generis materiarum iuris. Luculentum hanc in rem exstat testimonium Ciceronis in *orat. pro Muræna XII.* *Quum permulta praeclare legibus essent constituta, ea iureconsultorum ingeniis pleraq; corrupta ac deprauata sunt. Mulieres omnes propter infirmitatem consilii maiores in tutorum potestate esse voluerunt: hi inuenerunt genera tutorum, quae potestate mulierum continerentur. Sacra interire illi noluerunt: horum ingenio senes ad coemptiones faciendas interimendorum sacrorum causa reperti sunt. In omni denique iure civili aequitatem reliquerunt verba ipsa tenuerunt. Sic multa inuenere iure consulti, multa disputationibus suis ac responsis inuexerunt in forum, quae nec lex vlla nec praetoris edictum constituerat. Et haec decreta ob auctorum duntaxat celebritatem vim quamdam legum obtinuerunt, & postea rerum iudicatarum constantia firmitus haeserunt. Vid. Vinc. Graulina de *ortu & progr. iur. civ. §. XLIII.**

XXXVII. Quantacunque vero esset veterum Ictorum auctoritas: iudices tamen non obligabant eorum responsa. Hinc Cicero *pro Mur. XIII.* *iureconsultorum responsa & decreta saepe ab oratoribus dicundo eueriti, testatur. Et in orat. pro A. Caecina XXIV.* exemplum adducit

E

Crassi,

XXXVII.  
Eorum auctoritas  
initio minor.

Crassi, qui in iudicio centumuirali obtinuerit, ut Scaeuolae responsum minime attendere-  
tur. Quare tunc ne signabant quidem respon-  
sa. L. 2. §. 47. D. de orig. iur. (certe id non vide-  
batur necessarium,) & plerumque utebantur  
verbis SVADEO. L. 3. §. 1. D. de minorib. vig.  
quinque ann. VIDETVR, PVTO, SENTIO.  
&c. Duaren. Disp. ann. II, II, p. 1064. ut ne iudici  
praescribere sententiam viderentur. Immo ob  
eamdem causam omnibus, quibus esset studio-  
rum fiducia, de iure respondere licebat. L. 2. §.  
47. D. de Orig. Iuris. (u)

## XXXVIII

Augustus  
quibus-  
dam priui-  
legium  
dedit de  
iure re-  
sponden-  
di.

XXXVIII. Sed ista omnia immutauit  
Augustus, qui primus respondendi de iure fa-  
cultatem certis tantum hominibus beneficii lo-  
co indulgit, adstrinxitque iudices, ut ne ab eo-  
rum responsis discederent. §. 8. Inst. h. t. L. 2. §.  
ult. D. de orig. iur. Quamvis enim indubium  
id vocet Iac. Gothofredus in Comment. ad C.  
Theod. Lib. I. Tit. 4. p. 32. 35. ubi hanc iurecon-  
sultis auctoritatem partim iam ante Augustum  
saluam fuisse, partim denique a Valentiniano  
III. Imp. stabilitam putat: satisfecit tamen eius  
argumentis Thomas, de naenis iurisp. anteiust. II,  
2. p. 67.

## XXXIX.

(u) Errat ergo Theophilus §. 8. de iure nat. gent. & civ.  
ubi iureconsultos vocat σοφῆς, οἷς τὸ νομοθετεῖν ἢ  
δῆμος ἢ σύγκλητος, ἢ βασιλεὺς ἐπέτρεψε,  
sapientes. quibus iura condere aut populus, aut senatus,  
aut princeps concessit. Nunquam enim in libera repu-  
blica vel populi vel Senatus concessione opus fuisse re-  
sponsuris de iure, inter omnes constat.

(x)

XXXIX. Causa huius sanctionis non ea XXXIX.  
 erat, quam prodit Pomponius L. 2. §. 47. *D. de Ratio hu-*  
*orig. iur. ut maior esset iuris auctoritas.* nec solum, vt *ius institu-*  
 noua responsa vetus edictum & iudiciale prae-  
 toris regnum euerterent, vt acute coniecit V. A.  
 Vlr. Huber. *Auspici. domest. V, p. 178.* nec, vt  
 plebs, otii delinita dulcedine, atrocem reip. me-  
 moriam exueret, quae eiusdem est Huberi sen-  
 tentia: sed partim, ne plebs, innumeris impli-  
 cita litibus, de excutiendo iugo consilia confer-  
 ret: (Thomas *l. c. II, p. 70.*) partim vt eo ipso  
 Augustus legislatoriam potestatem callide sibi  
 vindicaret, legesque pristino reip. statui accom-  
 modatas per iureconsultos corrigeret, & ad prae-  
 sentem detorqueret. (x) Vnde & eam potesta-  
 tem

(x) Praecipua Augusti cura fuit, *legum munia in se tra-*  
*here.* Tacit. *Ann. I, 3.* Quum ergo nouis omnino le-  
 gibus opus esset, nouo hoc statu reip. plures quidem  
 initio rogationes tulit ad populum, seruato veteri reip.  
 more, & inde natae tot *leges Iuliae*, quarum pleraeque  
 Augusto debentur, itemque *Falidia*, *Aelia Sentia*, *Fusca*  
*Caninia*, *Papia Poppaea*, *Iulia & Titia*, & aliae: sed  
 non integrum tamen erat Augusto, omnes antiquas le-  
 ges eadem facilitate euertere, qua illas sub triumui-  
 ratu latas *uno edicto*, aboleuerat. Tac. *Ann. III, 28.*  
 Quum ergo refigi non possent leges antiquae, eaeque  
 tamen non conuenire viderentur nouo isti statui rei-  
 publicae: illud vnum supererat, vt per interpreta-  
 tionem nouam eae ad praesentem reip. formam defle-  
 cterentur. Iam magistratibus hoc permittere, non  
 videbatur tutum: sibi soli id vindicare, & inciuile, &  
 inuidia plenum erat, & molestissimum. Reliqui ergo  
 erant iureconsulti, tanto ad hoc negotium aptiores,  
 quod iam in vetere rep. potestas quaedam interpre-  
 tandi penes istos fuerat. Quemadmodum vero hoc



tem primo Ateio Capitoni, aliisque suarum partium Ictis concessisse videtur.

## XL.

maximum erat Augusti arcanum politicum, quod, prae-  
cis vocabulis retentis, res novas inveheret, *eadem  
magistratum rerumque vocabula; nihil usquam prisci  
atque integri moris* relinqueret: Tacit. *Annal.* I. 3. ita  
& iureconsultis, specie antiqui moris, instrumentis  
nouae dominationis usus est, ita scilicet leges inter-  
pretaturis, quemadmodum id suo expediret imperio.  
His praestructis, totius nouae constitutionis reddi po-  
terit ratio. Promiscuam istam respondendi licentiam  
fustulit, eamque concessit paucis. Cur vero? nisi ut  
eos seligere posset, quos sciret sibi fore obnoxios? Ius-  
sit eos non priuatim, sed publica auctoritate, respon-  
dere. Quamobrem? ut legum interpretatio ita pe-  
nes se esset. Iudicibus eam legem dixit, ne ab istis  
responsis discederent. Quam ob causam? ne, ob-  
seruata legum antiquarum ruina, intercedere, & Au-  
gusti consilium turbare conarentur. Signo opus  
erat, non rationibus. Cur vero? ut ne per rationum  
infirmi-  
tatem palam fieret, id agi, ut leges antiquae  
euerterentur. Ceterum vera esse haec omnia, vel ex  
iis patet, quae inter eum Antistiumque Labeonem acta  
sunt. Eminenti-  
ssimi ea aetate Icti erant Antistius  
Labeo, & Ateius Capito, adeo, ut non immerito *duo  
pacis decora* eos appellet Tacitus *Ann.* III, 75. Quare  
operam dabat Augustus, ut hos potissimum sibi concili-  
aret. Labeoni ergo consulatum offerebat, hoc vi-  
delicet auctoramento calamum eius redditurus ob-  
noxium. Sed *quum incorrupta libertate gauderet, ab  
ambitione honorum vacuus; Tacit. Ann.* I. c. quum-  
que *nihil ratum pensumque haberet, nisi quod iustum,  
sanctumque esse in Romanis antiquitatibus legisset; Gell.  
Noct. Att.* XIII, 12. honorem istum plane respuit. Ani-  
maduertens vero Augustus, Labeonis sibi operam pa-  
rum utilem futuram Ateium Capitonem adortus,  
hunc modis omnibus ornare coepit, consulemque  
creauit. Tacit. *Ann.* III, 75. Erat enim hic eo ingenio  
*ut eius obsequium non posset non dominantibus magis  
pro-*

XL. Sequentes imperatores, (si a Caligula discesseris, qui totum iureconsultorum ordinem aboliturum se minabatur, teste Suetonio *Calig. XXXIV.*) hoc Augusti institutum diligenter seruabant, saltem usque ad Hadrianum. De Tiberio enim id patet ex *L. 2. §. 47. D. de Orig. Iur.* ex quo loco etiam adparet, Hadrianum iterum more maiorum unicuique dedisse facultatem respondendi, qui sui haberet fiduciam. Rogatus enim a viris praetoriis, ut sibi liceret respondere, rescripsit, *hoc non peti, sed praestari solere.* Itaque ab Hadriano ad Alex. Seuerum libera denuo esse coepit respondendi facultas.

Dodw.

XL. Idem  
placuit  
imperato-  
ribus fe-  
quentibus.

Dodw.

*probari*, iudice Tacito *Ann. III.* 75. Egregia sane adulationis specimina eum dedisse, obseruant Tacit. *III.* 70. Sueton. *de illustr. Gramm* XXII. Ergo maximo studio sibi eum adiungebat Augustus, vt eius opera in nouo dominatu vteretur. Haec historia egregie coniecturam nostram confirmat. Intelligimus enim inde, I. Augustum de iureconsultis primariis sibi conciliandis magnopere laborasse. Quod sane non fecisset tantus princeps, nisi eorum operam perutilem sibi in nouo principatu constituendo, legibusque ad praesentem statum detorquendis, futuram animadvertisset. II. Talibus iureconsultis amicis eum vti voluisse, quorum sibi obsequium probaretur, id est C. C. Pitonis similibus, qui non antiquo iuri mordicus inhaerent, sed callide inferuient temporibus. Ex quo denique colligimus, III. non alia de causa eum respondendi facultatem quibusdam tantum iureconsultis dedisse, quam vt eorum calamis vteretur, ad leges veteres & in libera republica receptas euertendas, & ad nouam imperii sui formam tanto facilius deflectendas. Plura de Augusti prudentia *ρομοθετικῇ* diximus in *Praef. Comment. ad L. Iul. & Papiam*, quae euoluissē non poenitebit.

Dodw. *Prael. Cambden IX*, II. p. 355. Hinc de-  
nuo reductum Augusti institutum, ceu patet  
exemplo Innocentii iureconsulti, quem respon-  
dendi facultatem ab Imperatoribus accepisse  
tradit Eunapius *in vita Chrysanthi* p. 286.

XLII. Va-  
lentiniani  
III. &  
Theodosii  
constitu-  
tio de au-  
thoritate  
iurecon-  
sultorum.

XLII. Non poterat non hoc Augusti pri-  
uilegium sectas, summamque iuris incertitudi-  
nem inuehere. Hinc de tollenda ea cogitarunt  
Valentinianus III. & Theodosius iunior impe-  
ratores, qui Papiniani tantum, Paulli, Cuij, Vi-  
piani, & Modestini scripta iusserunt valere in iu-  
diciis, & in allegatione plura eorum praeualere  
paucioribus, ex paribus vero ea, inter quae Pa-  
piniani essent testimonia: si sententiae deni-  
que sine Papiniano pares essent, iudicis arbitrio  
locum esse *L. vn. C. Theod. de Respons. prudent.* &  
*ibi* Gothofredus. Addatur Thomas. *de Naen.*  
*iurisprud. anteiustin. II*, 7. p. 112. seq.

XLII. Iu-  
stiniani in-  
stitutum.

XLII. Denique & id incommodum visum  
Iustiniano, qui Iureconsultorum sententias  
hincinde decerptas promiscue in pandectas re-  
cepit, corpusque conficiendum curavit, ali-  
quando non optime, cohaerens, quippe e mem-  
bris sibi dissimillimis compositum. *L. 1. §. 5. 6.*  
*C. de vet. iure enucl.*

XLIII. Fa-  
cultas in-  
terpretan-  
di iure-  
consultis  
adempta.

XLIII. Quin & omni interpretandi fa-  
cultate interdixit iureconsultis, eosque ad con-  
scribendas metaphrases & paratitla conficien-  
da, tamquam ad perpetuas operas, condemna-  
uit. §. 2. *Const. de concept. Digest. Paratitla* quid  
sint, explicat Aeg. Menag. *Amoenit. iur. civil.*  
*XV.*

XLIV.

**XLIV.** Restat, ut quas symbolas principes, **XLIV.**  
mutata reip. forma, ad ius Romanum contule-  
rint, paucis dicamus. Initio Imperatores ve-  
terem leges ferendi morem aliquamdiu reti-  
nuerunt. Hoc enim ritu sub Augusto, centu-  
riatis comitiis ad populum latae sunt leges *Iu-*  
*liae, Aelia Sentia, Papia Poppaea*; sub Tiberio *Iunia*  
*Norbona*. Claudius quoque veteri ritu rogavit  
legem, ut Domitius in familiam Claudiam &  
nomen Neronis transfiret. Tacit. *Annal.* XII,  
26. Quin ne sub Galba quidem plane exole-  
uisse veterem leges curiatis saltem ferendi ri-  
tum, patet ex Tacit. *Hist.* I, 15.

**XLV.** Quemadmodum vero habita illa **XLV.**  
sub Imperatoribus comitia non nisi quaedam  
pristinae libertatis simulacra erant: ita iam Ti-  
berius, princeps astutus tyrannicisque artibus  
magis, quam quisquam alius, instructus, no-  
uum commentus est leges ferendi morem. Ut  
enim populo ius omne eriperet: (y) comitia  
e campo transtulit in curiam, id est, & hono-  
rum conferendorum arbitrium & leges non  
amplius populi suffragiis, sed senatorum sibi  
obnoxiorum sententiis subiecit. Tacit. *Annal.* I,  
5. Sueton. *Tiber.* XXX. Restituito populo comi-  
tia

(y) Falluntur ergo, qui cum Pomponio L. 2. §. 9. D. de  
orig. iur. & Triboniano §. 5. Inst. h. t. existimant, ideo  
in curiam e campo translata esse comitia quia difficile  
esset, tantam populi multitudinem in unum convenire.  
Quasi enim difficilior id fuisset sub Tiberio, quam li-  
bera republica, quando tota Italia ad comitia con-  
fluebat. Cic. *Orat. ad Quir.* post redit.



tia Caius Caligula. Dio Cass. *LIX. p. 647.* fed illa paullo post ipse iterum illi eripuit. Idem *p. 665.* Ex eo tempore rarius leges latae ad populum : ast eo frequentius prodierunt *senatus consulta*, quibus plerumque praemittebatur *oratio principis*, non quidem semper ab ipso principe, sed saepius (2) a *quaestoribus*, qui *candidati* vocabantur,

(2) In marmoribus saepe legimus QVAESTOR KANDIDATVS, Reines. *Inscr. II, 26. VI, 4.* ΤΑΜΙΑΣ ΚΑΝΔΙΔΑΤΟΣ Gruter. *Inscr. p. cccxxv. 2.* Vocabantur ita, qui libris, epistolis & orationibus principum in senatu praelegendis praeerant. *L. 1. D. de offic. Quaest.* Dio Cass. *LIV, p. 617* Tacit. *Annal. XVI, 27.* Suet. *Tit. VI*, eosque iam ab Augusto adhibitos constat ex Dione Cass. *LIV. p. 539.* & Sueton. *Aug. LXV.* Ideo vero dicti videntur candidati, quia post quaesturam statim praetores fiebant. & inde regebant prouincias. Lamprid. *Vit. Alex. XLIII.* Vnde haec dignitas ingressus erat & quasi primordium gerendorum honorum & sententiae in senatu dicendae. Immo recentiore aeuo saepe cum aliis dignitatibus coniungebatur haec quaestura. Sane Anicius Auchenius Bassus in marmore Romano praeter hanc quaesturam etiam alios gessisse honores dicitur. Reines. *Inscr. VI, 4.*

ANICIO AVCHENIO BASSO. V. C. QVAESTORI CANDIDATO.  
VNO EODEMQVE TEMPORE PRAETORI  
TVTELARI PROCONSVLI.  
CAMPANIAE. PRAEFECTO. VRBI. TRINI  
MAGISTRATVS.  
INSIGNIA. FACVNDIAE. ET. NATALIVM  
SPECIOSA. LVCE. VIRTVTIS. ORNATI.

Talis etiam est Inscriptio, posita  
M. NVMMIO. ALBINO. V. C.  
QVAESTORI. CANDIDATO.

PRAETORI.

tur, recitata. Briffon. *Antiq. Rom.* I, 17. p. 19. Vnde saepe *oratione Principis cautum* dicitur, quod erat Senatus consulto constitutum *L. pen. D. ad SC. Tertull. L. 8. pr. D. de transaction. L. 52. l. 10. D. pro soc. L. 60. pr. D. de ritu nupt. L. 32. pr. §. 1. seq. D. de don. int. vir. & vx. L. 1. L. 7. C. de praed. min. non al.*

XLVI. Etiam in libera republica fiebant SCa: sed ea vim legum non habebant. Quamuis enim initio, pulsis regibus, aristocratiam meditarentur patricii, & hinc apud Dionys. Halicarn. VI, p. 329. legem esse dicerent iam inde ab vrbe condita, quae omnia in senatus potestate ponat, praeter magistratuum creationem, legum lationem & bellum inferendi deponendique arbitrium: id tamen non persuaferunt plebi, libertatis popularis appetentissimae. Vnde non erat penes senatum potestas legislatoria: sed quaedam tantum erant negotia, quae senatus populi iussu ad curam suam reuocauerat, vt puta, aerarium & pecunia publica, quae senatus arbitrio dispensabatur: controversiae in Italia suscitatae, publicaue obiurgatione vel grauiore decreto componendae: legationes aut ad indicendum bellum, aut alia grauiora negotia obeunda decernendae, aut exterorum excipiendae: pro rogationes imperii & prouinciarum: conuocatio

XLVI.  
Differen-  
tia SC. in  
libera rep.  
& sub Im-  
peratoribus.

PRAETORI. VRBANO. COMITI.  
DOMESTICO. ORDINIS. PRIMI. ET  
CONSVLI. ORDINARIO. ITERVM.

Reines. *Inscr.* VII. 132. Legendus de hac dignitate idem Reines. *Var.* III. 16. p. 600.

catio populi: ac denique indictio feriarum & supplicationum. Haec enim omnia senatus solius curationi suberant, nisi tribuniciis intercessionibus res deuolueretur ad populum: ceu praeclare suo more docet Polyb. *Hist. VI*, 12. seq. & ex eo Zamosc. *de Senatu Rom. II*, p. 174. & seq. De his ergo solis in libera republica SCa condebantur, vt recte obseruatum a Bachovio in *πρωτοις*, p. 38. seq. Sed maxime senatus potestas excellebat in trepidis rebus ac turbatis, quibus triste illud fieri solebat senatusconsultum: DARENT OPERAM CONSVLES, NE QUID RESPVBLICA DETRIMENTI CAPERET. Quod decretum summum ac latissimum in consules transferebat imperium, vt suo iure possent exercitum parare, bellum gerere, coercere, etiam iniussu populi, vnde *extremum & ultimum hoc senatusconsultum* vocatur. Liu. *III*, 4. Sallust. *de Bello Catilin. XXIX*. Cic. *Catilin. I*, 2. & *pro Milon. XXVI*. Caesar. *de Bello Ciuili II*, 1. Barn. Briffon. *de Form. II*, p. 212.

XLVII. Fiebant SC. non nisi in sacro auspiciisque dicato loco. (a) Romulus in templo Vulcani extra urbem Senatum coegit. Plutarch. *Quaest. Rom. XLVII*, p. 276. Tullius Hostilius

(a) Nam & haec non nisi peractis sacris captisque auguriis fiebant. Appian. *de bello ciu. II*, p. 216. Exemplum exstant apud Liu. *XXII*, 11, *XXIV*, 11. Non addicentibus auibus, negotium in alium diem differebatur. Cic. *Epist. X*, 12. Augustus hac molestia liberaturus senatores, instituit, priusquam consideret quisque, thure & mero supplicaret apud arameius Dei, in cuius templo coiretur, Sueton. *August. XXV*,

lius in curia Hostilia. Libera republica aedes Apollinis, Martis, Bellonae, Quirini, Castoris, Concordiae, Virtutis, Fidei, vt & curiae Hostilia, Pompeia, Iulia, senatui habendo inferuiebant. Gell. *Noct. Attic.* XIV, 7. Nam & in curiis templa erant per augures dedicata. Gell. *Noct. Att.* VI, 7. Ordinaria tamen senacula erant aedes Concordiae, aedes Bellonae, & locus ad portam Capenam. Fest. *voce Senaculum* p. 431. Conueniebat Senatus statis temporibus, hoc est, singulis Kalendis, Nonis & Idibus, exemptis tamen diebus comitialibus, (quibus conuenire nefas habebatur per legem Pupiam. Cicero *ad Fam.* I, 4.) nec non diebus atris, quibus senatum non nisi in rebus trepidis habere licebat. Dio Cass. XLV. p. 278. Et hi ordinarii conuentus *senatus legitimus* dicebantur. Si vero vel legatis vel aliis ob quamcunque causam senatus extra ordinem dabatur: ille vocari solebat *indictus*. Fr. Hotom. *de Senatu* V. Et tunc quidem conuocabantur plerumque senatores per edictum, quo olim frequentes adesse iuebantur QVI PATRES, QVIQVE, CONSCRIPTI: Liu. II, 1. postea vero edici coepit: QVI SENATORES, QVIBVSQVE IN SENATV SENTENTIAM DICERE LICET. Fest. *voce conscripti & senatores* ibique Dacer. p. 496. Gell. *Noct. Attic.* XIV, 18. Briffon. *de Form.* II, p. 264.

XLVIII. Frequens si aderat senatus, tum XLVIII.  
 Consul, quem penes fasces eo mense erant, aut Relatio facta a Consule, Dictatore, Interrex aut Praefectus vrbi ad senatum referebat. Gell. XIV, 7. Si quando id recusaret consul: Praetore, eas



cas in se partes suscipiebat aliquis tribunus plebis, cui etiam ius erat, addere relationi consulis, quod e re videbatur, aut novam de integro ordiri. Paul. Manut. *de senatu* V. p. 859. Relationibus plerumque praefari solebant sollemni illa formula: QVOD BONVM FAVSIVM, FELIX, FORTVNATVM SIT. Sueton. *Calig.* XV. deinde addebant: REFERIMVS AD VOS, PATRES CONSCRIPTI. Briffon. *de Form.* II, p. 165.

XLIX.  
Rogatae  
sententiae.

XLIX. Finita relatione, sententiam rogabantur senatores, (b) non verbis precatiuis, qualibus in comitiis utebantur rogatores, sed imperativis; DIC. SP. POSTVMI, QVID CENSES; Liu. IX, 8. vel QVID FIERI PLACET? QVID VOBIS VIDETVR? Briffon. *de Form.* II. p. 165. Qua in re non idem semper, at plerumque is observabatur ordo, ut ante comitia princeps senatus; post comitia vero consules designati primo loco dicere iuberentur sententias. Sequebantur eos viri consulares, hos praetorii, tum aedilitii, quaestorii ac denique tribunicii, (c) e quibus tamen

(b) Qui rogabant, CONSVLERE, nec non PERROGARE SENTENTIAS dicebantur. Liu. XXII, 60. XXIX. 19. Suet. *Aug.* XXXV.

(c) Tribuni plebis non erant olim senatores, nec ius iis erat, dicendae in senatu sententiae. Ante curiam itaque sedebant in subselliis, donec SCa ad se ferrentur, quae ipsi vel adprobabant deinde, vel reiciebant. Val. Max. II, 2. 7. At etiam senatoria dignitas iusque dicendi sententiam iis data sunt lege Atinia. Gell. *Noct. Att.* XIV, vli.

(d)

men reliquos anteibat, quem consul priorem rogasset, modo gradus magistratuum non turbarentur. Cic. *Phil. V*, 13. Solebant vero consules, quem ordinem initio magistratus instituerant, eundem per totum annum tenere, donec eum morem antiquum C. Julius Caesar migraret. Sueton. *Iul. XXI*. Immo Augustus omnem ordinem plane sustulit, promiscue perrogans sententias, ut magis quisque attenderet. Sueton. *Aug. XXXV*.

L. Sententiam singuli dicebant stantes, formula vfi: QVOD C. PANSA VERBA FECIT DE--DE EA RE ITA CENSEO. Brisson. *de Form. II. p.* 169. Integrae eiusmodi senatorum sententiae exstant apud Ciceron. *Philipp. III*, 15. *V*, 4. *VIII*, 11. *IX*, 7. & apud Liuium passim. Nec licebat consulibus interpellare dicentes, quamuis aliena multa immiscerent, quod data opera nonnunquam faciebant, qui senatus consultum fieri nollent. (d) Quum enim

L. Eademque ordine dictae.

(d) Erant & aliae artes, quibus SC. impediabant Senatores. Postulare enim poterant, ut consulerentur singuli, vel, si tot non essent senatores, quot numero licebat perscribi SC. clamabant: *numera senatum*. Festus *hac voce p.* 318. Coelius apud Cic. *Epist. VIII*, 11. SC. enim a iusto paucioribus factum per INFRE- QVENTIAM FACTVM dicebatur, & irritum erat. Liui. XXXVIII, 44. Tempore Ciceronis ducenti senatores frequentem senatum constituere videbantur. Cicero *ad Q. Fratr. Epist. II*, 1. Postea cccc, quod sublatum ab Augusto Dio Cass. *Lib. LIV. p.* 545. qui tamen sequente libro *p.* 550. eundem Augustum senatorum numerum secundum singulas SCi formas definiuisse ait.

enim ante & post occasum solis illud fieri non posset: Gell. *XIV*, 7. solebant *diem dicendo eximere*, vel *noctem postulare*, ut ita re infecta discedendum esset senatui. Cicero *Epist. ad Quint. Fratr. II*, 1. *Epist. ad Att. IV*. 2. Gell. *IV*, 10. Qui plura capita vna oratione complectebatur, is iubebatur **DIVIDERE SENTENTIAM**. Cic. *ad Famil. I*, 2. *pro Milon. VI*, Senec. *Epist. XXI*. Qui alterius sententiam sequebantur, **ADSENTIRI** se vnico verbo aiebant. Et hoc erat *verbo adsentiri*, quod opponitur alteri *muto adsensui*, quo quis *pedibus ibat in alterius sententiam*. Vtramque loquutionem iungit Liu. *XXVII*. 34. L. *Veturius & Licinius censes eum tonderi & squallorem deponere*, & *in senatum venire*, fungique aliis publicis muneribus coegerunt, sed tum quoque aut verbo *adsentiebatur*, aut *pedibus in sententiam ibat*. Nonnunquam non omnino adsentiebatur quis sententiis antea dictis, sed aliquid praeterea addendum censebat, & tum utebatur formula: **SERVILIO ADSENTIOR, ET HOC AMPLIUS CENSEO**. Cicero *Philipp. XIII*. 21. (e)

LI. Pronunciatio sententiarum factaque discussio.

LI. Dictis denique sententiis, consulis erat, vel pronunciare illas, vel easdem superprimere. Licebat ei in tanta varietate sententiarum, earum auctores & principes edere, simulque iubere, vt quisque ex pronunciatis senten-

(e) Aliquando etiam in altercationem abibant senatorum sententiae. Cuius rei exempla collegit Briffon. *de Form. II. p. 184. sequ.*

tentiis vnā amplecteretur. Et id sibi vult sollemnis illa locutio : PRONVNCIARE SENTENTIAM, apud Cicer. *ad Famil. X*, 12. 1, 2. Formula, qua tunc utebatur consul, haec erat : QVI HAEC SENTITIS, IN HANC PARTEM, QVI ALIA OMNIA, IN ILLAM ITE, QVA SENTITIS. Quae verba lege praescripta explicat Plin. *Epist. VIII*, 14. His dictis senatores mutabant locum, & singuli eo discedebant, ubi recitata fuerat, quam probarent, sententia. In quamcunque vero partem frequentior concefferat senatus, de ea dicebat consul : HAEC PARS MAIOR VIDETVR, & in eam sententiam deinde conficiebatur Senatusconsultum. Briffon. *de Form. II*. p. 184.

LII. Varro equidem apud Gellium *Noct. Attic. III*, 18. Senatusconsulta vel per *discessionem* vel per exquisitas singulorum *sententias* facta scribit, quum contra Ateius Capito & Tubero nullum sine discessione SC. fieri potuisse censuerint. Sed salva res est. Ad omne SC. fiebat discessio : sed non semper singuli rogabantur sententias, & hinc illa demum SC. per discessionem facta dicebantur, ad quae non singulorum fuerant exquisitae sententiae Huber. *Digress. I*, 31. p. 87.

LII. Senatus consulta quoduplicitia?

LIII. Denique SC. sollemniter scribebatur, ita, vt primo dies, deinde locus, ubi senatus habitus, tum porro, qui scribendo adfuerint, (f) postea,

LIII. Scripta Senatusconsulti.

(f) Scribendo enim aderant aliquot Senatores. Nunquam si scribis publicis hoc committere nollent, ipsi viri amplissimi hanc in se operam suscipiebant, idque



postea, quis ad senatum retulerit, & denique, quid placuerit senatui, referretur. Integra SC. verbis suis legitimis perscripta exstant in *L. 20. §. 6. D. de hered. petit.* vbi tamen plura mendose scripta esse animaduertimus, & apud Ciceron. *ad Fam. VIII. 7. Frontin. de Aquaeduct. II. Brisson. de Form. II, p. 191.* Omnium vero integerrimum est SC. Marcianum de Bacchanalibus, egregie illustratum a viro amplissimo, Corn. van Bynkersh. *de relig. peregr. Diss. II, p. 259. Opusc.*

LIV. Confirmata a tribunis & illata aedi Cereris.

LIV. Verum ne sic quidem ratum erat SC. nisi tribunis etiam placuisset, qui, eo perlecto & probe expenso, litteram T, si e republica videretur, addebant. Valer. Maxim. II, 2, 7. Sin minus placeret: suo illo sollemni VETO intercedebatur, mora que fiebat SCo: AVCTORITATES perscribi solebant. Cicero *ad Attic. V, 2. ad Fam. VIII, 7.* Id est, vt explicat Dio Cass. *LV, p. 629. ὁ μέντοι καὶ τέλος τὶ ὡς κεκυρωμένη ἐλάμβανεν, ἀλλὰ ἀκταώριτας ἐγίγνετο, non vim SC. obtinebat, sed auctoritas senatus dicebatur.* Haec vero auctoritas non vim legis habebat, sed efficiebat, vt eadem de re iterum referri posset ad senatum. Coel. *apud Cic. Epist. VIII, 8.* Postremo scriptum SC. in aedem Cereris Liu. III, 55. vel in aerarium deferebatur, Sueton. *August. XCIV.* & tunc senatus dimittebatur formula sollemni: P. C. NEMO VOS TENET, vel NIHIL VOS MORAMVR. Cicero *ad Quint. Fratr. I, 2.*

L V.

idque SC. TACITVM vocabatur. Iul. Capitolin. *Gordian. XII.*

(g)

L V. Eodem ritu etiam sub Imperatoribus condita sunt SC. nisi quod princeps orationem praemitteret, & senatores plerumque pedibus irent in principis sententiam. Quin eo prolapsa erat Senatorum adulatio, vt orationes principum aequae ac Senatorum, illis blandientium, plerumque adclamationibus exciperent. Plin. *Epist. IV, 9.* quae etiam, ne periret adulationis memoria, in acta referebantur. Idem. *Panegy. LXXV.* Plura exempla occurrunt in scriptoribus historiae Augustae, quae collegit Brissou. *de Form. II. p. 187.*

L V. Hoc ritu SC. etiam sub Imperatoribus facta.

L VI. Enimvero, quemadmodum haec senatusconsulta non nisi ideo inuenerant Imperatores, vt viderentur veterem senatus auctoritatem libertatemque reipublicae tueri: ita ea fictione tantisper opus fuit, dum seruituti paulatim adsueuissent Romani. Hinc coeperunt sensim Imperatores rescribere, editisque constitutionibus leges veteres abrogare, nouas inducere, irrogare priuilegia, omniaque, vt paucis dicam, pro lubitu decernere. Rescriptis illis principum vel ad libellos siue magistratum, siue vniuersitatum, siue priuatorum respondebatur, & tunc ista EPISTOLAE seu LITTERAE; L. 3. §. 1. D. de test. L. 21. D. de re iudic. illa SANCTIONES PRAGMATICAE, L. 7. §. 1. C. de diu. rescript. (Graecis enim *πράγμα-τικα* dicuntur rescripta, vt Latinis *facta*: Iul. Capitolin. in *Macrin. Cap. XIII.*) haec denique ADNOTATIONES vel SVBNOTATIONES dicebantur. L. 6. sequ. C. de diu. rescr. L. 1. C. de prec. Imp. offer. Libellorum integra exem-

L VI. Rescripta principum.

pla exstant tum *L. 9. D. de lege Rhodia* tum in marmore Romano apud Briffon. *de Form. III, p. 292.* Aliquando a principibus vel de plano decernebatur, vel sententia cum plena causae cognitione ferebatur: tum dicebantur INTERLOQVVTIONES vel DECRETA, quale exstat *L. 3. D. de his quae in testam. del.* Denique aliquando nouum ius constituebatur, & tunc dici solebant EDICTA (g) vel CONSTITVTIONES. De quo discrimine plura differunt iureconsulti.

LVI. Primus rescriptissse videtur Hadrianus Imp.

L VII. Primus ita rescriptissse videtur Vespasianus, cuius edictum exstat in *L. 4. §. 6. D. de legation.* At hic & successores rarius id aui videntur: multo frequentius vero Hadrianus. Nam praeterquam quod sub eo principe noua quaedam forma iuri publico aequae ac priuato accessit, in tantum, vt Latin. Pacatus *Panegy. ad Theodos. II.* eum legibus imbuissse rempublicam dicat; nullius sane Principis antiquioris in Codice exstant constitutiones quam Hadriani, a cuius temporibus etiam Gregorianum codicem suum orsum esse, iam supra ostendimus. Plures Hadriani Epistolae & sententiae Graece etiamnum exstant, collectae a Dositheo Grammatico, ex quibus satis constat, quam rationem

(g) Id hic observari iuuabit, artificiose admodum Principes sibi potestatem leges per edicta ferendi sensim vindicasse. Initio enim ea quae Scis sanxerat Senatus edictis promulgabant, postea firmata satis auctoritate, etiam inconsulto Senatu, quid fieri placeret, edicere coeperunt. V. C. Burmann. *de Vectig. pop. Rom. VI. p. 113.*

nem in rescribendo tenuerit hic Imperator. Eius deinde exemplum sequuti sunt Antonini, ceterique Imperatores omnes, quorum rescripta quamplurima in codice Iustiniano, Theodosiano, vt & Gregoriani & Hermogeniani fragmentis exstant.

L VIII. Neque tamen ob rescripta illa statim desierunt SC. fieri, quamuis ea ex eo tempore rariora esse coeperint. Sane sub ipso Hadriano, vt alia exempla praetermittamus, prodire SC. Iulianum, Apronianum, Tertullianum; sub M. Antonino Orficianum. Memoratur etiam Oratio Antonini & Commodi L. 16. D. de R. N. Orationes D. Seueri & Commodi. L. 20. D. de iure dot. L. 23. & L. 32. D. de don. int. vir. & vx. L. 1. pr. D. de reb. eor. qui sub tut. Antonini Caracallae solius oratio L. 3. D. de donat. int. vir. & vx. Orationes vero principum pro SCis accipi, supra §. XLV. monuimus. Recentius, quod de iure priuato agat, SC. mihi non succurrit. Et sane, qui ex eo tempore demum plane desisse Senatusconsulta existimant, eis nos non inuiti nostram adiungemus sententiam.

LIX. Et hae sunt leges proprie sic dictae, quae Romae, tum libera adhuc republica, tum sub Imperatoribus, vigerunt. Iam etiam de aliis quibusdam rebus, quarum obiter hoc titulo meminit Imperator, quaeque ex antiquitatibus lucem aliquam desiderant, paucis agendum. Eadem enim §. s. b. t. qua de Principum differit constitutionibus, etiam priuilegiorum, vt & legis regiae, qua populus imperium omne

LVIII.  
Senatus-  
consulta  
tamen et-  
tiam post  
Hadriani  
tempora  
facta.

LIX.  
Transitio  
ad mate-  
riam de  
priuilegiis  
& lege re-  
gia.



in Principem transtulerit, facit mentionem  
De vtrisque nonnulla monere operae fuerit  
pretium.

LX. Pri-  
uilegia  
quid fue-  
rint? tum  
odiosa.

LX. Nonnunquam Imperatores quae-  
dam statuebant, quae ad personam singularem  
pertinebant, neque trahenda erant ad exem-  
plum, quae, siue poenam duriores irrogarent  
siue quid alicui indulgerent ob meritum, *privi-*  
*legia*, adpellabantur, quasi *privae leges* vt tradit  
Gell. *Noct. Att. X*, 20. Isidor. *Orig. V*, 18. Et  
olim quidem privilegii vocabulum ferè semper  
in deteriore partem acceptum videtur pro  
poena extraordinaria, quae certae personae  
tantum infligebatur. Lex sane sacra aequè  
ac decemviralis dum PRIVILEGIA IRRO-  
GARI vetuit, poenas eiusmodi duriores qui-  
busdam hominibus extra ordinem infligi pro-  
hibuit, ceu vel ex verbo IRROGARI colligas,  
quod ad poenas pertinere nemo ignorat. Vid.  
Ger. Nood. *ad Pandect. Tit. de legibus senatusc. &*  
*long. consu. p. 18.* Enenckel. *de Privil. iur. Cin. I*, 1.  
2. & 3. qui etiam obseruat, Ciceronem vocem  
privilegium plerumque in deteriore; rarius  
in meliorem partem accipere. Ast iam libera  
republica, saepius hanc legem migrabant tri-  
buni plebis, & quicumque e ciuibz ad maio-  
rem potentiam adspirauerant. In Milonis  
odium Pompeius; in Ciceronis Clodius mul-  
ta statuerat, quae a legibus abhorrebant, quae-  
que ipse Cicero *privilegia* vocat, in oratione *pro*  
*domo XVII.* Postea saepe eo iure utebantur  
etiam imperatores, eoque pertinet exemplum  
Hadriani, qui herae cuiusdam saevitiam poe-  
na

na satis rigida relegationis in insulam vindicauit L. 2. §. *fin. D. de his qui sui vel al. iur.* Id vero non mirum in herili imperandi ratione. Theodosius tamen iusserat, ut si Imperator odiosum eiusmodi priuilegium irrogaret, poena triginta dies differretur. L. 20. C. *de poen.* Quam legem, auctore Ambrosio, occasione tumultus in ludis Circensibus Theſſalonicae excitati latam, illustrat Ad. Rechenb. *Dissert. Hist. polit. Tom. II. dissert. X.*

LXI. Ast solebant tamen & beneficia vel LXI. Tum certo statui, vel hominum generi concessa fauorabilia. PRIVILEGIA vocari. Vnde saepe in iure nostro occurrunt *priuilegia creditorum*, *priuilegia fisci*, reliqua: quamuis ea a priuilegiis discernenda, & *beneficia* potius legum vel iura singularia dicenda existiment, qui paullo accuratius rem expendunt. Cuiac. *Obs. XV*, 8. Quin & singularibus hominibus concessa contra ius commune beneficia *priuilegia* audiunt, tum apud auctores, tum in iure nostro, in quo etiam appellantur *pruata priuilegia*, L. 4. C. *Theod. de itiner. mun.* ut & *personalia rescripta* L. 5. *eod.* Talia Priuilegia fuerunt leges de Menandro L. 5. §. *ult. D. de captiu.* ut & de Hostilio Mancino L. 17. *D. de legationibus.* Conf. Iac. Gothofred. *ad XII. Tab. IX. p. 228.*

LXII. Reuera ergo extremis temporibus LXII. Lex summa potestas legislatoria penes Principes Regia, qua fuit, quibus eam delatam esse per LEGEM potestas legislatoria trans- REGIAM, consentiens est iureconsultorum lata in opinio. Vlpianus L. 1. *pr. D. de constitut. princ.* Quod principi placuit, legis habet vigorem: utpote Principes.

quum **LEGE REGIA**, quae de imperio ejus lata est, populus ei, & in eum, omne suum imperium & potestatem conferat. Quae totidem verbis repetit Imperator §. 6. *Inst. h. t.* Meminit quoque eisdem legis Alexander Imperator L. 3. C. de testam. vbi ait *Licet enim LEX IMPERII sollemnibus iuris imperatorem soluerit: nihil tamen tam proprium imperii est, quam legibus viuere.* Legem enim Imperii hic eandem esse, ac legem regiam, iamdudum obseruarunt eruditi. Addo & L. vn. §. 14. C. de caduc. tollend. vbi **AVGVSTVM PRIVILEGIUM** adpellatur a Iustiano.

LXIII. Variæ de hac lege sententiae.

LXIII. Ast ea de lege dici non potest, quantae enatae sint inter eruditos controuersiae. Eam Hotomanus eandem esse putat cum ea, quae de regno Romuli lata fuerit, quam **REGIAM** etiam vocat Liu. XXXIV, 6. Ast eandem in Triboniani cerebro fuisse natam, suspicabatur. Mart. Schookius in *diatrib. de lege regia Triboniani*, quam repetitis curis auctiorem edidit sub titulo *de quadruplici lege regia Francos.* 1668. 12. Quum enim Regium nomen perosi sint Romani, neque unquam Augustus titulo tam inuidioso se passus sit ornari, nec verosimile fiat, populum Romanum, qui Caesare interfecto, fessus ciuilibus discordiis, tolerabat magis monarchiam, quam perpetuam optabat, tam inimica libertati lege in seruitutem se ipsum addixisse: non abs re suspicari sibi videbatur Schookius, quidquid de lege regia in iure nostro legitur, ex Triboniani natum esse ingenio. Nec multo aliter sentiunt Connanus *Comm. I.* 16. 3. Vultei. *ad §. 6. Inst. h. t.* Sed Hotomano iam

iam Scipio Gentilis singulari *de lege regia* oratione; Schookio abunde satisfecit. doctiss. Huberus. *Digress. I, 16. sequ.*

LXIV. Res ita se habet. Quum Augustus omnia intestinis fessa dissidiis nomine principis in potestatem suam recepisset: Senatus aequae ac populus ei sensim plures honores decreuit, & modo hanc, modo illam τῇ κυρίῃ partem detulit. Sic anno V.C. DCCXXIV. ei concessa tribunicia potestas per omnem vitam; cautumque, ut ad Augustum prouocare ius esset, utque ipse in omnibus iudiciis suffragium Mineruae ferret. Dio Cass. *Hist. LI, p. 513*. Mox anno V. C. 10 ccxxvii. consulatu septimo, solutus est Augustus legibus, idque denuo repetitum anno V. C. 10 ccxxx. Dio, *LIII. p. 582 & LIV. p. 591*. Quod tamen non de omnibus omnino legibus, sed de lege Cincia intelligendum esse, recte monet Ger. Nood. *de iure summi Imp. & leg. reg. p. 777*. Porro anno V. C. 10 ccxxx. eidem, undecimum consuli, permissum est a senatu, ut proconsul semper esset, liceretque ei, quotiescumque vellet, ad senatum referre, denique in prouinciis maior esset eius, quam praefectorum, auctoritas. Dio. *LIV, p. 594*. Quin anno 10 ccxxxv. facultatem ei dederunt, emendandi omnia suo arbitrio, ac leges, quas vellet, ferendi. Dio *LIV. p. 604*. Ut alia praetermittam huius generis complura, quae ab aliis ac potissimum Io. Fridr. Gronouio in *Orat. de lege regia* collecta sunt diligentius.

LXV. Haec itaque, aliaque SC. in gratiam Augusti subinde facta, postea repeti consueuerant

LXV. Lex Regia repetita,



quoties  
Princeps  
nouum  
auspicaba-  
tur impe-  
rium.

quotiescumque noui Imperatores inchoabant imperium. Sic de Vespasiano Tacit. *Hist. IV, 3. Tum Senatus omnia, principibus solita, Vespasiano decreuit.* Quae de lege regia recte interpretatur Pichena. Vnde adparet, quaecumque sensim Augusto detulerat senatus, ea post Tiberio, aliisque principibus fuisse decreta. Omnia ergo illa SC. non vno eodemque tempore facta, saepiusque deinde repetita, simul sumpta *lex imperii* vocari consueuerunt a iureconsultis, vt & *lex regia*, exemplo, vt opinor, veterum Romanorum, qui, vrbe vix nata, Romulo supremam potestatem concesserant **LEGE REGIA**, cuius meminit Liui. *XXXIV, 6.* Quamuis Huberus *Digr. l. c.* posterius nomen Antoninorum demum temporibus alii adhuc serius inualuisse existiment. Conf. Io. Fridr. Gronou. *Orat. de leg. regia* Ian. Vinc. Graulina *de Orig. iur. ciu. CXIV. p. 139. sequ.*

LXVI. An,  
hac lege  
domina-  
tus Impe-  
ratorum  
stabilitas?

LXVI. Caue vero existimes, hac ipsa *lege regia* in seruitutem se addixisse Romanos, seque omni omnino abdicasse imperio. Minime gentium. Quamuis enim id vulgo colligant ex Dione *LIII. p. 582. L. I. D. de Const. princ. & L. 31. D. de leg. falsissimum* tamen id esse, vniuersa docet historia. Sane post omnia illa SC. in gratiam Augusti facta, Caligulae Senatus vacationem legis Papiae Poppaeae caducariae dedit, teste Dione *LIX. p. 747.* Quid vero opus erat hac lege solutione vel indulgentia, si iam lege regia Imperatores legibus omnibus fuerint soluti? Ergo his legibus soluti erant principes, quibus eos nominatim soluerat S. P. Q. R. vt paullo

paullo post ex fragmentis tabulae Capitolinae adparebit. Conf. Ger. Nood. *Dissert. III. de iure summi Imp. & lege reg.* p. 778. & *Obs. I, 3. p. 411. seq.* Ian. Vin. Graulina *de orig. iur. civ. l. c.*

LXVII. Ceterum regiae illius legis, sub auspiciis Imperii Vespasiani repetitae fragmentum bene longum ac egregium exstat in tabula aenea Capitolina apud Gruter. *Inscript. p. CCXLII.* cuius γνησιότης in dubium a nonnullis vocatam Hotomanus, pluresque viri doctissimi, & nuper etiam clarissima Romanae antiquitatis lumina Blanchinus, Fabrettus, nec non postea Iustus Eccardus, qui ipse hoc monumentum descripsit & luculenta explicatione illustravit, agnouerunt. Illorum epistolae hanc in rem scriptae exstant apud Ian. Vincent. Grauin. *l. c. p. 231. sequ.* Ipsum vero illud legis fragmentum ita se habet:

LXVII.  
Fragmen-  
tum legis  
Regiae.

FOEDUSVE. CVM. QVIBVS. VO-  
LET. FACERE. LICEAT. ITA. VTI.  
LICVIT. DIVO. AVG. TI. IVLIO.  
CAESARI. AVG. TIBERIOQVE. CLAV-  
DIO. CAESARI. AVG. GERMANICO.

V TIQVE. EI. SENATVM. HABE-  
RE. RELATIONEM. EACERE. RE-  
MITTERE. SENATVS. CONSVLTA-  
PER. RELATIONEM. DISCESSIONEMQVE. FACERE. LICERET. ITA.  
VTI. LICVIT. DIVO. AVG. TI. IVLIO.  
CAESARI. AVG. TI. CLAVDIO. CAE-  
SARI. AVG. GERMANICO,

F 5

VIIQVE

**V**TIQVE. CVM. EX. VOLVNTATE. AVCTORITATEVE. IVSSV. MANDATVVE. EIVS. PRAESENTEVE. EO. SENATVS. HABEBITVR. OMNIVM. RERVM. IVS. PERINDE. HABEATVR. SERVETVR. AC. SI. E. LEGE. SENATVS. EDICTVS. ESSET. HABERETVRQVE.

**V**TIQVE. QVOS. MAGISTRATVM. POTESTATEM. IMPERIVM. CVRATIONEMVE. CVIVS. REI. PETENTES. SENATVI. POPVLOQVE. ROMANO. COMMENDAVERIT. QVIBVSQVE SVFFRAGATIONEM. SVAM. DEDERIT. PROMISERIT. EORVM. COMITJS. QVIBVSQVE. EXTRA. ORDINEM. RATIO. HABEATVR.

**V**TIQVE. EI. FINES. POMERII. PROFERRE. PROMOVERE. CVM. EX. REPVBICA. CENSEBIT. ESSE. LICEAT. ITA. VTI. LICVIT. TI. CLAVDIO. CAESARI. AVG. GERMANICO.

**V**TIQVE. QVAECVNQVE. EX. VSV. REIP. MAIESTATE. DIVINARVM. HVMANARVM. PVBLICARVM. PRIVATARVMQVE. RERVM. ESSE. CENSEBIT. EI. AGERE. FACERE. IVS. POTESTASQVE. SIT. ITA. VTI.

VTI DIVO. AVG. TIBERIOQVE. IV-  
LIO CAESARI. AVG. TIBERIOQVE.  
CLAUDIO. CAESARI. AVG. GERMA-  
NICO. FVIT.

**V**TIQVE. QVIBVS. LEGIBVS. PLE-  
BEIV. SCITIS. SCRIPTVM.  
FVIT. NE. DIVVS. AVG. TIBERIVS-  
VE. IVLIVS. CAESAR. AVG. TIBE-  
RIVSQVE. CLAVDIVS. CAESAR.  
AVG. GERMANICVS. TENEREN-  
TVR. IJS. LEGIBVS. PLEBISQVE.  
SCITIS. IMP. CAESAR. VESPASIANVS.  
SOLVTVS. SIT. QVAEQVE. EX.  
QVAQVE. LEGE. ROGATIONE. DI-  
VVM. AVG. TIBERIVMVE. IVLIVM.  
CAESAREM. AVG. TIBERIVMVE.  
CLAVDIVM. CAESAREM. AVG.  
GERMANICVM. FACERE. OPOR-  
TVIT. EA. OMNIA. IMP. CAESARI.  
VESPASIANO. AVG. FACERE. LI-  
CEAT.

**V**TIQVE. QVAECVNQVE. ANTE.  
HANC. LEGEM. ROGATA. ACTA.  
GESTA. DECRETA. IMPERATA. AB.  
IMPERATORE. CAESARE. VESPA-  
SIANO. AVG. IVSSV. MANDATVVE.  
EIVS. A. QVOQVE. SVNT. EA. PE-  
RINDE. IVSTA. RATAQ. SINT. AC. SI.  
POPVL. PLEBISVE. IVSSV. ACTA.  
ESSENT.

SANCTIO.



## S A N C T I O.

SI. QVIS HVIVSCE. LEGIS. ERGO ADVERSUS. LEGES. ROGATIONES. PLEBISVE. SCITA. SENATVSVE. CONSVLTA. FECIT. FECERIT. SIVE. QVOD. EVM. EX. LEGE. ROGATIONEVE. PLEBISVESCITO. SVE. C. FACERE. OPORTEBIT. NON. FECERIT. HVIVS. LEGIS. ERGO. ID. EI. NE. FRAVDI. ESTO. NEVE. QVIT. OB. EAM. REM. POPVLO. DARE. DEBITO. NEVE. CVI. DE. EA. RE. ACTIO. NEVE. IVDICATIO. ESTO. NEVE. QVIS. DE. EA. RE. APVD. SE. AGI. SINITO.

Hoc est monumenti illius quantivis pretii fragmentum, ex quo satis adparet, quod supra ostendimus, legem regiam ex multis SC. in honorem Augusti, Tiberii, Claudii aliorumque Imperatorum factis, fuisse conflatam.

## TIT. III.

## DE

## IVRE PERSONARVM.

Prima apud Romanos hominum diuisio erat in *liberos* & *seruos*. Illi iterum vel *ingenui* erant, vel *libertini*. Hoc titulo de libertate & seruitute; sequentibus de ingenuis & libertinis

libertinis agitur. Tametsi vero seruitus sit iuris gentium: Romanorum tamen serui in plebisque differebant a reliquarum gentium mancipiis, ceu Germanorum Romanorumque comparatione ostendit Tacit. *de moribus Germ.* XXV.

I. Obseruandum ergo initio, Romanos captos bello hostes redegisse in seruitutem. (a) Quemadmodum enim, qui, positis armis, ultro sese dedebant, sub iugum mittebantur, saluaque retinebant ingenuitatis iura: (quem ritum accuratissime, ut solet, describit Dionys. Halic. *Ant. Rom.* III. p. 159.) ita capti in acie, vel violenta urbium expugnatione, sub corona veniebant. Gell. *Noct. Attic.* VII, 4. Illi *dedititii*, hi *serui* vocabantur, quod essent in bello seruati, itemque *mancipia*, quasi manu capti §. 3. *Inst. b. t.*

I. Serui fiebant captiuitate.

II. Redacti ergo in hanc conditionem non pro personis, sed pro rebus, immo pro nullis habebantur. Hinc non solum in iure rebus mancipi accensebantur: Vlpian. *Fragm.* XIX, 1. sed & Iuuen. *Sat.* VI. v. 221. alludens ad mores Romanorum scribere non dubitat: *O demens, ita seruus HOMO est?* ὡς ἐρβουλῶν; ut solet, nec tamen sine ratione. Quamuis enim serui essent *homines*,

II. Et quia non pro personis, sed pro rebus habebantur.

(a) Ita agebatur cum hostibus. Excipiebantur ergo bella ciuilia, in quibus capti non in seruitutem redigebantur, L. 21. §. 1 ff. *de capt. & postl.* sed *proscribebantur* a victoribus. Quam proscriptionem, ita dictam a tabula, qua nomina proscriptorum proponebantur, primus inuenit L. Sulla. Vellei. Paterc. *Hist.* II, 28.

(b)

*homines*, quamvis ratione status naturalis etiam *personae* dici possent: *L. 22. pr. D. de reg. iur.* non tamen erant *personae civiles*, & hinc dicuntur *ἀποσώσαι* Theophilo *pr. Inst. de stip. seru. personam legibus non habentes*, Cassiod. *Var. VI, 8.* denique *sine capite*, *οἱ ἡδεμίαν πόλιν ἔχον κεφαλὴν*. Theoph. *S. 4. Inst. de cap. demin.* Nihil ergo sibi acquirebant: non matrimonia contrahebant, sed in contubernio vivebant cum ancillis: nec gaudebant iure testamenti factionis & contractuum, nec ulla in personam seruilem cadebat obligatio, *L. 22. D. de reg. iur.* Vnde *secundum genus hominum* vocantur Floro *Hist. III. 20.*

III. Etiam nascebantur ex ancillis.

III. Ex quo sequebatur, ut nec liberi seruorum melioris, quam mater, conditionis haberentur. Fructus enim, tamquam rerum accessiones, non secus ac ipsae res, ad dominos pertinere videbantur. Et eiusmodi quidem serui, domi nati, *vernae* adpellabantur.

IV. Et erant in commercio.

IV. Porro & hoc inde fluebat, seruos aeque ac alias res posse legari, donari, immo & vendi: vnde perpetua Romae erat seruorum nundinatio, quotidiana comparatio *L. 44. princ. D. de usurp. & usucap.* Qui seruos vendeabant, promittere tenebantur eorum sanitatem. *L. 43. §. 1. D. de contr. emt. L. 16. §. 2. & L. 31. D. de euict.* Nonnunquam tamen mancipii sanitatem explorabant accensi gagatis lapidis odore, maxime si seruum morbo caduco laborare suspicarentur. Apulei. *Apolog. I.* Sed & nudos venum exponebant seruos, ne quod vitium corporis latitaret. Seneca *Epist. LXXXI, & Controv. I, 2.* Immo de animi vitiis caueri solebat in

in eiusmodi venditionibus seruorum. Horat. *Serm. II, 3. v. 285. sequ.* veluti, nec furem esse, nec fugitium, nec lenonem, noxis solutum esse, & quae sunt huius generis alia. Singulorum enim seruorum titulos scribi iusserat aedilis, vt, quid cuique morbi vitiique esset, intelligeretur. Gell. *Noct. Attic. IV, 2.* Seneca *Epist. XLVII.* Turneb. *Adu. XXIII, 2.* Ceterum serui, quorum nomine nihil promittebatur, pileati veniebant. Gell. *Noct. Att. VII, 4.* quemadmodum bello capti sub corona. Varro *de re rust. II, 10.* trans mare aduecti cretatis vel gypsatis pedibus. Plin. *Hist. Nat. XXXV, 17. & 18.* Tibull. *III, 3.* Alia quae in seruorum venditionibus obseruata sunt, explicauit Briffon. *de Form. VI. p. 492. sequ.*

V. Saepe & poenae loco in seruitutem detruhebantur facinorosi, veluti I qui censum vel militiam subterfugerant, quippe qui bonis in aerarium redactis virgis caesi trans Tiberim veniebant Dionys. Halic. *IV. p. 221.* Cic. *pro Caecin. XXIV.* II. Damnati ad metalla vel bestias aliaque extrema supplicia. Hic enim serui poenae fingeantur. §. 3. *Inst. quibus modis ius patr. pot. solu.* Vid. infra *Lib. I. Tit. XVI. §. V.* III. Liberti ingrati, quippe qui etiam in seruitutem reuocabantur Suet. *Claud. XXV. (b)* IV. Mulieres liberae, amore seruorum alienorum bacchantes, quam poenam tamen earum commodo sustulit Iustinianus. *L. unic. C. de SC. Claud.*

V. Saepe & in poenam fiebant serui.

(b) Plura de huius iuris historia notabimus infra *Lib. I. Tit. VI. §. 9.*



*Claud. tollendo.* V. Qui ab alio adfert, praestitaeque cautione edictis citati per annum se haut stitissent. *L. 1. §. 2. C. de adfert. toll.*

VI. Libertas non erat in commercio.

VI. Quemadmodum vero nihil erat seruitutis durius, nihil miserabilius: ita tantus erat libertatis fauor, ut illa non crederetur esse in commercio, neque adeo liceret ingenuis, se ipsos addicere in seruitutem. (c) Multo minus rata habebatur venditio, si quis extraneus (d) hominem liberum venundasset. Sigon. *de antiquo iure ciu. Rom. I, 6.*

VII. Serui tamen fiebant, qui se pretii participandi causa venundari passi erant.

VII. Ast hic mirae fraudes. Solebant enim adolescentes male feriatum se ipsos aliis vendendos dare, pretii participandi causa, ac deinde pro-

(c) Quod licebat Ebraeis, ut docet Selden. *de iure nat. & gent. VI, 7.* ut & Germanis, teste Tac. *de mor. Germ. XXIV.* non item fas erat Romanis. Vnde errat Ræuard. *Coniect. II, 8.* fingens Tuscum vicum, ubi homines se ipsi vendiderint. Plautus equidem *Curcul. IV, 1. v. 19.*

*Sub veteribus, ibi sunt, qui dant, quique accipiunt foenore:*

*Pone aedem Castoris, ibi sunt, quibus credas male:  
In Tusco vico, ubi sunt homines, qui ipsi sese vendi-*  
*tant.*

Et Horat. *Serm. II, 3. v. 228.*

*- Ac Tusci turba impia vici.*

Sed ibi de improbis meretricibus & lenonibus sermonem esse, iam pridem obseruarunt eruditi. Vid. Taubmann. *ad Plauti Curcul. l. c.*

(d) Patribus equidem licebat filios, quos habebant in potestate, ter venundare: sed saluo tamen ingenuitatis iure. Manumissi enim ex ea seruitute non libertini erant, sed ingenui. Vid. infra *Lib. I, Tit. IV. n. 1.*

proclamare ad libertatem. Exemplum huiusmodi fraudis in scenam produxit Plaut. in *Perf.* I, 3. v. 55. III, 1. IV, 3. v. 9. Quare SCo demum cautum est, (e) vt, qui essent maiores, seque pretii participandi causa venundari fuissent, in seruitute manerent. L. 1. L. 3. D. quibus ad libert. proclam. non licet.

VIII. Quamuis vero in seruorum conditione nulla sit differentia: §. 5. *Inst. h. t.* reuera tamen alias discrimen haut vnum occurrit. Ratione munerum alii erant atrienses, alii dispensatores, alii medici, topiarii, pistori, capsarii vel *μαλίσθουλακες*, scoparii, lecticarii, structores, scissores seu carptores, insularii, (f) & quae alia erant seruorum ministeria, de quibus accurate actum a Laur. Pignorio in libro de seruiseorumque apud veteres ministeriis, & Tito Popma in Tractatu de operis seruorum coniunctim editis *Amstelod. MDCLXXII*, 12. Ratione dominorum priuati alii erant, alii publici. Illi priuatis seruiebant, hi ad

VIII Varia  
seruorum  
ministeria.

(e) SC. Claudiano hoc ius esse inuectum nescio quo auctore tradit Dionys. Gothofr. ad §. 4. *Inst. h. t.*

(f) Et horum profecto diuersissima erat in domo conditio. Quum enim seruorum quidam lautius haberentur in familia: alii contra neruis ac compedibus vincti seruiebant. Tales erant ianitores & ostiarii, quos in catena fuisse docet Sueton. de clar. Rhet. III. Sic & ruri quidam vincti faciebant opus. Columella de re rust. I. ult. Plin. Hist. Nat. XVII, 3. Seneca de Benef. VII, 10. Huc comparata erant ergastula domestica subterranea, quae diligenter exploranda esse a circumspectis patribus familias monet Columella de re rust. I, 8. Conf. Barn. Briff. Antiqu. Rom. II, 9, p. 33. Lipf. Elect. II, 15.

ad publica adhibebantur ministeria & potissimum magistratibus adparebant. Publici vel in poenam seruiebant, vel tanquam captiui redigebantur in seruitutem. Prior mos non caret exemplis, quamuis minus probaretur a recti exempli viris. Vid. Plin, *Epist.* X, 40. 41. Posteriore consuetudine nihil est frequentius. Et hi captiui, redacti in seruitutem, nomina plerumque accipiebant vel a prouinciis, vt *Brutiani*, *Cyprii*, vel a victoribus, a quibus in acie capti, veluti *Gelliani*, *Clodiani*, Lips. *Elect.* 1, 12. & *Adnot. ad Tacit. Annal.* 11. p. 95. Eorum alii erant tabelliones, alii actores, alii notarii populi Romani. Et longe tolerabilior erat eorum, quam privatorum seruorum, conditio, siquidem & ante manumissionem iure gaudebant, pro parte dimidia testamentum faciendi, Vlpian. *Fragm.* XX, 16. P. Pithoeus *Schol. ad. Collat. Leg. Mos. & Rom.* V, 2. p. 752. edit. Ant. Schulting. Denique alii erant serui proprie ita dicti, alii statu liberi, qui destinatam in tempus vel conditionem habebant libertatem. L. 1. D. *de statu liberis*. Sane & hi serui diserte dicuntur. L. 9. pr. & L. 29. pr. D. *de statu lib.* L. 12, § *ult.* D. *famil. ercisc.* Sic & serui rustici & vr bani distinguuntur in L. 99. D. *de legat.* 3. Vbi videndus Merill. 1. *Obs.* III, 5. pag. 143. Alii denique adscriptitii, vel glebae adscripti. Quamuis enim & hi quibusdam ingenui videantur ob L. vn. C. *de colon. Thrac.* eo quod iure connubii gauderent, & aliquid possent habere proprii: Thomas. *de usu pract. distinct. inter liber. & seru.* I, 16. seq. erant tamen in commercio. d. L. vn. C. *eod.* L. 21. C. *de agric. & censit.*

Vnde

Vnde saepe serui vocantur in iure nostro, nec a seruis differre, hinc inde dicuntur. *L. 21. fin. C. de agric. & censit. Nouell. CLXII. cap. 3.*

## TIT IV. ET V.

DE

## INGENVIS ET LIBERTINIS.

**L**iberi homines subdiuiduntur in *ingenuos & libertinos*. Vtrorumque conditio denuo ex antiquitatibus Romanis eruenda est.

I. Ingenui erant Romanis, qui nunquam iustam seruiuerant seruitutē. Iniuste enim in seruitutem detrusi, impetrata libertate, non ad libertinorum, sed ad ingenuorum statum redibant. §. 1. *Inst. h. t.* Idem obseruandum de filiis, quos patres in seruitutem vendiderant, quod ter facere poterant ex instituto Romuli. Dionys. Hal. II, 28. Nam & hi manumissi non libertini erant sed ingenui. Paull. *Recept Sent. I, 1.* Et ita interpretanda *L. 2. pr. Cod. Theod. de liberali causa*, vbi Constantinus M. negat, *libertatem*, id est ingenuitatem, *filiis eripi posse a parentibus*. Ingenuos enim αἱ ἐξ ἁνῶ dictos esse *liberos*, ex *L. 4. ff. de iust. & iure* patet. Immo ne ciuitatis quidem iura penitus perimebantur hac venumdatione Cic. *pro Caecin. XCV.* nec iis iure postliminii opus erat si manumitterentur. Idem *de Orat. I, 181.* Bynkersh. *Opusc. p. 149. seq.* Denique & illi, qui ob aes alienum addicebantur creditoribus, itemque filii familias noxae dediti, seruebant quidem, sed manumissii ingenuitatis iura

I. Ingenui  
qui?



recuperabant. Quintilian. *Instit. Orat. VIII, 3.*  
& *Declam. CCCXI.* Iac. Cuiac. *Observat. XIII, 9.*  
(a)

II. Et qui-  
nam liber-  
tini.

II. Si qui vero e iusta servitute erant ma-  
numissi, eos vocabant *libertinos*. Quamvis  
enim *libertini* vetustioribus auctoribus sint liber-  
torum liberi: Suet. *Claud. XIV.* sequiore tamen  
aetate id maxime apud iureconsultos invaluit, ut  
& manumissi dicerentur *libertini* Casaub. *ad*  
Suet. *Aug. XXV.* Observatur tamen differen-  
tia, ut ratione patronorum dicantur *liberti*, ra-  
tione status *libertini*. Oisell. *ad Cuij Instit. I, 1.*  
p. 7.

III. Ritus  
manumif-  
sionis per  
censum.

III. Manumissiones antiquitus fiebant sol-  
lemniter *I. censu*, quando servus iussu domini  
nomen suum in censum lustralem conferebat.  
Ulpian. *Fragm. I, 8, p. 564.* Non sine causa ve-  
ro Ulpianus meminit census lustralis. Non  
statim enim atque eum censeri iusserat domi-  
nus, plenam libertatem consequeretur, sed ex-  
spectandum erat, dum lustrum conderetur: in-  
terim enim domino poenitere licebat, ceu ex  
Cic. *de Orat. I, cap. 40, ostendit* Lud. Charond.  
*annot. ad Ulpian. l. c. p. 564. edit. Schulting.* Adde  
*Adpend. Lib. I, §. 48.*

IV. Manu-  
missionis  
per vindi-  
ctam ori-  
go.

IV. Deinde quum Vindicius, Vitelliorum  
servus, coniurationem Brutorum aliorumque  
invenum ad senatum detulisset, praemium ei  
decernebatur libertas & civitas. Vnde & II.  
sol-

(a) Signum ingenuitatis apud pueros & puellas erat  
bulla aurea, collo adpensa, postea toga praetexta  
Theodor. Marcil. *ad Pers. Sat. V, v. 35. p. III.*

(b)

sollemni illi manumissioni, quae coram magistratu fiebat, *vindictae* nomen inditum Liu. II, 5. L. 2. §. 24. *D. de orig. iur.*

V. Fiebat haec manumissio coram Consule, (b) Praetore, Procos. adhibito lictore, qui ferui percusso capite, eodemque in girum circumacto, inflictaque alapa, addebat verba: **HVNC HOMINEM LIBERVM ESSE VOLO.** (c) Hinc. Perf. Sat. V, v. 75. de Dama seruo in girumacto:

- - *Heu steriles veri, quibus una Quirites*

*Ver-*

(b) Et consules quidem etiam sequioris aevi statim, ut consulatum inierant, manumissiones solebant expedire ad renovandam manumissionis illius a Bruto factae memoriam. Id quod ex Cassiodori *Var. VI, 1. p. 227.* Ammiani. Marcell. *Hist. XXII, 9.* aliisque locis egregie demonstrat P. Faber. *Semestr. I, ult. p. 194.* Pertinent huc illa Sidonii *Carm. II, ad Anthim. v, 545.*

*Nam modo nos iam festa vocant, & ad Vlpia possunt*

*Te fora, donabis quos libertate Quirites:*

*Quorum gaudentes expectant verbera malae.*

Vt & illa Claudiani *Consul. IV. Honor. v. 613.*

*Adspice, mox laetum sonuit clamore trilunal,*

*Te fastos ineunte quater, sollemnia ludit*

*Omina libertas, deductum Vindice morem*

*Lex celebrat, famulusque, iugo laxatus herili,*

*Ducitur, & grato remeat securior ictu.*

Vbi conferri merentur Casp. Barthii *Adnot. p. 796.*

(c) Substituunt alii formulam: **AIO TE LIBERVM MORE QVIRITIVM.** Oisfel *ad Caii Inst. I, 1. p. 11. 12. edit.* Schulting. Initio ipse dominus haec verba pronuntiabat, postea tacente domino lictor, vel ea ut dicta accipiebantur. L. 23. *D. de manum. vindict.*

*Vertigo facit: hic Dama est, non tressis agaso,  
Vappa & lippus, & in tenui farragine mendax.  
Verterit hunc dominus, momento turbinis exit  
Marcus Dama.*

Virga, qua caput percutiebatur, *vindicta* vocata est, ab eodem vt putatur, Vindicio. Et de ea idem Persius Satyr. V, 88:

*Vindicta postquam meus a Praetore recessi.*

Conf. Claud. Paneg. de IV. Conf. Honorii v. 612: De alapis in manumissione inflictis legi meretur Culp. Barth. ad Briton. Philipp. p. 406. De formula manumittendi Fest. voce *manumitti* & Briffon. de Form. VIII. p. 724. Singulare est, quod notauit Appianus, Labeonem morientem seruum domi dextra adprehendisse & circumegisse. Ea sane manumissio non fuit haec sollemnis per vindictam peracta, quippe quam in iure fieri oportebat, sed alia priuata, & mortis causa facta, quae tantum libertatem Latinam tribuebat: vt rem recte explicat Merillius Obs. VII, 14. p. 25.

VI. Manumissio per testamentum.

VI. Accessit porro III. ex legibus XII. Tabularum manumissio *per testamentum*, qua si quibus libertas daretur verbis directis: DAVVS SERVVS MEVS LIBER ESTO: liberti eiusmodi vocabantur *Orcini* seu *Charonitae*, quasi, qui nullum patronum, nisi in orco, haberent. Iac. Cuiac. Obs. III. 23. Sin verbis precativis vsus esset testator: ROGO HEREDEM MEVM, VT DAVVM MANUMITTAT; heres fiduciarius retinebat iura patronatus. Sin denique in certum diem vel sub conditione cuidam daretur libertas: is *statu liber*

*er neg. ad Inst.  
c. 38. Justin Inst.  
24 13.*

ber audiebat, nec plenam libertatem, nisi veniente die, vel existente conditione, consequeretur, *L. 1. pr. D. de statu lib. Fests. voce statu liber.*

VII. Et hi quidem sunt antiquissimi manumittendi modi. Loco manumissionis per censum Imperatores Christiani (*d*) introduxerunt aliud manumissionis genus quod fiebat in *S. S. Ecclesiis*, ubi recitatis iussu domini tabulis, a clero signatis, servus libertatem consequeretur. Ita ritum exponunt Augustin. *Serm. V. a Sirmondo edit. Papian. in Respons. III, p. 829.*

VIII. Paulo ante ea tempora inualuerant manumissiones variae minus sollemnes, quales, *per epistolam & II. inter amicos.* Illa initio sine omni sollemnitate expediebatur, donec Iustinianus quinque tessium exigeret subscriptionem *L. vn. §. 1. C. de Lat. libert. toll.* Haec ita fiebat, ut dominus servum, praesentibus amicis, vel liberum esse iuberet, vel III conuiuium adhiberet. Glossae nomicae Labbaei: *περ μέσαν ἐλευθερίαν, ὅταν συνεσταθῇναι μοι κελεύσω τὸν δούλον μὲν, Per mensam libertas est, si mecum epulari servum iussero.* Indecorum scilicet olim habebatur, cum servis vilibusque hominibus accum-

VII. Et in sacrosanctis ecclesiis.

VIII. Nec non per epistolam, inter amicos, & per conuiuium.

(*d*) Et quidem Constantinus M. ceu patet ex *L. 1. & 2. C. de his qui in eccl. manum.* Conf. Sozom. *Hist. eccl. I. 9.* Videtur tamen Constantinus exemplum gentilium sequutus, qui & ipsi subinde vel in templis ad aras Deorum, vel in publicis populi coetibus manumittebant, ceu praeclare obseruat Iac. Gothofred. *ad L. vn. C. Theod. de manum. in S. S. ecclesiis.*



cumbere, iisque non lecti, sed subsellia erant parata. Hinc parasitus apud Plaut. *In Stichio* III, 4. v. 32.

*Haut postulo equidem, me in lecto accumbere*

*Scis tu, me esse imi subsellii virum.*

Et in eadem comoedia serui duo : V, 4. v. 21.

- - - *Potius in subsellio*

*Cynice accipiemur, quam in lectis.*

Quod si ergo servus iuberetur accumbere : signum hoc erat datae libertatis. Plin. *Epist.* VII, 16. Quo & locus Luc. XII, 37. a nonnullis refertur. Sed & hic Iustinianus quinque amicorum, tanquam testium, exegit praesentiam *L. vn. C. de Lat. lib. toll.* Sunt & alii modi innumerabiles Latinae libertatis, uti ait Iustinianus *L. unic. C. de Latin. libert. toll.* sic imposita puero bulla & praetexta, manumissus credebatur puer. Sueton. *de clar. Rhetor. cap. I.* Manumissus censebatur servus, quem dominus actis interuenientibus filium vocauerat, quamvis id non sufficeret ad adoptionem. §. 12. *Inst. de adopt.* Item, si ancilla a domino matronali habitu donata fuisset, vel servus domino volente signasset tabulas. Quintilian. *decl.* XXXIV. Immo & mortis causa datam esse eiusmodi libertatem, ex l. 15. *D. de manumiss.* probat. Merill. *Obs. L. VII. cap. XIV.*

IX. Servi nonnunquam ipso iure libertatem sunt consecuti.

IX. Denique & ipso iure, nolente licet domino, servis nonnunquam libertatem dandam fuisse novimus. Causas a Iustiniani fere inuentas accurate recenset Thomas. *Diss. de usu pract. distinct. hom. in ingen. & libert. I, 12.*

X Ceterum antiquissimis temporibus vna erat eademque omnium manumissorum libertas: siquidem manumissione non solum libertatem, sed & ciuitatis iura consequiebantur, idque instituerat Servius Tullius, qui & ipse libertinae fuerat conditionis. Dionys. Halic. IV. p. 126. Quam in rem Cicero pro Corn. Balbo XXIV. *Servos denique quorum vis & fortunae conditio infima est, bene de republica meritos, persaepe libertate, id est, CIVITATE, publice donatos videbamus.* Ciuitatem ergo vna cum libertate consequiebantur serui, sed ita, vt in quatuor urbanas tribus, tanquam ignobiliores, describerentur. Flor. Epit. Liu. XX.

X. Libertinorum vnum initio genus.

XI Enimuero quum ciuitas deinde tota scelestissimorum hominum colluie impleretur, nequissimique homunciones, a dominis manumissi, ciuium iura inuaderent: (Dionys. Hal. l. c. p. 228.) primum sub Augusto lege Aelia Sentia cautum est, ne serui sceleris causa publice caesi, vincti, aut torti, aut stigmatibus iniusti, (e) impetrata a dominis libertate, melioris

XI. Quod mutatum lege Aelia Sentia.

(e) Solebant enim serui ob leuia crimina flagellis caedi, dominisque reddi. L. 10. princ. D. de poen. L. ult. D. de iniur. Paull. Sent. Recept. V. 4. 22. Nonnunquam etiam ea lege reddebantur dominis, vt aliquamdiu in vinculis haberentur. Paull. l. c. & V. 18. 1. Fugitiuis vero seruis epigramma in facie inurebatur, & talibus quidem plerumque litteris: F. H. E. L. T. Fugitiuus: ic est L. Tuii. Quibus de notis multa congersere Oisfel. ad Caii Inst. I. 1. 3. p. 16. seq. Lips. Elect. I. 15. Rader. ad Martial. Epigr. II, 25. & VII, 70. Rad. Forner. Rer. Quotid. VI, 26. Tit. Popma. de operis seru. Ioan. Rhod. ad Scribon. Largum. cap. 231. Io. Nicol. de Sigl. vet.

ris essent conditionis, quam dedititii. Sueton. *Aug. LX.* Dio Cass. *LV. p. 556.* Vlp. *Fragm. I, 11.* Caius *Instit. I. 1. 3. p. 15.*

XII, Et  
postea le-  
ge Iunia  
Norbana.

XII. Postea A. V. C. DCCLXXI. M. Iunio Silano & L. Iunio Norbano Balbo Coss. lata est lex Iunia Norbana, qua constitutum, ut manumissi per epistolam aut inter amicos, aliisque modis minus sollemnibus, de quibus supra §. VIII. non ciuitatis sed Latinorum tantum iura consequerentur. Vlpian. *Fragm. I, 10.* Cai. *Inst. I, 1. 2.* & ibi viri docti. Hinc non desunt exempla manumissionum per epistolam aut inter amicos, per vindictam deinde ideo confirmatarum, ut liberti iura ciuitatis consequerentur. Plin. *Epist. VII, 16.* Nonnunquam & ab Imperatoribus Latini Iuniani iura Quiritium impetrabant. Plin. *Ep. X, 4.* Introducti subinde & alii modi, quibus iura Quiritium consequerentur Latini Iuniani, veluti, si quis vxorem duxerat testatione interposita, quod *liberorum quaerendorum causa* id fecerit, ex eoque matrimonio natus erat filius: si quis Romae triennio inter vigiles militauerat: si naue X. M. modiorum frumentum Romam deportauerat. Suet. *Claud. XIX.* si aedificium Romae construxerat. Vid. Vlpian. *III, 2. sequ.*

## XIII.

XXV. Stigmata eiusmodi vultibus imprimi vetuit Constantinus *L. 17. C. de poen.* ex eoque tempore feruis fugitiuis circumdata collaria, vel laminae collis adpenſae, quibus epigrammata inscripta. Delineatas eiusmodi lamellas dedit Iac. Spon. *Miscell. Erud. Antiq. p. 300. 301.*

(f)

XIII. Ex eo ergo tempore trium generum erant libertini. Alii enim fiebant *ciues Romani*, alii sola conſequebantur iura Latino-  
rum, dicti hinc *Latini Iuniani*. Alii denique vtriusque iuris expertes ad *dedititiorum* tantum conditionem adſpirabant. Iac. Cuiac. *Obſ.*  
*IV. 5.*

XIII. Hinc libertini alii ciues, alii Latini, Iuniani, alii dedititii.

XIV. Iura ciuitatis quaenam fuerint, inter omnes conſtat, & infra oſtendetur accuratius. Latini Iuniani eiſdem erant conditionis cum Latinis in colonias deductis. Vlp. XIX, 4. *Fragm. Regul. ex vet. Iureconſ. VIII. p. m. 805.* quales coloniae paſſim in orbe Romano exſtabant etiam aeuo Imperatorum. Ez. Spanh. *Orb. Rom. Exerc. I, 9.* Libertate igitur gaudebant, participes erant commerciorum & mancipationum cum ciuibus, Vlp. XIX, 4. & familiae emptores & teſtes & libripendes fieri, (Vlp. XX, 8.) quin & fidei commiſſum capere poterant: (Vlp. XXV, 6.) Sed tamen nec teſtari iis licebat, (f) nec ex teſtamento quidquam capere, niſi intra centum dies a cretione iura Quiritium conſequerentur. Vlp. XVII, 1. Hinc vulgo dicitur, vixiſſe Latinos Iunianos vt liberos, deceſſiſſe vt ſeruos. L. vn. C. de Lat. lib. toll.

XIV. Quina-  
nam Latini  
Iuniani?

XV. *Dedititii* vero vix vmbram libertatis conſequebantur. Nam & iuris commerciorum,

XV. Quales dedititii.

(f) Videntur tamen & Latini Iuniani teſtari potuiſſe volentibus concedentibusque patronis. Nam & domini permittere poterant iſtis ſeruis teſtamenti factionem, ceu adparet ex Plin. *Epist. VIII. 16.*

(g)



rum, mancipationum, erant expertes, & testamenti factione tum actiua tum passiuā plane carebant, &, quae miserrima erat eorum conditio, nulla ipsis spes supererat, vllō modo ad ciuium Romanorum, vel Latinorum saltim, conditionem adspirandi, Suet. *Aug. XL. Caius Inst. I, 1. 4.* adeoque eiusdem erant conditionis cum populis dedititiis. (g)

XVI. An  
ea diffe-  
rentia fu-  
blata ab  
Antonino  
Caracalla?

XVI. Et haec differentia libertinorum fuit etiam sub imperatoribus insequentibus obseruata. Quamuis enim Antoninus Caracalla in nota illa lege *in orbe Romano L, 17. D. de statu hom. ciuitatis iura cum omnibus, qui in orbe Romano viuerent, communicarit: id tamen beneficium non ad libertinos, sed ad ingenuos pertinuit; vt recte obseruarunt. Ez Spanh. Orb. Rom. II, 5. Ant. Schulting. ad Caii Inst. I, 1. 2. p. 13.*

XVII. Iu-  
stinianus  
eam pri-  
mus sustu-  
lit.

XVII. Primus Iustinianus discrimen istud sustulit, *L. vn. C. de dedit. lib. toll. L. vn. C. de Lat. lib. toll.* quibus constitutionibus omnibus libertinis iura ciuitatis indulgit. Quin immo, quae erat Flauii nostri liberalitas, denique omne discrimen inter ingenuos & libertinos sustulit, saluo

(g) Qui se, diuinaque & humana omnia dedebant, mittebantur sub iugum, de quo ritu videndus Dionys. Halic. *Ant. Rom. III. p. 159.* Qua formula deinde facta fuerit deditio; ex Liu. I, 38. ostendit Barn. Brisson. *de Form. IV. p. 354.* Petr. Fab. *Semestr. I, 7. p. 36.* Effectus vero erat, vt populi eiusmodi ingenuitatis quidem iura retinerent, at nullo modo ad ciuitatis commoda adspirarent. Conf. Car. Sigon. *de antiq. iur. Ital. I, 1. p. 47.*

(h)

saluo tamen iure patronatus, omnibusque libertis ius aureorum annulorum & natalium restitutionem (b) dedit. *Nov. LXXVIII.* Quam prudenter id consilii ceperit Imperator, alii ostenderunt. Vid. Wiffenb. *ad Tit. C. de iure aur.* p. 360. Thomaf. *de usu pract. dist. hom. in ingen. & libertin.* I, 31. seq. p. 18.

XVIII. Certum praecipuum id erat infigne libertinorum, quod veste alba & annulo donarentur a patronis. Tertull. *de resur. cap. LVII.* & deinde pileati & capite raso incederent. Et capillos quidem radere solebant in templo Feroniae. (i) De quo ritu videndi Taubm. *ad Plaut. Ampithr.* I, 1. extr. Alex. ab Alex. *Genial. dier.* IV, 20. Dalechamp. *ad Plin.* II, 55. Adsumebant etiam praenomen, nomenque patroni suo addebant. Vid. infra *Lib. III. Tit. VIII. §. 1.* Quo alludens Persius *Sat. V. v. 77.* *Verterit huac dominus : momento turbinis exit MARCVS Dama.* Add. Arrian. *Diff. Epictet.* II, 1. Ceterum, quia iam libertatem consequuti non amplius pro rebus, sed pro personis habebantur; hinc in iure nostro qui statum mutant, & vel ex servis liberi, vel ex liberis servi facti, non iidem censentur, sed vocantur *novi homines.*

XVIII. Infignia libertinorum.

(b) De iure aureorum annulorum & restitutione natalium a principe impetrari solitis vid. Lips. *Elect.* II, 8. Io. Kirchmann. *de annulis*, XV. XVI. Thomaf. *de usu pract. dist. in ingen. & libert.* I. 26. 27. p. 14. seq.

(i) Qui mos ponendi capillos utrum ad exemplum naufragorum introductus sit, an ab Atheniensibus Romanam manarit, disputat Briffon. *Ant. Rom.* I, 11. p. 13.

*homines. L. 27. §. 1. D. de adim. vel transfer. leg.*  
*Itemque alii homines. L. 93. §. 8. D. de solution.*

## TIT. VI.

DE

QVI ET EX QVIBVS CAVSSIS  
MANVMITTERE NON POSSVNT.

**L**icentia manumittendi restricta primum est per legem AELIAM SENTIAM, cuius adeo historia, occasio & materia ex antiquitate erunt explicandae.

I. Lex Aelia Sentia quando lata.

I. Lata ea lex, imperante Augusto Sex. Aelio Cato, (ita enim cognomen ex vetustis monumentis primus restituit Henr. Noris. *Cenot. Pis. Diff. III. cap. IX.*) & C. Sentio Saturnino Coss. anno ab V. C. DCCCLVII. Dio Cass. *LV. p. 557.* Vnde fallitur Mynsingerus *Comment. ad Instit. b. t.* dum mentionem huius legis fieri putat a Cicerone in *Top. II.* Illa enim lex *Aelia Sentia*, cuius Cicero meminit, si genuina esset vulgaris lectio, a nostra foret diuersissima. Sed acute coniicit Norisius, ab indocti scribae manu esse alterum *Sentia*, legem vero Aeliam in loco Ciceronis non aliam esse, quam *ius Aelianum* vel *Aelii tripartita*, de quibus supra in *proem. §. VIII.*

II. Ratio huius legis.

II. Occasionem legi dedit nimia manumittendi facilitas, qua fiebat, ut vrbs pessimorum vilissimorumque ciuium colluie adflueret. Quod quanto cum dedecore fuerit coniunctum,

iunctum, praeclare ostendit Dionys. Halic. *Antiq. Rom.* IV, p. 228. *Talis est nostro tempore confusio, & sic ad sordes atque ignominiam degeneravit Romanorum, probitas, ut nonnulli a latrociniis, parietum perfossionibus, prostitutionibus, omnibusque aliis sceleribus pecunia collecta libertatem redimant. statimque se Romanos faciant: alii conscii dominis, & socii veneficiorum, homicidiorum facinorumque, tum contra Deos, tum contra rempublicam suspectorum, eam ab illis gratiam recipiant: quidam ideo manumittantur, ut acceptum e publico frumentum menstruum, & si qua alia liberalitatis in egenos ciues conferuntur a Principibus, dent his, a quibus sint facti liberi. Accedebant aliae causae manumittendi parum honestae. Saepe domini seruos omnes manumittebant in fraudem creditorum. Tacit. *Ann.* XV, 55. Saepe serui a minoribus, quorum amores adiuerant, libertatem sibi loco mercedis stipulabantur. Cuius rei exempla multa depingunt Terentius & Plautus.*

III. Eam licentiam, quum indigna videtur Augusti saeculo, lata hac lege coercendam putabat princeps prudentissimus. Qua de re Sueton. *Aug.* XL. *Manumittendi modum terminavit. Et paucis interiectis: Quum & de numero, & de conditione ac differentia eorum, qui manumitterentur, curiose canisset: hoc quoque adiecit, ne vinctus umquam tortusque quis ullo libertatis genere civitatem adipisceretur. Prius Augustus lege Fusia Caninia; posterius Aelia Sentia praestitit. Quin tam necessariam tamque dignam saeculo suo hanc legem existimabat Augustus, ut inter mandata extrema, quae Tiberio senatuique & populo*

III. Plura huius legis capita.



populo Romano dederat, huius quoque legis commendaret custodiam. Qua de re Dio Cass. *Hist. LVI. p. 541.* Καὶ τὸ τέταρτον ἐντολὰς καὶ ἐπισκήψεις τῷ τιβερίῳ καὶ τῷ κοινῷ, ἄλλας τε καὶ ὅπως μὴ ἀπελευθερώσι πόλλας, ἵνα μὴ πανταδαπῶς ὅχλος τὴν πόλιν πληράσῃσι, μὴτ' αὖ ἐς πολιτεῖαν συχινὲς ἐσγράψωσιν, ἵνα πολὺ τὸ διάφορον αὐτοῖς πρὸς τὸ ὑπῆκοον ᾖ. *Quarta mandata Tiberio & reipublicae data, interque alia, ne multos manumitterent, ne promiscua turba urbs impleretur, neue multos iure civitatis donarent, quo magnum inter ipsos & subiectos discrimen remaneret.* Constabat vero ea lex capitibus quamplurimis, quae non nisi sparsim ex auctoribus colligi possunt.

IV. De dedititiis.

I V. Primo enim servos flagitiosos, stigmate inustos, tortos & ad ferrum datos vetuit fieri ciues Romanos, voluitque eos ad dedititiorum tantum conditionem redigi. Vlp. *Fragm. I, 11. p. 566.* Caius *Inst. I, 1. 3.* de quo capite actum ad titulos antecedentes,

V. De aetate dominorum manumittentium & servorum manumittendorum.

V. Deinde & impedimentum ea lex excitavit ex aetate, tum servorum tum dominorum. Nam neque servus triginta annis minor vindicta manumissus ciuis Romanus fiebat, nec dominus XX. annis minor manumittere poterat; nisi allegata probataque causa apud consilium. Suet. *Aug. XL.* Dio Cass. *LV. p. 557.* Vlpian. *Fragm. I, 12. 13.* Inter has causas §. 5. *Inst. h. t.* etiam refertur manumissio propter matrimonium. Sed haec non ex lege Aelia Sentia est, (tunc enim nondum ciuibz licebat ducere libertinas,) sed ex SC. quodam *L. 13. fin. D. de manum, vind.* quod hanc manumissionem ex ratio-

rationibus legis Iuliae & Papiae admisit. Apud Gruterum *in scr. p. DCXXI*, 1. nominatur PER-SICVS SERVVS MANVMISSVS AD CONSILIVM. Consilium vero erat Romae confessus decemviro- rum litibus iudicandis, id est, quinque Senatorum totidemque Romano- rum equitum : in prouinciis XXV. recupera- torum, ciuium Romanorum. Vlp. *l. c. lac. Raeward. Protribun. XVIII, & XIX. Ger. Noodt. de iurisd. & imp. I, 12.* Et tale est τὸ συμβέλιον, cuius mentio fit Actor. XXV, 12.

VI. Porro hac lege vetabantur manumif- siones, quae fierent in fraudem creditorum, i. e. quae obligatos seruos creditoribus dolo malo eximerent, partemque detraherent pignorum, aut portionem solutionis creditori aut heredi- tatis patrono imminuerent. Vlp. *l. c. §. 14. Cai. Inst. I, 1. §.* Intelligendum hoc caput esse de Ma- numissionibus non minus inter viuos, quam vltima voluntate factis, egregie probat Schul- ting *ad Caii Inst. l. c. p. 21.* Vbi tamen fraudu- lentus animus non concurrebat: valebat ma- numissio inter viuos facta. Et huc pertinet exemplum apud Tacit *Ann. XV, 55.* vbi Sceui- nus libertatum & pecuniarum in seruos colla- tarum rationem hanc reddit, *quia tenui iam re fa- miliari, & instantibus creditoribus, testamento diffide- ret.*

VI. De ma- numissio- ne in frau- dem cre- ditorum facta.

VII. Porro eadem lege adempta sunt domi- nis iura patronatus, qui libertos inopes alere negligenter. *L. 33. D. de bon. libert. L. 6. D. de lib. agnosco.*

VII. Con- tra domi- nos liber- tos inopes alere re- cusantes.

VIII. Contra dominos mercedem sibi a libertis stipulantes.

IX. Contra libertos ingratos.

X. Contra dominos libertos prohibentes uxores ducere.

XI. Cur licuerit dominis obaeratis feruum vnum heredem necessarium instituere.

VIII. Eadem lege iuribus patronatus excedeant, qui libertos ad mercedem operarum promittendam induxerant. *L. ult. D. qui & a quib. manum. liberi non fiunt.*

IX. Proditā etiam hac lege est actio adversus libertos ingratos, non quidem ut in servitutem reuocarentur, (quod postea demum Claudius Imp. inuexit. (a) Sueton. *Claud. XXV.*) sed ut in lautumias darentur ad perpetuas operas. Vid. Dosithe. *Sent. & Epist. D. Hadriani III, 3. p. m. 862. seq.* Iac. Cuiac. *Obs. X, 33.* Vinc. Graulina *de Leg. & Scitis p. 528. seq.*

X. Accedit & aliud caput, quo iure patronatus exuuntur, qui hac lege manumifere, ut ne liberti uxores ducerent, aut liberos tollerent. *L. 6. D. de iur. patr.*

XI. Et haec quidem sunt potiora legis Aeliae Sentiae capita, quorum auctores & iura nostra meminere. (b) Sed quod ad caput tertium §. VI.

(a) Non videtur Claudius expressa quadam constitutione vel SCo definiuisse, in servitutem libertos ob ingratitudinem a patronis reuocari posse, sed extra ordinem quosdam ingratos libertos ita mulcasse. Sane temporibus Neronis quum ad senatum referretur, ut liberti ingrati reuocarentur in servitutem, id plerisque displicuit, additumque nihil aliud laeso patrono concedi, quam ut vicesimum ultra lapidem in oram Campaniae libertum possit relegare. Tacit. *Annal. XIII, 26.* Eoque iure usi videntur Romani, donec Commodus Imperator, quod extra ordinem fecerat Claudius, edita constitutione induceret. *L. 6. D. de agnosc. lib.* Conf. Iac. Raeuard. *Coniectan. I, II, p. 23. seq.*

(b) Aliud huius legis caput commemorat Iustin. *Nov. CXII, 1.* edit. Haloandr. de donatione facta inter virum &

§. VI. a nobis recensitum attinet: illi adiecta erat exceptio. Licebat enim domino obaerato seruum suum cum libertate heredem instituere, ea lege, ut ei heres esset solus & necessarius. Eo ipso enim nihil amittebant creditores. Sed dominus tantum id lucrabatur, ut ne bona suo nomine possiderentur a creditoribus. Id enim veteribus ignominiosum videbatur. *L. 23. D. h. t. Cic. pro P. Quinct. XV. Franc. Hotom. Quaest. illustr. 26. Confer infra Lib. II. Tit. XVIII. XIX. n. XI.*

XII. Scripseramus haec olim. At postea maiora ausi ipsius legis fragmenta non modo diligenter conquisivimus, verum etiam ea suo ordini suaeque integritati restituere conati sumus, ductu praecipue Vlpiani, & Iulii Paulli, quorum ille quatuor; hic tribus libris hanc legem celeberrimam illustravit. Huius diligentiae nostrae ut fructum capiat lector, totam legem una cum probationibus hic exhibemus:

XII. Lex Aelia Sentia ordini & integritati suae restituta.

SEX. AELIVS. - - - CATVS. ET. C.  
SENTIVS. C. F. C. N. SATVRNINVS. COS.  
POPVLVM. IVRE. ROGARVNT. POPV-  
LVSQVE. IVRE. SCIVIT. IN. FORO. PRO.  
ROSTRIS. . . . . TRIBVS. . . . .  
PRINCIPIVM. FVIT. PRO. TRIBV. . . .  
PRIMVS. SCIVIT.

CAP. I.

& mulierem. Sed textum in mendo cubare, & pro lege *Sentia* legendum *Cincia*, iam monuit Gothofredus.



## CAP. I. a)

DE IIS, QVI MANVMISSI  
DEDITITII FIVNT.

Qui seruus, quaeue ancilla poenae causa b) a Domino c) VINCTVS VINCTAVE d) aut in custodiam datus datae, e) quibusue vestigia scripta, f) itemque qui quaeue propter noxam tortus tortae nocens inuentus inuentaue, g) item qui quaeue, ut ferrò, aut cum bestiis depugnaret, h) damnatus damnataue alioe supplicio adfectus adfectae i) fuit: is eae, quoquo modo l) manumissus manumissaue iustam libertatem non consequitor, m) sed dedititiorum numero esto, n)

## PROBATIONES.

- a) Caput hoc primum fuit procul dubio, partim quia praecipuum, partim, quod VLPIANVS libro I. *Comment. ad L. Ael. Sent.* de eo egit. L. 216. ff. de V. S.
- b) Non ergo ob aliam causam victus victae, veluti ob furorem. Paull. *Rec. Sent.* IV, 12, 7.
- c) Veleius iussu a Procuratore. Paull. *ibid.* §. 8. non si solum seruum Dominus adprobet, antequam victum sciret: Paull. *ibid.* nec si communi seruo vnus altero non adprobante iniecisset vincula: Idem *ibid.* §. 5. nec si seruum oppignoratū vinciuerit creditor: *Id.* §. 6. L. 24. §. ult. D. de pignor. act. nec si seruo, quem manumittere iussus erat, vincula iniecerat heres. Paull. *ib.* §. 4.
- d) Legitimum hoc fuisse vocabulum discimus ex VLPIAN. *Lib. I. L. 216. de V. S.* vbi id non intelligendum esse monet de eo, qui carceri mancipatus, sed qui ibi vinculis constrictus fuit, quamuis alias, vbi de fauore victi quaeritur, & in carcerem coniectus, pro victo habeatur. L. 9. ff. ex quib. caus. mai. 25. ann. in int. rest.
- e) Ita Vlpianus *Fragm. tit. I, 11.* Sed annon sibi ipse

ipse contrarius, quum paullo ante negare eum viderimus in custodiam datum pro vincto haberi? Negamus, quia in *L. 216. de V. S. de priuato carcere*; qui non nocebat sine vinculis; hic autem de carcere publico loquitur. Vid. Iac. Cuiac. ad Vlp. *l. c.*

- f) Vlp. *ibid.* §. 11. Cai. *Instit.* l. 1, §. 3. nec opus videtur emendatione in textu Vlpiani, vbi pro *vestigia* quidam rescribi iubent *stigmata*.
- g) Vlpian. *ibid.* non ergo si tortus de nulla culpa fuerat confessus. Paull. *Rec. Sent. ibid.* §. 3.
- h) Ferro depugnant *gladiatores*, cum bestiis *arenarii*. Cuiac. ad Vlp. *Fragm. tit. I, 11.* De utrisque plura nos in *Comm. ad L. Iul. & Pap. Lib. II. Cap. 1. & 2.*
- i) Immo & virgis caesi publice. Cai. *Instit.* l. 1, §. 3.
- k) Vlpian. *ibid.* Apud Suetonium *Aug. cap. 40.* est: *ne ullo libertatis genere ciuitatem adipiscerentur*, id est, nec censu, nec *vindicta* nec *testamento*.
- m) Suet. *Aug. cap. 40.* Vlp. *ibid.*
- n) Vlpian. *Fragm. l. 11.*

## CAP. II. a)

## DE AETATE MANVMITTENDORVM PER VINDICTAM.

*Minor XXX annorum seruus ancillaue censu b) vindictaue manumissus manumissaue ciuitatis Romanae ius, nisi causa apud consilium probata, ne consequitur.*

## PROBATIONES.

- a) Caput hoc secundum fuit, quia & aetas pertinet ad qualitatem manumittendorum, de qua curiose cauisse Augustum tradit Sueton. *l. c.* Meminit huius capitis Dio *LV. p. 557.* eiusque sententiam seruauit Vlpian. *Fragm. tit. I, 12.*
- b) *Census* non meminit Vlpianus *l. c.* quia eius aetate ab usu pridem recefferat. Ast *Fragm. Reg. vet. l. Cti Pariatori LL. Mos. & Rom. subiunctum §. 17.* Et qui

*in censum manumittitur, si XXX annos habeat ciuitate Romana potitur. Ergo non minor XXX annis.*

## CAP. III. a)

## DE AETATE ET CONDITIONE MANVMITTENDORVM PER TESTAMENTVM.

*Minor XXX annorum b) testamento manumissus manumissaue, quamuis in libertate moretur, liber tamen & ciuis Romanus ne esto. c)*

## PROBATIONES.

- a) Hoc caput a priore seiungi non potuit. Hinc coniunxit etiam vtrumque Vlpian. *Fragm. l. 12.*
- b) Nisi libertas in hoc tempus data. Hinc frequens in testamentis formula: LIBER ESTO, SI ANNORVM XXX ERIT. *L. 39. fam. erc. l. 46. de manum test. l. vlt. ff. de reb. dub. l. 13. de statu lib. item QVVM PER LEGES LICEBIT, LIBER ESTO. l. 38. de man. test.*
- c) Serui itaque erant, quamuis in libertate morarentur, nec feruire eos pateretur Praetor. Post Legem Iuniam Norbanam omnes iustam libertatem per manumissionem haut consequuti, praeter dedititios Latini erant, adeoque & hi eiusdem conditionis censebantur. *Vlp. ib. & ad h. l. V. C. Ant. Schultingius.*

## CAP. IV. a)

## DE CONDITIONE EX HVIVS MODI PARENTIBVS NATORVM.

*Ex his, qui quaeue iustam libertatem non consequuntur nati nataeue, ciues Romani & in parentum potestate ne sunt. Sin ciuis Romanus huiusmodi mulierem, quasi cinem, per errorem duxerit, siue ciuis Romana per errorem*

*errorem ei, qui dedititiorum numero erit, nupta fuerit; caussa apud consilium probata, ciuitas tam liberis, quam parentibus, b) praeter eos, qui dedititiorum numero erunt, redditor, illique in patria potestate sunt.*

## PROBATIONES.

- a) Hoc quoque caput a superioribus seiungi non potuit. Expressimus illud ex Vlpiani *Fragm.* VII, 4. Idem caput in mente habuit Caius apud *Pariat. LL. Mos. & Rom. Tit. XVI.* dum scripsit: *Idem iuris est de his, quorum nomine ex L. Aelia Sentia vel ex SC. post mortem patris caussa probata in potestate eius futuri essent.*
- b) Probanda ergo caussa erat viuis parentibus. At postea ex SCo etiam post mortem patris fieri poterat probatio. Cai. *ibid.* Vnde miror, de sententia huius SCi, & an eo diuersum quid a Lege Aelia Sentia cautum sit, disputare ad Caii locum viros doctos.

## CAP. V. a)

DE MINORE XX ANNIS  
MANVMITTENTE.

*Minori XX annis b) non aliter, quam per vindictam, c) caussaque apud consilium probata, d) manumittere ius esto. e)*

## PROBATIONES.

- a) Egere de hoc capite VLPIANVS *Lib. II. L. 16. ff. de manum. vind.* PAVLLVS *Lib. I. L. 27. de manum. vind. L. 15. eod.* Vnde id a superioribus proximum locum tenuisse patet. Vti enim prima legis parte de conditione manumittendorum; ita secunda de manumittentibus actum. Sententiam capituli habemus apud Cai. *Inst. I. 1, 7.* Vlpian. *Fragm. I. 13. & in §. 5. Inst. qui & ex quib. causs. man. non poss.*
- b) Coeptum tamen annum XX pro completo habitum, colligas ex *L. 74. §. 1. ff. de SC. Treb.*



- c) Attamen, qui vindicta possunt apud consilium manumittere, possunt etiam heredem sibi necessarium testamento scribere. PAVLL. *Lib. I. L. 27. ff. de man. test.*
- d) Modo causa ex affectu, non ex luxuria descendat. VLP. *Lib. II. L. 16 de man. vind.* Qualis est Sanguinis coniunctio. VLP. *Lib. II. L. 12. eod.* item conditionis implementum. PAVLL. *Lib. I. L. 15. ff. de man. vind.* Aliae causae recensentur in *L. 9. II. 12. sequ. ff. eod. & §. 5. Inst. h. t.* Sunt tamen quaedam non ex hac lege, sed ex SCis, de quibus *L. 13. fin. de man. vind. L. 4. C. qui man. non poss.* Add. Cuiac. *Obs. XV. 13.*
- e) Quid si minor XX annis servum alii dederit, ut manumitteretur? Vid. *L. 7. §. ult. L. 16. §. 1. ff. de man. vind.*

## CAP. VI. a)

DE FEMINA MANVMIT-  
TENTE.

*Ne feminae, nisi auctoribus tutoribus suis, b) libertatem servis dare ius esto. c)*

## PROBATIONES.

- a) De hoc quoque capite egit PAVLLVS *Lib. I. L. 16. ff. de auct. tut.* Sententiam eius servavit *Fragm. Vet. ICI* post *Pariat. LL. Mos. & Rom. §. 15.*
- b) Etiam si coeci sint tutores. PAVLL. *Lib. I. L. 16. de auct. tut.* Si femina per epistolam manumittebat, disputabatur, utrum, dum scriberet illa epistolam, an tunc, quando eam servus acceperit, interponenda sit auctoritas? Vid. laudat. *Fragm. §. 15.*
- c) Nisi iure liberorum per legem Papiam Poppaeam tutela liberaretur. *Fragm. Vet. ICI §. 15.* Vlpian. *Fragm. II. §. ult.* Addatur *Comment. noster ad Leg. Iul. & Pap. Lib. II. cap. 11. p. 233. sequ.*

## CAP. VII.

## CAP. VII. a)

DE MANVMMISSIONE IN FRAV-  
DEM CREDITORVM.

*Qui in fraudem b) creditorum manumisit, nihil egisse censetur, c) & manumissus manumissaue seruus ancillane manento.*

## PROBATIONES.

- a) De hoc quoque capite PAVLLVS adhuc *Lib. I. Commentarii sui* egit. Sententia existat apud Cai. *Inst. I. 1, §. 5. Vlpian. Fragm. I. 14. in pr. Inst. h. t. L. 16, §. 2. ff. qui & a quib. man. lib. L. 1. C. qui man. non. poss.*
- b) Quid vero est in fraudem manumittere? *L. 10. ff. qui & a quib. man. lib. non fiunt. L. 79. ff. de R. I. Hac lege nec miles solutus. L. 29. §. 1. ff. de test. mil. L. 8. §. 1. ff. qui & ex quib. caus. manum.* Non tamen legem violat, qui minor XX annis heredem rogauit, vt seruum proprium manumitteret. *L. 34. §. 1. ff. de fideic. libert.*
- c) Si id vrgeant creditores. Antea enim manumissus in eorum fraudem veluti statu liber erat. *L. 1. pr. de statu lib.* Inde est, quod libertas huiusmodi per Legem Aeliam Sentiam dicitur RESCINDI, *L. 5. §. 2. ff. qui & a quib. manum.* RETRAHI, *L. 45. §. 3. de iure fisc.* REVOCARI, *L. 1. C. qui manum. non poss.*

## CAP. VIII. a)

DE SERVO NECESSARIO HE-  
REDE INSTITVTO.

*Attamen ei, qui soluendo non est, b) vnum seruum, quem velit, c) per testamentum manumittere, & heredem instituere d) ius esto: & tunc manumissus liber heresque necessarius esto.*

## PROBATIONES.

- a) Caput hoc a superiore proximum fuisse, cum res ipsa, tum Paulli fragmenta ad caput sequens adferenda docent.
- b) Etiam minori XX annis. *L. 27. de manum. test.* Quid si, qui soluendo est, necessarium heredem instituat, & is absteineat, an libertates debentur? *L. 32. ff. de manum. test.*
- c) Licet minorem XXX annis: Vlpian. *Fragm. I, 14.* etiam si in ea causa sit, ut dedititius fieri deberet. Vlp. *ibid.* Heres enim esse non posset, nisi iustam consequutus libertatem. Aliud dicendum, si impedimentum non ex lege Aelia Sentia sit, sed ex alia lege, SCo vel constitutione Principis. *L. 83. pr. de her. inst.*
- d) Quid si obaeratus seruum heredem necessarium instituerit, eique substituerit tamen liberum hominem? *L. 57. ff. de her. inst.*

## CAP. IX. a)

## QVID SI IN FRAVDEM CREDITORVM PLVRES MANVMISSI?

SI. DVO. PLVRESVE. EX. EADEM. CAVSSA. HEREDES. SCRIPTI. ERVNT. VT. QVISQVE. PRIMVS. SCRIPTVS. ERIT. liber & HERES. ESTO. b)

## PROBATIONES.

- a) Legitima haec fuisse huius capitis verba adparet ex *L. 60. ff. de her. inst.* SC. vero ad hanc legem facti meminit. *L. 83. §. 1. eod.*
- b) Quid si duo Apollonii instituti? *L. 42. ff. eod. PAVLL. Lib. I L. 43. eod.* Quid si primo loco seruum cum libertate instituerit, & cum substituerit, cui libertas debebatur ex fideicommissio? PAVLL. *Lib. I. L. 55. ff. eod.*

## CAP. X.

## CAP. X. a)

DE SERVO IN FRAVDEM FOE-  
NERATORVM MANVMISSO.

*In fraudem foeneratorum manumissus, tametsi in libertate moretur, libertatem tamen iustam ne consequitor. b)*

- a) Huius capitis solus meminit Auctor *Fragm. Vet. 1Cti §. 16* *Obstat enim libertati Lex Aelia Sentia, quae vetat seruum foeneratorum caussa manumissum ciuem Rom. fieri; sed Latinum.* Nisi itaque dicere malimus, auctorem huius fragmenti ius omnibus notum plane ignorasse: dicendum sane erit, legem Aeliam Sentiam distinxisse, in *creditorum* fraudem, quis manumissus sit, an in fraudem *foeneratorum*, in quorum odium lex passa est seruum in eorum fraudem manumissum in libertate morari.
- b) Atqui Latinum factum esse ait Auctor fragmenti. Factus omnino, sed demum ex *L. Iunia Norbana*, quae omnes Latinos fecit, quas iustam libertatem consequi non patiebatur *L. Aelia Sentia*. Videantur, quae notauimus ad Cap. III.

## CAP. XI. a)

DE MERCEDE MANVMIS-  
SIONIS.

*Si quis eum eamue, quem quamue manumissurus est, ad mercedem manumissionis praestandam obligauerit b) iuribus patronatus priuator.*

## PROBATIONES.

- a) Haftenus de manumittendis & manumissoribus. Iam de prohibitis manumittendi conditionibus, de quibus PAVLLVM *Libro Comment. II.* egisse, patet ex



ex *L. 6. ff. de iur. patr.* Ceterum sententiam capitis feruat *L. ult. ff. qui & a quib. manum.*

- b) Non ergo prohibet Lex mercedem a liberto capere, sed eum obligare. *L. ult. §. 1. qui & a quib. manum.* Nec haec prohibitio pertinet ad speciem si patronus sibi operas centum, aut in singulas quinos aureos stipulatus sit. PAVLL. *Lib. II. L. 6. §. 1. ff. de iur. patr.*

## CAP. XII. a)

## DE IVRE IVRANDO LIBERTO- RVM DE LIBERIS NON TOL- LENDIS.

*Qui libertum, ut ne uxorem ducat, b) vel libertam, ne nubat, liberosue tollat, c) iureiurando adi-  
get, d) is quoque iuribus patronatus priuator. e)*

## PROBATIONES.

- a) De hoc quoque capite egit PAVLL. *Lib. II. L. 6. ff. de iur. patr.* Eius autem sententiam habes in *L. 15. ff. eod.*
- b) Nec tamen incidit in legem patronus, qui castratum iurare coegit, se vxorem non ducturum. PAVLL. *Lib. II. L. 6, §. 2. eod.* Incidit autem, qui adegit, ne intra certum tempus liberos tollat, neve aliam vxorem ducat, quam de qua patronus senserit, vel non nisi collibertam, aut patrono cognatam. *L. 3. §. 5. de suis & legiti. hered.*
- c) Quid si patronus libertam adegerit, ut sibi nuberet? PAVLL. *Lib. II. L. 6. §. ult. de iur. patr.* vel ne illicite nuberet? *L. 3. §. 5. de suis & leg. her.* vel ne ea liberis impuberibus nuberet? *L. 31. qui & a quib. man.* Nullo horum casuum patronus iure suo excidit. At excidit illo omnino, qui ipse non ducturus adegit tamen libertam, ne alii quam sibi nuberet. PAVLL. *Lib. II. L. 6. §. 2. de iur. patr.*
- d) Item qui iusiurandum non prohibet. Exemplum vide apud PAVLL. *Lib. II. L. 6. §. 2. eod.*
- e) Immo & liberi eius *L. 15. eod.* Vnde nec ad legitimam

nam hereditatem admittuntur. L. 3. §. 5. *de suis & leg. her.* Interim tamen salua per hanc legem mansit iurisiurandi religio. Verum iurisiurandi etiam huiusmodi gratiam libertis libertabusque fecit Lex Iulia & Papia Poppaea. PAVLL. *Lib. II. L. 6. §. 4. de iur. patr.* Diximus ea de re plenius in *Comment. ad L. Iul. & Pap. L. II. cap. XVI.*

## CAP. XIII. a)

DE EO QVOD IN FRAVDEM  
PATRONI FACTVM.

*Si quid dolo malo liberti factum erit, b) quo minus, quam pars debita bonorum, ad patronum eiusue liberos perueniat, id, quod in fraudem legis factum erit nullum esto quod in fraudem patroni ; renocator. c)*

## PROBATIONES.

- a) Egit de hoc capite PAVLLVS *Libr. III. L. 11. si quid in fraud. patr.* Sequitur itaque vltima pars legis de patronorum libertorumque officiis.
- b) Non est dolus, si patronus consentit. PAVLL. *Lib. III. L. 11. eod.* nec si libertus dotem dat filiae. *L. 1. §. 10. eod.* nec, si viuis amicis bene merentibus donauit. *L. 9. eod.* Alias nihil interest, quocunque modo fraus legis facta. *L. 4. pr. L. 1. §. 1. 3. §. 13. 18. sequ. eod.*
- c) Quid si, quod in fraudem patroni alienatum, non exstet? *L. ult. eod.* Quid vero interfit inter alienare in fraudem legis, & patroni, fufe PAVLLVS explicasse vide. *Libro III. eoque refero L. 17. qui & a quib. man. L. 66. de V. O.*

## CAP. XIV. a)

## DE LIBERTIS INGRATIS.

*Quem libertum libertamue patronus b) ingratum esse conuincet, is in lautumias detur, c)*

PROBA-

## PROBATIONES.

- a) Egit de hoc capite VLPIAN. *Lib. IV. L. 30. qui & a quib. man.* Sententiam eius debemus Dosith. *Sentent. Hadr. cap. II. §. 3. p. 862.* Conf. Cuiac. *Obs. X, 33.*
- b) Quis accusare possit vel non possit libertum ingratum, fuse docet VLP. *Lib. IV. L. 30. ff. qui & a quib. man. L. 70. ff. de V. S.*
- c) Dosith. *ibid.* qui tamen falli videtur dum cognitionem hanc dat ἐπ' ἀρχῇ τῆ γὰρ φύλακίς: quam fuisse penes Praefectum vrbi patet ex. *L. I. §. 10. ff. de off. Praef. urb.*

CAP. XV. a)

DE PATRONI OFFICIO ERGA  
LIBERTVM.

*Si qui patronus, si qua patrona, libertum libertamue inopem non alet, is eae iuribus patronatus priuator.*

b)

## PROBATIONES.

- a) De capite hoc habest testimonium Modestini. *L. 6. pr. de agn. & al. lib. L. 33. de bon. libert.*
- b) *d. L. 6. & 33.*

XIII. An  
caput 2. le-  
gis Aeliae  
Sentiae  
prudenter  
sustulerit  
Iustinia-  
nus?

XIII. Denique observandum, caput legis Aeliae Sentiae de manumisso minore XX annis (§. V.) incaute sustulisse Iustinianum, argumento vsum sane perquam ridiculo, quod *libertas sit res inaeestimabilis. §. 7. Inst. b. t.* Inaeestimabilis enim non est ratione domini, sed serui, qui ad illam adspirat. Conf. Thomas. *Diff. de usu pract. doct. de imped. manumiss. l. §. XXXIX, seq.*

TIT.

## TIT. VII.

DE

LEGE FVSIA CANINIA TOL-  
LEND A.

**A**D coercendam manumittendi licentiam comparata etiam erat lex FVSIA CANINIA, de qua quum nihil dicat Imperator, nisi quod eam fustulerit, res paullo altius ex antiquitatibus Romanis est repetenda.

I. De genuina huius legis ætate mira est I. Lex Fufia Caninia  
eruditorum dissensio. Sunt, qui latam hanc quando &  
legem existimant Q. Fusio Caleno & P. Vati- a quibus  
nio Coss. anno ab V. C. DCCVI. & renou- lata?  
tam deinde sub Augusto, rogante C. Caninio  
Coss. anno V. C. DCCLI. Vnde dicta etiam  
sit ea lex Fufia Caninia. Iac. Raeward. *Coniect.*  
*II, 1. Oisfel. ad Caii Inst. I, 2, 1. p. m. 24.* Sed  
quum Dionys. Halicarnasseus adhuc sua ætate  
de nimia manumittendi licentia conqueratur,  
& Suetonius *Aug. XL.* Augustum primum de  
numero manumissorum cauisse, dicat: credi-  
bile vix est, legem hanc esse tam vetustam.  
Praeterea vix in antiquitate occurrit exem-  
plum legis, a duobus consulibus diuersorum  
annorum cognominatae. Hinc procul dubio  
lata haec lex Sex. Furio (a) Camillo & C. Ca-  
ninio Gallo Coss. anno V. C. DCCLI. Hoc  
enim

(a) Furii enim olim dicti *Fusii*, quemadmodum Papirii  
*Papisii*. Vid. *Prooem. I. not. b.*



enim anno C. Caninium Gallum consulem suffectum produnt *Annales Steph. Vin. Pighii Lib. XVIII.* p. 530. & Onuphr. Panuin. *Fast. II.* p. 185. Quin & ex numo eius consulatum restituit Hub. Golz, in *Fastis* p. CCXXII. Conf. Schulting. ad *Cai. Inst. I.* 2. 1. p. 24. Ephr. Ger. *Diff. de lege Fus. Canin. §. VII.*

II. Ratio  
huius legis.

II. Causa latae legis eadem fuit, quae Aeliae Sentiae, maxime vero, quod morientes domini saepenumero integras familias manumitterent, tantum, ut eo plures liberti pileati lecticam prosequerentur. Egregie hanc in rem Dionys. Halic. *IV.* p. 228. Scio, inquit, qui tota servitia testamento libera esse iuberent, ut benignitatis laudem ferrent post mortem, & in funeris elatione lecticam eorum magna pileatorum prosequeretur frequentia, in qua pompa quidam erant, ut a scientibus audiui, recens dimissi e carcere, malefici, mille supplicia meriti. Istos impuros urbis pileos plerique cum stomacho adspectant, & respuunt eorum consuetudinem, indignum facinus clamitantes, populum, rerum dominum, & usurpantem sibi orbis imperium, talibus contaminari ciuibus. De ea pompa funebri conterri etiam merentur Iac. Cuiac. *Obs. III.* 23. Io. Kirchmann. *de Fun. Rom. II.* 7. Huic ergo licentiae manumittendi, qua populus rerum dominus contaminabatur, obuiam itum est hac lege Fusia Caninia, qua certus numerus est constitutus, ultra quem non valeret manumissio. Et de ea lege etiam intelligendus Sueton. *Aug. XL.* ubi utramque legem, Fusiam nimirum Caniniam & Aeliam Sentiam, sub Augusto conditas coniungit.

III.

III. Ipsam legis sanctionem nobis seruauit Vlpian. in *Frag. I, 24.* Paull. *Sent. IV, 15.* Cai. *Inst. I, 2, 1.* E duobus scilicet vsque ad quinque, seruis duo manumitti poterant, ex sex & septem, tres; ex octo & nouem quatuor; e X. vsque ad XVII. quinque, ex XVIII. ad XX. sex; ex XXI. ad XXIII. septem; e XXIV. XXV. XXVI. octo; e XXVII. XXVIII. XXIX. nouem; e XXX. ad XLIV. decem; e XLV. ad XLVII. vndecim; ab XLVIII. ad LI. duodecim; e LII. ad LV. tredecim, e LVI. ad LIX. quatuordecim, e LX. ad LXIII. quindecim, e LXIV. ad LXVII. sedecim; e LXVIII. ad LXXI. septendecim; e LXXII. ad LXXV. octodecim; e LXXVI. ad LXXIX. nouendecim: ex LXXX. ad LXXXIII. viginti: ex LXXXIV. ad LXXXVII. viginti & vnus: ex LXXXVIII. ad XCI. viginti duo; ex XCII. ad XCV. viginti tres; ex XCVI. ad C. viginti quatuor; ex C. ad CXXIX. viginti quinque; ex CXXX. ad CXXXIV. viginti sex; a CXXXV. ad CXL. viginti septem: & sic consequenter pars quinta Sed vltra centum manumittere nemo poterat, si familia vel XX. millibus servorum constaret, quales Romae fuisse familias, testantur Sen. *de Tranqu. animi. VIII.* Athen. *Dipnos. VI, 137.*

IV. Quemadmodum vero haec lex ad solas manumissiones testamentarias pertinebat: ita inter viuos integrae familiae manumitti poterant, nisi aliae leges obstarent. Cai. *Inst. I, 1, 4.* Neque enim verendum erat tam facile, ne hic

III. Legis materia.

IV. An eas manumissiones inter viuos pertineant?

quis iusto esset liberalior. Vnde mira fuit Taciti Imp. religio, qui *manumisit*, intra *centum tamen*, ne Caninia transire videretur. Vopisc. in Tacit. X. quasi Caninia ad manumissiones inter viuos pertinuisset.

V. Quid factum, si plures manumissi, quam lex permitteret.

V. Si plures, quam lex permiserat, essent manumissi: illi tantum, qui priores erant nominati, aut certe descripti, libertatem consequerentur. Si plures manumissi, nemo nominatus aut descriptus: omnes in seruili conditione permanebant. Quod & tunc eueniebat, si testator in fraudem legis nomina seruorum in orbe tereti aut *διεξοδικῶς* scripsisset. Cai. *Inst. l. 1. 2.* quem scribendi modum praeclare exponit Merill. *Obs. VII, 40.*

VI. An prudenter eam sustulerit Iustinianus.

VI. Enimuero hanc quoque legem, sane vtilissimam, sustulit Iustinianus, quasi illa esset libertati inuida, absurdumque videretur, a viuis integras familias manumitti posse, non item a moribundis. Vid. *Inst. h. t. & ibi Vin- nius.*

## TIT. VIII.

DE

### HIS QVI SVI VEL ALIENI IVRIS SVNT.

**A**Ltera personarum diuisio, cuius quidem mentio fit in Institutionibus, ea est, qua aliae *sui iuris*; aliae *alieno iuri subiectae* dicuntur, qui nec patri nec domino subunt, neque etiam *patres familias* in iure nostro vocantur

tur. Ergo qui alterutrius in potestate sunt, veluti *serui & filii familias*, alterius iuri subiecti dicuntur. De potestate dominica hoc titulo; de patria sequente agitur.

I. Potestas dominica duo potissimum iura complectebatur: alterum, quod domini per seruos acquirere, alterum, quod iure vitae & necis in eos vterentur. De priorē agitur ad *Tit. IX. Libri II.* De posteriore iam nonnulla ex antiquitate monenda sunt.

I. Potestas dominica in quo consistere?

II. Ius vitae & necis in seruos, quum iuri naturae & gentium haut repugnet: (a) non mirum profecto est, quod & Romae id dominis competeret, quibus serui non personarum sed rerum loco esse videbantur, vti supra monuimus *Tit. III. §. II.* Conf. Seneca *de Benef. III, 23. §. 1. Inst. h. t.* Hinc & Hispo apud M. Senec. *Controu. X, 4. in seruum NIHIL NON domino licere*; ait.

II. Gaudebant domini iure vitae & necis.

III. Sed quo magis Romae a virtute defecit, eo durius immaniusque cum seruis actum, in quos veluti per ludum & iocum saeuiebant domini truculentissimi. Vt enim non dicam de durissimis castigandi modis, vlmis, stimulis, laminis, crucibus, compedibus neruis, catenis, carceribus, numellis, pedicis, boiis, tormentibus, suspensis e pede centupondiis, &c. de quibus

III. Quo iure defecit sum abusi sunt Romani.

(a) Dummodo non intelligas promiscue in seruos fauendi licentiam, sed tale ius vitae & necis, quali gaudebat magistratus; nihil inuenies, quod iuri naturali repugnet. Vid. Senec. *de Clem. I, 18.* Thomas. *Fund. Iur. Nat. & Gent. III, 4.*



quibus Plaut. *Afin.* III, 2. Io. Meurs. *Austar. philol. ad librum de gloria.* XXII. eo prolapsa demū fuit dominorum truculentia, ut exquisitissimis seruorum suppliciis oculos pascerent. Exempla exstant apud Senecam *de Ira* III, 40. *de Clement.* XVIII. Plin. *Hist. nat.* IX, 23. Iuuenal. *Sat.* VI, v. 218. *seq.* Tertull. *de pallio in fin.* Vulgare supplicium crux erat, in quam obleuissima delicta ibant serui. Nec quidquam miseros eripiebat cruciatibus, nisi se ad aras Deorum vel principis reciperent statuam, sibi que deprecatores pararent. De quo ritu videndus Wowerus *ad Petron.* p. 148. Unde reipublicae intererat dominos, in seruilia corpora impune saeuientes, latis legibus coerceri.

IV. Hinc Augustus faeuitiam domino-  
rum com-  
pescuit.

IV. Factum id primum sub Augusto, qui praefecto urbi id dederat negotii, ut dominorum faeuitiam ac libidinem & in praebendo victu sordes atque iniquitatem compesceret: si recte diuinauit. Lips. *ad Sen. de Benef.* III, 21. De seruorum sane querelis Praefectum Urbi cognouisse, satis patet ex Vlpiani L. 1, §. 1. 8. D. *de off. praef. urb.*

V. Quod & factum SC. Claudiano & lege Petronia.

V. Deinde & Claudius Imperator dominorum, seruos aegrotos exponentium, vel plene necantium crudelitatem SCto coercuit, illosque seruorum amissione, hos ordinaria homicidii poena mulctauit Suet. *Claud.* XXV. Dio Cass. *Hist.* LX. p. 788. Porro non multo post lata *lex Petronia* anno V. C. DCCCXIV. C. Petronio Sabino Turpiliano & C. Caesonio Paeto

to Consulibus, (b) qua vetitum vt ne liceret dominis seruos suo arbitrio ad bestias depugnandas tradere, sed causa prius a iudice cognosceretur. L. 11. §. 1. 2. D. ad L. Corn. de sicar.

VI. Tum postea Hadrianus dominorum crudelitatem rescriptis legibusque quam plurimis inhiuit. Sic Vmbriam matronam, quae leuissimis de causis acerbius tractauerat ancillas, in quinquennium relegauit. L. 2. §. fin. D. b. t. Idem & renouauit legem Petroniam, ergastula seruorum & libertorum sustulit, & seruos, nisi cognita iudicibus causa, occidi plane vetuit. Spartian, *Hadr. XVIII.* & ibi Casaub.

VI. Hadriani seueritas in dominos immanes.

## VII.

(b) In dubium tamen id vocat Petrus Faber *Semestr. II, 11. p. 134.* qui negat, hanc legem vocandam *Petroniam*, sed dici eam mauult *Paetinium*, latam quippe a Paetinio & Cassio Aproniano Coss. A. V. C. DCCCLXXV. idque primo ideo, quia Lex Petronia de longe alia re, puta de praeuaricatione & calumnia egerit L. 16. C. ad L. Iul. de adult. Deinde quia de Hadriano referat Spartianus, eum seruos a dominis occidi vetuisse, eosque damnari voluisse per iudices. Sed vt plures potuerunt esse leges Petroniae, ita in vna harum de seruis quaedam cauta esse, patet ex L. 24. D. de manumiss. & Paull. *Sent. IV, 12. §.* Idem deinde Hadrianus confirmare potuit, & seuerius sancire, quod ab antecessoribus statutum, in desuetudinem venerat, aut obsoleuerat penitus. Semper sane haec lex Petronia, nunquam Paetinia vocatur. Immo non obscurum est, diuersas plane leges confundi a Petro Fabro. Prior enim de praeuaricatione dicitur *Iunia Petronia*; haec autem dicenda esset *Petronia Caesonia*. De his Coss. vid. Henr. Noris. *Epist. Consul, p. 418.*

VII. Con-  
stitutio D.  
Pii.

VII. Successit porro constitutio D. Pii, qua dominis in seruorum suorum vitam non plus potestatis concessit, quam in alienorum, poenam legis Corneliae minatus iis, qui seruos sine iusta causa occidissent. *L. 1. §. 2, L. 2. D. h. t.* Idem Imp. venire iussit seruos, qui acerbius tractati a dominis ad statuas principum confugerant. *§. 2. Inst. h. t. Conf. Collat. leg. Mos. & Rom. III. 2, p. 742.*

VIII. Vt  
& Con-  
stantini M.

VIII. Postremo Constantinus M. sanxit, ut qui servum suum occidisset castigando, poenam legis Corneliae de sicariis non subiret. Sin tormentis aut destinato consilio id fuisset factum, dominus ordinaria homicidii poena plegeretur. *L. vn. C. de emend. serv. Conf. Iac. Gothofr. ad L. 1. & 2. C. Theod. de emend. seru. Lib. IX, 12.*

## TIT. IX.

DE

### PATRIA POTESTATE.

**A**Lieno quoque iuri subiecti sunt filii filiaeque familias, & hinc iam de patria potestate ex antiquitatibus agendum.

I. Patria  
potestas  
Romano-  
rum aliis  
gentibus  
incognita.

I. Recte Imperator *§. 2. Inst. h. t.* *Ius*, inquit, *potestatis, quod in liberos habemus, proprium est civium Romanorum. Nulli enim alii sunt homines, qui talem in liberos habeant potestatem, qualem nos habemus.* Quamuis enim apud Persas (a) etiam parentes in

(a) Etiam Atheniensibus ius vitae & necis in liberos fuisse

in liberos imperium fatis durum & vere tyrannicum exercuerint, filiis suis tanquam feruis vfi, teste Arist. *Eth. VIII*, 10. Romani tamen adeo gentes omnes reliquas hac in re superarunt, vt patria eorum potestas melioribus auctoribus non immerito vocetur *patria maiestas* Val. Max. *VII*, 7. 5. Quintil. *Declam. CCCLXXV*. Erant enim liberi in DOMINIO iuris Quiritum, & hinc poterant vindicari. L. 1. §. 2. D. de rei vind. iis surreptis locum habebat actio furti L. 14. §. 13. & L. 38. D. de furt. Mancipabantur etiam, tanquam res Mancipi. Cai. *Inst. I*, 6, 3. Conf. Bynkersh. *de iure occiden. diliberos I*. p. 145. Immo durior in quibusdam apud Romanos erat liberorum, quam ipsorum feruorum, conditio: certe non multo tolerabilior, vt fatentur Liban. *Declam. XXXVII*. Senec. *Contr. III*, 9. & 18. Lactant. *Diuin. Inst. IV*, 3. Seruius ad Virgil. *Aeneid. XI*. v. 143. unde & *seruire patri* dicuntur liberi. Lactant. *Diu. Inst. IV*, 3. Ger. Nood. *Probab. II*, 9. p. 64. Quæ omnia fatis euincunt, liberos ratione aliorum hominum fuisse *personas*; ratione ciuitatis *cines*:  
at

fuisse concessum, ex Sext. Empir. *Pyrrh. Hypot. III*, probari posse existimat Oiselius ad Cai. *Inst. I*, 2, 2. p. m. 31. qui ideo Romanam illam legem Athenis arcescit. Sed nihil fuisse in Solonis legibus iuri isti Romano simile, luculenter ostendit Dionys. Halic. *II*. p. 96. vbi ex instituto vtriusque gentis leges inter se contendit. Conf. Io. Meurs. in *Solon. XXII*, p. 79. & in *Themid. Att. I*, 2. & 3. Huber. *Digress. II*, 6. Thomaf. *de usu pract. doct. de patria pot. I*, 13. 14.



at ratione patris *res*, aequae ac *feruos*. Vid.  
*Elem. iur. Ciu. §. 135 sequ.*

II. Eius  
 auctor Ro-  
 mulus.

II. Auctorem huius iuris esse Romulum,  
 testis locupletissimus est Dionys. Halic. II. p. 96.  
 & hinc ipse Papinianus apud auctorem *collat.*  
*leg. Mos. & Rom. Tit. IV, 8.* eius potestatis origi-  
 nem refert ad legem regiam. Nec obstat,  
 quod Ulpianus patriam potestatem MORI-  
 BVS receptam dicit, L. 8. D. de his qui sunt *iuri vel*  
*alieni iur.* Respicit enim eo ipso ad XII. tabu-  
 las, in quas illud ius receptum, non tanquam  
 lex regia, (leges enim regiae omnes statim ab  
 eiectione Tarquinio Superbo exoleuerant, L. 2.  
 § 3. D. de orig. iur.) Sed tanquam mos vetus.  
 Non ferebat scilicet insigne illud Romanorum  
 odium, quo regium nomen prosequiebantur,  
 ut quidquam Regibus acceptum ferre vellent.  
 Conf. Schulting. ad *Collat. Leg. Mos. & Rom. IV,*  
*8. p. 749 sequ.*

III. Eam  
 patres  
 perpetuo  
 retine-  
 bant.

III. Primo ergo patria potestas non secus  
 ac dominorum e Romuli instituto erat perpe-  
 tua, durabatque per omnem patris vitam, nec  
 quisquam liberorum viuo & inuito parente,  
 sui iuris fiebat, etiamsi tractaret rempublicam,  
 magistratus gereret, summamque studii erga  
 patriam laudem esset commeritus. Dionys.  
 Hal. II, p. 96. Interim tamen hoc ius patriae  
 potestatis cedebat dignitati, immo interquies-  
 cebat tantisper & conuiebat, uti docet Gell.  
*Noct. Att. II, 2.* Quo etiam referendae L. 13.  
 §. 5. & L. 14. D. ad SC. Trebell. quas egregie il-  
 lustrat V. A. Corn. van. Bynkersh. *Obs. I, 1. 18.*  
*p. 75.*

IV.

IV. Deinde huic patris imperio non solum filii & filiae, sed & illorum liberi & nepotes suberant, quamvis filii essent milites *L. 7. C.* IV. Etiam in nepotes.

*b. t.* Eam vero potestatem non vterque parentum habebat, sed solus pater, ideo *familiae princeps* vocatus ab *Vlpiano Fragm. IV, 1.* quo defuncto demum liberi sui iuris esse coeperunt.

V. Denique iura ipsa, quae illa patria maiestas complectebatur plane erant singularia. Et I. quidem huc pertinet *ius vitae & necis*. Li- V. Complectebatur ius vitae & necis.  
cebat enim patri filium, tanquam rem suam, non solum exponere (*b*), in carcerem detrudere,

(*b*) *De partus expositione & nece apud veteres* eruditissimus existat commentarius Gerardi Noodii, quem *Iulium Paullum* ipse inscripsit. Nos inde huius immanis consuetudinis historiam quasi per indicem, dabimus. Ex Romuli legenon licebat exponere masculos, nec ex sequiore sexu filias primigenias, nisi ex quinque vicinorum sententia monstrosi, debiles, aut insignes ad deformitatem essent iudicati *Dionys. Halic. Ant. Rom. II. p. 88.* Quae Romuli lex etiam in XII. tabulas cum aliis migravit. *Cic. de legib. III, 8.* At vtraque lex adeo sensim exoleuit, ut etiam sub Imperatoribus nihil esset ea expositione frequentius. *Suet. Octav. LXV. Calig. V. Tacit. Histor V, 5. Tertull. ad nation. I, 15.* Idque nec *SC. Planciano* nec altero, quod sub Hadriano prodiit, mutatum fuisse, docet *Ger. Noodt. Iul. Paull. III, p. 350.* qui etiam *cap. IV. V. VI.* observat, sub *Diocletiano* adhuc & *Maximiano*, immo & sub *Constantino* licuisse infantes exponere: primosque eam truculentiam inhibuisse *Valentinum*, *Valentem* & *Gratianum*, *L. 2. C. de Infant. exposi.* Sed huic sententiae intercessit amplissimus *Bynkersh.* in libello *de iur. occid. liberos*, ubi citius hoc cacoethes legibus vetitum statuit, quumque multo post sententiam suam tueretur laudatus *Noodius* singulari *Epist.* ea

re, flagris caedere, vinctum ablegare ad operas rusticas, sed & quouis supplicio, si meruisset, necare. Dion. Hal. *II. p. 96. 97. Simpl. Comment. ad Epictet. Enchir. XXXVII. L. II. D. de liberis & postum. hered.* Vnde mirum est, Libanium *Decl. XXI.* hunc veteris iuris rigorem benigniore interpretatione emollire, patribusque tantum concedere τὴν ἀπειλὴν τεθνησκέναι, *comminationem mortis.* Aliud enim docent tot exempla, ex quibus patet, patres domi, adhibitis in consilium necessariis, virisque principibus, liberorum causas cognouisse, (c) iisque pro rei grauitate poenas & supplicia inflixisse, Val. Max. *V, 8. Sen. de Clem. I, 15.* Hunc in modum a patribus necati dicuntur Cassius, Val. Max. *I. c.* (quamuis id argumentis solidis in dubium vocet Dionys. Halic. *Ant. Rom. Lib. VIII.*) Fabii Eburni filius apud Quintil. *declamat. III.* Scaurus apud Val. Max. *ibid.* Fuluius, apud Sallust. *de bello Catil. XXXIX.* Titus vero Arius eodem iure filium ex filio damnauit, apud Sen. *I. c.*

VI. Ius ter  
venum-  
dandi li-  
beros.

VI. Eadem patria potestas complectebatur II. *ius ter venundandi filios.* Si enim prima vice venditus in seruitutem filius, manumissione libertatem recuperasset; iterum vendi poterat

ea de re nuper edita: sequutae sunt viri amplissimi, Bynkershoekii *Curae secundae*, id est, notae & stricturae ad illam amicam Noodtii Responzionem. Rem conficere videtur locus Tertull. *ad Nation. I, 15.*

(c) Hinc pater adpellatur *iudex domesticus* apud Senec. *Controu. II, 3. domesticus magistratus* apud Sen. *de beneficiis, III, 11. censor filii* apud Suet. *Claud. XVI.*

(d)

rat a patre. Iterum manumissus, denuo in potestatem patris recidebat, vendique adeo poterat tertium. Sed impetrata tertium libertate, e patria demum potestate exhibat. Dionys. Halic. II, p. 97. *Simplic. comment. ad Epictet. Enchirid. XXXVII.* Et quamuis Iac. Raueard. *ad XII. Tab. III* Aleander *ad Caii Inst. I, 6. 3. p. m. 56.* & Iac. Gothofr. *ad LL. XII. Tab. IV. p. 202.* erroris arguant Dionysium, eamque Romuli legem de imaginaria illa trina venditione, quae in manumissione obseruabatur, intelligendam arbitrentur: hos ipsos tamen in eo fugit ratio. Ritus enim ille imaginariae venditionis fuit legis actio. Legis vero actiones demum e XII. Tabulis natae sunt. Ipsis quoque Aleandri & Gothofredi argumentis abunde satisfactum a Theod. Marcil *Interpr. XII. Tab. XXV.* Ant. Schulting. *ad Vlp. Frag. X, 1. p. 592.* Bynkersh. *de iure occ. lib. VI. p. 177.* & Cel. Thomasio *Diff. de usu pract. Tit. inst. de patr. pot. I,* Ceterum ea lex Romuli primum a Numa paululum restricta est, negatumque patribus ius vendendi filios illos, quibus uxores ducere permisissent. Dionys. Halic. II, p. 98. Postea ea in ipsas XII. tabulas migravit, ubi his fere verbis legebatur: ENDO LIBERIS IVSTIS IVS VITAE NECIS VENVMDANDIQUE POTESTAS EI ESTO. SI PATER FILIVM TER VENVMDVIT, FILIVS A. PATRE LIBER ESTO: Vlp. *Frag. X, 1.* Iac. Gothofr. *in quat. font. iur. ciu. de LL. XII. Tab. IV.*

VII. Denique & III. ius acquirendi per liberos patria potestate continebatur. Sext. Em-

VII. Ius  
acquiren-  
di per li-  
beros.

pir.



pir. *Pyrrh. hyp III, 24. Legum Romanarum auctores liberos in manu parentum ad instar seruorum esse voluerunt, neque suorum bonorum ipsos esse dominos, sed parentes, donec manumittantur eo modo, quo mancipia solent. Sed de hoc iure infra ad Libr. II. Tit. IX. dicemus.*

VIII. Ius vitae & necis quibus gradibus obsoleuerit?

VIII. In his omnibus vero sensim nonnulla mutata sunt cultioribus reipubl. temporibus, maxime quum ista domestica maiestas statui monarchico sub Imperatoribus parum consentanea videretur. Et primo quidem quod ad ius vitae & necis attinet, ea mutatio non facta ante exactos reges, ut visum Ræuaro *ad XII. Tab. cap. III. nec tempore Augusti, ceu creditum Franc. Balduino ad Leg. Rom. XV II. p. 24. nec denique sub Diocletiani tempora, ut existimantur Theod. Marcil. Interpretam. leg. XII. Tab. XXIV. vel sub Constantini, ut credidit Giphani. ad L. ult. C. de patr. potest. multo minus sub Valentiniani, Valentis & Gratiani imperio quae Lipsii *Epist. ad Belg. I, 85* sententia est: sed a temporibus Traiani, qui filium male contra pietatem a parente adfectum emancipauit, nec eo defuncto patri bonorum possessionem concessit. *L. ult. D. si a parente quis manum. sit.* Eius exemplum deinde sequutus Hadrianus patrem, qui filium ob adulterii suspicionem in venatione occiderat, in insulam deportari iussit. *L. 5. de L. Pompei. de parricid.* Hinc ab Alexandri Seueri temporibus inualuit sensim mos, filios grauius delinquentes offerendi magistratibus, quibus tamen ipsi parentes praescribebant sententiam, in filiis exequendam. *L. 15. §. ult. D. de re milit. L.**

3. *C. de patria pot. L. 2. D. ad L. Corn de fcar. L. 11. fin. D. de lib. & post. hered. inst.* Denique ne id quidem relictum parentibus, vt filios immorigeros abdicarent *L. 6. C. de patr. pot.* Ergo totum illud ius vitae & necis quod patribus olim competierat, paullatim restrictum, a Constantino M. sanctione poenali sublatum *L. vn. C. de his qui par. vel. lib.* ac in magistratum denique translatum est per constitutionem Valentiniani, *L. vn. C. de emend. propinqu.* Conf. Thomassii *Diss. de vsu pract. Tit. inst. de patr. pot. l. 22. sequ. p. 9. seq.*

IX. Vt & trina liberorum venditio.

IX. Multo minus trinam liberorum venditionem saluam esse passi sunt imperatores. Hi enim, (non, vt Balduinus putat, libera resp.) id ius parentibus ademerunt. Primus, non Hadrianus, sed vt videtur, Diocletianus liberos villo titulo alienari vetuit, *L. 1. C. de patrib. qui fil. suos distrax.* Deinde Constantinus parentibus, cum extrema inopia conflictantibus, liberos sanguinolentos (d) tantum vendere permisit, ea tamen lege, vt liceret & patri vendenti, & filio vendito aut cuicunque alii, pretio aut mancipio reddito, ad ingenuitatem prouocare. *L. 1. C. de patr. qui fil. distrax.* Immo ne & hac venditione

(d) Filii sanguinolenti sunt recens nati, & adhuc ab utero rubentes. Eos enim vendi permiserat Constantinus ob periculum expositionis. Fusius hoc demonstrat Huber *Digress. II, 5.* Solebant enim partus sanguinolenti vel ad necem in solitarium locum abiici, vel ad loca quaedam populi Romani publica deferri, & talis fuit Lactaria columna, de qua Festus *p. 303. Lactaria columna in foro olitoris dicta, quod ibi infantes lacte alendos deferebant.* Conf. Ræuard. *Coniect. l. 17. p. 33.*

tione sanguinolentorum esset opus: paullo post idem imperator sanxit, vt inopes parentes alimenta e publico acciperent. *L. 1. & 2. C. Theod. de aliment. quae inop. parent. e publico petere debent Lib. XI. Tit. XXVII.*

X. Quid circa adquisitionem per liberos aliaque iura mutatum?

X. In tertio iure acquirendi per liberos quid mutatum sit paullatim, infra suo loco, id est, *Lib. II. Tit. IX n. II.* dicemus. Iam addimus & alia parentum iura fuisse sublata, vel restricta saltim fuisse. Sic sane quum olim & filii filiaeque familias noxae dari possent a patre: id ius iis ademptum esse docet Iustinianus. *§. ult. Inst. de nox. act.* Quam parum patris arbitrio relictum in exheredandis liberis: infra ad eum titulum explicabimus. Nec receptum amplius, vt patri filius sit heres necessarius. Quae omnia olim aliter se habuisse; suis locis patebit.

## TIT. X.

DE

## NVPTIIS.

**P**atria potestas constituitur vel per iustas nuptias, vel per *legitimationem*, vel per *adoptionem*. De nuptiis & legitimatione titulo hoc X. de adoptione sequente agitur. Non abs re vero hic titulus in Pandectis inscribitur *de ritu nuptiarum*, videnturque veteres Icti probe intellexisse, quantum intersit studiosi iuris, ritus illos nuptiarum nosse. Hinc procul dubio illo titulo de ritibus nuptiarum adcurate egerunt.

runt. Sed Tribonianus, retenta in pandectis veteri rubrica, rem ipsam omisit, neque vllum titulo isti inseruit fragmentum, quod ad illustrandos illos veteres ritus faceret. Vid. Thomaf. *de usu pract. doctr. Inst. de nuptiis. l. i. p. i.* Ergo ex antiquitatibus supplendus hiatus; quod iam ante nos tentarunt Barn. Briffonius libris *de ritu nuptiarum & iure connubiorum* Ant. Hotomanus *de vetere ritu nuptiarum*, &, qui fere omnium industriam superauit, Thomafius, *laudata dissertatione.*

I. Fiebant nuptiae apud Romanos vel ita, vt vxor conueniret in manum, & fieret *materfamilias*, vel ut sine in manum conuentione dotalia conficeret instrumenta, & non *materfamilias*, sed *matrona* haberetur. Gell. *XVIII, 6.* Prius non sola fiebat *confarreatione & coemptione*, sed & *usu* vt diserte tradit Cicero *pro Flacco cap. 34.* Itaque tres istos modos distincte recensent Arnob. *adu. gent. IV.* Seru. *ad Virg. Georg. I.* Boeth. *ad Cicer. Topic. III.* & e recentioribus Briffonius, & Hotomanus, *libris allegatis.* Ast non defunt, qui *confarreationem & coemptionem* pro vno eodemque ritu habent.

I. Diverfi nuptiarum ritus.

II. *Confarreatio* a Romulo inuenta, (a) fuit ritus

II. *Confarreatio* quid?

(a) In dubium id vocat Iac. Raeuard. *ad XII. Tab. XXI. p. 95.* ob locum Plinii *Hist. Ant. XVIII, 2.* in quo usus farris in sacrificiis a Numa demum inuentus dicitur. Sed falsum id esse, ex Catonis fragmento patet apud Seru. *ad Virg. Aeneid. X. v. 541.* ex quo constat, *Latini boues IMMOLATOS, priusquam caederentur, profugisse in siluam.* Quum vero *immolare* idem sit ac mola falsa e farre confecta inspergere:



ritus nuptiarum antiquissimus, quod certis verbis, & testibus decem praesentibus, & sollemni facto sacrificio, in quo panis quoque farreus adhibebatur, vxor conueniebat in matrum mariti. Dionys. Halic. II. p. 95. Vlp.

*Fragm. IX, 1. XI, 13. XXII. 14.*

III. An ea  
solis Pontificibus &  
Flaminibus propria.

III. Erat vero hic ritus non pontificibus flaminibusque proprius, ut nonnulli recentiorum existimant Boeth. ad Cic. *Topic. III*, Alex. ab Alex. *Genial. dier. II. 5*. Dalechamp. ad Plin. *Hist. Nat. XVIII, 3*. sed ciuibus Romanis omnibus communis. Praeterquam enim, quod id disertis verbis testatur Dionys. Halic. *l. c.* ipso sane loco Tacit. *Ann IV, 16*. quem tamen pro se allegant dissentientes id non obscure confirmatur. Nihil enim rari aut inusitati fuisset illa patrimonum & matrimonum inopia, de qua conqueritur Tacitus, si soli Flamines ac Pontifices hoc ritu iniissent matrimonium.

IV. Eius  
effecta I)  
sacrorum  
commu-  
nio.

IV. Effecta confarreationis erant, I) sacrorum communio. Dionys. Hal. II, p. 95. *γυνῆκα γαμετὴν κατὰ νόμους ἱερὰς συνελθῶσαν αἰδούσαν καὶ ὡνὸν πάντων εἶναι χρημάτων τε καὶ ἱερῶν; Mulierem nuptam, quae iuxta leges sacras conuenerat cum viro, Romulus participem esse voluit omnium bonorum & sacrorum. Vnde Modestinus L. 1. D. de ritu nupt. Nuptiae sunt coniunctio maris ac feminae, consortium omnis vitae, DIVINI & humani iuris communicatio. Scilicet in ipsis veterum aedi-*

spargere: Heinf. *epist. ad Balsac. p. 185*. facile patet, iam ante Romuli tempora farris usum in Latio fuisse receptissimum.

aedibus erant Penates cuius familiae proprii, & eo ipso differabant a Laribus, quippe qui erant communes omnibus. Illi in cubiculo, porticu, atque atrio; hi etiam in compitis, viis, inamo & in castris & navibus colebantur: unde & Lares *domestici*, & *compitales*, & *militares* & *marini*; Lares item *comitio potentes*, *publici*, *viales*, *civitatum rurales* in marmoribus & apud veteres auctores occurrunt. Grut. *Inscr. p. LXXVIII*, 1. p. *CVI*, 12. & 4. p. *X*, 2. Reines. *Inscr. Class. I*, 140. 153. & 159. Desid. Herald. *ad Tertull. Apol. I*, 25. Idem in *Advers I* 7. Io. Meurs. *Auctar. philol. ad libr. de Gloria II*. Vtrisque & simulacra dedicata erant, caninis induta pellibus Plutarch *quest. Rom. LI. pag. 276*. & arae politae ac foci, res in domo sanctissimae, a quibus a deo nemo poterat sine ingenti scelere abstrahi. Cic. *pro domo I*. & *pro Rege Deiot. XV. (b)* Quemadmodum vero ad haec sacra non nisi illi admittebantur, ad quos aliquando transitura esset sacrorum hereditas: ita non arctior poterat esse coniunctio, quam qua quis in alterius gentem & sacra transferat. Unde eiusmodi sacrorum communio rescindi non poterat, nisi auctores fierent Pontifices, nec certior erat spes successionis, quam illa sacrorum *et c.* Et hinc etiam patet ratio cur in his nuptiis tam necessaria fuerit domum deductio, multis facta sollemnitatibus, quas describit Barn. Briffon. *Antiq. I*, 18. p. 20. & *de Ritu nupt.*

(b) Et hinc etiam lucem accipit *Lex 18. D. de in ius vocando*: de qua infra erit dicendi, locus.

*nupt. p. m. 223. seq.* Fixa enim erant Penatium sacra, ac hereditaria; hinc nemo per confarreationem uxorem accipere poterat, nisi cui esset domus ac lararium, in quo vxor cum eo communibus sacris frueretur.

V. II) Li-  
beri patri-  
mi & ma-  
trimi.

V. Deinde & singulare id erat confarreationis effectum, II) quod ex confarreatis parentibus nascerentur *patrimi* & *matrimi*, quorum magna erat in sacris praerogativa. Tacit. *Hist. IV, 53.* Fest. voce *Flamin. p. 289.* & *patrimus. p. 358.* Ergo erant qui patrimos & matrimos eos vocant pueros, quorum parentes sint superstites. Vid. Pith. *ad Collat. Leg. Mos. & Rom. XVI, 2. p. 790. edit. Schulting.* Quamvis enim & id requireretur in sacris, boni ominis causa, ut recte a Pithoeo observatum est: *patrimi* tamen & *matrimi* proprie erant, confarreatis parentibus nati. Nec aliter Festus, qui falso plerumque pro vulgari significatione allegatur.

VI. III)  
Vxor in  
manum  
conue-  
niens, ma-  
terfami-  
lias in po-  
testate  
mariti.

VI. Adhaec id sequebatur effectum, III.) ut vxor, quae confarreatione in manum conuenierat, fieret materfamilias, & filiae loco haberetur, adeoque esset heres sua. Dionys. *l. c.* Vlp. *l. c.* Gell. XVIII, 6. Quaeri hic solet, an vxor per confarreationem liberata patria potestate in viri potestatem transferit? Affirmat. Ant. Hotom. *de rit. nupt. XX. p. 298.* Sed negant alii. Vid. Thomasius. *Diss. alleg. I, p. 22.* Verum licebit hic cum Hotomano facere. Auctores sane omnes fatentur I) uxorem conuenisse in manum. Manum vero in iure significare potestatem, tralatitium est. Immo II) Gel-

Gellius *Noct. Att. XVIII, 6.* multo disertius vxorem eiusmodi *in mancipio* fuisse statuit. In mancipio vero esse procul dubio includit potestatem. (Vlp. *Frag. X, rubr.* & ibi Schulting. & *Tit. XX, 18. XXIV, 23.*) immo & ipsum dominium iuris Quiritium. Bynkersh. *de iure occid. lib. I.* Idemque sibi volunt auctores, quando vxorem marito SERVIRE dicunt. Virg. *Aen. IV. v. 103.*

- - - *Liceat Phrygio servire marito*

ad quae verba videndus Servius : nec non quando mariti ab vxoribus vocantur DOMINI, Seru. *ad Virgil. Aen. IV.*

- - *Connubia nostra*

*Reppulit ac DOMINVM Aenean in regna recepit.*

Add. Non. cap. IV. n. 121. III) Obseruauimus, confarreatas vxores in sacris mariti fuisse. Sacrorum vero communio inferebat potestatem. L. 11. D. *de lib. & postum.* Vnde formulae : *in parentum sacris esse constitutum, in gentem & sacra alicuius transire, sacris paternis absolui &c.* Vid. Barn. Briffon. *de verb. sign. p. 1814. ed. nou.* Accedit IV) quod Vlpianus *in manum conuentionem* inter genera capitis deminutionis refert. *Tit. XI, 13.* Quomodo vero capite deminuta dici posset vxor, si vel sui iuris vel in patria potestate mansisset ? Nec V) id omittendum, vxores antiquissimis temporibus adsumsisse nomina maritorum, tanquam filias. Qui mos etiam sub Imperatoribus, quum iam obsoleuisset confarreationis ritus, mansit. Hinc in lapidibus occurrunt ANTONIA DRVSI, DO-



MITIA BIBVLI, MESSALINA NERONIS,  
DOMITIA DOMITIANI, Rupert. *Epist.*

**XLI.** *ad Reines. lap.* 156. 235. 237. Gruter. *Inscr. p.*  
*DXXCIV.* II. *p.* DCXVIII, 9. *p.* DCCCLXXIX.

7. Plura exempla dabit V. C. Iac. Perizon.  
*Dissert. de diuina conslit. Deut. XXV. §. 6.* Prae-  
terea VI) re ipsa potestatem summam in vxo-  
res, non secus ac in filias, exercebant mariti.  
Quidquid acquirebat vxor, marito acquire-  
bat. *Omnia enim, quae eius erant, viris fiebant do-*  
*tis nomine.* Cic. *Tōpic. IV. (c)* Ius quoque vi-  
tae & necis competiisse maritis in vxores adul-  
teras, vinosas, aliisque se sceleribus polluentes,  
notum est ex Dionys. Hal. II, *p.* 96. Gell. II,  
23. ex quibus patet maritos domi suae tanquam  
iudices de vxorum criminibus cognouisse.  
Exempla vide apud Plin. *Hist. Nat. XIV, 13.*  
Mansit etiam sub Imperatoribus pristini moris  
vestigium, teste Sueton. *Tiber. XXXV.* Tacit.  
*Ann. II, 1. XIII. 32.* Denique VII) ex insigni  
loco Caii apud Pariatorem LL. Mos. & Rom.  
tit. XVI. patet, *sororis loco liberis fuisse matrem*  
*aut nouercam, quae per in manum conuentionem apud*  
*patrem eorum IVS FILIAE consequuta sit.* Qua-  
renegandum haud videtur, vxores, quae con-  
farreatione in manum venerant, in potestate  
maritorum fuisse. Conf. Ger. Nood. *Probab.*  
II, 9. *p.* 64.

VII. IV)  
Bona vxor-  
is ad ma-  
ritum de-  
lata,

VII. Quartum effectum erat, IV) quod  
maritus bona omnia vxoris nomine dotis ac-  
cipe-

(c) Hinc & peculium habebant matres familias, tam-  
quam filiae & seruae. Vid. Plaut. *Casim. II, 2, 26.*

(d)

ciperet. Cic. *Topic. IV.* & id quidem procul dubio, quia illa erat in mariti potestate, ceu paullo ante diximus. Vnde Terent. *Andr. I, 5.*

*Te isti virum do amicum, tutorem, patrem;*

BONA nostra haec tibi COMMITTO, &  
tuae mando fidei:

Hanc mihi in manum dat. Ex quo facile patet, quatenam sit dotis dominii origo, de quo infra Lib. II. Tit. VIII. dicendum erit pluribus.

VIII. Quantum effectum erat V) quod VIII. V.)  
connubium eiusmodi dissolui non posset, nisi Coniugi-  
*diffarreatione* quae, quum teste Festo voce *diffarre-* um eius-  
*atio*, esset genus sacrificii, procul dubio non nisi modi sola  
auctoritate pontificum fiebat, & hinc erat raris- diffarrea-  
sima, & difficillima. Quin primis reip. tem- tione solu-  
poribus non exstabat diuortii exemplum us- bile.  
que ad annum V. C. DXX. Dionys. II. p. 96.  
Plut. in *Romul.* p. 39. & in *Numa* p. 77. Valer. Max.  
II, 1. Gell IV, 3.

IX Enimuero hic ritus confarreationis ob IX. Con-  
incuriam virorum & feminarum, difficultates- farreatio-  
que caerimoniarum, studium item conseruan- nis ritus  
dae patriae potestatis, impensarum magnitudi- cur obso-  
nem, & maxime denique ob gratissimam vtris- leuerit?  
que diuortiorum licentiam ita sensim obsole-  
uit, vt Tiberii tempore non amplius reperiri  
possent tres flaminei candidati, confarreatis  
prognati parentibus Tacit. *Annal. IV, 16.*

X. Diutius paullo viguit secundus nuptia- X. Coem-  
rum ritus, videlicet *coemptio*. (d) Et sane videtur tio an a  
coemptio iam in confarreatione fuisse adhibita, confarrea-  
tanquam ritus accessorius. Ast postremis tem- tione di-  
poribus Romani, neglecto primario confarrea- uersa?

tionis ritu, solum accessorium, id est, coemtio-  
nem, retinuerunt, & inde factum, vt multis se-  
cundus hic modus ab illo primo non videatur  
discrepare. Cic. certe *pro Flacco XXXIV.* modos  
recensens, quibus in manum conueniatur, con-  
farreationis plane non meminit, sed coemtionis  
& vsus, eam sane haut omisurus, si re ipsa inter  
confarreationem & coemtionem quaedam fuis-  
set differentia.

XI. Ritus  
iste coe-  
mendi.

XI. Fiebat coemtio non solum a sponso,  
sed & a sponfa. De illo marmor vetustum lu-  
culenter testatur quod ita se habet: PVBL.  
CLAUD. QVAEST. AER. ANTONINAM  
VOLVMNIAM VIRGINEM VOLENT.  
AVSPIC. A PARENTIBVS SVIS COE-  
MIT. ET. FAC. IIII. IN. DOM. DVXIT.  
De hac Nonius *de propriet. ferm. XII, 50.* ita refert:  
*Veteri lege Romana asses tres ad maritum veniens sole-  
bat adferre, atque vnum, quem in manu tenebat, tan-  
quam emendi causa, marito dare; alterum, quem in  
pede habebat, in foco Larium familiare ponere; ter-  
tium, in sacciperio quem condiderat, compito vicinali  
solere resonare.* (e) Primo ergo asse fiebat coemtio  
viri

(d) Immo solemnus hic ritus fuit gentibus tantum non  
omnibus. De Ebraeis vid. Gen. XXXI, 14. XXX.  
IV, 12. 1. Sam. XVIII, 24. De Graecis Euripid. *in  
Medea v. 232.* Aristot. *Polit. II, 8.* De Germanis Ta-  
cit. *de mor. Germ. XVIII.* Conferri meretur Gundl.  
*diff. de coemt. ux. IX. cap. I.*

(e) Quid sit *in compito vicinali resonare*, paullo obscu-  
rius videtur. Sed salua res est. In compitis etiam  
erant aediculae Laribus sacrae. Ouid. *Fast. II. v. 616.*

- - qui compita seruant

*Et vigilanti nostra semper in urbe Lares.*

Conf.

virimore Quiritium, id est aere & libra, adhibitis quibusdam verbis sollemnibus. Seru. *ad Virg. Aeneid. IV. v. 211.* Petr. Fab. *ad L. 16. de Reg. Iur. p. 97. sequ.* Secundo vxor sibi veluti coemebat Lares & Deos penates vt sacrorum fieret particeps. Tertio sibi veluti aditum patefaciebat in mariti domum. Nam sponsa domum deducenda in horto aliquamdiu commorabatur, donec diruta maceria in domum mariti transfret. Ethanc maceriam Nonius vocat *compitum vicinale* ceu post Perrenon. *Animaduers. I. 6.* docuit Gundling. *ibid. I. 14.* qui etiam huc refert responsum Cervidii Scaeuolae *L. 66. §. 1. D. de donat. inter vir. & vxor. & verba Terentii Adelph. V. 7.* Atque hanc in horto maceriam iube dirui *Quantum potest: huc transfer, vnam fac domum. Tra-duce & matrem & familiam omnem ad nos.* Ceterum quatenam fuerint illa verba coemptionis sollemnia, non constat. Necessaria ea fuisse, docet Cicero *de Orat. I. 56.* sed qualia fuerint, non commemorat. Boethius *ad Cic. Top. III.* ait, quaesiuisset virum, *an mulier sibi materfamilias esse vellet?* hanc respondisse, *se velle.* Eodem modo & interrogasse matremfamilias, & respondisse virum. Quae si recte se habent, coemptio illa proculdubio interueniente stipulatione facta est. Sed haec forte Boethius sine auctore. Cicero *pro Muraena XII.* ait, mulieres in sollemnibus

Conf. Suet. *Aug. XXI.* *Loco resonare lege resignare,* & sensus erit planissimus sponsam tertium assem, quem in facciperio condiderat, ante Lares compitales resignare, & ibi deponere Suenisse.



nibus istis verbis *Caia* esse vocatas. Et hinc procul dubio ad illam formulam respicit : VBI TV CAIVS, IBI EGO CAIA, cuius meminit Plutarchus *Quaest. Rom. p. 62.*

XII. Effecta coemptionis.

XII. Effecta coemptionis erant eadem, quae confarreationis. Nam & hoc modo in manum conueniebant vxores, & matres familias vocabantur. Huber. *Digress. Part. II* s. 17. p. 522. Thomaf. *diff. de usu pract. doct. Inst. de nupt. I, 7. p. 26. 28.* Vnde simul ratio reddi poterit, cur concubina apud Gruterum *Inscr. p. 1300, 21.* vocetur *uxor gratuita*, utpote quae coemta non esset, nec aqua aut igne accepta.

XIII. Quo ritu eiusmodi nuptiae dissolutae?

XIII. Quemadmodum vero nuptiae confarreationis ritu contractae diffarreatione; ita factae per coemptionem *remancipatione* dissoluebantur, ceu ex Festo erudite probat Ræuardus *ad Leg. XII. Tab. p. 98.*

XIV. Vfus, qualis nuptiarum ritus.

XIV. Tertius modus contrahendi matrimonium erat *usus*, qui in eo constitit, quod sine confarreatione & coemptione maritus vxorem vsucaperet. Si enim haec auctore tutore cum viro consueuerat annum vnum, nec ante finem anni vsurpatum iuerat, id est tribus noctibus a viro non abfuerat, videbatur vsucapta & possessione quaesita. Gell. *III, 2.* Quemadmodum itaque vsucapio est modus acquirendi dominium iuris Quiritium: ita dubitari nequit, quin & vsu vxor conuenerit in manum & veluti in dominium Quiritarium mariti vel eiusdem potestatem redacta sit. Cic. *pro Flacc. cap. XXXIV. P. Pith. ad Pariat. LL. Mos. & Rom. tit. XVI.* Si itaque vxor nollet in manum conuenire: instru-  
menta

menta quidem dotalia conficiebantur , & domum deducebatur, sed dabat operam, vt saltem tres noctes a marito abesset. Sic enim per usurpationem interrompebatur singulis annis vsucapio, adeoque vxor vel in potestate patris manebat, vel in tutela agnatorum manebat , sine quorum auctoritate in manum conuenire non poterat. Cic. *pro Flacc. ibid.* Contracto itaque hoc ritu matrimonio, vxor non conueniebat in manum mariti, neque adeo fiebat materfamilias, sed matrona. Gell. XV) II. 6. Et hinc neque succedebat ab intestato marito, neque hic vxoris bona omnia dotis nomine accipiebat. Vocabatur tamen vterque coniux ad bonorum possessionem edicto : VNDE VIR ET VXOR.

XV. Requisita iustarum nuptiarum prae-  
 ter I) *pubertatem & viri potentiam*, de cuius examine ad *Lib. I. Tit. XXII.* dicemus, erant II) *consensus patrum*, quorum in potestate erant sponsi. Quamuis enim pater filiam elocatam reuocare, nuptiasque rite contractas soluere non posset: (ceu ex Plutarchi *Numa*, Dionysio Halicarnasense, Paulli *Sent. II*, 19. Vlpiani *L. 1. §. ult. de liberis exhibendis* accurate demonstrat Thomas. *de vsu pract. doct. Inst. de nupt. I*, 13. p. 48. 49.) poterat tamen id facere, si filia eo inuito cuidam nupisset, ceu contra Ræuardum *Var. VI*, 16. Cuiac. *Obs. III*, 5. idem demonstrat Thomasius *l. c.* Si filia patria potestate siue per emancipationem, siue patris mortem exiisset: sub perpetua degebat tutela, adeoque & tutorum auctoritas adhibenda erat. Cicero *pro Flacco XXXV.* Auctoritatem vero & expressam esse, & praecedere

XV. Re-  
 quisi-  
 ta iu-  
 starum nu-  
 ptiarum I)  
 pubertas  
 II) con-  
 sensus pa-  
 trum.

nuptias debuisse, æque ac iussum, notum est ex Ictis. Nec obstat *L. 25. §. 4. D. de adquir. hered.* quam accurate explicauimus & a Iac. Gothofredi correctione vindicauimus in *Element. iur. ciu. §. 250.*

XVI. III.)  
ciuitas Ro-  
mana.

XVI. Requirebatur etiam III) vt vterque contrahentium esset & liber & *ciuis Romanus*. Inter seruos enim, liberosque & seruos non connubium erat, sed contubernium. Cum Latino etiam vel Latina peregrino vel peregrina, non erant iustae nuptiae nisi concessum esset. (f) *Vlp. Fragm. V, 4. & 5. Paull. Sent. II, 19. 6.* vnde notum quantum inuidiae Antonio nuptiae cum Cleopatra conflauerint. Sed post constitutionem Antonini Caracallae promiscua fuere inter gentes connubia, & ita intelligendus Prudent. *adu. Symmach. II, v. 612.*

*Distantes regione plagae, diuisaque ponto*

*Littora conueniunt nunc per vadimonia ad vnum*

*Et commune forum, nunc per commercia & artes*

*Ad caetum celebrem, nunc per genialia fulcra*

*Externi*

(f) Concedebat olim eiusmodi nuptias populus, lege singulari, vt docent exempla apud Liuium *Hist. XXXVIII, 36. XLIII, 3.* Postea imperatores huiusmodi dabant priuilegia. Exempla hinc inde in marmoribus sunt, apud Gruter. *p. DLXXXIII, 2. DLXXXIV, 5. DLXXV, 1.* Iac. Spon. *Miscell. erudit. Antiq. p. CCXLIV.* vbi militibus, QVI PEREGRINAE CONDITIONIS PROBATI ERANT, datur CONNUBIUM CVM VXORIBVS, QVAS TVM HABVISSENT. Conf. Ez. Spanhem. *Orb. Rom. II, 22.* De reliquis prohibitionibus dicemus infra, vbi de iure Quiritum & ciuitatis in Adpendice agemus.

*Externi ad IVS CONNVBII. Nam sanguine misto  
Texitur alterius ex gentibus una propago.*

**Et Rutilius Numantinus** *Itiner. I. v. 63. sequ.*

*Fecisti patriam diuersis gentibus vnā,*

*Profuit iniustis, te dominante, capi.*

*Dumque offers victis proprii CONSORTIA iuris,*

*Vrbem fecisti, qui prius orbis erat.*

**XVII.** Accedit IV) consideratio graduum **XVII. IV)**  
Graduum  
prohibito-  
rum cuita-  
tio.  
*cognitionis, tanquam quartum iustarum nuptia-  
rum requisitum. Quae graduum (g) prohibi-  
tio quo vsque extendatur, Icti ostendunt & ma-  
xime illustr. Thomaf. diff. alleg. I, 18. sequ. p. 59.  
sequ.*

**XVIII.** Denique V) *polygamia* erat apud **XVIII. V)**  
Monoga-  
mia.  
Romanos prohibita, quam lege stabilire, au-  
ctore, vt putabatur, Caesare, conabatur Helius  
Caecina, Tribunus plebis: sed ea lex ne pro-  
mulgata quidem, nedum perlata fuit. Sueton.  
*Iul. LII.* Primus Antonius ex Romanis duas  
in matrimonio vxores habuit, teste Plutarcho  
*in vit. Anton.* Postea & Valentinianus iunior  
lege sanxerat, vt liceret cuius viro duas vxores  
ducere. Socrat. *Hist. eccl. IV, 30.* Niceph. *Hist.  
eccl. II, 33.* Sed ne ea quidem constitutio, amo-  
liendae facti proprii turpitudini inseruitura, va-  
luit apud posteros. Briffon. *de iure connub.*  
*p. 292.*

## ADPENDIX

(g) *Graduum* equidem supputationem ad solam do-  
ctrinam de successionem pertinere, putant. Vid. illustris  
Thomaf. *l. c. p. 65.* sed & veteres Icti gradus numera-  
runt in doctrina de nuptiis. Exemplum Vlpiani est  
in *Collat. Leg. Mos. & Rom. VI, 2.*



DE

LEGITIMATIONE.

**A**Lter modus constituendi patriam potestatem est LEGITIMATIO, de qua quum Imperator tantum §. 13. h. t. aliqua commemoret: licebit nobis eam doctrinam huic titulo tanquam adpendicem subnectere.

XIX. Quinam liberi legitimi, & spurii.

XIX. Soli liberi, ex iustis nuptiis nati, in patria erant potestate, & hinc vocabantur LEGITIMI. Reliqui omnes ILLEGITIMI dicebantur, & a priscis Romanis duabus litteris SP. signari solebant, quia erant *sine patre*. Plutarch. *Quaest. Rom.* p. 316. Cai. *Inst.* I, 4. 8. p. 41. Ulpian. *Fragm.* IV. 2. p. 576. Conf. tamen Aegid. Menag. *Amoen. iur. civil.* XXXIX. p. 358. Exemplum elegans huius moris exstat apud Gruter. *Inscr.* p. CCCCXXXIV, 4. C. MAMERCIO. SP. F.

IANVARIO. Q. AED. PRAET. II VIR,  
 Q. ET.

P. PACCIVS. IANVARIVS. FILIO. NATVRALI. ET. MAMERCIA GRAPTE.

MATER. INFELICISS. FILIO. ET COGNATAE. PISSIMIS. FECERVNT.

Hic enim C. Mamercius Iannarius, Paccii Iannarii non spurius, sed filius naturalis, & in dignitate constitutus adpellatur S P. F. id est *sine patre filius*. Quod monimentum plane egregium accu-

curate enucleauimus in *Com. ad L. Iul. & Pap. Lib. II. Cap. IV. p. 169. sequ.* Aliud eiusdem generis exemplum est apud Reines. *Inscr. Class. IX, 4.* Postea vulgo quaesiti spurii dici coeperunt.

XX. Erant illegitimi quatuor generum. Alii enim naturales ex *concubina* vel vidua aut virgine stuprata; alii spurii ex *meretrice*; alii ex *adultera*; alii denique ex *incestuosis* amplexibus fuerant nati. Franc. Hotoman. *de spur. & legitim. II, p. 474.*

XX. Illegitimo-  
rum di-  
uersa ge-  
nera.

XXI. Nulli horum erant infames, ast levis tamen notae macula spurios adsperebat vulgus, multoque magis adulterinos & incestuosos, saltim postremis temporibus reip. Vid. Zach. Hub. *Cas. enucl. Quaest. III. §. VIII.* Naturales participes quidem erant omnium iurium, honorumque capaces, ceu contra Iac. Gothofredum luculenter ostendit Thomas. *de usu pract. doctrinae Inst. de legitimat. l. 3. p. 3. sequ.* & ex inscriptione paullo ante adlata patet, in qua C. Mamercius Ianuarius, quamuis S. P. FILIVS tamen in colonia sua *Quaestor, Aedilis, Praetor, & Duumvir Quinquenalis iterum* fuisse dicitur: iuribus tamen agnationis (a) carebant, neque sub patria potestate erant,

XXI. An spurii infames, vel levis notae macula notati?

(a) Vnde nec gentile patris nomen ferebant spurii, vt contra Robertelli *Emend. l. 20.* recte ostendit Car. Sigon. *Emendat. II, 7.* Sane tamquam singulare quid de Caesare refert Sueton. *Iul. LII.* quod natum e Cleopatra filium *adpellari nomine suo passus sit.* Ast Dio Cass. *L. p. 479.* addit inter alia, quae Octavianus Caesar obiecerit Antonio, etiam hoc fuisse maxime, *ὅτι τὸν Κασσαρίωνος ἐπωνόμαζεν ἑαυτῷ, καὶ ἐς τὸ τῷ καίτοι*

erant, tamquam legitimo parente destituti.  
 Franc. Hotom. *l. c. III.* Strauch. *Exerc. IV, 3.*

## XXII.

Legitima-  
 tio quan-  
 do inuen-  
 ta?

XXII. Quum ergo vetere iure Romano nulla esset legis actio prodita, qua illegitimi liberi in patriam potestatem redacti, iurium istorum agnationis fierent participes, nisi arrogatio, in qua ipsos illegitimos auctores fieri oportebat. Herald. *Obs. ad ius Att. & Rom. VI, 10.* saeculo demum quarto ineunte inuenta est legitimatio. (b) Quod tamen beneficium non ad omnes in vniuersum spurios sed natos tantum e concubinis pertinebat. Huber. *Praelect. ad Inst. h. t. p. 28.*

## XXIII.

Constanti-  
 nus M. au-  
 ctor legiti-  
 mationis  
 I) per sub-  
 sequens  
 matrimo-  
 nium.

XXIII. Et primus quidem Constantinus M. Imp. inuenit legitimationem I) PER SVB-  
 SE-

*καίσαρ & γέν & ἡγε*, quod Caesarionis nomen filio Cleopatrae indidisset, & eum in Caesaris genus retulisset. Interim quamuis aliquando cognomen patris adoptant filii naturales, vti paullo ante *Ianuarus*, nomen tamen gentile a matre mutuabant. Ita Mamercius Ianuarius dictus a nomine matris Mamerciae Graptae, & a cognomine patris P. Paccii Ianuarii. Similia exempla ex Grut. *Inf. 2. p. DCXVI, 9. & p. DCLXXXIV.* adduximus in *Comment. ad L. Jul. & Pap. Lib. II. cap. IV. p. 170. sequ.* Ad spurios autem haec non pertinere vel inde patet, quod eorum incertus est pater.

(b) Non ergo legitimatio est actus legitimus, vt recte ostendit Vlr. Huber. *Digress. II, 12.* Nec ante Constantinum Romae recepta, quamuis viri docti id colligant ex *L. vlr. D. de adopt. & L. 57. §. 1. D. de rit. nupt.* Nam vt prior lex, vel ipsa teste rubrica, de arrogatione loquitur: ita posterior erat lege solutio, vel priuilegium, quod ad exemplum non trahebatur.

(c)

SEQVENS MATRIMONIVM. Meminit eius constitutionis Zeno Imp. *L. 5. C. de natur. lib. & Iustinianus Nou. LXXXIX. princ.* Sed quum ipsa non tulerit aetatem: obscura nobis est legislatoris sententia. Id saltem certum, non voluisse Constantinum M. constitutionem suam ad eos, qui in posterum ex concubinis nascituri essent, porrigi, sed eum ante illam constitutionem natis duntaxat id beneficium indulgisse, non alio consilio quam ut parentes, in concubinato viuentes, hoc privilegio pelleret ad iustum ineundum matrimonium, adeoque his cuniculis concubinatum subrueret. Vid. Def. Herald. *Rer. Quotid. I, 4, 2.* & quae nos differuimus in *Comm. ad L. Iul. & Pap. Lib. 11, Cap. V. p. 173. sequ.*

XXIV. Deinde & Theodosius iunior adidit legitimationem II) PER OBLATIONEM CVRIAE. *L. 3. 4 C. de nat. lib.* Quum enim adeo omnes abhorrerent a decurionum munere, ut iam Traiani temporibus multi inviti fierent decuriones, Plin. *Epist. X, 114.* & saepe Christiani poenae loco curiis addicerentur; Barn. Briffon. *Antiqu, IV, 18.* & hinc, aufugientibus decurionibus curiae paene exhaustae essent: Iac. Gothofr. *ad Tit. C. Theod. de decur.* privilegio alliciendi videbantur homines ad id munus eo lubentius suscipiendum. Hinc constitutione cautum, ut si quis curiae offerret filium vel filiam naturalem, ita ut ille in ordinem decurionum aliquando recipi se pateretur, haec decurioni nuberet: eo ipso illi non amplius naturales, sed legitimati haberentur. Interim

XXIV. Theodosius inuentor legitimationis II) per oblationem curiae.



foli patri hi fiebant liberi, non agnatis reliquis agnati *L. 9. C. de natur. lib.* In causam tanti decurionatus odii acute, vt solet, inquit Thomas. *diff. alleg. I, 8. p. 21. sequ.* vbi solide ostendit, homines voluptate, ambitione & auaritia in transuersum actos, dignitatibus aulicis, militiaeque palatinae & ordinibus sacris, quam muneribus eiusmodi, laboriosis, & ob onera curiarum, sumtusque, in spectacula impendendos non admodum pinguibus, inhiare maluisse. Iam id addo, non putandum esse, curiae oblatos confestim factos esse, decuriones. Sed Curiae adscribebantur, eique seruebant periculo suarum facultatum. *L. 4. C. de nat. lib. L. 50. L. 55. L. 64. C. de decur.* Hinc nec militiae nomen dare, nec ruri extra municipium viuere poterant, curiae quippe, tanquam glebae adscripti, *L. 7. C. eod. L. vn. C. si curial. relict. ciu.* Quae omnia luculenter ostendit V. C. Em. Merill. *Obs VII, 26. p. 109.* Quum itaque curiae oblato quodammodo essent adscriptitiae conditionis, nec alterius iis esset spes honoris, quam decurionatus, sane parum lucrosi: non profecto mirandum, tam paucis saluam mouisse splendidam illam curialium miseriam, vt & liberi illegitimi priuilegio essent alliciendi ad suscipiendum aliquando decurionatum.

XXV. Zenonis Anastasii & Iustiniani constitutiones de primo modo legitimandi.

XXV. Sequentes Imperatores duo ista legitimationis genera aliquamdiu retinuerunt, variisque legibus explicarunt. Sic Zeno Imperator sanxit, vt si pater, nulla legitima sobole alia superstita, concubinam vxorem duxerit, liberi vtriusque sexus post nuptias in patria potestate

testate constituerentur, & siue soli, siue cum fratribus postea natis patri ex testamento vel ab intestato succederent. Attamen eam constitutionem ipse quoque exemplo Constantini valere tantum voluit ratione liberorum ante hanc legem ex concubinis ingenuis natorum; eos vero, qui postea ex concubinato prodituri essent, tanti beneficii noluit esse participes. *L. 1. C. de natur. lib.* Liberalior Anastasius cum omnibus etiam postea nascituris hoc beneficium communicauit. *L. 6. C. eod.* Id denuo restrinxit Iustinus Imp. *L. 7. C. eod.* sed postea suo more iterum latius extendit Iustinianus. *L. 10. C. eod. conf. §. 2. Inj. de hered. quae ab intest. Nouell. XII, 4. XVIII, 11. LXXIV.* Quamuis vero his fere omnibus locis Iustinianus exigat instrumenta dotalia vel nuptialia: ea tamen non ad substantiam huius legitimisationis pertinere, sed pro eorum temporum conditione tantum signum fuisse legitimi connubii, iam alio loco ostendimus, & iam pridem demonstraui Cuiac. *Obs. XIII, 4.*

XXVI. Eodem modo & alterum legitimandi modum per oblationem curiae variis constitutionibus illustrarunt Imperatores. e. g. Leo & Anthemius. *L. 4. C. de natur. lib. & Iustinianus L. 9. C. eod. Nou. LXXXIX. cap. 11. seq.*

XXVII. Accessit tertius modus legitimandi III) per arrogationem, ab Anastasio inuentus *L. 6. C. de nat. lib.* Quum enim naturales liberi non essent in patria potestate, tamen iuris: poterant profecto a parente naturali arro-

XXVI. Le. onis, Anthemii & Iustiniani Constitutiones de modo secundo.

XXVII. Legitimatio III) per arrogationem inuenta ab Anastasio.

gari. *l. ult. D. de adopt.* Facta ergo ea arrogatione legitimi censebantur. Sed eum modum non sine ratione sustulit Iustinus, *L. 7. C. eod.* approbante id Iustiniano *Nov. LXXXIX, 7. Nov. LXXIV, 3.*

XXVIII.

Legitima-  
tio IV) per  
rescriptū  
principis  
& V) per  
testamen-  
tum in-  
uenta a Iu-  
stiniano.

XXVIII. Denique Iustinianus, ne & ipse minus videretur ingeniosus, adiecit IV) *legitimationem per rescriptum principis*, *Nov. LXXXIX, 2. LXXIV, 2.* ac postremo legitimationem V) *per testamentum* *Nov. LXXIV, 2, 1. LXXXIX, 10.* Quo ipso tamen totum inuentum legitimationis eum destruxisse, obseruat Thomafius *de usu pract. doctr. de legitim. 1, 12. p. 44.*

## TIT. XI.

DE

## ADOPTIONIBVS.

**T**ertius modus constituendi patriam potestatem erat ADOPTIO, quae quum fuerit actio legis, certis formulis, ac sollemnitatibus peragenda: genuina eius ratio ex antiquitatibus pernosceda erit.

I. Adoptio-  
nis Romae  
tam fre-  
quentis  
caussa pri-  
ma.

I. Cur inuenta a Romanis sit adoptio, & cur ea Romae frequentius, quam vsquam terrarum, sit vsurpata, paullo altius est repetendum, quum alias vniuersa huius instituti ratio intelligi nequeat. Obseruauimus iam supra, (*Lib. I. Tit. X. §. 4.*) Romanas familias habuisse sua sacra priuata, suos focos & aras domesticas, suas porro ferias, de quibus conferri merentur  
Macrob.

Macrob. *Saturn.* I, 16. Iac. Guther. *de iure Pontif.* II, 5. Vinc. Graulina *ad XII. Tab. num.* LXXVI. p. 416. *sequ.* De iis sacris quum esset lege decemuirali constitutum: SACRA PRIVATA PERPETVO MANENTO: omnia sane agebant Romani, ne sacra illa gentilia interirent. (\*) Quare Clodium etiam hoc nomine grauiter reprehendit Cicero, *pro Domo XII.* quod effecerit *vt sacra Clodiae gentis interirent.* Hinc, si qui ex iustis vxoribus liberos haut sustulissent, ii adoptabant extraneos, qui tunc *in sacra & gentem transire dicebantur.* Brissou. *de verb. signif.* p. 1814. Conf. Vopisc. *Valerian.* XIV.

L 2

II. Deinde

(\*) Aliquando tamen id agebant, vt sacra priuata interimerentur, eamque in rem Icti inuenerant senes sacra coementes. Excogitauerant enim eam rationem, vt heres senibus venderet ea bona, quae qui haberent, sacris adstringerentur, venditione imaginaria per aes & libram, addita stipulatione, vel fiducia, vt senes illi bona venditori vel heredi non vt hereditatem, sed vt res singulares, sacris liberas, redderent. Rem accurate primus ex loco obscuro Cic. *pro Mur cap XII.* explicauit & in lucem protraxit V. C. Io. Fr. Gronou. *de pecun. vet.* IV, 7. quam deinde sequutus Io. Ge. Graeuius *Not. ad Cic. l. c.* vterque monuit, perperam cum his senibus ad interimenda sacra adhibitis confundi, senes coemtionales apud Plaut. *Bacchid.* IV, 9 & Cic. *ad Famil. Epist. VII* 29. quum hi fuerint mancipia reiuicula & veterana, quae quod non adeo facile emtorem inuenirent, vel plura simul vendebantur, vel tanquam mantissa, adiciebantur melioribus. Idem monuerunt, nihil hos senes coemtionales facere ad coemtionem nuptialem. Ad quam quum nos eam retulerimus in prioribus editionibus, hic errorem nostrum fateri ac emendare non dubitauimus.

(a)



II. Caussa  
secunda.

II. Deinde altera accessit ratio, poenae nimirum orbitati praemiaque τῇ πολυπαρίᾳ proposita, qualia & ante legem Papiam Poppaeam in libera republica fuisse, patet ex Dione Cass. *LVI. p. 660.* Ne ergo parentes ἀπαίδες aut orbi vel praemiis istis exciderent, vel poenas darent: alios adoptabant, idque iam sua aetate reprehendit P. Scipio, censor, in oratione apud Gell. *Noct. Att. V, 19.* Quin adeo fraudulenter postea hac in re egerunt Romani, ut quum per legem Papiam trium liberorum parentes reliquis in honorum petitione praeferrentur, ii, quibus iste liberorum numerus deerat, per adoptionem sibi quaererent liberos, eosdemque deinde, ne oneri essent, ubi honoribus potiti erant, statim emanciparent. Vnde condito denique Scto cautum est, ne simulata adoptio in ulla parte muneris iuaret. Tacit. *Annal. XV, 19.* Vlpian, *L. 2. §. 2. D. de excusat. munerum.* Add. *Comment. nostr. ad L. Iul. & Pap. Lib. II. Cap. 7. p. 201. seq.*

III. Caussa  
tertia.

III. Accedebat tertia ratio aequae fraudulentae. Si quis enim patricii ordinis tribuniciam potestatem ambiret: ut voti fieret compos, plebeio cuidam se adoptandum dabat. Exemplum huiusmodi fraudulentae adoptionis praebuit P. Clodius, de cuius absurda adoptione videri possunt Suet. *Tiber. II.* Dio Cass. *XXXVIII. p. 72.* Cic. *orat. pro domo XIII.* Simile dedit Dolabella, qui ob eandem causam in gentem Liuiam plebeiam transiit. Dio Cass. *XLII. p. 198.* Et haec sunt verae illae ac genuinae causae, cur tam frequentes essent Romae adoptiones.

IV. Erant

IV. Erant vero adoptiones duorum generum. Aliae ADROGATIONES : aliae ADPTIONES strictiore sensu dicebantur. IV. Ad-  
ptio quo-  
tuplex?  
Ulpian. *VIII, 1. sequ.* Illis homines sui iuris ; his liberii alieni in alterius potestatem, gentem, nomen & sacra transibant.

V. Antiquissima fuisse videtur ADROGATIO, non ab interrogatione patris & filii adoptivi ita dicta, ut putat Cai. *Inst. I, 5, 1. L. 2. pr. D. de adopt.* sed a rogatione ad populum lata. Fiebat enim arrogatio in comitiis curiatis auctoritate pontificum, teste Gell. *Noct. Att. V, 19.* Adstipulatur huic Gellii etymologiae Menag. *Amoen. iur. cap. XXXIX. p. 259.* eamque ipsa vocabuli analogia confirmat, quamvis Caii causam agat Cuiac. *Obs. IX, 37.* V. Arroga-  
tio unde  
dicta?

VI. Cur in comitiis curiatis de arrogatione tanquam de publica populi causa actum sit, eius rei hanc rationem adsignat Vinc. Graulina *ad XII. Tab. n. LXXXV. p. 45* 1. quod interfuerit populi, ut fraudes, supra numeris II. & III. relatae, prohiberentur. Sed prius procul dubio arrogationes in comitiis factae sunt, quam fraudum istarum exstarent exempla. Melior ratio videtur, quia arrogati sperabant hereditatem. De hereditate vero in alios transferenda solum populum cognovisse, vel inde patet, quod & testamenta olim in comitiis calatis fierent. Accedit, quod per arrogationem caput e tabulis censualibus eximeretur, & in alterius redigeretur potestatem; id quod inconsulto populo fieri iniquum videbatur. Hinc in legibus Decemviralibus Tab IX. erat lex : DE CA-

VI. Cur ea  
peracta in  
comitiis  
curiatis?

PITE CIVIS, NISI PER MAXIMUM COMITIATUM NE FERVNT. Cic. *de Legib. III* in qua lege capitis adpellatione, non modo vitam, sed & libertatem, ciuitatem, familiaeque ius exaudiri debere, eleganter demonstrat in Notis Iac. Gothofred. p. 230. Hinc ergo in comitiis res erat explicanda, & quidem in curiatis. Gell. V, 19. Et hinc arrogatio fieri dicebatur *lege curiata*, Tacit. *Hist. I*, 15. κατὰ νόμον κεριαίων. Appian. *de Bell. Civ. III*. κατὰ νόμον τὸν Φεατριακόν Dio Cass. *Lib. XIV*.

VII. Cur auctoritate pontificum fuerit opus?

VII. Pontificum vero auctoritate opus videbatur, non ob iurisiurandi religionem, quo adrogatio ab omni calumnia & fraude pura praestaretur, ut coniecit idem Vinc. Graulina l. c. p. 452. sed quia adoptiui, relictis sacris familiae, in alterius gentis sacra transibant. Cicero *pro domo XIII*. *Quid sacra Clodiae gentis? Cur intereunt, quod in te est? Quae omnis NOTIO PONTIFICUM, quum adoptaret, esse debuit.*

VIII. In quid inquisuerint pontifices?

VIII. Dispiciebant ergo Pontifices, an adoptans ea esset aetate ut alterum filium habere posset? an nulla ei spes prolis superesset? an coniugio inito foecunditatem fuerit expertus? quae causa sit adoptionis? Gell. *Noct. Attic. V*, 19. Cic. *pro domo X. & XIII*. Vlpian. L. 15. §. 2. 3. & L. 17. princ. D. *de adopt.* Neque enim facile permittebatur iis, qui iam liberos procreauerant, ut alios vel arrogarent vel adoptarent, quippe quod ne in Imperatoribus quidem, reprehensione carebat. Perizon. *Animadu. Hist. cap. III*. p. 125. Deinde ne pro monstro esset patrem filio vel natu minorem vel aequalem

lem esse, sed adoptio naturam imitaretur: merito disquirebatur, an adoptaturus saltim plena pubertate filium antecederet. *L. 40. §. 1. D. de adopt.* Et hinc veteres rident adoptionem Alexandri Imp. ab Elagabalo factam, quum ille duodecim, hic quatuordecim circiter annorum esset. Herodian. *Hist. V, 7.* Praecipue autem providendum sibi existimabant, ne adoptio vel arrogatio filio esset exitio, aut ei aliquid adferret detrimenti. Et inde est, quod tutori fas non esset, pupillum arrogare, *L. 17. pr. D. eod.* nisi quod cognati a tutore propinquo *L. 17. §. 1. D. eod.* & priuigni a tutore vitrico ex rescripto Antonini Pii possent arrogari. *L. 32. §. 1. D. eod.* Exemplum Voconii Romani a vitrico adoptati est apud Plin. *Epist. X, 3.* Eundem tamen vitricum & tutorem fuisse priuigni sui, quod suspicatur Cuiac. *Obs. II, 38.* ex isto quidem loco non constat.

IX. Quum vero ii tantum arrogarentur, qui sui iuris erant: oportebat eos ipsos auctores fieri. Gell. *l. c.* Interrogabatur ergo is, qui arrogabat, vellet ne eum, quem adoptaturus esset, iustum sibi filium esse? & vicissim is, qui arrogabatur, an id fieri pateretur auctorque esset? *L. 2. D. de adopt.* Formulam prodit Cicero pro domo XXIX. Credo enim, quamquam in illa adoptione legitime factum est nihil, tamen te esse interrogatum: AVCTORNE ESSES, VT IN TE P. FONTEIVS VITAE NECISQVE POTESTATEM HABERET, VTI IN FILIO? Neque tamen has interrogationes &

IX. Quaestiones patri & filio propositae?



responsiones stipulationes fuisse , recte notat Cuiac. *Obs. IX, 37.*

X. Rogatio  
ad popu-  
lum lata.

X. Causa cognita , in comitiis curiatis sequebatur sollemnis rogatio : VELITIS IVBEATIS, QVIRITES, VTI L. VALERIVS L TITIO TAM IVRE LEGEQVE FILIVS SIBI SIET , QVAM SI EX EO PATRE MATREQVE FAMILIAS EIVS NATVS ESSET : VTIQVE EI VITAE NECISQVE IN EO POTESTAS SIET : HAEC ITA, VTI DIXI ITA VOS QVIRITES, ROGO. Gell. *Noct. Att. V, 19.* Hinc annuente populo & XXX curiis in suffragia missis ita iubentibus perfecta erat adrogatio Cic. *pro domo ibid.*

XI. Effe-  
cta arro-  
gationis.

XI. Arrogati ergo tam iure legeque filii erant eius , qui adoptauerat , ac si ex eo patre matreque familias eius essent nati. Hinc arrogati aequae ac adoptivi fiebant agnati ratione familiae adoptantis non tamen cognati eius uxori. L. 25. *pr. D. de adopt.* Quare adoptionem sequebatur hereditas nominis , pecuniae, sacrorum, teste Cicerone *pro domo XIII.* ubi exagitur Clodius a Fonteio adoptatus , quod in ea adoptione nihil legitime factum sit, siquidem neque Fonteius esset, quod esse debebat , neque Clodius patris adoptivi heres , neque amissis sacris paternis in adoptiva pervenerit. Immo, quemadmodum patricii, adoptati a plebeiis, ad plebem transibant: ita plebei, adoptati a patriciis , horum consequentur nobilitatem ac privilegia. Quod tametsi neget Io. Corasius *ad L. 35. D. de adopt.* tamen demonstratur exemplo Cn. Corneli Colli,

Coffi, qui ex Licinia, plebeia familia, adoptatus in patriciam Corneliam, Tribunus militum consulari potestate fuit, ad quam dignitatem anno demum sequente plebeiis via patuit, teste Liuius V, 12. Demonstratur idem exemplo Liuiæ quam Tacitus *Annal. V, 1. NOBILITATIS per Claudiam familiam & ADOPTIONE Liuiorum Iuliorumque clarissimæ* fuisse ait, & Augusti de quo Ouidius *Fast. IV. v. 21.*

*Hic ad te magna descendit origine mensis,*

*Et fit ADOPTIVA NOBILITATE  
tuus.*

Conf Huber. *Digress. Iustin. II, 24.* Iac. Perizon. *Dissert. ad Constit. diuin. Dent XXV, s. 6. p. 82. seq. & Comm. nostrum ad L. Pap. Lib. II. cap. I. p. 113.*

XII. Et hinc facile reddi poterit ratio, I) cur soli ciues Romani arrogare potuerint? Soli enim participes erant comitiorum. II) Cur caelibes arrogare nequiverint? Erat enim arrogatio in solatium orbis, non caelibum, inuenta. Cic. *pro domo cap. XIII. L. 15. §. 2. D. de adopt.* III) Cur senibus tantum sexaginta minimum annorum arrogare licuerit *d. L. 15. §. 2. D. de adopt.* Sperari enim antehac poterat proles IV) Cur nec muti & surdi arrogarent; nec V) feminae? Neque enim illi iure comitiorum gaudebant: & feminae praeterea neminem poterant habere in potestate. Quare parum legibus consentanea erat adoptio Candidiani, de qua Lactant *de Mort. Persequut. Cap. L. Idem Candidianum, quem Valeria, ex concubina genitum, pro sterilitatem adoptauerat, necari iussit.* Sed

L 5

quid

quid sibi non permittebant eius aevi principes?  
 VI Cur porro nec pupillus nec femina, nec peregrinus, nec mutus vel surdus arrogari potuerint? Pupilli enim ipsi auctores fieri non poterant, cum reliquis nulla erat comitiorum communio. Gell. *Noct. Att. V*, 19. VII) Cur denique adrogatio Romae tantum fieri potuerit? Vlp. *Fragm. VIII*, 4. Romae enim, non alibi, curiata comitia haberi poterant. Liu. *V*, 52.

XIII.

Quam diu  
 vetus iste  
 adrogandi  
 ritus obti-  
 nuerit?

XIII. Haec arrogatio, per populum in comitiis facta, satis diu, id est, stante libera republica obtinuit. Nam ita sua memoria a Cn. Aufidio Oresten, a M. Pupio Pisonem, a P. Fonteio Clodium arrogatum scribit Cic. *pro Domo cap. XIII*. Quin & Augustus Agrippam & Tiberium adoptauit in foro lege curiata. Suet. *Aug. LXV*. Et Neronis adoptionem, quamvis Patres censuerint, populus tamen, (lege procul dubio curiata,) iussit. Tacit. *Ann. XII*, 25. Postea Imperatores, legibus quippe soluti, veteres adrogationis ritus saepius neglexerunt. (Vid. Tacit. *Hist. I*, 14. 17. Spartian, *in Hadr. III. IV. XXIV. in Ael. Ver. III. Iul. Capitolin. Antonin. IV.*) Mansit tamen ad Galbam usque vetus sollemnitas inter priuatos. Hinc Galba: *Si te priuatus, lege curiata, apud Pontifices, ut moris est, adoptarem.* Tacit. *Hist. I*, 15.

XIV. Ad-  
 optio stri-  
 ctius dicta  
 cur &  
 quando  
 inuenta?

IV. Haec de arrogatione. Quum vero hic adoptandi modus ad homines tantum sui iuris pertineret: inuenta & alia actio legis, qua liberi, in sacris paternis constituti, cuiuscumque sexus & aetatis, in aliam familiam transirent;

rent, isque modus dictus ADOPTIO sensu strictiore. Eum iam in libera republica obtinuisse, constat ex Cicerone *de Finib. I, 7.* Valer. Max. VII, 7. 2. Dione Cass. XXXIX. p. 98.

XV Erat haec adoptio actio legis, & hinc inter XV. Adoptandi praesentes, adhibitis certis sollemnitatibus, ritus peraes & libram. peragenda apud Praetorem aut Praesidem, (a) aut

(a) A principibus, quos multa sibi in arrogationibus indulgisse probat Dodv. *praelect. XVIII. ad Spartian. p. 553.* & domi adoptari poterat per aes & libram. Suet. *Aug. LXIV. Caium & Lucium adoptavit DOMI, per aes & libram, emtos a patre Agrippa.* Fortassis & priuatis idem licebat, si ad eos venire vellent Magistratus. Adoptio enim erat actus voluntariae iurisdictionis, quales actus nec tribunal, nec locum certum requirunt. L 36. pr. D. de adoption. Et tunc adoptionis sollemnitas aut in cubiculo aut in atrio, coram lecto geniali perficiebatur. Quod patet ex loco Plin. *Paneg. VIII, Itaque non tua in CVBICULO, sed in templo; nec ante GENIALEM TORVM, sed ante pulvinar Iouis optimi maximi, adoptio peracta est.* Erant vero geniales lecti, qui in nuptiis sternebantur in honorem genii, vnde & geniales adpellati. Festus voce *genialis p. 292.* Et hinc etiam *lecti aduersi* dicebantur, quia in atrio ex aduerso ianuae erant collocati. Lips. *Elect. I, 17.* Scaliger ad Fest. *voce Puerus p. 143.* Torrent. *ad Horat. Epist. I, 4. v. 87.* Non tamen inde collegerim ego, in adoptione matrem familias partum simulasse, qualem ritum inter barbaros receptum fuisse, docet locus Diod. Sic. *Biblioth. IV. 40. Illam adoptionem (Herculis) hoc modo factam perhibent. Iuno, lectum ingressa, Herculem corpori suo admotum, ut verum imitaretur partum, subter vestes ad terram demisit, quem in hoc usque tempus adoptionis ritum BARBARI observant.* Exemplum eiusmodi adoptionis obseruare mihi videor Genes. XXX, 3. vbi adoptionis quamdam speciem etiam deprehendit

V. C.



aut quemcunque magistratum, apud quem erat legis actio. Vlpian. *VIII*, 1. L. 4. D. de adopt. Gell. Noct. Att. V, 19. Ritus adoptandi consistebat in trina venditione, adhibito aere & libra. Scilicet praesentibus patre naturali & adoptivo filioque adoptando, nec non libripende, antestato & testibus, primo pater filium patri adoptiuo mancipabat, verbis: MANCV-PO TIBI HVNC FILIVM, QVI MEVS EST. Tum pater adoptiuus, aes tenens, simulque adprehendens filium adoptiuum; HVNC EGO HOMINEM, inquit, IVRE QVIRITIVM MEVM ESSE AIO, ISQVE MIHI EMTVS EST HOC AERE, HAC AENEAQVE LIBRA. Tum aere, seu ut olim vocabatur, *randusculo* id est, sestertio nummo percutiebat libram, illudque aes dabat patri naturali, quasi pretii loco. Caius apud Boeth. *Comment. in Cicer. Topic. III*. Ant. Schulting. *Iurispr. antiqu. anteiusl. p. 54*. Ea mancipatio ter erat repetenda. (b) Quo facto, pater naturalis in iure cedebat filium, & tum adoptio erat

V. C. Io. Clericus in *Not. ad Pentat. p. 222*. Apud Romanos vero nihil horum inuenimus, nec poterat ibi hic ritus observari, partim quod matres neminem haberent in potestate, partim quod adoptio non tribueret iura cognationis. Dissentit tamen vir doctissimus, Euerardus Otto in *Papiniano*, qui sane eruditissime hanc causam agit, *Cap. VII. p. 103. sequ.*

(b) Si scilicet filii loco deberet esse adoptiuus. Nam si quis in locum nepotis adoptaretur, vnica mancipatione actus absoluebatur. Vlp. *Fragm XII*, id quod etiam deinde in feminis observatum Cuiac. *Enarrat. ad d. l. ult. C. de adopt.*

erat perfecta. Gell. l. c. *Adoptantur autem, quum a parente, in cuius potestate sunt, tertia mancipatione in iure ceduntur, atque ab eo, qui adoptat, apud eum, apud quem legis actio est vindicantur.* Et hoc quidem ritu per aes & libram adoptavit Augustus Caium & Lucium. Suet. Aug. LXIV.

XVI. Quandoquidem ergo haec adoptio non in comitiis, sed coram magistratu, fiebat: factum est inde, vt & sexagenariis minores adoptare possent, nec masculi solum, sed & feminae adoptarentur. Cai. *Inst. l. 5. 2.* Gell. V, 19.

XVI. Qui potuerint adoptare & adoptari?

XVII. Et id quidem in antiqua illa liberaque republica obtinuit. Postea variae sensim acciderunt mutationes. Et primo quidem, comitiis cessantibus, Principes rescriptis suis adrogationes solebant concedere pariter & confirmare. Quod vel ideo iure facere poterant, quia simul erant Pontifices maximi, quorum erat, de arrogationibus dispicere. Raeuard. *de auctor. prudent. VI.* Factum id esse exemplo Galbae, qui primus veterem ritum neglexit, non abs re suspicatur Ant. Schulting. *ad Vlpian. Fragm. VIII, 2. p. 589.* Certe iam Antonini Pii tempore arrogationes factas esse auctoritate principum patet ex L. 38. D. h. t. Hac vero mutatione semel admissa, etiam feminae (L. 11. D. h. t.) & pupilli (c) (Vlp. *Frag. VIII, 5.*) &

XVII. Adrogatio per Rescriptum principis.

(c) Multa requisita hic erant obseruanda. Inquirebatur in adrogationis rationem, ne qua turpis causa subesset. L. 17. pr. L. 20. §. 1. D. h. t. Expendebantur facultates tum arrogantis tum arrogandi, eiusque

& quidem plures simul ( *L. 25. §. 3. D. h. t.* ) poterant adrogari. Sed non sine causae cognitione, & obseruatis requisitis quam plurimis. Desierunt etiam antiquae sollemnitates & formulae, quas tamen nouo edicto, nescio an actum agens, sustulit Iustinianus. *L. ult. C. de adopt.*

XVIII. Ad-  
optio per  
testamen-  
tum.

XVIII. Erat & modus adoptandi per testamentum, non ab Imperatoribus demum, vt vulgo putant, inuentus, sed iam tum libera adhuc republica receptus. Iam ab antiquissimis enim temporibus sollemne erat Romanis, heredes suos non in bona tantum, sed & nomen adsciscere. *Adsciscere* autem erat vocabulum adoptionis, de quo Io. Fridr. Gronou, *Diatr. ad Stat. p. 26.* Cicero *de offic. III, 18.* Basilii meminit, qui M. Satrium, sororis filium, nomen suum ferre voluerit, eumque fecerit heredem. Et in *Bruto cap. LVIII.* laudat Crassum, Liciniae filium, Crassi testamento adoptatum. Atticum quoque testamento morientis Caecilii fuisse adoptatum, adparet ex *Corn. Nep. Attic. V.* Et Caesar

que simul vita antea acta curiose excutiebatur. *L. 17. pr. D. h. t.* Exigebatur cautio, bona salua fore proximis agnatis, si pupillus intra pubertatis annos decessisset. *L. 18. 19. 20. h. t.* Arrogator porro emancipare non poterat arrogatum, nisi causa cognita, & redditis, quae habuerat, bonis insuperque quarta bonorum suorum relicta, *L. ult. D. si quid in fraud. patr.* Idque etiam in exheredatione erat obseruandum. *L. 15. D. de inoff. test.* Quae omnia ab Antonino sic inuenta videntur, vt sensim in defuetudinem iret adrogatio impuberum. Vid. *Vlpian. Frag. VIII, 2.* Thomas. *diff. de usu pract. Tit. Inst. de adopt. l. 18. p. 84.*

Caesar ita instituerat Octauium , Suet. *Iul. LXXXIII.* Appian. *Bell. Civil. II.* p. 518. qui etiam, cognita auunculi nece, statim Iulii nomen adsumsit. Dio. *XLV.* p. 307. Qua de re etiam Ouid. *Metamorph. XV. fab. 51, v. 74.*

*Vt Deus accedat coelo, templisque colatur,*

*Tu facies natusque tuus, qui nominis heres,*

*Impositum feret vnus onus.*

Eodem exemplo Augustus Liuiam & Tiberium, heredes testamento scriptos, nomen suum ferre iussit. Suet. *Octau. CI.* Ex eo tempore frequentissima occurrunt eiusmodi adoptionum exempla. Ita enim a M. Gallio Senatore testamento adoptatus est Tiberius. Sueton. *Tiber. VI.* a Galba iam ante sollemnio rem arrogationem Piso Frugi. Idem in *Galba XVII.* Conf. Tacit. *Ann. V, 1. L. 7. & L. 63, §. 10. D. ad SC. Trebell.* Sed ea heredis institutio proprie adoptio dici vix poterat, quum nemo ea redigeretur in patriam potestatem. Cuiac. *Obs. VII;* 7. Nominis heredes erant: sed eos liberti paterni & alia familiae iura non sequebantur, quod tamen in aliis adoptionibus fiebat. Cuiac. *Obs. VII, 1.* Vnde mirum non est, quod adoptio per testamentum facta nonnunquam repetita, & more maiorum vel lege curiata, vel per aes & libram iterum facta legitur. Augustus sane testamento adoptatus a Caesare, eam adoptionem lege curiata confirmandam curauit, ut auctoritate legis accederent, quae testamento nactus non erat. Appian. *Bell. Civil. III.* p. 586. Et Tiberius, licet testamento nomen Augusti ferre iussus, ab eodem tamen post Caii



Caii & Lucii Caesarum mortem rite adoptatus fertur. Sueton. *Tiber.* XV. Immo quum libera republica mulieres adoptare nondum possent: solebant eae tamen iam eo tempore heredes ea lege instituere, vt nomen suum ferrent. Exemplum est apud Ciceron. *Epist. ad Att.* VII, 8. quod sane cum aliis argumento est, non veram fuisse hanc adoptionem, sed adoptionis simulacrum quoddam, quod praeter nomen & hereditatem nihil iuris in adoptiuum deuoluit. Plura de hac adoptione per testamentum dabunt Briss, *de Form.* VII. p. 601. Huber. *Digress.* I, 2. 23. 2. & huius filius amplissimus Zach. Huber. *Dissert. Iurid. & philol.* V, 2.

XIX. Adoptiui olim in potestatem & gentem alienam transibant.

XIX. Ceterum patria potestas olim erat effectum adoptionis etiam stricte sic dictae. Vnde & adoptiui cognomini suo, leuiter inflexo, illius gentis, in cuius sacra transferant, nomen adiiciebant, quamuis id non semper nec eodem modo factum esse animaduertamus, quum aliquando patris naturalis & adoptiui nomen promiscue ferrent. Perizon. *Diss.* I. p. 97. & *Animad. Hist.* p. 131. Spanhem. *de usu & praestant numism.* Tom. II. p. 77. Quum Scipio Africanus minor ex Aemilia gente in Corneliam per adrogationem transisset: vocatus est P. Cornelius Scipio Aemilianus. Et qui antea C. Octavius erat, adoptatus a Caesare, dictus est C. Iulius Caesar Octavianus. Dio Cass. XLVI. p. 322. Solebant tamen etiam naturalis patris nomen nonnunquam suo adscribere honoris causa, immo eundem adhuc patris vocabulo dignari in sermone familiari. Terent. *Adelph.* V,

7. v. 3. Exempla collegit V. C. Iac. Perizon.  
*Dissert. ad diuin. Conslit. Deut. XXV, 5. p. 89.*

XX. At extremis temporibus Iustinianus totum illum adoptionis ritum turbauit, iubens vt adoptatus ab alio quam adscendente, non transfret in alienam familiam & potestatem, & tamen ius successionis ab intestato consequeretur. *L. 10. princ. §. 1. 2. C. h. t.* Quo ipso in eam conditionem redacti sunt patres adoptiui, vt sine summa imprudentia adoptare non possent. De qua mutatione satis lepida vid. Thomas. *Diss. alleg. I, 26. p. 40. seq.*

XX. Iustiani mutatio.

## TIT. XII.

QVIBVS MODIS IVS PATR.  
POT. SOLVITVR.

**P**atriam potestatem ordinarie fuisse perpetuam. iam supra TIT. IX. ex Dionysio Halicarnasseo ostendimus. Nihilominus tamen proditi erant quidam modi, soluendi patriam potestatem, de quibus hoc titulo agendum.

I. Et primo quidem MORS, quum omnia iura personalia tollat, non poterat non & liberos patria potestate liberare. Neque tamen morte aui nepotes liberabantur, si pater esset superstes, sed tunc in huius potestatem recidebant: nisi is forte antea ab auo esset emancipatus. Vid. Cui *Inst. I, 6. princ.* Quia enim patria potestas erat dominium Quiritarium, (vid.

I. Patria potestas soluebatur  
 D) morte naturali.

M

supra

supra *Tit. IX §. 1.*) non poterat non iure hereditario abauo in patrem deuolui.

I. Et II)  
ciuili.

II. Quum vero ex principiis iuris Romani & ii, qui CAPITIS DEMINVTIONEM vel maximam vel mediam fuerant passi, ciuilitè mortui viderentur: *L. 63. §. fin. D. pro socio* factum est, vt vel patre, vel filio capite deminuto, patria potestas solueretur. Erat enim haec propria ciuium Romanorum, Maxima vero capitis deminutio seruos; media ἀπόλιδας efficiebat. Atqui serui & peregrini nec habere nec esse poterant in patria potestate. *Plin. Epist. X, 6.*

III. Quae  
tamen iure  
postlim.  
& restitu-  
tione tol-  
lebatur.

III. Hinc captiuitate, seruitute poenae, aquae & ignis interdictione, deportatione siue patris siue filii, potestas patria cessabat. (a) Priori tamen casu illa postliminio; (*Caii Inst. I, 6. 3.*) posterioribus restitutione plenaria poterat recuperari. *L. 1. C. de sent. pass. Ant. Schult. ad Caii Inst. I, §. 1. p. 47.*

IV. Nec  
non III)  
adoptio-  
ne.

IV. Exspirabat etiam potestas patria AD-  
OPTIO-

(a) Ergo durante captiuitate ius patriae potestatis non *in suspenso* erat, vt loquitur. *Vlp. Fragm. X. 4. §. 5. Inst. h. 2.* sed plane perimebatur; & postliminii demum iure recuperabatur, quia fingebatur, postliminio reuersum nunquam in captiuitate fuisse. *d. §. 5. Inst. h. 2. L. 16. D. de capt. & postlim.* Hinc captiuo patre, liberi vix valide nuptias contrahere, testari, hereditates adire poterant. Vbi vero pater postliminio patriam potestatem receperat, filii ex nuptiis illis procreati in potestatem aui veniebant, bona a filiis acquisita eius erant, testamentaque eorum nulla erant, at nuptias, tamen rescindere pater non poterat, *Thomaf. diss. ad h. 2. I, §. p. 5. sequ.*

(b)

OPTIONE: non quod filius sui iuris fieret, sed quod in aliam gentem aliaque sacra transiret. Vid. supra Tit. XI. 19.

V. Sed praecipuus modus, quo patria potestas quam sollemnissime soluebatur, erat EMANCIPATIO, quae ob triplicem, quae subinde facta est mutationem, in VETEREM, vel legitimam, ANASTASIANAM, & IVSTINIANEAM diuiditur. §. 6. *Inst. h. t.*

V. Et IV)  
emanci-  
patione.

VI. VETVS illa erat actus legitimus, & hinc certis adhibitis formulis & sollemnitatibus coram eo magistratu, apud quem erat legis actio explicanda. Quum vero leges Romuli ac Decemviorum ter venundandi filios potestatem indulgissent patribus: statuissentque simul, ut tertium manumissus filius sui iuris fieret; (*Supra Tit. IX, 6.*) commodissimum visum est Romanis, trina venditione imaginaria liberos e potestate dimitti. Quum vero omnes venditiones rerum Mancipi per Mancipationem fierent, id est, adhibito aere & libra: Vid. Aleand. & Schulting. *ad Caii Inst. I. 6. 3. p. 51. sequ.* consequens erat, ut & illa liberorum imaginaria venditio eodem ritu fieret. Et hinc dicta est EMANCIPATIO, de cuius vocabulivsu & significatione conferendi Barn. Briffon. *de verb. signif.* & Io. Frid. Gronov. *ad Senec. Epist. XLV. p. 27.*

VI. Cur  
dicta e-  
mancipa-  
tio?

VII. Quoties ergo fiebat emancipatio, adhibendi erant non minus quam quinque testes; Romaniciues, (b) & puberes, & praeterea alius

VII. E-  
mancipa-  
tionis ve-  
teris ritus.  
eius Testes

(b) Ita Caius apud Boeth. Comment. ad Top. Cic. III.



praesen-  
tes. Libri-  
pens. An-  
testatus.

eiusdem conditionis, qui libram teneret aeneam, unde & *Libripens* adpellabatur, nec non alius qui *Antestatus* audiebat. Fit eius mentio etiam a Prisciano *Lib. VIII. apud Putsch. p. 792.* ubi verba Liuii: *Impubes libripens esse non potest, neque antestari*: nec non in marmore apud Gruter. *p. MLXXXI.* ubi narratur, donationem & mancipationem factam **LIBRIPENDE CLAUDIO DATIVO, ANTESTATO CORNELIO VICTORE.** Ex quo lapide adparet, diuersum a libripende fuisse *antestatum*. Quum vero *antestari* fuerit, *tactis auriculis alterum testem aduocare*, & dicere: **MEMENTO, QVOD ET MIHI IN ILLA CAVSSA TESTIS ERIS:** Horat. *Serm. I, 9. v. 76.* & ibi Acron & Porphyrius, in *Schol.* isque ritus non solum in ius vocationi, sed & mancipationibus adhiberetur: (c) non abs re suspicantur viri docti, *antestatum* vocatum, qui testes conuocabat, eorumque fidem, tacta auricula, obtestabatur. Merill. *Observ. VIII, 37.* Fr. Brummer. *de Leg. Cinc. XIII. XIV.*

VIII. IV)  
pater naturalis.  
V) pater  
fiduciar-  
rius.

VIII. Praesentem porro adesse oportebat non solum patrem *naturalem*, sed & emtorem, filii, quem Caius patrem *fiduciarium* vocat. (d) Hic

sed tamen & *Latinos Iunianos* testes admitti consueuisse, docet Vlpian. *Frag. XX, 8.*

(c) Certe etiam in testamentis, quae fiebant aere & libra adhibitae fuisse ὧρων ἐπιτάσεις, *aurium rationes*, patet ex Clem. Alex. *Strom. V, p. 575.* Conf. Brumm. *de lege Cinc. XIII. XIV.*

(d) Vix nomen hoc quadrat emtori filii. Mancipatione enim emtor non fiebat pater, sed dominus, Fiducia

Hic enim non idem videtur fuisse, ac antestatus, quum & ceteroquin emtor in mancipationibus ab antestato differret. Dictus autem pater *fiduciarius* a contractu *fiduciae*, qui in tertia mancipatione interponebatur, vel ex novis legibus tacite interpositus censebatur. §. *ult. Inst. de legit. agn. success.* *Fiduciam autem*, (inquit Boeth. *Comment. ad Cicer. Topic. IV.*) *accipit, cuicumque res aliqua mancipatur, ut remancipet.*

IX. His ergo praesentibus, naturalis pater filium suum emtori mancipabat, id est, manu tradebat. additis verbis: MANCVPO TIBI HVNC FILIVM, QVI MEVS EST. At ille contra ea, HVNC EGO HOMINEM EX IVRE QVIRITIVM MEVM ESSE AIO, ISQVE MIHI EMTVS EST HOC AERE, HAC AENEAQVE LIBRA: statimque, percussa libra, sestertium numum (e) dicis causa tradebat ei, a quo filium acceperat, quem

IX. VI)  
Trinae  
mancipationes.

cia quoque in tertia demum mancipatione contrahabatur. Tunc ergo demum emtor iste fiduciarius vocari coepit. Sed Anianus fortassis hic Caium turbavit. Vid. Schulting. *ad Cai. Inst. I, 9. p. 55.*

(e) Apud Caium est: *Vnum aut duos numos* Id vero procul dubio ab Aniano est. In mancipationibus semper requirebatur *numus vnus*, *quatuor assium*, id est, sestertius. Testantur inscriptiones apud Gruterum, & Spon. *Miscell. p. CCXCII.* in quibus semper in mancipationibus mentio fit SESTERTII NVMI VNIVS. Testantur veteres Auctores, veluti Vitruv. *Architect. I, 4. Numo sestertio mancipio dedit.* Testatur ipsum ius nostrum *L. ult. C. de donat.* ubi conferri merentur Cuiac. *Obs. X, 37. XIX. 31.* Ant. Augustin. *Emend. II, 7.* Fridr. Brummer. *de Leg. Cinc. XIV.*

quem deinde sollemniter manumittebat emtor. Quandoquidem vero ex principiis iuris Romani filius semel iterumque manumissus in potestatem patris recidebat : (Dionys. Hal. II, p. 96.) non poterat non imaginaria ista venditio ter repeti. Vbi postrema fiebat mancipatio, contra-ctus fiduciae accedebat, paterque naturalis haec verba addebat : EGO VERO HVNC FILIUM MEVM TIBI MANCVPO. EA CON- DITIONE, VT MIHI REMANCVPES VT INTER BONOS BENE AGIER OPORTET, NE PROPTER TE TVAMQVE FIDEM FRAVDER. Cic. *de officiis* III, 15. *ad famil. Epist.* VII, 12. Sigon. *de iudic.* I, 5. Ille contra statim, recepto festertio, filium patri naturali remancipabat. Quod ideo a Romanis excogitatum fuerat, vt ne, si a fiduciario manumitteretur, hic iura patronatus retineret, & naturalem patrem hereditate excluderet. Cai. *Inst.* I, 6, p. m. 59. Remancipatum ergo sibi filium pater naturalis denique manumittebat, & quidem ordinario vindictae ritu, additis alapis. Vnde emancipatio olim μεθ' ὕβρεων καὶ παπ.σμάτων cum iniuriis & alapis facta dicitur. *Novell.* LXXXI. *praef.* Hosce ritus omnes debemus Caio in *Inst.* I, 6. 3. sed pessime habito ab Aniano, vnde pleraque ex doctorum virorum notis, & maxime Fr. Brummeri victuro opere *de lege Cincia*, vel emendanda vel supplenda fuerunt.

VII) Addi-  
tum pa-  
ctum fidu-  
ciae.

X. Circum-  
stantiae  
temporis.

X. Poterant porro trinae istae mancipationes vel eodem die, iisdem testibus, vel interiectis aliquot diebus, aliisque adhibitis testibus

stibus, seorsum fieri. Paull. *Recept. Sent. I, 25, 2.*

XI. Opus quoque his sollemnitatibus ter repetitis erat duntaxat in emancipatione filii, quum filiae & nepotes vnica tantum emancipatione patria potestate exirent. Addebatur tamen & hic fiducia de remancipatione, vt ne pater naturalis successionem ab intestato amitteret. Cai. *Inst. l. c. Vlpian. Fragm. X, 1.*

XI. Vnica emancipatio sufficiebat in emancipatione filiae & nepotum.

XII. Et haec est vetus illa ac sollemnis emancipatio, quae, vt aliae formulae ac sollemnitates, displicere posteritati coepit. Quare ANASTASIVS Imperator nouum inuenit emancipandi modum, qui solum Principis rescriptum iudici insinuandum exigeret, & omnia tamen veteris emancipationis effecta haberet. *L. 5. C. de emanc. lib.*

XII. Emancipatio Anastasiana.

XIII. Deinde IVSTINIANVS, & has aboliturus ambages, Anastasianam quidem emancipationem non sustulit, sed tamen patribus permisit, vt statim adirent magistratum competentem, & corameo consentiente filio declararent, quod filium sint e potestate dimissuri, *L. ult. C. de manc. lib.* Idque, teste Harmenopulo, hac fiebat formula: HVNC SVI IVRIS ESSE PATIOR, MEAQVE MANV MITTO. Harmenop *Prompt. I, 17. 8.* Sed posterioribus his speciebus nomen EMANCIPATIONIS vix quadrare, satis adparet.

XIII. Emancipatio noua vel Iustiniana.

XIV. Postremus modus, quo patria potestas soluebatur, erat DIGNITAS, Et quamuis Dionysius Halic. . *Ilp. 96* nullam dignita-

XIV. Dignitas olim non soluebat patriam



potesta-  
tem.

tempatria potestate liberaſſe contendat : iam ab antiquiſſimis tamen temporibus Flamines Diales & Virgines Veſtales patria potestate libera-  
bantur. Vlpian. *Fragm.* X, 5. Gell. *Noct. Attic.* I, 12. Id quod tamen non tam ob digni-  
tatem, quam ideo potius factum videtur, quia tum Flamines Diales, tum Veſtales virgines a pontificibus manu capiebantur. Quum ergo capti ex principiis iuris Romani capite deminui dicerentur, & hinc iure patriae potestatis exi-  
rent : mirum non est, vtrumque etiam hoc sacerdotium eam potestatem soluisse. De ritu capiendi Veſtales vid. Dionys. Hal. II, 68 apud quem, quod obiter moneo verbum *αἰρεμένων* Sylburgius parum accurate vertit *optandi*, quum vertendum fuisset *capiendi*. Gell. I, 12. Lips. *de Veſta & Veſtal.* V. Flaminis Dialis capti meminit Liu. XXVII, 8. vbi conf. Iac. Guther. *de vet. iur. Pontif.* I, 32. Quin & vxores Dialium patria potestate exhibant, quod Scto demum restrictum tempore Tiberii. Tacit. *Annal.* IV, 16.

XV. Iusti-  
nianus ta-  
men p. p.  
exire vo-  
luit Patri-  
cios.

XV. At Iustinianus postea & *Patriciatus* dignitatem immunem esse iussit a patrio imperio. *L. fin. C. de consul.* §. 4. *Inst. b. i.* Iam ante Iustinianum enim patriciatum a patria potestate non liberaſſe, idque frustra ex Cassiodori *Var.* VI, 2. colligi, contra Vinn. *ad* §. 4. *Inst. b. t.* & Bachou. *in Disp. ad Treutl. Vol. II. Disp. 2. th. ult.* accurate euicit V. C. Reinold. *Var. Cap. XIX.* Caue vero hic intelligas antiquos illos patricios quos in libera republica plebeiis oppositos constat, Constantinus enim Magnus praecipuos

puos rerum administros vocare solebat patricios, ut se quasi principum patres esse meminissent. Ii ipsos Praefectos Praetorio ordine anteibant, Zosim. *Hist. II*, 40. nec minor, quam horum in imperio erat auctoritas. Quemadmodum enim Praefecti proponebant Edicta, quae deinde in vnum corpus collecta τῶν ἑωαρχικῶν nomine veniebant: ita idem ius erat Patriciis, quorum edicta collecta τὰ Ῥωμαϊκὰ dicebantur, sicuti ipsorum principum βασιλικὰ. Vid. Cuiac. *Obs. VI*, 10. Vnde parum accurate Dionys. Gothofred. in *Nomenclatore Graecar. iur. diction. ad Harmenopol.* p. 447. Ῥωμαϊκὰ τῶν μεγίστων λεγόμενα, constitutiones Romani, Imp. aut potius Commentarius magistri ad Romani constitutiones, aut certe liber a magistro Romani nomine compositus suisque titulis distinctus, aut potius aliud Ῥωμαϊκὰ, aliud τὰ τῶν μεγίστων λεγόμενα. Vbi sane dum plures coniecturas repraesentat, a re plane aberrat vir doctissimus. Ceterum & posteris ea dignitas summa semper & splendidissima visa est. Vid. Cassiodor. *Var. VI*, 2.

XVI. Idem beneficium deinde Iustinianus cum Episcopis, quin & cum aliis, qui magistratuum honoratiorum dignitate pollerent, veluti cum Consulibus, Consularibus, Praefectis Praetorio, & Vrbi, Magistris militum & patronis fisci communicavit. Nouell. LXXXI.

XVI. Episcopos.

XVII. Accedebant quaedam caussae, ob quas parentes etiam inuiti cogerentur liberos e potestate dimittere, de quibus passim iureconsulti, Conf. Thomas. *Dissert. de usu pract. hu-*

XVII. De causis emancipandi necessariis,

*ius tit. I, 15. & 16. quae nos diximus in Elem. Iur. Civ. §. 198.*

TIT. XIII. VSQVE AD XV. ET  
XVII. VSQVE AD XX.

DE

TUTELIS TESTAMENTARIA,  
LEGITIMA, FIDUCIARIA,  
DATIVA.

**S**equitur tertia personarum diuisio, aut subdiuisio potius personarum sui iuris. Harum enim *quaedam* in TUTELA *aliae* in CVRATIONE sunt, *quaedam* NEVTRO IVRE *tenentur*. *Princ. Inst. h. t.* Ipsa tutela curaue eorum, qui per aetatem vel imbecillitatem intellectus se ipsi defendere nequeunt, est iuris gentium, & hinc apud omnes peraeque gentes recepta. Vid. Selden. *de uxore Ebr. II, 3.* Puffend. *Iur. Nat. & Gent. IV, 4.* Sed Romani in multis a simplicitate ista iuris naturalis deflexerunt. Vnde apud eos alia tutela IMPVBERVM alia curatio MINORVM aliorumque, qui rebus suis ipsi superesse non poterant, alia tutela FEMINARVM. De omnibus ex antiquitatibus Romanis nonnulla monenda.

TIT. XII.

I. Tutela  
Romae antiquissima.

I. TUTELA IMPVBERVM tam antiqua est, ut & sub Regibus eius exemplum reperiamus. Ancum enim Marcium filiis tutorem dedisse L. Tarquinius Priscum, adparet ex Liu. I, 46. Quum ergo Tarquinius nec agnatus fuerit, nec eo tempore leges de tutela dativa existerent,

rent adeoque ea tutela procul dubio testamentaria fuerit: sequitur, vt haec sit reliquis antiquior.

II. Certe & legibus XII. Tabularum ea tutela species confirmata est, prospectumque, vt patri de liberorum tutela in testamento disponendi facultas esset. Legitima verba ex Auctore ad Herennium, Cicerone, Vlpiano & Paulo ita restituit Iac. Gothofredus *de Leg. XII. Tab. V, 1.* PATER FAMILIAS, VTI LEGASSIT SVPER PECVNIAE TVTELAEVE SVAE REI, ITA IVS ESTO. *Legare* hic non solum singulas res testamento relinquere, sed & omne testamentarium negotium denotat, idemque adeo est, ac *testari*, *testamento statuere*, vel *decernere*. Est enim *legare*, ceu syllabae primae quantitas docet, a Graeco vetusto *λήχειν* vel *λήγει* unde futurum *λήξω*, quod verbo *λαγχάνω* tribuunt grammatici, *λήξι* hereditas & *ληξιαρχός* magistratus Atheniensium, In primis autem legare Latinis erat legis modo disponere, mandare, legem dicere, rebus suis, *νομοθετεῖν*, ceu infra ad titulum *de Legatis* docebimus. *Super pecuniae tutelae* *ἀρχαίων* dicitur. Non enim rarum fuit apud antiquos, casum secundum pro sexto adhiberi. Sic in marmore Salernitano apud Grut. p. CCCXLIII, 2.

TIT. XIV.  
II. Lex  
XII. Tabularum de  
tutela testamentaria.

ACERRIO. FIRMEO. LEONTIO. PRIMARIO. VIRO. ET. EDITORI. MVNERIS. SVI. CVM. FERARVM. LIBYCARVM. QVI VIXIT. ANN. XXX. DIGNISSIMO. FILIO. CON-



## CONSACRABERVNT.

*Pecunia* porro non solum numos, sed & omnem substantiam testatoris, immo & iura complectitur. *Quidquid enim homines possident in terra, quorum domini sunt, PECVNIA vocatur, servus sit, vas, ager, arbor, pecus : quidquid horum est, pecunia vocatur*, inquit Augustin. *De Discipl. Christ. VI. p. 585. Tom. VI. op.* plane iuridice, vti patet ex *L. 222. D. de verb. signif.* Denique *SVAE REI* dum additur, id sane referendum ad ipsos liberos, (a) qui iure veteri erant in domino Quiritario, adeoque *RES MANCIPI* (*Lib. II. Tit. I. §. XV.*) Sensus ergo est, quamcunque legem paterfamilias in testamento suo dixerit, & quocunque modo disposuerit, & de rebus suis, & de ipsis bonis ac facultatibus eorum, (scilicet per substitutionem pupillarem) ita ratum post mortem futurum. Quum enim antea sub regibus, calatis comitiis testamenta fierent, adeoque heredum tutorumque institutio a populi magis arbitrio, quam voluntate testatoris, penderet: mutatum id est lege decemuirali, permissum-

(a) Vnde non est, quod lectionem hanc sollicitet V. C. Gerard. Noodt. *Obs. II, 19.* vbi legi iubet: *Super tutela pecuniae suae*, additque *tutela suam* idem esse ac tutelam eius, qui suus testatori heres sit. Nemo enim temere ita loqueretur. Nec obstat, tutelam non habere locum in liberis, dum sunt *res suae*, id est, in patria potestate constituti. Legat enim pater de tutela suae rei, sed in eum casum, quo liberi futuri sint capita libera.

missumque patrifamilias cuius, de tutela pecuniaque suae rei liberrime disponere.

III. Si quis ergo paterfamilias liberis quos in potestate habebat, siue liberos siue seruos suos, hos tamen cum libertate, tutores dederat: (b) ii sine satisfactione atque inquisitione admittebantur, ipsosque excludebant legitimos; dummodo essent ciues. Nam Latini Iuniani, quamuis cum iis esset testamenti factio: tutores tamen dari non poterant per legem Iunianam. *Vlpian. Fragm. XI, 16.* Quia vero fundamentum huius tutelae testamentariae erat patria potestas: consequens erat, ut & nepotibus, qui in patris potestatem defuncto auo non essent recasuri, & exheredatis impuberibus tutores testamento constitui possent. *Vid. L. 4. §. 26. §. 2. & L. 31. D. de test. tut.* Et inde simul patet ratio, cur mater tutores testamento dare non posset, *L. 2. D. de confirm. tut.* quamuis tutor ab ea datus confirmari solet cum inquisitione, modo ea pupillum simul heredem instituisset. *L. 4. D. de test. tut. L. 4. D. de confirm. tut. L. 7. §. 1. L. 8. D. eod.* Quae confirmatio & aliis casibus quibus tutoris dationi vitii quid inesse videbatur, accedere solebat, ceu Icti pluribus docent in libellis suis.

IV. Quum vero contingere posset, ut intestatus saltem quod ad tutelam decederet paterfamilias: iisdem legibus decemuiralibus fuerat con-

III. Tutelae testamentariae indoles.

TIT. XV.  
IV. Lex  
XII. Tab.  
de Tutela  
agnatorum legitima.

(b) Formulas quibus in testamentis vsi Romani, si tutores dare vellent, colligit Briffon. *de Form. VII. pag. 616.*

constitutum : AST SI INTESTATO MORITVR, CVI SVVS HERES NEC ESCIT, AGNATVS PROXIMVS TVTELAM NANCITOR. Gothofred. *ad XII Tab. V, 4.* Et ab hac lege *legitima* dicta est tutela, ad quam agnati ab ipsa lege vocabantur.

V. Origo  
huius tu-  
telae?

V. Quatenam sit huius legis origo, eruditis nondum liquet. Veteres legislatores mirifice hic discreparunt. Solon agnatos a tutela prohibuit, veritus procul dubio, ne hereditatem, quam sperarent, capere mallent, quam expectare. Hinc potius cognatis credidit pupillos, nec proximis tamen semper, sed quoscumque Archontes idoneos iudicassent Diog. Laert. I, 56. Petit. *de Leg. Attic. VI, 7.* Charondas contra, seiuncta educationis bonorumque cura, illam penes cognatos, hanc penes agnatos esse voluit, quum nec illi tollendi e medio pupilli, nec hi dissipandarum facultatum ullam haberent causam Diod. Sic. *Biblioth. XII, 81.* Denique Lycurgus agnatos proximos ad tutelam vocavit, forsan, quod in tanta Spartanorum continentia & paupertate non admodum metuerentur insidiae. Exemplum sane legitimae agnatorum tutelae Spartaee receptae, est apud Herodot. I, 65. ubi ipse Lycurgus dicitur ἐπιτροπτεύσας Λεωβάτειω, ἀδελφίδεσσι μὲν ἑωυτοῦ, βασιλεύοντος δὲ Σπαρτιατῶν. Tutor & idem patruus Leoboti Spartiatarum Regis. Add. Crag. *de Rep. Lac. II, 11.* Spartanos ergo imitati videntur decemviri. Lacedaemoniorum sane non minus, quam aliorum Graecorum, instituta in XII. tabulas migrasse, iamdudum obseruarunt Athenaeus.

VI. p. 273. Symmach. *Epist.* III, 11. Ammian. Marcellin. XVI, 5.

V I. Satisne vero prudenter eam Sparta- VI. Tutela  
 norum legem ciuitate donarint decemui- legitima  
 rint. Non sane tanta erat Romanorum, occasio-  
 quanta Laconum, continentia, non idem vtro- nem dedit  
 bique diuitiarum contemptus. Hinc tot ini- fraudibus  
 quisissimi heredipetae, quorum characterem heredipe-  
 egregie exprefferunt Pers. *Sat.* II. v. 12, 13. Ho- tarum.  
 rat. *Serm.* II, 5. Iuuenal. *Sat.* V. v. 98. VI. v. 38.  
 XII. v. 93. Martial. *Epigr.* VI, 63. VIII, 17. Conf.  
 Thomaf. *Dissert. de iniusto iure heredipet.* §. XIV.  
*sequ.* Bynkersh. *de capt. instit.* p. 303. *sequ.* An  
 religioni sibi duxerint homines tam lucri cupi-  
 di, pupillum, cuius proximi heredes erant, in-  
 terimere? Vnde mirum est, legislatoriam de-  
 cemuirorum prudentiam hac in re quosdam  
 tantopere admirari.

VII. In iisdem porro XII. tabulis erat TIT. XVII  
 constitutum: SI LIBERTVS INTESTATO VII. Origo  
 MORITVR, CUI SVVS HERES NEC legitima  
 ESCIT, AST PATRONVS PATRONIVE patrono-  
 LIBERI ESCINT, EX EA FAMILIA IN rum tute-  
 EAM FAMILIAM PROXIMO PECVNIA lae.  
 DVITOR. Gothofr. *ad XII. Tab.* VI, 2. Et ex  
 hac quidem lege defuncto sine prole liberto  
 patronus, vel, hoc praemortuo, eiusdem liberi  
 in capita succedebant ab intestato, remotiores-  
 que excludebant. L. 13. §. 1. D. *de bon. libert.* VI-  
 pian. *Fragm.* XXIX, 1. Quum ergo iam dudum  
 Romae valuisset regula: *Vbi successionis emolu-  
 mentum; ibi & tutelae onus esse debere:* aequum  
 visum est iureconsultis, vt etiam in tutela patro-  
 norum



norum essent libertorum liberi. *L. 3. pr. & §. I. D. de legit. tut.* Et hinc nata legitima patronorum tutela, quam *per consequentiam ex lege duodecim tabularum introductam*, recte ait Vlpian. *Frag. XI, 3.*

TIT. XIX  
VIII. Ori-  
go legiti-  
mae pa-  
rentum  
tutela.

VIII. Diximus supra Tit. XII. §. IX. pa-  
trem naturalem, emancipantem liberos, vlti-  
mae mancipationi addidisse pactum *fiduciae*:  
EGO VERO HVNC FILIVM MEVM  
TIBI MANCVPO, EA CONDITIONE, VT  
MIHI REMANCVPES, VT IN-  
TER BONOS BENE AGIER O-  
PORTET NE PROPTER TE TVAM-  
QVE FIDEM FRAVDER. Dixi-  
mus etiam, tunc emtorem, seu patrem fiducia-  
rium, filium sibi mancipatum patri naturali re-  
mancipasse, a quo demum fuerit per vindictam  
manumissus. Diximus denique id ideo factum  
esse, vt pater naturalis iura patronatus coniun-  
ctamque cum iis spem succedendi ab intestato  
retineret. Vid. supra *Lib. I. Tit. XII, 8. §. 9.*  
Quum ergo penes patrem, tamquam patro-  
num, spes remaneret successionis: ex pruden-  
tum interpretatione deferenda etiam ei vide-  
batur tutela legitima, si filius emancipatus ad-  
huc esset impubes. Mortuo porro patre, fra-  
tres istius emancipati natu maiores, si essent  
maiorennes, ad tutelam vocabantur. Quum  
vero hi non essent heredes ab intestato tutela  
illa non poterat dici legitima. Vocata ergo  
est *fiduciaria*, ab illo pacto *fiduciae*, quod in  
emancipatione intercefferat. Quamvis ex Vl-  
piano pateat, olim non legitimam fratrum sed  
parentum tutelam dictam esse *fiduciarium*: id-

TIT. XIX.  
vt & tute-  
lae fidu-  
ciariae.

que

que vel ideo concinnius sit vocabulum, quod pactum illud fiducia non frater, sed pater emancipans interposuerit. Ita tamen & Modestinus hanc tutelam vocat *L. 4. D. de legit. tut.* nisi & eam in legem falcem immisit Tribonianus. Vid. Ant. Schulting. *ad Vlpian. Fragm. XI, §. p. 595.* Huber. *Digress. I, 1. 4.*

IX. Enimuero, quum non deessent casus, quibus & testamentarii & legitimi tutores deficerent: visum & Romanis, noua lege cauere, vt impuberibus tunc tutores darentur. Factum ergo ea de re plebiscitum, quod LEGIS ATILIAE (c) nomine in iure laudatur. Tempus huius legis latae incertum est, nisi quod eam ante annum ab V. C. DLXVII. conditam doceri possit ex Liuiο XXXIX, 6. Vid. Car. Sigon. *de antiquo iure ciu. Rom. I, 13.* Inuenimus sane, *Atilium Longum*, Trib. plebis fuisse anno V. C. CCCIX. *L. Atilium* anno CCCXLIII. Liui. IX, 30. sed neutrum hanc legem tulisse verosimile est quoniam tunc nondum erat Praetor. Annum V. C. CCCCLX. quo praetor fuit M. Atilius Regulus, huic legi adsignat Steph. Vin. Pigh. *in Annal. ad ann. CCCCLX.* sed

TIT. XX.  
IX. Lex  
Atilia de  
tutore da-  
tuo quan-  
do lata?

(c) ATILIA non ATTILIA dicitur haec gens apud Liuium, Tacitum, Ciceronem, & maxime in numis & marmoribus. Vid. Fulv. Vrsin. *de famil. Romanorum ex numism. p. 42. seq. edit. Patini.* Erat ea gens Romae nobilissima in tres potissimum diuisa familias, quarum una *Regulorum*, altera *Serranorum*, tertia *Calatinorum* cognomen ferebat. Gentis totius seriem accurate dedit Iac. Perizon. *Animad. Hist. Cap. I, p. 26.*

sed & hunc non magis auctorem legis esse arbitramur : maxime, quum Praetores plebiscita ferre non solerent. Procul dubio lata est anno CCCCXLIII. a L. Atilio Regulo, Trib. pleb. cuius meminit Liu. IX, 30.

X. Quid ea  
lege sancitum?

X. Hac vero lege cautum est, vt pupillis, & feminis, quibus nec testamentarius, nec legitimus tutor esset, tutor daretur a praetore & maiore parte tribunorum plebis (d) Exemplum est apud Liu. XXXIX, 9. vbi Fecennia Hispala post patroni mortem, quia nullius in manu esset, tutorem a tribunis & praetore petiisse dicitur. Dictus eiusmodi tutor *Atilianus*, nec non *dativus*, a formula, qua vti Praetores solebant: DO TE TUTOREM. Brissou. *de Form. V. p. 408.*

XI. Lex  
Iulia &  
Titia.

XI. Sed quum ea lex Romae tantum haberet locum: (Vlpian. *Fragm. XI, 18.*) anno V. C. DCCXXII. Augusto III. & M. Titio M. F. Rufo Coss. lata est lex Iulia & Titia. Henr. Vales. *ad Excerpt. Peirescian. p. 61. Tacit. Ann III, 25.* Quia enim antea diu in sola Sicilia fuerat moribus receptum, vt praetores τοῖς ὀρφανοῖς καὶ γυναιξὶν ἐρηϊοῖς συγγενῶν pupillis & feminis agnatorum cura desitutis, tutores darent : Diodor. Sic. *in Excerpt. Peiresc. p. 397.* factum est, vt illud ius hac lege

(d) Id vero ideo videtur sancitum, quia aliquando vna cum praetore edicta conscribebant tribuni, aut certe hi a praetoribus in consilium adhibebantur. Vid. Cic. *de offic. III, 20.* Ceterum hic id singulare est, quod plura Tribunorum plebis suffragia vincerent pauciora, quum alias singulis esset ius intercedendi turbandique reliquorum decreta. Obseruatum id iam a Fr. Hotomano. & Arn. Vinnio *ad pr. Inst. de Atil. tut.*

lege etiam cum aliis prouinciis communicaretur, iuberenturque praesides etiam in prouinciis tutores dare. Vlpian. *Fragm. l. c.*

XII. Sed tamen haec tutoris datio non vnā postea subiit mutationem. Quum enim tribuni & praetores negligentius forsā eo munere fungerentur: sancitum est SCto Claudiano, vt pupillis extra ordinem tutores a consulibus darentur. XII. Tutoris datio consulibus SCto Claudiano iniuncta.

Suet. *Claud.* XXIII. Hinc ad Traiani vsque tempora tutores a consulibus datos legimus apud Plin. *Epist.* IX, 13. Horum ergo erat, simul inquirere in tutoris conditionem atque indolem, ne quid res pupilli detrimenti caperent. §. 3. *Inst. h. t.* Quaestiones in ista inquisitione propositas recenset Iac. Cuiac. in *Papinian.* & ad L. 5. C. de *conf. tut.* p. 296.

XIII. Mox tamen & consulares tutelae displicuerunt. Vnde ius dandi tutores praetoribus constitutione restituit M. Antoninus Imp. ita tamen, vt singularem faceret Praetorem, quem ab officio tutelarem vel pupillarem adpellabant. Iul. Capitolin. vid. Marci. X. §. 3. *Inst. h. t.* Haec Praetura satis diu Romae mansit. Nam ANICII AVCHENII BASSI, PRAETORIS TVTELARIS mentio fit in marmore apud Reinej. *Inscr.* VI, 4. Alia monimenta, in quibus huius Praetoris fit mentio, collegit Ios. Castalio. *Var. Lect.* XX.

XIV. Paulo post moribus inualuit, vt Romae praefectus vrbi & praetor secundum suam iurisdictionem; in prouinciis vero Praesides immo & Legati Procons. ex speciali lege, id est ex Oratione D. Marci tutores ex inquisitione XIV. Praefectus vrbi & Praetor quando tutores dederint?



tione darent, qui tamen etiam inferiori magistratui id negotii dare poterant, si non adeo magnae erant pupillorum facultates, §. 4. *Inst. h. t. L. 1. pr. §. 1. L. 3. L. 19. pr. §. 1. D. h. t.* Erant autem *Defensores ciuitatum*, qui & ἐκδικαί, & *Vindices* adpellati, similes tribunis plebis Romaeorumque erat plebis iura aduersus magistratus tueri. *L. 1. C. de off. iurid. Alex.* Vnde eos cum τοποτηρηταίς, *seruatoribus locorum, locorum iudicibus, vicariis* qui iuris dicundi causa a Praefectis praet. mittebantur, non confundendos monet Cuiac. *Obseru. III, 14. (e)* Quae loca cum *L. 8. D. de tut. & curat. datis ab his.* diligenter, vt solet, contendit Ger. Nood. *de Iurisd. II, 8. p. 162.*

XV. Iu-  
stiniani  
nopa Con-  
stitutio.

XV. Denique Iustinianus sanxit, si pupilli vel adulti facultates vsque ad D solidos valeant, Defensores ciuitatum vna cum episcopo, vel alii magistratus, etiam non expectata Praesidis iussione, vel Iuridicus Alexandrinus tutores vel curatores darent. *L. 30. C. de Episc. aud. §. 5. Inst. h. t.*

XVI. Tu-  
telae mu-  
lierum o-  
rigo.

XVI. Haec tralatitia sunt. Antiquitatum vero studiosis porro est obseruandum, non solum pupillos tutelae, iure veteri Romano, subfuisse, sed & feminas. Et Athenis quidem idem fieri consueuerat, vbi noti mulierum tutores, quos κυρίαι adpellabant. Vid. Guil. Budaei

(e) Obseruata tamen differentia, vt, si Praesides ipsi tutores darent, id fieret cum inquisitione: sin magistratus municipales; cum satisfactione. Qua de re infra.

(f)

daei *Comment. Graec. Lingu. p. 44. 45. Pfeiffer. Antiqu. Graec. IV, 5. p. 616. Salmas. de mod. usurar. IV. p. 165. Sane enim in negotiis omnibus a feminis Graecis adhibendi erant tutores, Cic. pro Flacc. XXX. adeo ut contrahere non possent sine illis* *πέρα μεδίου κρητῶν ultra modum hordei.* Dio. Chrysoft. *Orat. LXXV. & alii veteres, quos excitarunt Meurs. Them. Att. II, 9. & Salmas. de mod. usur. cap. X. p. 425. Nec agere vel conueniri Athenis poterat mulier sine tutore, & hinc illa vox Praeconis in iudiciis Atticis:* *ἡ δέσποα καὶ ὁ κύριος. Citatur haec mulier, eiusque tutor.* Vid. V. C. Eu. Otto *Diff. IV. cap. I. §. 6. Inde itaque est, quod nonnulli mulierum istam tutelam e iure Attico in Romanum permanasse existimant. Schilter. Exerc. ad Pand XXXVIII, 227. p. 691. Vinc. Graulina de leg. & senatuscons. p. 550. Sed praeterquam quod illa tutela plane diuersa a Romana fuisse probatur a Meursio Attic. Lect. III, 24. videtur etiam ista propter infirmitatem consilii iam inde ab ipsa urbis origine Romae recepta. Quamuis enim id non sequatur ex loco Plutarchi in Numa p. 66. ubi Vestalibus id priuilegii concessisse Numa dicitur, ut a tutela essent immunes, (ex quo loco alias colligunt, mulieres iam tum ab eo tempore sub tutela fuisse) (f) certius tamen id colligere*

(f) Id priuilegium Vestalibus non concessit Numa, quidquid dicat *Plutarchus*. Ius enim trium liberorum, quod ibidem ait Vestalibus concessum, Numae temporibus erat incognitum. Praeterea ad Augustum hoc Vestalium priuilegium refert Dio Cass. *Lib.*

ligere licet ex loco Catonis apud Liu. XXXIV, 2. *Maiores nostri nullam, ne priuatam quidem rem, agere feminas sine auctore voluerunt, in manu esse parentum, fratrum, virorum. Conf. & Cicero (g) pro Muraena XII.*

## XVII.

LVI. p. 578. Iust. Lipf. *de Vesta & Vestal. XII.* Sed adde tamen, quae scripsimus in *Comment ad L. Iul. & Pap. Lib. I. cap. 2. p. 27.* vbi Plutarchi locum vna littera mutata ita emendauimus: Τιμὰς δὲ μεγάλας ἀπέδωκαν (pro ἀπέδωκεν) ἱερᾶς παρθένους, ὧν ἔστι καὶ τὰ διαθέσθαι ζῶντος ἐξέσθαι πατρὸς, καὶ τὰ ἄλλα πράττειν ἄνευ προσώρου, διάγυσας, ὥσπερ αἱ τρεῖς αὐδές. Tribuerunt (non Numa sed Romani) Vestalibus ingentes honores, inter quos testamenta vel superstitie patre nuncupandi ius, & sine tutore liberum suarum rerum arbitrium, ut, quibus tres sunt liberi. Multa enim Plutarchum data occasione per πρόληψιν referre solere, ibidem ostendimus.

(g) Verba Ciceronis sunt: *Nam quum permulta praeclare legibus essent constituta, ea iureconsultorum ingenii pleraque corrupta sunt. Mulieres omnes propter infirmitatem consilii maiores in tutorum potestate esse voluerunt; hi innenerunt genera tutorum, quae potestate mulierum continerentur.* Locus hic ab ipsis interpretibus parum intellectus est. Fr. Sylu. p. m. 635. ait, iureconsultos inuenisse tutelas, quibus non mulieres sub tutorum, sed hi sub mulierum potestate essent. Sed haec numeris Platonice obscuriora. Phil. Melanchth. p. 672. & Io. Benignus p. 744. intelligunt tutelam maternam liberorum. Sed ea non est illorum temporum, ut patet ex Nou. CXVIII, 5. Ioach. Camerarius p. 700. plane ἐπέχει. Sed certissimum est, intelligi tutores ab ipsis mulieribus electos. Mulieres conuentione in manum liberabantur a tutela, & filiarum familias loco habebantur. Quum ergo paterfamilias iure posset testari de tutela: factum

XVII. Erat vero haec mulierum tutela <sup>XVII. Ea</sup> vel *pupillaris* vel *perpetua*, Boeth. in *Topica Cic. IV.* <sup>vel pupil-</sup> <sup>laris vel</sup> <sup>perpetua.</sup> quarum hanc illi praeferebant veteres, teste Gellio *Noct. Att. V, 13.* *Pupillarem* pubertas finiebat; *perpetua* ne maiorenitate quidem exspirabat. *Pupillarum* tutores & negotia gerebant, & auctoritatem interponebant. *Adultarum* vero negotiis tutores tantum auctoritatem interponebant non vero gerebant. Hinc verbi causa recte mulieri adultae poterat solui. Cic. *Topic. XI.* At auctoritate tutorum opus erat, si illa lege aut legitimo iudicio agere vellet, si se obligaret, si negotium ciuile gereret, si rem mancipi alienaret. Cic. *pro A. Caecin. XXV.* Vlpian, *Frag. XI. 25. 27.* Quin & nuptias contrahere, vel in manum conuenire non poterat. Cic. *pro Flacc. cap. XXXIV.*

XVIII. Erat porro perpetua illa tutela mulierum vel *testamentaria*, vel *legitima* vel *praetoria*. <sup>XVIII.</sup> <sup>Perpetua</sup> <sup>vel testa-</sup> <sup>mentaria,</sup> <sup>vel legiti-</sup> <sup>ma vel</sup> <sup>praetoria.</sup> Ista erat in potestate mariti, qui moriens vxori, quae in manum conuenerat, tanquam filiaefamilias, tutorem dabat testamento. Id quod non solum ex loco Ciceronis paullo obscuriore *pro Mur. cap. XII.* Sed & ex hoc testimonio clarissimo Liuii XXXIX, 19. patet, vbi Hispalae Fecenniae SC. data dicitur *gentis enuptio*, &

ctum est, vt & morientes mariti testamentis de tutela vxorum disponerent, & ita quidem disponerent, vt iis darent optionem, quem vellent, tutorem sibi eligendi. Exemplum praeclarum est apud Liuium XXXIX, 19. Hoc quum contra veteres leges inuexissent iureconsulti, *inuenerunt genera tutorum, quae potestate, id est, optione mulierum continerentur.*



& TUTORIS OPTIO, *quasi ei VIR TESTAMENTO DEDISSET.* Vid. *Comm. ad L. Iul. & Pap. Lib. II. Cap. XI. p. 237.* Illa erat ordinaria : haec a praetore Urbano & tribunis plebis dabatur, si femina cum tutore legitimo lege aut legitimo iudicio agere vellet, ut eo auctore ageret, vel tutorem legitimum non haberet, vel is pupillus esset. Nam & pupillis tutelam legitimam iure veteri delatam esse, iam Cuiac. *Obs. XVII, 28.* demonstravit. Vlpian. *Fragm. XI, 24.* Quum vero legitima tutela, quasi res iure Quiritium propria in iure posset cedi: is, cui tunc cedebatur, vocabatur *tutor cessicius*, (*h*) cuius administratio tamen cessabat; simul ac legitimus vel obiisset, vel capite esset deminutus. Vlpian. *Fragm. XI, 7.* Fiebat autem illa cessio, ne agnatus eo onere perpetuo obrueretur, & quidem plerumque alteri agnato, si recte coniecit Iac. Gothofred. *ad L. 2. C. Theod. de tutorib. & curat. creand.*

XIX. An  
mariti tu-  
tores vxor-  
um?

XIX. Quaeri etiam solet, an & mariti tutelam vxorum suscipere potuerint? Adfirmat id Scipio Gentilis ad *Apuleii Apolog. n. 1020.* Sed Domitiana erit quaestio, siue proponatur de iis quae in manum conuenerant, siue de illis, quae tantum erant in matrimonio. Illae non erant in tutela, sed in manu & mancipio maritorum, adeoque non magis poterant tutores habere,

(*h*) Est quidem apud Vlpian. *Fragm. XI, 7.* vox *cessicius*, sed procul dubio legendum *cessitiis*, quemadmodum & tutela ibidem vocatur *cessitia*. Vid. Io. van der Water *Observ. III, 2.*

bere, quam filiae familias, quum non essent capita libera. (Vide supra *Lib. I. Tit. X. n. VI.*) hae sui iuris & rerum suarum dominae erant, at in tutela non maritorum, sed agnatorum, vivebant, quia sine horum auctoritate nihil poterat de tutela legitima deminui, vti paullo post demonstrabimus. Hinc apud Gruter. *Inscript. p. DLII*, 2. occurrit monumentum, quod mulier fecit SIBI CONIVGI, ET TVTORI SVO. Si vxores in tutela maritorum esse dicerentur: procul dubio id intelligendum esset improprie de iis, quae in manum conuenerant, quemadmodum & hodie nonnunquam parentes a Ictis satis inconcinne naturales filiorum tutores adpellantur. Ex loco sane Ciceronis *pro Flacco XXXIV. (i)* maritalis ista tutela frustra colligi videtur a Schiltero *Exerc. XXXVII*, 229. Immo posterioribus temporibus tantum abest, ut maritus esse posset vxoris tutor, ut ne curatela

- (i) Locus Ciceronis est: *In manum, inquit, conuenerat, Nunc audio. Sed quaero, usu an coemptione? usu non potuit, nihil enim potest de tutela legitima sine omnium tutorum auctoritate domini. Coemptione? Omnibus ergo auctoribus? In quibus certe Flaccum fuisse, non dices. Relinquitur illud, quod vociferare non destitit, non debuisse, quum praetor esset, suum negotium agere, aut mentionem facere hereditatis.* Hic sane nihil habetur de tutela vxorum in maritos translata. Nec colligi id potest ex verbis: *nihil potest de tutela legitima sine omnium tutorum auctoritate deminui.* De tutela enim legitima non deminuitur aliquid ita, ut maritus loco agnatorum tutor fiat, sed ut vxor in manum conueniat, adeoque tutela ei plane non opus sit, vel ut marito dotem sine auctoritate tutorum constituat.

telam quidem minoreum vel furiosae suscipere posset. Orationem D. Marci factumque eam in rem SC. huic curationi obstitisse nouimus ex L. 14. D. de cur. fur. L. 4. & L. 17. C. de excus. tut.

XX. A tutela nonnullae priuilegio liberatae.

XX. Sed obsoleuit sensim ista mulierum tutela: Et primo quidem priuilegium illustrioribus nonnullis feminis concessum, vt sine tutorum auctoritate res suas gererent. Virgini- bus Vestalibus eam libertatem indulerat non Numa (vt ex Plutarcho in *Numa*. p. 66. colligunt) sed Augustus, sub quo postea etiam Octaui- ae & Liui- ae idem beneficium praestitit Senatus Dio Cass. XLIX. p. 44.

XXI. Legis Papi- ae Poppae- ae sanctio de tutela mulierum.

XXI. Neque tamen eo ipso plane subla- ta tutela mulierum: si quidem lege Papi- ae Poppae- ae cauerat Augustus, vt a Praetore urbis tu- tor daretur ei mulieri virginiae, quam ex hac ipsa lege nubere oporteret, ad dotem dandam, dicendam, promittendamue, si legitimum tuto- rem pupillum haberet. Vid. *Comm. nostr. ad L. Iul. & Pap. Lib. II. Cap. 13. p. 253. sequ.* Immo postea & Senatus censuit, in provinciis a prae- sidibus ex eadem causa dandos esse tutores. Vl- pian. *Fragm. XI, 20.*

XXII. Priuilegium indultum mulieri- bus, quae ter quater- ue pepererant.

XXII. Eadem tamen lege Papi- ae Poppae- ae inuectum est ius trium & quatuor liberorum, quod etiam a tutela liberabat ingenuas, quae ter; libertinas, quae quater peperissent. Dio *Lib. LVI. p. 578.* Vlpian. *Fragm. XXIX, 2. & 3. Fragm. regul. ex veteri ICo subiectum Collat. Legum Mos. & Rom. n. XV. p. m. 807.* Id vero ius quum saepius etiam steriles & orbi vtriusque sexus

sexus beneficio Principis impetrarent: Dio *Cass.* LV. p. 549. *Plin. Epist.* II, 13. VII. 26. X. 95. *Paull. Sent.* IV, 9. 26. facile patet, rariores ex eo tempore factas esse mulierum tutelas.

XXIII. Successit SCtum Claudianum, quo tamen non omnis in vniuersum sublata est tutela mulierum, ceu visum est Iac. Cuiacio *ad L. vn. C. ubi tutor. vel curat* & Marco Vertran. Mauro *de iure trium liber.* XXXI. Sed tantum *cessitia.* Nolebat enim Claudius tutelas mulierum aliis cedi, id quod antea fieri consueuerat; sed oportebat proximos agnatos eas ipsas administrare. Et ita intelligenda esse verba *Vlpiani Fragm.* XI, 8. erudite docet Ant. Schultingius *in Adnot. p. 596. sequ.*

XXIV. Mansit ergo ea mulierum tutela sub Antoninis, quorum temporibus exemplum exstat *Pudentillae, vxoris Apuleii, quae, tutore auctore, praedium emerat.* *Apulei. Apol.* II. p. 327. Mansit tempore *Vlpiani*, quem ad *Alexandri Seueri* tempora vixisse constat. Mansit sub ipso *Constantino*, ceu adparet ex *L. 2. C. Theod. de tut. creand.* Mansit denique sub *Leone Imp.* cuius constitutionem de tutela mulierum *L. 3. C. de legit. tut.* a *Triboniani* interpolationibus vindicauit *Schilter. Exerc.* XXXVII, 239. Sensim tamen ex eo tempore obsoleuit, adeo, vt *Iustiniani* temporibus illius nec vola nec vestigium superesset. Vnde & multa in *Pandectis* & *Codice* latent fragmenta, quae, quum de tutela mulierum loquerentur, a *Triboniano* in sensum prorsus alium detorta sunt.

XXIII. An SC. Claudianum tutelas mulierum sustulit?

XXIV. Quam diu durauerint?



## TIT. XVI.

DE

## CAPITIS DEMINVTIONE.

**Q** Via agnationis ius capitis deminutione perimitur, & proinde etiam tutela legitima morte ista ciuili perit: visum est Triboniano, doctrinam illam de CAPITIS DEMINVTIONE loco plane alieno interferere, eamque subiicere *titulo XV. de legitima agnatorum tutela*. Nos, quum omnes tutelarum species coniunxerimus, iam & de capitis deminutione agemus, non quod eum ordinem putemus concinnum, sed quia Iustiniani institutiones sequi constituimus.

I. Origo capitis deminutionisquae?

I. Origo capitis deminutionis, quam nemo adhuc pro dignitate exposuit, a censibus Romanis videtur repetenda. Notum est, Seru. Tullium Regem vniuersum populum Romanum in sex classes & CXCIII. centurias descripsisse, in quibus constituendis non regionum vrbis aut communium sacrorum, sed opum & facultatum iniit rationem. Vnde in *primam* classem coniecit qui CM. aeris, aut maiorem censum haberent; in *secundam*, qui infra centum usque ad LXXV. millia possiderent. *Tertiae* classis L. millium censum esse voluit, *quartae* XXV. millium *quintae* XI. millium. In *sextam* denique classem coniecti egeni & tenues, qui vel *proletarii* dicti, vel *capite censi*. Illi quod propaganda tantum alendaque prole rempublicam

cam iuuarent, hi quod praeter caput & nomen nihil admodum in censu profiterentur, id nomen adepti sunt. Liu I, 42. seq. Dionys. Halicarn. *Antiq. Roman.* IV, 22. Gell. *Noct. Attic.* XVI, 10. Quemadmodum ergo *capite censi* dicebantur, qui saltem iure libertatis & ciuitatis gaudebant, adeoque in censuales tabulas referri poterant: ita serui, peregrini, filii familias, *capite destitui* dicebantur, quod non possent in censum suo nomine reterri. De seruis certe reliqua est in iure nostro phrasis, eos *caput non habere* §. 4. *Inst. h. t.* Et filiis familias opponi *libera capita*, ex L. 1. *D. de tutel.* Gell. V, 30. Vlpian. *Fragm.* XI, 5. constat. Sed & *capitalis* poena Romanis dicebatur, non tantum illa, quae vltimum inferebat supplicium, sed quae censu eximebat, adeoque vel libertatem, vel ciuitatem perimebat. Barn. Briffon *de Verb. signif. voce capitalis.* Quoties ergo quis quacunque de causa a tabulis censualibus delebatur; toties *caput de ciuitate dicebatur eximi*, vt loquitur Ictus L. 2. *D. de publ. iud.* & inde eiusmodi status mutatio *capitis deminutio* adpellabatur. Hinc recte Claudius apud Liuium XLV, 15. contendit, *mouere omnibus tribubus, nihil aliud esse, quam libertatem ciuitatemque eripere, & CENSU EXCLVDERE.*

II. Hanc ergo capitis deminutionem iureconulti in MAXIMAM, MEDIAM ET MINIMAM diuidunt, (a) pro triplici

II. Et quod duplex?

(a) Equidem nonnunquam veteres duplicem tantum faciunt capitis deminutionem, maiorem & minorem.

plici hominis statu, qui Romae poterat mutari.

III. Maximam patiebantur I) incensu.

III. Si quis non ciuitatis tantum, sed & ipsius libertatis fecisset iacturam: deminutionem capitis MAXIMAM dicebatur passus §. 1. *Inst. h. t.* Et hoc quidem contingebat I) *incensu*, id est, iis, qui censum vel militiam subterfugerant, quos iam Seru. Tullius victos & caesos trans Tiberim venundari iusserat (b) Dionys. IV. p. 221. Cic. *pro A. Caecina* XXIV. Vlpian. *Fragm.* XI, 11. Id quod per fictionem quamdam contigisse, quum alias libertas adimi nemini posset, egregie docet Ger. Nood. *Probab.* III, 12. p. 85.

IV. II) Capti ab hostibus.

IV. Deinde maximam istam capitis deminutionem patiebantur II) *capti ab hostibus*. Nam & hi, quum essent in seruitutem detrusi, omnia & libertatis & ciuitatis ipsaeque agnationis iura amittebant. Poterant tamen ab his pristina iura recuperari *iure postliminii*, si in ciuitatem reuertissent. Cic. *in Top.* VIII. Fingebatur enim tunc, eos, qui capti fuerant, semper in ciuitate fuisse.

rem. vid. L. 1. §. 4. D. *de suis & legit. hered.* L. 5. §. 32 D. *de extraord. cognit.* Sed in verbis esse differentiam, in re nullam; luculenter ostendit Ger. Nood. *Obseru.* II, 22. p. 468. *sequ.*

(b) Quando itaque Liu. I, 44. ait: *Censu perfecto, quem maturauerat metu legis, de incensis latae, cum vinulorum minis mortisque edixit, ut omnes ciues Romani, equites peditesque in suis quisque centuriis in campo Martio adessent*: procul dubio intelligit mortem istam ciuilem. Non enim credibile est, acrioris supplicii metu lustrum, quam ipsam censum, maturasse Seruium.

(c)

fuisse. §. 5. *Inst. quib. modis patr. pot. solu.* POST-LIMINIVM vero id ius adpellabatur, non ideo, quod captivus ex hostico ad *limina* vel fines imperii reuertisset, vt ait Tribonianus *d. §. Inst.* quamvis eam *ἐπιουότητα* erudite defendat Menag. *Amoen. Iur. Ciu. Cap. XXXIX. p. 327.* sed a limine, aedium parte. Reuerſi enim ex captiuitate, non per limen admittebantur in aedes, si iam diem eos obiisse nunciatum fuerat, quia id mali ominis putabatur, sed post limen per tegulas & in pluuium intro se ipsos demittebant, teste Plutarch. *Quaest. Rom. V.*

V. Eiusdem conditionis habebantur III) V. III) *Serui poe-*  
*nae.* Quicunque enim atroci sententia ad extremum supplicium veluti ad ignem, ad metalla, bestiasue depugnandas fuerant damnati, libertatis simul ac ciuitatis iura amittebant. Hinc Tertullianus *Apolog. XXVII. Vice rebellantium ergastulorum, seu carcerum vel ergastulorum, vel metallorum, vel hoc genus POENALIS SERVITUTIS erumpunt aduersus nos.* Et Plinius *Epist. X, 40. refert, Nicomediae & Niceae quosdam, qui vel in opus damnati, vel in ludum similiaque his genera poenarum, PVBLICORVM SERVORVM officio ministerioque defunctos.* Quaedam de hac seruitute dabunt Cuiac. *Obseru. XV., 22.* & Gothofr. Arnold. *Hist. Christ. damnat ad metall. §. VIII. apud Thomaf. Hist. Sap. & Stultit. Tom. III. 1693. p. 130.* Eam quoque seruitutem per fictionem natam docet Ger. Nood. *Probab. III, 12. p. 86.* Capitali enim supplicio veteri iure nemo ciuium plecti poterat. Commisso vero flagitio, quod morte expiandum videbatur, Quaestitores



sitores non ciuem capitis damnabant, (nec enim fas erat,) sed ciuem esse negabant, seruumque vocabant poenae, vt vitam non tamquam ciuis amitteret, sed tamquam seruus. L. 29. D. de poen. L. 6. §. 6. D. de iniusto rupto, irrito facto testam. Attamen hi quoque pristina iura recuperabant, si per omnia in integrum principali indulgentia restituerentur. Paull. Recept. Sent. IV, 824. Postea vero hanc seruitutem poenae, quatenus cognatorum interesse visum, aboleuit Iustinianus. Nou. XXII. 8.

VI. IV)  
Liberti in-  
grati.

VI. Porro etiam hanc miseram conditionem subibant IV) *liberti ingrati*, quos Claudius Imp. reuocabat in seruitutem, qua de re dictum supra. ad Lib. I. Tit. VI §. 9.

VII. V)  
Qui se ve-  
numdari  
passi.

VII. Nec minus libertatem amittebant V) *maiores XX annis*, qui se pretii participandi causa venumdari passi fuerant, de quibus itidem dictum. Lib. I. Tit. III n. 7. 8.

VIII. VI)  
Mulieres  
seruili a-  
more bac-  
chantes.

VIII. Nec melioris conditionis erant VI) *ingenuae mulieres*, quae in serui alieni amplexus ruebant. (c) Quod si enim Domino inuito, & hoc, vel pupilli tutore, vel procuratore domini ter denuntiante, in eodem contubernio perseuerassent; *ancillae*; siue, illo consentiente, *libertae* efficiebantur, decreto & adiudicatione praeto-

(c) Tales mulieres notat Petron. Satyr. p. 127. *Quaedam feminae sordibus calant, nec libidinem concitant, nisi aut seruos viderint, aut statores altius cinctos. Harena aliquas accendit, aut perfusus puluere mulio, aut histrio, scenae ostentatione traductus. Ex hac nota domina est mea.*

praetoris. Vid. Paull. *Sent. Rec.* II, 21, A. 1. p. m. 305. Tertull. ad *uxor.* II, 8. Auctor huius iuris Claudius Imperator fuit, vt patet ex Tacito *Ann.* XII, 53 ex quo simul discimus, Pallantis liberti id esse inuentum, cui ideo insignia praetoria & centies quinquagies festertium decreuit senatus. Plin. *Hist. Nat.* XXXV. cap. penult. & alter Plinius *Epist.* VIII, 5. Denique senatusconsultum illud in vsum reuocauit Vespasianus, si ita intelligendus locus Suet. *Vesp.* XI. (d) Ast hanc quoque poenam sustulit non Alexander Seuerus, vti visum est Strauchio *Diff. Instit.* XI, 39. (nam L. 3. C. de lib. caus. de maribus, seruorum; non de feminis seruorum amore calentibus agit,) sed Iustinianus L. vn C. de SC. Claud. toll. parum certe prudenter, siquidem ingenuis mulieribus viam eo ipso ad impares & impudicas maximem coniunctiones muniuit. Cuiac. *Obs.* XXI, 16.

IX. MINORE siue MEDIA capitis de- IX. Medi-  
minutione ciuitatis tantum iura, salua liberta- am patie-  
te, perimebantur, adeoque ii, qui erant in hanc bantur.

conditionē delapsi, ad peregrinitatem redigebantur.

(e)

(d) Nisi forte dicere malis, Vespasianum ea de re ad senatum retulisse, non tamquam Imperatorem, sed tamquam consulem, aut, si mauis, senatorem laticladium. Consulatum sane gessit sub Claudio, Suet. *Vesp.* Cap. IV. fortean cum Barea Sorano quem eo ipso anno V. C. lcccv. quo SC. illud factum Cos. designatum fuisse refert Tacit. *Ann.* XII. 53. Et hinc facile conciliari poterunt Tacitus & Suetonius, quorum ille Claudio, hic Vespasiano hoc SC. tribuit. Ingeniosa haec est obseruatio Petri Fabri *Semestr.* I, 25. p. 140. sequ. vti pleraque, quae faber ille edolauit.

O

(f)

(e) §. 2. *Inst. h. t.* Et huius quidem conditionis habebantur 1) *exsules*, quibus aqua & igne fuerat interdictum. Magna scilicet Romae erat inter *exsilium* & *relegationem* differentia. Illa iura civitatis perimebat, quum relegatus ea salva haberet. Hinc Ovid. *Trist.* II

Quippe RELEGATUS, non EXSVL  
dicor in illo,

*Parcaque fortunae sunt tibi verba meae.*

Quam differentiam alibi ita describit: *Trist.*  
V, 2.

*Nec vitam, nec opes, ius nec mihi civis ademit,*

*Nil nisi me patriis iussit abesse focis.*

Ipsē RELEGATI non EXSVLIS  
utitur in me

*Nomine.*

Conf. *L. 1. D. de Publ. indic.* Ad exsilium quod attinet, ciues ad illud adigebantur AQUAE ET IGNIS INTERDICTIONE, qui ritus paullo altius videtur repetendus.

X. Quid aquae & ignis interdictione?

X. Antiquissimum hoc erat iuris Romani principium, neminem posse inuitum iura civitatis amittere. Cicero *pro domo*: XXIX. Hoc iuris a maioribus proditum est, ut nemo civis Romanus aut libertatem aut civitate n possit amittere, nisi ipse AVCTOR factus sit. Idem iuris publici axioma multis verbis inculcat Cic *pro A. Caecin c. xxxiii.* docetque ideo Aretinorum proscriptionē, Sulla viuo,

(e) Vnde nec toga amplius iis licebat uti. Plin. *Epist.* IV. II. Suet. *Claud.* XV. De ipsa peregrinitatis conditione conf. Briss. *Ans.* I, 13. 15.

(f)

viuo, irritam fuisse, quod contenderat Cicero, *ciuitatem adimi non potuisse*. Quamuis itaque ciuitatis iuribus nemo inuitus priuaretur: attamen ea statim amittebantur, simul ac quis in aliam se ciuitatem adscribi passus esset, quum ex veteri iure duarum ciuitatum ciuis nemo esse posset. Idem *pro domo LXXXI*. Ezech. Spanhem. *Orb. Rom.* I, 1, 6. p. 11. Vnde notum est ex Nepot. *Attic. III.* noluisse Atticum Athenis ciuitatis iura suscipere, ne Romanam ciuitatem amitteret. Quod si ergo quemquam e ciuitate eiectum vellent Romani: eum non vi expellebant, (quod ex principio supra adlato fieri non poterat,) sed illi tecto, aqua & igne interdicebant. Quibus necessariis vitae subsidiis ademptis, vltro exsilium eligere cogebatur damnatus. Quum itaque a nemine recipi posset: necessario in aliquam ciuitatem exteram se conferebat, eoque demum facto, ciuitatis iura amittebat. Hinc denuo Cicero *pro domo XXX*. *Qui erant rerum capitalium condemnati, non prius hanc ciuitatem amittebant, quam erant in eam recepti, quo vertendi, hoc est, mutandi, soli causa, venerant. Id autem vt esset faciundum, non ademtione ciuitatis, sed tecti & aquae & ignis interdictione faciebant.* Ergo si accurate loqui velis, non aquae & ignis interdictione eximebatur caput de ciuitate, vt ait Paullus *L. 2. D. de iudic. publ* (poterat enim, si vellet in ciuitate mori,) sed adscriptione in aliam ciuitatem, in qua exsul discesserat. Barn. Briffon. *Ant. Rom III, 5. p. 48.* Quae obseruatio, ne cui sola *λογιστὴς χίρα* videatur, tanti profecto momenti est, vt Cicero oratione allegata



gata neget, se aquae & ignis interdictione ciuitatis iura amisisse, quia nulli se populo adiunxisset, sed delituisset apud amicos. Addantur Vlr. Hub. *Digress. l. 3. §. 8. p. 192. sequi.*

XI. De-  
portati.

XI. Deinde huic aquae & ignis interdictioni addebatur (f) DEPORTATIO, qua ipsa quoque iura ciuitatis eodem modo amittebantur. Auctor illius instituti Augustus, (g) cui, ab exsulibus hinc inde dispersis periculum imperio suo metuenti, Liuia suaserat, vt illos patria extorres insulis includeret. Ita enim apud Dionem LV. p. 562. Liuia: τί γὰρ ἂν ἀδικήσεις τις, ἢ ἡσὼν κατακλεισθεὶς, ἢ καὶ ἐν ἀγρῷ πόλεις τι, ἔχ' ὅπως ἄνευ πλῆθους οἰκετῶν καὶ χρημάτων, αἰὶνὰ καὶ μετὰ φρενῶς ὦν, ἂν γὰρ καὶ τέττα δέησι.

*Quid*

(f) Non enim *deportatio* in locum illius aquae & ignis interdictionis successit, vt Icti aiunt, L. 2. §. 1. D. de poen. L. 3 D. ad Leg. Iul. pecul. Mansit potius illa antiqua aquae & ignis interdictione etiam post inuentam deportationem. Tacit. Ann. VI. 30. Adiecere tantum Imperatores, vt exsules isti non, vbi liberet, sed in certa quadam insula, viuerent. Huber. *Digress. l. 3. §. 9. p. 195.*

(g) Non Iulius Caesar, ceu ex Suet. Iul. LXVII. probare fatagit Oiscl. ad Caii Inst. l. 6. l. p. m. 47. Supplicium enim, quod militibus minatur Caesar, non fuit deportatio, (non enim eos in certam insulam missum iri ait,) sed poena, quaedam extraordinaria. Haec enim sunt Caesaris verba: *Desinant quidam quaerere ultra, aut opinari, mihi quae, qui comperit habeo, credant; aut quidem vetustissimae naui impositos, quocumque vento, in quascunque terras iubebo auehi.* Frequentatum postea hoc supplicium, inflictumque delatoribus a Tito, Suet. Tit. cap. 8. & Traiano: Plin. Paneg. cap. 34. immo & Christianis a tyrannis, ceu docuit Casaub. ad Suet. Iul. p. 92.

(b)

*Quid enim mali fecerit is, qui in insulam conclusus, aut in agro vel in urbe aliqua non modo sine copia servorum. & pecuniarum, sed etiam sub custodia, si hoc res exigeret, haberetur?* Ex eo tempore inualuit deportatio. Quam denuo constitutione quadam firmavit Augustus, apud eundem Dion. Cass. LVI. p. 587. Et hinc postea nihil fuit ista in insulas deportatione frequentius. (b) Tac. Ann. III, 68. VI, 30. IV, 21. IV, 13. Fiebat vero deportatio ita, ut rei compedibus vincti impositique nauibus, servis publicis, qui eos deportarent, traderentur. Oiscl. ad Caii Inst. I, 6. i. p. m. 47. Molestia inprimis erat vel relegatio vel deportatio in Gypsum, Aegypti Insulam, in quam tempore Iustiniani & Iuridicus Alexandriae & Praefes Thebaidos relegare poterant, Cuiac. Obs. XX, 31. itemque in Gyaros, fumo notabiles, Arrian. Diff. Epict. I, 25. & II, 6. & Oasin inter Aegyptum & Cyrenas, muscis & culicibus famosam: de quibus locis Cuiac. Obs. VIII, 27. Omnes autem exsules teste Lactantio Div. Inst. II, perinde habebantur, ac si essent, qui eam sententiam exceperant, morte mulctati. Vnde & diem quo ab exilio quis redierat, NATALEM

(b) Distinguenda tamen haec deportatio a relegatione in insulam, qualis fuit illa, quam passus est Ovidius, in Pontum relegatus. Conf. L. 7. D. si quis cautioni in iudicio sistendi causa facti. non obtemp. Suet. Tiber. I. Huic opponitur lata fuga, cuius mentio fit L. 5. D. de interd. relegatis & deport. Ammian. Marcell. XIX, 12. vel, ut Iulio Capitol. vit. Marci Anton. XXVI. & Vulcatio Gall. vit. Auid. Cassii. IX. vocatur: *exsilium & libera vagandi potestas.*

LEM vocabant, tanquam quo vitam primum receperissent, Cic. post *Redit. in Senat. cap. XI.* itemque *alterius vitae initium.* Id. *Epist. ad Att. IV, 1.* Quin Cotta ab exilio reuocatus se bis genitum vocat in oratione apud Sallust. in *Fragm. p. m. 500.* Ita & Athenienses patriae restitutos exsules *δευτερογενεῖς*, quasi qui *secunda fata orfos* adpellasse obseruat vir, cui haec debemus doctissimus, Io. Frid. Gronou. in *Diatrib. ad Stat. Papin. Cap. XII. p. 69.*

XII. Minima capitis deminutio.

XII. MINIMA denique capitis deminutio iura familiae atque agnationis tollebat. Quum enim census fieret secundum facultates, vt supra dictum: patriis facultatibus cum iure familiae amissis aut in alium translatis, capitis quaedam deminutio fieri credebatur. Id vero factum esse in *manum conuentione*, *adoptione*, & *emancipatione*, ex iure notum est, quamuis de emancipatione, an ea inter capitis deminutiones referenda sit, subdubitent Icti tum veteres tum recentiores. Paullus sane non ideo capite deminui putabat, quod ex patria potestate exirent: (ita enim potius fiebant capita libera, & membra ciuitatis,) sed quod emancipatio vetere ritu fieri haut posset, nisi *deducerentur in imaginariam seruilem causam.* L. 3. §. 1. D. de cap. minut. Attamen ne sic quidem omnia in aprico sunt. Si enim ob hanc causam emancipatio est species capitis deminutionis: cur non maxima potius quam minima vocatur? Vid. Huber. *Digress. III, 6.* Thomas. *Schol. & nou. addit. ad Huberi Praelect. Inst p. 47.*

TIT.

## TIT. XXI.

DE

## AVCTORITATE TVTORVM.

**T**Vtorum erat *auctoritatem* interponere, quemadmodum curatorum, *consensum* commodare. De qua TVTORVM AVCTORITATE quum singulari titulo agat Imperator: de ea quoque nonnulla ex antiquitatibus Romanis videntur adnotanda.

I. Antiquissimum hoc erat iuris Romani I. Origo principium, *alieno nomine agere posse neminem*, ne- auctorita-  
que *promittere, tertium quid facturum daturumue.* tis tuto-  
Ergo nec tutor pupilli nomine quidquam aut rum.  
agere aut promittere poterat. Quum tamen  
lubrica pupillorum aetas consilii que infirmitas  
non paterentur, pupillis liberam permitti re-  
rum suarum administrationem: tutoribus  
plus potestatis concedendum distinguendum-  
que existimabant Romani, infansne esset pupil-  
lus, an istos infantiae annos superarit. Si in-  
fans esset, tutor omnia agebat non pupilli sed Quando  
suo nomine. Prospiciebat pupillo eiusque tutor di-  
matri de alimentis & cultu exhibitionis. L. 13. §. ctus admi-  
2. D. de administr. & peric. tut. Pupillo herede nistrare &  
cum cretione instituto bonorum possessionem gerere.  
petebat, L. 11. D. h. t. hereditatem enim cernere  
& adire pupilli nomine non poterat, quia Cretio  
& aditio erat actus legitimus. L. 4. §. C. de  
iure delib. Iac. Gothofr. Comm. ad C. Theod. tit.



*de cretione p. 330.* Denique bonorum pupilli curam ita gerebat, vt *loco domini* haberetur. *L. 27. D. eod.* Et id quidem tutoris munus, quo tum personae pupilli, tum bonorum eiusdem curam gerebat, vocabatur GESTIO vel ADMINISTRATIO. Cic. *Top. Cap. XI.* Quamuis tam late plerumque hoc vocabulum accipiat a iureconsultis, vt & *auctoritatem* complectatur.

II. Quando interponere auctoritatem.

II. Sin infantiae annos superasset pupillus: ipse omnes actiones legis, omnesque contractus poterat explicare, ita tamen, vt tutor, perfecto negotio, praesens statim AVCTOR fieret, & hinc vocabatur AVCTORITAS. Quemadmodum enim populus iubebat, Senatus AVCTOR fiebat: Liu. I, 17. ita pupillus agebat & contrahebat, tutor interponebat AVCTORITATEM, sine qua validum haut erat negotium, si quidem deterior eo ipso fieret pupilli conditio. *princ. Inst. h. t.* aut si adeunda esset hereditas, aut petenda bonorum possessio, aut suscipienda ex fideicomisso hereditas §. 1. *Inst. h. t.* Ad ea enim, quae sollemnitatem iuris desiderabant, explicanda, tutore auctore opus esse, ait Paullus *L. 19. D. de auct. tut.*

III. Interponebatur ea sollemni formula.

III. Non ergo auctoritas erat nuda adprobatio nec iussus; sed actus legitimus & sollemnis, certaue formula explicandus. Vnde & conditionem non admittere dicitur *L. 8. D. h. t.* Procul dubio, vbi pupillus verbi causa in cretione hereditatis verba legitima pronunciauerat, interrogabatur tutor: AVCTORNE ESSET, VT PUPILLVS HEREDITATEM ADIRET

ADIRET CERNERETQUE? eoque adfirmante, rata erat pupilli actio. Sane eodem modo auctor fiebat, qui adrogabatur ab alio. Cic. *Orat. pro domo* XXIX. Et interrogationis hoc in negotio factae diserte meminit Paullus L. 3. *D. de auct. & consensu tut. & curat*, quamvis eam non existimet absolute necessariam. Interponebatur vero auctoritas statim in ipso negotio: sed ita tamen, ut non prius auctor fieret tutor, quam pupillus id egisset, a quo substantiam capiebat negotium. Et hinc est, quod auctoritas PERFECTO NEGOTIO interponi dicitur in L. 25. §. 4. *D. de adquir. hered.* ibi praeter necessitatem rescribi: *prout negotio contra* Iac. Gothofredum *Comm. ad L. 29. D. de R. I.* docuimus in *Elem. iur. civil.* §. 250. Disputavit de eadem quaestione Cuiac. *Obs. XIII, 31.*

IV. Vnde simul adparet, quid interfuerit discriminis, inter CONSENSVM curatoris & tutoris AVCTORITATEM. Sine hac actus erat nullus, sine illo rescindendus. Illa interponenda erat statim a tutore praesente, §. 2. *Inst. h. t.* Erat enim actus legitimus, qui non admittebat procuratorem, conditionem & diem. Hic interiecto demum tempore accedere poterat.

IV. Quid consensus Curatoris?

V. Si negotium inter tutorem & pupillum vel mulierem intercederet: auctoritatem adhibere non poterat tutor. Nullus enim tutor poterat in rem suam auctor fieri. L. 1. §. 7. *D. h. t.* Solebat ergo tunc a praetore alius tutor dari, qui praetorianus vel praetorius vocabatur, ideo, quod a solo Praetore non adhibita in consi-

V. Quid tutor praetorianus?

lium maiore parte Tribunorum plebis dabatur. Meminit eius ipse Imperator §. 3. *Inst. h. t.* multoque luculentius Vlpianus *Fragm. XI, 24.* *Moribus tutor datur mulieri, pupillone, qui cum tutore suo lege aut legitimo iudicio agere vult, ut auctore eo agat: (ipse enim tutor in rem suam auctor fieri non potest,) qui praetorianus tutor dicitur, quia a praetore urbis dari consuevit.* Vnde inter Triboniani emblemata referenda est tutoris in curatorem mutatio. *L. 3. §. 2. L. 4. & 5. D. de tutel. L. 24. D. de testam. tutel. L. 9. §. 4. D. de tutel. & ration. distrab. L. 1. 2. 3. ult. C. de lit. dand. tut. vel curat. ceu iam obseruauit Hub. Giph. ad §. ult. Inst. h. t.*

VI. Is  
postea  
mutatus  
in curato-  
rem.

VI. Nimirum postea inualuit, ut loco tutoris praetorii adiungeretur curator, quoad actio illa duraret, vel etiam perpetuus. *Novell. LXXII, 2.* Quamuis id contingat paullo rarius, quia iure nouissimo pupilli debitor vel creditor, tutor fieri non potest. *Nov. LXXII, 1. Nou. XCIV. & Auth. Minoris debitor C. qui dari tut.*

## TIT. XXII.

### DE

## QVIBVS MODIS TVTELA FINITVR..

**Q**Vibus modis finiatur tutela, satis accurate ad hunc titulum docent Interpretes. Et de morte quidem, & capitis deminutione nullum est dubium: at de pubertate & aliis nonnullis modis, quibus tutelam olim finitam con-

constat, nonnulla ex antiquitatibus monenda videntur.

I. Ad PUBERTATEM quod attinet ipse Tribonianus hoc titulo antiquitatum Romanarum prae se fert notitiam, dum obseruat, veteres pubertatem non solum ex annis, sed & ex habitu corporis in masculis voluisse aestimari. Quod quum Iustinianus indignum iudicaret castitate suorum temporum, statuisse eum, sancta promulgata constitutione, ut masculi completo anno aetatis XIV. puberes; feminae duodecimo viri potentes haberentur. *princ. Inst. h. t.*  
(a)

I. Locus Institutionum de ritu antiquo aestimandi pubertatem.

II. Sed Tribonianum hic antiquitatis prodere ignorantiam, multi existimant. Neque enim Iustinianus primus istos pubertatis terminos fixit, iam dudum quippe in iure receptos. Sane duodecim annorum puellas iam viri potentes esse Augustus lege Papia Poppaea, censuerat ut patet ex Dione Cass. LVI. δώδεκα καὶ ταῖς κόραις ἐς τὴν τῆ γάμου ὥραν ἔτη πλὴρὴ νομίζετο. Duodecim annos puellis ad nuptias sufficere statuit. Adde sis Comm. nostrum ad L. Iul. & Pap. Popp. Lib. II. cap. V. p. 177. seqq. Quatuordecim vero anni ad pubertatem masculorum iam secundo post Christum saeculo requirebantur, etiam

II. Iam diu ante Iustinianum certi anni pubertatis erant praefiniti.

(a) Ipsa illa sancta Iustiniani constitutio exstat. L. ult. C. quando tut. esse des. INDECORAM OBSERVATIONEM in examinanda marium pubertate resecantes, iubemus, quemadmodum feminae post impletos XII. annos omnimodo pubescere iudicantur, ita & mares post excessum quatuordecim annorum puberes existimentur, INDAGATIONE CORPORIS INHONESTA cessante.  
(b)



etiam ex mente Proculeianorum. Tertull. *de veland. virg.* XI, & *de Anima* XXXVIII. Macrobi. *Saturnal.* VII, 7. & *in Somn. Scipion.* I, 6. (b)

III. Nunquam veteres pubertatem inspectione corporis explorant.

III. Deinde nec alterum videtur per omnia verum esse, quod veteres Romani masculorum pubertatem indecora observatione, inhonestaque indagatione explorarint, ut loquitur Imperator L. ult. C. quando tut. esse def. Nulla enim istius indecorae inspectionis vel vola vel vestigium apud antiquos occurrit. Et quamvis Huberus *Digress.* III, 14. p. 210. & vir amplissimus, Corn. van Bynkersh. *Observ.* III, 24. excusandum putent Iustinianum, credantque, si non in quaestione de finienda tutela, at certe in nuptiis nonnunquam isti inspectioni locum fuisse: tamen ne id quidem fatis, ut opinor, excusat Imperatorem. Non enim quaestionem de viri potentia, qualis aliquando in nuptiis occurrit, tractat in d. L. ult. quippe ad quam definiendam sola aetas parum faceret, sed quaestionem de tutela finienda. Nec verosimile est, Triboniano Imperatoris sui constitutiones tam fuisse parum familiares, ut sanctam illam, quam

(b) Quin & leges id docere poterant Tribonianum, veluti L. 2 princ. D. de pupill. & vulg. subst. 5. D. qui testam. fac. poss L. 4. C. eod. ex quibus patet, saltem Vlpiani & Diocletiani temporibus eosdem pubertatis annos fuisse definitos. Neque tamen dubito, quin olim antiquissimis reip. temporibus quinto decimo demum aetatis anno exacto puberes habiti sint adolescentescens. Tunc enim eos togam virilem sumsisse, non anno XVII, ut vulgo existimant, nec anno XIV, ut visum Lipsio ad Tac. p. 312. docet Noris. *Cenotaph. Pisani. Diss.* II, 4.

quam tantopere laudat, legem in institutionibus aequae ac codice ad materiam de tutela retulerit, quae de singulari tantum casu nuptiali egisset. Quare adhuc probabile videtur, Iustinianum hic cum Iarvis pugnasse, ritumque aboluisse, cuius numquam Romanis in mentem venerat. Vid. Iac. Raeward. *Varior*, IV, 10. p. 667. *Tom. I. Operum*.

IV. Ut ergo adpareat, quid in errorem induxerit Iustinianum: sciendum, non conuenisse inter antiquos Iureconsultos, quos pubertati terminos figerent. Quum plerique in Stoicorum scholis profecissent, hi vero adolescentum pubertatem XIV. puellarum viripotentiam XII. annis aestimarent: (Plut. *Placit. Philos.* V, 24.) eandem sententiam plerique Icti & imprimis Proculeiani, amplectebantur. Sed aliud longe videbatur Cassio Longino, cuius sectarii non annis, sed habitu corporis, aestimandam esse pubertatem arbitrabantur. Denique Priscus Iauolenus quasi conciliaturus utramque sententiam, eum demum puberem esse dicebat, in quem & numerus annorum, & habitus corporis concurreret. Diserte Vlpian. *Fragm.* XI, 28. *Puberem autem Cassiani quidem eum esse dicunt, qui HABITVS CORPORIS pubes adparet, id est, qui generare potest; Proculeiani autem eum, qui quatuordecim annos expleuit. Verum Priscus eum puberem esse, in quem utrumque concurrit, & HABITVS CORPORIS, & numerus annorum. Eandem controuerfiam Ictorum, sententiamque Prisci Iauoleni, in animo habuit Seruius, qui ad illa Virgilii Aen. VII. v. 53.*

IV. Orig.  
huius er-  
roris.

*Iam matura viro, iam plenis nubilis annis,*  
 addit: *Non est iteratum, sed* SECUNDUM  
 IVS dictum, in quo & ANNORVM ratione, & ex  
 HABITU CORPORIS aetas probabatur. Idem  
 ad Virgil. Eclog. VIII. v. 34. *Bene cum annis iun-*  
*git HABITUM CORPORIS nam & IN IVRE*  
*pubertas EX VTROQUE colligitur.* Ex quibus  
 patet, Seruium in Prisci discessisse sententiam.  
 Denique Isidorus Orig. XI, 2. Cassianorum  
 sententiam amplexus: *Quidam, inquit, ex annis*  
*pubertatem aestimant, id est, eum puberem esse, qui*  
*quatuordecim annos expleuerit: quamvis tardissime*  
*pubescat. Certissimum autem, puberem esse, qui*  
*EX HABITU CORPORIS pubertatem ostendat,*  
*& generare iam possit.* In tanta ergo iureconful-  
 torum incertitudine ex sententia Em. Merillii  
 Obs. V, 16. saepe parentes testamentis solebant  
 definire annum, quo puberes haberi deberent  
 liberi, modo annum decimum quartum, vt L.  
 49. D. de legat. 1. modo decimum octauum L. 101.  
 §. 3. D. de cond. & demonstr. modo decimum sex-  
 tum L. 34. §. 2. D. de legat. 3. Vnde lux affulget loco  
 Paulli Gal. IV, 2. vbi heres tutoribus subesse di-  
 citur ἀχρὶ τῆς προθεσμίας τῆς πατρὸς. Quum ve-  
 ro Iustinianus, aut Tribonianus potius, animad-  
 uerteret, pubertatem nonnullos HABITU  
 CORPORIS aestimari velle: facile sibi persua-  
 sit etiam usu receptam olim fuisse hanc Cassia-  
 norum vel Prisci sententiam quum tamen mul-  
 ta huius generis disputarint veteres Icti, quae  
 in forum nunquam admissa constat, quaeque  
 ad ius constituendum magis, quam constitu-  
 tum, pertinuerunt. Fingamus itaque, Cassianos  
 cen-

Censuisse pubertatem aestimandam esse *Φυσιῶς*, & inspectione τῶν αἰδσιῶν, quum tamen *habitus corporis* & alio modo naturalem generandi facultatem prodat: non tamen vlllo veterum testimonio constat, id in foro esse frequentatum, vel vlllum iudicem vnquam fuisse tam Cassii vel Prisci sententiæ addictum, vt adolescentem, qui curatorem peteret vestibis spoliari, inspicique nudum iusserit. At credidit id tamen Iustinianus, & hinc rem constitutione aboleuit, quam nemo veterum in foris Romanorum deprehendit. (c)

V. Feminarum tutela perpetua non pubertate, sed aliis quibusdam modis finiebatur, veluti *Conuentione in manum*. Quum enim ea, ceu supra diximus, esset capitis deminutio, qua in manum & potestatem mariti redigebantur mulieres: non poterat non tutela finiri dummodo omnes tutores fierent auctores. Cicero *pro Flacco* XXXIV. Boeth. ad *Topica* Cic. III.

V. Finiebatur etiam tutela feminarum conuentione in manum.

VI. Finiebatur etiam mulierum tutela *iure trium vel quatuor liberorum*, ceu supra LIB. I. TIT. XIII. n. 22. obseruauimus. Nam constat ex Vlpian. *Fragm.* XXVIII, 3. ingenuis feminis *tribus*; libertabus opus fuisse *quatuor liberis*, si tutela exire vellent.

VI. Vt & iure trium liberorum.

TIT.

(c) Interim non nego, Graecis eiusmodi inspectionem vsitatam fuisse, de qua Scholiastes & Florens Christianus ad Aristophan. in *Vesp.* v. 578. nec non Gundlingiana *Part.* XXIV, 2. §. VII. p. 347. seq. Sed nondum demonstratum, de exploratione pubertatis quidquam cautum fuisse in XII. tabulis, vt verosimile fiat, hunc ritum Athenis Romam migrasse.

(a)



## TIT. XXIII.

DE

## CVRATORIBVS.

**Q**uemadmodum *tutores* personis ; ita CVRATORES rebus dabantur , quorum origo erit ex antiquitatibus repetenda.

I. Curatores quotuplices?

I. Curatores aut LEGITIMI erant , aut HONORARII. Illi legibus XII. Tabularum ; hi edicto praetoris debebant originem. Vlpian. *Fragm. XII. 1. Testamentarii* non erant, quia Lex XII. Tabularum patri familias *de tutela*, non autem *de curatione* legare vel testamento disporre permiserat.

II. Curatio furiosorum & prodigorum.

II. Ex legibus XII. Tabularum <sup>(a)</sup> curatores accipiebant FVRIOSI & PRODIGI. Quam legem decemviralem ex Cicer. *Quaest. Tusc. III, 11. & de Inuent. II, 59.* ita restituit Gothofredus *ad. XII. Tab. Tab. V. SI FVRIOSVS AVT*

<sup>(a)</sup> Verosimile tamen est, eum morem iam ante leges XII. Tabularum Romae viguisse. Moribus sane ista furiosorum prodigorumque curatio tribuitur. *L. 1. D. de curat. furios.* & apud Paull. *Recept. Sent. III, 4.* Quod quum intelligi haut possit de moribus , post ea tempora demum receptis : (Siquidem Vlp. *d L. 1. de cur. furios.* hanc curationem quidem ex XII. Tabulis arcessit, sed initium tamen eiusdem tribuit moribus,) procul dubio iam sub regibus furiosis dati sunt curatores. Est ea sententia Iac. Cuiacii, Iac. Gothofredi, aliorumque virorum doctorum, quam male impugnatur V. C. Iana Costa *ad §. 1. Inst. de i. N. G. & C. & §. 3. Inst. h. 1.* Vid. Schulting. *ad Paull. l. 1. p. 341.*

(b)

AVT PRODIGVS EXSISTAT\*, AST EI  
CVSTOS NEC ESCIT, AGNATORVM  
GENTILIVMQVE IN EO PECVNIAVE  
EIVS POTESTAS ESTO. Quamuis adhuc  
quaeri possit, vtrum ex verbis Decemviro-  
rum, an ex eorundem interpretatione nata sit cura-  
tio prodigorum.

III. Quum vero initio & prodigi & furio- III. Prodi-  
si ipso iure agnatorum gentiliumque curationi gis curator  
subessent: L. 1. *pr. D. de cur. furios.* prodigi po- datus post  
stea tum demum curatorem accipiebant, si po- interdi-  
stulantibus agnatis (Vid. Valer. Max. VIII, 6.) ctionem  
iis a praetore interposita sententia bonis esset bonorum.  
interdictum. L. 1. *D. de cur. furios.* Vlp. *Fragm.*  
XII, 2. Vnde Horatius *Sat.* II, 3.

- - *Interdicto huic omne adimat ius*

*Praetor, & ad sanos abeat tutela propinquos.*

Ex quo simul patet ratio, cur furor contractus  
statim ab initio reddiderit irritos, quamuis fu-  
riosus agnatorum curationem nondum subiis-  
set, prodigus vero, priusquam ei esset bonis in-  
terdictum, valide contraxerit.

IV. Formulam, qua bonis interdicebat IV. For-  
praetor, servauit nobis Paullus, *Recept. Sent.* III, mula in-  
4. A. 7. QVANDO TIBI BONA PATER- terdicendi  
NA AVITAQVE NEQVITIA TVA DI- bonis.  
SPERDIS, LIBEROSQVE TVOS AD  
EGESTATEM PERDVICIS: OB EAM  
REM TIBI EA RE (b) COMMERCIOQVE  
INTER-

(b) Legunt nonnulli AERE. Cuiac. *ad Paull. l. c.* Iac.  
Menard. *ad Cicer. Act. Verrin. V.* sed nihil hic mutan-  
dum esse, docent V. A. Cornel van Bynkersh. *Obs.* III,  
21. Schulting. *ad Paull. l. c. p.* 342.

INTERDICO. Quo facto statim agnatorum, aut, hisce deficientibus, gentilium (c) curationi committebatur prodigus. Exempla sunt apud M. Senec. *Controu. III, praef.* Val. Max. *III, 5. VIII, 6.* Dion. Cass. *LVII, p. 710.*

V. Quo-  
modo  
haec cura-  
tio finita?

V. Astum furiosus tum prodigus, recepta mentis vitaeque sanitate, curatione liberabatur, quamvis & hic prodigo decreto Praetoris esset opus. Paull. *Sent. III, 4. A. 12. p. 343.* & ibi Schulting. *L. 1. D. de cur. furios.* Henr. Bern Reinold. *Var. cap. XLI, p. 291.*

VI. Origo  
curationis  
minorum.

VI. Quum ergo initio furiosis ac prodigis tantum obtruderentur curatores: factum inde est, ut cum aliquo famae detrimento coniuncta videretur curatio. Iniquum enim habetur, *ingenuis hominibus non esse liberam rerum suarum alienationem.* *L. 2. D. si a parente quis manumiss.* Ergo praeter furiosos & prodigos nemo inuitus accipiebat curatorem, & ne minor quidem, quamvis infirmum esset in tam lubrica aetate consilium, cuiusquam curationi suberat, antequam *lex Laetoria* ea in re adolescentibus prospiceret. Quando lata sit ea lex, nondum constat. Antiquissimam esse, vel ex eo patet, quod iam Plautus *Pseudol. I, 3. v. 68.* eius meminit sub nomine legis *quinae vicennariae*. Quum ergo M. Laetorius Plancianus au. V. C. cccxc. tri-

(c) Qui sint agnati, qui gentiles, infra Lib. III. Tit. II. explicabitur. Iam nota originem adagii, quod in homines stultos dicitur; *Ad agnatos & gentiles.* Vid. Varr. *de re rust. I, 2.* Columell. *X, 1.* Horat. *Sat. II, 3.*

tribunus plebis fuerit, & postea anno cccxcvii. praeturam gesserit: verissimum est, hoc anno latam esse legem Laetoriam. Vid. Gundling. *Pand. Lib. IV. Tit. IV. §. V.* Ceterum hac lege cauebatur, vt adolescentibus viginti quinque annis minoribus, petentibus curatores, causa cognita, darentur. Iul. Capit. *Vit. Marci Ant. XI.* Deinde & eadem lege vindicabatur circumscriptio adolescentum, rescissis fraudibus versutorum hominum, qui lucrum aliena ex imbecillitate captabant. Cic. *de offic. III, 15.* Denique & stipulationes ab adolescentibus & actiones creditorum aduersus minores hac lege Laetoria sublatae sunt. Vnde Suetonius *in libris praetorum* apud Priscian. *Lib. XVIII. Laetoria, quae vetat minorem annis XXV. stipulari.* Et apud Plautum *l. c.* Callidorus adolescens:

*Perii, an non tum lex me perdit quinauicennaria?*

*Metuunt credere omnes.*

VII. Ex eo ergo tempore, quum quibusdam tantum minoribus, petentibus puta ac causam probantibus, curatores darentur, adeoque existimatio adolescentum ea curatorum datione etiam post legem Laetoriam laedi videretur: postea edixit Praetor, se non modo in integrum restitutum minores, (a) *quoties lubri-*

VII. Ea  
demum  
edicto  
Praetoris  
inducta.

(d) Talis restitutionis si iam mentio fit apud Terent. *Phorm. II, 4.* fati apparet, iam saeculo ab V. C. sexto praetorem id ius condidisse. Sed vereor, ne ibi Terentius potius de restitutione patris, quo absente filius uxorem duxerat, quam filii, qui se a Phormione



*lubrico aetatis capti essent* : (quod beneficium TVTELA MINORVM dicitur, L. 1. pr. D. de min.) sed & curatores iisdem daturum, dummodo eos a se peterent. L. 13. §. 2. D. de tut. & curat. dat. Vnde proprie curatio minorum sine causae cognitione data ex edicto Praetoris deriuanda est. Idem Praetor etiam curatores dabat libertinis prodigis, itemque ingenuis, qui ex testamento parentis heredes facti, male dissipabant bona. His enim curator ex lege dari non poterat, sed iis, qui ab intestato heredes facti essent (f) patri. Vlpian. *Fragm. XII. 1.*

VIII.  
Quid M.  
Antoninus  
sanxerit?

VIII. Demum & M. Antoninus Philosophus statuit, ut omnes minores, salua existimatione, acciperent curatores, causa non cognita. Iul. Capitolin. *in vita Marci XI. De curatoribus vero, quum ante non nisi ex lege Laetoria, vel propter lasciuiam vel propter dementiam darentur, ita statuit, ut omnes adulti curatores acciperent, causis non redditis.* Iuuabit hunc locum a plerisque male intellectum, & qui me quoque huc usque decepit, expendere paullo accuratius. Paucissimi enim, si nonnulli, vident, quid sanxerit Mar-

ad id coactum dicebat, loquatur. Verba Comici sunt v. 10.

*Sic hoc videtur: quod TE ABSENTE hic filius  
Egit, restitui in integrum aequum est & bonum.  
Et id impetrabis*

(e) Lex ergo XII. Tabularum de prodigorum curatione intelligenda tantum de illis prodigis, qui iure civili ab intestato parenti erant heredes. Vid. Iac. Gothofr. *ad XII. Tab. probas. Tab. V, p. 98.*

(a)

Marcus Antoninus, & qua in re eius constitutio a laege Laetoria discreparit. Lege XII. Tabularum soli furiosi & prodigi accipiebant curatores. Hinc ignominiosa quodammodo erat curatio & proinde non inuitis Minoribus curatores obtrudebat lex Laetoria, sed petentibus eos caussa cognita dari iubebat. Quamuis enim vulgo ex loco hoc Iulii Capitolini colligant, lege Laetoria tantum *adolescentibus dementibus & lasciuis* datos esse curatores, vti ipse quoque in antecedentibus editionibus scripseram: facile tamen patet, ita nihil noui sanxisse Legem Laetoriam, quum iam pridem furiosis & prodigis prospectum esset XII. tabulis, nec dubitari posset, quin adolescentibus lasciuis & dementibus huiusmodi curatores dari deberent, quum & maiores XXV. annis in curatione sint, si dementes vel lasciuui esse viderentur. Itaque non est hic sensus Iulii Capitolini. Potius inter se contendit iura de curatione, ante Antoninum recepta & quae ab isto Imperatore sint inuecta. *Antea inquit, curatorum non nisi tria genera erant, quum nonnisi ex lege Laetoria minoribus petentibus & causam probantibus, vel secundo propter lasciniam prodigis, quibus Praetor bonis interdixit, vel propter dementiam furiosis & mente captis curatores darentur.* Quid vero Marcus Antoninus? *Is ita statuit, vt non solum petentes, sed omnes adulti curatores acciperent etiam non redditis causis.* Ex hac demum paraphrasi perspicue patet, quid Lex Laetoria, quid M. Antoninus Imp. iusserit, quidque sibi velit Iulius Capitolinus.

IX. An ex  
eo tempo-  
re curato-  
res inuitis  
adoleſcen-  
tibus dati?

IX. Nimirum Lex Laetoria dari voluerat  
curatores adoleſcentulis petentibus & cauſſam  
probantibus: Praetor a ſe petentibus curato-  
res promiſerat daturum, etiamſi cauſſa non  
reddita. Marcus denique Antoninus ſtatuit  
vt & omnes acciperent, nec cauſſae redderen-  
tur. *Atqui, inquires, adhuc Iuſtiniani aeuo in-  
uiti adoleſcentes curatores non accipiebant.* §. 2. *Inſt. b.*  
*t.* An itaque cum Raeuardo *Var. l. 17.* inſcitiae  
arguemus Tribonianum, ius antiquum pro no-  
uo & recepto obtrudentem? An cum Vulteio  
*ad d. §. 2. Inſt. b. t.* eum locum de curatore in li-  
tem interpretabimur? Neutrum ego facere au-  
ſim. Vtrumque enim verum videtur, non in-  
uitos accipere curatores, & omnes tamen acci-  
pere. Prius non ſolum Iuſtinianus dicit, ſed  
& alii Icti Antonino iuniores confirmant. *L. 13.*  
*§. ult. D. de tut. & cur. dat. L. 2. §. pen. & ult. D.*  
*qui pet. tut.* poſterius ex verbis Iulii Capitolini  
clarum eſt. Seruauit itaque Marcus Antoni-  
nus vetus illud principium, curatorem dari,  
oportere non inuitis, ſed petentibus: at inue-  
nit tamen modum, quo omnes petere cogeren-  
tur. Non prius enim rerum ſuarum admini-  
ſtrationem a tutoribus recipiebant adoleſcen-  
tuli, quam petitis conſtitutisque curatoribus.  
Luculenter id patet ex *L. 33. §. 1. D. de admin. &*  
*per. tut. L. 28. §. 1. eod. L. 31. eod. L. 1. §. ult. D. de*  
*min.* Sunt, qui nobis obuertunt exempla ado-  
leſcentum, qui ſine curatorum auxilio res ſuas  
dicuntur adminiſtraſſe. *L. 7. §. 2. D. de min. L. 3.*  
*C. de in int. reſt.* Verum ea loca non ad ius, ſed  
ad factum, pertinere, nemo non videt. Nam  
&

& impuberes aliquando negligentia eorum, qui tutores petere debuissent, sine custodibus erant, vti ex toto titulo *D. qui pet. tut. vel cur.* colligimus: nec tamen inde sequitur, vt in arbitrio impuberum fuisse, existimemus, sine tutoribus agere mallent, an custodibus subesse Sed plura hanc in rem habes in *Elem. nostris iur. ciu.* §. 271. *sequ.* & in *Additionibus nostris ad Vinn.* §. 2. *Inst. h. t.* p. 116. *sequ.*

X. Finiebatur curatio minorum anno aetatis XXV, circumacto, *L. 3. §. 3. D. de minor.* Quum enim longissimum vitae humanae tempus centum annis circumscriberent iure consulti: *L. 76. D. de iudic. L. 56. D. de usufr.* eo in quatuor aetates diuiso, iuuentuti XXV. annos putabant assignandos uti acute coniicit Gundlingius *ib.* §. IV. Id quod eadem lege Laetoria factum esse, non modo inde patet, quod *Quinauicennaria* a Plauto dicitur, verum etiam ex *L. 2. C. Theod. de donat.* manifestum est. Nonnunquam tamen iuuenes impetrabant *veniam aetatis*, quod beneficium Principes dabant adolescentibus XX. puellis XVIII. annorum si frugi esse probarentur, *L. 2. C. de his qui ven. aet.*

X. Cura-  
minorum  
quando  
finita?

XI. Ipse tutor, si valetudine impeditus negotia pupilli maxime in iudicio gerere non posset, nec curatorem, nec procuratorem constitutuere poterat. Hunc enim solus constituebat dominus. *L. 1. D. de procur.* Quare noua inuenienda erant nomina. Rogatu ergo tutoris eiusque periculo Praetor ei substituebat alium, qui, si ad agendum esset datus, ACTOR;

XI. Quid  
Actor &  
adiutor?



finad alia negotia ADIVTOR vocabatur. L. 24. D. de administr. tut. & L. 13. §. 1. D. de tutel. Actores, non, vt Theophilus existimat, ideo dicti sunt, quod *ad acta* constituerentur, sed ab *agendo*, vnde & *πραγματευται* dicuntur Graecis. Translatum vero hoc nomen est ad vicariam tutelam ex institutis veterum domesticis, Domi enim e seruis quemquam praeficere solebant rei familiari, qui & ipse ACTOR vel *πραγματευτής* nec non *διοικητής πάσης οσίας* vocabatur. L. 8. D. fam. ercisc. L. 40. §. 7. D. de statu lib. L. 41. §. 4. D. de fideicomm. libert. Et talem se esse simulabat Leonidas apud Plaut. *Afm.* II, 4. v.

53.

*Nam si sciet noster senex, fidem huic non esse habitam,*

*Succenseat, cui omnium rerum ipsus summam credidit.*

Talis quoque est, quem describit Lucas cap, XII, 44. Add. Raeuard. *Var. Lect.* V, 20. & Wower. *ad Petron.* p. 149. qui actores, dispensatores, vel arcarios accurate distinguit. Sed & in fundos mitti solebant serui, qui ceteris tamquam vicarii dominorum, imperarent, fundumque domino colerent, & hi ipsi etiam dicti *actores*. L. 32. D. de pign. Plin. *Epist.* III, 19. Paull. *Rec. Sent.* III, 56. 47. 48. Quemadmodum ergo. qui in aedibus vice domini rem familiarem curabat, ACTOR dici consueuerat: ita idem nomen conuenire eis visum est, qui pro tutore agerent. Vid. Melch. Goldast. *Adnot. ad Dosithei sentent.* & *Epist. Hadr.* III, 10. p. 868. edit. Cl. Schultingii.

TIT.

## TIT. XXIV.

DE

SATISDATIONE TUTORVM  
VEL CVRATORVM.

**D**E SATISDATIONE tutorum & curatorum iure antiquo nihil fuerat proditum : unde & nullum huius rei vestigium in vniuersa antiquitate exstat. Quum tamen pupilli magnū inde caperent detrimentum : de satisdatione quoque cauere coeperunt leges, de eaque paucis hic est agendum.

I. Satisfactio haec inuenta est a Praetoribus, quorum in edicto legebatur: REM PUPILLI VEL ADOLESCENTIS SALVAM FORE, TUTOREM VEL CVRATOREM SATISDARE IVBEBO. *arg. rubr. D. rem. pupill. salu. fore. L. 5. §. 1. D. de legit. tut.* Cauebant vero ex eo tempore non tutores testamentarii, quippe quorum fidem ipse testator probauerat, nisi vnus reliquis vellet in administratione praeferrī: *pr. Inst. L. 7. D. h. t. nec ex datiuis, qui a magistratibus maioribus cum inquisitione erant dati sed partim legitimi, partim e datiuis illi, qui a duumviris, aliisque minoribus potestatibus fuerant dati. L. ult. C. de magistr. conu.* Et huc pertinet formula: TUTOREM DO, SI SATISDEDERIS. *Briffon. de Form. V. p. 408.*

I. Satisfactio  
tionis hu-  
ius origo.

II. Confirmavit id SCo quodam Traianus. *II. Senatus  
qui & actionem dedit contra Duumuiros, si vel  
P 5  
negle-*  
*consulta  
sub Traia-*

no & An-  
tonino ea  
de re fa-  
cta.

neglexissent a tutoribus & curatoribus exigere cautionem, vel minus idoneos admisissent fideiussores. Qua de re Dioclet. & Maximianus Augusti L. 5. C. de magistr. conu. In magistratus municipales, tutorum nominatores, si, administrationis finito tempore, non fuerint soluendo, nec ex cautione fideiussionis solidum exigi possit, pupillis quondam in subsidium indemnitis nomine actionem utilem competere ex S.C. quod auctore diuo Traiano, Parente nostro, factum est, constituit. Eam actionem deinde D. Pius etiam ad ipsos magistratuum heredes extendit, si culpa magistratuum lata intercessisset. L. 6. D. de magistr. conuen. L. 2. C. eod.

III. Quo-  
modo fa-  
ciendum?

III. Ipsa satisfactio fiebat oblati fideiussoribus, (nec enim alia poterat esse cautio praetoria L. 7. D. de stipul. praet.) a quibus vel ipse pupillus, si dari posset, vel, si non posset, seruus siue proprius, siue publicus, vel Tabularius stipulabatur, REM PUPILLI SALVAM FORE. Vlpian. L. 2. D. rem. pup. salu. fore: Si pupillus absens sit, vel dari non possit, seruus eius stipulabitur: si seruum non habeat, emendus ei seruus est: sed si non sit, unde ematur, aut non sit expedita emptio: profecto dicemus, seruum publicum apud praetorem stipulari debere. Solebat & praetor nonnunquam dare, cui fideiussores stipularentur. L. 3. eod. Nimirum seruus proprius stipulatione sua domino, id est, pupillo adquirebat. §. 2. Inst. de stip. seru. Nec minus publicus seruus recte stipulabatur pupillo, quia erat in dominio reip. Publico vero nomine & alteri stipulari licebat. L. 3. D. de praetor. stip. L. 1. §. 4. D. ut legator. Iac. Gothofred. Comment. ad tit. de reg. iur. p. 312. Dicitur eiusmodi stipulatio

latio facta τῷ ταβερναρίῳ apud Theoph. §. 3. *Inst. de adopt.* Quam loquutionem eleganter explicat Amaya ad L. 3. C. de Tab. scrib. logograph. Formula stipulationis procul dubio fuit : FIDE TVA PROMITTIS, REM PVPILLO SALVAM FORE? FIDE MEA PROMITTO.

## TIT. XXV.

DE

EXCVSATIONIBVS TUTORVM  
VEL CVRATORVM.

**T**Vtela iure Romano erat munus publicum. *princ. Inst. h. t.* Quemadmodum vero alia munera, excusationibus prolatis, amoliri a se poterant ciues & municipes : ita etiam fuerunt EXCVSATIONES, quibus tutelam & curationem possent recusare. Immo & causae erant, propter quas arcebantur a tutela etiam illi, qui eam non recusarant, quas ipsas quoque excusationibus tutorum & curatorum accensent ICTi, quibus EXCVSARI dicuntur, etiam qui non admittuntur. L. 1. §. D. de postul. Propria itaque ICTis est haec vocabuli notio, & tam ab usu remota, ut Graeci, quum verba παραιτέιθαι, ἀπολογείθαι, προφασίζεσθαι illam non exhaurire animaduerterent, verbum Latinum ἐξκυστέειν adoptare non dubitarent. Harmenop. *Enchir.* 11, §. 6. l. 30. 80. Add. V. A. Corn. van Bynkersh. *Obs. IV*, 11. p. 385. *sequ.* & *Elem. nostra iur. civ.* §. 288. Ex quo simul patet, in  
L. 11.



L. II. D. de decurion, non esse quod pro EXCVSARE rescribamus EXCVRIARE cum Cuiac. Obs. XXVI, 38. Vnde iam excusationes merito in voluntarias, necessarias & mixtas distinguuntur.

I. Excusabat I. numerus liberorum.

I. Prima causa, eaque voluntaria, est NUMERVS LIBERORVM, quorum tres Romae excusant, in Italia quatuor, & in prouinciis quinque, pr. Inst. h. t. Hoc quum ad famosum illud ius trium quatuor & quinque liberorum pertineat: quale illud fuerit, ex antiquitatibus Romanis erit paullo altius repetendum,

II. Cur Romani a nuptiis & procreatione liberorum abhorruerint?

II. Plurimi Romanorum, dici non potest, quantum a nuptiis abhorruerint. Causae huius rei variae, amores furtiui, (a) luxuria matronarum, de qua eleganter Plaut. Mil. Glorios. III, 1. v. 92. seq. & praecipue illa orbitatis praemia, quae toties celebrant veteres. Colebantur eiusmodi *μισογάμοι* ab omnibus, viaque ipsis ad honores & commoda patebat, nemine illis negante suffragium, ob hereditatem, quam quisque spe deuorauerat. Vnde lepide senex ille

(a) Hanc causam ipse obseruat Augustus Imp. apud Dion. Cass. VI. p. 576. ubi inuectus in caelibes: *Οὐ γὰρ δὴ δῆπου μοναυλία χαίρετε, ἴν' ἀνευ γυναικῶν διάγητε. ἔτε ἔστιν, ὅσις ὑμῶν ἢ σιτεῖται μόνῳ ἢ καθέυδει μόνῳ, ἀλλ' ἐξουσίαν καὶ ὑβρίζειν, καὶ ἀσελγαίνειν ἔχειν ἐθέλετε. Neque adeo vos solitudo viuendi capit, ut absque mulieribus degatis, ac non quilibet vestrum mensae lectique sociam habeat, sed licentiam libidini ac lasciuiae vestrae quaeritis,*

ille Periplectomenes apud Plaut. *Milit. Glorios.*  
*III, 1. v. III. sequ.*

*Quando habeo multos cognatos, quid opus mihi sit  
 liberis?*

*Nunc bene viuo ac fortunate, atque ut volo, at-  
 que animo ut lubet.*

*Mea bona morte cognatis dicam, inter eos par-  
 tiar.*

*Illi apud me edunt, me curant, visunt, quid  
 agam? ecquid velim?*

*Priusquam lucet, adsunt, rogitant, noctu ut  
 somnum ceperim?*

*Eos pro liberis habeo; quin mihi mittunt mu-  
 nera;*

*Sacrificant; dant inde partem maiorem mihi,  
 quam sibi:*

*Adducunt ad exta: me ad se ad prandium, ad  
 coenam vocant:*

*Ille miserrimum se retur, minimum qui misit  
 mihi.*

*Illi inter se certant donis: ego hoc mussito me-  
 cum:*

*Bona mea inhiant, certatim mittunt dona &  
 munera.*

Sed & de suo tempore conqueritur Plin. *Hist.*  
*Nat. XIV. prooem; coepisse orbitatem in auctoritate  
 summa & potentia esse, captationem in quaestu maxi-  
 mo. Et Seneca Consolat. ad Marciam XIX. In  
 ciuitate nostra plus gratiae orbitas confert, quam eripit.  
 Adeoque senectutem solitudo, quae solebat destruere, ad  
 potentiam ducit, ut quidam odia filiorum simulent, &  
 liberos eiurent, & orbitatem manu faciant. Addi  
 merentur Petron. *Satyr. p. 106, vbi Romano-*  
*rum**

rum mores sub Crotoniatarum nomine fale satyrico defricat, vt & Tacitus *Annal. XIII*, 52. *de Moribus Germ. XX*. Ammian. Marcellin. *XIV*, 19. Denique & erant, qui philosophiae causa abstinebant a matrimonio exemplo veterum Thaletis, Pythagorae, Democriti, Platonis, Zenonis Cittiei, Epicuri. Ita sane & recentiores in orbe Romano philosophi sibi putabant faciundum, veluti Apollonius Tyanensis, Epictetus, Plotinus, Porphyrius, Proclus. Vid. Philostrat. *Vit. Apollon. I*, 10. Marin. *vit. Procli Cap. XVII*. p. 59. & ibi Cl. Fabric. Quae quum ita se haberent, non mirum profecto est, adeo abhorruisse Romanos a nuptiis quaerendisque liberis, vt praemiis essent ad coniugia ineunda inuitandi. Fusius haec illustrauimus in *Comment. ad L. Iul. & Pap. Lib. I. cap. II. p. 35. sequ.*

III. Poenae  
caelibatus  
& praemia  
foecunditatis in  
libera rep.

III. Equidem iam libera republica & poenas caelibatus, & foecunditatis praemia fuisse, certissimum est. Legum eiusmodi & a senatu & a populo conditarum meminit ipse Augustus oratione ad caelibes apud Dion. Cass. *Hist. LVI*. p. 660. Solebant & censores dare operam ne caelibes essent in vrbe, atque hinc multam exigere ab iis, qui, nulla ducta vxore, ad senectutem peruenissent. Ea multa dicebatur *aes vxorium*. Festus *voce vxorium*. p. 478. *Vxorium pependisse dicitur, qui, quod vxorem non habuerit, aes populo dedit.* Qua in re rigida inprimis ac seuera fuit censura M. Furii Camilli & M. Postumii Albin Regillensis, anno V. C. cccl. de qua Plutarch. *vit. Camilli* p. 129. & Valer. Max. *II*, 9. 1. Ita & anno l<sup>o</sup> cxxii. Q. Caecilius Metellus Macedonicus

nicus omnes vxores ducere coegit liberorum quaerendorum causa. & tum habuit orationem, cuius partem seruauit Gellius *Noct. Att. I, 6.* quaeque digna visa Augusto, quam in senatu repeteret, quum suaderet Legem Iuliam de maritandis ordinibus. Suet. *Aug. LXXXIX.* Nonnunquam censores caelibes etiam in quatuor tribus urbanas, ceteris inhonestiores maritos & parentes in rusticas, tanquam nobiliores, describebant. Liu. XLV, 15. Nec poenis tantum, sed & praemiis, ea in re utebantur veteres, & inprimis honoribus ciues inuitabant ad ducendas vxores, ceu patet ex insigni oratione P. Scipionis, Censoris, anno V. C. 10 LIII. apud Gell. *Noct. Att. V, 19.* vbi etiam ille prauus mos reprehenditur, quod filius adoptiuus patri adoptatori inter PRAEMIA patrum prodesset.

I V. At paullo post tamen & Iulio Caesari legibus promouenda visa est πολυπαιδια ciuium. Iam in consulatu, quem cum Bibulo gessit, agrum Campanum diuisit extra sortem XX. millibus ciuium, quibus terni pluresue liberi essent. Suet. *Iul. XX.* Appian. *de Bello ciuil. II. p. 433.* Postea, vbi bellum ciuile detonuerat, acto censu, tantam deprehendit in vrbe solitudinem, vt teste Appiano *de Bello ciu. II. p. 492.* dimidio minus capitum censeretur, quam ante bellum ciuile. Vnde denuo praemia proponenda existimabat iis, quibus plures essent liberi. Dio Cass. *Hist. XLIII. p. 256.* Suet. *Iul. XLII.* Sed, eo paullo post interfecto, non diu admodum leges istae saluberrimae viguerunt.

I V. Praemia πολυπαι-  
dias a  
Iulio Caesare pro-  
posita.



V. Prima  
Augusti  
rogatio de  
poenis  
caelibatus  
& praemiis  
ποινῶν καὶ  
πραιμίων

V. At multo magis haec cura Augusti subiit animum, qui tamen non nisi post multa molimina solitudini isti inuenit remedium. Primum id egit anno V. C. DCCXXV. quo censum cum Agrippa, tamquam Praefectus morum, egit. Grut. *Inscript. p. CCXXX*. Nam ex eo demum tempore sexto inito consulatu, potentiae securus, quae triumviratu iusserat, aboleuit, deditque iura, quae pace & principe vterentur. *Arctiora ex eo vincula, inditi custodes & lege Papia Poppaea praemiis inducti*. Tacit. *Annal. III, 28*. Ex quibus tamen verbis Lips. in *Excess. ad Tac. Ann. Lib. III. litt. C.* male colligit, iam sexto illo consulatu Augustum rogationem ad populum tulisse. Incertum enim hoc esse ostendimus in *Comm. ad L. Iul. & Pap. Lib. I. Cap. III. pag. 41*. Saltem si quid sexto consulatu egit Augustus, tum quidem nihil profecisse videtur.

VI. Lex Iulia de maritandis ordinibus.

VI. Decennio post A. V. C. DCCXXXVI. denuo eandem rem egit, lata celeberrima illa lege Iulia de maritandis ordinibus, qua & innuptis arctiores poenas statuit, & nuptiis liberorumque procreationi proposuit praemia Dio Cass. *Hist. LIV. p. 608*. Dici non potest, quantis cum difficultatibus tunc colluctandum esset Augusto. Quamuis enim orationem Metelli, de qua supra, in Senatu haberet: Suet. *Aug. LXXXIX. Epit. Lin. LIX.* magno tamen patrum consensu ei occlamatum est, teste Dione Cassio, sequutum tamen SC. de ferenda lege, de quo Horat. *Epod. XVIII. v. 17*:

*Diua, producas sobolem, Patrumque  
 Prosperes decreta super iugandis  
 Feminis, prolisque nouae feraci  
 Lege marita.*

Sed licet tum Augustus tam certus esset de successu huius rogationis, vt legis huius in antecessum meminerit in luculenta Inscriptione apud Grut. p. CCCXXVIII, 1. quam nos suppleuimus illustrauimusque in *Comment. ad L. Iul. & Pap. ibid. p. 43. seq.* Legem tamen perferre ne tum quidem potuit prae tumultu recusantium. Sueton. *Aug. XXXIV.* Eoque respicit Propertius II, 7.

*Gauisa est certe sublata Cynthia lege,  
 Qua quondam edicta, flemus uterque diu,  
 Ne nos diuideret.*

Repetitis tamen aliquoties rogationibus, ita demum perlata est, vt adempta lenitaue parte poenarum, auctisque praemiis, vocatio triennii concederetur. Sueton. *Aug. XXXIV.* Triennio vero illo circumacto, denuo biennii data est vacatio, adeoque lex illa de maritandis ordinibus demum anno DCCLVII. Sex Aelio & C. Sentio Saturnino Coss. perlata, annoque DCCLXII. per legem Papiam Poppaeam confirmata, vires suas exferere coepit, Dio LVI p. 661.

VII. Nimirum vicerat caelibatus orbitatisque amor, adeo, vt A. V. C. DCCLX. equites Romani magnopere de abroganda hac lege laborarent. Tunc quidem Augustus insignes illas habuit orationes tam ad caelibes quam ad coniuges, quas seruauit Dio Cass. LVI. p. 656.

VII. Lex  
 PapiaPop-  
 paea &  
 praemia  
 πάλυται-  
 διας.

Q

*sequ.*

*sequ.* Add. Suet. *Aug.* XXXV. At statim anno V.C. DCCLXIII. ferri iussit legem Papiam Poppaeam quae in iure nostro etiam lex Iulia & Papiæ appellatur, quia in eam Iuliae istae rogationes pleraeque confluerant. Tulerunt hanc legem ad populum M. Papius Mutilus & Q. Poppaeus Secundus, consules suffecti (b) quorum neuter vel uxorem habebat, vel liberos, Dio Cass. LVI. p. 662. ex quo, quam fuerit haec lex necessaria facile intelliges. In ea capita haut pauca agebant de praemiis *πολυπαίδιας*. Sic e pluribus candidatis praeferebatur is, qui plures sustulisset liberos. Tacit. *Annal.* XV, 19. Plin. *Epist.* VII, 16. E consulibus quoque prior sumebat fasces, qui collegam liberorum multitudine anteibat. Gell. *Noct. Att.* II, 15. Latini porro ob filium filiamue anniculum anniculamue, Latinae vero ob ternos partus ius Quiritium consequebantur. Vlp. *Fragm.* III, 1. Liberti ob multitudinem liberorum ab operis; ingenuae & libertae a tutela liberabantur L. 37. *D. de oper. libert.* Plut. in *Numa* p. 66. Dio *Hist.* LVI, p. 578.

- (b) In plerisque fastis hoc par consulum desideratur. Sed rem expediunt fragmenta Capitolina apud Pighium *Annal* p. XIX, in quibus huius anni consules ita recensentur: C. POPPAEVS. Q. F. Q. N. SABINVS. Q. SVLPICIVS. Q. F. Q. N. CAMERINVS. EX. K. IVL. M. PAPIVS. M. F. M. N. MVTILVS. Q. POPPAEVS. Q. F. Q. N. SECVNDVS. Exstant quoque vtriusque numi apud Golzium in *Fast.* p. CCXXIX. *seq.* ubi tamen Poppaeus non *Secundus* sed SECVNDIVS cognominatur. De gente Papiæ videndus Patin. *de famil. Rom.* p. CCCXXIX. & de vtraque *Comments, noster ad L. Iul. & Pap. Lib. I. Cap. IV.*

578. *Fragm. Regul. ex vetere Icto. §. VI. Vlp. Fragm. XXIX, 2. 3.* Iuuabant etiam liberi in hereditatibus & solidi capacitate. *Vlp. Fragm. tit. XV. XVI.* Immo & honoratior in theatro locus dabatur iis, qui plures haberent liberos. *Gothofred. ad Leg. Pap. Popp. cap. VII. sequ. p. 230.* Inprimis vero hac lege fuerat cautum: ut qui secundum hanc legem liberos tres, Romae natos, superstites, qui quatuor in Italia, qui quinque in prouinciis haberet, omnium munerum personalium immunitatem haberet. *pr. Instit. h. t. L. 1. C. & ult. qui num. liber L. 18. D. de excus. tut.*

VIII, Hinc ergo natum famosum illud ius VIII. Ius liberorum trium quatuor quinque. trium, quatuor & quinque liberorum, quod tamen & liberis orbi, immo & steriles nonnunquam, beneficio principum, obtinebant. *Exempla sunt apud Plin. Epist. II, 13. VII, 16. X, 95.* immo & in inscriptionibus, veluti in illa apud *Grut. p. c10 LXXXI.* ubi laudatur **STATIA IRENE, IVS LIBERORVM HABENS**, & in aliis, in quibus frequentissimae litterae **I L H.** id est **IVS LIBERORVM HABENS.** *Brummer: de Lege Cinc. XIV.* Apud eundem *Grut. p. cccxxii, 8.* mentio fit **Albiae Flaminicae, CVI IMP. IVS COMMVNE (c) LIBERORVM CONCESSIT.** & *p. DCXXXI, 2.* **Persicus libertinus sepulcrum se condidisse testatur C. CORNELIO. PERSICO F. HABENTI EQVVM PVBLICVM, & CORNELIAE, ZOZI-**

(c) Legendum forsan **IVS COMMVNIVM LIBERORVM**, ob quod solidum capiebant inter se coniuges. *Vlp. Fragm. XVI. 1.*



ZOZIMAE, MATRI EIVS, HABENTI  
IUS QVATVOR LIBEROR. BENEFICIO  
CAESAR. Plura de hoc iure commentatus  
est M. Vetranius Maurus singulari libro *de trium  
liberorum iure*, (d) in quo tamen multa potius,  
quam bona & solida reperies.

IX. Profes-  
sio libero-  
rum apud  
praefe-  
ctum aera-  
rii.

I X. Quinam liberi profuerint ad capienda  
*πολυτεκνίας* praemia, de eo copiose satis dispu-  
tant iure consulti. Nos addimus, ne fraus legi  
fieret, cautum fuisse a Marco Antonino Impe-  
ratore, (e) vt professio liberorum intra diem  
tricesimum fieret apud praefectum aerarii, alte-  
rumque exemplum tabularum domi; alterum  
apud aerarium adseruaretur: id quod idem  
Imperator etiam in prouinciis fieri iussit. Iul.  
Capitolin. *vit. Marc. Anton. IX.* Et huc perti-  
net exemplum Gordiani, de quo idem Iul. Ca-  
pitolin. *Gord IV.* nec non lepida illa adulteri  
excusatio apud Iuuenal. *Sat. IX. v. 84. sequ.*

*Tollis*

(d) Librum hunc frustra a se bibliothecis quaesitum, ait  
Brummer. *ad Leg. Cinc. XIV.* Sed facile eum reperi-  
re potuisset in *Tractatu Tractatum Tomo VIII.*

(e) Ita rem refert Iul. Capitolinus. *Vit. Marc. Ant. Cap. IX.* Sed tamen iam ante a tempora clarorum viro-  
rum ortus in acta publica referebantur, vt ex Sueton.  
*Tiber. V. & Calig. VIII.* patet. Iuuenal. *Sat. IX. v. 82.  
sequ.* Fortasse ab omnibus & ob liberales causas  
id fieri iussit Antoninus, quod antea illustriores tan-  
tum familiae facere consueuerant. Plura nos in  
*Comment. ad L. Iul. Pap. Lib. II. Cap. IX. p. 213.* vbi &  
de *natalis & consualis professionis* discrimine, quam  
mentio fit in *L. 6. C. de fid. infr. & L. ult. C. sine censu  
vel reliq.*

(f)

*Tollis enim, & LIBRIS ACTORVM spar-  
gere gaudes*

*Argumenta viri : foribus suspende coronas,  
Iam pater es, dedimus, quod famae opponere possis,  
Iura parentis habes, propter me scriberis heres.*

Adde Briffon. *Antiqu. Rom. I, 5. p. 7.*

X. Voluntariis porro excusationibus ac-  
censenda II. *Administratio rei fiscalis.* Libera re-  
publica redditus omnes influebant in aerarium.  
At sub Imperatoribus separatae erant rationes  
*fisci* atque *aerarii*, τὸ βασιλικὸν καὶ τὸ ταμείον. Hoc  
ad populum, ille ad Principem pertinebat. Hinc  
saepe cum in iure, tum apud auctores iunguntur  
*iura fisci & populi.* Paull. *Sent. Recept. V, 12. L. I. D. de  
bon. dam.* Lamprid. *Alex. Seu. XII.* Hanc differen-  
tiam primus Augustus vel certe Tiberius reperit.  
Sane sub Tiberio diuersum a fisco fuisse aerariū  
patet ex Tac. *Ann. VI, 2.* A fisco iterum destincta  
erat *ratio Caesaris.* id est priuatum Principis pa-  
trimonium, de quo L. 6. §. ult. *D. de iure fisci.*  
Vnde toties memorantur PROCVRATORES  
HEREDITATIVM PRIVATI PATRIMO-  
NII, & similes apud Fabret. *Inscr. cap III.* &  
Phil. a Turre in *Monim. Vet. Ant. Cap. VI.* Vt  
iam non commemorem, quae ex Gruteri &  
Reinesii Thesauris eam in rem depromi pos-  
sent. Ast senescente iam sub principibus im-  
perio, nullum erat amplius inter fiscum & ae-  
rarium discrimen, nisi quod publica pecunia sa-  
crarum largitionum ; priuatum Principis patri-  
monium priuatarum rerum nomine veniret.  
Unde tituli C. *de comit. sacr. larg. & de com. rer. pri-  
uat.* Iam Dioni sane Lib. LIII. p. 511, vix liquet,

X. Fisci &  
aerarii vt  
& rationis  
Caesaris  
differen-  
tia.

quid inter Augusti & publicum intersit aerarium, & Glossae recentiores promiscue scribunt: *Ταμειον*, *fiscus*, *aerarium*. Paucissimi sane Principes Helvium Pertinacem imitabantur, qui Imperatoriis possessionibus nomen suum inscribi prohibebat, non esse illas dictitans imperantium proprias, sed communes Romanorum & publicas. Herodian. *Hist.* II, 4.

XI. Aerario qui praefuerint?

XI. Aerario initio praeerant Quaestores, quos Tacitus *Annal.* XI, 22. & Ulpianus, *L. 1. pr. D. de off. quaest.* Gracchani Iunii auctoritate, paene tam antiquos faciunt, quam ipsam urbem. Sed eosdem a Valerio Poplicola demum creatos, scribit Plutarchus *vit. Valer. Popl.* p. 103. Immo Pomponius eos ipsis Tribunis plebis Aedilibusque recentiores facit. *L. 2. §. 22. D. de Orig. iur.* Sed quemadmodum de Pomponio hic non multum laboramus: ita Ulpiano facile conciliabis Plutarchum, si Quaestores iam sub regibus fuisse, Valerium vero illum magistratum a Tarquinio Superbo abrogatum restituisse reipublicae, dixeris. Quod & Tacitus *l. c.* non obscure indicat, qui simul monet, consulibus initio mansisse potestatem quaestores deligendi, donec eum quoque honorem populus mandarit. Initio duo creati, ut rem militarem comitarentur: dein duo additi, qui Romae curarent, mox duplicatus numerus, stipendiaria iam Italia & accedentibus provinciarum vectigalibus. Post lege Sullae viginti creati, supplendo Senatui, cui ille Dictator iudicia tradiderat. Prolixe haec omnia Tacitus *l. c.* His ergo aerarii potissimum cura demandata fuerat  
a po-

a populo. Afcon. Paedian. in *Verrin.* II. p. 1839. Alt A. V. C. 10 CCIX. aerarii administratio, iubente Caesare, a Quaestoribus ad Aediles translata. Dio Cass. XLIII. p. 269. Augustus, ubi aerarium militare instituerat, eius curam demandabat viris praetoriis, quos primum a Senatu lectos, deinde sorte ductos, ac demum ab ipso Imperatore nominatos, constat. Suet. *Aug.* XXXV. Quaestoribus porro curam aerarii Saturni reddidit Claudius. Suet. *Claud.* XXIV. Denique administratio aerarii iussu Neronis fuit penes Praefectos aerario, (f) qui tamen etiam de causis fiscalibus iudicabant. Gell. XIII, 24. Tacit. XIII, 28. Iac. Guth. *de offic. Dom. Aug.* III, 32. Quum vero ab Augusti temporibus duplex esset aerarium, Saturni alterum, ita dictum a templo, Opis & Saturni in quo custodiebatur, alterum *militare*: duo quoque erant Praefecti aerario, vel diuersa saltim officia, vni aliquando personae demandata. Exemplum suppeditat marmor apud Gruter. p. MXXXVIII, 5.

XII. Fisco praeerant Procuratores, Aduocati, Patroni fisci, quorum passim in iure nostro mentio fit. Sunt etiam PRAEFECTI FISCIS XII. Qui fisco & patrimonio Caesarum? GERM. CAES. IMP. apud Grut. *Inscr. p.* CCCXCVIII.

(f) Quum vero ex lege Papia in aerarium & paullo post in fiscum etiam influerent vicefimae hereditatum: iis administrandis praefuerunt PROCVRATORES XX. HEREDITATIVM & PROMAGISTRI XX. HEREDITATIVM, quorum mentio fit in marmoribus apud Gruter. p. CCCCXVII, 7. CCCCXVI, 5. CCCCLIV, 8.



CCCCXCVIII, 10. A COMMENTARIIS FISCO ASIATICI, apud Reines. *Inscr.* IX, 33. PROCURATORES FISCO ASIATICI apud eundem *Class.* IX, 60. Immo creare Nerua coepit *Praetorem fiscalem*, qui de rebus fiscalibus ius diceret. *L. 2, §. 18. D. de orig. iur.* Patrimonia Principum Procuratores Caesarum administrabant. Denique postremis temporibus fisco Comes sacrarum largitionum; patrimonium principis Comes rerum priuatarum administrabat, de quibus videndi Gutherius *de offic. Dom. Aug.* III, 1. 16. 25. 32. & qui egregia multa hanc in rem collegit Gundlingius *Diff. de principe herede cap.* IV.

XIII. Rei  
fiscalis ad-  
ministra-  
tio excusa-  
tionem  
dedit vo-  
luntariam.

XIII. Quicumque ergo res fiscales administrabant, excusari poterant a tutela, non tam quia bona eorum fisco obligata erant, ut plerisque videtur: quam quod priuilegio se possent defendere. Hinc dicitur, *excusari eos posse §. 1. Inst. h. t. eos vacationem habere L. 10. C. h. t. priuilegio defendi L. ult. C. qui dari tut. poss.* Vnde patet, non necessariam fuisse hanc excusationem, sed voluntariam. Thomas. *Not. ad Inst. h. t. p. 110.*

XIV. Pote-  
stas quae a  
tutela ex-  
cusat quid.

XIV. Eadem de causa excusantur III. qui cum potestate sunt. Potestas vero diuersimode accipitur ab antiquis. Nonnunquam magistratibus urbanis opponuntur potestates in prouinciis apud Sueton. *Claud.* XXIII. *Iurisdictionem de fideicommissis quotannis, & tantum in vrbe delegari magistratibus solitam, in perpetuum; atque etiam per prouincias potestatibus demandauit.* Nonnunquam etiam in ipsa vrbe a magistratibus seiungebantur potestates. In vrbe enim erant, qui

qui ius dicerent, quamuis non essent magistratus ordinarii, veluti *Praefectus annonae*, *praefectus vigilum*, quos magistratus ideo esse negat Pomponius, L. 2. §. 33. *D. de orig. iur.* etiam hi dicebantur habere potestatem. Porro potestas distinguitur aliquando ab imperio, adeoque tribuitur iis magistratibus, qui neque vocationem neque prehensionem habebant, veluti *Quaestoribus*. Vid. infra *Lib. IV. Tit. VI. §. 5.* Nulla harum significationum hic inuenit locum. Cum potestate enim hic esse dicuntur, quicumque sunt cum imperio, id est, magistratus maiores, vel maioribus auspiciis & lege curiata creati. *Gell. Noct. Att. XIII, 14. L. 1. pr. D. si quis ius dicenti non obtemp.* *Huber. Praelect. ad Instit. I, 25. 4.* Vnde ne Aedilitas quidem excusabat L. 17. §. 4. *D. h. t.* Nam Aediles nec coercere poterant, nec iubere in carcerem duci, nec prehensionem habebant, sed ipsi in ius vocabantur. *Gell. Noct. Att. XIII, 15.* Postremo tamen participes huius beneficii facti sunt Senatores, L. 15. §. 3. *h. t.* immo & ἀρχοντες τῶν πόλεων, id est, Duumviri. L. 6. §. 16. *h. t.*

XV. De (V) paupertate, (VI) trium tularum onere, vt & (VII) imperitia litterarum nihil est, quod ex antiquitate monendum sit. Ast quum (VIII) & professio liberalium artium excusarit: huius quae fuerit Romae conditio, ostendendum erit paullo accuratius.

XVI. Grammatici, quos initio LITTE-  
RATOS, vel LIITERATORES adpellabant. (f) ferius Romae docuerunt. Ludimagistris, qui primis litterarum elementis imbue-

XV. De aliis excusandi causis.

XVI. Professio artis Grammaticae.

bant pueros, semper quidem procul dubio vſi ſunt Romani : ſed ab his diuerſi grammatici erant, id eſt, poetarum interpretes, Suet. *l. c.* Vnde & in iure noſtro a ludi litterarii magiſtris diſcernuntur. *L. i. pr. & §. 6. D. de extraord. cognit.* Grammaticam olim Romae ne in vſu quidem, nedum in honore fuiſſe, rudi ſcilicet ac bellicoſa tum ciuitate, docet Sueton. *de illuſtr. Gramm.* I. ex quo etiam diſcimus, mediocre eius exſtiſſe initium, profitentibus eam artem non niſi ſemigraecis, immo & libertinae conditionis hominibus. Sane L. TITINIVS L. L. AMAZON GRAMMATICVS memoratur apud Reineſ. *Inſcr. Claſſ. I.* 228 p. 216. M. POMPILIVS M. L. FORTVNATVS GRAMM. apud Grut. *Inſcr. p. MXXXV.* 6. vt alia iam exempla praetermittam, quae & ipſe Suetonius ſuggerit. Primus hoc ſtudium in urbem intulerat Crates Malleotes, qui miſſus ad ſenatum ab Attalo Rege, inter ſecundum & tertium bellum Punicum, quum fracto crure decumberet, adſidue differendo, Romana ingenia excitauit. Sequuti eum ſunt alii, praecipue poſt Q. Metelli tempora poſt quae adeo ſenſim creuit grammatices honor, vt ne clariffimi quidem viri ab ea ſe abſtinerent, & aliquando ſuper viginti celebres ſcholae in vrbe florent. Suet. *de Illuſt. Gramm.* III. Sed plerique docebant priuatim, aut certe magno virorum illuſtrium aere conducti. Primus centena in annum

(f) Teſte Sueton. *De Illuſtr. Gramm.* IV. vbi erudita ſunt, quae adnotauit Iſ. Caſub. p. m. 732.

num sestertia accepit Verrius Flaccus sub Augusto & Tiberio Suet. *de Gramm.* XVII. Postea sensim inualuit, vt & Grammatici publicis inuitati stipendiis docerent. Ael. Spartian. *Vit. Hadr.* XVII. adeo vt stipendium eorum ordinarium temporibus Luciani essent *μύρια δραχμαί*, id est sestertia quadraginta, aurei quadringenti, vel mille coronati monetae nostrae Belgicae. Vid. Gronou. de Pecun. vet. L IV. cap. XI p. 729 Inno & annona iis quotannis coepit distribui, quam aliquoties iis deminutam restitutamque esse, patet ex Symmach. *Epist.* I, 33. Cassiodor. *Epist.* IX, 21. vt & L. II. C. *Theod. de Medic. & Professor. Lib.* XIII. *Tit.* III.

XVII. Serius multo, immo & difficilior Romae recepti sunt rhetores, quippe quos anno V. C. lo xcii. C. Fannio Strabone & M. Valerio Messala Coss. SCo; deinde anno V. C. lo clxi. a C. Domitio Ahenobarbo & L. Licinio Crasso censorio edicto vrbe expulsos constat. Suet. *de clar. Rhet.* I. Postea & rhetoricam priuatim docere coeperunt plures, quorum aliquot recenset Sueton. *de clar. Rhet.* III. *sequ.* Primus vt diserte notat Euseb. *in Chron. n.* MMCIV, publice Romae docuit, salariumque e fisco accepit Quintilianus, idque sub Domitiano. At iam Vespasianum Latinis Graecisque rhetoribus annua centena id est, aureos mille e fisco constituisse, tradit Sueton. *Vesp.* XVIII. Posteriores Imperatores ea in re modo liberaliores modo tenaciores fuerunt. Sub Marco enim rhetorum stipendium fuere drachmarum decem millia, Lucian. *Emuch.* id est, aurei cccxxxiii

XVII.  
Professio  
rhetorices.

&



& regales IV. ceu rationes init Theod. Marcil. ad Suet. *Vesp. cap.* 18. vel cccc. vti Gronouius Tattianus qui sub Commodio floruit sexcentos aureos philosophis scribit datos, ex quo & salaria rhetorum sexcentorum aureorum fuisse videntur. Theod. Marcil. *ad Sueton. Vesp. l. c.* Immo Eumenius rhetor liberalitate Principis salarium sexcentorum millium nummum sese accipere gloriatur, in *Orat. pro restaur. schol.* XI, qui ex Gronouii calculo conficiunt XLV. milia florenorum Hollandicorum.

XVIII.  
Professio  
philosophiae.

XVIII. Eadem paene Romae philosophorum fata fuerunt. Ii quoque cum Rhetoribus pulsi A. V. C. DXCII. Idem saepius factum, cum antea, tempore Catonis, tum etiam sub Domitiano, Suet. *Domit. cap.* X. sub quo Epictetus quoque Roma excedere iussus est. Interea tamen semper priuatim floruit philosophiae studium. Primus philosophis stipendia & honores concessit Antoninus Pius. Iul. Capitolin. *Vit. Anton.* XI. vt & post eum D. Marcus, qui vt ipse serio philosophabatur, ita omnis generis doctoribus annuam mercedem constituebat. Xiphilin. LXXI. p. 814. Hoc quoque salarium annuum ordinarie DC. aureorum fuisse, ex Tatiano colligimus cum Casaub. *Not. ad Sueton. Vesp. cap.* 18. At nonnullis tamen minus datum est. Luciani enim tempore singula philosophorum genera acceperunt decem millia drachmarum, id est, cccc aureos Lucian. *Eunuch. p.* 161. Tomo IV. Tantundem datum fuit Theodoto Sophistae apud Philostr. *Vit. Sophist.* II.

XIX.

XIX. Medicina Romae fero coli, & in aliquo pretio haberi coepit. Seruos solos ac libertos artem hanc fecisse negat quidem Carolus Sponius *dans les recherches d'antiquité Dissert. XXVII.* sed eum artis suae amore falli, satis patet ex Sueton. *Calig. VIII. Quinctil. Inst. VII, 2.* Senec. *de Benef. III, 24.* Varr. *de re rust. I, 16.* Ipsi lapides nobis plura exempla seruant. Apud Reinesium *Inscr. Class. XI, 8.* est Q. CLODIVS, Q. L. NIGER, MEDICVS OCVLARIS. Apud Grut. *p. MCXI. 6.* Fabret. *Inscr. cap. IV. p. 300.* Spon. *Misc. Erud. Ant. p. 143.* & Maluas. *Marm. Felsm. p. 219.* TIBERIVS (ILLVSTRIVS,) TI. CAES. AVG. SER. CELADIANVS, MEDICVS OCVLARIVS, alia marmora, quae Graterianus Index in titulo : *officia domus augustae & prinatae* facile vnicuique suggeret, hic praetermittimus. Immo & seruas & libertas fecisse medicinam, patet ex marmoribus apud Gruter. *Inscr. p. DCXXXVI.* vbi occurrit IVLIA, Q. L. SABINA, MEDICA, MINVCIA. C. L. ASTE, MEDICA, SENTIA ELIS, MEDICA. Tales etiam erant obfetrices, quae medicamenta dare solebant, L. 9. *pr. D. ad L. Aquil.* veluti SVAVITAS L. AGREPINAE, OBSTETRIX, apud Grut. *Inscr. p. DCXXXVI, 4.* Ceterum primus medicos ciuitate donauit Iulius Caesar ; Suet. *Iul. XLII.* Augustus vero Antonii Musae, liberti, opera e graui ac periculoso morbo restitutus, Musae ius aureorum annulorum, vniuerso medicorum ordini immunitatem dedit Dio. *Cass. LIII. p. 592.* Hinc multis Vespasiani, Hadriani alio-

XIX. Professio medicinae.

aliorumque rescriptis confirmatum est illud priuilegium *L. ult. §. 30. D. de mun. & hon.* Postea quum nimis multi medicinam professi immunitate fruerentur certum definiri numerum placuit. *L. 6. §. 2. D. de excusat.* Alexander porro medicis annonam addidit. Lamprid. *Alex. XLII.* Posteriores vero Imperatores eorum immunitatem auxerunt ac confirmarunt plurimis constitutionibus, quae etiamnum exstant in *C. Theod. tit. de medic. & profess.* Brissou. *Ant. Sel. II, 3.* qui etiam sequente capite ostendit *Χειρουργαί* simul fuisse plerosque medicos. Hinc & *vulnerarii* vel *vulnerum medici* vocantur. Plin. *Hist. Nat. XXIX, 1.* nec non *medici chirurgi* in Marmore hoc apud Manut. *Orthogr. p. 243.*

CARESTE. CONSERVAE. ET. CON-  
IVGI.

GELADIUS. ANTINOVS. DRVSI.  
MEDICVS CHIRVRG.

BENE. MERENTI. FECIT. EA. VI-  
XIT. AN. XVII.

Apud Grut. *Insc. p. CCCC, 7.* laudatur MEDICVS CLINICVS. CHIRVRGVVS. OCVLARIVS. Celebres etiam fuere *iatraliptae*, seu medici vnguentarii, de quibus. Plin. *Hist. Nat. XXIX, 1.*

XX. Pro-  
fessio iuris  
pruden-  
tiae.

XX. Iurisprudentiae studium Romae semper floruit. Primus tamen illud professus est Tiberius Coruncanus. *L. 2. §. 2. D. de O. I.* Quem deinde alii sequuti sunt, qui vero, ut Cicero ait in *Bruto XLI. nullum sibi adeam rem tempus ipsi seponebant, sed eodem tempore & discipulis satisfaciebant, & consulentibus.* Sic verbi gratia Q. Scae-

Scaeuola, quanquam nemini se ad docendum dabat, tamen consulentibus respondendo, studiosos audiendi docebat. Cic. *Brut.* LXXXIX. Vid supra *Prooem.* n. 42. 43. Neque tamen certi quidam atque ordinarii erant iuris professores, sed, ut quisque studiorum suorum habebat fiduciam, ita consulentibus aequae ac discipulis se videtur dedisse. Postremo & iureconsulti publice, certo stipendio conducti, Romae docere coeperunt, eaque schola iuridica Romana in occidente vnica tam frequens fuit, ut ex omni occidente eo iuuenes confluerent. Sic Rutil. Numant. *in itinerar.* Lib. I. v. 109.

*Facundus iuuenis, Gallorum nuper ab aruis*

*Missus, Romani discere iura fori.*

Constantius in vita S. Germani Cap. III. *Vt in eum profectio litterarum plena conflueret: post auditoria Gallicana intra urbem Romam* **IVRIS** *scientiam plenitudini perfectionis adiecit.* Plura de hac schola Romana iuridica dabunt Io. Sauaro *ad Sidon. Apollin. Epist.* I, 6. ubi Sidonius Romam *domicilium legum* vocat, Franc. Iuret. *ad Symmach. Epist.* IX, 83. & Dadin. *Alteserra Rer. Aquit.* III, 5.

XXI. Florentissima ergo Romae fuit schola, in auditorio Capitolino, in qua Theodosii & Valentiniani aevo docuerant Rhetores Latini tres, Grammatici Latini decem, Sophistae Graeci quinque, Grammatici Graeci decem, Philosophus vnus, iurium professores duo. *Conring. Antiq. Acad. Dissert.* I, p. 22.

XXII. In prouinciis quoque floruerunt scholae, Augustoduni, Burdegali, Tholosae,

XXI. Qualis fuerit Romae schola publica.

XXII. Quales scholae per prouincias.

Nar-



Narbonae, Mediolani, Carthagine, & in ple-  
 risque ciuitatibus honoratioribus, in quibus ta-  
 men non nisi rhetores & grammatici vtriusque  
 linguae docuisse videntur. Conring. *l. c. pag. 16.*  
*sequ.* In oriente alia quodammodo fuit schola-  
 rum conditio. Alexandriae enim iam inde ab  
 Antoninorum aetate floruit schola *ιατροσοφιστῶν*,  
 id est medicorum, tanta celebritatis, vt ad  
 commendationem medici illud satis esse vide-  
 retur, si fuisset Alexandriae aliquamdiu com-  
 moratus. Ammian. Marcellin. *Hist. XXII, 43.*  
 Conring. *Medicin. Hermet. IX.* Beryti vero &  
 Constantinopoli etiam ius ciuile traditum. Et  
 Beryti quidem iam saeculo tertio exeunte stu-  
 dia iuridica floruerunt, *L. 1. C. qui aetat. vel pro-*  
*fess. se excus.* eandemque scholam eodem tempo-  
 re obseruante Menagio *Amoenit. iur. XXIV.* ma-  
 gnopere celebrauit. Gregor. *Thaumaturg. Paneg.*  
*Origen. p. 57.* Tacita sane huius scholae fuit ce-  
 lebritas, vt eam *μητέρα τῶν νόμων* matrem legum  
 adpellare non dubitet Eunap. *vit. Proaeres. p. 150.*  
*τὸ ἔδος χαρίτων, Gratiarum sedem* Ioannes in *An-*  
*thol. Lib. 1. cap. 68. epigr. 29. πόλιν Ῥωμαϊκωτέραν, καὶ*  
*τῶν νόμων - τῶν παιδευτήριον, ciuitatem plane Roma-*  
*nam, & legum Romanarum Gymnasium* Gregorius  
*Thaumaturg. l. c. δίκης πέδον ἄςυ θεμίσων, iuris do-*  
*micilium & urbem iureconsultorum.* Non in  
*Dionysiac. Lib. XLII. Legum denique nutricem* Iu-  
 stinianus. *Constit. omnem. §. 7. ad. Antecess.* Beryto  
 euocari consueuuisse iuris peritos, qui adfide-  
 rent magistratibus vt sine fauore & odio  
 cognoscerent, ex vetere chorographo obseruat  
 Iac. Gothofred, ad *L. 1. C. Theod. de adfess. domest.*  
 Docebant

docebant ibi Antecessores quatuor, ceu ex d. *Const. omnem, ad Antecessores colligit Menag. Amoen, Iur. Cap. XXIV. p. 134.* Sed vrbs, quae in iure nostro *pulcherrima & splendidissima*, immo *metropolis* vocatur, paulo post Iustiniani tempora terrae motu eversa est, Agath. II, p. 285. Quam ruinam epigrammate non vno defleri videas in *Anthol. I, 68. Epigr. 19. & sequ.* Constantinopoli iuris professores duos reliquis addidit Theodosius, philosophiae vero doctorem adiecit Iustinianus, vt adeo schola Constantinopolitana Romanae illi per omnia fuerit similis. Conring. *Antiq. Acad. Diff. I. p. 21. sequ.* Alibi, quam Romae, Constantinopoli & Beryti ius Romanum doceri, & maxime Alexandrinos & Caesarienses antecessores iuris habere, vetuerat Iustinianus. *Const. Omnem reip. §. 7. ad Antecessores.*

XXIII. Omnes ergo Grammatici, rhetores & medici Romae docentes, aut in patria has artes exercentes, qui intra numerum erant, a tutela & cura habebant vacationem. §. 15. *Inst. h. t.* I. 6. §. 1. *D. h. t. & tit. C. de profess. & medic.* Iis concessa. dem & philosophi accensentur. *L. 6. §. 5. D. h. t.* nec non iureconfulti Romae docentes, *L. 6. §. 12. D. eod.* immo omnes vbique artium professores. *L. 6. C. de profess. & med.* Minus vero eo priuilegio gaudebant hydraulae, poetae, alii-que quibus nullis in scholis publicis erat locus. Vinn. *Comm. ad §. 16. Inst. h. t. p. 132.*

XXIII. Immunitas a tutelis professoribus concessa.

## TIT. XXVI,

DE

SVSPECTIS TVTORIBVS VEL  
CVRATORIBVS.

**N**on solum excusari, sed & remoueri a tutela & curatione nonnulli poterant, si vel dolose vel segniter pupillorum minorumque res administrare & curare dicerentur, vel vlla malae fidei in eos caderet suspicio. Tales dicebantur SVSPECTI, & de his ad hunc titulum agendum.

I. Suspecti  
crimen e  
XII. Tab-  
ulis.

I. Suspecti crimen ex lege XII. Tabularum descendere, ipse agnoscit Imperator *princ. Inst. h. t.* vt & Vlpianus L. 1. §. 2. D. de *susp. tut.* nec obscure id testatur Cic. de *Offic. III*, 15. In iis tabulis cautum fuerat: SI TVTOR DOLO MALO GERIT, VITVPERATO, QVANDOQVE FINITA TVTELA ESCIT, FVRTVM DVPLIONE LVITO. Gothofr. *Leg. XII. Tab. VII.* Quamuis vero *suspecti* vocabulum in hac lege, si ita concepta fuit, non occurrat: praecipue tamen veteribus *suspicio* esse dicebatur, vbi dolus malus videbatur metuendus. Hinc Terentius *Eunuch. III*, 3.

- - - *Iam tum erat suspicio,  
Dolo malo haec fieri omnia.*

Quum ergo de eo tutore in lege ageretur, qui minus ex fide tutelam gereret: iureconsulti eum vocarunt SVSPECTVM, quemadmodum

dum & actionem ipsam *crimen suspecti* (a) adpellabant. *princ. Inst. h. t.* Quamuis autem ex XII. Tabulis sit hoc crimen : Decemuiri tamen illud, sicut & alia iura, ab Atheniensibus acceperant, apud quos nota erat ἡ τῆς ἐπιτροπῆς γράφη, quam cuius instituire licebat aduersus tutorem qui pupillum vlla adfecerat iniuria. Iul. Pollux *Lib. VIII. cap. VI. Segm. 35.*

II. Suspecti postulari poterant omnes tutores, siue dati ex lege Atilia, siue testamentarii, siue legitimi. *L. 1. §. 5. D. h. t.* Immo & patroni huic iudicio eatenus erant obnoxii, vt eorum famae parceretur, *L. 1. §. 5. D. §. 2. Inst. h. t. L. 9. D. de obsequ. par. & patr.* id quod etiam in agnatis obseruari, ipsius pupilli videbatur interesse : vnde & his potius curator adiungi solebat. *L. 9. D. h. t.* Praeterea & omnes postulare suspectos poterant promiscue, vnde & *quasi publica* erat haec accusatio *§. 3. Inst. h. t. L. 1. §. 6. D. h. t.* Quamuis enim vere publicum non esset hoc iudicium, quum causa nequidem criminalis haberetur, & hinc apud magistratus qui iurisdictione tantum gaudebant, e. g. apud Praetorem institueretur : in multis tamen imitabatur iudicia publica. Praeterquam enim quod cuius e populo accusandi ius esset : vocabula etiam eiusmodi adhibebantur, quorum alias in publicis tantum iudiciis erat vsus, vt puta, *crimen, accusatio*, quae omnia κατ' ἀν᾿ ἀρχαίαν in hac causa vsurpantur, Hub. *Praelect. ad Inst. I, 26.*

R 2

III:

(a) Crimen hic est idem ac accusatio, quare & Theophilus κατηγορίαν vertit. Vid. Briffon. *de Verb. sign. voce crimen*, p. 153.

(a)



III. Suspectis interdicebatur administratione. Eorundem remotio & infamia.

III. Suspectis hac actione factis, primo omnium administratione tutelae interdicebatur, & interim dabatur curator. *L. 7. C. h. t.* Deinde si eos vel dolo malo, vel culpa sua, parum diligenter tutelam gessisse, adpareret, remouebantur; ab eaque interdictione & poena nec promissa fatisdatio liberabat. §. 12. *Inst. h. t.* Praeterea & infamis erat tutor, quotiescumque doli culpaue latae fuerat conuictus §. 6. *eod.* Commune id hoc iudicium habet cum omnibus reliquis, quae occasione tutelae oriuntur, veluti actionibus tutelae & de distrahendis rationibus. Hinc turpe tutelae indicium memorat Cicero de Orat. I, 26. & pro A. Caecina III. Idem pro Q. Roscio Comoedo VI. Si qua sunt priuata iudicia summae existimationis, & paene dicam capitis, tria haec sunt fiduciae, tutelae, societatis. Aequae enim perfidiosum & nefarium est, fidem frangere, quae continet vitam, & pupillum fraudare, qui in tutelam peruenit; & socium fallere, qui se in negotio coniunxit.

IV. Poena tutorum quorumdam extraordinaria.

IV. Nonnunquam etiam, si dolum insignem aliaque delicta interuenisse adpareret, tutores tam nefarii ad Praefectos vrbi remittebantur, extra ordinem puniendi: §. 10. *Inst. h. t.* maxime si libertus tutor filios vel nepotes patroni fraudasset. §. 11. *eod.* Quum enim merum in vrbe imperium non esset penes Praetores, sed penes Praefectum vrbi, cuius iam pridem erat, animaduertere in crimina, quae intra urbem, vel centesimum milliarem extra eam, committerentur: Tacit. *Annal.* VI, 11. Dio Cass. *LII. p.* 547. Suet. *Aug.* XXXVII. L. 1. princ.

§. 3. 4. 10. *D. de praef. urb.* oportebat omnino praetorem reos animaduersione vel supplicio dignos ad Praefectum urbi mittere. Qua remissione opus non erat in prouinciis, ubi Procons. & Praefides & iurisdictione & imperio mero gaudebant. Insigne huius seueritatis exemplum statuit Galba, qui tutorem, quod pupillum, cui substitutus erat, necasset, in crucem fustulit, & quum se ciuem esse clamaret, ei crucem dealbatam & ceteris altiore statui iussit. Sueton. *Galb.* IX.

V. Ceterum ab hoc iudicio diuersa erat *V. Actio de actio de distrahendis rationibus*, quae finita demum tutela contra tutorem, qui furtim aliquid subtraxerat, dabatur in duplum, *L. 55. §. 1. D. de adm. & peric. tut.* quo pertinent vltima legis XII Tabularum, verba : QVANDOQVE FINITA TVTELA ESCIT, FVRTVM DVPLIONE LVITO. Sed de ea actione satis multa notant doctores, nihil vt addendum iam videatur.

## APPENDIX.

## LIBRI I.

## DE

IVRE ANTIQVO CIVIVM ROM,  
LATINORVM, ITALIAE, PROVIN-  
CIARVM, NEC NON CON-  
DITIONE PEREGRI-  
NORVM.

**L**iber Institutionum primus totus agit de di-  
uisionibus personarum ratione status.  
Quum vero personarum status maxime triplex  
in iure Romano traderetur, *libertatis* puta, *ci-  
uitatis & familiae*: Tribonianus non nisi eas at-  
tulit diuisiones personarum, quae ad libertatis  
familiaeque statum pertinere videbantur. De  
ciuitatis statu nihil differuit, forsan, quod ea,  
quae huc pertinent, iura tantum non omnia  
euerterat Antonini Caracallae constitutio, de  
iure ciuitatis cum omnibus orbis Romani inco-  
lis communicando. *L. 17. D. de statu hom.* Ast  
quamuis excusari mereatur Tribonianus:  
nos tamen forsan non aequè videremur excu-  
sandi, si tam praeclaram antiquitatum Roma-  
narum partem, quae tot iuris nostri veterum-  
que auctorum locis tam egregiam lucem ac-  
cendit, intactam plane praetermitteremus. Iu-  
nabit itaque post Car Sigonii, Ez. Spanhemii,  
aliorumque luculentissimas commentationes (a)

ea

(a) Haut pauci de hac re egregios ediderunt commen-  
tarios.

ea de iure ciuium Romanorum, Latinorum, Italorum, prouincialium, deque statu & conditione peregrinorum hic coniunctim exhibere, quae ad illustrandum ius Romanum quam maxime facere videbuntur.

I. Ex quo Roma initio per Latium, tum per Italiam, ac denique per vniuersum paene terrarum orbem arma victricia circumtulit: quadripartita esse coepit hominum huic imperio subiectorum differentia. Alio enim iure CIVES, alio LATINI, alio ITALICI, alio denique PROVINCIALES utebantur. Priores tres gradus coniungit Claudius Imp. apud Tacit. *Annal. XI, 24. Omnia P. C. quae nunc vetustissima creduntur, noua fuisse: plebei magistratus post patricos; LATINI post plebeios, ceterarum ITALIAE gentium post Latinos. Habes hic CIVES, LATINOS, ITALICOS, ita coniunctos, ut intelligas, ciuitatem iure Latii, hoc iure Italico praestitisse. Omnium postremae conditionis erant PROVINCIALES, quos ideo Italicis postponit Suet. Vespas. IX. Ordines exhaustos supplens, honestissimo quoque ITALICORVM ac PROVINCIALIVM adlecto.*

I. In Romano imperio alii erant ciues, alii Latini, alii Italici, alii prouinciales.

II. Quicunque ciuitatis iure non fruebantur, ii veteribus *hostes*, & paullo post, inflexa in deterius

II. Peregrini qui fuerint?

tarios. Caroli Sigonii & Ez. Spanhemii aeterna atque excellentissima opera nemini ignota sunt. His addendi Alex. ab Alex. *Genial. Dier. IV, 10.* Onuphr. Panuin. *de Imp. Rom. V.* Selden. *de Synedr. II, p. 62.* Henr. Dodvvel. *Praelect. Cambden, p. 194.* Petr. Ios. Cantelius *de Rep. Rom, p. 208.*



terius huius vocabuli significatione peregrini vocabantur. Cic. *de offi.* I, 12. Festus *voce hostis*. p. 297.

## CAP. I.

## DE IVRE QVIRITIVM ET CIVITATIS.

III. Olim omnes, qui Romanam commigrarunt, promiscue ciues facti.

III. Ac primo quidem, quum noua vrbs non admodum adflueret ciuibus : promiscue iura ciuitatis impetrabant, quicumque vel in vrbe vel in agro Romano Lares figere constituerant. Liu. I, 8. Immo tantum erat Romuli studium amplificandi ciuitatem, vt & hostes deuictos plerumque in urbem transferret, agroque adsignato, in curias adscriberet. Hunc in modum ciuitatis iura comunicauit cum Caeninensibus, Camerinis, Antemnatis, Crustuminis, ac postremo etiam cum Sabinis Dionys. Halic. *Antiquit. Rom.* II. p. 103. & III. Liu. I, 13. Vnde Claudius apud Tacit. *Annal.* XI, 24. *At conditor noster, Romulus, tantum sapientia valuit, vt plerosque populos eodem die hostes, deinceps ciues habuerit. Sequuti sunt hoc exemplum ceteri Reges, qui Albanos, aliosque populos deuictos Romam transfulerunt, ac ciuitatis fecerunt participes.* Liu. I, 29. 33. Qua de re Cicero pro Cornel. Balbo XXXI. *Illud vero sine omni dubitatione maxime nostrum fundauit imperium, & populi Romani nomen auxit, quod princeps ille creator huius urbis, Romulus, federe Sabino docuit, etiam hostibus recipiendis augeri ciuitatem oportere.* Sic initio, vt recte obseruat Dionysius IV. p. 256. ἀπασιν τοῖς ξένοις ἐπέτρεπε-

ὑπέτρεψαν τῆς πόλεως μετέχειν, quoslibet externos ad-  
mittebant, ad ius ciuitatis, ne iis quidem exclusis,  
qui e iusta seruitute fuerant manumissi. Hos  
enim omnes e Ser. Tulli instituto ciues Ro-  
manos factos, & in quatuor vrbanas ciuium Ro-  
manorum tribus descriptos esse, ex eodem ad-  
paret Dionysio. Non segnius aliquamdiu, li-  
bera iam republica, prouiderunt Romani, vt  
ciuitatis iura cum quamplurimis communica-  
rentur, maxime post captam & incensam a  
Gallis urbem, quam vt tanto splendidius in-  
staurarent, nouos & peregrinos ciues adsciue-  
runt ex Veientibus, Capenatibus & Faliscis, iis-  
que agri partem adsignarunt, teste Liuius VI, 4.  
Et sane prudenter id prouisum est a Romanis.  
Quum enim Romanae reipublicae salus in ar-  
morum vi posita videretur, quae nulla esse po-  
terat sine numerosa ciuium multitudine, meri-  
to de augendo ciuium numero quam maxime  
fuerit solliciti, vt luculenter ostendit Dionys.  
Halicarnass. II. p. 89, & III. p. 148.

IV. Postea factum est, vt praeter eos, qui  
domicilium in vrbe vel agro Romano conti-  
tuerant, quiue in vrbanas vel rusticas tribus fue-  
rant descripti, etiam peregrinis aliorum oppi-  
dorum, & qui in iis remanebant, incolis, aut  
victis etiam, nec tamen in urbem abductis ho-  
stibus, modo singulis modo vniuersis ius Ro-  
manae ciuitatis Senatus populiue iudicio at-  
que auctoritate deferretur. Sic Dionysius  
Halic. II. pag. 89. obseruat, Romanos captas  
vrbes non excidisse, sed in salias misisse  
colonos, ἐνίαις δὲ καὶ πολιτείαν μεταδιδόναι,

IV. Postea  
& aliis, qui  
in oppidis  
suis mane-  
bant, ius  
ciuitatis  
datum.

Vnde alii  
ciues in-  
genui alii  
munici-  
pes.

*aliis ciuitatem dedisse. Quo pertinent etiam illa Liuii XXVI, 24. Iam inde a maioribus traditum morem colendi socios, ex quibus alios in ciuitatem atque aequum secum ius acceperant.* Quicumque ergo adepti Romanae ciuitatis iura in oppidis suis manebant, ii **MVNICIPES** dicebantur. Simul ac vero Romae fortunarum suarum sedem collocabant: **CIVES INGENVI** erant, ceu eos vocat Cicero in *Bruto* Cap. **LXXV**. Sic M. Porcius Cato, quamdiu Tusculi est commoratus, **municipes** fuit: vbi Romam commigrauit, ciuis Romanus, quamuis iam ante iure ciuitatis Romanae etiam in municipio suo frueretur. Sigon. *de antiquo iure ciu. Rom.* I, 1. p. 16. Ex quo patet, alios fuisse *ciues ingenuos*, vel optimo iure ciues, alios *municipes*. Illi Romae domicilium, tribum & honorum petitionem fuerant consequuti: hi, tamesi tribum atque honorum petitionem adepti essent, tamen domicilio carebant.

V. Municipum duplex erat patria, sed Roma tamen patria maior.

V. Illi, (tametsi alias ciuis Romanus plurimum ciuitatum ciuis esse haut posset,) tum in municipio suo, tum Romae magistratus recte gerebant, ideo quod non tam duarum diuersarum urbium, etsi aliqua inter eas priuati iuris esset varietas, quam vnus, ciues censerentur. Ez. Spanhem. *Orb. Rom. Exerc.* I, 1. 7. p. 13. *Tom. XI. Thes. Ant. Rom.* Duplex ergo municipibus erat patria: altera in qua nati; altera, qua excepti erant, quamuis haec veluti maior esset, & illa in hac contineri videretur, vt praeclare ostendit Cicero *de Leg.* II, 2. quem locum totum adscribere licebit. Interrogauerat Atticus, cur Cicero Arpinum *germanam patriam suam* appellaret:

pellarit? Cui Cicero: Ego mehercule & Catoni & omnibus municipibus duas esse censeo patrias: vnā naturae, alteram ciuitatis: vt ille Cato, quum esset Tusculi natus, in populi Rom. ciuitatem susceptus est. Itaque quum ortu Tusculanus esset, ciuitate Romanus, habuit alteram loci patriam, alteram iuris. Et quibusdam interiectis: Sic nos & eam patriam ducimus, vbi nati, & illam, qua excepti sumus. Sed necesse est, caritate eam praestare, qua reip. nomen uniuersae ciuitatis est: pro qua mori & cui nos totos dedere, & in qua nostra omnia ponere & quasi consecrare debemus. Dulcis autem non multo secus est ea, quae genuit, quam illa, quae excepit. Itaque hanc meam esse patriam, prorsus nunquam negabo, dum illa sit MAIOR, & haec in ea contineatur. Hinc saepe fiebat, vt vnus idemque & Romae & in municipio suo summos honores gereret. Ita Milo, dum iam Romae consulatum petebat, Dictator erat Lanuuii in patria naturali. Cicero pro Milone XXXVII. Et Ciceronis filius Aedilis apud municipes suos Arpinates patris voluntate factus est, teste eodem Cicerone *Epist. ad Fam. XIII, 11*. Immo ipse Hadrianus iam Imperator veteri ritu in patria sua Quinquennalem se creari passus est. *Spartian. vit. Hadr. XX*. Inter municipes tamen & ciues ingenuos aliquam fuisse priuati iuris varietatem, paullo post docebimus.

VI. Postea, vbi maior paullatim dignatio Romanae ciuitatis esse coepit: ius ciuitatis parcius dari, & vix cum quibusdam Latii populis vel ad augendam rem Romanam, vel honoris causa communicari coepit. *Liu. VIII, 13. & 14.*

Eius

VI. Hinc porro ciuitate donati etiam Latini quidam, sed non eodem iure.



Eius beneficii Latinorum populis ac Hernicis dati primus auctor Sp. Cassius, tertium Consul circa annum V. C. cclxvii. Dionys. Hal. VIII. p. 538. *sequ.* Ast quum consul ille popularis & de adfectata tyrannide suspectus, tam late hoc populi Romani beneficium interpretaretur, vt Latinis & Hernicis cum iure ciuitatis etiam ius suffragii datum contenderet; solebant deinde Romani ius ciuitatis ita dare, vt pro diuerso sociorum in populum Romanum studio, modo ius suffragii simul concederent, modo illud disertis verbis exciperent. Primi sine iure suffragii ciuitatem acceperunt Caerites. (b) Strabo *Geogr.* V. p. 222. Gell. *Noct. Att.* XVI, 13. Mox & Campanis equitibus, Fundanis & Formianis eadem lege data ciuitatis iura. Liu. VIII, 14. nec non Acerranis, Liu. VIII, 17. Anagninis, Liu. IX, 43. aliisque pluribus, de quibus accurate Ez. Spanhem. *Orb. Rom. Exerc.* I, 1. 8. p. 16. *sequ.* Contra ea Lanuini, Aricini, Nomentani, Pedani alique in ciuitatem ita accepti sunt, vt & iure ferendi suffragii, & capiendi in vrbe muneris gauderet: vnde & eiusmodi oppida veluti *καὶ ἐξ ὧν* MVNICIPIA, dicta vt docet Vlpian. L. 1. §. 1. D. de *municip.*

## VII.

(b) Inde factum, vt Censores eos, quos suffragii iure priuabant, in *Caeritum tabulas referre* dicerentur. Gell. l. c. Ascon. Paedian in Cicer. *Diuiuat.* p. 1759. De his intelligendus Horatius. *Epist.* I. 6. v. 62.

- - - - - *Caerite cera*

*Digni, remigium vitiosum Ithacensis Vlyssis.*

VII. Inualuit praeterea, ut etiam a iure Latini in via pateret ad iura ciuitatis iis omnibus, qui in patria, Latio donata, magistratus gesserant. Appian, *de Bell. Civil. II. p. 443* Strabo *IV. p. 187*. Quod ius Traiani adhuc aeuo ualuit, ut patet ex verbis Plinii *Paneg. XXXVII. His quoque, quibus per Latium ciuitas Romana pa-* *tuisse.*

VIII. Ciuitatem postremis reipublicae temporibus latius paulatim diffusum est illud Romanae ciuitatis beneficium. Quum enim paullo ante quibusdam tantum Latii urbibus ius ciuitatis Romanae summi beneficii loco concederetur: lata deinde lex est, ut e fociis ac Latini nominis promiscue, qui stirpem ex se domi reliquerant, ciues Romani fierent. Liu. *XLI, 8*. Accessit altera lex anno 10 CLXIII. a Seruilio Glaucia, de repetundis lata, ut Latinis esset ius ciuitatis consequendae in illius ciuis seu senatoris locum, qui accusatus ab iis repetundarum, a Romanis fuisset damnatus. Cicero *pro Balbo XXIV*.

XI. Primus L. Iulius Caesar, (c) occiso IX. Ciui-  
iam tas cum  
omnibus

(c) Non leuiter ergo errat editor Ciceronis orationum Parisiensis nouissimus, qui hanc legem Iuliam latam putat a Sex. Iulio Caesare, Consule A. V. C. DCLXII. Multoque grauior error est Ant. Augustini, *de Leg. & SC. pag. 120. T. I. Thes. Ant. Rom.* qui Caesarem Dictatorem huius legis auctorem fingit. Sex. Iulio Caesar tribuere uidetur Appianus *de Bello Civ. I. p. 379*. Sed quum Sex. Iulius Caesar anno V. C. DLXIII. cum L. Marcio Philippo; L. Iulius Caesar uero anno sequente

Latinis &  
Italīs com-  
municata  
legibus Iu-  
lia & Plo-  
tia.

iam vt videtur, collega P. Rutilio Lupo anno V. C. 10 CLXIII. lata lege Iulia, ciuitatem sociis ac Latini nominis dedit, qui flagrante bello Italico in fide manserant. Appian. *Bell. Civ. I. p. 379.* Cicero *pro Balbo XII.* Vell. Paterc. II, 16. 17. Postea confecto tristi illo bello sociali, vel anno V. C. 10 CLXV. Cn. Pompeio Strabone & L. Porcio Catone consulibus, vt patet ex Ascon. Padian *ad Orat. Cic. pro C. Cornel.* vel sequente anno 10 CLXVI. L. Cornelio Sulla & Q. Pompeio Rufo Coss. (d) lata lege Plotia a M. Plautio Siluano & C. Papirio Carbone Tribunis plebis, ciuitas communicata cum omnibus sociis Latini nominis, immo & peregrinis illis, *qui federatis ciuitatibus adscripti fuissent, si tum quum lex ferebatur, in Italia domicilium habuissent, & si sexaginta diebus apud Praetorem essent professi.* Cicero *pro Archia Poeta VII.* Postremi arma posuerant Lucani & Samnites, sed & hos tamen ciuitate donari placuit A. V. C. 10 CLXX. Flor. *Epit. Liu. LXXXIV.* ex quo loco etiam constat, nouis his ciuibus per vniuersam Italiam ius suffragii fuisse datum. Et initio quidem in octo nouas, id est, postremas tribus vrbanas conlecti fuerant; Vellei. II, 20. postea in veteres XXX. post

sequente cum P. Rutilio Lupo consulatum gesserit : vero similis est, hunc legem tulisse, & quidem, collega Rutilio iam occiso. Vnde simul patet, cur a solo Iulio lex nomen acceperit, nulla collegae facta mentione. Vid. Schvvarz. *de iure Ital. §. III.* Ezech. Spanhem. *Orb. Rom I. 1. 13. p. 30.*

(d) Minime vero subsequente Cinnae consulatu, vt tradit. Flor. *Epit. Liu. Lib. LXXX.*

post irritos P. Sulpicii, Tribuni plebis & C. Marii conatus translati sunt a C. Cinna consule. Appian, *de Bello cin.* I. p. 380. Epit. Liu. xxx. Ex quo tempore aequo per omnia iure vsi sunt ciues Romani veteres & noui per vniuersum Latium & Italiam, adeo vt & ius petendi honores habuerint, (Cic. *pro Sulla VI. VII.*) & ius census, (Onuphr. Panu. *ad fast. consul. anno 10 CLXVIII.* ius sacrorum publicorum. Noris *Cenotaph. Pis. Diff. I. cap. 5. p. 72.* Ez. Spanh. *Orb. Rom. I, 1. 13. p. 30.*

X. Italia tunc a supero mari Arimino & Ancona, seu Rubicone fluuio, ab inferiore Luca terminabatur: reliquum tractum ad Alpes vsque Galli Cisalpini & Veneti infederant. Galli porro in Cispadanos & Transpadanos diuidebantur. Priores ciuitate donati Cispadani, vt pote Italiae propiores. Ez. Spanh. *Orb. Rom. I, 1. 14. p. 32.* Postea & Transpadani ciuitatis iura obtinuerunt vna cum Venetis. Nam quum antea Latii ius impetrassent a Pompeio Strabone: (Ascon. Paedian. *in Ciceron. Pison. p. 262.*) ipsum ciuitatis ius eis dedit C. Iulius Caesar anno V. C. 10 cccvii. Dio Cass. *Hist. XLI. p. 118.* Vnde non mirum Galliam hanc Cisalpinam ab eo tempore TOGATAM dici coepisse, Tam pleno enim iure fuerant ciuitatis iura consequuti, vt & ad suffragia ferenda petendosque honores non minus, ac reliqui ciues, admitterentur. Sueton. *Caes. IX.* Ez. Spanh. *Orb. Rom. I, 1. 16. p. 39.*

XI. Extremis reipublicae temporibus non intra Alpes stetit datae ciuitatis Romanae beneficium: sed & cum multis aliis gentibus est communicatum. Exemplo esse possunt vniuersi Gaditani

X. Paullo post & Gallis cisalpinis ciuitas data.

XI. Vt & aliis quibusdam gentibus.



Gaditani in vltiore Hispania, quos secundo consulatu ciuitate donauit Caesar. Dio Cass. *Hist.* XLI. p. 161. Idem pro lubitu deinde quasdam alias ciuitates Hispaniae hoc ingente beneficio ornauit, Dio Cass. XLII. p. 233. Quemadmodum & medicis, aliisque ea iura concessit. Suet. *Caes.* XLII. immo & Siculis omnibus ciuitatem, inaudito exemplo, testamento legauerat, quod legatum lata lege confirmauit Antonius. Cic. *Epist. ad Fam.* XIV, 12. *Philipp.* I, 24. Verum tamen ea lex Antonii non valuisse videtur. Sane sub Augusto adhuc plerasque Siciliae ciuitates Latini iuris fuisse, discimus ex Plin. *Hist. Nat.* III, 8.

XII. Augustus parce ciuitatem, sed quibusdam tamen, dedit.

XII. Sub Imperatoribus multo magis prolati sunt Romanae ciuitatis fines. Augustus, equidem teste Suetonio *Aug.* XL. *ciuitatem parcissime dedit, adfirmans, se facilius passurum fisco detrahi aliquid, quam ciuitatis Romanae vulgari honorem.* Idem leges haut paucas dedit, quibus aditus sordidis hominibus intercluderetur ad ciuitatem. Quales praecipue sunt lex Aelia Sentia, & Fusia Caninia, de quibus supra suo loco actum. Vid. Sueton. *Aug.* XL. Immo inter extrema mandata eius, Tiberio & S. P. Q. R. data etiam hoc erat, μητ' ἂν ἐς τὴν πολιτείαν συχινὲς ἐσγράψωσιν, ἵνα πολὺ διάφορον αὐτοῖς πρὸς τὸ ὑπῆκοον ᾖ. *Ne multos iure ciuitatis donarent, quo magnum inter ipsos & subiectos discrimen remaneret.* Dio Cass. LVI. p. 541. Quibusdam tamen Augustum iura ciuitatis dedisse, patet ex Suet. *Aug.* XLVII. Idque inprimis etiam discimus ex eius numis, in quibus laudantur Hispaniae municipia,

municipia, de quibus Io. Vaillantius *de Colon. num. & Ez. Spanh. Diss. de praest. numism. V. pag. 768. & Orb. Rom. I, 2. 18. p. 47. sequ.* Eadem liberalitate etiam Tiberius & Caius Caligula ciuitatem quibusdam dederunt, ceu ex numis & inscriptionibus idem docuit Ez. Spanhemius.

XIII. Claudius Imperator varie se gessit in concedenda negandaue ciuitate. Quosdam ciuitatem Romanam vsurpantes in campo Esquilino securi percussit. Suet. *Claud. XXV.* Idem tamen Latinis, naues mercaturae caussa fabricantibus, ius Quiritium dedit. Suet. *ibid. XIX.* Vlpian. *Fragm III, 1. & 6.* Quin non solum Galliae Comatae primoribus; sed & vniuersae Galliae Comatae, ius ferendi suffragia, petendique honores dedit. Qua de re Tacit. *Ann. XI, 24.* Senec. *de Benef. VI, 19.* Immo multis eum confertim iura ciuitatis ac sine discrimine dedisse, ac venalia prope illa eius liberos habuisse, testatur Dio Cass. *Lib. LX. p. 676.* Vnde lucem capit vox illa Tribuni militum *Actor. XXII, 28.* ἐγὼ πολλὰ κεφαλὰς τὴν πολιτείαν ταύτην ἐκτετακην. Ego vero magno aere hanc ciuitatem comparavi. quam egregie illustrat Ez. Spanh. *Orb. Rom. I, 2. 19. p. 52. sequ.*

XIV. Nero, vbi in musicis & curulibus apud olympiam agonibus victor fuerat a iudicibus proclamatus, vniuersam Achaiam libertate, iudices ciuitate Romana, & pecunia grandi, donauit, quod beneficium etiam iis, qui pyrrhicham saltauerant, concessit. Suet. *Ner. XII.* Galba ciuitatem Romanam raro dedit, teste Suet. *Galb. VIII,* dedit tamen Bargasensibus, Laco-  
S brigen-

XIII. Libe-  
ralior ea in  
re Claudi-  
us.

XIV. Qui-  
busnam  
Nero, Gal-  
ba, Otho,  
Vitellius,  
& Vespasi-  
ani ciuita-  
tem dede-  
runt?

brigenſibus, Deobrigenſibus & Talabrigenſibus, immo & Veſontinis & Clunienſibus, ſi fides numis ſub Galba cuſis, in quibus haec oppida Hiſpaniae & Galliae MVNICIPIA dicuntur. Claud. Chiſſet. *Veſont.* I, 28. Harduin. *Num. Urb* p. 120. Vaillant. *de Colon.* T. I. p. 105. De Othone conſtat, eum praeter quasdam alias largitiones Lingonibus vniuerſis ciuitatem Romanam dediffe. Tacit. *Hiſt.* I, 78. Veſpaſianum Stobienſes (e) in Macedonia ciuitate donaffe, conſtat ex numo apud Spanhem. *Diſſ. de num. prou.* p. 676. & Plin. *Hiſt. Nat.* IV, 10. Idem & filii ſaepe ius ciuitatis veteranis, liberis poſterisque eorum dederunt, vt patet ex marmoribus apud Gruter. *Inſcr.* p. DLXXIII 2. p. DLXXIV, 5. 6. & p. DLXXV, 1.

XV. Traiani & Hadriani in danda ciuitate liberalitas.

XV. Hiſpaniae potiſſimum Traianus fauit, ipſe Hiſpanus. Vnde in eius numis occurrunt municipia, Italica, Inlipenſe, Albengenſe, Vrgauonenſe. Quibus ex marmore apud Gruter. *Inſcr.* p. CLXII, 3. addendi Icaeditani, Lancienſes oppidani, Talori, Interamnienſes, Colarni, Lancienſes, Transcudani, Araui, Meidubrigenſes, Arabrigenſes, Baniienſes, Paefures, quos omnes a Traiano demum ciuitate donatos. non vana diuinatione, coniicit Ez. Spanh. *Orb. Rom.* I, 2. 21. p. 58. Idem Princeps ſingulis quibusdam ſubinde ciuitatis iura dedit, rogatu amicorum, vt patet ex Plin. *Epift.* X, 22. 6. 107. 108. Quin quum viceſimas

(e) Eos tamen ſua aetate iuris Italici fuiſſe, tradit Vlp. L. 8. §. 8 D. *de cenſib.*

mas hereditatum antea pendere cogerentur noui ciues: eos hoc onere primum Nerua, deinde & Traianus liberauit. Quod Principis beneficium collaudat Plin. *Paneg.* XXXVII. Hadrianus, sequutus Traianum, *Latium multis ciuitatibus dedit, tributa multis remisit, ut loquitur Spartian. Vit. Hadrian.* XXI. Ast datae ab eo ciuitatis in numis & lapidibus nulla vsquam fit mentio, nisi quod in marmore sub eo legantur MVNICIPES MVNICIPI. T. AELI. HADRIANI. AVG. CIVILITANI. *Grut. Inscr. p.* CCCLXII, 1. Vnde Ciuititanos ab eo ciuitate donatos, colligit Spanh. *Orb. Rom.* I, 2, 22. p. 60. Sunt equidem, qui Hadrianum auctorem putant celeberrimae illius constitutionis de ciuitate cum vniuerso orbe Romano communicata, *L. 17. D. de statu hom.* quos in eum errorem induxit Chrysostom. *ad Act. Apost.* XXV, p. 875. *Tomus, IV. edit. Saul.* Sed hos rationem fugere, paullo post clarissime adparebit.

XVI. Aeque fallitur Iustinianus Imperator, qui celebrem illam constitutionem Antonino Pio tribuit *Non. LXXVIII, §.* quamuis eum ante Spanhemium tantum non omnes caeca fide sequuti sint. (f) Ast quamquam amplificatum esse ab Antonino ciuium numerum, vel ex numo praecipuae raritatis constat, in quo AMPLIATOR CIVIVM dicitur:

S 2                      discrimen

An Hadrianus auctor constitutionis, qua ciuitas cum orbe Romano communicata?

XVI. An ea Constitutio tribuenda Antonino Imperatori?

(f) Contrarium tamen ante Spanhemium obseruarunt Wesembec. *Paratit. ad tit. D. de statu hom. n. 5.* Petit, *Leg. Attic. p. 136.* Vales. *in Not. ad Excerpta Dionis p. 108.* Claud. Salmaf. *de modo usur. cap. XIX. p. 854.* sequ. Rupert. *ad L. 2. D. de orig. iur. c. 1, p. 17. 18.*



discrimen tamen ciuium Latinorum , Italico-  
rum, prouincialium, etiam post Antonini Pii  
tempora superfuisse, cum ex aliis locis adparet,  
tum ex Inscriptione apud Gruter. p. ccccviii, i.  
ex qua simul discimus, Antoninum Carnis &  
Catalis propter aedilitatis gradum apud Ter-  
gestanos gestum , iura ciuitatis Romanae de-  
disse.

XVII. An  
eam Mar-  
cus Imp.  
ediderit?

XVII. Porro & ii errant, qui cum Victo-  
re *in vita Marci M.* Antoninum huius constitu-  
tionis auctorem faciunt, in quam sententiam  
etiam Casaub. *ad Spartian. Hadr. XXI.* paullo  
videtur procliuior. Nam superfuisse sub hoc  
principe inter ciues & peregrinos discrimen,  
patet ex celeberrima Lugdunensium Epistola  
apud Euseb. *Hist. Eccl. V, i.* ubi aiunt ὅσοι μὲν  
ἑδόκην πολίταιν Ῥωμαίων ἐσχηκέναι, τῶν ἀπέτεμεν  
τὰς κεφαλὰς , τὰς δὲ λοιπὰς ἔπειπον εἰς Θηρία.  
*Quicumque Romani ciues reperti sunt, capite truncati,  
reliqui traditi bestiis.* Atqui scripserunt haec Lug-  
dunenses extremis Marci Imperatoris annis:  
adeoque inde recte colligi videtur, M. Antoni-  
num non sustulisse illud discrimen, quod inter  
ciues ac peregrinos intercessit. Illud tamen  
certissimum est, tam liberalem in dando ciuita-  
tis iure fuisse M. Antoninum, vt Aristides Rhe-  
tor. *Orat. in Rom. pag. 372.* scribere non vereatur:  
Ξεῖ οὐδὲ θύενα, ὅσις ἀρχὴς ἢ πίστεως ἄξιον , nec peregrini-  
um censeri quemquam, qui magistratu vel fide dignus  
sit, τοῦ Ῥωμαίων ἢ πόλεως, ἀλλὰ γένος ὄνομα κοινὸν τινὲ  
εἶναι, Romanum non urbis alicuius, sed communis ci-  
iusdam generis nomen esse: & quae sunt huius ge-  
neris alia. Ez. Spanh. *Orb. Rom. II, 2. p. 67. sequ.*

XVIII.

XVIII. Non minus liberaliter iura ciuitatis Romanae plurimis dedisse videntur Commodus, Pertinax, Didius Iulianus Pescennius Niger, Seuerus. Sed nec hos tamen discrimen illud sustulisse luculenter ostendit Spanh. *Orb. Rom.* II, 4. & 5. p. 73. *sequ.*

XVIII. An ea tribui possit Comodo, Pertinaci, Iuliano, Pescennio Seuero?

XIX. Verus ergo famosae illius constitutionis auctor est Antoninus Caracalla, qui primus edixit, vt, in orbe Romano qui essent, omnes ciues efficerentur. L. 17. D. de statu hom. Occasionem

XIX. Verus auctor est Caracalla?

datae huius legis docent Excerpta Dionis *Valesiana* p 745. Iam pridem Augustus vicesimam induxerat, locupletando aerario militari, quod vectigal ex hereditatibus dependebatur; de quo iam pridem luculenter egerunt Valesius ad illum Dionis locum, Salmas. *de modo vsur.* XIX. Petr. Burmanus *de Vectigal populi Romani* XI. & iam ante hos Iac. Cuiac. *Obseru.* V, 16. XI, 24. Pendebant istud vectigal ex Augusti instituto heredes extranei, Romani ciues, qui hereditatem adibant, nisi vel pauperes essent hereditates, vel ipsi heredes agnationis iure ex lege XII. Tabularum hereditatem sortirentur. Dio Cass. LV. p. 165. Postea mitiores principes quibusdam cognatis vicesimae vacationem subinde dederunt. Plin. *Paneg.* XXVII. Ast Caracalla, quum largitionibus stupendis eluuiionem fisco intulisset, duplicato illo onere, decimam loco vicesimae induxit, cuius decimae praeter Excerpta Dionis meminit etiam Vlpianus *apud Auctorem Collat. Leg. Mos. & Rom.* XVI. fin. Vt ergo vectigal istud a quamplurimis penderetur, omnibus qui in orbe Romano erant, ciuita-

tem dedit, λόγῳ μὲν τιμῶν, ἔργῳ δὲ, ὅπως πλείω αὐτῷ καὶ ἐκ τῆς τοῦτῃ προσῇ, διὰ τὸ τὰς ξένους τὰ πολλὰ αὐτῶν μὴ συντελεῖν, *specie quidem honorem eis tribuens, sed reuera ut fiscum suum augetet: quippe quum peregrinipлераque horum vectigalium non penderent: ut ait Dio in Excerpt. Vales. p. 745. Ceterum quamuis successor Caracallae, Macrinus, decimam illam ciuibus tam molestam aboleret: ius tamen ciuitatis orbi Romano semel datum non ademit. vnde sensim exoleuit antiquum illud inter ciues & peregrinos discrimen.*

XX. Con-  
stitutio ea  
ad inge-  
nuos, non  
item ad li-  
bertinos  
pertinuit.

XX. Illud adhuc monendum videtur, ad solos ingenuos pertinuisse Antonini Caracallae constitutionem, non ad libertinae conditionis homines. *Nov. LXXVIII, 5.* Vnde etiam post eam constitutionem saluum mansit discrimen inter libertinos ciues, Latinos Iulianos, & dedititios, ceu ex Saluiani *aduersus avarit. libro III, 7.* animaduenterunt Iac. Cuiac. *Obseru. IV, 3.* & Ez. Spanhem. *Orb. Rom. II. 9. p. 84. sequ.*

XXI. Ast  
cum his  
quoque ci-  
uitatem  
commu-  
nicauit Iu-  
stinianus.

XXI. Exposuimus haec, duce eruditissimo Spanhemio, datae ciuitatis Romanae historiam, ostendimusque, ita paulatim gradum esse factum, ut ciuitas primum omnibus, qui Romae aut in agro Romano domicilium constituerent, deinde aliquot in Latio municipiis, tum toti Latio, mox vniuersae Italiae, aliquot porro extra Italiam vel priuatis, vel oppidis, vel prouinciis, & postremo omnibus in orbe Romano ingenuis daretur. Iustinianus tamen, ut fuit admodum libera-  
lis,

lis, sublato illo libertinorum discrimine, *titulis C. de Lat. & dedit. lib. toll. & Nouella LXXVIII, 2. 5.* ad ipsos quoque libertinae conditionis homines hoc beneficium protulit, adeoque omnes in orbe Romano viuentes aequo iure agere voluit.

XXII. Proximum est, ut ipsa iura ciuitatis paullo accuratius exponamus. Et de his quidem obseruandum, ea sensim magis magisque aucta fuisse atque amplificata. Iam subregibus ciues gaudebant libertate, iure connubiorum, patrio, legitimi dominii, testamenti, forsan & nexus atque usufructus. Ius quoque iisdem erat suffragia ferendi in creandis magistratibus, ferendis legibus, bellis decernendis. Pulsis postea regibus, abdicatoque regibus imperio, paulatim prouocatio concessa ad populum: magistratus, connubia, sacerdotia cum plebe communicata: adeoque optimo iure ciues esse coeperunt Romani. Ez. Spanh. *Orb. Rom. I, 1, 2. p. 4.*

XXIII. Duobus vero maxime summis capitibus constitit ciuitas Romana, quorum alterum IVS QVIRITIVM; alterum IVS CIVITATIS adpellatum est. Quamuis enim haec promiscue nonnunquam ponant auctores veteres, veluti Vlpianus: *Fragm. III, 1. & 4.* attamen, qui accuratius loquuntur, haec cum cura distinguunt. Plinius, *Epist. X, 32.* *Ago gratias, Domine, quod & IVS QVIRITIVM libertis necessariae mihi feminae, & CIVITATEM ROMANAM Harpocrati, iatraliptae meo, sine mora indulxisti.* Et *Epist.*



*Epist. X, 4. Quare rogo, des ei CIVITATEM ROMANAM: est enim peregrinae conditionis, manumissus a peregrina. Idem rogo des IVS QUIRITIVM libertis Antoniae Maximillae. Manifesto hic distinguuntur ius Quiritium & ciuitas Romana, inter quae hoc interest, quod illud ad ea, quae iuris sunt priuati, pertinet; haec ea, quae iuris publici sunt, continet. Spanh. Orb. Rom. I, 1. 12. p. 28. Carol. Sigon. de antiquo iure ciu. Rom. I, 6. sequ. & de antiquo iure Ital. II, 3. Quod quum non animaduertant viri quidam eruditissimi, in eum prolapsi sunt errorem vt ius Quiritium in istis Plinii locis vel idem esse cum iure Latii existiment, vel illud cum ipsis iuribus ciuitatis confundant, a quo lapsu nec ipse V. C. Christophorus Cellarius sibi satis cauit in Adnotationibus suis ad Plinium.*

XXIV.  
Quae iura  
vtrumque  
comple-  
xum sit?

XXIV. Nonnulla, quae tum ad ius Quiritium, tum ad ciuitatem Romanam pertinent, summatim his verbis complectitur Cicero *Orat. II. de Leg. Agrar. XIX. Retinete istam possessionem gratiae, libertatis, suffragiorum, dignitatis, urbis, fori, ludorum, festorum dierum, ceterorum omnium commodorum. Ast si accuratius singulas vtriusque iuris partes consideres: ius ciuitatis in iure census, militiae, tributorum, vectigalium, suffragiorum, honorum, & sacrorum; ius Quiritium in iure libertatis, gentis, connubiorum, patrio, legitimi domini, hereditatis atque vscupationis fuit situm. Car. Sigon. de antiquo iure Ciu. Rom. I, 13. Ez. Spanhem. Orb. Rom. I, 1. 2. p. 4. De singulis nunc paullo distinctius agendum, ordinandumque a iure Quiritium,*

XXV.

XXV. Primo ergo omnes ciues Romani XXV. Ci-  
 erant LIBERI : eaque LIBERTAS eos non ues Roma-  
 solum a dominorum potestate, sed & a tyran- ni erant  
 norum imperio, magistratuum potentia, libidi- liberi a  
 ne creditorum, ciuiumque potentia tutos prae- potestate  
 stabat. (g) Nullus ergo ciuis Romanus seruus domina-  
 fieri poterat, nec ingenuitatem aut libertatem  
 amittere, nisi aut captiuitate, aut dolosa vendi-  
 tione, aut iis modis de quibus supra *Lib. I. Tit.*  
*III. n. 5. sequ. & Tit. XVI. n. 3. sequ.* actum est :  
 quamuis & in his plerumque fictionem quam-  
 dam adhibitam esse, obseruet Ger. Nood.  
*Probab. III, 12. p. 85. Hoc enim iuris erat a ma-*  
*ioribus proditum, ut nemo ciuis Romanus aut LIBER-*  
*TATEM aut ciuitatem posset amittere, nisi ipse auctor*  
*factus esset :* inquit Cicero *pro Domo XXIX.* Sed  
 de ingenuorum libertinorumque conditione  
 satis superque suis locis dictum est, nihil ut hic  
 addendum a nobis videatur, praeter id vnicum,  
 quod eadem libertas ciues immunes a verberi-  
 bus omnique tortura praestiterit. Quum enim  
 seruilis ista poena videretur, non poterat maior  
 ciui

g, Caue ergo confundas libertatem iuris gentium cum liber-  
 tate iuris Quiritium, quae nulli competit nisi ciuibz  
 Romanis. Cic. *pro Caecin. XXXIII. Qui enim potest iure*  
*Quiritium liber esse is, qui in numero Quiritium non est ?*  
 Hinc tribus omnibus moti libertatem dicebantur  
 amittere, etiamsi haut fierent serui. Liu. XLV, 15. Im-  
 mo hinc intelligenda. *L. 5. §. 3. D. de extr. cognis.* vbi  
 media capitis deminutione, & speciatim aquae ac  
 ignis interdictione, etiam libertas amitti dicitur, quod  
 de libertate iuris gentium falsum; de libertate iuris  
 Quiritium verissimum est. Conf. Ger. Nood. *Obseru.*  
*II, 21. p. 469.*

ciui Romano iniuria fieri, quam si quis verberibus dirisque quaestionibus in eius corpus fauisset. Exemplum est apud Ascon. Paedian. in *Ciceron orat. Cornelian. p. 1308.*

## XXVI.

Liberi  
quoque a  
dominatu  
tyrannorum.

XXVI. Nec minus immunes erant ciues Romani ab impotente regum dominatione. Lege enim tribunicia, lata a Iunio Bruto, Tribuno Celerum, ac paullo post primo Consule, fuerat cautum, vt nemo Romae regnaret, adactis simul iureiurando ciuibus, eos neminem passuros Romae regnare. Dionys. Halic. IV. p. 276. V. p. 277. Liu I, vlt. II, 1. Qua lege tribunicia, quum omni tyrannidi via occlusa esset: mirum profecto non est, gentem Iuniam praecipue de ea esse gloriatam, numisque suis caput Libertatis praetulisse, cum inscriptione LIBERTAS. Fulu. Vrsin. *Famil. Rom. p. 139.* Accessit postea eodem anno Lex Valeria, qua cautum, vt indicta causa interficeretur, qui regni occupandi iniisset consilia, idque impune ferret percussor, si indicia sceleris demonstrasset. Plutarch. *Vit. Poplic. p. 103.* Liu. II, 8. Pro his legibus dici non potest, quanta certamina per quingentos annos adierit populus Romanus, quamuis impedire haut potuerit, quo minus eae demum a L Sulla, ac deinde a Iulio Caesare conuellerentur, ab Augusto vero eiusque successoribus penitus exstinguerentur, liquidem hi, adspernati in speciem regum nomen, titulo Principum omnia magistratuum legumque munia ad se traxerunt. Tacit. *Annal. I, 1.*

## XXVII.

XXVII. Eadem porro libertas ciues im-  
 munes praestabat a duriore magistratuum im-  
 perio. Latae hanc in rem fuerant leges Valeriae  
 a P. Valerio Poplicola consule, de quibus Li-  
 uius II, 8. *Latae deinde leges non solum, quae regni  
 suspitione consulem absoluerunt, sed quae adeo in con-  
 trarium verterunt, ut popularem etiam facerent; inde  
 cognomen factum Poplicolae est.* Paulo distinctius  
 rem referunt Plutarch. *Vit. Poplic. p. 102. sequ.* &  
 Dionys. Halic. V. p. 292. ex quibus constat,  
 prima lege fuisse cautum, NE QVIS ROMAE  
 MAGISTRATVM GERERET INIVSSV  
 POPVLI : QVI SECVS FAXIT , EIVS  
 CAPVT SACKVM ESSET : altera prouo-  
 cationem concessam a magistratibus ad popu-  
 lum, neque permissum cuiquam, supplicio ex-  
 tremo, aut flagris, aut multa animaduvertere in  
 prouocantem, donec populus ea de re iuisset  
 in suffragia. Posterior lex quum omnium mi-  
 nime placeret patriciis, quippe fundamenta,  
*αἰσχροπατίας*, quam adfectabant, penitus subuer-  
 tens; variis artibus aliquandiu elusa, atque  
 hinc relatione non vna restituenda visa est.  
 Retulerunt ergo eamdem A. V. C. ccciv. L.  
 Valerius Poplicola Potitus, & M. Horatius  
 Barbatus Coss. teste Liuius III, 55. Retulit ter-  
 tium alter M. Valerius Coruus anno V. C.  
 cccclii. Qua de re idem Liuius X. 9. *Tertium  
 ea lex tum post Reges exactos lata est, semper ab eadem  
 familia. Causam renouandae saepius non aliam fuisse  
 reor, quam quod plus paucorum opes, quam libertas  
 plebis poterant. Quum ne sic quidem consultum  
 populo videretur, semper in contrarium  
 niten-*

XXVII.  
 Liberi a li-  
 centia ma-  
 gistratuum



nitentibus patriciis : quartum de prouocatione populum rogauit M. Porcius Laeca ; qui etiam grauiore poena animaduertendum statuit in eos, qui ciuem Romanum vel verberassent vel necassent. Liu. X, 9. Cuius legis *Porciae* insigne monimentum exstat numus gentis Porciae, in quo vir paludatus, medius inter togatum prouocantem & lictorem virgas minantem, conspicitur, addita inscriptione: PROVOCO Fulu. Vrsin. *de Famil. Rom. p. 219. edit. Patin.* Porciam legem, quum & ipsa vetustate obsoleuisset, denuo in vsum reuocauit C. Sempronius Gracchus, ceu ex fragmento orationis Gracchanae apud Gellium *Noct. Attic. X, 3.* acute colligit Car. Sigonius *de antiquo iure ciu. Rom. I, 6.* Sed nec *leges sacratae* hic praetermittendae, latae anno V. C. cclx. Sp. Cassio Viscellino & Postumo Cominio Aurunco II. Coss. quum plebs pertaesa vsurariae iniquitatis, in montem Sacrum secessisset. Pace enim facta hac lege, vt plebi sui essent magistratus, quibus auxiliatio aduersus consules esset, neue cui patrum capere eum magistratum liceret. Liu. II, 33. Brutus, primus tribunus plebis, leges tulit, primo vt ne parricida esset, qui eum, qui plebiscito sacer sit, occiderit. Dionys. Halic. VI. p. 410. deinde, vt tribuni plebis sacrosancti haberentur, eosque qui violarent, sacri essent. Id. *ibid.* Tertia lex iussit vt tribuni plebis non nisi e plebe crearentur. Accessere duae aliae leges, ne de capite ciuis Romani nisi comitiis centuriatis agi posset, neue priuilegia irrogarentur. Car. Sigon. *de antiquo iure ciu. Rom. I, 6.*

p. 84. Eaeque leges omnes dictae sunt *sacratae*, quia non modo ciues per omnia sacra iurarent, vtique se his legibus sempiternis vsuros, addita imprecatione, vt earum obseruatoribus superi & inferi essent propitii, transgressoribus vero contraria omnia acciderent: Dionys. Hal. VI. p. 410. verum etiam quod loco poenae adiectum esset, eos qui secus fecissent, cum pecunia familiaque Deo alicui sacros futuros. (h) Fest. voce *Sacratae*. Omnes enim leges huiusmodi sanctione poenali munitas, SACRATAS dici consueuisse, obseurat Iac. Perizon. *Animad. Hist.* p. 418. *sequi*.

XXVIII. Hisce legibus ergo satis tuti erant ciues Romani, ab omni magistratuum tyrannide. Primo enim, si quid contra leges auderent magistratus, maximum cuique remedium erat in prouocatione ad populum. Deinde de capite ciuis Romani non nisi vniuersus populus in comitiis centuriatis iudicabat, & tunc facile erat, vel innocentibus se a calumniatorum

Remedia  
aduersus  
magistra-  
tum info-  
lentiam.

(h) De hac poena Dionys. Halic. II. pag. 84.  
Ἔθ' ὁ γὰρ Ῥωμαίοις, ὅς τις ἐβέλοντο νηπιονί  
τεθνάναι, τὰ τέτων σώματα θεῶν ὀτιώδητινι,  
μάλιστα δὲ τοῖς καταχθονίοις, κατονομάζουσιν.  
Mos erat Romanis, quos vellent impune occidi, eorum  
corpora deuouere Deo cuiuspiam, praecipue Diis inferis.  
Festus voce *sacrae*: Homo facer is est, quem populus iu-  
dicauit ob malefscium, neque fas est eum immolari: sed  
qui occidit, parricidii non damnatur: Ex quo quiuis ho-  
mo malus atque improbus facer adpellari solet. De hoc  
supplicio quaedam habet Ræuard. ad XII. Tab. Cap.  
IV. p. 22.

rum artibus defendere, vel poenam meritis promissa barba, lacrymis, cultuque tritiores populum ad misericordiam flectere, eoque modo effugere periculum. Denique nulli magistratui licebat ciuem Romanum vel verberibus vel supplicio adficere. Immanissimas etiam eorum sententias vox illa quiritantium compefcebat: CIVIS ROMANVS SVM. Saepe eo respicit Cicero in *Orat. adu. Verrem. V, 54. Plagis confectum dico a lictoribus tuis ciuem Romanum ante oculos tuos concidisse. Ob quam causam? Dii immortales, tametsi iniuriam facio communi causae & IVRI CIVITATIS. Quasi enim possit esse ulla causa, cur hoc cuiquam ciui Romano iure accidat. Et eadem Oratione V, 57. Cervices in carcere frangebantur indignissime ciuium Romanorum, ut etiam illa comploratio, CIVIS ROMANVS SVM, quae saepe multis in ultimis terris opem inter barbaros & salutem tulit, ea mortem iis acerbiores & supplicium maturius ferret. Plura eius generis exstant apud Cicero- nem *Verrin. V, 62. sequ.* Nec ignota sunt exempla Pauli Apostoli *Act. XXII, 24,* & martyrum Galliae apud *Euseb. Hist. Eccles. V, 1.* qui se illa voce CIVIS ROMANVS SVM. a virgarum ignominia, vel ab extremo supplicio eripuerunt.*

XXIX.

Tribunorum plebis auxilium.

XXIX. Sed non solum in legibus Romanis ciuibus maximum praesidium erat positum aduersus magistratum insolentiam: verum etiam in tribunicia potestate. Si quis enim eorum libertatem violare non vereretur: tribunos plebis appellabant, qui ipsis omnem ferebant opem, neque patiebantur, ciui

ciui vlli fieri iniuriam. Plena eiusmodi exemplorum est Romana historia, & quamuis negari haut possit, ista potestate non semel abusos esse tribunos plebis; Saepe tamen etiam insignia iustitiae atque aequitatis specimina edebant, qualia sunt quae Valer. Max. *Lib. VI. cap. V.* refert quamplurima.

XXX. Porro & aduersus creditorum faeuitiam tuti erant ciues Romani. Immanis erat lex XII. Tabularum, quae ciues Romanos obaeratos creditoribus addicebat, a quibus & vinciri, & eorum corpus id est, bona secari, & in partes diuidi poterant, (i) Gell. *Noct. Att. XX, 1* Et quamuis serui haut fierent hunc in modum addicti & nexi: in seruitute tamen erant, seruisque ipsis tractabantur durius. Ast contra hanc immanitatem auxilio ciuibus fuit lex Poetilia, qua cautum est anno V. C. ccccxxvii. C. Poetelio L. Papirio Coss. *ne quis, nisi qui noxam meruisset, donec poenam lueret, in compedibus aut in neruo teneretur: pecuniae creditae bona debitoris, non corpus obnoxium esset.* Liu. *VIII, 28.* Varro *de Lingua Lat. VI, 5. p. 58.* Successit ergo ex eo tempore in additionis illius locum possessio & venditio bonorum, de qua nos alibi ex instituto egimus. Qua de re Terullianus *Apol. IV.* *Sed & indicatos in partes secari a creditoribus, leges erant: consensu tamen publico crudelitas postea erasa est, & in pudoris notam capitis poena conuersa est, BONORVM* adhi-

(i) Dicemus ea de re infra *Lib. III, Tit. XXX. 5.*  
19.



*adhibita PROSCRIPTIONE, suffundere maluit homines sanguinem, quam effundere.* Quin accessit demum beneficium cessionis bonorum ex lege Julia, de quo plura iureconsulti, & nos infra Lib. III. Tit. XXX. §. VIII.

XXXI.

Libertas  
suffragan-  
di data per  
leges ta-  
bellarias.

XXXI. Postremo & hoc ad libertatem ciuium quam maxime pertinebat, quod libere, vt vellent, darent suffragia. Quamuis haec libertas magis ad ius publicum videatur referenda. Id eis attulere leges tabellariae, seu de tabellis, quas Cicero ideo *Agrar. II. 2. vindices tabellae libertatis* & in *Cornel. l. p. 331. principium iustae libertatis* adpellat. Quum enim antea viua voce in comitiis suffragia ferrentur, idque nonnunquam cum periculo videretur coniunctum: primus A. Gabinius Trib. pleb. A. V. C. DCXIII. lege cauit, vt populus non voce, sed tabella suffragium ferret, ne quis inspiceret tabellam, ne rogaret, ne adpellaret. Cic. *de Leg. III, 16.* Successit biennio post altera lex tabellaria, lata a L. Cassio, Tribuno plebis, M. Aemilio Lepido Porcino, & C. Hostilio Mancino Coss. vt & iudices & populus sententias non voce dicerent, sed tabellis ferrent, excepto iudicio perduellionis. Cic. *de Amicit. XII. de Leg. III, 16.* Ascon. Paedian. in *Cornelianam. p. 1313. & Verrianam. II. p. 1820.* Cuius legis insigne monumentum est numus gentis Cassiae, in quo ciuis occurrit, tabellam littera A. notatam cistae immittens, cum lemmate LONGINVS III. V. & Fulu. Vrsin. *de Famil. Rom. p. 67.* Eodem pertinuit tertia lex Papiria, lata a C. Papirio Carbone, Tribuno pleb. A. V. C. lccxxi. P. Popillio Laenate

Laenate & P. Rupilio Nepote Coss. qua cautum denuo, vt in iubendis legibus vetandisque populus tabella suffragia ferret. Cic. *de Leg.* III, 16. Successit quarta anno V. C. lxxx. a Coelio Caldo Tribuno plebis lata, vt etiam in perduellionis iudicio, quod Cassia lege exceptum erat, populus non voce, sed tabella, sententiam ferret. Cic. *de Leg.* III, 16. Quam ipsam quoque legem egregie illustrat numus apud Patin. *de Famil. Rom.* p. 79. quo praeter alia litterae L. D. in tabella conspiciuntur. Significant illae LIBERO, DAMNO. Haec enim verba loco Cassianorum ABSOLVO, CONDEMNO in crimine perduellionis adhibita esse discimus ex Caesare *de Bello civili* III, 83. ex quo loco patet tertiam tunc adhibitam esse tabellam, quam imponebant urnae, qui pecunia mulctandum reum iudicabant. Quae omnia eo pertinebant, vt tanto maiore libertate suum quisque ferret suffragium. Vnde denuo Cicero *pro Planc.* VI. *Populo grata est tabella, quae frontes aperit hominum, mentes tegit, datque eam libertatem, vt, quod velint, faciant, promittant autem, quod rogantur.*

XXXII. Sequitur alterum, quod adiura Quiritium pertinuit, IVS GENTILITATIS. Diuiserat Romulus ciues in duas gentes, quarum vnā patres, alteram plebem, nominauit. Illos ex iis adlegerat, qui in ciuitate genere, virtute atque opibus antecellebant; plebis nomine reliquos omnes adpellauerat. Quemadmodum vero e plebe plebei: ita ex patribus patricii nascebantur. Vtrosque inter se deuinxerat inlituto

XXXII.  
Ius gentilitatis.

tuto illo iure patronatus, de quo supra plura diximus. Adiura vtriusque gentis quod attinet: de illis praecipue obseruandum, quod plebis iura quisque cum ipsa ciuitate impetrarit; patricius autem, nisi lege ad populum lata, nemo fieri potuerit. Bis patricos legit Romulus, semel ex Albanis, ac deinde ex Sabinis. Dionys. Hal. *Ant. Rom.* II. p. 111. Eundem morem postea sequuti ceteri reges, qui subinde ex gentibus deuictis ac in ciuitatem receptis, patriciorum numerum suppleuerunt. Idem *Ant. Rom.* III. p. 199. & IV. p. 280. Suet. *Aug.* II. Libera republica L. Iunius Brutus, primus Cos. patricos legit Liu. II. 2. Sexennio post Appius Claudius, e Sabinis Romam commigrans, lege consulari patricius factus est. Dionys. Halic. V. p. 308. Liu. IV, 2. & X, 8. Postremo C. Iulius Caesar lege Cassia, & Augustus lege Saenia (k) ac denique Claudius Imp. patricos, iam magna ex parte extinctos, suppleuerunt. Tacit. *Annal.*

(k) Sed quanam illa lex Saenia? In priore editione de Sentia suspicatus sum. Sed errorem ademit Lips. *ad Tacit.* p. 285. Obseruat ille ex Dione, Augustum patricos suppleuisse τῆς βαλῆς ἐπιτρεψάσης τῶ το ποιῆσαι, iubente *Senatu*, & quidem anno V.C. lcccxxv. Atqui consul suffectus in fastis adparet L. SAENIVS. Nam in fragmento veterum fastorum apud Grut. pag. ccxcix, 1. ita legitur:

IMP. CAES. IIII. M. LICINIVS. K. IVL. C.  
ANTISTIVS. BELLVM. ALEXANDR.  
EID. SEPT. M. TVLLIVS. K. NOV. L.  
SAENIVS.

Quis ergo dubitarit, ab eo S<sup>C</sup>tum tulisse nomen? Tacitus ergo pro S<sup>C</sup>. *legem Saeniam* dixit.

*Annal. XI, 25. Suet. Iul. XLI, Ceterum ad gentilitatis iura pertinebat, quod soli patricii auspicia ex instituto Romuli haberent. Liu. VI, 42. Id quod tamen de auium duntaxat inspectione & tripudio intelligendum, siquidem de coelo seruire etiam plebeiis licebat. Cic. in Vatin. cap. VII. Quum enim, fatente Cic. de Divin. II, 36. hanc auium reliquorumque signorum observationem retinerent Romani tantum ad opinionem vulgi, & ad magnas utilitates reipublicae, id est ad plebem deludendam, continendamque in officio: periculosum videbatur, plebeios ad haec mysteria admittere, quibus ius magistratus & sacerdotia capiendi erat ademptum. Nimirum & hoc iure ex instituto Romuli gaudebant patricii, ut soli Senatum, sacerdotia, magistratus, iudicia ac totam denique remp. tenerent. Sed paullo post ea omnia paullatim cum plebe communicata sunt, nisi quod interreges, flamines Diales, Martialis & Quirinalis, Rex Sacrificulus, Salii ad extrema usque reipublicae tempora ex patriciis lecti sunt: quemadmodum & comitia tributa, tribunicia potestas (l) & Aedilitas plebeia perpetuo in possessione plebis permanserunt. Reliqua quae hac de re dici possent, a Carolo Sigonio explicata sunt Libro I. de Ant. iure civ. Rom. Cap. VII.*

**XXXIII.** Pars haut postrema iuris Quiritium fuit **IVS CONNUBIORVM**, de quo quum

**XXXIII.**  
Ius con-  
nubiorum  
inter solos  
ciues, nec  
omnes ta-  
men pro-  
miscue fu-

(l) Semel tamen duos patricios inter tribunos fuisse, refert Liu. III, 65.



quum titulo de nuptiis vberius actum sit , iam pauca quaedam addemus. Romani ea in re ab institutis plerarumque gentium discesserunt, quod ne iis quidem, qui eiusdem ciuitatis erant, connubii ius promiscue darent. Praeterquam enim, quod lege XII. Tabularum vetita essent inter patricios & plebeios connubia: Dionys. Halic. X. p. 674. Liu. IV, 4. etiam sublata illa lege, saepe inter ipsos vicinarum regionum, aut eorum, qui sub eodem gentis nomine vulgo continebantur, populorum ciues prohibita sunt connubia. Sic inter Latinos connubia commerciaque nulla esse patiebantur Romani. Liu. VIII, 14. Idem de tribus Hernicorum populis patet ex eodem Liuio IX, 43. Deuicta Macedonia, & in quatuor regiones diuisa , id etiam edixerunt decem legati, *neque connubium, neque commercium agrorum aedificiorumque inter se placere cuiquam extra fines regionis suae esse.* Liu. XLV, 29. Quod callido consilio inuenerant Romani, ne mutuis adfinitatibus & commerciis iuncti inter se ac colligati, eo promptius aduersus rempublicam consociarentur. Immo ne cum omnibus quidem ciuibus Romanis connubii ius erat ciuibus. Libertinas, quamuis ciues, duci olim haut potuisse ab ingenuis ciuibus, patet exemplo Hispalae Fecenniae, cui haec potestas SC. data est. Liu. XXXVIII, 6. Sic & Campani, qui pridem ciuitatis iura fuerant consequuti , postea demum impetrarunt, *ut sibi CIVES Romanas ducere uxores liceret, & si qui prius duxissent, ut habere eas, & ante eam diem nati iusti sibi liberi heredesque essent.* Liu.

Liu. XXXVIII, 36. Qua de re plura differit  
Ez. Spanhem. *Orb. Rom. II*, 24. p. 262.

XXXIV. Quum itaque ne inter omnes XXXIV.  
quidem eiusdem ciuitatis ius connubii esset: Cum pe-  
multo magis cum aliis, ciuitatis Romanae ex- regrinis &  
fortibus connubia erant interdicta. Vnde Se- barbaris  
neca de *Benef. IV*, 35. *Permisi tibi filiam in matri-* nullum  
*monium, postea peregrinus adparuisti: non est mihi cum* connu-  
*externo connubium.* Solebat tamen etiam pere- bium.  
grinis primum a populo; postea a Senatu ac  
demum a principe concedi ius connubii, per  
modum lege solutionis vel priuilegii. Qua de  
refusius diximus in *Comment. ad L. Iul. & Pap.*  
*Popp. Lib. II, cap. XVIII. p. 321. seqq.* Adde su-  
pra *Libro I, Tit. X, n. 15.* Si quis vero non im-  
petrato illo beneficio peregrinam duxisset: na-  
ti ex eiusmodi nuptiis liberi tamquam totidem  
hybridæ ac nouum genus hominum habeban-  
tur, neque multo melioris, quam serui, erant  
conditionis, ceu patet exemplo militum Ro-  
manorum, qui Hispanas mulieres duxerant,  
apud Liu. XLIII, 3. Ex quo vero cum omni-  
bus in orbe Romano ciuitas fuerat a Caracalla  
communicata: promiscua quidem inter eos  
esse coeperunt connubia, sed prohibita tamen  
cum barbaris. *L. vn. C. Theod. de nupt. gentil. Lib.*  
*III, Tit. 14.* Quam tamen Valentiniani Se-  
nioris legem non diu valuisse multis exemplis  
docent Iac. Gothofredus in *Commentario ad*  
*illam legem &*, qui plura addidit, Ez. Spanhem.  
*Orb. Rom. II*, 23. p. 164. *sequ.*

XXXV. Alia quædam de prohibitis in- XXXV.  
ter ciues nuptiis statuit Augustus lege Papia Lex Papiæ  
Pop- Poppæa

de connu-  
bio Sena-  
torum  
cum liber-  
tinis.

Poppaea, cuius primo capite prohibita nuptiae inter senatorem eiusque filios nepotesque & libertinas, lenas, a lenone manumissas easque, quae artem ludicram exerceant, vel filias eorum, qui eiusmodi artem fecissent. *L. 44. pr. D. de rit. nupt.* Dio Cass. *LIV. p. 608.* Quum enim iam M. Antonio hoc vitio datum fuerit, quod libertini factus esset gener: Cic. *Philipp. II, 2.* multo minus dignum videbatur saeculi Augustaei felicitate, senatorium sanguinem ipsarum libertinarum, lenarum ac meretricum commixtione contaminari. Scenicas vero vxores praeter artis infamiam etiam id indignas senatoriis nuptiis reddebat, (m) quod pleraeque

(m) Eam legem latius interpretatus D. Marcus, nuptias Senatorum cum feminis eiusmodi non solum iniustas, verum etiam irritas esse iussit, cuius SC. mentio fit *L. 16. D. de sponsal.* Ethinc inter Senatorem & eiusmodi personas nuptiae esse negantur, *L. 42. §. 1. D. de ritu nupt.* adeo ut haec ne quidem vxores fiant, *L. 34. §. 3. eod.* sed statim sint dimittendae, *L. 43. §. 10. D. eod.* Quae omnia ex hoc SC. esse, satis constat. Postea Constantinus M. hanc legem non solum a senatoribus, sed & ab aliis viris perfectissimis seruari voluit. *L. 1. C. de natur. lib.* (Falso enim in textu legitur *senatores seu PRAEFECTI pro PERFECTI.*) quam legem per omnia confirmavit Marcianus Imp. *L. 7. C. de incest. & inuul. nupt.* Non, Marcian. post Cod. Th. tit. IV. Ast sublata deum est per *L. 23. C. de nupt.* non a Iustiniano quidem, ut inscriptio prae se fert, sed a Iustino, quem Iustinianus, tum adhuc Nobilissimus Caesar, ad edendam istam constitutionem induxerat, quia ipse cum Theodora, muliere scenica, & parum integrae famae, nuptias adfectabat. Procop. *Anecd. p. 45.* & ibi Nic. Alamannus. Ipse Iustinianus paullo post  
ea

que simul turpissimis se libidinibus in ipsa scena prostituerent, quemadmodum ex Plauti *prologo Casin.* ostendit Lipsius *Elect. I, 11.* Rem omnem accuratius exposuimus in *Comment. ad L. Iul. & Pap. Popp. Lib. II. Cap. I.*

XXXVI. Ad reliquos quod attinet ingenuos, licebat iis libertinas vxores ducere per legem Papiam Poppaeam. *L. 22. D. de ritu nupt. L. 15. C. de nupt.* Quod ideo receptum, quia tum maior erat libertinarum, quam ingenuarum, copia. Dio Cass. *Hist. LIV. p. 608.* Quo fit, vt & vetera marmora saepe meminerint coniugii libertarum. Reines. *Inscr. p. CCCCLIX, 131.*

XXXVI.  
Libertinas  
ducere o-  
lim non li-  
cuit: at  
permisit  
lex Papia  
Poppaea.

D. M.

C. SALVIVS RESTITVTVS FECIT,  
SIBI. ET.

SALVIAE. NYMPHIDIAE.  
LIBERTAE. SVAE. ET. CONIVGLI,  
OPTIMAE. B. M. DE. SE. ET.  
NICERO. L. L. Q. S. P. Q. S.

Et alibi p. CCCCLX.

D. M.

SEPTIMIAE.  
TYCHAE. QVAE.  
VIXIT ANNIS  
XXXVI. SEPTI

MIVS

ea de re aliquoties tum ad SS. Episcopos tum ad magistratus rescriptit. *L. 33. C. de episc. audient. Nouell. LXXXIX, 15. CXVII, 6. LXXVIII, 3. LI. Vid. Nic. Alaman. Not. ad Procop. Anecd. 41. & Comment. nostr. ad L. Iul. & Pap. Lib. II. Cap. II,*



MIVS. IVLIA  
NVS. CONIV  
GI. ET LIBERT.  
KARISSIMAE.

Adde p. **DLXXII**. Grut. *Inscr.* p. **DLXXII**, 8. **DCCCCXXXV**, 4. **DCCCCXL**, 3. **DCCCCLVII**, 7. in quibus saepe laudantur **LIBERTAE ET CONIVGES OPTIMAE, BENEQVE MERENTES, KARISSIMAE, FIDELISSIMAE, DVLCISSIMAE, AMANTISSIMAE, INCOMPARABILES**. Prohibitae tamen manserunt nuptiae inter libertum & patronam, patroniue vxorem, vel filiam quae & damnatione ad metalla puniebantur, nisi patrona esset vilioris conditionis *L. 13. D. de rit. nupt.* Paull. *Recept. Sent. II*, 19. 7. Et hinc rarissimi exempli est, inscriptio apud Fabretum pag. **CCLXXXIX**: **IVNIAE. FESTIVAE. PATRONAE. ET. VXORI. KARISS. C. IVNIVS, MERCVRIVS**. Cui tamen similes deprehendisse mihi videor apud Gruter. *Inscr.* p. **DLXXXII**, 4. & Reines. *Inscr. Class.* **XII**, 24. Sed quamvis lex Papia permitteret, vt libertinae ducerentur vxores: non poterant tamen duci *lenae, a lenone lenae manumissae, aut in adulterio deprehensae, quaeue artem ludicram facerent, fecerint.* *L. 43. D. de rit. nupt.*

**XXXVII. XXXVII.** Plerique existimant, eadem An eadem lege Papia Poppaea prohibitas nuptias sexagenariorum masculorum & quinquagenariarum feminarum, idque colligunt ex fragmento Senecae apud Lactant. *Inst. Divin.* **I**, 16. Vlpian. *Fragm.* **XVI**, 1. & *L. 27. C. de nupt.* Quibus auctor-

cloritatibus commotus Iac. Gothofredus hoc <sup>genaria-</sup> caput legis Papiae Poppaeae commentus est; <sup>rum?</sup>  
 SEXAGENARIO MASCULO, QVINQVA-  
 GENARIAE FEMINAE NVPTIAS CON-  
 TRAHERE IVS NE ESTO. Iac. Gothofr.  
*ad leg. Pap. Popp. II.* Sed luculenter euicit V.C.  
 Iac. Perizonius *Diff. ad Leg. Vocon. p. 153. sequ.* ca-  
 put illud de sexagenariis & quinquagenariis  
 non esse ex lege Papia Poppaea, sed ex SC. quo-  
 dam, facto temporibus Tiberii. Res patet ex  
 luculento loco Suet. *Claud. XXIII, Capiti Papiae*  
*Poppaeae legis, a Tiberio Caesare, quasi sexagenarii ge-*  
*nerare non possent, addito, obrogauit.* Mira quidem  
 in turbando hoc Suetonii loco est criticorum  
 solertia: (n) sed constanter hanc lectionem prae-  
 se ferunt meliores codices, nec ipse sensus vl-  
 lam postulat emendationem. Optimus Suetonii  
 interpretes est Vlpianus *Fragm. XVI, 3.* ubi iure-  
 consultus: *Qui, inquit, intra sexagesimum, vel*  
*quae intra quinquagesimum annum neutri legi parue-*  
*rit, licet ipsis LEGIBVS post hanc aetatem liberatus*  
*esset, perpetuis tamen poenis tenebitur ex SC. PER-*  
 NICIANO. *Sed CLAUDIANO SENATVS-*  
 CON.

(n) Cuiacius & Torrentius plane eliciunt Tiberium &  
 locum ita refingunt: *Capiti Papiae Poppaeae legis, quasi*  
*sexagenarii generare non possent, edicto abrogauit.* Pul-  
 mannus pro *edicto* habet *edito* Iac. Gothofredus *Not.*  
*ad L. Pap. Popp.* reliqua admittit, sed pro *edicto* legi  
 iubet *ad aucto* Ast nullam harum emendationum vel  
 textus admittit, vel accuratiores Codices, qui teste  
 Casaubono praeferunt: *addito obrogauit*, vel quan-  
 tius pretii locus Vlpiani, vt in sequentibus adpare-  
 bit.

CONSVLTO *maior sexagenario, si minorem quinquagenaria duxerit, perinde habebitur, ac si minor sexaginta annorum duxisset uxorem.* Et paucis interiectis : *Quod si maior quinquagenaria minori sexagenario nupserit : impar matrimonium appellatur, & SC. CALVITIANO cauetur, non proficere ad capiendas hereditates & legatas dotes.* Itaque mortua muliere dos caduca erit. Ex his ergo locis egregia lux adfunditur Suetonio. Discimus enim inde I, quid in lege Papia Poppaea de sexagenariis & quinquagenariis fuerit cautum, videlicet, sexagenarios masculos & quinquagenarias mulieres ob aetatem a poenis legis liberos fore. Discimus II. quid addiderit huic capiti Tiberius. Quum enim animaduertisset, multos ad hanc aetatem peruenire, qui legi numquam antea paruissent : statuit, vt sexagenariorum & quinquagenariorum nuptiae non quidem essent irritae, sed nihil tamen ad effugiendas caelibatus poenas proficerent. Id quod sancitum est SC. PERNICIANO, vel, vt Cl. Perizonius p. 156 mavult, PERSICIANO, ita dicto a Paulo Fabio Persico, qui tertio ante excessum Tiberii anno Consul fuit cum L. Vitellio. (o) Discimus III, qua in re CLAUDIVS Tiberii legi obrogauerit. Perpetuis enim poenis illis exemit sexage-

(o) Ille sane Fabius plerumque *Persicus* non addito nomine gentili adpellatur. Vid. Seneca. *de Benef. II, 21.* & Lapis apud Gruter. *Inscript. p. lxxx. NON. MAGIS. POENITENDI. SVNT. SENATORES. QVAM. POENITET. PERSICVM. NOB. VIRVM. AMICVM. MEVM. INTER. IMAGINES. MAIORVM. ALLOBROGICI. NOMEN. LEGERE.* (P)

xagenarios, dummodo quinquagenariis duxissent minores, quandoquidem ex eiusmodi matrimonio proles adhuc sperari poterat. Denique & hoc IV. inde discimus, postremo accessisse SC. CALVITIANVM, vel vt Perizonius mauult, CALVISIANVM, (p) quo cautum, vt quod seni masculo, ducenti inuenculam, dedisset SC. Claudianum, non item valeret de nuptiis vetulae cum viro iuvene, quippe nullam spem prolis facturis. Sed & haec iura vna litura deleuit Iustinianus L. 27. C. de nupt. Vid. *Comment. nostr. ad L. Iul. & Pap. Lib. II. Cap. III.*

XXXVIII. Si quas personas vxores ducere haut possent ciues Romani: eas tamen CONCUBINAS habere poterant. L. 1. §. 1. D. *de concubin.* Concubinitus enim per Leges nomen adsumserat, L. 3. §. 1. eod. νόμος ἐγένετο, *pro lege habebatur*, teste Clem. Alex. *Paedag.* III, 3. Illum δὲ σοφοὶ τῶν νόμων ἐπιτρέψουσιν, *sapientes leges permittunt*, Id. *ibid.* Leges nimirum Iulia & Papia Poppaea, quas καὶ ἐξοχὴν νόμους vel leges esse dictas iam Lipsius *Excess. ad Tacit. Ann.* III. litt. C. obseruauit. Ante celeberrimam fane illam legem *concubina & pellex* pari passu ambulabant, nec altera altera erat honestior: post illam autem *pellex* erat, quae cum aliquo, cui vxor erat, corpus miscebat, quae autem, cum aliquo, cui vxor non esset, viuebat, ea honestiore nomine

VO-

(p) Nullus in fastis post Claudii tempora occurrit Caluitius: at sub Nerone & sequentibus Imperatoribus multilaudantur Caluifii.



vocabatur *amica* vel *concubina* L. 144. D. de V. S. *conuictrix*, Grut. p. DCCXCV, 8. γλυκυτάτη σύμβιος, Id. p. DCCLXXX. 9. *uxor gratuita*, id est, quae per coemptionem haut conuenerat in manum. Idem p. DCCC, 21. *sodalitaria*, Grut. p. DCII, 5. *amica*, cum qua quis sine mendacio vivebat. L. 35. D. de aur. arg. aer. leg. Hinc honestum ex eo tempore erat concubinae nomen, L. 144. D. de V. S. & licita cum ea consuetudo, L. 5. C. ad SC. Orphit. adeo ut ab vxore solo delectu & animi destinatione Paull. Rec. Sent. II, 20. 2. & dignitate differret, L. 49. §. 4. D. de legat. 3. Immo vxoris loco haberetur. L. 144. de V. S. tamen haec coniunctio dici non poterat *legitima*, quia lex concubinas habere permittebat, non tamen initam cum iis consuetudinem eadem effecta habere patiebatur, quae tribuit matrimonio. Id quod contra Cuiacium recte docuit Em. Merill. Obs. III, 15. & Variant. Cuiac. I, 34.

XXXIX.

Quae concubinae esse potuerint?

XXXIX. In concubinato vero esse poterat, quaecumque non poterat esse vxor, vel in quam stuprum non committebatur. L. 1. §. 1. D. de concub. Quod tamen recte intelligendum. Non enim quas honestas & ius illud, quod impressum mentibus nostris circumferimus, a toro virorum arcebat, cum iis concubinatum inire licebat, uti sibi persuasit Cuiacius Obs. V. 6. sed cum illis tantum, quae per leges mere civiles vxores esse non poterant. Hinc fas erat ingenuo concubinam habere iudicio publico damnatam, L. 1. §. 2. D. de concub. mulierem quaestuariam, L. 16. D. de his. quae ut indign. obscuro loco natam, L. 3. pr. D. de concub. ancillam, L. 38.

pr.

*pr. D. de reb. auct. iud. poss.* mulierem prouincialem, in qua quis officium administrabat, *L. 5. D. eod.* etiam senem & cuiuscumque aetatis, modo posset virilis patientiae legem accipere. *L. 4. § 4. eod.* At non poterat quis in concubinato habere feminam quamcumque, si haberet iustam uxorem *Paull. Rec. Sent. II, 20. 1. L. ult. §. 2. de diuort.* Multo minus plures simul concubinas habere licebat, quia semper infamis Romanis videbatur vita *inter stupra concubinarum & oscula, vel mollia concubinarum & spadonum agmina* transacta, qualem in Sophonio Tigellino & Fabio Valente reprehendit *Tacit. Hist. I, 72. III, 20.* in Commodio Imperatore *Ael. Spartian vit. Comm. Cap. V.* Et Iustinianus mulieres, quae vni viro corpora praebent eodem tempore, non *concubinas*, sed *πορνευόμενας* dicendas indignasque concubinarum iuribus iudicat. *Nov. XVIII. Cap. 5.* Minime omnium inter eas personas honestus erat concubinitus, quas sanguinis propinquitas vel adfinitas a matrimonio arcebat, vt passim docet *Vlpianus L. 1. §. 3. D. de concub. L. 56. D. de R. N.*

XL. Sed adiecimus tamen, ne tunc quidem locum concubinato fuisse, si femina esset talis, vt in eam stuprum committeretur. Stuprum vero committitur in virginem vel viduam ingenuam vitaeque integram: *L. 14. pr. D. ad L. Iul. de adult.* non autem in obscuro loco natam, ludionis, lenonis, arenarii filiam vel quae quaestum corpore fecerat. *L. 3. pr. D. de concub.* Vnde & Ouidio *de arte amandi I, v. 30.* amplexus huiusmodi muliercularum sunt *Venus tuta & concessa*

XL. An & ingenuae honestae?

*concessa furta*, quia qui cum tali femina rem habuerat, stupri reus haut erat ex Lege Iulia de adulteriis. Hae ergo & in concubinato esse poterant: non feminae ingenuae & honestiores. Hinc si hae cum viris essent: aut vxores praesumebantur aut stupri reus vterque erat, si se negaret viuere in matrimonio, nec tamen mulier testationem interposuisset, se sua sponte in concubinato viuere. *L. 1. pr. D. de concub.* Cui legi male vulgo obuerti *L. 24. D. de R. N. & L. 31. pr. D. de donat.* satis perspicue ostendimus in *Comment. ad Leg. Iul. & Pap. Popp. Lib. II, Cap. IV. p. 172. sequ.*

XLI. Quinam concubinas adsciuerint?

XLI. Quamuis autem & licita nec inhonesta Romanis videretur haec consuetudo, ac vere inaequale esset matrimonium: *L. 3. C. de natur. lib.* tamen nec ipsae concubinae vxorum dignitate & iuribus fruebantur, nec liberi inde nati legitimi erant, sed naturales, quorum de conditione supra *Tit. X.* quaedam notauimus. Hinc & ii fere, qui iam ex iusto matrimonio liberos procreant, patriaeque & Priamo fecerant satis, concubinam solebant in lectum adsciscere, ne liberis inducerent nouercam, spemque hereditatis iis nihil tale meritis interuerterent. Sic Vespasianus Imp. post vxoris excessum Caenidem, Antoniae libertam, reuocauit in contubernium, & paene iustae vxoris loco id est, in concubinato habuit. *Suet. Vesp. III.* Idem fecit Antoninus Pius, *Iul. Capitol. Vit. Anton. Cap. VIII.* idem & Marcus Antoninus, recti exempli imperator, qui amissa vxore concubinam sibi adsciuit, procuratoris sui

fui filiam, ne tot liberis nouercam superduceret. Id.

*Vit. Marci cap. XXIX.*

XLII. Talis utique fuit veterum Romano-  
rum concubinitus. Vnde ii cum laruis pu-  
gnant, qui audito concubinae vocabulo sta-  
tim sibi aut prostibulum aliquod, aut plane pel-  
licem, animo concipiunt. Id vero non magis  
verum est, quam si quis idem iudicium feren-  
dum putaret de vxoribus *ad morganaticam*, quas  
Principes & viri illustres ea lege adsumunt in-  
torum, vt nec ipsae mariti dignitate, nec liberi  
reliquorum liberorum iuribus fruuntur. His  
vxoribus per omnia fere similes erant concu-  
binae Romanorum, postquam *mos & lex maculo-  
sum edomuerat nefas*, & Augustus concubinitum  
a pellicatu secreuerat.

XLII. Fue-  
re concu-  
binae simi-  
les vxori-  
bus ad  
morganati-  
cam.

XLIII. At iste concubinitus paullatim  
evanuit, postquam Christiana pietate indignus  
videri coepit. Primus eum subruere conatus  
est Constantinus M. sed ita vt obliqua quasi via  
procederet, nec se id agere prae se ferret. Quum  
enim ita inoleuisset ista consuetudo, vt impar  
sibi prope videretur ei abolendae: id agebat  
potissimum, ut ciues vxores, quam concubinas  
habere mallent. Hinc primo liberis naturali-  
bus quidquam relinqui vetuit, ceu colligimus  
ex *L. i. C. Theod. de natur. lib.* Deinde ideo  
adinuenit legitimationem per subsequens ma-  
trimonium, non in futurum tamen valituram,  
ne parentibus occasio deesset signandi tabulas,  
& concubinas iustis sibi nuptiis iungendi Des.  
Herald. *Rer. Quotid. I, 4, 2.* Denique ne viri di-  
gnitatibus fulgentes alios exemplo corruppe-  
rent

XLIII. Quando  
legibus in-  
terdictus  
concubi-  
natus?



rent durissimam illam *L. i. C. de nat. lib.* edidit, qua concubinas a viris illustribus, clarissimis, spectabilibus, perfectissimis haberi vetuit. Nec successus forsan defuisset illis Constantini M. consiliis, si successoribus ista potuisset probare. Sed facilius tulerunt concubinatum, adeo, ut nulla eorum constitutio, isti coniunctioni opposita in codicem relata sit a Iustiniano, sed hic ipse potius concubinatum *licitam* vocarit *consuetudinem L. 5. C. ad SC. Orphit.* in eaque *caste viui posse* scripserit. *Nov. XVIII. Cap. 5.* Primus ergo in Oriente eum subruisse videtur Leo Sapiens. *Nov. Leon. XCI.* In Occidente eum multo diutius mansisse, fatis ostendunt Leges veteres Francorum, Langobardorum, Germanorum, de quibus fusius a nobis actum in *Antiquitatibus iuris Germanici.*

XLIV. Le-  
ges Romu-  
li & XII.  
Tabula-  
rum de di-  
uortiis.

XLIV. In Titulo de nuptiis accuratius egimus de diuersis modis nuptiarum per confarreationem, coemptionem & usum, deque potestate maritorum in uxores; de quibus multa potius, quam optima, collegit Carolus Sigonius *de antiquo iure ciu. Rom. I.* Quare de diuortiis tantum nonnulla adiiciemus, maxime quum eam doctrinam in Institutionibus suis praetermiserit Iustinianus. Diuortium maritis quidem permiserat Romulus, at non vxoribus, ut tradit Plutarch. *Vit. Romuli p. 39.* Sed nec illis quidem, eodem teste Plutarcho, sine causa fontica licebat vxoribus mittere nuncium, verum si constaret, eas aut stuprum passas, aut venenum parasse, aut liberos clauessue subiecisse. Forasan etiam temulentia  
intex

inter causas diuortii fonticas fuit, quippe quam maritus, causa cum cognatis cognita, seuerè vindicare in vxore consueuerat. Dionys. Hal. II. p. 96. Eadem lex deinde migrasse videtur in duodecim tabulas, secundum quas, addita causa, iustum fieri potuisse diuortium, colligitur ex L. 43. *D. ad Leg. Iul. de adult.* & praecipue ex loco Ciceronis *Philipp. II*, 28. *Nolite, nolite quaerere: frugi factus est: mimam illam suam suas res sibi habere iussit, ex XII. Tabulis causam addidit, exegit.* Quamuis enim hoc causam addidit suspectum videatur P. Victorio *Var. Lect. II*, 2. & *Mur. Var. Lect. V*, 8. & quidem ob locum Nonii IV, 152. in quo legitur: *clauis admit, forasque exegit*: Grammaticos tamen saepe ex auctoribus fragmenta non integri sensus exscribere, & hinc emendationem auctorum ex fragmentis illis periculosam semper esse, prudenter monuit eruditissimus Perizonius *Animadu. Hist. Cap. IX. p. 371. sequ.* Vt ut sit, videtur sane lex XII. Tabularum non promiscue ac sine causa concessisse repudium, siquidem veteres auctores saepe eiusmodi causarum meminere. (q) Naeuius apud Festum voce *fonticum. p. 441.*

#### *Sonticam*

- (q) Non solebat antiquitus vxori dari repudium, nisi causa cognita in concilio cognatorum. Val. Maxim. II, 1, 4. & 8. Quin iusiurandum praestari solebat censoribus, diuortium ex iusta causa esse factum. Gell. XVII, 21. Solebant praeterea istae causae ipsumque factum diuortium in acta referri. Seneca *de Benef. III*, 16, *Quia vero nulla sine diuortio acta sunt, quod saepe audiebant, facere didicerunt.* Adde. Lips. *ad Tacit. Ann. V*, p. 231.

*Sonticam esse oportet causam, quam obrem perdas mulierem.*

Et Varro apud Non. II, 73. *Betere est ire. Varro τὸ πατὴρ τὸ παῖδιν: A se, annos multos quod parere non posset, eam betere foras iussit. Si sine iusta & fontica causa factum erat diuortium, Romulus teste Plutarcho sanxerat, τῆς ὁσίας αὐτῆς τὸ μὲν τῆς γυναικὸς εἶναι, τὸ δὲ τῆς Δημητρεὸς ἱερὸν, ut eius bona partim cederent uxori, partim Cereri sacra essent. Vit. Romul. p. 39.*

XLV. Diuortiorum origo & frequentia sequiore aeuo.

XLV. Ast quamuis diuortia viris permitterent leges: non tamen vllum Romae exstitit exemplum ante annum ab V. C. circiter quingentesimum, quo primus uxorem ob sterilitatem dimisit Sp. Caruilius Ruga. Dionys. Halic. *Ant. Rom. II, p. 96. Plutarch. Romul. p. 39. & in Numa. p. 77. Valer. Max. II, 1. 4. Gell. Noct. Att. IV, 3.* At postea frequentissima Romae fuere diuortia, & quidem non solum ob causas alicuius momenti, veluti sterilitatem, L. 60. L. 62. D. de donat. int. vir. & vx. Suet. Ner. Cap. XXXV. similtates cum focru, Sueton. Aug. cap. LXII. morum peruersitatem, Idem ibid. cap. LXII. impudicitiam, Plutarch. in vit. Caton. & Pompei. Sueton. Vit. Claud. cap. VII. XXVI. verum etiam ob causas leuissimas. Facile enim, vel ob leuem tantum suspicionem, domo eiciebatur vxor, quamuis innocentissima. Papiriam sane quum dimitteret Paullus Aemilius, mirantibus amicis, & causam quaerentibus, nullam certam attulit, sed se tamen ab ea laesum significauit. Plutarch. Vit. L. Paulli p. 257. Tom. I. Nonnumquam causa interserebatur quidem, sed

sed levis, & quae vix mereri videbatur tantam animaduersionem. Sic C. Sulpicius Gallus extrusit vxorem, quod foris nudo capite versata esset: Q. Antistius Vetus. quod cum libertina vulgari secreto collocuta: P. Sempronius Sophus, quod ludos spectasset, se ignorante. Val. Max. VI, 3, 10. seq. Cicero ipse, Cato quam honestatis studiosus? Terentiam ob aes alienum nona dote exsoluendum: & Publiliam, quod Tulliae morte laetari visa esset, domo exegit. Plutarch. *Vit. Ciceron.* Alii propter senectutem abiiciebant vxores, L. 62. *de don. inter vir. & vx.* alii quia iam cum alia fuerat transactum. Quo pertinent illa Iuuenalis *Sat. VI. v.* 147.

- - - Exi

*Ocyus, & prospera, sicco venit altera naso.*

Immo quum dimissa ob mores grauiores vxore, maritus dotem lucraretur: fiebat aliquando, vt viri data opera male moratas ducerent, dummodo bene dotatae essent. Sic C. Titinnius Minturnensis Fanniam vxorem impudicam de industria duxerat, vt eo crimine repudiatam dote spoliaret. Quod exemplum, latamque a C. Mario sententiam referunt Plutarch. *in vita Marii p.* 247. & Valer. Max. VIII, 2. 3. Denique etiam nonnunquam bona gratia a se inuicem discedebant coniuges, & tum plerumque vxor non solum dotem recipiebat, sed & dona & munera a marito data lucrabatur. Vnde Ouid. *de Remed. Amoris v.* 669. *sequ.*

*Tutius est, aptumque magis, DISCEDERE  
PACE,*

V 2

*Quam*



*Quam petere a thalamis litigiosa fora.  
Munera, quae dederas. habeat sine lite iubeto,  
Esse solent magno damna minora malo.*

XLVI. Etiam  
am uxori-  
bus licuit  
a viris di-  
uertere.

XLVI. Ceterum quum olim maritis tantum ius esset dimittendi vxores, ceu ex Romuli lege obseruat Plutarchus in *Vita Romuli* pag. 39. idque ius adhuc vigeret temporibus Plauti, ceu ex eius *Mercat. Act. IV. Scen. 6.* constat: postea etiam vxores coeperunt a viris diuertere, idque tam frequenter, vt grauiter scribat Seneca de *Benefic. III, 16.* *Numquid iam vlla repudio erubescit, postquam illustres quaedam & nobiles feminae non consulum numero, sed maritorum, annos suos computant, & exeunt matrimonii causa, nubunt repudii?* Et Iuuenal. *Sat. VI. v. 20.*

- - - Sic fiunt octo mariti

*Quinque per auctummos.*

Et Martialis *Epigr. VI, 7.*

*Aut minus aut certe non plus, tricesima lux est,*

*Et nubit decimo iam Thelesina viro.*

*Quae nubit toties, non nubit, adultera lege est,*

*Offendar moecha simpliciore minus.*

Nec grauioribus opus erat causis, si vxor a marito, quam si hic ab illa, sese seiungeret. Saepius enim & mulieres sine causa diuertebant a viris. Exemplum habes in Ciceronis *Epist. ad Fam. VIII, 7.* vbi Coelius ad Ciceronem: *Paulla Valeria, soror Triarii, diuortium sine causa, quo die vir e prouincia venturus erat, fecit. Nuptura est D. Bruto.* Soli libertae non licebat per legem Papiam Poppaeam a patrono discedere, cui erat matrimonio copulata, ceu ipsa legitima verba docent, quae seruauit Vlpianus *L. ult. D. de di-*

*uort.*

ort. quaeque diligentius interpretati sumus in  
*Comment. ad L. Iul. & Pap. Popp. Lib. II. Cap. XII.*  
*p. 244.*

XLVII. Fiebat olim diuortium non sine XLVII.  
 sollemnitate. Quemadmodum enim vxores Sollemni-  
 in manum conueniebant per confarreationem : tates in di-  
 ita seiungebantur alio sacrificio, quod diffarra- uortiiis o-  
 tio adpellabatur. Fest. voce diffarreatio p. 280. lim obser-  
 Diffarreatio genus sacrificii, quo inter virum & mu- uatae.  
 lierem fiebat dissolutio. Dicta diffarreatio, quia fiebat  
 farreo libo adhibito. In usu erat hoc sacrificium  
 adhuc Plutarchi aetate, quoties inter flaminem  
 Dialem & flaminicam fiebat discidium nuptia-  
 rum. Quum enim antea flaminibus nefas ef-  
 fet, vxores a se dimittere : rescripto id primus  
 permisit Domitianus, teste eodem Plutarch.  
*Quaest. R. p. 276. Tom. II.* Qui & haec addit :  
 οἱ δὲ ἱερεῖς παρεγένοντο τῇ τῇ γάμῃ διαλύσει, ποικίλῃ  
 φοικῶδι καὶ αἰκνύοντα, καὶ σκυθροπὰ δρῶντες. At  
 sacerdotes reliqui, qui interfuerunt, quum eiusmodi  
 matrimonium dissolueretur, multa horrenda, inaudita  
 & tristia fecerunt. Vnde patet triste admodum  
 ac mali ominis fuisse hoc diffarreationis Sacri-  
 ficiu, in quo multos ritus ac caerimonias tri-  
 stiores adhiberi oportuerit. Coemtionem con-  
 tractae nuptiae remancipatione solutae viden-  
 tur Iac. Raeuaro, *de Leg. XII. Tab. XXII. p. 99. seq.*  
*Tomo I. Oper.* Praeterquam enim quod nihil tam  
 naturale est, quam vnumquodque eo modo  
 dissolui, quo colligatum est, L. 35. D. *de reg. iur.*  
 omniaque, quae in iure contrahuntur, contra-  
 rio iure pereunt : L. 100. D. *eod.* remancipatio-  
 nis huiusmodi disertis verbis meminit Festus

voce remancipatam p. 403. *Remancipatam Gallus Aelius esse ait, quae mancipata sit ab eo, cui in manum conuenerat.* Ita sane Catonem Vticensem vxorem Marciam praesentem despondisse Hortensio, refert Plutarch. in *Catone*. Et Tiberium Neronem Liuiam vxorem etiam praegnantem Augusto cessisse, ex Tacit. *Ann.* V, 1. & Dionis *Lib.* XLVIII. *novimus.* Id quod remancipationis ritu factum esse, non dubitauerim. Conuenisse enim Liuiam in manum, ex verbis Dionis colligas: ἐξέδωκε δὲ αὐτὴν αὐτὸς ὁ ἀνὴρ, ὥσπερ, τις πατὴρ. *Elocavit illam ipse maritus, tanquam filiam.* Vsu denique quaesita vxor, si vellet a viro diuertere, vsurpatione rescindebat matrimonium, si nondum circumacto anno a viro trinoctium abfuisset. Gell. *Noct. Att.* III, 2. Macrob. *Saturn.* I, 3.

## XLVIII.

Ritus fe-  
quiore  
aetate vsita-  
ti.

XLVIII. At postea inualuit, vt paucioribus adhibitis caerimoniis, quae legitimae observationis vocabulo veniunt in *L. 35. D. de don. int. vir. & vxor.* dissoluerentur matrimonia, quas summam recenset. Primo confringebantur tabulae dotales, vt patet ex Tacito *Ann.* XI, 30. & Scholiasta Iuuenalis *ad Sat.* IX v. 75. Deinde adimebantur clauae. Quemadmodum enim nouae nuptae, ingressae domum mariti, clauae in signum communicati cum ea domini tradebantur: Barn. Briffon. *de ritu nupt.* pag. 232. ita clauibus ademtis dirimebantur connubia. Cic. *Philipp.* II, 28. Petr. Victor. *Var. Lect.* II, 2. Tum porro dicebantur sollempnia verba. His enim omnino opus fuisse, vel inde patet, quod Cicero *de Orat.* I, 40. ait: *Certis quibusdam*  
VERBIS,

*VERBIS, non nouis nuptiis, fieri cum superiore diuortium.* Verba vero illa haec erant: RES TVAS TIBI HABETO. Vel TVAS RES TIBI AGITO, L. 2. §. 1. D. de diuort. Barn. Briff. de Form. VIII. p. 722. eaque pronunciare plerumque solebat libertus. L. 9. D. de diuort. Iuuenal. Sat. VI. v. 145.

*Collige sarcinulas, dicet libertus, & EXI*  
*Iam grauis es nobis, & saepe emungeris, EXI*  
*Ocyus, & propera, sicco venit altera naso.*

Solebant etiam nuncium mittere coniungi, eaque speciatim dicebatur renunciatio matrimonii. Immo & libellus dabatur, cui eadem procul dubio verba inscripta. Quo libello iam oblato, locus quidem erat poenitentiae, si coniux repudiatus consentiret: L. 7. D. de diuort. non si huic placeret conditio. Tunc enim dissolutum censebatur matrimonium, libello etiam nondum tradito. L. 6. C. de repud. Car. Sigon. de antiquo iure ciu. Rom. I. 9. p. 132. Denique Augustus, (qui & alias diuortiis modum imposuit, teste Sueton. Octau. XXXIV.) lege Iulia de adulteriis cauit, ut diuortium fieret, adhibitis praeter libertum septem testibus ciuibus Romanis, puberibus: alias pro irritato haberetur. L. 9. D. de diuort. Barn. Briffon. ad Leg. Iul. de adult. XXVIII. p. 123.

XLIX. Sed haec omnia ad diuortium inter XLIX. coniuges pertinet. Latius patebat repudium, Quid repudium? quod etiam sponsus sponsae, vel haec illi dare solebat Paullus L. 191. D. de Verb. signif. Inter diuortium & repudium hoc interest, quod repudiari etiam futurum matrimonium potest: non recte autem sponsa diuortisse



*diuortisse dicitur.* Et Modestinus *L. 101. §. 11. D. eod.* *Diuortium inter virum & uxorem fieri dicitur; repudium vero sponsae remitti videtur: quod & in sponsae personam non absurde cadit.* In repudiis sponsae mittendis sollemnia erant verba: **TVA CONDITIONE NON VTOR.** *L. 2. §. 2. D. de diuort. & repud.* Tantum autem abest, ut hic causa aliqua fontica opus esset, ut ex sponsalibus, quantumvis stipulatione firmatis, nulla oriretur civilis actio, sed infinita esset repudiorum licentia. *L. 1. C. de sponsal. L. 2. §. 1. 2. D. de diuort. L. 2. C. de rep. L. 2. C. de inutil. stipul.* Nec contrarium evincitur ex loco Ser. Sulpicii apud Gell. *Noct. Att. IV, 4.* Actio enim illa ex sponso, cuius ibi meminit Sulpicius, non ad Romanos, sed ad Latii incolas pertinebat. Attamen & ab orbis Romani incolis certas repudii causas observari voluerunt Theodosius & Valentin. *L. 8. C. de repud. & Iustinianus L. 10. 11. C. eod.*

**L.** Ius patrimonium, legitimi domini, testamenti, hereditatis, usufructus.

**L.** Sufficiant haec de tertio iure Quiritium, id est, de iure connubiorum. Quartum fuit **PATRIVM**, de quo tamen vix est, quod hic addamus, quum supra Lib. I. *Tit. IX.* de patria potestate, ciuibz Romanis propria, accurate nos agere meminerimus, quemadmodum & de adoptione, legitimatione, emancipatione, aliisque, quae huc pertinent, vberius suis locis differuimus. Idem de quinto dicendum. Quot modis enim iure Quiritium rerum acquiratur **DOMINIVM**, & quaenam fuerint eius domini effecta, statim dicemus *Lib. II. Tit. I.* De sexto quoque, id est, de iure **TESTAMENTORVM** agemus *Lib. II, Tit. X. sequ.* De septimo, seu de

de iure HEREDITATVM LEGITIMARVM  
*Lib. III. Tit. I. & sequentibus, de octauo denique, id est, de VSVCAPIONE Libro II. Tit. VI.*  
 plura monebimus, nihil ut hic de illis addendum praeterea videatur. Progrediemur ergo ad ea iura ciuium Romanorum, quae ad ius publicum potius spectant, καὶ ἐξοχὴν CIVITATIS iura adpellantur.

LI. Prima ciuium Romanorum praerogativa, quae ad ius publicum pertinet, est IVS CENSVS. Census qualis Romae fuerit, & a quonam sit institutus, diximus supra, vbi de capitis deminutione actum est. Auctor nimirum huius moris Seruius Tullius Rex, qui primus iussit, vt ciues omnes in sua quisque classe & centuria, dato iureiurando, apud eum, penes quem ius esset censendi populi, nomina sua, vxorum, liberorum, libertorum seruorumque suorum profiterentur, praetereaque aetatem omnium, regionem, quam habitarent, & fortunarum suarum aestimationem deferrent. Hoc autem ius censendi primum regum, deinde consulum & dictatorum, ac postremo censorum fuit. Quae omnia ideo instituta sunt, vt de ciuium, qui arma ferre possent, numero, pecuniaeque magnitudine, qua belli sumtus sustententur & totius reip. viribus tanto certius constaret. Vnde de Seruio Tullio Florus I, 6. *Ad hoc populus Romanus relatus in censum, digestus in classes, curiis atque collegiis distributus, vt omnia patrimonii, dignitatis, aetatis, artium, officiorumque discrimina in tabulas referrentur, ac si maxima ciuitas minimae domus diligentia contineretur.*

LI. Ius  
 census.

LII. Censu  
etiam ius  
ciuitatis  
adquiri  
potuit.

LII. Quicumque iure nomina dabant censoribus, eaque inscribenda curabant tabulis censualibus, eo ipso ius ciuitatis consequerentur, adeo ut & serui non modo manumissi, verum etiam ciues viderentur, si nomina consentiente domino, profiterentur apud censores, ac deinde lustrum interessent. Vlp. *Fragm.* I, 8. Cic. *de Orat.* I, 40. Ast adultiore iam ciuitate, non promiscue omnibus licuit in tabulas censuales irrepere. Quum enim plerique socii ac Latini nominis hoc modo ius ciuitatis furtim consequi studerent, nominibusque tabulis censualibus inscriptis, deinde Romam commigrarent: conquesti sunt anno V. C. DLXIV. M. Aemilio & C. Flaminio Coss. legati sociorum Latini nominis, *magnam multitudinem ciuium suorum Romam commigrasse, & ibi censos esse.* Quo intellecto Senatus Q. Terentio Culleoni Praetori negotium dabat, *ut eos conquireret, & quem C. Claudio & M. Liuius censoribus, postea eos Censores ipsum parentemue eius apud se censum esse probassent, ut redire eo cogeret, ubi censi essent.* Liu. XXXIX, 3. Quamuis ergo tunc ea conquisitione duodecim millia Latinorum domos redire cogerentur: paulo post tamen A. V. C. DLXXVI. iterum audita sunt legationes sociorum & Latini nominis, conquerentium, *ciues suos Romae censos plerosque eo demigrare. Quod si permittatur, per paucis lustris futurum, ut deserta oppida, deserti agri, nullum militem dare possent.* Re vero expensa paullo accuratius prodiit edictum, *qui socii ac nominis Latini ipsi maioresque ipsorum, M. Claudio, T. Quinctio censoribus, posteaque apud socios ac nominis Latini*

*Latini censi essent, ut omnes in suam quisque ciuitatem, ante Kal. Nou. redirent. Liu. XLI, 12. 13. sequ. Id ius aliquamdiu viguit, siquidem & L. Postumium Consulem anno V. C. DLXXX. pro concione legimus edixisse, ut, qui socium Latini nominis ex edicto C. Claudii Cos. redire in ciuitates suas debuissent, ne quis eorum Romae, sed omnes in ciuitatibus suis censerentur. Liu. XLII, 10. Quum ne sic quidem fraudes istae impedirentur: in eandem sententiam anno DCLVIII. a L. Licinio Crasso & Q. Mucio Scaeuola const. lata est lex Licinia & Mucia, ut focii & Latini nominis in suae quisque ciuitatis ius redigeretur (r) Verum*  
ea

- (r) Existit etiam in eandem rem lex quaedam Papia, cuius disertis verbis meminit Cicero *pro Balbo* XXIII. Valer. Max. III, 4. 5. Vnde fallitur Steph. Vin. Pighius, in *Obseruat. ad Valer. Max. l. c.* qui hanc legem plane explodendam putat. Nec minus errat Car. Sigon. *de antiquo iure Ital.* III, 1. qui eandem confundit, cum lege Papia *de peregrinis*, de qua infra agemus. Hac enim lege non omnes peregrini eiiciebantur, sed focii & Latini nominis, qui Romam commigrauerant, domum redire iubebantur, ceu exemplis a Valerio Maximo & Cicerone adlatis patet. Quum vero lex Claudia prima fuisse videatur, qua ea de re actum est, eaque lata sit anno IJ LXXVI, post legem vero Liciniam Muciam, latam anno IJ CLVIII. statim bellum Marficum conflagrarit; quo composito, dataque Latinis ciuitate, lege huiusmodi non amplius opus fuit, latam esse oportet hanc legem inter annum IJLXXVI. & annum D CLVIII. Quumque porro ex hac lege damnatus sit M. Perpennae Conf. pater, idque factum sit breui post mortem filii, quae in annum IJCXXIV. incidit: facile patet, non multum ante hunc annum legem hanc Papiam conditam esse. Vid. *Comment. nost. ad Leg. Iul. & Pap. Popp. Lib. I. Cap. 2. p. II.* (s)



ea lege ita alienati sunt animi principum Itali-  
corum populorum, vt ea vel maxima caussa  
fuerit conflati paullo post belli Italici. Cicero  
*pro Corn. Balbo* XXI. *de Offic.* III, 11. *pro C. Corn.*  
*Fragm.* p. 330. Alcon. Paedian. *ad eamd. orat.* pag.  
1309.

LIII. Cen-  
sus Romae,  
professio  
in prouin-  
ciis.

LIII. Quum vero census fierent Romae:  
oportebat ciues, qui nomina fortunasque pro-  
fiteri cuperent, eo commigrare. Hinc P. Sci-  
pio in oratione, quam censor ad populum ha-  
buit inter alia, quae contra maiorum instituta  
fierent, etiam hoc reprehendit, *quod absentes in-  
beantur censeri, vt ad censum nemini necesse sit venire.*  
Gell. *Noct. Attic.* V, 19. In prouinciis non cen-  
sus habebatur, sed fiebat *professio censualis.* L. ult.  
C. *sine censu vel reliqu.* Qua de re vetus fragmen-  
tum iureconsulti, quod ex codice Rumpfiano  
edidit Salmaf. *de mod. usur.* XIX. p. 878. Αἱ ἐν  
τῇ πόλει Ῥωμαίων μόνη ἀποτίμησιν ἀγεσθαι δεδήλωται,  
ἐν δὲ ταῖς ἐπαρχίαις μᾶλλον ἀπογραφᾶς χρῶνται.  
Quae ita redduntur in fragmento Latino, quod  
edidit Pithoeus: *Sed in ciuitate tantum Romana  
censum agi declaratum est: in prouinciis autem magis  
professionibus utuntur.* Ex quibus simul patet,  
qualis fuerit illa ἀπογραφή, cuius meminit Lu-  
cas II, 1. Agebantur hae ἀπογραφᾶι initio per  
Equites Romanos, ceu ex Grut. *Inscr.* p. CCCLV,  
6. colligit Reines. *Inscr.* p. 271. Talis est LEG.  
AVG. CENSIBVS ACCIPIENDIS PER  
HISPANIAM CITERIOREM apud Reines.  
*Inscr.* II, 26. nec non DISPENSATOR AD  
CENSVS PROV. LVGDVNENSIS apud  
Eumd. *Class.* IX, 99. Ab aliis auctoribus vo-  
cantur

cantur *cenfitores*, veluti a Lactant. *de Mort. Perseq.*  
 Cap XXIII. quibus additos legimus miniftros  
 fufceptores, dictos *Ducenarios*, horumque *adiu-*  
*tores*, itemque *scribas*, *chalcologos*, *accenfos*, *compul-*  
*fores*, de quibus Grut. *Inscr.* p. CCCCXXXIV,  
 3. & p. CCCCIII, 5. Reines. *Comm. ad Inscr.* pag.  
 271. Poftremis temporibus cenfitorum mu-  
 nus personale, nec admodum honorificum  
 fuiſſe, diſcimus ex L. 1. L. 19. §. 9. 16. *D. de mun.*  
*& honor.* Permultum ergo inter cenſum vrba-  
 num & prouincialem intererat. Quamuis enim  
 etiam prouinciales illae profeſſiones nonnun-  
 quam cenſus nomine veniant, vt vel ex Dige-  
 ſtorum & codicis titulis de cenſibus & cenſito-  
 ribus nec non ex Lactant. *de mort. perſequuntor.*  
 XXIII. intelligimus: vel maxime tamen eo  
 differebant, quod Romae tantum cenſerentur  
 ciues, vt reipublicae vires ciuiumque facultates  
 paterent, ac deinde veteri ritu luſtrum accede-  
 ret. In prouinciis vero cenſus nouum onus &  
 noua tributa in ſolum & capita adferebat.  
 Amm. Marcellin. *Hiſt.* XIX, 11. Poſt Anto-  
 nini tamen Caracallae conſtitutionem ſupra  
 explicatam parum inter cenſum profeſſionem-  
 que prouincialem videtur interuiſſe. Luſtra-  
 lis cenſus iam a Veſpaſiani temporibus ab vſu  
 receſſerat. (s) Teſte Cenſorin. *de die Nat.* XVIII.  
 Aſt non ideo etiam cenſus Romae in prouinciis-  
 que

(s) Luſtralem tamen cenſum Romae egit Decius Imp. vt  
 auctor eſt Trebell. Pollio *Valerian.* I. & II. Sed ulti-  
 mum ac longo repetitum interuallo fuiſſe illud exem-  
 plum, notat illic L. Caſaubonus.

que obsoleuit qualem etiam Vlpiani tempore, licet sine lustrum, conditum, ex multis iuris nostri locis discimus.

LIV. Quid lustrum?

LIV. Quum vero olim censui Romae accedere consueuerit *lustrum*: id quoque, quale fuerit, ex antiquitatibus Romanis videtur explicandum. Peracto scilicet censu, populus iuebatur armatus adesse in campo Martio, vbi lustrabatur, sue, oue & tauro, quae animalia ter circum exercitum agebantur ab iis, quibus essent fausta nomina. Cic. *de Diuin.* I, 45. ac dein immolabantur Marti Liu. I, 44 Varro *de re Rust.* II, 1. Dionys. Halicarn. *Ant. Rom.* IV. p, 225. Vnde & sollemne istud sacrificium dictum SVOVETAVRILIA, a sue, oue & tauro, vel, vt alii malunt, SOLITAVRILIA; Sed priorem vocis formam confirmat apud Gruter. *Inscript.* p. CXXI, 1. HVIVS OPER. PERFECTI. CAVSSA. LVSTRVM. MISSVM. SVOVETAVRILIB. MAIORIBVS. Huius lustrum quam maxime habebant rationem iureconsulti, quum plerisque non a censu, sed a lustrum potius, iura nouorum ciuium Romanorum initium capere viderentur. Cic. *de Orat.* I, 40. Hinc vetus fragmentum iureconsulti apud Pithoeum: *Magna tamen dissensio inter prudentes, utrum eo tempore vires accipiant omnia, in quo lustrum conditur? Existimant enim censum descendere ad diem lustrum, non lustrum decurrere ad diem census. Propterea quaesitum est, quia omnia censu aguntur, lustrum confirmantur.* Adde Cuiac. *Obseru.* III, 22.

LIV.

L V. Quemadmodum vero census pro- LV. Poena  
prium ius erat ciuium Romanorum : ita & incenso-  
grauiter animaduertebatur in eos , qui illum rum.  
subterfugissent, quippe quos, publicatis bonis,  
verberatos veniisse, tradunt. Dionys. Hal. IV.  
p. 221. Cic. *pro A. Caecin.* XXIV. Vlpian. *Fragm.*  
XI, 11. Qua in re fictionem quandam inter-  
cessisse, supra diximus ad titulum *de capitis de-*  
*minutione.*

L VI. Alterum ius ciuitatis Romanae erat LVI. Ius  
IVS MILITIAE. Quum, enim Romana mi- militiae  
litia lecta partim legionibus, partim auxiliis antiquum.  
constaret : in legiones nemo iure adlegebatur,  
nisi ciuis Romanus. Immo ne ciues quidem  
omnes idonei videbantur legionarii : sed oportebat hos esse ingenuos, & in quinque classibus  
censos. Vnde excludebantur libertini, capite  
censi, histriones, e qua hominum colluie non  
nisi cogente necessitate, & in re trepida lege-  
bantur milites, vt satis accurate docent Iust.  
Lips. *de Milit. Rom.* I, 2. p. 14. Carol. Sigon. *de*  
*antiquo iure ciu. Rom.* I, 15. p. 172. sequ. vbi etiam  
rationem habendi delectum ex Polybio egregie  
explicant. Alii erant focii qui olim ex Italis &  
fociis Latini nominis, & posteaquam hi ius ci-  
uitatis impetrarant, e prouincialibus delige-  
bantur. Si qui ex aliis gentibus adsciscerentur :  
leuioris armaturae milites dicebantur. Vid.  
Sauil. *de Milit. Rom.* p. 334. sequ. Ciues sacra-  
mento militari adstricti, (cuius formula est  
apud Gell. XVI, 4. vbi addendus Lips. *de Milit.*  
*Rom.* I, 6. p. 45. sequ.) tamdiu militabant, donec  
vel missionem siue *honestam*, siue *caussariam* im-  
petrarent,



petrarent, vel *ignominiae* causa ab exercitu abesse iuberentur. Ita missio dabatur iis, qui vel legitima confecerant stipendia vel maiores erant quinquaginta annis. Illa ob morbum adfectamque valetudinem; haec ob crimina admissa dabatur: de quibus omnibus Sigon. *l. c. pag. 18.* ipsique I Cti ad *tit. D. de re militari.*

LVI Quid  
in his mu-  
tatum sub  
Imperato-  
ribus.

LVII. Enimuero haec omnia mutata sunt, ex quo rempublicam inuaserant principes. Iam Augustus non ciuibus modo, verum etiam Latinis & Italis necessitatem militiae remiserat, inuenta militia mercenaria, Herodian. *Hist. II, 11.* & ideo plerasque legiones conscripserat e prouincialibus; praetorianas, & quae ad vrbes adhibebantur custodiam, ex Italis Schel. *Not. ad Hygin. de castramet. pag. 13.* Idque eo magis inualuit post datam ab Antonino Caracalla orbi Romano ciuitatem. Ex eo enim tempore, quae antea legiones ex Romanis tantum ciuibus, vel vrbanis, vel Italiam prouinciasue habitantibus, constabant, eae ex prouincialibus plerumque deligerentur: quae auxilia vero e fociis olim seu prouincialibus deligebantur, ea e nationibus barbaris, quae vel pretio vel sponte in eam se militiam dabant, conscribebantur. Ez. Spanhem. *Orb. Rom. II, 23. p. 158.* Immo adeo a veteri instituto descuerant Romani principes, ut postremis temporibus integras legiones e barbaris conscriberent. Talis est *legio Zimnorum* apud Ammian. Marcell. XXVI, 1. *legio Gruthungorum* apud Claudian. in *Eutrop. IV. v 58.* Immo talis magna pars exercitus Theodosiani, de cuius conditione & laxa disciplina queritur.

Zosim.

Zosim *Hist. IV*, 30. & 31. Vnde eo magis mirandum, quod prostituta barbaris militia, libertinae tamen conditionis homines tam seuerè ab omni, etiam palatina militia exclusit Valentinianus III Imp. *L. 3. C. Theod. de libert.*

LVIII. Sequitur tertium, quod ad ciuitatem Romanam pertinuit, **IVS TRIBVTORVM & VECTIGALIVM.** *tributum* erat pecunia populo imperata, quae tributim a singulis exigebatur. Quae vero pecunia alio quocumque nomine pendenda erat, *vectigal* solebat adpellari. Varro *de Lingu. Lat. IV*, 16. p. 29. Sam. Petit. *Var. Lect. II*, 1. Tributorum tria genera erant, vnum, quod *in capita*, alterum quod *ex censu* conferebatur, tertium quod imperatum extra ordinem, adeoque *temerarium* dictum. Tributum in capita, (quod postea etiam *tributum capitis*, *capitulare*, vt & pecunia pro capitibus dici coepit, teste Lindenbrogio ad Ammian. Marcell. p. 50.) sub primis Romanorum Regibus in vsu fuit, adeo vt quum regi opus esset pecunia, aequo pauperes ac diuites onere premerentur. Dionys. Halic. *IV*. p. 223. Inuento autem censu tributum illud capitis desit, ciuesque coeperunt tributa conferre pro suo quisque censu, qua de re Liuius *I*. 43. *Quadrifariam enim vrbe diuisa regionibus collibusque, quae habitantur partes, tribus eas adpellauit, vt ego arbitror, a tributo, nam eius quoque aequaliter ex censu conferendi ab eadem imitatio est.* Tarquinius Superbus veterem tributa exigendi rationem restituit; auxitque in tantum, vt pro suo quisque capite decem penderet denarios. Dionys. Halic.

LVIII. Ius  
tributo-  
rum.

IV. p. 245. Eiurato regno, Valerius Poplicola Seruii institutum reuocasse, eumque in finem Quaestores creasse videtur. Immo pauperes aliquamdiu tributorum onere exsoluti, donec decreuit Senatus anno V. C. CCCXLIX. vt plebi, quae eo usque suis sumtibus militauerat, stipendium quotannis ex aerario solueretur. Hoc enim facto coacti sunt omnes, tributum ex censu quotannis in stipendium militare conferre. Liu. IV, 59. 60. Hinc magna subinde certamina inter patres & plebem de conferendis tributis, quae saepe a Tribunis impedita, saepe a Senatu remissa, nec raro ob necessitatem reipublicae aucta sunt, vt refert Car. Sigon. *de antiquo iure ciu. Rom.* I, 16. p. 197. *sequ.* Quin indicta saepe tributa temeraria, propter periculi magnitudinem, veluti post urbem a Gallis captam item bello Punico secundo, Valerio Leuino & M. Claudio Marcello coff quando ipsae matronae aurum & ornamenta sua conferre non dubitabant. Fest. *voce tributum* p. 468 Liu. XXVI, 56. Postremo annua tributa plane remissa sunt A. V. C. 10 LXXXVI. postquam L. Paullus e praeda Macedonica incredibilem vim auri intulerat in aerarium. Cic. *de Offic.* II, 22. Plin. *Hist. Nat.* XXX, 3. idque ad consulatum vsque Hirtii & Pansae mansisse tradit Plutarchus *Vit. Paull.* p. 275. *Tomo I.* Post ea tempora tributi collati frequentissima fit mentio, & sub Imperatoribus eo res rediit, vt multa inuenirentur noua tributa locupletando aerario, & non solum prouinciis a populo *stipendia*; a principe *tributa* imponerentur, Theoph. §. 40. *Inst. de Rer. Diuis.*

Cuiac.

Cuiac. *Obs. VII. 3.* verum etiam durior subinde hac in re fieret conditio ciuium Romanorum.

LIX. Diuerſa a tributis erant VECTIGALIA, Cuiac. *Obs. VII. 4.* quae vel portorii, vel decumarum & ſcripturae, vel ſalis vel vicesimae nomine exigebantur. Portoria pecuniae erant, quae portitoribus pendebantur, id eſt, iis, qui mercedes mercibus in portum vel per pontem deuehendis exigebant. Hirt *Bell. Alex. XIII. L. 60. §. 8. D. Locat. conduct.* Iul. Caef. *Bell. Gall. III, princ.* Sed illa, portoria lege lata, ciuibꝫ in vrbe ac per Italiam remiſit Q. Metellus Nepos, Dio Caſſ. *XXXVII. p. 59.* Poſtea tamen peregrinarum mercium portoria denuo inſtituit Iul. Caefar teſte Sueton. *Iul. XLIII.* Eaque diutiſſime exacta ſunt ſub Imperatoribus ſequentibus, quippe quorum primum ea penitus remiſſiſſe legimus Heluium Pertinacem auctor eſt. Herodian. *Hiſt. II, 4.* quamuis illud reſtitutum eſſe a ſucceſſoribus, ex *L. 21. pr. D. de don. int. vir. & ux.* intelligamus.

LX. Decumae exigebantur a ciuibꝫ Romanis, vel Latini nominis ſociis, qui in Italia aut extra Italiam publicos agros arabant. Id enim fiebat ea lege, vt frumenti decimas penderent. Sin vero quis filuiſ; vel paſcuis publicis hoc modo frueretur: pecunia, quae inde redibat, *Scriptura* adpellari conſuevit. Solebant ſcilicet Romani agros, hoſtibus bello ademptos, ſi culti eſſent, ciuibꝫ; ſin inculti, Italicis hominibus per cenſores locare, ea lege, vt decimam frumenti, quintam reliquarum frugum praefterent; e paſcuis vero certum pende-

LIX. Ius vectigali-um, qualia erant portoria.

LX. Decumae & ſcriptura?



rent stipendium. Postea quum diuites pleraque ad se rapuissent: A. V. C. CCCLXXVII. a C. Licinio Stolone lata est lex, *ne quis plusquam quingenta iugera agri, centum pecoris maioris capita, quingenta minoris possideret.* Liu. VI, 35. VII, 16. Aurel. Victor. *de vir. illustr.* XX. Sed quam parum ea lex valuerit vel inde patet, quod non multo post ipse ille Licinius Stolo a M. Popillio Laenate ex sua lege X millibus aeris est damnatus, quod M. iugerum agri cum filio possideret, emancipandoque filium fraudem legi fecisset. Liu. VII, 16. Hinc eandem legem postea A. V. C. lxxx. retulit Ti. Sempronius Gracchus. Trib. pl. cuius tamen sanctionem mox elusit Senatusconsultum, quo agri vendi iussi sunt: vnde denuo diuitibus cesserunt solis. Quare denique Sp. Thorius, Trib. pl. lege lata sanxit, ne agri amplius diuiderentur, sed possessores in iis relictis vectigalia pro iis penderent, eaque pecunia plebi distribueretur. Cuius legis fragmenta ex antiqua tabula aenea edidit Car. Sigon. *de antiquo iure Ital.* II, 2 p. 638. Denique alius tribunus totum illud vectigal noua lege sustulit. Appian. *de Bello Ciu.* I. p. 366. Quumque solus superesset ager Campanus: eum quoque diuisit Iul. Caesar. Consul. Suet. *Iul.* xx. Vnde ex eo tempore conquestus est Cicero: *Epist. ad Att.* II, 16. *Portorii Italiae sublati, agro Campano diuiso, vectigal nullum superesse domesticum, praeter vicesimam.*

LXI. Annonae  
salariae.

LXI. Tertium vectigalis genus e sale redibat. Instituerunt enim Romani post exactos statim Reges, vt sal non a priuatis venderetur, sed

sed minoris e publico acciperetur. Liu. II, 9. Bello autem Punico secundo, vectigal nouum a censoribus Claudio Nerone & Liuiio Salinatore maxime tamen ab hoc institutum ex salaria annona, (t) vt testatur Liu. XXIX, 37. Sal enim hi censores sextante Romae; pluris in conciliabulis; & alibi alio pretio praebendum locauerunt, eoque nouo vectigali locupletarunt aerarium. Sed & hoc vectigal demum ab vsu recessit, vt patet ex verbis Ciceronis paullo ante relatis, quamuis, quo tempore id factum haut adeo liquidum sit, Sigon. *de antiquo iure Ciu. Rom.* I, 16. p. 207.

LXII. Diutius Romae in vsu fuit quantum LXII. Vi-  
genus vectigalis, quod vicesima dictum. Eius cesimae.  
origo referenda in annum V. C. CCCXCVIII. quo  
Cn. Manlius legem nouo exemplo ad Sutriam in castris  
tributum de vicesima eorum, qui manumittuntur, tu-  
lit. Patres, quia ea lege haut paruum vectigal inopi  
aerario esset, auctores fuerunt. Liu. VII, 16. Quo-  
ties ergo seruus manumittebatur, vel herus vel  
libertus pendebat vicesimam. Arrian. *Diff. Epist.*  
II, 1. Ὅταν ἐν σρέψῃ τις ἐπὶ σρατηγῶ τὸν αὐτῷ δῶ-  
λον, ἔδεν ἐποίῃσεν; ἐποίῃσε. τί; ἔσρεψε τὸν αὐτῷ δῶ-  
λον ἐπὶ σρατηγῶ, ἄλλο ἔδεν; ναὶ. καὶ εἰκοσὴν αὐτῷ  
δέναι ὀφείλει. Quando quis seruum suum apud Prae-  
torem vertit, num ista vertigine nihil egit? Enimuero  
egit aliquid. Quid autem? Seruum suum vertit  
X 3 apud

(t) Et inde alteri Censori Salinatoris cognomen haesit.  
Errat ergo Bulinger. *de Vectigal.* P. R. XV. qui Salinato-  
rem non introduxisse, sed restituisse hoc vectigal exi-  
stimat. Vid. V. C. Burmann. *de Vectigal.* P. R. VI. p.  
116.

(u)

apud Praetorem. Numquid praeterea? Immo & vicefima foluenda erit. Similis est locus apud eundem Lib. III. Cap. XXVI. Arrian. *Dijert. Epist. II*, 1. Tardius tamen ab Augusto id etiam ad feruos venales prolatum videtur, pro quibus vicefima quinta (u) pendenda erat ab emptore, si Tacito *Annal. XIII*, 31. fidem habemus, idque aurum vicefimarium in sanctiore aerario (x) ad ultimos reip. casus feruari consuevit. *Lin. XXVII*, 10.

LXIII.  
Noua vectigalia ab Imperatoribus inuenta.

LXIII. Oppressa per principes republica, multa noua inuenta sunt vectigalia, quibus locupletaretur aerarium. Vnde de Augusto *Sueton. XLIX. Aerarium militare cum vectigalibus nouis instituit*. Talis erat centesima rerum venalium, quam A. V. C. locclix. instituerat Augustus, teste *Dione Cass. LV. p. 648*. Tiberius primum confirmauit, *Tacit. Ann. I*, 78, postea, vt populo aliquid daret, ducentesimam induxerat. *Id. Annal. II*, 42. denique quum eam Tiberius iterum in vsum reuocasset centesimam

(u) *Tacit Ann. XIII*, 31. Vicefimae quintae meminit sed ex *Dionis Hist. LV. p. 652*. constat, Augustum auctorem huius vectigalis non quintam & vicefimam, sed quinquagesimam τὸ τέλος τῆς πεντηκοστῆς, a feruis venalibus exegisse. Alterutrum ergo errasse dixeris, nisi forte aliquis ex Augusti Successoribus hoc vectigal auxerit.

(x) Huic vectigali colligendo praefectus aliquis fuit qui adpellabatur *Vicesimarius* vel ἐκκοσῶτης: si sequamur emendationem in verbis fragmenti Traguriani Petronii quam repraesentat V. C. Burmann. *de Vectig. P. R. X.* p. 192.

tesimam eamdem Italiam remisit Caius Caligula, Dio Cass. LIX p. 742. Ex quo loco patet, in Suetonii *Cal. XVI* auctore Casaubono rescribendum esse: *Centiesimam auctionum Italiae remisit*, quum vulgo ibi legatur *ducentiesimam*. Ceterum non aliud hoc erat vectigal, quam centesimus rerum in auctione venalium numus, qui inferebatur aerario militari, ut recte docet Lips. ad Tacit. *Annal. II. p. 104. sequ.* Saepissime tamen illius vectigalis quantitas videtur vel aucta, vel imminuta. Nam & quinquagesimae fit mentio. Immo Theodosius & Valentin. Augusti constituerunt, ut nundinis quibusque ex qualibet negotiatione mercium fisco in singulos solidos venditor dimidiam siliquam, & similiter emptor dimidiam inferret. Idque est vectigal *SILIVATICVM*, de quo Cassiod. *Var. IV, 19. id rebus omnibus nundinandis providam definiisse antiquitatem*. Ipsam constitutionem Theodosianam quum iam pridem in lucem protraxerit Cuiac. *Obs. XVI, 22.* mirandum sane est, virum doctissimum, Guid. Pancirol. *The-saur. Var. Lect. III, 31. p. 494* existimare, siliquaticum in fructibus constituisse, e. g. siliquis similibusque, eosque fructus, loco numorum fuisse praestandos. Siliqua hic est vicesima quarta pars solidi aurei, seu eiusdem semiuncia, Gronov. *de Pec. Vet. Lib. IV. Cap. XVIII.* adeoque satis grande hoc vectigal fuisse animaduertimus. Est & vectigal *QVADRAGESIMAE*, siue litium, siue portorii loco soluendum, cuius meminere Quintilian. *Declam. XXXV. Symmach. Epist. V, 62. 65.* immo &



Suet. *Vespas. Cap. I.* Ei preaffectum legimus QVINCTIONEM, AVG. LIB. TABVLARIVM XXXX GALLIAR. apud Reines. *Inscr. Class. IX, 36.* Paulo obscurius est vectigal *ansariae*, vti in *L. 1. C. Hermog. de iure fisci* vocatur, vel *ansarii* & *fouencularii*, vel *foriculiarii*, quorum meminit elegans marmor Romanum apud Grut. *Inscr. p. CXCIX, 6.*

IMP. CAESAR. M. AVRELIVS.  
ANTONINVS. AVG.  
GERMANICVS. SARMAT ET.  
IMP. CAESAR. L. AVRELIVS.  
COMMODOVS. AVG.  
GERMANICVS. SARMATIC.  
HOS. LIMIDES. ( sic ) CONSTITVI.  
IVSSERVNT.  
PROPTER. CONTROVERSAS. QVAE.  
INTER. MERCATORES. ET. MANCIPES.  
ORTAE. ERANT VTI. FINEM.  
DEMONSTRARENT. VECTIGALI.  
FORICVLARI. ET. ANSARII.  
PROMERCALIVM. SECVNDVM.  
VETEREM. LEGEM. SEMEL. DVM.  
TAXATI. EXIGVNT.

Differit de his vectigalibus Iac. Cuiac. *Obs. XIV, 3.* Sed ita, vt lectores non multo reddat certiores. Mirum est vectigal pro *umbra platani* exactum, de quo Plin. *Hist. Nat. XII, 1.* multoque mirabilius τὸ ἀέριον, quod pro caeli aërisque vſu pendebatur, de quo quaedam haut protrita habet idem laudatus Cuiac. *Obs. X, 7.*

Deni-

Denique etiam nouis illis veſtigalibus vel maxime accenſenda viceſima hereditatum, de qua iam ante *n.* XIX aliquid notauimus.

LXIV. Pergimus ad ius SVFFRAGIORVM, quod & ipſum ad ciues Romanos pertinuit. Comitia ipſe Romulus inſtituerat, ciuibusque libera permiferat ſuffragia, quoties vel lex ferenda eſſet, vel creandus magiſtratus, vel bellum denique decernendum videretur. Dionyſ. Halic. II. p. 87. Quum vero initio curiatim ſuffragia ciues ferrent in comitiis curiatis: poſtea centuriata comitia inuenit Ser. Tullius, quibus id obtinuit, vt ditiorum praeuale- rent ſuffragia, quum in comitiis curiatis turba egenorum ciuium optimates & ditiores facile numero ſuffragiorum obrueret. Dionyſ. Hal. IV. p. 224. ſequ. Et ex eo tempore ſere dicis tantum & auſpicioꝝ cauſſa rogationes curiatim perlatae, & denique ipſa illa comitia adumbrata ſunt per XXX. liſtores. Cic. de leg. agrar. II, 12. Qua de re tamen haut leuis fuit virorum doctiſſimorum inter ſe altercatio, Nicolai ſcilicet Gruchii & C. Sigonii, quorum ſcripta eristica repetita editione vulgauit vir de his litteris immortaliter meritis, Io. Georg. Graeuſius *Tomo I. Theſ. Ant. Rom.* (γ) Denique etiam tributa inuen-

LXIV. Ius  
ſuffragio-  
rum.

(γ) Quaestio eſt inter hos viros doctiſſimos de lege curiata. Nic. Gruchius exiſtimat, patricios magiſtratus olim binis comitiis eſſe creatos, centuriatis & curiatis; plebeios itidem binis, tributis & curiatis: denique, quum obſoleuiſſent curiata comitia, magiſtratus omnes binis comitiis creatos, centuriatis & tributis. Negat id Car. Sigonius, magiſtratus tantum vnius  
X 5 generis

inuenta sunt comitia. quibus populus per tribus  
 quarum demum XXXV. erant ferebat suffra-  
 gia, eaque coeperunt A. V. C. CCLXIII. A Sem-  
 pronio, M. Minucio Coss. Quemadmodum  
 vero centuriata comitia non nisi a maioribus;  
 ita tributa a minoribus aequae ac maioribus ma-  
 gistratibus haberi poterant. In his suffragium  
 ferebant omnes, qui erant in tribum adscripti,  
 praeterquam impuberes, aerarii, & sexagenarii,  
 quos depontanos ideo dictos, alibi obseruauim-  
 us. Aliquando unus idemque ciuis in dupli-  
 ci tribu ferebat suffragia, si se dedisset alteri in  
 adoptionem. Tunc enim & patris naturalis  
 tribum retinebat, & tribui patris adoptiui ad-  
 scribebatur. Hinc Augustus in lapide Brixienfi  
 apud Grut p. CCXXVI, 3. vocatur C. IULIVS.  
 C. F. TAB. SCAPT. CAESAR. AVGV-  
 STVS, quia tribui Fabiae & Scaptiae erat ad-  
 scriptus. Suet. *Aug.* XL. & ibi Torrent. De his  
 comitiis plura dat. Sigon. *de antiquo iure cin.*  
*Rom.* l. 17. p. 212.

LXV. Illud  
 sub Impe-  
 rator. mu-  
 tatum.

LXV. Sed illud suffragiorum ius primus im-  
 minuit Iul. Caesar, dictator perpetuus, comitia  
 cum

generis comitiis creatos existimans, Consules nimi-  
 rum centuriatis, alios magistratus patricios curiatis,  
 ita tamen, ut deinde iterum de iisdem magistratibus  
 iudicatum sit, populusque priora comitia reprehen-  
 dere potuerit. Ergo de consulibus bis putat comitiis,  
 sed non aliis quam centuriatis, iudicatum, de aliis  
 quoque bis, se non nisi curiatis. Ab eruditorum ve-  
 ro senatu iam pridem secundum Gruchium fuit iudica-  
 tum, uti obseruat V. C. Io. Ge. Graevius *praefat. T. 1.*  
*Antiq. Rom.*

cum populo ita partitus, vt exceptis consulatus competitoribus, de cetero numero candidatorum pro parte dimidia, quos populus vellet pronunciarentur, pro altera parte, quos ipse dedisset. Sueton. *Iul. XLI.* Augustus equidem populo restituit suffragia, reducto pristino comitiorum iure, & multiplici poena coercito ambitu: Sueton. *Aug. XL.* Ast sub Tiberio denuo ademptum fuit populo ius suffragiorum, & ad solum Principem ac Senatum traductum seu, vt ea de re Tacitus *Ann. I, 15. tunc primum e campo comitia ad patres translata.* Dio Cass. *Hist. LVIII. p. 633. sequ.* Reddita quidem a Caio illa suffragiorum iura tradit idem Dio *Hist. LIX, p. 648.* sed Suetonius *Calig. XVI.* tantum tentasse eum ait, comitiorum more reuocato, suffragia populo reddere. Certe nec sub eius successoribus in ferendis legibus aliisque rebus maioribus populi suffragia valuisse, iam dudum obseruarunt viri docti, (z), Iustus Lips. *Excurs. ad Tacit. Annal. I, 15.*

(z) Retenta quidem aliquamdiu sunt comitia; sed dicis causa, & tamquam priscae libertatis simulacra. Solebant enim magistratus a Principe vel Senatu designati in campum Martium prodire cum necessariis, ibique coram populo, more veteri congregato a praecone pronunciari. Qua de re Dio Cass. *Hist. LVIII. p. 727.* qui vbi de perpetuo Tiberii in creandis consiliis modo egisset statim addit: καὶ μετὰ τὸτο ἐς τὸν δῆμον καὶ ἐς τὸ πλῆθος αὐτοὶ καὶ οἱ προσήκοντες ἑκατέρω, τῆς ἀρχαίας ὁσίας ἕνεκα, καθάπερ καὶ νῦν ὡς τε ἐν εἰκόνι δοκῶν γίγνεσθαι, ἐσίοντες ἀπεδείκνυτο. Deinde ad populum & plebem hi suis quique cum necessariis dicis causa, sicuti nunc etiam, vt imago quaedam



I. 15. Ezech. Spanh. *Orb. Rom.* II, 22. p. 153. Vnde & leges illas de ambitu suo aeuo ideo obsoleuisse fatetur Modestinus L. 1. *D. ad Leg. lul. de ambitu*: quia ad curam principis magistratuum creatio pertineat, non ad populi fauorem.

LXVI. Ius  
honorum  
& quidem  
sacerdo-  
tiorum.

LXVI. Quantum ius ciuium Romanorum fuit ius HONORVM siue magistratuum, siue sacerdotiorum, quippe quos nemo nisi ciuis Romanus gerere poterat. Si quis enim ciuitatis expers honores ad se rapuisset: re comperita, honorum gradum cum toto ciuitatis iure amittebat, vt docet exemplum M. Perpennae, apud Valer. Max. III, 4. 5. (a) Honores partim in sacerdotiis partim in magistratibus erant positi. Vtrique ex instituto Romuli proprii erant patriciorum, quia voluerat Romulus ἱερὰ καὶ τὰς εὐτατρίδας καὶ ἀρχεῖν, vt & sacra curarent, & magistratus gererent patricii. Dionys. Hal. II. p. 87. Eiectis regibus, post multas lites tum sacerdotia, tum magistratus sensim coeperunt cum plebe communicari. Et sacerdotia quidem patriciis eripuit Lex Ogulnia, de qua fusius Liu. X, 6. Manserunt tamen patricii in possessione aliquot

*quaedam prisca ritus exhiberi videretur, prodeuntes renuntiabantur.* Et hinc intelligitur, quatenus sint illa *comitia consularia*, quorum sub Imperatoribus etiam fit mentio apud Sueton. *Vitell.* XI, *Vespas.* V. *Domitian.* X. Add. Ez. Spanh. *Orb. Rom.* II, 22. p. 154.

(a) Non tamen acta eiusmodi magistratus, iure haut facti, rescindebantur, vt patet exemplo Barbarii Philippi Praetoris L. 3. *D. de offic. Praetor.* De quo memorabili exemplo exstat singularis viri eximii, Iac. Gothofredi Dissertatio, quam *de Electione Magistratus inhabilis* inscripsit.

(b)

aliquot sacerdotiorum, quae nunquam a plebeiis sunt gesta, veluti Regis sacrorum, Flaminum maiorum, Saliorum Palatinorum, Potitorum, Pinariorum, Lupercorum, Curionum, non autem Virginum Vestalium, vti sibi persuadet Paull. Merula *de Leg. Rom. II*, 11. Virgines enim Vestae etiam ex gentibus Manilia, Terentia, Coelia, plebeiis captas esse, ex marmoribus apud Grut. *Inscr. p. CCCX*, 2. 5. *CCCXII*, 3. patet. Quin Dio Cass. *Lib. LIV*. refert, de-  
 mum in Vestae atrium admissas *καὶ ἐξ ἐλευθέρων γεγενημένας ex libertinis parentibus natas* Id quod lege quadam Papia inuectum esse, ex Gellii *Noct. Att. I*, 12. docuimus in *Comment. ad Leg. Iul. & Pap. Popp. Lib. I. Cap. I. p. 2. sequ.* Reliqui etiam sacerdotes partim e patriciis, partim e plebeiis creati sunt. Cic. *pro domo XIV*. Et primis quidem temporibus rex sacrificulus centuriatis; flamines curiatis creati reliqui sacerdotes a collegis cooptati. Liu. *XL*, 42. Postea C. Licinius Crassus Trib. pl. legem tulit, qua cooptatio collegiorum ad populi beneficium transferretur, quam tamen dissuasit Laelius. Cic. *Lael. XXV*. Post hunc etiam Cn. Domitius Ahenobarbus Trib. pl. anno 106. ius subrogandorum sacerdotum a collegiis ad populum transtulit, ita quidem vt qui a tribubus esset electus, is a collegio cooptaretur, vti docent Sueton. *Neron. II*. Cicero *Agrar. II*, 7. Collegiis arbitrium cooptandi denuo restituit L. Sulla : Ascon. Paedian. in Cic. *Diuin. Verr. p. 1759*. ast anno 106. legem Domitiam reduxit. T. Atius Labienus : Dio *XXXVII. p. 46*. eamdem abrogauit M. Antonius teste Dione Cassio *XLIV. fin.* ac tertia  
 vice

vice restituit Panfa , vt patet ex Cic. *Epist. ad Brut. V.* Adde Manut. *de Legibus II.*

LXVII.  
Et magi-  
stratum.

LXVII. Idem paene de magistratibus obseruandum Omnes initio penes patricios erant ex instituto Romuli. Dionys. Hal. II. pag. 83. Eiectis regibus, idem aliquamdiu placuit. Ast paullo post Tribunos ac Aediles plebis plebs extorsit, qui non poterant per legem sacratam nisi e plebe creari. Liu. IV, 25. Deinde & Consulum alter plebeius creari coepit , primusque e plebe consul factus est L. Sextius anno CCCLXXXIX. Liu. VI *extr.* Immo aliquando vterque consulum plebeius fuit, quod quando primum contigerit , patet ex Liu. XXVII, 31. Quumque in redhostimentum communicati secum consulatus plebs novos magistratus patricios, puta praeturam & Aedilitatem curulem concederet patribus: paullo post hi quoque communes patriciis & plebeiis esse coeperunt, primusque e plebe praetor creatus est P. Publilius Philo. Liu. VIII, 15. Aediles autem, verecundia imposita senatui, statim sequente anno, alterius vicibus ex plebe creari, & postea id promiscuum esse coepit. Liu. VII, 1. Postremo omnes omnino magistratus cum plebeiis sunt communicati, veluti Dictatura , Liu. VII, 17. Censura, Liu. VII, 22. Quaestura, Liu. IV, 43. & 54. adeoque omnes honores patuere plebeiis , praeterquam dignitas Interregis, quam tanquam propriam possessionem semper retinuerunt patricii. Cicero *pro Domo* XIV.

LXVIII.

LXVIII. Sub Imperatoribus alia plane LXVIII.  
 coepit esse rerum facies. Nam quod ad sacer- Quomodo  
 dotia attinet, ius ea conferendi ad se rapiebant sacerdotes  
 Principes, siquidem Senatus, teste DioneCassio adlecti sub  
*Hist* LI. p. 457. inter alia Augusto id quoque Imperato-  
 concesserat, ut sacerdotes, quotcumque vellet, ribus ?  
 neglecto etiam numero antiquitus recepto,  
 constitueret. Vnde Drusus Germanicus in  
 vetere numo dicitur SACERD COOPT IN  
 OMNI COL. SVpra NVMER. S. C. Eo-  
 dem modo & aliae dignitates saepe solis Prin-  
 cipum codicillis datur Testis est *vetus Inscriptio*  
 apud Gruter. p. CCC.

LATERANO. ET. RVFINO. COS.  
 SVPER. NVMERVM.  
 COOPTATVS. EX. S. C.  
 M. AVRELIVS. ANTONINVS.  
 CAES. DESTINATVS.

Vti ergo hic consul ; sic & sacerdotes facti sunt  
 codicillis, vnde & codicillares dicti , de quibus  
*Lamprid Alex. Seu XLIX. Add. L. 43. C. Theod.*  
*de Decurion. L. 12. C. de dignit.*

LXIX. Ad magistratus denique quod at- LXIX.  
 tinet, eos quoque suo arbitrio creabant Principi- Quomodo  
 pes, eaque dignitate non solum Romanos, sed creati ma-  
 & externos ornabant, qualis procul dubio fuit gistratus ?  
 ille Herodes Atticus Consul, de quo copiosius  
 agit Ez. Spanh. *Orb. Rom.* II, 22. p. 155. Talis  
 etiam Soaemus Rex Armeniae, qui a Vologae-  
 so pulsus Romam confugerat, mutatoque no-  
 mine dictus M. Aurelius Soaemus Consul or-  
 dinarius fuit anno V. C. DCCCCXV. cum L.  
 Papirio Aeliano Phot. *Biblioth. Cod.* XCIV.  
 Reines.



Reines. Comm. ad Inscript. p. 219. Mitto Dionem Cassium, Polemonem aliosque consules peregrinos. Inprimis vero post constitutionem illam Antonini Caracallae adeo promiscue ad summos honores euecti sunt Romani, Itali, exteri, ut ne barbaris quidem ac peregrinis, qui orbem Romanum iam ab aliquo tempore compleuerant via ad honores interclusa videretur. Vnde uti Roma βαρβάρων οἰκητήριον barbarorum domicilium dicitur Zosimo IV, 59. ita non mirum ibi consulares fasces aliasque dignitates demum & cum barbaris & peregrinis communicatas. Nazar. in Panegy. Constant. Aug. dicto: *Sensisti Roma tandem te arcem omnium gentium & terrarum esse reginam, quum ex omnibus prouinciis optimates viros curiae tuae pignoraueris, ut Senatus dignitas non nomine, quam re esset illustrior, quum ex totius orbis flore constaret.* Aristides de Roma p. 372. *Εἷνος δ' ἔδωκε, ὅς τις ἀρχῆς ἢ πολιτείας ἀξίος αὐτῆς.* Peregrinus habetur nemo, qui vir sit dignus magistratu aut fide. Denique Rutilius Numatian. Itiner. I. v. 13.

*Religiosa patet peregrinae curia laudi,  
Nec putat externos, quos decet esse suos.  
Ordinis imperio collegarumque fruuntur  
Et partem Genii, quem venerantur, habent.*

Vid. Spanhem. Orb. Rom. II, 22. p. 117.

LXX. Ius  
sacrorum,  
tum publi-  
corum.

LXX. Vltimum esto IVS SACRORVM, quod & ipsum iuribus ciuitatis Romanae adnumerandum est. Sacra Romanorum omnia, aut publica erant, aut priuata. Publica, censente Festo voce publica p. 385. erant ea, quae publico sumtu pro populo fiebant: priuata, quae pro singulis hominibus

*hominibus & familiis*: Tam necessarium enim videbatur, sacra publica sumtibus publicis peragi, vt Theodosio M. negante, se impensas in sacrificia Romanorum superstitionissima facturū, responderet Senatus. *μη κατὰ θεσμοὶ ὡς αὐτῶν τὰ τελέμνα, ἀλλ' ὡς οἱ τῶν δαπανήματος ὁτός, non rite fieri sacrificia nisi publico fierent sumtu.* Zosim. *Hist. IV, 59.* Publicum totius vrbs focum Vestales sanctissime obseruabant: publicos curiarum focos triginta cum suis curialibus curiones, pagorum ipsi singulorum pagorum sacerdotes: priuatim suos quisque Lares familiares domi colebat. Quin & sacerdotes quasdam familias aluisse, qui sacris istis priuatis praeessent, satis adparet ex marmore apud Reinel *Inscr. Class. V. 53* in quo memoratur L. POLITICENVS L. F. PHILIPPICVS, SACERDOS SERG. FAM. Dii neque noui neque exteri adici potrant a Romanis, nisi publica auctoritate. quemadmodum Aesculapium ex Epidauro, Cybelen e Phrygia publico decreto accitos, & quasi ciuitate donatos, constat. Petr. Faber. *emejr. III, 1* Ampl. Bynkersh. *de Relig. peregr. Diss. II. p. 246. seq.* Hunc si quis priuato arbitrio peregrina sacra induxerat: Senatus ea publica auctoritate damnabat, quale quid refert Liu. IV, 30. XXV. XXXIX, 16. Viler. *Max. I, 2.* Integrum SC. Marcianum Bacchanalibus oppositum edidit Raph. Fabrett. *Inscript. cap VI. p. ccccxvii.* & luculento commentario illustrauit laudatus Bynkersh. *ibid.* At sub Imperatoribus omnis exterarum gentium superstitio Romam confluxit, ve-

Y

luti

luti Sacra Ifidis, Abnubidis, Mithrae, Dei Elagabali, taurobolia, criobolia, Aegobolia, & innumera alia, de quibus iam ab aliis actum. Ab his omnibus abhorruerant Romani tempore liberae reip. & sacra patria adeo sibi propria seruauerant, vt vel ideo municipales non viderentur optimo iure ciues esse, quia non iisdem ac ii, qui Romam incolebant, Diis sacrisque vterentur. (b) Sigon. *de ant. iure ciu. Rom.* l. 8. pag. 116.

LXXI.

Tum priuorum.

LXXI. Sed erant praeter haec sacra quaedam gentium propria vel, vt Liuius V. 52. vocantur, *gentilitia* a quibuslibet familiis ex vsu domesticae celebritatis obseruanda, vt ait Macrobius *Satur.* l. 16. Ea adeo vnius gentis erant, vt nemo illorum esset particeps, nisi qui vel natura vel pontificum auctoritate in patrisfamilias manu ac potestate esset, quales erant vxores, quae in manum conuenerant, liberique tum naturales, tum adoptiui. Colebantur vero domi Penates, iisque etiam anniuersaria

(b) Ea tamen sacra municipalia ne tunc quidem deferabant municipales, quando Romam commigraverant. Festus *municipalia* p. 324. *Municipalia sacra dicta sunt ea, quae initio habebant ante ciuitatem Romanam acceptam, quae obseruare eos voluerunt pontifices, & eo more facere, quo aduenissent antiquitus.* Vnde de se & Arpino municipio suo loquens Cicero *de Leg.* l. 2. *Hic gens, hic sacra, hic maiorum multae vestigia.* Quemadmodum ergo municipales Romam commigrantes seruabant sacra municipalia: ita & coloniae retinebant sacra populi Romani ceu erudite probat Henr. Norisius. *Cenotaph. Pisan.* Diss. 1. Cap. 5. p. 72.

(6)

uerfaria facra ab vniuerfa gente fiebant, ne feruente quidem bello intermittenda, vt patet ex Liu. V, 52. Quale in gente Fabia erat sacrificium flatum, in monte Quirinali quotannis peragendum, de quo Liu. V, 46. Dionyf. Halic. *Ant. Rom.* IX, p. 577. Simile gentis Claudiae follemne memorat Dionyf. Hal. XI, p. 696. gentium Aemiliae, Iuliae, Corneliae Macrobius *Saturn.* I, 16, gentis Seruiliae Plinius *Hift. Nat.* XXXIV, 13. Atque inde intelligitur, quid fibi velit Cicero *de Harufp. Refp.* XXVII, quando in pofteros transferri ait parentum nomen, facra, memoriam, gentem.

LXXII. Haec funt illa iura Quiritium LXXII. ciuiumque Romanorum, quae omnes, qui Ciuitatum duarum vel plurium ciuis nemo effe poterat. optimo iure ciues erant, confequebantur. Illud unum addendum videtur, fuiiffe quaedam iurisprudenciae Romanorum publicae principia, aliis gentibus incognita. Tale erat illud, I. quod vetere iure (c) nemo poffet fimul Romae alteriusque ciuitatis ciuis effe. Cicero *pro Corn. Balbo* XXVIII. *Duarum ciuitatum ciuis effe noftro iure ciuili nemo poteft: non effe huius ciuitatis ciuis, qui fe alii ciuitati dicauit, poteft.* Et in oratione *pro A. Caecina* XXXIV. *Nam quum ex noftro*

(c) Aliud iure nouo. Nam faepe quibusdam ciuibus Romanis concedebant Imperatores, vt alterius quoque ciuitatis ius haberent. Sic Dionis Chryfoftomi auus ab Imperatore αἶμα τῆς Ρωμαίων πολιτείας καὶ τῆς Απαμείων ἔτυχεν, fimul Romanam & Απαμensem ciuitatem obtinuerat. Dio Chryfoft. *Orat.* XLI, p. 500.



*nostro iure duarum ciuitatum nemo esse possit, tum amittitur haec ciuitas denique quum is, qui profugit receptus est in exsilium hoc est, aliam ciuitatem.* Hoc secus fuisse in Graecia, vbi multarum iidem homines ciuitatum esse potuerint, idem obseruauit Cicero *pro Archia V.* Idque cum ex aliis exemplis patet, quae colligit Ez. Spanhem. *Orb. Rom. l. 5. p. 8. sequi* tum maxime ex marmore illo apud Reines. *Inscript. p. lxxvii.*

C. CALPVRNIVS. ASCLEPIADES.

PRVSA. AD. OLYMPVM. MEDICVS.

PARENTIBVS. ET. SIBI. ET. FRATRIB.

CIVITATES. VII. A. DIVO. TRAIANO.

IMPETRAVIT.

At Romae hoc, vt dixi, nemini licebat, siquidem ciuitatem is amittebat statim, qui alteri se ciuitati adscribi passus erat. Hinc de T. Pomponio Attico Cornel. Nepos *in vita eius III.* *Athenis autem sic se gerebat, vt communis infimis, par principibus videretur, quo factum est, vt huic omnes honores, quos possent, publice haberent, ciuemque facere stude- rent.* Quo beneficio ille vti noluit: (d) quod nonnulli ita interpretantur, amitti ciuitatem Romanam, alia adscita. Atque hinc intelligitur qui factum sit, vt ii, quibus aqua & igni fuerat interdictum, tum demum ciuitatem Romanam amitterent, quum in eam ciuitatem essent recepti, quo ver- tendi, id est, mutandi soli causa venissent. Cic.

*pro*

(d) Hinc de solo domicilio Athenis constituto intelli-  
gendus est Cicero, quoties hunc T. Pomponium ci-  
uem Atticum adpellat, quod facit. *Epist. ad Attic. l. 1,*  
*16. II, 1,* vbi Demosthenem *Attici ciuem* vocat.

*pro Domo* LXXVIII. Qua de re diximus supra Lib. I. Tit. XVI. §. X.

LXXIII. Accedit & alterum iuris publici pricipium, II. quod ciuitatem nemo amittere posset, nisi ipse esset auctor factus: Cic. *pro Domo* LXXVIII. de quo iure eodem loco diximus, & ex Ger. Nood. addidimus, fictionem semper intercessisse, si quando vel poenae loco, vel ob aliam causam (e) quibusdam ius ciuitatis adimeretur. Hinc ad artes Sullae tyrannicas pertinet, quod municipiis quibusdam ciuitatem lege centuriatis comitiis lata eripuit. Cic. *pro Domo* LXXIX. Sallust. *Fragm. Hist.* I. Sed quod semel tentauerat Sulla, saepius deinde facitabant Imperatores & quotcumque principatum Romae adfectabant. Sic Antonium agros, ciuitatem, immunitates, aliosque id genus honores priuatis & regibus, ademisse, tradit Dio Cass. *Hist.* XLV. p. 282. Augustus quoque, confectis bellis, libertatem ac ius ciuitatis aliis dedit, aliis ademit, teste eodem Dione *Hist.* XLIV. p. 538. Et Claudius ciuitatis iure priuauit legatum, Lycium origine, quia Latine interrogatus, quod quaesitum esset, haut intellexerat. Dio Cass. *Hist.* LX. p. 676.

LXXIII. Ciuitatem inuitus nemo amittebat.

## CAP. II.

(e) Tribus causis amitti videbatur ciuitas, *exilio*, illo scilicet, quo bona venibant, & aqua & igni interdicebatur, *pestil. minio* & *reiectione ciuitatis*. Cic. *pro Balbo* XXVIII. XXIX. Pompon. L. 3. §. 3. D. de capr. & *pestlim.*

## CAP. II.

## DE IVRE LATII.

LXXIV.

Varia Latinorum nomina.

LXXIV. Sufficere haec arbitramur de iuribus ciuium Romanorum. Proximum est, vt de IVRE LATII differamus, quod proxime accessisse ad ciuitatis Romanae praerogatiuam, iam supra diximus. Idque vel inde patet, quod Dionys Hal. VIII. p. 540. eos *μετεχέτας τῆς ἰσοπολιτείας* participes iuris, quod ciuitatem quasi aequat, eleganter adpellat. Multa vero Latinorum fuere nomina. Dicti enim sunt *focii*, (f) *focii Latini*, *focii nominis Latini*, *focii nomenque Latinum*, *focii ab nomine Latino*, *focii ac Latium*, vti productis ex Liuiο, Sallustio, Valerio Maximo testimoniis ostendit Car. Sigon. *de ant. iure Ital.* I, 2. p. 473.

LXXV.

Qui & quales fuerint?

LXXV. Latini ergo vel focii Latini nominis, temporibus antiquissimis erant *Latii incolae*, *populi Romani foederati*, *iure Latii donati*, vt eos definit Sigon. *de iure Ital.* I, 2. p. 476. *Latii incolae* dicuntur, vt a reliquis Italis; *populi Rom. foederati*, vt a Latii incolis, qui tamen Latii iure haut fruebantur, secernerentur.

LXXVI.

(f) Saepe tamen confunduntur nomina, vt & Italici iuris homines fociorum, & Latinorum, & Latini Italiorum nomine veniant. Quod itidem recte monuit Car. Sigon. *l. c.* p. 474. Id quum non attenderent recentiores quidam scriptores, ceteroquin eruditissimi: mirum in modum totam hanc differentiam Latinorum ac Italorum peruerterunt. Exemplo esse potest Harduin. *Not. & Emendat. ad Plin. p. 329. Tom. I.*

LXXVI. LATIVM olim duplex erat, LXXVI.  
 VETVS & NOVVM. Vetus a Tiberi ad Cir- Foedera  
 ceios; nouum a Circeiis ad Lirim & Sinuessam cum po-  
 vsque productum est. Paulo latius vtriusque pulis Latii  
 Latii terminos profert Seruius ad Virg. *Aeneid.* antiquissi-  
*I. v. 6. Latium duplex est, unum a Tiberi ad Fundos,*  
*aliud inde vsque ad Vulturum fluvium.* Sed erro-  
 rem huius Grammatici iam alii ostenderunt.  
 Latium ergo vetus Tiberi, Aniene, Vtente flu-  
 uiiis, marique Tyrrheno concludebatur, illud-  
 que infederant *Albani, Rutuli, & Aequi.* Nouum,  
 quod ab Vtente fluuio ad Lirim protenditur,  
 Oscis, Ausonibus, Volscis, praebuit sedes *Plin.*  
*Hist. Natur. III, 5.* Strabo *Geogr. V. p. 231.* Ex  
 his primi foedus cum Romanis Albani iam  
 ipsius Romuli tempore fecerant, quo cautum  
 fuerat, vt ne bellum inter se gererent sociae ci-  
 uitates, alioquin, quae bellum intulisset prior,  
 alterius iudicium ac mulctam subiret. *Dionys.*  
*Hal. III. p. 138.* Addit Strabo *Geogr. IV. p. 165.*  
 tam arctam fuisse inter hos populos necessitudi-  
 nem, vt, quum proprium vterque regem habe-  
 ret, connubia tamen, & sacra & cetera iura ci-  
 uilia communia haberent. Victis postea a  
 Tullo Hostilio Albanis, ex foedere imperatum  
 est, vt iuuentutem in armis haberent, vsurum  
 Regem Romanorum ea, quum res postularet.  
*Liu. I, 26.* Diruta paullo post Alba, legatos  
 Romani miserunt ad triginta vrbes, quae in Al-  
 banorum fuerant ditione, postularuntque, vt &  
 ipsi dicto essent audientes. Abnuentibus his,  
 nouum exarsit bellum, quo in quintum annum  
 populationibus magis, quam iustis praeliis ex-  
 tracto



tracto, pax demum facta, foedusque renouatum est. Dionys. Hal. III. p. 175. Rege hoc morte intercepto, plerique Latini soluta Regis obitu foedera dicebant. Vnde maiore conatu domiti a Tarquinio Prisco, pacis conditiones acceperunt, ut agros suos ac leges haberent, ac focii populi Romani dicerentur illi quidem sed ad regis tamen Romani mandata armati praesto essent. Dionys. Hal. III. p. 191. Confirmavit id foedus Tarquinius Superbus, Liu I, 52 qui ut tanto sanctiore vinculo sibi conglutinet hos focios, primus ferias Latinas Romanis cum Latii populis communes instituit. Dionys. Hal. IV. p. 250.

LXXVII.

Ea deinde  
saepius re-  
petita.

LXXVII. Exactis regibus nouum statim bellum coortum est cum Latinis, qui a Romanis denuo descuerant. Cum his tamen ab A. Postumio Dictatore victis ad lacum Regillum, denuo foedus percussum A. V. C. CCLX. Sp. Cassio Vicellino & Postumo Cominio Aurunculo II. Coss. iis legibus, *ut inter Romanos Latinasque ciuitates omnes aeterna pax esset, neque ipsae inter se bellarent, neque aliunde hostes inducerent, neque hostibus tutos transitus praebere, sed bello oppressis opem pro virili ferrent, oliorum ac praedae partem aequalem haberent: priuatarum litium iudicia illi, quibus mandata cognitio fuerit, intra decem dies peragerent: hisque legibus nihil addi denique posset, nisi si Romanis, Latinisque ita placuisset.* Hanc enim foederis formulam (g) nobis seruauit Dionys.

Hal.

(g) Pluribus tamen aliis capitibus illud constituisse vel ex Festo adparet, qui *voce nancitor*. p. 327. etiam haec foederis

*Hal. VI. p. 115. Conf. Liu. II. 22. & Cic. pro Corn. Balbo XXI.* Et hoc est foedus illud Latinorum, quod ceteris firmitus mansit. Quamuis enim subinde rebellarint Latini, veluti A. V. C. CCCLXVI, & CCCIV : saepe tamen victi, saepe reducti ad officium, postremo illius foederis leges, quod cum Latinis omnibus Sp. Cassio & Postumo Cominio Coss. initum fuerat, recuperarunt, (b) vt patet ex *Cic. pro Corn. Balbo XXIII*

LXXVIII. His antiqui Latii populis accessere deinde Volsci & Aequi, *Latinorum iudice Floro Hist. Rom. I, 11. peruicacissimi & quotidiani prope Romanorum hostes.* Volscis, si Dionys. Hal. III. p. 181. credimus, Ancus; sin Linii I, 53. sententia standum sit, Tarquinius Superbus primus bellum intulit; qui & Aequos adgressus est. Postea ab A. V. C. CCLVIII. variis ac paene anniuersariis praeliis attriti, demum A. V. C. CCLXXXIV. Antium, maritimum oppidum, amiserunt, annoque insequente iis legibus impetrarunt pacem, vt legibus suis videntes, priuatis stipendiis, pro Romanis iussi militarent. Dionys. Hal. IX p. 616. At statim ad arma

LXXVIII.  
Foedus  
cum Vol-  
scis & Ae-  
quis.

foederis verba allegat : PEQVVNIAM QVINANCITVR, HABETO, ET SI QUID PIGNORIS NANCISCITVR, SIBI HABETO.

(b) Postremo enim bello a Q. Publico Philone Coss. ad internecionem caesi, plerisque iuribus fuerant spoliati, ex eoque tempore etiam concilium Latinorum ad lucum Ferentinae conuocari desierat, ceu ex Cincianis commentariis obseruat Felt. *Voce Praetor. p. 376.* Y 5 (j)

arma redierunt Aequi & Volsci. Vnde aliquoties fusi fugatique, quin & sub iugum aliquando missi sunt, donec A. V. C. CCCCXLIX. a P. Sempronio Sopho consule paene deleti & ad internecionem caesi sunt. Tamen & hi postremo propter cognationem in Latii iura adsciti sunt, vt patet ex Cic. *pro Balbo* XIII. quamuis, quo id tempore factum sit, nondum mihi liquet.

LXXIX.

Item cum  
Hernicis.

LXXIX. Idem dicendum de Hernicis, quos primus Tarquinius Superbus societate deuinxerat, Latinarumque feriarum fecerat participes. Dionys. *IV. p. 152.* Dein A. V. C. CCLXVIII. bello petiti a Sp. Cassio, tertium Consule, quum victi pacem petissent, easdem conditiones, quas Latini, quin ciuitatem sine suffragio impetrarunt, atque inde est, quod saepe a Latinis seiungantur, neque adeo eos in Latinorum corpore fuisse ex Liuius & Dionysio euincit Car. Sigon. *de ant. iur. Ital. 1, 6. p. 107.* Postea anno CCCXCI. nouum cum Hernicis bellum exarsit: eoque finito, tertium, cuius omnes huius gentis ciuitates erant participes, praeter Alatrinates, Ferentinates & Verulanos. Liuius III, 42. Tribus illis, quia ciuitati Romanae *inter omnia* praeferebant, suae leges redditae: A. V. C. CCCCXLVII. Anagninis, & qui arma Romanis intulerant, *ciuitas sine suffragii latione data, concilia connubiaque adempta, & magistratibus praeterquam sacrorum curatione interdictum.* Liuius IX, 43. Sed Hernicos istos *autem* postremo iura Latii habuisse, vel inde patet, quod Ferentinates Latinis adiungit Liuius XXXIV, 41.

LXXX.

LXXX. Latium nouum quando dici coeperit, quandoque Oſcis & Auſonibus ius Latii datum ſit, non magis certum eſt. Sigonius exiſtimat, his populis ad internecionem deletis, Liu. IX, 25. in hanc regionem Latino- rum gentem eſſe immiſſam, atque inde Latium nouum adpellatum : id quod ipſe inter Taren- tinum Punicumque bellum factum coniicit. Sed quemadmodum id nullo teſtimonio compro- bari poteſt : ita certiffimum eſt, nouum hoc Latium iura Latii veteris eſſe conſequutum, ſi- quidem Appianus *de Bello ciuil. I. p. 374.* Latinos, quos ab Italis ſeiungit, ad Lirim uſque in populi Romani fide manſiſſe ſcribit.

LXXXI. Et hae ſunt illae gentes, quibus ius Latii antiquiſſimis temporibus datum eſt. Hoc iure contenti fuerunt uſque ad bellum il- lud ſociale vel Marſicum, quo conſecto A. V. C. DCLXIII. lege Iulia, & proxime inſequenti lege Plotia omnes ſocii ac Latini nominis, im- mo & Italici ciuitate Romana donati ſunt, ceu ſupra *num. IX.* obſeruauimus.

LXXXII. At quamuis Latini tum in ciui- tatis Romanae iura tranſirent : non ipſum ta- men ideo exſpirabat ius Latii, quippe quod ab eo tempore cum multis ciuitatibus tum & colo- niis extra Italiam conſeſſum legimus. Sic Ne- maufenſibus ius Latii datum eſſe, patet ex Stra- bone IV, 157. Nouocomenſibus idem ius de- derat vel Iul. Caefar vt tradit Appian. *Bell. Ciuil. II. p. 443.* vel Pompeius Strabo, vt mauult. Ez. Spanh. *Orb. Rom. I. p. 19.* Is enim Pompeius omnibus Gallis Transpadanis ius Latii conces- ſerat

LXXX.  
Cum inco-  
lis Latii  
nouu.

LXXXI.  
Latini de-  
mum ciui-  
tate dona-  
ti.

LXXXII.  
Ius Latii  
deinde  
aliis popu-  
lis & ciui-  
tatibus  
datum.



ferat teste. Afcon. Paedian. in Cicer. *aduers. Pison.* p. 2062. Eodem exemplo Nero nationes Alpium maritimarum : vniuersam Hispaniam Vespasianus ; multas alias ciuitates Hadrianus in ius Latii transtulerunt Tacit. *Annal.* XV, 31. Plin. *Hist. Nat.* III, 3. Spartian. *Hadr.* XXI. De coloniis Latinis paullo post erit dicendi locus.

LXXXIII  
Latini Iu-  
niani li-  
bertinae  
conditio-  
nis.

LXXXIII. Nouum Latinorum genus repertum sub Tiberio, lata lege Iunia Norbana, qua cautum, vt modis minus sollemnibus manumissi non iura ciuitatis Romanae, sed Latii tantum, consequerentur. Vnde hi libertini dicti LATINI IUNIANI, vt distinguerentur a *Latinis colonariis* (i) quibus ceteroquin, quod ad ius ciuile attinet, adsimilabantur. *L. vn. C. de Lat. libert. toll. Fragm. Iureconf. vet.* Pithoeanum apud Cl. Schulting. *Iurisp. vet. anteiustin.* p. 805. Sed quemadmodum Latinos colonarios vna cum ingenuis omnibus ciuitate Romana donauerat Antoninus Caracalla, celeberrima illa ac saepe a nobis citata constitutio : ita Iunianam etiam Latinitatem sustulit Iustinianus. *D. L. vn. C. de Lat. libert. toll.*

LXXXIV  
Latini fue-  
re ciuibus  
deterio-  
res.

LXXXIV. Iam vt ad iura Latii perueniamus : ea licet proxime ad ciuitatem Romanam accederent, non eadem tamen fuerunt ac iura

(i) Perspicue itaque fallitur V. C. Claudius Salmasius, quando Latinas colonias e libertis constituisse existimat. *de modo usur.* XIX, p. 878. *sequi* Alii profecto erant Latini *liberti vel Iuniani*, alii Latini *colonarii*, quippe ingenui, & honorum in suis coloniis capaces. Vid. Ez. Spanh. *Orb. Rom.* I, 9. p. 21.

iura ciuium Romanorum. Quod adeo verum est, vt Boethius in *Top. Cic. II.* scribat, eos mediam pati capitis deminutionem, qui ciues Romani in Latinas colonias mitti se paterentur. Operae itaque pretium fuerit, quid inter ciues Romanos Latinosque, quod tam ad ius priuatum, quam ad publicum attinet, interfuerit, paullo adcuratius disquirere.

LXXXV. Vidimus supra, qualis fuerit, ciuium Romanorum LIBERTAS. Latini & ipsi quidem gaudebant libertate, sed iuris gentium, non illa iuris Quiritium, quam supra descripsimus. Saltem quod Lex Porcia sanxerat de ciuium libertate a verberibus, non aequè valuit in Latinis. Quum enim Nouocomenses, iure Latii donati a Q. Pompeio Strabone, paullo post a Caesare ciuitatis iura essent consequuti: M. Marcellus Consul Nouocomensem quemdam, in Caesaris contumeliam, virgis caedi iussit, tamquam peregrinum, vt scribit Appianus de *Bello Ciu. II.* pag. 443. & quidem Latinum. Latinitatem enim quod attinet, status controuersiam Nouocomensibus mouere haut potuisset Marcellus, quippe quam dudum ante Caesarem fuerant a Pompeio Strabone consequuti. Ascon. Paedian. in *Pisonian.* p. 2062. Simile quid obseruat Diodor. Sic. in *Excerpt. Peirescian.* p. 273. vbi de Clodio: τὰς μὲν πολιτικὰς τοῖς πατρίαις ἔθεσιν ἐκόλαζεν ἀπαραιτήτως, τὰς δὲ συμμαχικὰς ῥαβδίαις ἐκασίγχι. In Romanos quidem more maiorum animaduertit citra spem veniae: socios autem virgis cecidit. Et Sallust. de *Bell. Iugurth. Cap. LXIX.* referens, Turpillium, praefectum, Vaccae oppido

LXXXV.  
Non gaudebant libertate iuris Quiritium.

do impositum, a Metello *verberatum capitis poenam soluisse*, ne cui id mirum videatur, statim subiungit: *Nam is ciuis ex Latio erat*. Ex quo sane patet, non aequè ad Latinos ac ciues pertinuisse libertatem illam, quae ex lege Porcia erat. (k)

LXXXVI  
Nec iure  
connubii  
cum ciui-  
bus.

LXXXVI Ad CONNVBII ius quod attinet, illud Latini populi ne inter se quidem promiscue habebant ex foedere antiquo, nedum cum ciuibus Romanis. Prius discimus ex Liu. VIII, 14. IX, 43. ex quibus locis patet, nemini Latinorum & Hernicorum licuisse extra fines regionis suae vxores ducere: posterius vel inde colligimus: quod ne iis quidem, qui sine suffragii iure ciuitate fuerant donati, cum ciuibus Romanis ius esset connubii. Campani sane, qui pridem ciuitatem sine suffragii latione fuerant consequuti, postea demum impetrarunt, *ut sibi ciues Romanas ducere vxores liceret, & si qui prius duxissent, ut habere eas, & antea eam diem nati ut iusti sibi liberi heredesque essent*. Liu. XXXVIII, 36. Quanto minus ergo Latinis hoc ius connubiorum fuisse putemus? Et certe

(k) Erroris me hic redarguit V. C. Christ. Gottl. Schvvarzius in erudita *de iure Italiae* Dissertatione p. 16. existimans etiam Latinis & Italis hanc libertatem competiisse, idque probat ex Gell. *Noct. Att.* X, 3. ubi Gracchum in oratione quadam conquestum ait, *M. Marium & quosdam ex municipiis Italicis honestos viros virgis per iniuriam caesos a magistratibus populi Rom.* Sed Gellius manifesto loquitur de municipiis Italiae, adeoque de vrbibus non Latini iuris, sed ciuitatem Romanam consequutis, qualia post legem Iuliam erant omnes, ante legem Iuliam quamplurimae.

te clarissime Vlpianus : *Fragm. V, 4. Connubium habent ciues Romani cum ciuibus Romanis : cum LATINIS autem & peregrinis ita, si concessum sit.* Sic & ipsum ius sponsaliorum nuptiarumque aliud fuisse Latinis, aliud ciuibus Romanis, adparet ex Gell. *Noct. Att. IV, 4.* vbi ex Cn. Sulpicio docetur, sponsum Latinum agere potuisse ex sponso in id, quantum intererat, eam vxorem non datam : quum contra ciuibus Romanis, vt supra diximus, infinita esset repudiorum licentia. *L. 1. C. de sponsal.*

LXXXVII. Quantum fuerit apud Latinos ius PATRIAE POTESTATIS, in tanto veterum silentio non constat. Id saltem certum videtur, *nullos fuisse homines*, (adeoque nec Latinos,) *qui talem habuerint in liberos potestatem, qualem Romani habebant*, §. 2. *Inst. de patr. pot.* Nec omittendum hic videtur, paullo plus in Latio potestatis fuisse matri, quam Romae. Id enim non obscure patet ex controuersia Ardeensi apud Liu IV, 9. Latini Iuniani habebant ius MANCIPATIONIS, *Vlp. Fragn. XIX, 4.* adeoque etiam colonarii Latini, quibus aequati illi erant lege Iunia Norbana. *Vetus Fragn. Iurec. apud Pith. n. VIII.* An vero etiam veteres Latini eodem iure vsi sint, nondum constat. Porro TESTAMENTVM non faciebant Latini: saltem iure Romano Vlp xx. 14. (nam alioquin & extra Romam Italos iam inde ab antiquissimis temporibus testamenta condidisse, satis constat Liu. I, 3. I, 4.) Idem Latini nec ex ciuis Romani testamento quidquam capiebant, nisi intra diem cretionis ciuitatis Romanae iura impetrassent.

LXXXVII.  
An habuerint ius patrimonii, legitimi domini, testamenti factionis.



petrassent. Vlpian. XXII, 3. Haec sunt, quae veteres nos docent : plura, quum muta hic sint antiqua monimenta, addere non licebit.

LXXXVIII  
Suis ute-  
bantur le-  
gibus, nisi  
fundi fa-  
cti.

LXXXVIII. Suis ergo ceu ex his patet, legibus utebantur Latini, nec iuris Quiritium fiebant participes. (l) Licebat tamen eis, si vellent, leges Romanorum in suas ciuitates recipere, vel, vt veteres loquuntur, poterant populi FVNDI fieri. Qua de re Cicero pro Balbo. VIII. *Si quum iussi, et populus Romanus aliquid, si id adsciuissent socii populi ac Latini, & si ea lex, quam nos haberemus, eadem in populo aliquo, tamquam in fundo resedisset, vt tum lege eadem populus is teneretur, non* VT DE NOSTRO IVRE ALIQUID MINVERETVR, *sed vt illi populi aut iure eo, quod a nobis esset constitutum, aut aliquo commodo & beneficio uterentur. Tulit apud maiores nostros legem C. Furius de testamentis, tulit Q. Voconius de mulierum hereditatibus: innumerabiles aliae leges de iure ciuili sunt latae, quas Latini voluerunt, adsciuerunt. Quicumque ergo populi leges Romanas adsciscebant, & iis subscribebant, illisque in ciuitatibus suis utebantur, ii fundi dici solebant, non a statu quodam, vel conditione, quemadmodum dici solent populi foederati, vel liberi, sed*  
a facto,

(l) Quaeri solet an omnes quibus ius suffragii datum, legibus suis spoliati & vt populi fundi fierent, coacti sint? Affirmat Sigon. *de antiquo iure Ital.* II, 7. Sed quid dicemus de Puteolis, qui cum *municipium illustre* fuerint, teste Cicerone *pro Cael.* XI. suo tamen iure libertateque vti dicantur eidem *Agrar.* II, 32. Conf. Schvarz. *de iure Ital.* §. V. p. 14. seq.

(m)

a facto, quod scilicet legibus populi Rom. subscrip-  
 sissent. *Fundus* enim *auctor* est vel *subscrip-*  
*tor*. Gell. Noct. Att. XIX, 8. Haec ego dixi non ut  
 huius sententiae legisque *EVNDVS* subscriptorque  
 fierem. Festus : *EVNDVS* dicitur *populus esse*  
*rei, quam alienat, hoc est auctor*. Plaut. in *Trinum. V*,  
 1. v. 6.

*Nunc mihi is propere conueniendus est, ut quae cum*  
*eius filio*

*Egi, ei rei EVNDVS pater sit potior.*

Add. Turneb. *Aduers. IV*, 12. Hotoman. *Obs. II*,  
 5. Participes itaque iuris Romanorum pri-  
 uati fiebant isti populi, quod leges Romanas  
 adsciissent, & ut apud se valerent, auctores fa-  
 cti fuissent. Nec tamen eo ipso iura Quiritium  
 consequabantur : ( nihil enim de iure Roma-  
 norum voluntaria ista legum Romanorum re-  
 ceptione poterat minui, ) sed inter se tantum iis  
 legibus, quibus Romani ciues, utebantur. Ver-  
 bi causa, Latini tunc inter se poterant testari se-  
 cundum leges Romanas, id enim licebat popu-  
 lis fundis. Sed non ideo quidquam ex testa-  
 mento ciuis Romani capiebant. Id enim per-  
 tinebat ad ius Quiritium. Multo minus haec  
 legum Romanarum receptio ad ius publicum  
 pertinebat. Vnde Cicero I, 1. *De nostra vero*  
*rep. de nostro imperio, de nostris bellis, de victoria, de*  
*salute fundos populos fieri noluerunt.* Quae si ob-  
 seruaueris, facile carebis spinosis illis Sigonii,  
 Nic. Rigaltii, Ism. Bullialdi, Henr. Valesii, alio-  
 rumque disputationibus *de populis fundis (m)*  
 quippe

(m) Trigam illam dissertationum *de populis fundis* quae  
 Z primum

quippe quibus res in se clarissima obscurari fere magis, quam illustrari videtur. Pleniora bonae frugis sunt, quae ad illam pro Balbo orationem commentatus est V. C. Io. Georg. Graevius.

LXXXIX  
Erat Latini  
ius  
census.

LXXXIX. Quemadmodum ergo iure privato diuerso admodum vsi sunt Quirites & Latini : ita, quod ad ius publicum attinet, paullo propius ab illorum praerogatiuis abfuerunt. Consistebant ciuitatis iura in censu, militia, tributis, suffragiis, honoribus & sacris. Latinos Romae CENSOS esse, nusquam lego, nisi furtim aliquando in tabulas censuales irreperent, quod deinde lege Claudia Papia & Licinia Mucia vetitum esse, supra obseruauimus §. LII. At ex Liu. XLI, 13. constat, Latinos in ciuitatibus suis esse censos. Verosimile itaque est, in Latii ciuitatibus non minus ac Romae censum fuisse actum a suis magistratibus, tabulasque censuales deinde Romam missas. Id enim etiam in coloniis fieri solitum, nemo ignorat.

XC. Vt &  
ius mili-  
tiae inter  
focios.

XC. Porro & MILITIAE iure, sed paulo adstrictiore, gaudebant Latini. Primo enim ne pro se quidem tuendis arma expedire poterant, iniussu populi Romani, vt testatur Liu. III, 19. Deinde militabant quidem cum Romanis, verum non vt legionarii, sed tamquam focii, vt accurate ex Polybio docet Lips. *de milit.*

primum Diuione coniunctim prodit cIoIoCLVI. iterum edidit. I. Ge. Graevius V. C. *Thef. Ant. Rom, T. II. p. 1925.*

*lit. Rom. I. 6. p. 48.* Vnde minus rem acu teligit Car. Sigon. *de ant. iur. Ital. I. 4 p. 494.* qui Latinos inter auxilia ponit, quae Varro *de Lingu. Lat. IV, 16. p. 16. ex alienigenis*; Festus p. 256. *ex sociis exterarum nationum* constituisse, ait. Tum demum ergo hi esse coeperunt socii & auxiliares, quum Latini & Itali ciuitate donati, legionariae militiae praerogatiuam consequerentur. Id porro addendum, sociis & Latini nominis semper triplicem equitum, aliquando & peditum numerum imperasse Romanos. Sic apud Liu. III, 22. duae partes sociorum in exercitu, tertia ciuiumerat. Idem XXI, 17. refert, quatuor & viginti peditum Romanorum millia fuisse scripta, mille & octingentos equites sociorum, quadraginta quatuor peditum, & quatuor equitum. Alia exempla sunt apud Liu. XXXVI, 12. XXXV, 2. & alibi passim. Vnde non iniuria queruntur apud Velleium Paterc. *Hist. II, 15. per omnes annos atque omnia bella duplici numero se militum equitumque fungi, neque in eius ciuitatis, ius recipi, quae per eos in id ipsum peruenisset fastigium, per quod homines eiusdem & gentis & sanguinis, ut externos alienosque fastidire posset.* Denique obseruandum Latinos, quemadmodum legionis ius haut habebant, ita neceodem modo, quo milites Romanos, fuisse castigatos. Nam & virgis caedebantur, quas quum a Latinorum militum corpore, lege auctoritate Senatus lata, remouere tentaret M. Liuius Drusus, Tribunus plebis: eam legem numquam obseruarunt Imperatores, qui remoto virgarum metu, in officio se continere exercitum posse negabant. C.



Sigon. *de antiquo iure Ital.* I, 4. p. 496. Exemplum Turpillii est apud Sallust. *de Bello Iugurth.* LXIX. *Iussus a Metello causam dicere, postquam parum se purgat, condemnatus, verberatusque, capitis poenas soluit. Nam is ciuis ex Latio erat.*

XCI. Latini an tributarii?

XCI. De TRIBVTIS Latinorum nihil reperio, nisi quod durior ea in re fuisse videtur Latinorum, quam ciuium, conditio. Quamuis enim eos ab exteris, non magis quam ciues suos, tributis vectigalibusque onerari Romani paterentur, atque hinc in Ambracensium foedere cauissent, *ut Ambracenses portoria, qui vellent, caperent, modo eorum ciues Rom. & Latini socii immunes essent*: Liu. XXXVIII, 44. ipsi tamen Romani a Latinis tributa & vectigalia exigebant, adeo ut eos *stipendiarios* adpellet. Liuius VIII, 8. & apud Appian. *de Bell. ciu.* I. p. 353. de sociis dicatur, eos *militando & tributa conferendo grauatos esse*. Vnde non temere colligas, tolerabiliorrem quidem hac in re, quam Italorum & prouincialium, duriorrem tamen, quam ciuium, fuisse Latinorum conditionem.

XCII. An ius habuerint suffragii?

XCII. Illud vero praestantissimum erat ius quorundam Latinorum, quod iure SVFFRAGII gauderent ex foedere, quo eos obstrinxerat Cassius. Sane Hernicos & Latinos ad ferenda suffragia fuisse euocatos, adparet ex Liuiio XXV, 3. & Dionys. Halic. VIII. p. 540. Attamen ne in eo quidem aequo cum ciuibus iure gaudebant. Nam primo non erant certae tribui adscripti, atque inde sortiri solebant, ubi ferrent suffragia. Qua de re Liuius: XXV, 3. *Testibus datis, tribuni populum submouerunt, sitellaque adlata*

*adlata est, ut sortirentur, ubi Latini suffragium ferrent.* Deinde hoc ius suffragiorum erat veluti precarium. Quotiescumque enim liberet, edicere poterant consules, ut Latini vrbe exirent. Fecit id sane Virginius Consul, Cassii collega, apud Dionys. Halic. VIII. p. 540. Fecit & C. Fannius, qui Latinos, suffragii causa in urbem accitos, ex SC. excedere iussit. Cic. Brut. Cap. XXVI. Nec plura exempla tamen succurrunt. Vnde Cicero pro P. Sextio XIII. *Nihil acerbius socii Latini ferre soliti sunt, quam id, quod perraro accidit, a consulibus iuberi ex urbe exire.*

XCIII. Gaudebant etiam iure aliquo XCIII.  
HONORVM, sed non optimo, quali ciues Ro- Item ius  
mani. In eo prouincialibus erant feliciores, petendi  
quod non Romanis praetoribus, proconsuli- honores.  
busque parerent, sed suis magistratibus. Vnde de Nemauso iure Latii donata, Strabo Geogr. IV. p. 87. *Scribit, ea de causa populus ille Romanis praetoribus non paruit.* Melior quoque in eo erat illorum conditio, quam Italorum, quod magistratibus in patria gestis, ius ciuitatis Romanae consequerentur, qua de re supra diximus num. VII. Ast honores in vrbe petere haut poterant. ante ciuitatem lege Iulia datam. Hinc quum bello Punico II. Sp. Caruilius suafisset, ut ex singulis populis Latinorum binis senatoribus, si patres censuissent, ciuitas, adeoque etiam ius magistratuum daretur: eius rei, ut alienae, mentio suppressa est. Liu. XXIII. 22. Nec felicius processere Latinorum consilia, quum alterum consulem ex sua gente creandum vrgerent. Liu. VIII, 4. Vnde de magistratibus pa-

Z 3

triis,

triis, non vrbanis, intelligendus est Asconius Paedianus, quando de Gallis Transpadanis, Latii iure donatis a Q. Pompeio Strabone, ait: *habuisse eos ius, quod ceterae Latinae coloniae, id est, ut* PETENDI MAGISTRATVS GRATIA, *ciuitatem Romanam adipiscerentur.* Ascon. prooem. in Pisonian. p. 2062. Dicere enim procul dubio voluit, *ut gesti magistratus gratia ciuitatem Romanam adipiscerentur.* Illud enim ius Latinis fuisse supra num. VII. demonstratum est.

XCIV. Et  
ius sacro-  
rum.

XCIV. Denique quod ad ius SACRO-  
RVM attinet, ciuibus Romanis & publica sa-  
cra & propria fuerunt. At communia quoque  
nonnulla erant ciuibus cum Latinis, & talia  
erant Sacra Dianae, quae exemplo ciuitatum  
Asiae, auctore Serv. Tullio, Romae in fano,  
communibus sumtibus exstructo, faciebant  
cum Romanis Latini, Liu. I, 15. Tales quo-  
que feriae Latinae, quas instituerat Tarquinius  
Superbus. Singulis enim annis conueniebant  
quadraginta septem Latii populi in monte al-  
to, Albae imminente, sacra facientes Ioui Latia-  
li, epulisque & ludis vacantes. Constitutum  
quoque erat, quid quisque populus praeberet:  
hic agnos, ille caseos, iste lactis modum, &  
quam portionem recipere deberet. Commu-  
nis victima taurus erat, de quo cuilibet populo  
portio sua fuerat constituta, & huic sacrificio  
praeerant Romani. Dionys. Halic. *Antiqu. Rom.*  
I. p. 250. Initio quidem ex instituto Tarquinii  
vnico die haec sacra peragebantur: at, puls-  
is regibus additus a populo secundus: accessit  
dein tertius post foedus cum Latinis a Sp. Cassio  
ictum

ictum: quartus ob plebis, quae secesserat, reditum adiectus: accesserunt quoque sacrificia & ludi, quibus Senatus aediles praefecerat, Dionys. *Ant. Rom.* VI. p. 415. Immo & viscerationes, de quibus in actis diurnis apud Reines. IV, 5. PRID. KAL. APRIL. FERIAE LATINAE CELEBRATAE ET SACRIFICATVM IN MONTE ALBANO, ET DATA VISCERATIO. Viscerationes autem erant distributiones carnis, panis, olei, vini, crustuli, mulsi & similia, viritim factae, de quibus Reines. in *Comm. ad Inscr.* p. 146. Tanti vero hae feriae erant Romanis, vt consules in provincias paludati proficisci non possent, nisi indictis prius hisce feriis. Liu. XXI. ult. XXII. 1. Instaurandae quoque erant a Pontificibus, si vel vlla caerimonia neglecta, aut quidquam praeter ius factum esset, cuius rei exempla sunt apud Liu. XXXII, 1. XXXVII, 3. XL, 45. XLI, 16. Interea dum magistratus Romani feriis illis interessent, Praefecti feriarum Latinarum (n) usque ad eorum reditum imperium in vrbe tenebant. Iul. Capitolin. *Antonin.* IV. Tacit. *Annal.* VI, 11. Ex quibus locis etiam patet, ferias istas Latinas post ciuitatem quoque Latinis datam, immo adhuc sub Imperato-

(n) Sunt qui hos non praefectos feriarum Latinarum, sed praefectos vrbi feriarum Latinarum causa, dictos putant, veluti Casaub. *ad Iul. Capitol. Marc. Anton Anton.* IV. Ampl. Bynkersh. in *praetermiss.* ad L. 2. D. de *orig. iur.* p. 54. Sed exstant tamen marmora apud Smetium p. XLI, 5. & p. LXIX, 1. Grut. p. CCCXIII, 9. & CCCLVI, 1. in quibus vocantur PRAEF. FER. LATIN.



ratoribus fuisse celebratas. Cum Lanuvinis in specie Romani communia habebant templum, sacra, lucum *Iunonis Sispitae Lanuviniae*, Liu. VIII, 14. de qua nos plura diximus in *Comm. ad L. Iul. & Pap. Cap. I, 4. p. 57.* Praeter haec sacra cum Romanis communia singuli fere Latini populi & patria numina colebant, qualia erant *Feronia* apud Terracinos, Plin. *Hist. II, 55.* Sil. Ital. *Lib. XIII. v. 83. seq.* Iupiter Anxur, Iupiter Lanuuius, Liu. XXXII, 9. Anguia vel Anguitia Marforum & Marruuiorum, Seru. *ad Virgil. Aen. Lib. VIII. & alia.*

XCV. Latini, si furtim in censum irrepsissent re peti poterant a magistratibus.

X C V. Caeterum an principia illa iuris publici, quae §. LXXII. explicauimus apud Latinos quoque habuerint locum, merito dubites. Sane enim, quum Romani duarum ciuitatum ciues esse non possent: licebat tamen iis, relicta ciuitate Romana, in aliam se recipere, aliusque ius ciuitatis adsumere. Sic, si noluisset T. Pomponius Atticus ciuis Romanus manere, liberum ipsi omnino fuisset, ciuitatis Atheniensis iura adsciscere. Ast Latini, si furtim irrepsissent in tabulas censuales Romanorum, vindicari a magistratibus suis poterant & reuocari, non secus, ac si essent glebae adscripti. Sic M. Crassus iudicio repetitus est a Mamertinis, procul dubio tum adhuc Latinae conditionis. Cicero *pro Balbo XXIII.* M. Perperna a Sabellis. Val. Max. III, 4. 5. Vid. *Comment. nostr. ad L. Iul. & Pap. Popp. I, 1.2.* Et haec sufficiant de Latii iure. Dicendum iam porro de iure Italico.

## CAP. III.

## DE IVRE ITALICO.

XCVI. Italia Romanis dicebatur, quid- XCVI. Ita-  
 quid praeter Latium inter vtrumque mare ad lia quam  
 Rubiconem vsque fluium procurrit. Reli- late pa-  
 quum enim terrae tractum vsque ad Alpes Gal- tuerit?  
 li, Ligures, Veneti, Carni occupauerant. Cete-  
 rum Italiam inter se diuiserant populi quam-  
 plurimi, & maxime Hetrusci, Lucani, Brutii,  
 Epizephyrii, Locri, Calabri, Messepii, Sallenti-  
 ni, Apuli, Hirpini, Frentani, Picentes, Senones,  
 Umbri, Sabini, Marfi, Vestini, Marrucini, Pe-  
 ligni & Samnites, qui diuersis bellis perdomiti,  
 foedere non vno in societatem a populo Ro-  
 mano accepti sunt. Bella cum tot populis ge-  
 sta accurate recenset Car. Sigonius *de antiquo iu-  
 re Ital. I, §. sequ.* Sed quibus annis singula icta  
 sint foedera, quibus conditionibus singuli po-  
 puli in societatem recepti sint, in tanto veterum  
 silentio obscurum est. Illud certum, & a V.C.  
 Christ. Gottl. Schwarzio in Diff. *de iure Ital.* re-  
 cte obseruatum est, distinguendas esse varias  
 iuris Italici periodos. Post prima enim illa &  
 antiquissima foedera plures Italici populi ad  
 Hannibalem defecerant, quorum alii vltro ad  
 officium redierunt, alii armis recepti. Hinc  
 anno V. C. L. P. Sulpicius Galba Dictator  
 Italiam peragrauit, & cognitis singularum ciui-  
 tatum causis, aliis & in his nominatim Brutiis,  
 Picentinis & Lucanis durius iugum imposuit,  
 aliis pristina iura restituit. Gell. *Noct. Att. X, 3.*

Postea anno V. C. IOCLXIV. Itali iura ciuitatis impetrarunt legibus Iulia & Plotia. Vid. supra §. IX. Ex eo Sulla id ius iis haut parum imminuit, quia Itali partes aduersas sequuti fuerant. Quamuis hanc legem non adeo diu valuisse, testetur Cicero *pro Domo XXX*. Varia hinc porro Italiam indulgit Augustus, *excogitato nouo genere suffragiorum, quae de magistratibus urbicis decuriones colonici in sua quisque colonia ferrent, & sub diem comitiorum obsignata Romam mitterent* Suet. Aug. XXXVI. Idem Imperator etiam militiae necessitatem remisit Italiam. Herodian. *Hist. II, 11*. Hadrianus per omnem Italiam quatuor consulares iudices constituerat. Spartian. *Hadr. XXII*. Hinc CONSVLARES CAMPANIAE sunt ap. Grut. p. CCCXLIV, 2 CCCCLXXI, 8. ΑΝΘΥΠΑΤΟΣ ΚΑΜΠΑΝΙΑΣ apud eundem p. MXC, 20. qui & PROCOS. vocatur in marmore Reines. *Class. VI, 4*. Consularem per Tusciam & Flaminiam fuisse patrem suum narrat Rutil. Numat. *Itiner. I. v. 575, 593* Horum in locum iuridicos suffecit Marcus Antoninus. Iul. Capitolin. *Marc. XI*. Sequenti tempore Italia aliquando subfuit Correctoribus & praefecto Praetorio V. C. Euer. Otto *de Aedil. munic. XII*. Denique post Constantinum M. diuiso saepe imperio, Consulares Italiae iterum memorantur, ab Ammiano Symmacho & Cassiodoro, quos aliquando & Moderatorum, Rectorum & Praefulum nominibus venire obseruat Thom. Reines. *Comm. ad Inscr. p. 397*. Et ab eo tempore immunitas Italiam paene ademta, & tributa iis grauissima indicta sunt. Schvarz. *I. c. §. XII*.

p. 36. qui etiam obseruauit, uestigia iuris Italici tantum non omnia sustulisse Iustinianum, id quod verum esse, vel ex *L. vn. C. de vsucap. transf. L. 1. C. de annal. exc. Ital. & princip. Inst quibus alienare licet vel non*, fatis adparet.

XC VII. Non multo certius videtur, quae <sup>XCVII.</sup> in re ipsum ius Italicum fuerit positum. Multa <sup>lus Itali-</sup> Itali cum fociis Latini nominis habuere communia. Non magis gauisi sunt iure Quiritium, quam Latini; ast vsi tamen sunt iuribus nexus & mancipationum, annalis exceptionis, iure capiendi aliisque quibusdam beneficiis, si recte coniecit Henr. Noris. *de Epoch. Syro Maced. IV. p. 428*. Saltem in his omnibus eos melioris fuisse conditionis, quam Latinos, non temere crediderim. Eadem vtrisque fuit census, eadem tributorum & vectigalium ratio, nisi quod Itali paullo durius videntur habiti a Romanis. A Neapolitanis certe, Rheginis & Tarentinis Romani stipendium & naues ex foedere exegerunt. Immo ex Ciceronis *Verrin. III, 11*. patet, partem Italiae haut minimam vectigalem fuisse. (o) Porro Itali non minus quam Latini militiae iure obstricti fuerunt Romanis, tantaque subinde miserunt auxilia, vt L. Aemilio Papo, C. Atilio Regulo Coss. nunciato Gallico tumultu, equitum LXXX. millia, peditumque DCCM. armasse eos, tradat Plinius *Hist. Nat. III, 20*. De-

(o) Ast remissum postea esse Italici tributum, diximus supra *num. LIX*. Hinc postremis reip. temporibus ius Italicum praecipue in immunitate a censu capitis & soli constitit. Vid. *L. 8. §. 7. D. de cens.*



Denique in eo quoque par fuit Latinorum Italicorumque conditio, quod vtrique non Romanis proconsulibus aut praetoribus parerent, sed suis magistratibus. (p) Ast in hoc inferiores fuere Latinis, quod non gauderent iure suffragii, ad quod tum demum adspirarunt, quum lege Iulia primum, ac deinde Plotia ciuitate Romana essent donati qua de re supra *num. IX.* egimus. Porro nec ea praerogatiua gauisi sunt Itali, vt, qui vel stirpem ex se domi reliquissent, vel magistratus gessissent in patria, ciues Romani fierent. Postremo neque communia sacra habuerunt Itali, adeoque his rebus omnibus Latinis fuerunt deteriores. Car. Sigon. *de antiquo iure Ital. I, 22.* Speciatim quaedam de Italicorum iuribus diximus *Lib. I. Tit. XXV. §. I. seq. Lib. II. Tit. I. §. XV. Lib. II. Tit. VI. §. II. Lib. II. Tit. VIII. §. IX.*

XCVIII.  
Italia ciuitate donata, multis exteris datum ius Italicum.

XCVIII. Quemadmodum vero, communicata cum Latinis ciuitate, non ideo statim exspirauit ius Latii: ita & ius Italicum, etiam  
ex

(p) Attamen etiam hac in re melior aliquanto fuit Latinorum conditio. Quum enim Latini numquam subessent Romanis magistratibus: Italia in grauioribus bellis extra ordinem nonnumquam Proconsulibus decreta est. Atque ita intelligendus Appianus *de Bell. Civil. I. p. 374.* ἦσαν γὰρ, ὡς ἔοικε, τότε καὶ τῆς Ἰταλίας ἀρχόντες ἀνδύπατοι κατὰ μέρη. *Adparet enim, tunc quoque regiones Italiae distributas esse proconsulibus:* Extra ordinem scilicet, si seditionis esset periculum. Sic belli Marfici tempore Picenis cum imperio praefuit Q. Seruius, legatumque habuit Fonteium, ceu ex eodem discimus Appiano. *l. c.*

ex eo tempore, quo Itali ciuitate donati sunt, non desit, sed ad multas alias ciuitates prouinciales porrectum est. Sic Foroaugustanis in Hispania ius Italiae datum, scribit Plin. *Hist Nat.* III, 3. Alias iuris Italici colonias recensent Vlpianus, Celsus, Caius, Paullus iureconfulti in L. 1. L. 6. L. 7. L. 8. D. *de censib* de quibus nos infra agemus accuratius. Ceterū vel ideo hoc obseruandum est. vt intelligamus, quid in iure nostro sit SOLVM ITALICVM, cuius hinc inde fit mentio, veluti *pr. Inst. de usucap* & apud Vlpian. *Fragm.* XIX, 1. Non enim in sola Italia id quaerendum est, sed & in prouinciis omnibus & ciuitatibus ac coloniis illis, quibus datum fuerat ius Italicum, qui agri etiam *censui censendo* dicuntur Cic. *pro Flacco* XXXII. Censui enim censendo dicebantur agri, qui venire emique poterant iure ciuili. Fest. *hac voce*. Iure ciuili vel Quiritium venibant tantum res Mancipi. In rerum autem Mancipi numero erant tantum praedia soli Italici. Vid. Io. Ge. Graeu. *ad Cic. ibid.* & V. C. Schulting. *Adnot. ad Vlpian.* p. 619.

## CAP. IV.

## DE IVRE PROVINCIA RV M.

XCIX. Durissimae in orbe Romano conditionis erant prouvinciae, quo nomine adpellatas constat omnes illas regiones quas vel armis deuictas, vel alio modo redactas in potestatem, magistratibus suis administrandas subiiciebant Romani. Festus *voce prouvinciae.* pag. 384. Pro-

XCIX.

Quid prouincia?

Pro-

Prouinciae adpellantur quod populus Romanus eas prouicit, id est, ante vicit. Isidor. Orig. XIV, 5. Prouinciae ex causa vocabulum acceperunt. Principatus namque gentium, quae ad alios Reges pertinebant, quum in ius suum Romani vincendo redigerent, procul positas regiones prouincias adpellarunt.

C. Quo-  
modo re-  
gio reda-  
cta in pro-  
uinciae  
formam?

C. Leges, quas a victore populo eiusmodi regiones accipiebant, PROVINCIAE FORMA vel FORMVLA dicebantur. Cuius rei haec obseruata est ratio. Senatus, acceptis ab Imperatore de superatis hostibus, & regione in potestatem populi Rom. redacta, literis, (solebant enim, qui res laetas nunciabant Romam nuncios cum hastis laureatis litterisque lauro inuolutis mittere, Gronou. *Diatr. ad Statium Cap. XLVII. p. 310.* vel sub Imperatoribus ipsas pugnarum victoriarumque picturas in urbem perferendas dare, Herodian. *Hist. III, 9. VII, 2.*) inprimis consultabat, quas leges victis dari placeret, factoque SC. Imperatorem, quid visum sit Senatui, admonebat, simulque decem legatos Senatores mittebat, quorum de sententia Imperator de hostili regione statueret. Tum Imperator, adhibitis in consilium legatis, victis certas leges praescripsit, & ciuitates, bene de populo Romano meritas, suis legibus uti iussit, reliquum terrae tractum legibus magistratibusque spoliauit, & hic tunc dicebatur in prouinciae formam redactus. Quidquid vero hunc in modum de consilii sententia statuerat Imperator, id in concione, facto antea per praecorem silentio, publice pronuntiari mandabat: eoque facto, Romam, relicto aliquo praefecto pro-

prouinciae, decedebat. Hunc in modum A-  
 tiam redactam in formam prouinciae constat  
 ex Strabone. Alia exempla exstant apud Liu.  
 XXXIII, 18. Appian. in *Libyc.* p. 84. & alibi  
 passim. Sed desit hic mos; ex quo Principes  
 omnia pacis bellicae negotia suo arbitrio ge-  
 rere coeperunt.

CI. Quamuis vero non vna eademque esset CI. Pro-  
 omnium prouinciarum conditio: illud tamen uinciae  
 commune erat omnibus, quod suis legibus (q) suis legi-  
 magistratibusque non vterentur, populoque bus non v-  
 Romano penderent vectigalia. Non vteban- tebantur :  
 tur, inquam, suis legibus. sed iis, quibus Roma- sed datis a  
 ni eos vti iubebant, quaeque triumpserumque victore.  
 generum erant. *Primo* enim ipse victor de de-  
 cem legatorum sententia certas leges dabat  
 prouincialibus, quas deinde in iure dicundo  
 obseruari oportebat a magistratibus: *deinde* le-  
 ges nouas aliquando ferebant Romani, quibus  
 & prouinciales obsequerentur, qualem supra  
 esse vidimus legem Iuliam & Titiam: *postremo*,  
 ipsi qui cum imperio praeerant prouinciis, edi-  
 cta proponebant, quibus modum, quem in iu-  
 re dicundo essent obseruaturi, denunciabant.  
 Nulla primo regio in prouinciae formam redi-  
 gebatur, cui non certas leges daret victor de  
 sen-

(q) Attamen patriam religionem plerisque relinque-  
 bant, ceu exemplo Aegyptiorum patet, de quibus  
 Tertull. *Apolog.* XXXIV. & Iudaeorum de quibus  
 Philo *legat. ad Caium Imp.* p. 864. Coitiones tamen  
 religionis causa institutas saepe prohibitas fuisse; si  
 e republica videretur, docet Ampl. Bynkersh. *de*  
*rel. peregr. Diss.* II, p. 250.



sententia legatorum. Siculis quales datae fuerint leges, ostendit Cicero *Verrin. II, 13*. *Siculi hoc iure sunt, ut quod civis cum civis agat, domi certet suis legibus: quod Siculus cum Siculo non eiusdem civitatis, ut de eo Praetor iudices ex P. Rupilii decreto, quod is DE DECEM LEGATORVM SENTENTIA statuit, quam legem Siculi Rupiliam vocant, sortiatur* Quod privatus a populo petit, aut populus a privato, senatus ex aliqua civitate, qui iudicet, datur, quum alternae civitates reiectae sunt. Quod civis Romanus a Siculo petit, Siculus iudex datur; quod Siculus a civis Romano, civis Romanus datur. Ceterarum rerum selecti iudices ex civium Romanorum conventu proponi solent. Inter aratores & decumanos lege frumentaria, quam Hieronicam adpellant, iudicia fiunt. Eiusmodi quoque leges Macedonibus a L. Paulo ex consilii sententia datas recenset Liu. XLV, 29. Achaeis praescriptas Pausan. VII. p. 427. sequ.

CII. Vt & aliis, quas S. P. Q. R. iis dabat.

CII. Accedebant his deinde leges quaedam a Romanis latae, quas in provinciis observari oportebat. Sic quum lex Atilia de dando tutore tantum in vrbe valeret: lege Iulia & Titia eadem vti paullo ante diximus, etiam ad provincias porrecta est. princip. *Inst. de Atilian. tut.* Quum ex lege Iulia de maritandis ordinibus tutor dandus esset ei mulieri virginique, quam ex hac ipsa lege nubere oportebat, ad dotem dandam. dicendam, promittendamue: factum paullo post est SC. quo cautum, ut etiam in provincia similiter a Praesidibus ex eadem causa tutores darentur. *Ulpian. Fragm. XI 1.* Similia exempla suppeditabunt L. 19. ff. *de ritu nupt.*

*nupt.* (quam vberius exposuimus in *Comm. ad L. Iul. & Pap. Lib. I. Cap. 5. p. 64. & Lib. II. Cap. 21. p. 334. sequ.*) & *L. 5. pr. ff. de manumiss.* Huc pertinent tot rescripta Principum ad prouinciarum Praefides, quibus vel noua iura dant prouinciis vel dubia & ambigua decidunt, ceu ex Pandectis nostris ac vtroque Codice satis adparet. *L. 15. §. 10. D. de off. proc. L. 14. ad SC. Turpillian. L. 1. D. de abigeis. L. 3. D. de fide instrum. L. 12. D. de custod. reor.*

CIII. At praecipue ius in prouinciis proficiscebatur ex edictis proconsulum, & reliquorum magistratuum, quae, simul ac in prouincias ituri erant, componere, ac dein publice proponere solebant. Hoc edictum tribus plerumque partibus constabat. Nam primo multa ex antecessorum edictis transferebant in sua, eaque pars edictum *tralatitium* vocabatur: deinde multa noua addebant ipsi, quae ad administrationem prouinciae, sumtus & rationes ciuitatum, pactiones cum publicanis, vsuras, syngraphas, hereditatem, possessiones, aliaque huius generis pertinebant: postremo etiam pleraque transferebantur ex edictis vrbanis, quaecunque scilicet de iure dicundo seu de vsitatis priuatorum caussis & controuersis agebant, modo concinna essent conditioni prouincialium. Vnde edictum *tralatitium* & ea pars vocatur apud Ciceron. *ad Att. V, 21.* Discimus haec omnia ex Cicer. *Epist. ad Famil. III, 8.* qui Proconsul in Ciliciam iturus: *Romae, inquit, composui edictum, nihil addidi. nisi quod publicani me rogarunt, quum Samum ad me venissent, ut de tuo edicto totidem verbis*

CIII. Nec  
non edi-  
ctis Pro-  
cos.

*transferrem in meum.* (Habes ergo partem edicti tralatitiam) *Diligentissime scriptum caput est, quod pertinet ad minuendos sumtus ciuitatum, quo in capite sunt quaedam noua, salutaria ciuitatibus, quibus ego magnopere delector.* (En alteram edicti partem in qua noua quaedam addiderat Cicero.) In tertia parte, quae fuerint scripta, ipse quoque ostendit *Epist. ad Attic. VI, 1. vbi & de reliquis capitibus agit distinctius: Breue autem edictum est, propter hanc meam διαίρεσιν, quod duobus generibus edicendum putauī: quorum vnum est prouinciale, in quo est de rationibus ciuitatum, de aere alieno, de usura, de syngraphis: in eodem omnia de publicanis: alterum, quod sine edicto satis commode transigi non potest, de hereditatum possessionibus, de bonis possidendis, magistris faciundis, vendendis, quae ex edicto & postulari & fieri solent. Tertium de reliquo iure dicundo, & ἄλλοις ἑτέροις reliqui.* Dixi, me de eo genere mea decreta ad edicta urbana accomodaturum. Ex quibus patet, quod supra iam obseruauimus, simillima quidem inter se fuisse edicta urbana & prouincialia: sed tamen non statim idem obtinuisse in prouincia, quod Romae fuerat vel lege vel moribus receptum. Vid. Ger. Nood. *Obseru. II, 5. p. 444.*

CIV. Sub  
imperatoribus multa hac in re mutata.

CIV. Sed in his non vna contigit mutatio, ex quo ad principes deuoluta est respublica. Primo enim, quod iam supra obseruauimus, etiam prouinciale edictum concinnatum est perpetuum, quum antea non modo singulorum prouinciarum edicta inter se discrepant, aliudq; esset edictum *Cilicium*, aliud *Siciliense*, aliud *Asiaticum*, &c. sed & successores antecessorū edicta, praetorum urbanorum exemplo saepissime, muta-

mutarent. Vid. Ez. Spanhem. *Orb. Rom. II*, 12. p. 97. *sequ.* Deinde, communicata cum vniuerso orbe Romano ciuitate, leges etiam Romanae prouinciis omnibus traditae sunt, eademque iura Romae fuerunt ac in prouinciis. Hinc de suo aeuo Gregorius Thaumaturg. in *Paneg. Origen. p. 47.* *Οι θαυμαστοὶ ἡμῶν τῶν σοφῶν νόμοι, οἷς νῦν τὰ πάντων τῶν ὑπὸ ῥωμαίων ἀρχὴν ἀνθρώπων κατευθύνεται πράγματα.* *Mirificae sapientum nostrorum leges, quibus omnium nunc qui Romano imperio parent, hominum res reguntur.* Rutil. Numatian. *Itin. I. v. 63 ad Romam:*

*Fecisti patriam diuersis gentibus vnā,  
Profuit iniustis, te dominante, capi.  
Dumque offers victis proprii consortia iuris,  
Vrbem fecisti, quod prius orbis erat.*

Plura eiusmodi testimonia collegerunt Iuretus ad Symmach. *Epist. V*, 44. Ez. Spanhem *Orb. Rom. II*, 11. p. 91. *sequ.* qui etiam erudite obseruat, postea quoque tempora multis ciuitatibus αὐτὴν νικίαν relictam fuisse ab Imperatoribus.

CV. Alterum, quod commune fuit omnibus prouinciis, in eo positum est, quod illae non suis, vt focii & Latini nominis, sed Romanis magistratibus parerent. Duo vero in singulas prouincias magistratus mitti solebant, quorum alter generali nomine *Praefes* dicitur. *L. 1. § 11. D. de offic. praef.* alter *Quaestor* adpellatur. Praesidium officio initio functi sunt Praetores. Hinc quum initio duo in vrbe Praetores essent, quorum alter ciuibus, ius dicebat, alter peregrinis: Sicilia in prouinciae formam redacta, tertius: quum deinde Sardinia accederet,

CV. Prouinciae parebant vel Praetoribus vel Conf. vel Propriet, vel Praetoribus.



deret, quartus ; quumque & Hispaniarum duae prouinciae essent constitutae, quintus & sextus additi sunt, qui inter se prouincias fortiri solebant. Liu. XXVII, 36. & XXXIV, 55. Postea coeperunt & consulibus, si quando grauius immineret bellum, prouinciae decerni, vnde aliae prouinciae *praetoriae* erant, aliae *consulares*, Liu. VIII, 22. XLV, 17. ex quibus locis patet, coff. tunc vel inter se comparasse prouincias, vel fortitos esse. Conf. Liu. XXXIV, 35. Solebant tamen aliquando prouinciae nec comparari, nec sorte, sed iudicio senatus populiue, decerni consulibus, ceu docent exempla apud Liu. XXXVII, 1. XXX, 27. XXXV, 20. Nonnunquam vtrisque prorogari solebat imperium : & tunc *Propraetores* vel *Proconsules* dicebantur, (r) quorum illi sex lictoribus totidemque securibus, hi duodecim utebantur. Qua de re Appianus *Syriac.* p. 95. Ἐφ' ἀπαντας περιέμενον

σπα-

- (r) Ita sese res habuit, temporibus antiquissimis : primusque Coff. cui ita prorogatum imperium, est Q. Publilius Philo. Liu. VIII, 26. Idem postea saepius factum esse doceat exempla apud Liu. XXIX, 13. XXXV, 1. & alibi. Deinde & ii procoff. dici coeperunt & *propraetores*, qui nullis antea gestis magistratibus, ad bellum gerendum missi sunt in prouinciam. Qualis procoff. fuit P. Cornelius Scipio Liu. XXVI, 19. *Propraetor* C. Octavius Cic. *Philipp.* XI, 19. Suet. *Octau.* X. Postea inualuit, vt quotannis, antequam noui Coff. & Praetores designarentur, prouinciae duae consulibus, & reliquae Praetoribus futuris decernerentur, quas illi designati vel fortirentur, vel inter se compararent, vt finito magistratu in eas proficiscerentur. Sigon. *de ant. iur. prou.* II, 1. p. 125.

(s)

πρατηγὰς ἐπὶ τῇ στρατιᾷ ἕς αὐτοὶ καλῶσιν ἑξαπελέ-  
 κας, ὅτι τῶν ὑπᾶτων δώδεκα πελέεσι, καὶ δυοδεκά  
 ῥάβδοις, ὥσπερ οἱ πάλαι βασιλεῖς, χρωμένων, τὸ  
 ἡμῖσι τῆς ἀξιώσεως ἐστὶ τοῖς δὲ τῆς στρατηγείας καὶ τὰ  
 ἡμῖσι παρὰσημα. *Ad omnes miserunt propraetores  
 cum senis securibus, quia consules duodenis securibus  
 totidemque fascibus, ut olim Reges, utuntur. Praeto-  
 res autem, ut insignia consulum dimidiata, ita dignita-  
 tis quoque ac potestatis habent dimidium. Add. Plu-  
 tarch. vit. Paulli. p. 256.*

CVI. Postquam prouincias cum Senatu CUI. Noua  
 diuisit Augustus: alia sensim in usu esse coepe-  
 runt nomina. Nam quos Senatus mittebat  
 Praefides, ii *procoff.* veteri vocabulo adpellati:   
 quos Imperatores, ii variis deinde nominibus  
 nuncupati, *Legati Augg. pro consule vel pro praeto-  
 re, Praefecti Augustales, Legati Caesarum, Praefides,  
 Procuratores Caesarum, Consulares, Correctores, Iu-  
 ridici*, quales aliquando in Italia & Alexandriae,  
 Sex, Ruto *Romani iudices*, Straboni *Libro XIII.*  
 Δικαστῶν dicti, quin in minores quasdam pro-  
 uincias *Praefides Caesarum* iuere, vel *Rationales,*  
 & *Catholici*, de quibus diximus in *Pand. P. I. §. 231.*  
 de quibus omnibus legi merentur *Dio Cass.*  
*LIII. Guido Panciroll. notit. Imp. Orient. CLV.*  
*Iac. Guther. de Offic. Dom. Aug. I, §. sequ.* Aliis  
 etiam sub Imperatoribus uti coeperunt insigni-  
 bus. Consulares fasces: praefides praeterea  
 vexilla habuere, quae vultum principis praefe-  
 rebant. *L. 1. C. Theod. de consul. & praesid. & ibi Iac.*  
*Gothofr. L. 4. C. de iniur.*

CVII. Imperium praesidibus initio lege  
 curiata dabat populus: *Cic. de lege agrar. II, 12.*   
 A a 3 CVII. Quis  
 eiusmodi  
 magistra-  
 tus consti-  
 tuerit?

prouincias ipsas decernebat Senatus, cuius etiam erat, statuere, quas consulares, quas praetorias esse vellet, quamuis plerumque eam teneret rationem, ut eas, in quibus tumultuari, aut quas ab hostibus vicinis tentari intelligeret, Consulibus; quietas vero & pacificas Praetoribus decerneret, qui deinde eas inter se vel fortiebantur, vel comparabant. Sigon. *l. c.* II, 1. p. 125. Id ius deinde veluti postlimino recepit Senatus, lege Sempronia, de prouinciis decernendis, lata a C. Sempronio Graccho, Q. Caecilio & T. Quinctio Coss. anno V.C.DCXXX. Cic. *pro domo sua Cap. IX. de prouinc. consul. c. 11. Agrar. II, 12.* quum L. Calpurnius Piso Trib. plebis paullo ante anno DCIV. noua quaedam lege sua intexisset. Extremis reip. temporibus, & labente vetere disciplina, multa contra morem maiorum excogitarunt Sulla, Marius, Pompeius, Crassus, Caesar, Antonius, quae accurate satis refert Sigon. *l. c.* donec Augustus, ut dixi, prouincias cum Senatu populoque Romano partitus est. (s) Dio Cass. *l. c.*

CVII. Quo modo ornati?

CVIII. Ituris in prouincias Praesidibus mandata dabat Senatus, quantum pecuniae, quan-

(s) Hinc discrimen inter prouincias *populares* vel *publicas* & *Caesarum*. Sed saepe harum prouinciarum facta est permutatio. Publicas plerasque ad se rapuit Claudius, quas deinde Senatui sub imperii initi restituit Nero. Tacit. *Ann. XIII, 4.* Sub Traiano etiam Bithynia cum aliis a Senatu ad Imperatores translata est. H. Noris. *Cenotaph. Pisan.* p. 207. Postremo omnes prouincias ad se rapuere Principes, nihilque Senatui reliquum fuit, vltimis imperii temporibus.

quantum exercitum habiturus sit, quod stipendium eum dare, quantum viaticum capere oporteret; & hoc S. C. praefides, ipsaeque provinciae ORNARI dicebantur. De quo ritu plura tradunt Is. Casaubonus & Torrent. *ad Suet. Caes. XVII.* Sigon. *de ant. iure provinc. II, 1. p. 142. sequ.*

CIX In comitatu Praesidium erant Legati, tribuni militum, centuriones, praefecti, decuriones, aliique militarium operum rationumque adiutores: praeterea vero scribae, accensi, praecones, lictores, interpretes, tabellarii, aruspices, cubicularii, medici, & quae quotidianae vitae prope socia fuit iuvenum cohors, quae cohors praetoria, & quasi praetoria dicta est, in quem numerum etiam referendi contubernales. Sigon. *l. c. Cap. II, p. 149.* Legatos Praesidi aut Senatus dabat, aut huius permissu adfcescebat Praeses, aut plebs, lata lege, extra ordinem designabat. Cic. *Vatin. XV.* Nep. *Attic. VI.* Et hi sunt τὰ ὑγεμόνος πρεσβυτέρους, de quibus 1. *Petr. II, 14.* Numerus eorum non vnus idemque semper fuit. Q. Cicero tres secum legatos habuit in Asia. Marco fratri in Ciliciam eunti quatuor; Q. Pompeio quindecim adfuerunt. Quamuis vero & ipsi Legati lictoribus & fascibus vterentur: Liu. *XIX, 9.* non tamen nisi mandatam iurisdictionem habebant, quae quanta esse potuerit, ex *tit. ff. de officio eius, cui mand. iurisdictio* constat, & egregie, suo more, disquirat Ger. Nood. *de Iurisd. II, 7. p. 161.* Vnde Caesar *de Bell. Ciu. III, 51.* Aliae sunt legati partes, aliae imperatoris: alter omnia agere ad praescri-

CIX. Quo  
comitatu  
vsi sunt?



ptum: alter libere ad summam rerum consulere debet. Idem de Bello Ciu. II, 17. officium legati fiduciarium dicit operam obtinere. Reliquorum, qui in comitatu praesidium fuere, veluti tribunorum, centurionum, praefectorum, scribarum, medicorum, accensorum, haruspicum, praeconum, (Vid. Liu. XLII, 49. Cic. Verrin, II, 10.) & huius generis aliorum ministrorum, quatenus fuerint officia, ex ipsa veteris rei militaris ac iudiciorum ratione facile colligitur. De solis conubernalibus addendum, fuisse ita adpellatos adolescentes, qui percipiendae rei militaris & prouinciae cognoscendae causa praesides in prouinciam erant sequuti, Cic. pro Coel. XXX. & pro Planc. XI. Ex toto vero illo prouinciali comitatu libera adhuc república exulabant feminae, quas ab Augusti demum temporibus (t) duci coepisse in prouincias, palam est. Hinc M. Seneca Controu. Lib. IV. laudat Flaminium, quod exiturus in prouinciam, uxorem a porta dimiserit. At postquam Augustus quibusdam, quamuis grauate, id concesserat sentim obsoleuit

(t) De ipso quidem Augusto Sueton. Octau. XXIV. Disciplinam senerissime rexit, ne Legatorum quidem cuiquam, nisi grauate, hibernisque demum mensibus, permitteret uxorem interuifere. Tiberium quoque simile quid sanxisse, patet ex L. 14. D. de offic. procos. Sed non diu haec antiquae disciplinae mansit custodia, ex quo ipse Augustus Liuiam; Germanicus Agrippinam in prouincias duxerat. Cautum tamen fuerat SC. anno V. C. 15 CCLXXII. Cotta & Messala Coss. ut si uxor aliquid deliquerit in comitatu Praesidis, ab ipso marito ratio & vindicta exigeretur. L. 4. §. 2. D. de offic. procos.

uit illa maiorum disciplina. Hinc & frustra fuit sub Tiberio Caecina, qui morem veterem reuocandum suadebat. Tacit. *Annal.* III, 33. *Inter quae Seuerus Caecina censuit, ne quem magistratum, cui prouincia obuénisset, vxor comitaretur.* Et paucis interiectis: *Haut enim frustra placitum olim, ne feminae in socios aut gentes externas traherentur. Inesse mulierum comitatui, quae pacem luxu, bellum formidine morentur.* Sed, vt dixi nihil profecit Caecina, Valerio Messalino & Druso ei grauitur occlamantibus. Hinc saepe vxores cum magistratibus ex eo tempore in prouinciis haesisse legimus, veluti vxorem Pilati, *Matth.* XXVII, 19. Drusillam Felicis, *Act.* XXIV, 24. vxorem Plinii, ceu ex eius *Epistolarum Libro X*, 121. discimus. Nondum tamen res ordinaria: nec promiscua omnibus licentia. Id enim si fuisset: non fanciuisset Alexander Severus, *vt Praefidibus, qui vxores non haberent, singulas concubinas, quod sine his esse non possent, in prouincias ducere liceret.* Lamprid. *Vit. Alex.* Cap. XLII.

CX. Profecturi in prouincias Praefides, nuncupatis in Capitolio pro republica votis, atque inde demum paludamento, lictoribus, reliquisque adsumtis imperii insignibus, ad portam vrbs ibant, & si quidem nonnulla superessent negotia, extra urbem aliquamdiu morabantur, quum intra urbem cum imperio esse haut possent: sin vero omnia parata essent, salutantibus amicis, & officii causa aliquantum prosequentibus, iter in prouinciam ingrediebantur. *Liu.* XLII, 49. *XLV*, 39. *Cic. Verr.* V, 13. Vbi attigerant prouinciam: certio rem

CX. Quomodo profecti sint in prouinciam?

de aduentu suo faciebant antecessorem, vt cum eo congregientes de statu prouinciae cognoscerent. Quo facto intra triginta dies discedendum erat antecessori, id quod lege Cornelia a L. Cornelio Sulla lata fuisse statutum, patet ex Cic. *Epist. ad Fam.* III, 6. Immo & antequam prouinciam ingrediebantur, edicto de aduentu suo monebant prouinciales, contingente commendationem aliquam sui. & maxime deprecante, ne publice vel priuatim sibi occurreretur, siquidem id melius in sua quisque patria facere posset. *L. 4. §. 3. 4. D. de offic. procos.* vbi & alia, a Procos. in prouinciae ingressu obferuanda, habentur.

CXI. Officia praesidum.

CXI. Quum vero duo essent Praesidium munera, quorum alterum iurisdictione, alterum continebatur imperio: solebant illi ita partiri annum, vt aestatem fere rei militari, hiemem iuri dicundo impenderent. Cic. *Epist. ad Att.* V, 14. Et ita quidem libera adhuc rep. se res omnino habebat. Augustus autem cum populo partitus prouincias suos quidem Praefides mittebat ita, vt & legionibus praeessent, Dio Cass. LIII. p. 504. non autem vllam partem imperii militaris concedebat Proconsulibus a Senatu in prouinciam missis, nisi aliquando extra ordinem legiones ducere iuberentur. Lips. *Excess ad Tacit. Ann. I. litt. M.* Vtrique tamen ius summa auctoritate dicebant. Causae, quae in litem deducuntur, vel publicae sunt, vel priuatae. Priuatarum causarum cognitio vel domestica erat vel popularis, Domestica intra praetorium & in cubiculo querelis prouin-

uincialium audiendis, ministrante cubiculario, consumebatur : popularis in basilica ac pro tribunali, scribis, accensis, praeconibus, lictoribus adparentibus. Cic. ad Q. Fratr, I, 1. *Constare inter omnes video, facillimos esse aditus ad te, patere aures tuas querelis omnium, nullius inopiam ac solitudinem. non modo illo populari accessu ac tribunali, sed ne domo quidem tua ac cubiculo esse exclusam.* Ut autem hanc potestatem eo commodius exercerent praesides : simul ac venerant in prouinciam, conuentum vel forum in certum diem certumque locum indicebant prouincialibus. Et eiusmodi conuentus deinde vel plures vno loco, vel singulos singulis locis agebant, ita, vt intra annum omnem prouinciam percurrerent. Sigon. *de antiquo iure prou. II, 5. p. 184.* Ius eodem ordine dicebant, quo Romae Praetores, adeoque omnia obseruabant, quae infra *Libro IV. de Romanorum iudiciis* dicemus. Id modo addimus, quemadmodum Romae Praetori in consilio erant *Decemuii silitibus indicandis*: ita a praesidibus eorum loco adhibitos fuisse viginti Recuperatores, ciues Romanos. Vlpian. *Fragm. I. 13. Theoph. §. 4. Inst. qui & ex quib. caus. manum. non licet.* Commissae Praesidibus erant etiam quaestiones de criminibus, in quibus eamdem denuo rationem tenebant Praesides, quam in vrbe Praefecti Praetorio. Habebant enim ius gladii. *L. 6. pr. l. 11. D. de off. procos. L. 6. L. 13. sequ. L. 21. D. de off. praesid.* Neque tamen iis erat ius deportandi in insulam, *L. 2. §. 1. D. de poen. L. 6. §. 1. D. de interd. & releg.* neque liberam mortis facultatem concedendi,  
L. 8.



*L. 8. §. 1. D. de poen. neque ius publicandi bona post constitutionem Theodosii & Valentiniani, L. vn. C. Th. ne fm. iuss. princ. cert. iud. lic. confisc.* Cuius rei ratio non alia fuisse videtur, quam quod hae poenae fere personis illustribus & in dignitate constitutis irrogari solerent, vbi in plebeios gladio animaduvertebatur. *L. 27. §. 1. 2. de poen.* Vid. Vlr. Hub. *Digress. III, 7.* Praeterea etiam rei frumentariae, omnisque in vniuersum prouinciae curatio penes Praesides erat, ceu prolixè docet Sigon. *II, 5. & 6. p. 207. sequ.*

CXII.  
Quaestores  
pro-  
vinciales.

CXII. Praeter Praesidem, in vnaquaque prouincia etiam Quaestor erat, alter magistratus, qui potestatem non a Praeside, sed ab ipso populo accipere solebat. Vnde & ipse lictoribus ac scribis usus est. Cic. *pro Planc. XLI.* Lecti enim a populo Quaestores fortiebantur prouincias, eorumque duo vrbanas, reliqui prouinciales Quaesturas obtinebant Cicero *Verr. I, 13. Epist. ad Q. Fratr. I, 1.* Mortuo in prouincia Quaestore, alii interim hoc munus demandabat Praeses, qui *Proquaestor* adpellabatur. Cic. *Verrin. III, 15.* Instituerant autem veteres Romani, vt inter Praesidem & Quaestorem eadem intercederet necessitudo, quae inter parentem & filium. Cic. *Diuiuat. in Verr. XIV. pro Plancio XI.*

CXIII.  
Eorum  
officium.

CXIII. Ceterum hi Quaestores curabant pecuniam publicam, quae aut ex aerario depromta in usus prouinciae expendenda, aut in prouincia exacta, esset in aerarium referenda. Illa pecunia *attributa*, haec *vectigalis* dicebatur. Vtram-

Vtramque in tabulas referebant Quaestores, & deinde vbi prouinciis decederent, rationes accepti expensique reddebant, & residua inferebant aerario. Nonnunquam Quaestoribus Praesides etiam partem iurisdictionis imperii-que demandabant, cuius rei exemplum est apud Caesarem *de Bello Gall.* VI, 6. Caesar *partitis copiis cum C. Fabio legato, & M. Crasso Quaestore hostes adiit tripartito.* Add. Cicero *Verrin.* I, 13.

CXIV. Haec de magistratibus prouinciarum: proximum est vt de tertio, quod commune habuerunt prouinciae, agamus, de tributis puta & vectigalibus, quibus quam maxime prouinciae premebantur. Romani enim, quum bello aliquem populum vicissent, duabus maxime rationibus cum eo agebant. Aut enim victoriae praemium annuum ei stipendium vel tributum imperabant, vnde *censum capitis*: aut victos exuebant agris, eosque vel in publicum reip. patrimonium redigebant, vel colonos ex vrbe eo deducebant, vel eos victis reddebant, & ex eorum prouentu aliquam partem reipublicae tribui iubebant; qui *census soli* dicebatur. Cic. *Verrin.* III, 6. V, 5. Petr. Burmann. *de Vectig. pop. Rom.* I. Prioris generis populi tributarii vel stipendiarii vocabantur: posteriores *vectigales*, quanuis non tam anxie semper discrimen inter tributum & vectigal fuerit ab auctoribus obseruatum. Cuiac. *Obs.* VII, 4. Stipendiaria prouincia fuit Gallia comata, de qua Sueton. *Iul.* XV. *Omnem Galliam, quae a saltu Pyrenaeo Alpibusque & monte Gebenna, fluminibusque Rheno & Rhodano continetur, patetque circuitu ad bis tricies*

CXIV.

Tributa, quae exigebantur a prouinciabilibus.

*trices centum millia passuum, praeter socias ac bene meritas ciuitates in prouinciae formam redegit, eique quadringenties in singulos annos stipendii nomine impo-*  
*suit.*

CXV. Vt  
& vectiga-  
lia & spe-  
ciatim De-  
cumae.

CXV. Aliae prouinciae erant vectigales, eaeque ex agris suis *decumas*, ex pascuis *scripturam*, & ex portubus, qui mercibus inuehendis & euehendis patebant, *portorium*, pendebant, de quibus iam supra diximus *num. LIII. sequ.* Sic *decumas* dabant Sicilia, Cicer. *Verr. III, 6*, Sardinia, Liu. *XLII, 1*. Africa, Gruter. *Inscript. p. IXXII*. Asia Cicer. *Epist. ad Attic. V, 13*. Syria, Cic. *Agrar. II, 19*. Aegyptus, Plin. *Paneg. XXX*. Nonnunquam loco decimae, si minus fertilis esset prouincia, vicesima exigebatur, veluti ab Hispanis. Liu. *XLIII, 2*. Saepe etiam, si quando publica necessitas & angustia temporum id exigerent, prouinciis alterae imperabantur decumae vltra debitas, quo casu tamen pecunia pro illis soluebatur aratoribus. Cic. *Verrin. III, 31*. vnde etiam *frumentum centum*, item *decumanum* vel *imperatum* dicitur. Inter quae quid intersit, docet laudatus Burmann. *de Vectigal. II. p. 18*. Exempla huius rei plura occurrunt apud Liu. *XXXVI, 2. XXXVII, 2. & 50. XLII, 31*. Quum vero, libera adhuc republi-  
ca, hae decumae non pecunia sed frumento a singulis soluerentur aratoribus: postea sub Imperatoribus confectus est *canon*, *frumentarius* dictus, quo, quid quaeuis prouincia quotannis praestare deberet, erat comprehensum, cuius meminit Spartian. *Seuer, VIII*. Lamprid. *Elagab. XXXVII*.  
conf,

conf. Iac. Gothofr. *ad Tit. C. Theod. de Can-  
Frum. V. R.* Ceterum frumentum hoc, siue  
per decumas, siue secundum canonem exa-  
ctum, tum Romae tum in prouinciis in publi-  
cis condebatur horreis, vnde postea per cura-  
tores annonae populo & militibus distribue-  
batur. Buleng. *de Vect. pop. Rom VIII.* Ca-  
saub. *ad Lamprid. Alex. Seu XXXIX.* Lips.  
*Elect, I, 8.* Iac. Gothofr. *ad tit. C. Theod. de re  
milit. & ad tit. de erogat. mil.* Talia erant  
horrea Galbiana, Grut. p. LXXV, 1. Reines *In-  
scr. class. VI, 126.* itemque Seiana, Pupiana, & si-  
mililia, de quibus erudite differit Reines. *Var.  
Lect. III, 12. p. 545. seq.* Non solum vero fru-  
menti, sed & vini oleique praestabantur decu-  
mae, quae & ipsae Romae ad populi vsus mit-  
tebantur, vt docet Burmann, *de Vectig. Pop.  
Rom. II. p. 26. III. p. 43. sequ.*

CXVI. Non minus pingue vectigal ex CXVI.  
pascuis prouincialibus redibat & saltibus. Scriptura.  
Tales enim non solum in Italia erant, sed & in  
prouinciis. Vnde *Magistrorum scripturae in Asia  
& Sicilia* meminit Cicero *ad Att. V, 15. Verrin.  
V, 70.* Scriptura vero dicebatur hoc vectigal,  
quia pastores debebant apud publicanum nu-  
merum pecudum, quas in pascua publica im-  
mittere vellent, profiteri quem publicanus in  
tabulis suis adnotabat & scribebat, ex qua scri-  
ptura postea ratio inter pastorem & publica-  
num conficiebatur. Festus *voce Scripturarius p.  
429.* Sed hoc genus vectigalium sub Impera-  
toribus aliam induisse faciem, & praeter pensio-  
nes ex pascuis dominicis, etiam certum nume-  
rum



rum pecudum ex gregibus praestandum fuisse a prouincialibus, ex Cassiodor. *Var.* XI, 39. L. 3. C. *Theod. de suar. pecuar.* Vopisc. *Prob.* XV. demonstrat V. C. Burmannus *de Vectig. pop. Rom.* IV. p. 65. sequ.

CXVII.

Portoria.

CXVII. Soluebant etiam prouinciae portoria. De Sicilia id certum est ex Cic. *Verr.* II, 72. sequ. de Asia ex eiusdem *Agrar.* II, 29. de Britannia ex Tacit. *Vit. Agric.* XXXI. Nec tantum de mercibus in portum deuehendis dabatur portorium, verum etiam pro itineribus. Sueton. *Vitell.* XIV. maxime pro cadauere, quod non nisi permissu maximi Pontificis vel principis transferri in alium locum poterat. L. 37. D. *de relig. & sumt. fun.* Sustulisse ea vectigalia dicitur Pertinax apud Herodian. *Hist.* II, 4. Sed restituta eadem esse oportet a sequentibus Imperatoribus, siquidem adhuc illorum mentionem facit Vlpianus L. 21. D. *de donat. inter vir. & vxor.* Vectigal tamen pro cadauere transferendo sublatum est constitutione, quae est in L. ult. C. *de relig.* quam ex Graecis restituit Iac. Cuiac. *Obs.* XI, 21. Plura de portoriis dabit V. C. Petr. Burm. *de Vectig. Pop. Rom.* XI. p. 76. sequ.

CXVIII.

Alia vectigalium genera.

CXVIII. Praeter haec & alia erant vectigalia, quae a quibusdam prouinciis exigebantur. Ex ferrariis argentariisque, immo & aurifodinis vectigalia magna dare cgebantur Hispani. Liu. XXXIV, 21. Strab. *Geogr.* III. Africame marmoribus soluisse vectigalia constat ex L. 1. C. *Theod. de metall.* Macedonia etiam, Illyricum, Thracia, Britannia, Sardinia  
ex

ex metallis vectigalia pendebant. Petr. Burmann *de Vectig. VI.* Potestas enim indagandi metalla etiam priuatis erat, antequam illis eandem ademerat Tiberius. Sueton. *Tiber. XLIX.* *Plurimis etiam ciuitatibus & priuatis veteres immunitates, & ius metallorum, ac vectigalia adempta.* Restituerunt deinde iisdem hoc beneficium sequentes principes, sed ea lege, ut certum inde *canonem metallicum* soluerent, de quo agit L. 4. C. *Theod. de Metallar. & ibi Iac. Gothofredus.* Eiusdem generis fuit a cotibus prouentus in Creta insula, de quo Plin. *Hist. Nat. XXXVI, 22. L. 15. D. de public. & vectigal. Meurs. Cret. Lib. I. Cap. XII. p. 48. Lib. II. Cap. 11. p. 116.* Vectigalis picariarum mentio fit in L. 17. §. 1. *D. de V. S.* A vectigali etiam liberae non fuerunt salinae, quales in Macedonia aliisque prouinciis fuisse, patet ex Liu. *XLV, 29. Plin. Hist. Nat. XXXI, 7.1. Maccab. X, 29. L. 4. §. 7. D. de censib.* De eo quoque vectigali pluribus agit Petr. Burmann. *de Vectigal. P. R. VI.*

## CAP. V.

DE MVNICIPIIS, COLONIIS, PRAEFECTVRIS, CIVITATIBVS  
FOEDERATIS.

CXIX. Quid interfuerit inter iura ciuitatis, Latii, Italiae & prouinciarum, satis adhuc videtur a nobis explicatum. At non omnes in Latio ciuitates iure Latii, nec omnes in Italia iure Italico, aut in prouinciis iure prouinciarum vsae sunt sed aliae MVNICIPIORVM,

CXIX. Cur hic agatur de municipiis, coloniis &c.

Bb

aliae

aliae COLONIARVM, aliae PRAEFECTVRARVM, aliae aliis nominibus sunt insignitae, de quibus singulis paullo distinctius agendum.

CXX.

Quid municipia?

CXX. MVNICIPES erant *ciues Romani*, in municipiis legibus suis & suo iure utentes, muneris tantum cum populo Romano participes, a quo munere capessendo adpellati videntur, nullis aliis necessitatibus, neque ulla lege, quam in quam populus eorum fundus factus esset. Gell. Noct. Attic. XVI, 13. Erant ergo I. *ciues Romani*, adeoque multis iuribus ac priuilegiis, quae solis ciuibz Romanis propria erant, gaudebant, (u) sed non tamen erant *ciues ingenui*, vt Romae habitantes vocat Cicero in Bruto cap. LXXV. neque iure optimo ciuitatis gaudebant, nisi Romae constituissent domicilium. II. *Suis legibus & suo iure utebantur*, id est, propriis suis legibus atque institutis, quae leges municipales dicuntur, L. 3. D. quod vi aut clam. L. 3. D. de sepulcr. viol. regebantur, neque cogeantur Romanas leges recipere, nisi id sua sponte vellent, quo casu fundi facti eiusmodi populi dicebantur. Cic. pro Balbo XX. Non ergo ius suum vel αὐτονομίαν amittebant *municipes*, iure suffragii donati, ceu existimat Sigonius, de ant. iure Ital. II, 7. sed tantum foedus, ist est, non amplius foederati Pop. Rom. erant, sed *ciues*. Et ita intelligendus locus Ciceronis pro Balbo Cap. VIII. In quo magna contentio Heracliensum &

(u) Hinc & lupam cum puerulis solent in numis signare. Vaillant. de Numism. aen. Imp. in Municip. & Colon. T. II, p. 113.

& Neapolitanorum fuit, quum magna pars in iis ciuitatibus FOEDERIS SVI (x) libertatem ciuitati anteferret. Vid. Ez. Spanhem. *Orb. Rom.* I, 15. p. 36. III. Munerum cum populo Romano erant participes. Idque praecipue intelligendum de muneribus militaribus, L. 18. D. de Verb. Sign. Gaudebant enim municipia iure legionis, adeoque participes erant munerum militarium, vnde & dicti videntur municipes.

CXXI Municipia eiusmodi non nisi intra Italiam olim erant constituta, eoque nomine ante leges Iuliam & Plotiam celebrantur Caerites, Tusculani, Lanuuii, Aricini, Nomentani, Pedani, Fundani, Formiani, Campani Equites, Cumani, Sueffulani Acerrani, Priuernates, Anagnini, Arpinates, Trebulani, Sabini, alique plures, de quibus Onuphr. Panuin. de Rep. Rom. III. p. 354. Car. Sigon. de Ant. iure Ital. II, 9. Postea vbi extra Italiam arma victricia extulere Romani, etiam in prouinciis ciuitas non vna municipiorum iuribus donata est. Sic in Baetica Plinius *Hist. Nat.* III, 2. sequ. numerat municipia VIII. in citeriore Hispania XIII, in Sardinia II. in Lusitania vnum.

CXXI. Ea  
vel Italica  
vel prouincialia?

(x) Ita editiones Ciceronis priores, & ad veterum librorum fidem adornatae. Ast Paull. Manutius & postea Isin. Bullialdus de populis fundis p. 1. 936. Tom. II. *Thef. Ant. Rom.* Graeu. legit iuris sui libertatem pro foederis sui libertatem, quae lectio etiam editori Parisiensi Orationum Ciceronis, quae in vsum Delphini prodierunt, placuit. Sed antiquam lectionem erudite defendunt H. Vales. in eodem *Thef. Ant. Rom.* Tomo II, p. 1947. & Ez. Spanhem. *Orb. Rom.* I, 15. p. 36.



vnum. Eodem pertinent tot numi, in quibus ciuitates prouinciales, etiam ciuitate donatae *αὐτονομία* suam celebrant, (y) de quibus Henr. Noris. *de Epoch. Syro Maced.* III. p. 352.

CXXII.  
Triplex  
municipi-  
orum ge-  
nus.

CXXII. Sed non vna tamen erat municipiorum conditio. Tria eorum genera accurate distinguit Festus voce *Municipium* p. 324. quem locum a multis laudatum, a paucis intellectum, primus accurate exposuit Ez. Spanhemius *Orb. Rom.* I, 15. p. 37. Primo ergo, ex Festi sententia, *municipium id genus hominum dicitur, qui quum Romam venissent, neque ciues Romani essent, participes tamen fuerunt omnium rerum, ad munus fungendum vna cum Romanis ciuibus, praeterquam de suffragio ferendo, aut magistratu capiendo.* Hi ergo dum in patria manserunt, peregrini habiti: Romam commigrantes iura ciuitatis, sed non optimo iure consequuti sunt, exclusi quippe a suffragii latione & petitione honorum.

(y) In numis aeneis Imperatorum a municipiis & coloniis cufis, quos collegit Io. Foy Vaillantius, occurrunt municipia varia veluti *Aelium Coillutanum* in Numidia. *T. I. p. 169. 198. 210. T. II. p. 31. 64. 79. Bilbilis* in Hispania *T. I. p. 12. 95. 100. Calagurris* in eadem *T. I. p. 21. 70. Cascantum* in eadem. *T. I. p. 71. Clunia* in eadem. *T. I. p. 72. Ergauica* in eadem. *T. I. p. 35. 76. 103. Graccuris* in eadem. *T. I. p. 79. Ilerda* itidem Hispanica. *T. I. p. 36. Illergauonia* ibidem *T. I. p. 77. Italica* ibidem. *T. I. p. 37. 51. 78. 92. 96. Osca* ibidem. *T. I. p. 38. 78. 95. 103. Oficerda* ibidem. *T. I. p. 80. Stobiense* in Macedonia. *T. I. p. 132. 135. 143. 149. T. II. p. 15. 22. 43. 59.* quod tamen tempore Vlpiani iuris Italici fuit. *L. 8. §. 8 D. de censib. Tarraco* in Hispania Tarraconensi. *T. I. p. 47. 53. 83. Utica* Iulia *T. I. p. 86.*

rum. Deinde & id hominum genus dicebantur *municipes*, quorum ciuitas uniuersa in ciuitatem Romanam venit. Et hi quidem veri ciues Romani erant, ipsaque iura suffragiorum ac honorum habebant. Vnde & certae tribui adscribebantur, quemadmodum Pisanos tribui Galeriae adscriptos fuisse docet Noris. *Cenotaph. Pisan. Diff. I, 1.* Tertium denique municipum genus ab eodem Festo memoratur, qui ad ciuitatem Romanam ita venerunt, ut municipia essent suae cuiusque ciuitatis & coloniae: vel, ut paullo ante dixerat, qui ea conditione ciues Romani fuissent, ut semper rempublicam a populo Romano separatam haberent. Atque hi in populi Romani leges & iura fundi non erant facti, nec se iisdem obstrinxerant. Et in his tertii generis municipiis ciues non gaudebant iure honorum & suffragiorum. Vnde nec tribui erant adscripti, nec participes sacrorum curialium habebantur, sed sua illis erant sacra municipalia, de quibus Festus *l. c.*

**CXXIII.** Illud adhuc obseruandum de municipiis, in plerisque eam fuisse institutam reipublicae formam, quae imaginem quamdam speciemque reip. Romanae referret. Quemadmodum Romae senatus: ita in municipiis decurionum erat collegium, (2) quod **AMPLISIMVM**

CXXIII.  
Res publicae municipiorum.

(2) Hi ita dicti videntur Velfero *Rer. August. V. p. 74.* a decuriis, in quas fuerint descripti. Habebant hi suum censum, non secus ac Romani senatores, qui erat centum millium. Plin. *Epist. I, 19.* Quemadmodum etiam Romae iis, qui non fuerant magistratus, nec triumphauerant, ornamenta aliquando consularia,

SIMVM ORDINEM Cic. *pro Coelio* XI. NO-  
 BILISSIMVM ORDINEM lapis apud Gru-  
 ter. p. CCCCXXI, 7. ORDINEM SPLEN-  
 DIDISSIMVM alius p. CCLXXV, 2. VIROS  
 PERFECTISSIMOS ET PRINCIPALES &  
 ORDINEM SPLENDIDISSIMVM aliud  
 marmor p. CCCLXIII, 2. ORDINEM SAN-  
 CTISSIMVM marmor apud eundem p.  
 CCCXCIII, 5. ac denique CONSCRIPTOS  
 aliud p. CCCCLVI, 1. vocant. Quemadmo-  
 dum porro Romae erant bini consules : ita in  
 municipiis Duumuii, qui summo loco ciuita-  
 tibus praeerant, & ad consulum exemplum pro  
 fascibus bacillis utebantur. Lips. *Elect.* I, 23.  
 Sed nonnunquam tamen & fascium vsum adfe-  
 ctabant. Cicero *Agrar.* II, 34. de L. Confidio &  
 S. Saltio Capuae duumuiris : *Anteibant lictores,*  
*non cum bacillis,* (ceu alias in municipiis fieri sole-  
 bat,) *sed, ut hic praetoribus anteeunt, cum fascibus*  
*duobus.* Quin aliquando hi duumuii consu-  
 lum adfectabant nomen. Quamuis enim id  
 negent Velfer. *Rer. Augustaum.* V, 272. Reines.  
*Var.* II, 16. Capuanos tamen magistratus  
 suos vocasse cost. obseruat. Cic *pro Pis.* XI.  
 Alia exempla sese offerunt apud Plin. *Hist. Nat.*  
 VII.

ria, praetoria, triumphalia dari solebant : Ita & in  
 marmoribus municipiorum frequenter mentio fit or-  
 namentorum Duumuiralium, Aedilitiorum, Quatu-  
 oruiralium, Decurionalium, veluti in Marmore apud  
 Spon. *Miscell. Erud. Ant.* p. CLXIV. EXORNATO  
 ORNAMENTIS DECVRIONALIBVS. Inter orna-  
 menta haec erat praetexta, decurionibus permitta-  
 Liu. XXXIV, 7.

VII 43. Phil. a Turre *de colon. Foroiul.* p. CCCLX. Gruter. *Inscr.* p. CCCLI, 5. Henr. Noris. *Cenotaph. Pis. Diff.* 1, 3. Fabrett. *Inscript* X, 439. Sic & Graece *ὑπατοι* & *δυσυπατοι* hi duumviri dicti. Olear. *ad Philostrat. vit. Herod.* p. 546. Conf. Euerard Otton. *Diff. de consul. extra Romam.* Cap. II. In municipiis porro erant Dictatores, (Cic. *pro Milon.* X.) Aediles (Sueton. *de clar. Rhet.* VI.) Quaestores, Censores, qui & *quinquennales* dicebantur. Cic. *Verr.* II, 52. Liu. XXIX, 15. Gruter. p. CCCLXVI, 2. CCCCXXXII, 5. immo & praetores Liu. *Epitom.* LXXIII. Plin. *Hist. Nat.* XVII, 11. Spon. p. CLXXXII. Quatuorviri, Decem primi, & alii, de quibus Car. Sigon. *de antiquo iure Ital.* II, 8. & omnium accuratissime Henr. Noris. *Cenotaph. Pisan, Diff.* I, 3. Porro quemadmodum Romae leges ferebantur: ita & in municipiis, idque eadem fere ratione utrobique factum esse, patet ex loco Cic. *de Leg.* III, 16. *Et annus quidem noster singulari virtute in hoc municipio, quoad vixit, restitit M. Gratidio, cuius in matrimonio sororem, aniam nostram, habebat, ferenti legem tabellariam.* Denique & Flamines suos habebant, non secus ac Romani, quorum meminit Cicero *pro Milon.* X. & publica vectigalia, quibus sumtus in republica necessarii sustinebantur: L. 17. *pr. D. de Verb. sign.* ut adeo in omnibus videantur municipes se ad Romanae reip. formam, quantum fieri poterat, composuisse.

CXXIV. Haec de municipiis: pergen- CXXIV.  
dum ad COLONIAS. Ita vocabantur oppi- Coloniae  
da, in quae populus Romanus ciues suos ad in- quid? &  
colen- cur dedu-  
ctae?



colendum deduxerat, vel, vt Gellius *Noct. Att.* XVI, 13. ait, *ciuitates, ex ciuitate Romana quodammodo propagatae*. Solebant enim Romani ex Romuli instituto non seruitute mulctare oppida bello capta, sed saepe in ea colonos ex vrbe deducere, qui locis istis loco praesidii essent. Dionys. Halic. VII. 439. Appian. *de Bello civili*. I. p. 604. Et profecto vtilissimum erat hoc institutum, tum ad coercendos veteres populos, tum ad reprimendas hostium incurfiones. Praeterea hoc pacto vrbana faex & sentina exhauriebatur, multisque seditionibus subtrahebatur fomentum. Immo & luculentum hoc erat medium praemiis adficiendi veteranos, iisque certos agros, e quibus viuerent, adsignandi. Car. Sigon. *de antiquo iure Ital.* II, 2. p. 625.

CXXV.  
Modus  
deducen-  
di colo-  
nias.

CXXV. Coloniae deductionem praecedebant leges agrariae, quibus & ager, quem diuidi vellet populus, definiebatur, & quibus hominibus, quam multis, per quos, & quomodo, esset diuidendus, praescribi solebat. De quibus legibus agrariis accuratissime suo more egit Car. Sigon. *l. c.* II, 2. p. 627. Lata eiusmodi lege, deducebatur colonia aut per *triumuiros* Liu. IV, 11. VIII, 16. aut per *decemuiros*. Cic. *Agrar.* II, 35. quamuis & *quinqueuirorum*, *septemuirorum*, *vigintiuirorum* *coloniae deducendae* hinc inde fiat mentio: quos omnes decurionibus, auguribus, pontificibus, adparitoribus, scribis, librariis, praeconibus, architectis, mulis, t abernaculis, supellectile, ianitoribus, stipatoribus corporis magnifice ornatos, potestatem in certos annos

annos accepisse, non obscure indicat. Cicero *Agrar.* II, 12. 13. 35. Hi ergo ita constituti ornatique novos colonos in agros lege definitos sub vexillo, quasi exercitum quemdam, educebant. Cic. *Phil.* II, 40. Appian. *de Bell. ciu.* III. p. 552. sequ. Plutarch. *Gracch.* p. 839. *Tom. I.* Vbi ad destinatum peruenerant locum, nouam urbem & agrum (a) aratro circumscribebant, eo more, quem paullo post sequente titulo explicabimus, singulisque colonis agri partem assignabant. Liu. IV, 47. XXXVII, 57. Omnia vero fiebant auspicato, & factis sacrificiis, additaque lustratione, ut ex Cic. *Philipp.* II, 40. *Agrar.* II, 12. adparet, ex quo etiam constat, nefas fuisse, coloniam iterum eo deducere, quo antea deducta fuerat.

CXXXVI. Ceterum, ut municipia, ita coloniae non erant vnus generis. Aliae erant CIVIVM ROMANORVM, aliae LATINI, aliae ITALICI Iuris. Aliae porro TOGATAE vel plebeiae, aliae MILITARES dicebantur. Et has signis quibusdam in numis discerni, obseruant eruditi. Coloniae enim plebeiae aratro; militares signo militari plerumque denotantur. Quae aratrum & signa iungunt, indicant, primam deductionem e ciuibus, supple-

CXXXVI.

Coloniae  
quotupli-  
ces ?

(a) De vrbe res certa est ex locis Varronis, Plutarchi, aliorumque, paullo post *Lib. II. Tit. I. n. 6.* adferendis. Agros quoque vomere circumscriptos, patet ex loco Cicero. *Philipp.* II, 40. *Casilinum coloniam deduxisti, quo erat paucis annis ante deducta, ut vexillum tolleres, & aratrum circumduceres, cuius quidem vomere portam Capuae paene perstrinxisti, ut florentis coloniae territorium minueretur.*

plementum e veteranis militibus fuisse, vt notat Raph. Fabret. *ad column. Traian. p. 10. sequ.* Addunt alii alia signa, veluti Strauch. *de Beryt. Cap. II, 11.* quod coloniae Italici iuris praetulerint in numis virum ritu Gabino cinctum, & bovem agentem Add Io. Harduinus *Antirrheth. p. 136.* quod Italici & Latini iuris coloniae, (quas pro iisdem habet) nullis signis in numis distinguantur. Sed haec omnia plerumque falsa esse, iam alii docuerunt. Vid. Ez. Spanhem. *de Vsu & Praest. numism. Tom II. p. 602. & Orb. Rom. II, 19.* Nōsea, quae certiora sunt, consecretantes de coloniarum generibus singulis distincte ageamus.

CXXVII.  
Quid coloniae ci-  
vium Ro-  
manorum.

CXXVII. Coloniae CIVIVM ROMANORVM erant, quas potiore iure, quam Latii, deducebant Romani Discrimen hoc tangit Liu. XXXIX, 56. vbi de colonia Aquileiam deducenda agit; *Illud agitabant, inquit. uti colonia Aquileiam deduceretur, nec satis constabat, an CIVIVM ROMANORVM deduci placeret: postremo LATINAM potius COLONIAM deducendam, patres censuerunt.* Vtrum istae civium Romanorum coloniae omnia ciuitatis Romanae iura retinuerint, an eadem amiserint, adhuc disputant eruditi. Car Sigonius *de ant. iure Ital. III, 3.* iis tantum iura Quiritium tribuit, veluti libertatis, gentilitatis, connubii, patriae potestatis, legitimi dominii, nexus, usucapionis, & si qua sunt huius generis alia: adimit vero ipsis iura ciuitatis publica, veluti census, tributorum, vectigalium suffragii, honorum & similia. At Manutius *de ciuitate Romana* eos ius quoque

que ferendi suffragii magistratuumque Romae gerendorum retinuisse contendit, cuius sententiam etiam ex numis adstruxisse sibi videtur Io. Harduin. *Antirrhet.* p. 136. Et certe ciues saepe vocantur eiusmodi coloni apud Liu. VIII, 14. VI, 21. Ipsi quoque Latini, qui nomina in coloniam Romanam dederant, ciues Romani dicuntur facti, Liu XXXIV, 24. Romae porro censi leguntur huius generis coloni apud Liuium XXIX, 37. Vnde non absurde colligas, omnia iura ciuitatis Romanae retinuisse ciues colonos. Sed potiore tamen hac in re esse Sigonii sententiam, luculenter ostendit Ez. Spanhem *Orb. Rom.* I, 11. p. 23. Nihil enim clarius est loco Dionis XLIII p. 231. vbi Caesarem, ait aliis immunitatem, aliis agros, *π. λ. τείαν δὲ τισὶ, καὶ ἄλλοις ἀποδίδας τῶν ῥωμαίων νομί- ζουσαι*: aliis civitatem, aliis autem ut ius haberent coloniarum Romanarum, dedisse: vbi ius ciuitatis Romanae a iure coloniarum ciuium Romanorum manifesto seiungitur. Ut adeo admodum verosimile sit, colonias illas ciuium Romanorum iura suffragii, gerendorumque Romae magistratuum amisisse.

CXXXVIII. Durior longe conditio erat coloniarum LATINARVM, quippe quae ne iura quidem Quiritium habebant. Quod adeo verum est, ut ciues Romani, qui nomina in huiusmodi coloniam dederant, capitis deminutionem mediam paterentur. Cicero *pro A. Caecina* XXXIII. Certe quaeri hoc solere, me non praeterit, (ut ex me ea, quae tibi in mentem non veniunt, audias,) quemadmodum, si ciuitas adimi non posset, in colo-

CXXXVIII.  
Quid coloniae Latinae?



*colonias Latinas saepe cives nostri profecti sint? Aut sua voluntate aut legis multa profecti sunt: quam multam si sufferre voluissent, tum manere in ciuitate potuissent.* Add. pro. Domo XXX. Boeth. in Top. Ciceron. II. p. 780. Quod vero Salmasius cum aliis viris doctis autumat, colonias Latinas ex meris libertinis constituisse, illud dudum est a viris doctis explosum. Plura de coloniis Latinis dabunt Ez. Spanhem. *Orb. Rom.* I, 9. Sigon. *de antiquo iure Ital.* II, 3. p. 661.

CXXIX.

Quid coloniae iuris Italici & prouinciales?

CXXIX. Coloniarum ITALICI IURIS iam supra meminimus. Eae procul dubio deteriores adhuc erant conditionis quam Latinae, paullo melioris tamen, quam prouinciales. Discrimen inter vtrasque maxime in immunitate a tributis constitit, seu immunitate a censu capitis & soli. Donat. *ad Suet. Aug.* XL. Gothofr. *ad Cod. Theodos.* Tom. V. p. 222. 223. Quanquam enim & prouinciales coloniae nonnumquam immunes erant a tributis, vt constat exemplo coloniae Caesariensis primae Flauiae L. ult. §. 7. *D. de Censib.* & Plin. *Hist. Nat.* III, 3. & 21. colonias & ciuitates immunes ab iis, quae iuris erant Italici distinguit: tamen ex L. ult. §. 5. *D. de cens.* satis patet, non in leuatione census sed immunitate a censu capitis & soli, illud ius constituisse. Forma vero censuonis quae fuerit & cur ea fuerit instituta, satis adparet ex L. 4. *D. de censib.* cui addendus Iac. Guthier. *de offic. Dom. Aug.* III, 9. p. 591.

CXXX.

Quid coloniae militares?

CXXX. Coloniae MILITARES ex militibus veteranis: quemadmodum PLEBEIAE ex ciuibus, vel, vt posteriore aeuo dicebantur,

ex

*expaganis vel priuatis* (nam & hi militibus oppo-  
ni solebant. *L. 19. C. de pact. L. 2. C. Theod. & L. 1. C. Iustin. de fals. mon. L. 5. C. ad. L. Iul. maiest.*) du-  
cebantur. Illae ideo inuentae, vt veterani mi-  
lites stipendiorum diuturnitate fessi praemium  
aliquando laborum caperent. Auctor huius  
instituti L. Sulla, quem deinde Iulius Caesar,  
Augustus, aliique sunt imitati. De coloniis  
militaribus a Sulla & Caesare deductis testatur  
Appian. *de Bello Ciu. III. p. 552. Epit. Liu. LXXXIX.* de aliis ab Augusto missis Hyginus  
*de Castramet. &*, qui hic diligentissime omnia ex-  
sequutus est, Sigon. *de antiquo iure Ital. III, 4. p. 776. sequ.* Ceterum in eiusmodi colonias inte-  
grae legiones cum centurionibus ac Tribunis  
suis deducebantur. Hyginus : *Multis legioni-  
bus contigit bellum feliciter transigere, & ad laborio-  
sam agriculturae requiem primo tirocinii gradu perue-  
nire. Nam cum signis & aquila & primis ordinibus  
ac Tribunis deducebantur. Sed ab usu recessit hic  
mos tempore Neronis, de quo Tacit. Annal. XIV, 28. Non enim vt olim, vniuersae legiones de-  
ducebantur cum Tribunis & centurionibus, & sui cu-  
iusque ordinis militibus, vt consensu & caritate remp.  
efficerent : sed ignoti inter se, diuersis manipulis, sine  
rectore, sine adfectibus mutuis, quasi ex alio ge-  
nere mortalium repente in vnum collecti, numerus  
magis, quam colonia.*

CXXXI. Ad rempublicam coloniarum CXXXI.  
quod attinet, in eo potissimum inter colonias Resp. co-  
& municipia erat discrimen, quod haec suis le- loniarum.  
gibus atque institutis ; illae dato a Romanis  
iure utebantur. Gell. *Noct. Att. XVI, 13. Colonia-*  
*rum*

*rum alia necessitudo est, (quam municipiorum,) non enim veniunt extrinsecus in ciuitatem, nec suis radicibus nituntur sed ex ciuitatibus quasi propagatae sunt, & iura institutaque omnia populi Romani, non sui arbitrii, habent. Iis ergo legibus vivebant coloni, quas dederant Romani, & in prae-mis decemui-ri, vel triumui-ri coloniarum deducendarum. Quare merito apud eundem Gellium miratur Hadrianus Imp. quod Italicenses, & quaedam item alia municipia antiqua, quum suis moribus legibusque vti possent, in ius coloniarum mutari gestiu-erint. Ceterum iisdem paene, quibus municipia, etiam coloniae gaudebant magistratibus. Publicum habebant decurio-num consilium, nihilque in lapidibus frequen-tius est siglis DEC. COL. quemadmodum in iisdem marmoribus etiam SENATORES COLONIARVM occurrunt apud Reines. Inscript. p. CXXXII. Erant & in coloniis Du-umui-ri, Aediles, Quaestores, Censores. Erant sacerdotes, augures, pontifices. Cic. Agrar. II, 35. Vt adeo non abs re Gellius l. c. colonias quasi effigies paruas & simulacra maiestatis populi Ro-mani adpellet. Addatur Car. Sigon. de ant. iure Ital. II, 4. p. 666. sequ.*

CXXXII.  
Quid  
praefectu-  
rae?

CXXXII. Proximaē sunt PRAEFECTV-RAE, quarum longe durior, quam colonia-rum, fuit conditio. Vnde & eae demum ciui-tates in praefecturae formam redigebantur, quae iniquae ingrataeque erga populum Ro-manum fuerant, fidemque semel atque iterum fefellerant. Vti vel ex earum origine apud Liu. I, 38. iuncto loco Dionys. Hal. III, p. 187. adpa-ret,

ret. Parum vero a prouinciarum forma differbat forma praefecturarum. Quemadmodum enim in illam quotannis praefides: ita in praefecturas *praefecti* mittebantur, qui tamen eo quoque differebant, quod illi a populo, vel a Senatu libera adhuc republica deligerentur: hi partim a populo partim a praetore. Fest. voce *praefecturae* p. 374. Praefecturae ergo neque iure ciuitatis, neque Latii, neque Italico gaudebant, sed priuatum eorum ius omne ab edictis praefectorum: publicum a Senatu Romano proficiscebatur, qui iis pro lubitu tributa, vectigalia, militiam imperabat. Fuere tamen & praefecturae aliae aliis liberiores. Quemadmodum enim, Capua in praefecturae formam redacta, nullum in vrbe remanebat corpus ciuitatis, nullus Senatus, nec plebis concilium, nec magistratus teste Liuius: XXVI, 16. ita in aliis praefecturis, Festo auctore, fuit *quaedam respublica, quamuis magistratus suos non haberent*. Sane fuit in reliquis praefecturis Senatus simulacrum, qui conuentus dici solebat, qualem etiam postea, patrono Cicerone, Capuani impetrarunt. Cic. *pro Sext. IV.* fuit ordo equestris. fuere, qui publicam rem curarent, Aediles & Quaestores. Sed his omnibus praeerant, qui iuris dicundi causa Roma mittebantur, praefecti, quos Festus (dummodo non in mendo cubat locus *Sexuiros* & *Quatuor viros*; Horatius vero *Serm. I, 5. v. 35.* Praetores, adpellat, vbi de Praefectura Fundana:

*Fundos, Aufidio Lusco praetore, libenter  
Linquimus, insani ridentes praemia scribae,*

*Prae-*



*Praetextam, & latum clauum, prunaeque catillum.*

Praefecturas huiusmodi in quas Populi suffragiis Praefecti mittebantur; Festus recenset Capuam, Cumas, Casilinum, Vulturnum, Litternum, Puteolos, Acerras, Suessulam, Atellam, Calatiam: Contra Praetor praefectos teste eodem mittebat Fundos, Formias, Caeren, Venafrum, Allicas, Priuernum, Anagninam, Frusino-nem, Reaten, Saturniam, Nursiam, Arpinum: ex quibus tamen urbibus pleraeque postremis temporibus ad coloniarum vel municipiorum conditionem peruenerunt. Vid. Car. Sigon. *de ant. iure Ital.* II, 10. *sequ.*

CXXXIII  
Ciuitates  
foederatae?

CXXXIII. Reliquae ciuitates, quae neque municipia, neque coloniae neque praefecturae erant, ciuitates FOEDERATAE dicebantur. Erant enim liberae, nisi quod ex foedere quaedam debebant Romanis. Talis ciuitas foederata erat Capua, antequam in praefecturae formam redigeretur, item Tarentum, Tibur, Praeneste, Neapolis, quae licet foedere obstrictae Romanis, adeo tamen rempublicam suam habebant, ut & ii, quibus aqua & igni interdictum, ciuitatem Romanam amisisse viderentur, simul ac in eiusmodi ciuitatem fuissent recepti. Forma reip. varia erat siquidem aliae dictatoribus & consulibus, aliae aliis magistratibus parebant, ceu luculenter idem ostendit Sigon. *l. c.* II, 14.

DE STATV PEREGRINORVM.

CXXXIV. Omnes, qui non erant ciues, <sup>cxxxiv.</sup> veteribus Romanis PEREGRINI dicebantur, <sup>Qui peregrini dicti?</sup> siue Latini essent, siue Italici iuris; siue in provincia, siue in praefectura aliqua morarentur. Schilter. *Dissert. de iure peregrin. n. IX.* Hinc & in Latini iuris hominibus τῆς ξενίας σύμβολα, *signa peregrinitatis* reperit Appian. *de Bell. ciu. II. p. 443.* Et legem Mensiam, dum peregrinorum meminit, etiam ad Latinos pertinere, contra M. Vetr. Maurum demonstrauius in *Comment. ad L. lul. & Pap. II. 9. p. 226.* Neque tamen negauerim, Latinos, quippe ciuib. Romanis propiores, aliquando a peregrinis seiungi, veluti in *L. 17. §. 1. ff. de poen.* & apud Vlpian. *Fragm. V, 4. XIX, 4.* Postea ubi Antoninus Caracalla ciuitatem cum omnibus, qui in orbe Romano viuebant, ingenuis communicauerat: soli libertini Latinae & dedititiae conditionis peregrini habiti sunt, ceteri omnes Romani dicti. Inde est, quod dedititios peregrinis accenset Vlpianus *Fragm. XX, 14.* De reliquis omnibus Romani orbis incolis ait August. in *Psalm. LVIII. Part. 1. sub fin.* *Quisnam non cognoscit, gentes subiectas imperio Romano? quae quidem erant, quando omnes Romani facti sunt, & omnes Romani dicuntur.* Quod adeo verum est, vt & vniuersum Romanum imperium Romania adpellatum sit, vt pluribus veterum testimoniis demonstrant Casaubon. ad Lamprid. *Alex. Sen. V. Iustell. ad Can. Eccl. vniu.*

IV. p. 95. Tom. I. Ez. Spanh. Orb. Rom. II, 103 p. 89. Ex quo vero Iustinianus etiam libertinos ciuitatis Romanae fecit participes: exoleuit paene peregrinorum nomen, totiusque orbis incolae in *Romanos & Barbaros* diuisi sunt, quos solos vna cum feruis in ea unica totius mundi ciuitate peregrinari dicit Sidonius Epist. I, 6. Quemadmodum ergo omnes Romani Imperii prouinciae Romaniae vocabulo veniebant: ita reliquas terras dicebantur ἡ Βαρβαρος, vel *barbaricum*, eadem forma, qua veteres dicere solebant *hosticum*, *pacatum*, *Vindelicum*, *Noricum*, *Celticum*, *Geticum*, ceu praeclare docuit Io. Fridr. Gronou. Obs. II, 3. p. 233.

CXXXV.  
Peregrinis  
in vrbe  
praetor  
singularis  
ius dice-  
bat.

CXXXV. Libera adhuc republica paulo durior erat peregrinorum conditio. Versari quidem in vrbe poterant, sed ita, vt seiuncta a ciuibus esset in peregrinos iurisdictio. Praeter urbanum enim Praetorem alius quoque erat, peregrinus dictus, qui iuri inter peregrinos & ciues dicundo praeerat. L. 2. & L. 10. D. de dolo L. 1. D. de reb. eor. Creatus primum est A. V. C. lxx. vt auctor est Flor. Epit. Liu. XIX. Inter urbanum vero & peregrinum Praetorem cum aliae, tum hae quoque erant differentiae, quod ille hoc erat honoratior, quod apud illum lege agi poterat, apud hunc non poterat, vt erudite ostendit Franc. Hotoman. de Magistr. Rom. p. 121. Eundem edictum in albo proponere consueuisse quod negatidem ὁ πᾶν Hotomanus, supra suo loco a nobis demonstratum est.

CXXXVI.  
Saepe ex

CXXXVI. Deinde in vrbe quidem habitabant

tabant peregrini: sed veluti precario. Vnde <sup>vrbe ex-</sup> saepe magistratum arbitrio <sup>pelleban-</sup> vrbe expulsi sunt. Sic iam anno V. C. lxxxvii. peregrinos omnes vrbe excedere iusserat M. Iunius Pennus, Tribunus plebis, cuius legis mentio fit apud Ciceron. *de Offic.* III, ii. *in Brut.* XXVIII. & Fest. *voce respubl.* p. 407. Similem legem A. V. C. lclxxxviii. L. Cotta & L. Torquato Coss. tulit, non Aemilius quidam Papus, (b) nec, vt Ant. Augustino visum, Papirius quidam, sed C. Papius Celsus, qui omnes peregrinos, exceptis iis, qui Italiam incolebant, & Glaucippo nescio quo, vrbe exesse iussit Dio Cass. XXXVI. l. p. 37. Cic. *de Offic.* III, ii. *Agrar.* I, 4. *pro Archia V.* (c) Idem deinde factitarunt Imperatores, quoties arctior annona incolarum numerum imminui suaderet Augustum magna aliquando sterilitate ac difficili remedio venalicias & lanistarum familias peregrinosque omnes, exceptis medicis & praeceptoribus, partemque seruitiorum vrbe expulisse, auctor est Sueton. *Aug.* XLII. Idem suo tempore factum, conqueritur Ambros. *de Offic.* III, 7. Sed poste-

(b) Ita existimauerat nescio quis, quem erudite refellit Car. Sigon. *de Nomin. Rom.* p. 1426. edit. Gothofr.

(c) Monumentum huius legis Papiae egregium exstat in numis L. Papii Celsi, C. illius Papii legislatoris agnati, in quibus tabella conspicitur, cum litteris PAPI, quam de lege hac Papia interpretantur Ezech. Spanh. *de Vsu & Praest. Numism.* VI. p. 180. Fulu. Vrsin. *de Famil. Rom.* p. 196. Adde, quae de hac lege diximus plenius in *Comm. ad L. Iul. & Pap. Popp.* I, 1, 3.



posterius hoc exemplum de barbaris Romae commorantibus videtur intelligendum. Nationem enim in orbe Romano tantum abest, ut Roma exularint, ut maximam plebis Romanae partem constituerent sub Imperatoribus, maxime ex quo tempore omnes qui in orbe Romano vivebant, ciues esse iusserat Antoninus Caracalla. Iam sub Domitiano ea de colluue conqueritur Iuuenal. Sat. III v. 58.

*Quae nunc diuitibus gens acceptissima nostris,  
Et quos praecipue fugiam, properabo fateri,  
Nec pudor obstat: non possum ferre, Quirites,  
Graecam urbem, quamvis quota portio faecis  
Achaei?*

*Iam pridem Syrus in Tiberim defluxit Orontes,  
Et linguam & mores & cum tibicine chordas  
Obliquas, nec non gentilia tympana secum  
Vexit; & ad circumiussas prostare puellas.*

Et Herodianus Hist. I, 12. referens, pestilentiam sub Commodio Romanum orbem deualtasse, eam potissimum addit in ciuitatem Romanam saeuuisse, πολυάνθρωπον τε ἔσθην καὶ τὰς πανταχούθεν ὀποδεχομένην, quae & per se populo abundarit, & aduenas toto orbe confluentes exceperit. Idem Lib. VII. cap. 7. populi Romani indolem, qualis sub Maximino Imperatore fuerit, descripturus: Καὶ πάντες μὲν, inquit, ὄχλοι κῆφοι πρὸς τὰ καυτομέμενα, ὁ δὲ ῥωμαίων δῆμος ἐν πλήθει μεγίστῃ καὶ ποικίλῃ συγκλύδων τε ἀνθρώπων πολὺ καὶ ῥάδιον ἔχει τὸ τῆς γνώμης ἐυκίνητον. Nam etsi ubique vulgus semper ad res novas leuissimum: tamen Romana plebs inprimis, quae ex magna variaque etiam peregrinorum multitudine constat, longe ceteris mobilior est.

Et

Et sane tot Romae Syri, Phoenices, Aegyptii, Afri, Graeci, Asiatici non modo inter plebeios erant, sed & summis fulgebant honoribus, ut nihil fere Romani sanguinis Romae superesse videretur, & urbem incolis priuaturus fuisse, qui iussisset vrbe excedere peregrinos.

CXXXVII. Quod ad iura peregrinorum attinet: paucis omnia complectemur, si eos tum iuribus Quiritium, tum iure publico ciuitatis plane caruisse dixerimus. Non ergo liberi erant iure Quiritium ita, ut flagris virgisque caedi non possent. Neque erat ipsis ius connubii cum ciuibus, Vlpian. *Fragm. V. 4.* (quamuis esset ius matrimonii, quod vocabulum iuris gentium esse docuimus in *Elem. Iur. Civ. §. CL.*) neque ius patriae potestatis, *L. 3. D. de his qui sunt sui vel alieni iur.* neque iura patronatus *L. 10. §. 2. D. de in ius voc. Plin. Epist. X. 12.* neque testamenti factio, (*d*) aut ius ex testamento quidquam capiundi. *L. 1. D. ad L. Falc. Vlpian. Fragm. XX, 14. L. 1. C. de her. Inst. L. 6. §. 2. D. eod.* Immo nec testibus eis esse licebat in testamento ciuis *L. 30. C. Theod. de haeret.* Denique nec ius habebant legitimi dominii, nexus, mancipii, (quamuis recte ab iis iniri

CXXXVII.  
Iure Quiritium & ciuitatis carebant peregrin.

(*d*) Hinc mortuo peregrino, bona aut tamquam vacantia in fiscum cogebantur, aut priuato adquirebantur, si peregrinus se ad aliquem veluti patronum adplicuisset, eique in clientelam dedisset. Tunc enim, illo mortuo, patronus IVRE ADPLICATIONIS in istius peregrini bona succedebat. *Cic. de Orat. I, 39.*

iniri & explicari possent contractus & negotia iuris gentium, quibus etiam acceptilatio, non quidem ratione originis, sed ratione usus accensetur. *L. 8. §. 4. D. de acceptilat.* nec ius usufructus, de quo iam in XII. Tabulis fuerat cautum: **ADVERSUS HOSTEM AETERNA AVCTORITAS ESTO.** Vid. infra *Lib. II. Tit. VI.* Quum ergo ius Quiritium nullo modo haberent: facile patet, eos multo minus gaudios iuribus census, legionis, tributorum, suffragii, petendorum honorum, aliisque huius generis.

**CXVIII.**  
Exceptiones quaedam huius  
regulae.

**CXXXVIII.** Sed quamvis haec omnia recte se habeant: non unam tamen illa patiuntur exceptionem. Primo enim, ut supra diximus, haut paullo melior erat conditio Latinorum & Italorum, qui tamen & ipsi peregrinis ante legem Iuliam accensebantur. Deinde multis peregrinis concedebantur quaedam iura Quiritium vel beneficio populi, vel clementia Principum. Sic iam supra observauimus, datum esse quibusdam peregrinis ius connubii, patriae potestatis, testamenti factionis. Et hoc est celebre illud ius, utendi toga, cuius mentio fit. *L. 11. D. qui testam. fac. poss. L. 32. D. de iure fisci.* Accedit tertio, quod licet iure Quiritium testari haut possent peregrini, liceret tamen eis *aduersus civitatis suae leges testari*, (e) uti ait

(e) Hinc & ii, quibus aqua & igni interdictum fuerat, quamvis ad peregrinitatem essent redacti, testari tamen poterant, secundum leges videlicet civitatis, in quam fuerant recepti, & sub Tiberio adhuc exemplum eiusmodi testamenti memoratur apud Tacit.

ait Vlpianus *Fragm. XX*, 14. Vbi *aduersus* idem esse ac *secundum*, iam pridem obseruarunt eruditi. Quarto, multa etiam in fraudem legum commodumque peregrinorum fuerant inuenta. Sic tamen nihil ex testamento capere posset peregrinus: recte tamen & iure aliquamdiu capiebat per fideicommissum. §. i. *Inst. de fideicommiss. hered.* quamuis postea omnia fideicommissa in fraudem legum relicta irrita esse iusserit SC. Plancianum, *L. 59. §. 1. D. ad L. Falc.* Vlp. *Fragm. XXV*, 17. quod sub tempora Vespasiani, M. Plancio Varo Cos. ad Senatum referente, conditum esse, coniecimus in *Comm. ad L. Iul. & Pap. Popp. II*, c. p. 192. *sequ.* Denique multa sensim sub Imperatoribus mutata sunt, quae antiqui Romani in peregrinorum odium constituebant. Sic quum *castra olim eos, quos ad labores & pericula accipiebant, fastidiosè legerent*; vt ait Seneca *Epist. XLIV.* postea etiam prouincialibus, ac denique ipsis peregrinis & barbaris locus non solum inter auxilia & focios, sed & in ipsa legione, concessus est, vt iam supra est a nobis obseruatum.

CXXXIX. Quum ergo tanta esset inter CXXXIX  
ciues & peregrinos differentia; haut sane mi- Peregrinis  
randum est, etiam externis quibusdam signis non erat  
secretos illos voluisse Romanos. Ciues ince- ius togae.  
debant togati, qui togae amictus tam proprius  
iis

cit. *Annal.* IV, 43. Sed hic ipse Princeps eiusmodi  
exfulum testamenta primus prohibuit, teste Dione  
Cass. *Hist.* LVII. p. 618.



is erat, vt & Togati pro Romanis, quemadmodum palliati pro Graecis, dicantur. Sicuti ergo dedecori hoc erat Romanis, si palliati incederent: Cic. *pro C. Rabirio*, cap. IX. ita peregrinis togae vſu legibus fuerat interdictum, Sueton. *Claud.* XXV. Plin. *Epist.* IV, 11. VII, 3. adeoque ſpeciali conſeſſione opus erat peregrinis, qui togati incedere vellent. L. 32. *D. de iure ſiſci.* (f) Erat vero toga amictus exterior, laneus, ſemicircularis, tunicae ſuperiniectus, apertus & ad talos vſque deſluens, quem pluribus deſcribunt A. Ruben. *de Re Veſt.* I, 6. p. 39. Io. Bapt. Donius *de vtraque penula.* Car. Sigon. *de ludic.* III, 18. Ceterum quamvis communis hic eſſet ciuium habitus: ordines tamen inſignibus quibusdam diſtinguebantur. Magiſtratus enim toga praetexta; ſenatores lato clauo; equites anguſto clauo vti ſolebant. Enimvero exoleuit ſenſim ipſos inter Romanos togae vſus, (g) magisque placuere tunicae & birri, vt magno eruditionis adparatu oſtendit Claud. Salmaſ. *Adnot. ad Tertullian. de Pallio* p. 79.

## CXL.

(f) Gloſſae ergo figmentum eſt, in ea lege *togam* accipi pro munere aduocati. Vid. Schilter. *diſſ. de iure peregrin.* n. XXVII.

(g) De Auguſto Sueton. *Aug.* XL. *Etiā habitum cultumque priſtinum reducere ſtudiit. At viſa quondam pro concione pullatorum iurba, indignabundus & clamitans: En aiſ,*

*Romanos rerum dominos, gentemque togatam.*

Vnde patet, iam ipſis Auguſti temporibus togae vſum exoleſcere coepiſſe.

(a)

CXL. Sic & nominibus discernebantur CXL. Nec  
 ciues & peregrini: siquidem illi etiam praeno-<sup>praenomi-</sup>  
 minibus, hi solis nominibus utebantur, neque<sup>na habe-</sup>  
 prius praenomina accipiebant, quam essent in<sup>bant.</sup>  
 ciuitatem adsciti. Cic. *Epist. ad Famil. XIII, 36.*  
*Cum Demetrio Mega mihi vetustum hospitium est:*  
*familiaritas autem tanta, quanta cum Siculo nullo. Ei*  
*Dolabella, rogatu meo, ciuitatem a Caesare impetra-*  
*uit: quatinus re ego interfui. Itaque nunc P. Cornelius*  
*vocatur. Ex quo loco etiam adparet, ipsa gen-*  
*tilia etiam nomina, ut & cognomina eorum,*  
*adsciuisse peregrinos, a quibus fuerant ciuitate*  
*donati, vel alio adfecti beneficio. Id quod*  
*etiam ex praecedente epistola discimus, ubi de*  
*Philoxeno, qui postea C. Auianus dictus est:*  
*Nomen autem Auiani inquit consequutus est, quod ho-*  
*mine nullo plus est usus, quam Flacco Auiano, meo,*  
*quemadmodum te scire arbitror, familiarissimo. Sed*  
 ne nimium excrescat haec adpendix: hic qui-  
 dem ei colophonem imponere visum est.

## LIBRI II. TIT. I.

DE

RERVM DIVISIONE, ET ADQVI-  
RENDO IPSARVM DOMINIO.

**Q**Uum superiore libro de iure personarum exposuerit Iustinianus: hoc secundo, Caium sequutus ducem, DE REBVS agit. Quare rerum diuisiones paullo adcuratius ac distinctius ex antiquitatibus Romanis proponere, atque hinc inde illustrare iuuabit. Ceterum res & pecunia quomodo differant in iure nostro, ex *L. 5. pr. D. de Verb. sign.* satis notum est.

I. Prima  
rerum di-  
uisio.

I. Summa rerum diuisio, vt recte obseruat Caius, *L. 1. D. de diuis. rer.* (a) in duos articulos deducitur. Aliae enim erant DIVINI IVRIS; aliae HVMANI. Illae iterum in SACRAS & RELIGIOSAS diuidebantur. SANCTAE enim quae vulgo addi solent, tantum *quodammodo diuini iuris* habebantur, quia & ipsae pontificio iure continebantur, vt *diligentius vrbs religione, quam moenibus cingeretur*. Cicero *de Nat. Deor.* III, 40.

II. Rex fa-  
crae.

II. Res SACRAE dicebantur, quae publico ciuitatis instituto auctoritate Pontificum erant Dis superis sollemniter consecratae. Fess.

voce

(a) In Aniani compilatione, in qua ea lex aliter legitur, totum hoc Caii fragmentum interpolatum esse, vel primo intuitu patet. Aleand. *Not. ad Caii Inst.* II, 1, 1.

(b)

*voce sacer. p. 417.* quales erant arae, aedes, donaria, (b) & quidquid fuerat Diis consecratum. Et quidem vni Deo publice consecratae aedes, *fana*; pluribus simul, tanquam *συμβώλιαι* dedicatae *delubra* dicebantur. II. Voss. *ad Pomp. Mel. II, 3. p. 147.* Publice, inquam, consecratae. Nam vel Senatus auctoritas, vel populi iussus, vel principis decretum accederet oportebat. Priuata enim auctoritate nihil fiebat sacrum. Vid. Guth. *de iure pontif. III, 12.* Tempia sacra fiebant, *inauguratione*, dum augures spatium sollempniter capiebant Tacit. *Hist. IV, 83.* Id enim dicebatur *inaugurari*. Cic. *pro Domo LIII.* Quaecumque vero loca non erant inaugurata, ea non *templa* dicebantur, sed *aedes sacrae*. Gell. *Noct. Att. XIV, 1.* Sequebatur II. *Lustratio areae*, quae fiebat a militibus, quibus fausta erant nomina, felicibus ramis; quibus succedebant virgines Vestales cum pueris puellisque patrimis & matrimis, quae aqua e riuis, fontibus amnibusque

(b) Aliae erant res *sacro commendatae*, vt vocat Cicero *de Leg. II, 9.* Hae enim non consecratae erant Dis, sed tantum securitatis causa in templis depositae. Cic. *de Leg. II, 16.* Sane in templis & delubris securitatis causa deponi solebant res pretiosissimae. In templo Saturni & Opis adseruabantur, leges, SCa, pacta, foedera & pecuniae publicae. Seuerus Imp. pecunias suas & thesauros in templis reposuerat. Herodian. *Hist. IV, 4.* Quin imo in Pacis templum, omnium opulentissimum & egregie munitum vniuersos ferme suas diuitias congregasse, refert idem auctor. *Lib. I. Cap. 14.* Vnde & templa custodiis militaribus cincta fuisse, obseruat Lips. *Not. ad Tacit. Annal. Lib. I. p. 17.*



que hausta vniuersam aream perluebant. Denique & magistratus aderant, qui praeunte Pontifice suouetaurilibus lustrabant spatium, & super caespitem reddebant exta, ac denique precati Deos, vt suas sedes diuina ope attollerent, fundamenta sollemniter iaciebant, iniecto ingente saxo. Tacit. *Hist. IV*, 83. Lapis eiusmodi dicebatur *auspicalis*, qualis describitur apud Grut. *Inscript. p. XXXIX*, 5. Absoluta aede, etiam III. *dedicatione* opus erat, peragenda a magistratu maiore, qui praeunte Pontifice sollemne carmen recitabat, (c) postem manu tenens, (d) Liu. II, 8. Cicero *pro domo XLVII*. Valer. Max. V, 10. Grut. *Inscript. p. XXIII*, 12. Formulas, vt solet, magno studio collegit Barn. Brissou. *de Formul. l. p. 124*. Vt vel vnam exempli causa proferamus, Ioui Feretrio templum his verbis dedicauit Romulus: IVPITER FERETRI, HAEC TIBI VICTOR ROMVLVS REX ARMA FERRO, TEMPLVM-  
QVE

(c) Ab his sollemnibus verbis templa etiam FANA dicta sunt. Fest. *voce fanum. p. 287*. *Fanum a fano dictum, sive a fando, eo quod, dum Pontifex dedicat, certa verba FATVR*. Ita & Varro *de Lingua Lat. V*, 7. p. 38. Argutiora enim sunt illa Is. Vossii *ad Pompon. Mel. p. 147*. fanum deriuantis a Graeco *ναός*, *ν-Εὐ*, vnde transpositione Aeolica factum *fanus* vel *fanum*. Plutarchus *in Poplic. p. 104*. Sollemne istud carmen vocat *νενομισμένας ἐπὶ τῇ καθίστασει Φωνὰς*, *legitimae dedicationis verba*.

(d) Vnde & manu consecrationes fieri dicebantur. Cicero *de Leg. II*, 11. Et Ouid. *Fast. l. v. 603*.

*Sacra vocant angusta patres: angusta vocantur  
Templa sacerdotum rite dicata manus.*

QVE IIS REGIONIBVS, QVAS MODO ANIMO METATVS SVM, DEDICO SEDEM OPIMIS SPOLIIS, QVAE, REGIBVS DVCIBVSQVE HOSTIVM CAESIS, ME AVCTOREM SEQUENTES POSTERI FERENT. Liu. I, 10. Solebant denique dedicationi IV. *Leges* quaedam adiictae, quales hinc inde in vetustis marmoribus leguntur, recensitae ab eodem Briffon. *Form. I. p. 125.* Accedebant demum epulae & sportularum distributio, vel publico nomine, vel a priuatis factae, quarum meminit marmor apud Reines. *Class. I, 99.* Quibus omnibus rite peractis, ita occupasse locum credebatur religio, vt nunquam esse posset in dominio priuati, etiamsi aedes essent dirutae aut vetustate collapsae Plin. *Epist. X, 76. L. 6. D. h. t. L. 73. D. de contrah. emt.* Vnde Macrobio *Saturn. III, 3.* *Sacra Deorum haberi*, id est, in Deorum dominio esse, ait. Sacrae tamen res esse desinebant exauguratione, quae fiebat per euocationem sacrorum, L. 9. *D. h. t.* quo de ritu videndi Macrobi. *Saturn. III, 8.* Iac. Raeuard. *coniectan. II, 17.* Briffon. *de Form. I. p. 54 63. 64.* Captae quoque ab hostibus res sacrae esse desinebant, liberatae tamen, quasi postliminii iure pristinam recuperabant sanctimoniam. L. 36. *D. de relig. & sumt. fun.* Vnde facile patet, cur Romani hostes DIVINA HUMANAQVE omnia dedere iuberent. Liu. I, 38.

III. RELIGIOSAE res, non minus ac sacrae, iuris Pontificii erant, vt patet ex fragmento Ciceronis apud Nonium Marcell II, 805.

III. Res religiosae.

p. 582. Vnde etiam *sanctae* aliquando dicuntur, tamquam sanctione a Pontificibus munitae. Gell. *Noct. Att.* IV, 9. Statim vero locus fiebat religiosus, si quis mortuum in locum suum intulisset. L. 6. D. *h. t.* siue id liberi hominis esset cadauer, siue serui. L. 2. D. *de relig. & sumt. fun.* Vnde & diui fratres Cenotaphium religiosum esse negant, L. 7. D. *de rer. diuis.* quamuis aliud visum fuerit Marciano in L. 6 §. *ult. D. eod.* vbi conferendus Ampl. Bynkersh. *Obs.* I, 5. Ante rescriptum illud cenotaphium religiosum habitum esse, vel ex illis Virgilii *Aen.* III, v. 303. patet:

- - - *Manesque vocabat*  
*Hectoreum ad tumulum, viridi quem caespite inanem*  
*Et geminam, lacrymis caussam, sacrauerat aras.*

Religiosa eiusmodi loca semper erant extra urbem, (e) in agris, & maxime propter vias publicas. Vnde tam frequens *viatorum* mentio fit in antiquis monumentis.

IV. Qualia  
 Romae sepulcra fuerint?

IV. RELIGIOSA habebantur sepulcra, quia dedicata erant *Dis Manibus*. Haec qualia apud Romanos fuerint, paullo accuratius est explicandum. Vnusquisque sepulcrum sibi in suo

(e) Non licebat enim per Leges XII. Tabularum mortuum intra urbem sepelire. Cicero *de Leg.* II, 23. Quam legem confirmarunt Hadrianus L. 3. D. *de sepulcr. viol.* & Diocletianus & Maximianus, Augg. L. 12, C. *de religios.*

(f)

suo aliquo fundo deligere solebat. Bene ta-  
 men de republica meritis locus publice dari,  
 Reines. *Inscr. Class.* VI, 32. pauperibus & minus  
 locupletibus indulgentia Pontificum attribui  
 solebat. Idem *Inscr. Class.* XVII, 1. Aliquando  
 plebem sibi conciliaturi, praedium aliquod se-  
 pulcris pauperum destinabant, veluti Baebius  
 Gemellius Saffinas, qui in monumento apud  
 Reines. *Class.* VII, 20. *municipibus singulis incolis-  
 que loca sepulturae dat, circa suum praeaeum, extra  
 qui sibi laqueo manus intulerint, & qui quaestum tur-  
 pem professi sint.* Ditiores plerumque eo loco  
 exstruebant pyramidem, columnam aliamue  
 molem splendidam, e marmore plerumque  
 solido, vnde & *Domus marmorea* pro sepulcro  
 dicitur. Tibull. III, 2. Et quamuis, quantum  
 sumtuum sepulcris impendi posset, Edicto Ae-  
 dilium expressum esset, teste Cicerone *Philipp.*  
*IX, 7. Epist. ad Attic. XII, 35. 36.* Reines. *Inscr.* II,  
 73. tanta tamen, gliscente luxu ea in re Roma-  
 norum magnificentia eluxit, vt eam non sine  
 stupore in marmoribus & monumentis intuea-  
 mur. In ipsis sepulcris specus subterranea di-  
 cebatur HYPOGAEVM vbi locus erat certo  
 ollarum vel urnarum numero destinatus, qui  
 OLLARIVM vocabatur, Grut. *Inscript. p.*  
*DCCCCXXXV, 9.* Reines. *Inscr. Class.* XI. 100.  
 vel SCHOLA OLLARVM. Reines. *Class.*  
 XVI. 53. Ius enim sepulcrorum erat diuersum.  
 Alia plures; alia pauciores urnas habere po-  
 terant. In inscriptione Reinesiana *Class.* XVI,  
 60. sunt OLLAE SINGVLARES PERPE-  
 TVAE V. In aliis monumentis numerantur  
 XV.



XV. Id. *Inscr. Class.* XVI, 53. in aliis XXIV. Id. *Class.* XIV, 145. in aliis XXIX. Id. *Class.* I, 240. Sed ita feres habebat, quamdiu corpora cremari solebant, id quod & post Antoninorum tempora factum esse, ex monumentis paene innumeris patet. Exolescente paulatim eo ritu, arcas loco ollarum constituebant in hypogaeis, vel marmoreas vel ex lapide Tiburtino, Grut. *Inscr. p.* MCVIII, 6. vel fictiles, Id. *Inscr. p.* DCCCCIII, 12. vel ex Asio lapide, cuius ea vis erat, ut cadauera statim consumeret. Qui lapis quum frequentissime his usibus inferuiret, factum est, ut arcae illae dictae sint *sarcophagi*, ceu iam vidit Cuiac. *Obj.* XXI, 13. Quemadmodum ergo in aliis monumentis legimus, ibi sita esse OSSA, Grut. *Inscr. p.* DXXXVII, 7. p. DCCCLXII, 3. vel CINERES: Id. p. DCXCVI, 5. ita in aliis verba occurrunt: CORPVS INTEGRVM CONDITVM SARCOPHAGO. Id. p. DCLXXXVIII, 10. p. DCLXXXIX, 8. In eodem porro HYPOGAEO, ubi ossa, cineres, cadauera requiescebant, erant *lampadaria*, vel *lychnuchi*, quorum mentio fit apud Dion. Cass. in *Domitian. vit.* & apud Reines. *Inscr. Class.* I, 240. & *Class.* XI, 100. eorumque cura, nisi ita comparata essent, ut perpetuo lucerent, demandari solebat libertis vel seruis. Supra hypogaeum erant caenacula, Grut. p. DCXL, 2. armaria, Grut. p. CCCLXXXIII, 4. arae, Grut. p. DCCVI, 13. p. DCCVIII, 4. p. DCCXXI, 8. p. DCCCVII, 12. immo & signa & simulacra deorum & genii familiae, qualia describuntur in

marmore apud Reines. *Inscr. I*, 240. Vnde facile patet, cur ibi & aeditui fuerint, qualis ille AEDITVVS SEPVL. SERG. FAMILIAE, qui AEDITVAVIT ANN. XII. Reines. *Inscr. Class. V*, 53. itemque cur itum, ambitum, aditum sepulcris suis stipulati sint veteres, ad coronandum, sacrificandum, vescendum, quales formulae sunt apud Grut. p. DLX, 5. p. DCCCLXIV, 2. p. DCLXII, 5. p. MLXXXI, 1. cur item & eam legem sepulcris additam reperiamus, vt si quis ibi furtum fecisset, perinde obligatus sit, ac si sacrilegium commisisset. Grut. p. MLXXVI, 10. Denique vt hanc descriptionem sepulcrorum absoluiamus, obseruamus & extra ea quaedam fuisse, quae ad illa referebantur, veluti hortos, aedificia, tabernas, macerias, scalaria, & in primis *vnjtrina*, quamuis ea monimentis suis adplicari, quidam vetuerint. Grut. *Inscr. p. DCLVI*, 3. p. DCCLV, 4. p. MXLIV, 7. 8.

V. Iam ergo non est quod miremur, religiosa habita fuisse sepulcra quaelibet. Dedicata enimerant Diis Manibus vel Diis inferis. Discimus hoc ex ipsis monimentis, in quibus frequentissimae sunt formulae; D. M. vel D. M. S. id est DIS MANIBVS SACRVM vel DIS INFERIS MANIBVS SACRVM. Iac. Guther. *de iure Manium. III*, 1. Immo & propter eosdem Manes consecrata dicebantur sepulcra. Gruter. *Inscript. p. DCCCLXVII*, 5.

V. Cur illa religiosa habita sint.

HAEC AEDIFICIA. PROPRIA.  
COMPARATA. FACTA.  
DICATAQ. SVNT. MONIMENTI.  
SIVE. SEPVLCRVM. EST. ET.

Dd

OLLA.

OLLARVM. QVAE. IN. HIS. AEDIFI-  
CIIS.

INSVNT. ET. CONSACRATAE. SVNT.  
RELIGIONISQ. EARVM. CAVSSA.

Consecrationis sepulcri mentio etiam fit apud eundem Grut. p. DCCCLXII, 5. & p. DCCCVII, 12. Nec raro monimenta LOCA SACRA appellantur apud Grut. p. DCCC, 9. p. DCCCCXXXIV, 4. p. DCCCCLVI, 8. Nec ipsum tantum spacium, quo cadauer concludebatur, occupabat religio, sed & aliquam vicinae areae partem, cuius ambitum non solum in monimentis designabant, hoc modo IN. FR. P. X. IN. AGR. P. XX. id est, in fronte pedes X, in agrum pedes XX. Horat. *Serm.* 1, 8. v. 12. sed & maceris murisque includebant, ut erudite docet Brissou. *Antiqu. Rom.* III, 15. & 16. p. 36. sequ. Exempla sunt apud Reines. *Inscr. Class.* VIII, 75. XII, 37. 69. 70. Ceterum ob hanc religionem corpora semel illata sepulcro tolli non poterant, nisi impetrata a Pontificibus vel principe venia L. 1. l. 8. & 33. pr. D. L. 14. C. de religiof. vel in prouinciis a Praefide L. 1. C. de religiof. Exempla exstant apud Plin. *Epist.* X. ut & apud Gruter. *Inscript.* p. DLXXVIII, ubi RELIQUIAE TRAIECTAE dicuntur III. NON. FEBR. EX PERMISS. COLLEGII PONTIFICVM, PIACVLO FACTO. Immo ne refici quidem monumentum poterat, sine permissu Pontificum, nisi id ita fieri posset, ne reliquiae non tangerentur. L. 44. §. 1. D. de religiof. Id quod etiam ex marmore constat apud Gruter. p. DLXXIII, 4. Immo nec corpus in alia  
arca

arca poterat collocari, nisi volente principe-  
Grut. p. DCVII, 1.

VI. Multo minus ergo sepulcra erant in VI. An se-  
commercio vel dominio, L. 12. §. 1. D. de reli- pulcra  
gios. quamvis ipsum ius inferendi mortuum in vendi po-  
alium transferri quocumque titulo posset, L. 14. tuerint.

C. de legat. Si locus religiosus aedificiis iunctus  
erat, vendi non poterat cum aedificiis: ataedi-  
ficia seorsum vendi poterant, licet coniuncta  
essent loco religioso, id quod ex insigni senten-  
tia lata a Senecione Subpraefecto Classis Mi-  
senensis, & a se in lucem protracta probat. Iac.  
Cuiac. Obs. XVIII, 32. Id quod tamen vix intel-  
ligendum putauerim de vineis, aedificiis, agris,  
quae nonnunquam sepulcris adnecti solebant  
ad eorum tutelam. Cuius rei permulta exempla  
sunt apud Grut. Inscr. p. DCCXVII, 7. p. DCCCII,  
8. p. CCXXVII, 5. p. DCCLIII, 4. p. DCXXIII,  
8. p. DCXXXVI, 12. p. CCCXCIX, 1. & Reines.  
Inscr. VI, 12. Quum vero nihilominus ius in-  
ferendi quodammodo in commercio esset: fa-  
cile intelligimus, cur cauerint veteres in moni-  
mentis suis, ne sepulcrum mutaretur, neue veniret,  
neue donaretur, neue pignori obligaretur, neue de no-  
mine exiret familiae, nec ullo modo abalienaretur Grut.  
Inscr. p. DCCLXII, 5. p. DCCCIX, 2. commi-  
nati etiam poenam, fisco inferendam. iis, qui se-  
cus facturi essent. Grut. p. DCCCLXI, 13. Rei-  
nes. Inscr. Class. I, 43. Selden. de Synedr. Ebr. I, 5.  
Aliquando tamen & diuisa sepulcra legimus  
eoque pertinet formula: IN PARTE DI MI-  
DIA SVA, apud Gruter. Inscr. p. DCLXXII,



14. p. DCCLXXII, 1. p. DCCCCXLVI, 5. & Reinesf. *Inscr. Class.* IX, 38, 39.

VII. Erant  
vel fami-  
liaria vel  
heredita-  
ria, vel  
neutrius  
iuris.

VII. Ceterum ea sepulcra vel FAMILIARIA erant, vel HEREDITARIA, L. 6. L. 7. *D. de religiof. & sumt. fun.* quibus tamen nos addimus tertium genus eorum, quae NEUTRIUS IVRIS erant. FAMILIARIA vniuersae familiae patebant, non autem heredibus extraneis. Vnde formulae in vetustis marmoribus: HOC MONIMENTUM EXTERVM NON SEQVETVR, NISI DE NOMINE VTRORVMQVE. POST OBITVM nostrvm CORPVS EXTRANEVM INFERRE NE LICEAT, NE DE FAMILIA EXEAT, aliaeque similes. Grut. *Inscr.* p. DXCIV, 2. p. DXXIII, 5. p. DCCCLXXXI, 9. Aliquando & libertis & libertabus simul ius inferendi indulgebatur, maxime si ad exstruendum tuendumque sepulcrum aliquid contulissent, cuius rei exempla sunt apud Grut. *Inscr.* p. DCCCCXLV, 10. p. DCCCCLIV, 2. vel si in nomine patronorum permanissent, ceu cauetur apud eundem *Inscr.* p. DCXXXVIII, 4. Si qui tamen ex libertis libertabusue male de patronis meruerant: iis locum denegare solebant in sepulcro familiae. Sic apud Grut. *Inscr.* p. DCCCXLIV, 4. aliquis monumentum posuit SIBI ET SVIS, LIBERTIS LIBERTABVSQVE POSTERISQVE EORVM, EXCEPTO HERMETE LIB. QVEM VERO PROPTER DELICTA SVA ADITVM, AMBITVM, VLLVMVE ACCESSVM HABERE IN HOC MONVMENTO, vetat. Alibi

Alibi p. DCCCLXII, 5. excipitur SECVNDI-  
 NA LIBERTA, IMPIA ADVERSVS CAE.  
 CILIANVM FELICEM, PATRONVM  
 SVVM. Alia & a familiaribus diuersa erant  
 sepulcra HEREDITARIA, quae omnes here-  
 des, etiam extraneos sequebantur. Id quod  
 indicare solebant formulis: H. M. H. S. id  
 est, HOC MONIMENTVM HEREDES  
 SEQVITVR. Vel: HVIVS MONVME-  
 NTI VEL SEPVLCRI IVS AD HEREDES  
 EIVS PERTINET PRO PORTIONIBVS,  
 QVA QVIS TESTAMENTO EIVS SCRIP-  
 TVS EST. Grut. p. DCCCLXVI, 7. p.  
 DCCCLXXI, 8. Denique quaedam sepulcra  
 NEVTRIVS IVRIS, & nec *familiaria*, nec he-  
 reditaria esse diximus. Modo enim sibi tan-  
 tum conditorium parabant, modo sibi & con-  
 iugi, modo sibi & suis, qui in potestate futuri  
 sint, Grut. *Inscr.* p. DCCCCXCIII, 4. modo  
 diserte cauebant, ne quos inferri liceret, nisi  
 quorum nomina scripta sint & quibus condi-  
 tor eius sepulcri diserte cauerit. Grut. p.  
 DCCCCXC, 2.

VIII. Diuini quodammodo iuris habe-  
 bantur etiam *res* SANCTAE, quales erant mu-  
 ri, non modo Romani, sed & omnes circa alia  
 oppida: Fest. *voce religiosus*. L. 8. §. 2. D. *h. t.*  
 & ex Caii sententia, etiam portae. Ast Plutarch.  
*Quaest. Rom.* XXVI. muros quidem, non vero  
 portas, sanctos esse ait. Quam controuersiam  
 facile & sine pulueris iactu, componas. Sancta  
 res dicitur vel ob sanctionem, qua res ita muni-  
 ta est, vt violari impune haut possit; Fest. *voce*

VIII. Res  
 sanctae.

*sanctum* p. 423. Marcianus L. 8. D. h. t. vbi etiam obseruat, dictum *sanctum* esse a sagminibus herbis, quas signum fuisse inuiolabilitatis inter omnes constat. Conf. Fest. voce *sagmina*. Et hoc sensu etiam portae erant sanctae, siquidem & hasce violentibus capitale propositum erat supplicium: L. 2. & 3. D. ne quid in loco sacro fiat. Vell sancta dicuntur, quae per sollemnes quasdam caerimonias Dis medioxumis dedicabantur, & hoc sensu sola moenia ac pomeria, non item portae, sancta habebantur, quia per has res etiam impurae ferri vehique solebant.

IX. Ritus in condendis vr-  
bibus &  
exstruen-  
dis moe-  
nibus ad-  
hibiti.

IX. Quoties aut vrbs noua exstruenda, aut colonia condenda erat, toties conditor vel triumuir coloniae deducendae cinctu Gabino ornatus, aratro aptabat aeneum vomerem, iunctisque bobus, mare & femina, ipse circum lineamenta profundum ducebat sulcum. Sequebantur coloni, & excisas aratro glebas intro vertebant. Vbi portam esse volebant, vomere exemto, atque aratro sublato, relinquebant spacium. Ducto sulco, cum boues illi, tum aliae victimae immolabantur Dis medioxumis, & tum demum exstruendis muris admovebantur manus. Plut. Rom. Quaest. XXIV. & vit. Romuli p. 23. Dion. Hal. I. p. 75. Hinc in numis coloniarum fere semper conspiciuntur iuncti boues, acti a viro cinctu Gabino ornato. (f)

Vid.

(f) Hinc vrbes dictae ab *vrbo*. *Vrbare* enim veteribus erat aratro definire: *Vrbum* vero dicebatur curuatura, quod ea in vrbe condenda adhiberi consueuerat.

Varro

Vid. Ezech. Spanh. *de usu & praest. num. Dissert.* IX. p. 777. Vaillant. *de numis aeneis colon. Latini iuris Paris. MDCXCV. fol.* Adhibebantur & alia quaedam boni ominis causa, vt Festus docet voce *Quadrata*. p. 389. quae tamen, qualia fuerint, hodie vix constat. Iam vero ex his facile reddideris rationem, cur moenia, non autem portae, sancta visa sint. Eae enim auspiciato non signabantur aratro, quia per illas cadauera aliaque impura euehenda erant: & hinc quoque sacrae hoc quidem sensu non videbantur. Plutarch. *Quaest. Rom. XXVI.*

X. Perfecta moenia etiam dedicare sollemniter solebant. Idque adparet ex Inscriptione apud Gruter. p. CCXVI, 2. COLONIA AVGVSTA VERONA NOVA GALLIENIANA VALERIANO II. ET LVCILLO COSS. MVRI VERONENSIVM FABRICATI EX DIE III. NON. APRILIVM, DEDICATI PRID. NON. DECEMBRIS. Facta ergo hac dedicatione sancta habebantur moenia, atque hinc nec refici poterant sine Principum, tamquam Pontificum Maximorum, auctoritate, nec quidquam iis superimponi. L. 8. §. 2. L. 9. §. fin. D. h. t.

X. Dedicatio moenium.

XI. Si vero paullo accuratius rem consideres, facile adparebit, non aliam ob causam hac sanctitatis opinione imbutos esse homines; nisi vt ciues pro moenibus, tamquam pro re sancta Diis-

XI. Cur sanctitas tributa moenibus?

Varro *de Lingua Lat.* IV. 32. p. 24. Pompon. L. 239. §. 6. D. *de verb. signif.* Conf. Iac. Ræuard. *Coniectan.* II, 7, p. 49.



Diisque dedicata tanto fortius pugnarent. Idque etiam obseruat M. Terentius Varro *apud* Plutarch *Quaest. Rom. XXVII.*

XII. Res  
humani  
iuris quo-  
tuplices.

XII. Res humani iuris iterum vel in NVLLIVS, vel in PRIVATORVM *quorundam* erant PATRIMONIO. In nullius patrimonio erant res *communes, publicae, (g) vniuersitatis, & quae κατ' ἐξοχήν nullius esse dicebatur, hereditas iacens.*

XIII. Res  
commu-  
nes, vel  
publicae.

XIII. COMMVNES, veteribus dictae etiam PVBLICAE habebantur, quarum dominium nemo ita poterat occupare, vt excluderet alios. Tales erant aer, aqua profluens, mare eiusque littora. Vnde Virgil. *Aeneid. VII, v. 229.*

- - - *Littusque rogamus*

*Innocuum, & cunctis auramque vndamque patientem.*

Et Prudent. *adu. Symmachum II. v. 798.*

*Nunc adsunt homini data munera legibus isdem,  
Quae concessa semel: fons liquitur, amnis inun-  
dat,*

*Velinolum ratibus mare finditur, influit imber,  
Aura volat tenuis, vegetatur mobilis aer.*

*Et*

(g) Tribonianus *princ. Inst. h. t.* res communes a publicis seiungit; quidam veterum iureconsultorum communia & publica pro iisdem habebant, vt vel ex Marciano *L. 2. D. de rerum diuis.* patet, vbi res publicae omittuntur. Pari quoque sensu veteres res communes & publicas vocasse, luculenter ostendit Ger. Nood. *Probabil. I, 7. p. 10. sequ.* Liccat itaque hic, vbi Antiquitates tradimus, loqui cum veteribus, sentire alias cum Iustiniano, cuius doctrinam alibi fusius atque accuratius exposuimus.

(b)

*Et res natura fit publica promtaque cunctis,*

*Dum seruant elementa suum famulantia cursum.*

Idem existimandum de fluminibus, portibus, ripis, quae & ipsa eatenus communia vel publica habebantur, ut liceret in iis piscari, alligare naues, aliaque huiusmodi facere. Sed ea omnia de innoxio usu intelligenda, neque eo extendenda sunt, ut in mare, flumina, portus, nullum fuisse principum vel reip. imperium existimemus. Alia omnia ostendit Iac. Gothofredus *Dissert. de Imperio maris*, quae cum aliis eius opusculis iuridicis, politicis, historicis, criticis prodiit Geneu. MDLIV, 40. Nota illa Oppiani *Halieut. III. v. 4. sequi.* ubi poeta ad Antoninum Caracallam:

- - Σοῖς μὲν γὰρ ὑπὸ σκῆπτροισι θάλασσα

ἔλκεται ἢ Φῦλ' αἰσιδάωνος ἐνάυλων.

- - *Tuis enim sub sceptris mare*

*Voluitur, & greges Neptuni incolarum.*

Idem de iure piscandi statuendum est. Tantum enim abest, ut illud semper commune fuerit, dominioque exemptum, ut potius, qui longo tempore in diuerticulo fluminis solus piscatus fuerat, posset alios ab eo iure excludere L. 7. *D. de diuers. & temp. praescr.*

XIV. Ceterum eas res communes & publicas dixere veteres, ex sententia Stoicorum, quorum principia iureconsultis fere omnibus erant in deliciis. Stoicos enim veluti regnum quoddam generis humani vel vniuersalem omnium Deorum hominumq; rem publicam statuisse, nemo ignorat, idque luculenter docent Cicero *de Finib. III, 19. sequi.* M. Antonin. *ἐῖς*

XIV. Cur eiusmodi res iureconsulti vocarint publicas & communes.

ἐαυτοῖς II, 16. III, 11. IV, 3. VI, 44 XII, 36. Arrian. *Dissert. Epictet.* I, 12. III, 24. Senec. *de Benef.* IV, 28. Addantur Thom. Gataker, *Adnot. ad M. Anton.* p. 75. Thom Stanley. *Hist. Philos. Part. VII. P. I. Cap. 13. p. 614.* Quum ergo etiam iureconsulti hanc philosophiam sequerentur, duplicemque adeo sibi conciperent rempublicam, maiorem vnam, quae erat omnium Deorum hominumque, alteram minorem, vnius cuiusque populi aut ciuitatis: consequens erat, ut & bona, siue publica, siue communia dupliciter acciperent, nonnullaque omni iure; alia tantum iure gentium communia adpellerent, quae tamen in iure ciuili Romanorum essent in reipublicae dominio. Quae omnia tam praeclare explicantur ab humanissimo iureconsulto, Gerardo Noodio, *Probabil.* I, 8. p. 21. *sequ.* ut otium nobis fecisse videatur.

XV. Res  
vniuersi-  
tatis.

XV. Res VNIVERSITATIS erant, quarum dominium vniuersitas, vsum singuli ex vniuersitate habebant, ut stadia, theatra, balnea, curiae. §. 6. *Inst. b. t.* Vniuersitas vero vocabatur vnaquaeque ciuilis societas, excepta familia liberaque republica. Adeoque omnes ἐταίριας & societates, omnes tribus, omnia corpora opificum vniuersitates erant. Huber. *Praelect. ad Inst.* II, 8. Postquam vero in monarchiam degenerauerat respublica, inuisae fuerunt principibus, omnes sodalitates & ἐταίριας, nec aliae ius vniuersitatis, arcae communis, & collegii habebant, quam quae singulari Principum priuilegio erant munitae. Quare non raro in Inscriptionibus legimus: Q. E. S. C. L. *Quibus ex S. C. coire licet*, vel similia. Vid. Plin. *Epist.*

*Epist. X, 23. & 94. tit. C. de colleg. & corpor. Cuiac. Obseru. VII, 30. & Diff. nostr. de Colleg. & Corp. Opif. Cap. I.*

XVI. NVLLIVS denique erant, quae XVI. Res nullum reipsa agnoscunt dominum, quamuis nullius. sua natura in dominio esse possint. Tales sunt res hereditariae, antequam aliquis heres existit *L. 1. D. de rer. diuis.* Per fictionem tamen quamdam hereditas iacens defuncti personam repraesentare, eiusque in dominio esse dicitur. *L. 34. & L. 61. pr. D. de acquir. rer. dom.* Nonnunquam & personam heredis sperati sustinet. *L. 24. D. de nouat. L. 26. D. de stipul. seru. L. 1. §. 1. D. si is qui test. lib. L. 68. D. de furt.*

XVII. Quae in priuatorum dominio erant, dicebantur RES PRIVATAE. Festus voce XVII. Res priuatae priuos p. 378. Priuos priuasque antiqui dicebant pro vel mancipi singulis: ob quam causam & priuata dicuntur, quae pi vel nec mancipi. vniuscuiusque sunt, hinc est priuilegium. Add. Non. Marcell. de Diff. Verb. II, 694. Res illae priuatae apud veteres vel MANCIPI erant, vel NEC MANCIPI. (h) Apud veteres dico. Iustinianus enim hanc differentiam sustulit, quum tamen eius vestigia quaedam reliquerit in *L. 32. §. 1. D. de usurp. & usuc. in L. 68. D. de furt.* Vid. Merrill. Obs.

(h) In vniuerso corpore Iustiniano nulla fit huius distinctionis mentio, quod ea sustulisset Iustinianus *L. vn. C. de iure Quirit. tollend.* Hotom. Anturibonian. V. p. 113. sequ. Fundamentum eius procul dubio fuit rerum pretium. Res enim pretiosissimae antiquis videbantur fundi, serui, pecudes, non nisi cum sollicitudine quadam & sollempnitate alienanda. Bynkersh. de reb. mancipi & nec mane. p. 109.



*Obs. VIII, 38. p. 132.* Res MANCIPI dicebantur, quae certo ritu inter solos ciues Romanos ita vendi alienarique poterant, vt emptor manus eas caperet, (vnde & ipse MANCEPS, & res MANCIPI vel MANCVPI adpellabantur,) & venditor earum euictionem praeftaret. NEC MANCIPI res erant, quae non poterant isto ritu alienari: vnde & periculum rei penes emptorem erat. *Plaut. in Pers. IV, 3. v. 55.*

*Ac suo periculo is emat, qui eam mercabitur,  
MANCVPIO neque promittet, neque quisquam dabit.*

Et paullo inferius: v. 61.

- - - *Nihil mihi opus est litibus,*

*Nisi MANCIPIO accipio, quid eo mihi opus  
mercimonio?*

Vnde & distingui solent *mancipium* & *usus*, *Lucret. III, v. 985.*

*Vitaque mancipio nulli datur, omnibus usu.*

vt & *mancipium* & *fructus*, κτήσις & χερσῶσι *Cicer. Epist. ad Fam. VII, 29. 30. (i)*

# XVIII.

Quaenam  
res manci-  
pi fuerint?

XVIII. Mancipi res habebantur I. *praedia in Italico solo*, *Vlpian. Fragm. XIX, 1.* immo & in prouinciis, si quando locis erat datum ius *Italicum*, quales ciuitates permultae recensentur in *Tit. D. de cens.* Adde *Henr. Noris. de Epochis Syro Maced. IV. p. 427.* idque non modo de rusticis intelligendum, verum etiam de urbanis

(i) Mancipi non indeclinabile est, vt vulgo docent *Lexicographi*, sed contractum ex *mancipii* *Voss. de art. gramm. III, 46* *Salmas. de vsur. VIII.* *Iac. Perizon. ad Sanctii Minerv. IV, 4. 12.*

nis. Cic. *de Orat.* I. 39. *seq.* & *de offic.* III, 67. Sed eiusmodi praedia rustica Mancipi erant suo iure, urbana iure fundi per accessionem ex mente amplissimi viri, Bynkersh. *de reb. Mancipi & nec Mancipi* p. 111. quamvis alia omnia videantur Icto pererudito Christ. Waechtl. *in Act. Erud. suppl.* VII, sect. 7. p. 301. Eiusmodi loca dicebantur *agri censui censendo*. Fest. *voce censui*. p. 265. Cic. *pro Flacc.* XXXII. & ibi Io. Ge. Graevius. Adeo autem omnes fundi rustici Italici partes erant Mancipi, ut & *columbaria emancipata* videamus in marmore apud Reines. *Inscr. class.* VII, 21. ubi tamen *in Comment.* p. 490. errare videtur vir doctus, dum eam Mancipationem locationis causa factam existimat. Reliqua in provinciis praedia possessiones vocabantur, & usu tantum tenebantur, non Mancipio. Fest. *voce possessio* p. 372. Porro rebus Mancipi accensebantur II. *iura praediorum rusticorum*, veluti, actus, via, aquaeductus. De servitutibus urbanis tacet Ulpianus. Unde eae accensebantur rebus nec Mancipi, dissentiente iterum viro laudatissimo Christ. Waechtlero. *ib.* p. 300. *seq.* Nec tamen ratio deest iis, qui iura praediorum urbanorum Mancipi fuisse negant. Quum enim praedia rustica ipso iure essent Mancipi: ideo & tales erant servitutes, iis inhaerentes per accessionem. Aliud de praediis urbanis, quae per accessionem tantum erant Mancipi, adeoque hanc qualitatem cum servitutibus communicare non poterant, quia non datur accessionis accessio. Bynkersh. *ib.* p. 130. III. *serui*, Mancipio dati, IV. *quadrupedes*, quae

quae dorso collouere domantur, veluti boues, muli, asini, equi, non bestiae, quamuis dorso collouere domantur, vt puta elephanti & cameli. V. *Hereditas*, seu familia, siquidem & ipsa per aes & libram mancipabatur Gell. *Noct. Att.* XV, 26. §. 1. *Inst. de test. ord.* Ergo & VI. filii familias. Bynkersh. *de iure occid. lib.* I. p. 145. VII. *Margaritae*. Nam & has in mancipatum venire ait Plin. *Hist. Nat.* IX, 35. Atqui & monumenta seu sepulcra mancipata seu per aes & libram translata legimus in marmore Gruteriano p. MLXXXI, 1. An ergo & haec res mancipi sunt? Ipsa sepulcra in se neque mancipi neque nec mancipi habebantur, quia non erant in commercio. At ius sepeliendi erat ius praedii rustici, (quia sepulcra non in aedibus sed in agris exstrui solebant,) & hinc omnino in alium transferebatur per aes & libram. Eum rerum mancipi catalogum nobis suppeditant veteres. Ceterae res nec mancipi dicebantur teste Vlpiano *Fragm.* XIX, 1.

## XIX.

Res mancipi alienatae mancipatione.

XIX. Fiebat vero rerum mancipi alienatio praecipue MANCIPATIONE, vnde haec propria species alienationis rerum mancipi esse dicitur. Vlpian. XIX, 3. Cic. *Topic.* X. Quamuis enim res mancipi etiam tradi possent sine mancipatione: tamen tunc tantum in bonis erant accipientis, non in dominio. Vlpian. I, 16. adeoque res mancipi esse desinebant, nisi per modum acquirendi iuris ciuilem accessisset dominium quiritarium. Quo pertinent verba Horatii *Epist.* II, 2. v. 158.

*Si proprium est, quod quis libra mercatus & aere est,*

*Quaedam, consultis si credas, mancipat usus.*

Loquitur sane Horatius de rebus Mancipi, quae ex sententia iure consultorum etiam usufructu possunt adquiri. Conf. Ant. Schulting. ad Vlpian. *Fragm. XIX, 3. p. 620.*

XX. Mancipatio vero erat actus legitimus, quo res Mancipi more sollemni tradebantur. Bynkersh. *de reb. manc. I. p. 105.* Ad eum adhibendi erant quinque testes, ciues Romani, puberes, cum libripende & antestato. Ritus & formulae iam supra *Lib. I. Tit. XII. num. 6. 7.* a nobis descriptae sunt. Id modo addendum, vna mancipatione hic totum actum absolui consueuisse, quia ad patris tantum privilegium id pertinebat, ut filius non nisi ter emancipatus & manumissus, eius potestate & dominio exiret. Iungitur saepe Mancipio *nexus*, vel *traditio nexu*. De ea Varro *de Lingu. Lat. VI, 5. p. 58.* NEXVM Manilius scribit, omne, quod per libram & aes geritur, in quo sint Mancipi. Mucius Scaenola, quae per aes & libram fiant, ut obligentur, praeterquam quae Mancipio dentur. Hoc verius esse, ipsum verbum ostendit, de quo quaeritur. Nam idem, quod obligatur per libram, neque suum sit, inde *nexum dictum*. Sed quum haec sint obscurissima, audiamus ea interpretantem virum doctissimum, Io. Fridr. Gronovium in *Epist. CCCII ad Claud. Salmas.* quae in clarissimorum & doctissimorum Virorum Epistolis, nuper a celeberrimo Burmanno editis. Tomo II. p. 549. habetur. *De loco Varronis, quando sic illudere*  
mibi

XX.

Mancipatio quomodo facta? & differentia nexi & Mancipii.



mibi voluisti, ut sententiam meam quaereres, ludibrium debere tibi pergam. Puto ergo falli Varronem, non tantum in ridicula illa origine τὸ NEXI, sed & quod ceu diuersas ponit sententias Manilii & Scaeuolae, quarum utraque vera est, nec inter se pugnant. Sane & Cicero distinguit ea, quae tenentur IVRE NEXI & IVRE MANCIPII (Cic. Epist. ad Fam. VII, 30.) Nempe quae habeo IVRE MANCIPII, eorum sum dominus: quae IVRE NEXI, in ea habeo obligationem. Ita sibi non contradicunt Manilius & Scaeuola. Nam Manilius requirit, ut quae nexa sint, eadem quoque sint mancipi, hoc est, talia, quorum commercium sit, & quae mancipari possint. Scaeuola dixit, nexum esse, quod per aes & libram geritur, praeterquam quae dantur mancipio. Et haec enim per aes & libram geruntur, sed plus dant iuris, quam nexa. Non negat itaque Scaeuola, necesse esse, ut aliquid quod per aes & libram geritur, sit nexum, id esse rem mancipi: sed dicit aliud esse tenere aliquid iure nexi, aliud iure mancipi, quamuis utrumque per aes & libram geratur, seu omne id nexum esse, quod per aes & libram geritur, si non mancipio detur. Ita negatione vnius speciei, definit alteram, quod non negat Manilius. Quod MANCIPIO datur, eius fio dominus: quod NEXVM est, eius proprie non sum dominus, sed habeo tantum in id obligationem. Et ita quoque NEXVS differt a SERVO, etsi obligatus est ad seruiles operas praestandas. NEXVM habeo iure nexi, non mancipi: at SERVOS habeo iure mancipi. Sic quod mihi pignoris loco datum est, habeo iure nexi; illud etiam si penes me sit, non tamen est meum. Logica haec etymologia est, non grammatica. Videntur omnia quidem mancipia  
etiam

etiam esse generali vocis notione nexa, aut quae habeo iure Mancipii, eadem me habere iure nexi: sed non contra aut reciproce. Ita Cicero quum dicit ab alienationem esse traditionem alteri nexu, sine dubio generaliter vocem accipit, ut etiam, quae Mancipio dantur, comprehendat. Sed ad utrumque requiritur, ut sint res illae, quae siue iure nexi, siue iure Mancipii tenentur, res Mancipi, quod volebat Manilius. Nec aduersatur, quod liber homo, qui non est Mancipi, obaeratus potest fieri. Reuera enim liberi hominis commercium non est, ideoque non potest esse Mancipi: sed ut fiat nexus, fit ex dispositione legis, quae obaeratos necti iussit, & ad refreandam indiligentiam quorundam patrum familias hoc introduxit. Ita etiam si liberi hominis commercium non sit, idque leges sciuerint, homo tamen maior XX. annis, quum ad pretium participandum venundari se patitur, fit Mancipi & seruus, etiam dispositione legis, quae unicuique fauori pro se introducto renunciari licere, & hoc modo lasciuiam fraudatorum coercere voluit. Haec tenus locus Gronouii, prolixus ille quidem, sed quem ideo totum hic adscribere non piguit, quod eum vnum viderim, in quo discrimen Mancipii & nexi perspicue exponitur. Res eo redit. Omnis ab alienatione rerum Mancipi fiebat per aes & libram vel Mancipationem: sed duplici fine, ut aut dominium iuris Quiritium transferretur, aut res illa tantum obligaretur, e. g. ut aliquis in ea ius pignoris vel simile haberet. Priore casu res dicebatur MANCIPIO dari; posteriore IVRE NEXI transferri. Hinc recte Festus in voce nexum: NEXVM est, quod per aes & libram geritur, (hoc enim commune habent nexum & Mancipium,

pium. *nexum* *aes dicebatur pecunia*, quae per *nexum* OBLIGATUR. (In hoc enim diffiunt *nexus* & *mancipium*) Recte etiam Salmasius de *Mod. Usur. Cap. XVIII. p. 39.* *Nexum esse obligationem & nexos obligatos* docet. quamvis quum epistola Gronouii anno MDCXXXVII scripta; Salmasii autem liber demum MDCXXXIX editus sit, rectius fecisset, si eum, qui omnia planius scripserat, vel honoris causa nominasset.

XXI. Modi  
adqui-  
rendi iuris  
gentium.

XXI. Quemadmodum vero *mancipatio* propria rerum *mancipi* erat: ita & alii erant *adquirendi* modi, quorum quidam e IVRE GENTIVM, quidam e IVRE CIVILI descendebant. Ad prius genus pertinent *occupatio*, *accessio*, *traditio*, de quibus copiose hoc titulo agit Imperator. Nos id modo addimus, quod si duo rem inuenerant, quorum alter adprehenderat, alter eam adprehendi viderat, communem eam rem utriusque esse visam. Vnde sollemnis formula: IN COMMUNE, similis quodammodo hodiernae: *Halbe part. Seneca Epist. CXVII. Quoties aliquid inueni, non exspecto, donec dicas: IN COMMUNE; ipse mihi dico. Phaedr. Fab. V, 6.*

*Inuenit caluus forte in trinio pectinem.*

*Accessit alter, aequae defectus pilis*

*Heia, inquit, EST COMMUNE, quodcumque est lucri.*

Adde Plaut. *Rudent. IV, 3. v. 76.* ubi poeta fori Romani argutias hac in re in risum deducit.

- - - *Omitte vidulum.*

GR. *Numquam hercle hinc hodie ramenta fies fortunatior.*

TR.

TR. *Non probare pernegando mihi potes nisi*  
 PARS DATVR,

*Aut ad arbitrum reditur, aut sequestro ponitur.*

GR. *Quemne ego excepi e mari?* TR. *At ego*  
*inspectavi e littore,*

GR. *Meo labore, opera rete & horia?* TR.  
*Num qui minus,*

*Si veniat nunc dominus, cuius est, ego, qui inspe-*  
*ctavi procul,*

*Te hunc habere, fur sum, quam tu?* GR. Ni-  
 hilo. TR. *Mane mastigia.*

*Quo argumento socius non sum, & fur sum, fac*  
*dum ex te sciam.*

GR. *Nescio neque ego istas leges vestras urba-*  
*nas scio,*

*Nisi quia hunc meum esse dico.* TR. *Et ego*  
*item aio esse meum.*

Praeclarus sane locus, quo non solum hic veterum ritus, sed & complura iuris nostri loca lucem haut mediocrem capiunt. Ger. Nood. *Probab. II, 6, p. 54. sequ.*

XXII. Modi acquirendi CIVILES complures sunt. Tres recenset Aleander ad Caii *Instit. I, 6. 3. mancipationem puta, in iure cessionem, & usucapionem, sed deceptus male intellecto loco* XXII. Modi acquirendi iuris civilis.  
 Vlpiani *Fragm. I, 16. in quo servus, quem civis Romanus a ciue Romano emerit, quique ei traditus sit, tantum in bonis eius esse dicitur, nisi sit mancipatus ei, nec in iure cessus, nec ab ipso anno possessus.* Sane enim Vlpianus hic non recensere voluit modos acquirendi iuris Quiritium, neque negat, rem aliis quoque modis transire posse in dominium Quiritarium. Sex modorum



meminit Varro *de re Rust.* II, 10. *Sex enim fere res in emtionibus dominium legitimum perficere* ait, ac deinde huc refert HEREDITATEM, MANCIPATIONEM, IN IVRE CESSIONEM, VSVCAPIONEM SVB CORONA EMTIONEM, AVCTIONEM. Et hac in re Varro nem sequitur Sigonius *de antiquo iure civ. Rom.* I, II. Sed nec Varronem modos omnes recensere voluisse, cum ex particula FERE, qua utitur, tum praecipue patet ex Vlpian. *Fragm.* XIX, 2. ubi & *adiudicationem & legem* addit. Iisdem vero haut immerito adieceris adrogationem, donationem & modum, quem SC. Claudianum induxit. Quae quum ita sint, duodecim erunt modi acquirendi iuris Quiritium, I. HEREDITAS, II. MANCIPIO, III. IN IVRE CESSIONE, IV. VSVCAPIO, V. SVB CORONA EMTIO, VI. AVCTIO, VII. TRADITIO, VIII. ADIVDICATIO, IX. LEX, X. ADROGATIO, XI. DONATIO, XII. MODVS ADQVIRENDI EX SC. CLAVDIANO. De primo modo infra *Lib. II, Tit. XIX.* de quarto *Libro II. Tit. VI* de decimo *Lib. III. Tit. XI.* de vndecimo *Lib. II. Tit. VII.* de ultimo *Libro III. Tit. XIII.* agemus. De secundo modo iam diximus supra n. XVI. XVII. Ergo restant *in iure cessio, sub corona emtio, auctio, traditio, adiudicatio & lex* de quibus nonnulla ex antiquitatibus erunt monenda.

XXIII.

Quid in  
iure ces-  
sio?

XXIII. IN IVRE CEDEBANTVR res tum Mancipi tum nec Mancipi, non modo corporales, sed & incorporales, & tunc requirebantur tres personae, quarum una cedebat, altera

tera vindicabat, tertia addicebat. Vlp. *Fragm.* XIX, 9. Cedebat dominus, vindicabat is, cui cedebatur, addicebat Praetor vel Praefes provinciae. Vindicabat primo rem is, cui illa cedebatur, & ita quidem, ut eam tenens diceret: HANC EGO REM EX IVRE QVIRITIVM MEAM ESSE, AIO. Tum interrogabat Praetor vel Praefes, an alter contra vindicaret? Solebant enim olim possessores in contestanda rei vindicatione non solum negare intentionem actoris, sed & ipsi rem adferere: veluti apud Plautum *Rud.* IV, 3. v. 86. ubi altero dicente HVNC MEVM ESSE DICO, statim alter subiicit: ET EGO ITEM AIO ESSE MEVM. Cic. *pro Muraena* XII. & infra *Lib.* IV, Tit. VI. n. 24. Quaerebat ergo Praetor vel Praefes, utrum contra vindicaret, an auctor fieret? Quo procul dubio pertinet formula apud Valerium Probum: A. F. A. *An sis auctor?* Negante domino vel tacente, Praetor rem addicebat vindicanti, hac fere usus formula: QVANDO TV NEGAS, HANC EGO REM PRAESENTI ET VINDICANTI ADDICO. Cai. *Instit.* II, 1. 6. Boeth. *Comment. ad Cic. Topic. Lib.* III.

XXIV. EMTIO SVB CORONA quid fuerit, ostendendum paullo adcuratius. Victis hostibus praeda venibat, & in his etiam captivi, qui venditi in servitutem detrudebantur. Hi ergo sub corona venire dicebantur, non quod milites eos custodiae causa circumstarent, ea-que circumstatio militum corona vocaretur, sed quod ipsi captivi venales starent coronati,

XXIV.  
Quid sub  
corona  
emptio?

ceu ex Caelio Sabino & Catone docet Gell. VII, 4 ex quo etiam discimus, eos seruos, quorum nomine nihil praestabat venditor, pileatos venire consueuisse. Res ex innumeris Liuii, Caesaris, aliorumque historicorum testimoniis nota est. Vt pauca tibi suggeram, ea reperies apud Liuium LIII, 4. Caesar. de Bello Gall III, 74. Flor. Hist. IV, 12. Iam id modo obserua, mancipia sub coronis emta statim in dominio iuris Quiritium esse coepisse, adeoque emtorem securum fuisse contra quoslibet, vt etiam patet ex Varrone *de re Rust.* II, 10. Cuius locum & ad reliquos acquirendi modos recte intelligendos vtilissimum adscribere iuuabit : *In emtionibus dominium legitimum sex fere res perficiunt, si hereditatem iustam adiit, si, vt debuit, mancipio ab eo accepit, a quo iure civili potuit : aut si in iure cessit, cui potuit cedere, & id ubi oportuit : aut si vsucepit : aut si e praeda sub corona emit tumue, cum in bonis sectionem cuius publice venit.*

XXV.

Quid auctio?

XXV. AVCTIONE acquirebantur, quaecumque publice, proclamante praecone, praesente atque addicente magistratu. sub hasta emebantur. Festus voce Hastae. *Hastae subiciebantur ea, quae publice venundabant, quia signum praecipuum est hasta.* Et Cicero Philipp. II, 26. *Hasta posita pro aede Iouis Statoris: bona Cn. Pompeii Magni voci acerbiſſimae subiecta Praetoris.* Hanc hastam publicam fugiebant viri honesti, quia & proscriptorum bona ibi venibant. Sic Atticus ad hastam publicam nunquam accessit. Ne pos Attic. VI. Ceterum, quum res ei addici soleret, qui plurimum augeret, factum est vt ipsum

ipsum illud venditionis genus *auctio*; isque, a quo quis emerat *auctor*, & ius denique auctione quaesitum *auctoritas* adpellaretur. Quod vocabulum deinde ad dominium quodcumque prolatum est, ita ut omne dominii ius quocumque titulo adquisitum, vocaretur *auctoritas*, ut praeclare obseruauit Sigon. *de antiquo iure Ciu. Rom. l. 11. p. 149.* Plura dicemus infra *Lib. II. Tit. XVIII. XIX. n. XI.*

**XXVI. TRADITIONE** acquirebantur **XXVI.**  
solae res nec mancipi, quippe quarum dominia Quid traditio?  
adprehendebantur, simul ac ex iusta causa fuerant traditae. Vlpian. *Fragm. XIX, 7.* Nec referebat, mobiles res essent an immobiles: ut adeo manifesto errent, qui traditionem ad res mobiles tantum pertinuisse existimant. Vid. V. C. Schulting. *ad Vlpian. l. c. p. 622.* De traditione vera & ficta egregia quaedam obseruat Ger. Nood. *Prob. ib. II, 6 p. 56. sequ.* Non multum diuersa a traditione erat cessio vacuae possessionis, quae & mancipationibus nonnunquam accedebat, ut patet ex Grut. *Inscript. pag. clxxxvi.* ubi Statia Irene, mancipans monumentum Licinio Timotheo dicit, **EIQVE VACVAM (k) POSSESSIONEM MONIMENTI S. S. CESSIT**, qua de re plura obseruauit Fr. Brummer. *ad Leg. Cinc. XIII.*

**XXVII. ADIVDICATIONE** domini **XXVII.**  
nium rerum tum mancipi, tum nec mancipi Quid ad-  
adquirebatur, in tribus illis iudiciis *familiae er-* iudicatio:  
*ciscun-*

(k) Ita legendum esse pro **INQVE VACVAM**, recte monet. Fr. Brummer. *ad Leg. Cinc. XIII.*



*Ciscundae, communi diuidundo, finibus regundis. § ult. Inst. de off. iud.* Quoties enim iudex vni ex heredibus vel sociis, vel vicinis rem adiudicabat, statim haec sine traditione in illius transibat dominium. Vlpian. *Fragm. XIX, 16.* Vnde adiudicatio traditioni atque vsucapioni aequiparatur, *L. 6. §. 3. D. de statu liber.* Praeter tria vero illa iudicia nullus erat casus, in quo dominium acquireretur iudicis sententia, quippe quae ius non dat, sed declarat, id cuiquam competere. *L. 8. §. 4. D. si seruit vindic.* Vnde & actio iudicati non in rem est, sed in personam. V. C. Ortvv. Westenb. *de Causs. obl. Diff. VI, 8. sequ.*

XXVIII.

Quod dominium ex lege?

XXVIII. LEGE denique acquirebatur dominium rei singularis, siue mancipi esset, siue nec mancipi, quoties lex quaedam dominium alicui addiceret. Sic legatum ex lege XII Tabularum statim erat in dominio legatarii Vlpian. *XIX, 17. L. 120. D. de verb. signif. L. 47. §. ult. D. de pecul.* Eodem modo acquirebantur bona caduca atque ereptitia siue a fisco, siue a priuatis. Nam & his nonnunquam concedebantur caduca. Cuiac. *ad Nouell. I. Scip. Gentil. de iure adcrescendi. X.*

XXIX.

Distinctio inter dominium Quiritarium & bonitarium.

XXIX. Quidquid vlllo eiusmodi modo, fuerat acquisitum: IN DOMINIO QUIRITARIO; reliqua *in bonis esse* dicebantur. Vlpian. *Fragm. I, 16.* Theophil. *Instit. ad §. fin. tit. de Libertin* qui dominium quiritarium eleganter *ἐννομον* vel *legitimum*; bonitarium *φυσικόν* vel *naturale* vocat. Quod discrimen in eo maxime erat positum, quod domini Quiritarii re vsucapta vacui essent a litibus, vnde & optimo iure possi-

possidere dicebantur: quod secus se habebat in dominis bonitariis. Vid. Car. Sigon. *de antiquo iure ciu. Rom.* I, II. p. 150. Barn. Briffon. *Antiqu. Rom.* IV, 22. p. 78. Bynkershoeck. *de reb. manc.* IX. p. 131. Enimvero sustulit illud discrimen Iustinianus L. vn. C. de nudo iure Quirit. tollendo. L. vn. C. de usuc. transf. & de sublata diff. rer. manc. & nec mancepi. Vnde & in toto iure nostro nullum eius expressum superest vestigium, quamuis aliqua incaute reliquerit Tribonianus paullo obscuriora.

## TIT. II.

DE

REBUS CORPORALIBVS ET  
INCORPORALIBVS.

**N**Ouam rerum diuisionem hoc titulo subiungit Imperator, CORPORALES enim aliae sunt, aliae INCORPORALES, de quibus pauciora dici possunt ex antiquitatibus.

I. Philosophiae stoicae deditos fuisse ple- I. Stoica  
rosque Romanorum iureconsultos, iam supra definitio  
est obseruatum. Atqui Stoici non minus, quam rerum cor-  
reliqui philosophi, res omnes in corporales atq; poralium  
incorporales distinguere, illasque definire sole- & incor-  
bant, quod possent tangi. Seneca *Epist.* LVIII. *Quid- poralium.*  
*quid est, aut corporale est, aut incorporeale.* Idem  
*Epist.* CVI. Numquid est dubium, an id, quo quid  
TANGI potest, corpus sit? Lactant. *Inst. Diuin.*  
VII, 12. *Solidum & comprehensibile corpus est, & ocu-*

lis & manu videtur & tangitur. Ex Epicureis Lucretius l. v. 306.

*Tangere enim & tangi, nisi corpus, nulla potest res.*

II. Incorporales res magis non existere, quam existere putabant Stoici.

II. Iidem e stoa philosophi res incorporales magis illis, quae non sunt, quam, quae sunt, accensendas esse arbitrabantur, Cicero Topic.

V. Definitionum duo sunt genera prima. Vnum earum rerum, quae sunt, alterum earum rerum, quae intelliguntur. *Esse ea dico, quae cerni tangiue possunt, ut fundum, aedes, parietem, stillicidium, mancipium, peculem, supellectilem, penus & cetera. Non esse rursus ea dico, quae tangi demonstrari non possunt, ut si usucapionem, si tutelam, si gentem, si agnationem designas, quarum rerum nullum subest quasi corpus, est tamen quaedam conformatio insignita & impressa intelligentiae, quam notionem voco* Tertullian. *de Carne Christi plane sciamus: Omne quod est, corpus est sui generis: nihil est incorporale, nisi quod non est. Ex quo sane loco patet, veteres res solas corporeas existere, incorporeas tantum intelligi existimasse.*

III. Iure consulti definitiones stoicas adoptabant.

III. In his omnibus ergo philosophos sequebantur iureconsulti, qui & ipsi res incorporales & incorporales diuidebant, iisdem adoptatis definitionibus, corporales tangi posse, incorporales non posse, dicebant. Cai. *inst. II, l. 2.* quamuis, qui elegantius loquuntur, auctores illas RES, has IVRA adpellare malint Quinctil. *Inst. Orat. V, 10.* Et sane sic res multo est dilucidior, faciliusque intelligitur, cur pecunia, quae manibus tangi potest, pro diueris modis corporalibus rebus accenseatur §. *vn. Inst. l. r.*  
modo

modo opponatur corporibus *L. 46. D. de condict. indeb. L. 5. princ. D. de impens. in res dot. L. ult. D. de adim. legat.* Prout scilicet vel res ipsa vel ius seu valor consideratur, ita vel corporalibus vel incorporalibus rebus adnumeratur pecunia.

IV. Eodem ex fonte, id est, ex philosophia stoica, manavit, quod res incorporales a iure consultis magis iis, quae non sunt, quam quae sunt, adnumerantur. Paullus sane *L. 1. D. de usufr. leg. servitutes neque ex bonis, neque extra bona esse* contendit, quod ex principiis illis stoicorum, quae paullo ante declarauimus, explicandum esse, erudite docet. Ger. Nood. *Probabil. II, 3. p. 48. sequ.*

IV. Res in corporales & ipsi existere quodammodo negabant.

## TIT. III.

DE

SERVITVTIBVS RVSTICORVM  
ATQVE VRBANORVM PRAE-  
DIORVM.

**I**ncorporalia sunt omnia iura, atque adeo etiam SERVITVTES. Hae vel PERSONALES sunt vel REALES seu PRAEDIALES. Seruiunt enim non modo praedia rusticis atque urbanis praediis, verum etiam praedia & res personis, constituto in illis usufructu, usu vel habitatione vel in seruo operis. De illis titulo III. De his tit. IV. & V. agitur.

I.SER-



I. Quae-  
nam prae-  
dia rustica  
& urbana?

I. SERVITVS REALIS inhaeret praediis, iisdemque praestatur. A praedio dominante illae servitutes a iureconsultis in VRBANO-RVM ac RVSTICORVM PRAEDIORVM diuiduntur. Sed caue hic respicias ad locum. Praedia enim non a loco, sed ab vsu cognominabantur. Nam eodem modo & urbana mancipia a rusticis non loco sed opere seiungebantur. *L. 99. D. de legat. 3. L. 166. pr. D. de V. S.* Et Labeo suppellectilem & penum rusticam non loco sed genere vsus distinguendam putat. *L. 4. §. 5. D. de penu leg. L. 12. D. de supell. legat.* Immo & vestes, quibus ruri utebantur rusticas, quibus in vrbe urbanas vocatas ex loco elegante Titinnii demonstrat Merill. *Obs. III, 5.* Non ergo recte discrimen servitutum rusticorum urbanorumque praediorum desumitur ex *L. 3. D. de servit.* vbi Paullus *servitutes praediorum alias in solo, alias in superficie consilere,* ait. Praeterquam enim quod illud discrimen non ad praedia dominantia pertinet, a quibus alioquin servitutes diuersam denominationem sortiuntur: ne probari quidem potest, servitutes urbanorum praediorum tantum in superficie; rusticorum tantum in solo consistere. Sane Vlpianus *L. 11. §. 1. D. de Publ in rem actione* servitutem urbani praedii esse dicit, si per domum quis suam passus sit aquaeductum transduci: & ea tamen servitus in solo consistit. Contra si quis horto olitorio alterius deberet servitutem altius non tollendi, ea procul dubio foret servitus praedii rustici, quum tamen consistat in superficie, ceu recte animad-  
uer-

uertit Merrill. *Obs* I, 32. Nec magis rem videntur acu tetigisse, qui praedia rustica omnes fundos & areas; urbana omnia aedificia existimant. VRBANA enimerant & fundi voluptatis causa culti, veluti horti, modo eorum plurima pars non esset in reditu, quales sunt horti vinearii & olitorii: L. 198. D. de V. S. & omnia aedificia habitationi destinata, etiam si in villis exstructa. §. 2. *Inst. de seruit.* L. 1. D. *commun. praed.* L. 198. D. de *verbor. signif.* Veteres enim villam plerumque in tres diuidebant partes, quarum vnam *urbanam*, alteram *rusticam*, tertiam *fructuariam* adpellabant. *Urbanae* dicebantur aedes vel habitationis vel voluptatis causa conditae ubicumque sitae; *rusticae* complectebantur tecta, villico & reliquae familiae, ut & armentis & equis destinata: *fructuariae* denique constabant horreis & cellis, quibus omnium generum fructus recondebantur. Varro *de Re rust.* Lib. I. Cap. XIII. Columella *de Re rust.* I, 6. Urbanum in villis aedificium etiam praetorium dicitur apud Pallad. I, 8. Sueton. *Calig.* XXXVII. L. 198. D. de *verb. signif.* Et ex eo iam satis manifestum est, aedificia etiam ab usu in praedia *rustica* ac *urbana* diuidi solere.

II. Praediis his urbanis variae praestabantur seruitutes, quales erant *oneris ferendi*, *tigni immittendi*, *stillicidii*, *fluminis*, *cloacae*, *altius tollendi* vel non tollendi, *luminum*, & *aliae*. §. 1. *Inst. b. t.* Cai. *Inst.* II, 1. 3.

I I. Seruitutes praediorum urbano-  
rum.

III. Sic vicinae aedes tenebantur nonnquam vicinarum onus ferre, vel alienum aedificium columna vel pariete suo sustinere, *columnam*.

III. Seruitus oneris ferendi.

lumnamque & parietem praeterea reficere. Haec erat SERVITVS ONERIS. Non vero ideo a domino praedii feruientis reficienda erat columna feruiens, quod hoc naturae huius feruitutis inesset; PARIES ONERI FERVND. VTI NVNC EST, ITA SIT. *L. 33. D. de Seru. urb.* sed quod ea esset lex, id est, stipulatio in constituenda seruitute interposita. Nam id sibi diserte a vicino solebant stipulari, VT REFICERET LAPIDE QVADRATO vel LAPIDE STRVCTILI vel quovis alio opere. *L. 6. §. 5. D. si seru. vind.* Quamuis vero hanc pactionem contra naturam seruitutum esse iudicet Gallus Aquilius ob rationem *L. 15. §. 1. D. de seruitutibus*, eualuit tamen Seruii sententia qui hanc conditionem in hac seruitute admisit, quia feruientis praedii dominus facere nihil cogatur, sed parietem vel columnam derelinquere possit, ceu patet ex *L. 6. §. 2. D. si seruit. vindic.*

IV. Seruitus tigni immittendi.

IV. Si cuius paries non tam onus vicini ferre teneretur, quam pati dominus, vt tignum immitteretur suo parieti, erat haec SERVITVS TIGNI IMMITTENDI. Erat vero tignum omnis materies aedificii, quae alterius parieti immitti poterat, veluti trabs, lapis, ferrum. Quamuis enim Architecti strictiore vsu vocabuli significatione tignum pro trabibus in contignatione accipiant: Vitruu. IV, 4 aliter tamen loquebantur ICTi ob exemplum in Lege XII. tabularum exstans, vbi tigni adpellatione omne genus materiae, ex qua aedificia constant, significatur *L. 62. D. de V. S.* Quod ut intelligatur rectius,

rectius, obseruandum videtur, veteres Romanos incendiiorum metu aedes aedibus ita vicinas esse iussisse, vt spatium quoddam vel interstitium relinqueretur, quod *ambitus* dicitur in legibus XII, Tabularum. Varro de Lingu. Lat. IV, 4. p. 6. **AMBITVS**, iter, quod circumeundo teritur. Nam *ambitus* circuitus; ab eoque XII. tabularum interpretes *ambitum* parietis circumitum esse describunt. Festus voce *ambitus* p. 250 **AMBITVS** proprie dicitur inter vicinorum aedificia locus duorum pedum & semipedis, ad circumeundi facultatem relatus: Et paucis interiectis: *Ambitus* proprio dicitur circumitus aedificiorum, patens in latitudinem pedes duos & semisem, in longitudinem idem, quod aedificium. Add. Cuiac. Obs. XIX, 21. Et huc pertinet Inscriptio vetus Romana in Sadoleti hortis effossa:

INTER. DVOS.

PARIETES.

AMBITVS. PRIVAT.

FLAVI. SABINI.

Briffon. *Antiqu. Select.* 1, 2. Non ergo licebat antiquis aedes iungere sine interstitio; neque adeo tunc facile locum inueniebat seruitus tigni immittendi. Postea vero aucto ciuium numero, quum pomperia antiqua tantam aedium copiam vix caperent: non solum ipsa pomperia subinde prolata, verum etiam omnes areae aedibus occupatae sunt, adeo vt non nisi inter quasdam interstitium relinqueretur. Quaecunque vero aedificia communi pariete concludebantur, circuituque publico aut priuato cingebantur, ea dicebantur **INSVLAE**. Fest. voce



voce *Insulae*. L. 2. §. 14. *D. ne quid in loco publ.* (cui non ob stare L. 13. *pr. D. de seru.* ostendit Cuiac. *Obs.* I, 4.) Iis insulis vel potius inquilinis aedium vna insula comprehensarum, non modo singulares erant GENII Reines. *Class.* I, 138. sed & custodiendis iisdem praepositi erant serui, quos INSULARIOS dici animaduertimus in L. 166. §. 1. *D. de V. S.* & L. 16. §. 1. *D. de usu & habitat.* Grut. p. DCXXIV, 4. Porro ambitus isti insularum dicebantur *angiportus*. Et quia per illos compendii causa iri solebat, hinc Festo *angiportus* est *iter compendiarium in oppido*. Nihil tamen in illis agi poterat. Varro de *Lingua Lat.* V, 5. p. 37. immo ne peruii quidem semper erant, ut ex Terent *Adelph.* IV, 2. patet. Sed haec *angiporta* ut dixi rariora erant, postquam aucta vrbe omnes areae aedificiis occupabantur. Hinc est, quod Seneca *controu.* II, 9. conqueritur, *tantas suo tempore fuisse viarum angustias, ut neque aduersus ignem praesidium, neque ex ruinis ullam in partem effugium fuerit.* Ex quo ergo propius sibi inuicem iungi coeperant aedes: seruitutes illae tum oneris ferendi tum immit-tendi tigna in usu esse coeperunt, ad id quippe comparatae, ut arearum spacium lucrifacerent, quod nouis muris, columnis ac parietibus ex-struendis occupandum fuisset. Primus Nero veterem aedificandi morem restituit, constituitque, ut ne communione parietum. sed propriis quaeque domus muris ambirentur. Tacit. *Annal.* XV, 42. Postea Antoninus, & Verus Augusti rescripserunt, *in area, quae nulli seruitutem debet, posse dominum vel alium eius voluntate aedificare,*

*aedificare, intermisso legitimo spatio a vicina insula.*  
*L. 14 D. de seruit. urb. praed. adeoque ex eo tem-*  
*pore denuo aedes sibi propius iungi coepe-*  
*runt, communique pariete concludi, ita tamen*  
*ut insularum maneret circuitus. Denique &*  
*Constantinus M. & sequentes Imperatores*  
*constitutionibus quibusdam definire coepe-*  
*runt, quantum aedes priuatae ab horreo, quan-*  
*tum a loco publico abesse deberent. L. 4. & L.*  
*46. Cod. Theod. de oper. publ. L. 9. & L. 11. C. de ae-*  
*dificiis priuat. Addantur Barn. Briffon. Antiqu.*  
*Rom. Select. I, 2 p. 4. Cuiac Obseru. I, 4 p. 3.*

V **Seruitutes STILLICIDII & FLVMINIS** aquae pluuiae causa erant constitutae. Te-  
 nebatur enim vicinus aquam istam vel in vicini  
 hortum areamue immittere, vel ex alieno tecto  
 in suam aream recipere. si ab eo stipulatus erat  
 vicinus: **FLVMINA STILLICIDIA VTI**  
**NUNC SVNT ITA SINT.** Briffon. *Antiqu.*

V. Seruitu-  
 tes stillici-  
 dii & flu-  
 minis.

*Rom. Select. I, 19. p. 22. Stillicidium vero & flumen*  
*quomodo differant, docet Varro de Lingu. Lat.*  
*IV, 5 p. 8. Fluvius, quod fluit, item flumen: a quo*  
*lege praediorum urbanorum scribitur: Stillicidia flu-*  
*minaque ut ita fluant, cadantque. Inter haec hoc in-*  
*terest, quod stillicidium; eo quod stillatim cadit: flu-*  
*men, quod fluat continue. Sane quum aedes Ro-*  
*manorum pleraeque tecto declivi carerent non*  
*poterant non canales vel alvei plures in supre-*  
*ma superficie esse, per quos aqua pluvia deflue-*  
*ret: aut certe tegulas oportebat tecto imponi,*  
*quae imbres exceptas in terram dmitterent.*  
*Vid. Guil. Philandr ad Vitruu. Archit VII, 11.*  
*Illud ergo flumen; hoc dictum est stillicidium.*

VI. Serui-  
tus cloa-  
cae.

VI. CLOACAE Romae dicebantur con-  
camerationes subterraneae, stupendi operis, per  
quas sordes & collecta colluies vrbe educta in  
Tiberim exonerabatur (a) eaeque vel *publicae*  
erant, vel *privatae* L. 1. §. 9. D. de cloac. PVBLI-  
CAS duxit Tarquinius Priscus, testibus Livi-  
o *Hist. l. 32* & Dionys. Halic. *Ant. Rom III, p. 200*.  
easque tam splendas fuisse, ait Cassiodor. *Var.*  
*III, 30. tantumque visentibus contulisse stuporem, ut*  
*aliarum quoque ciuitatum potuerint miracula supera-*  
*re.* Meretur illa tota Cassiodori descriptio le-  
gi, eique addi idem Cass. *Var. VIII, 29. 30.* &  
Plin. *Hist. Nat. XXXVI, 15.* Purgandarum ea-  
rum causa non solum tributum inferebatur,  
quod *cloacarium* dicitur L. 27. §. 3. D. de usufruct.  
L. 39. §. 5. D. de legat. 1. verum etiam ii, qui ad  
poenam fuerant damnati, eidem operi adhibe-  
bantur. Traian. Imp. ad Plin. *Epist. X, 41.* Sed &  
interdictum proditum erat: QVOD IN  
CLOACA PVBLICA FACTVM, SIVE IM-  
MISSVM HABES, QVO VSVS EIVS DE-  
TERIOR SIT, FIAT RESTITVAS. ITEM  
NE QVID FIAT IMMITTATVRVE IN-  
TERDICAM. L. 1. §. 15. *sequ. D. de cloac.* Quin  
ut illae cauernae eo rectius conseruarentur: sin-  
gulares iis praefecti erant magistratus, qui CV-  
RATORES CLOACARVM VRBIS vocan-  
tur apud Grut. *Inscr. p. CXC VII, 5. p. CXC VIII,*  
*2. 3. 4. 5. p. CCLII, 1.* Ast quum publicae istae  
cloa-

(a) Hinc Festus voce *cloacae* p. 268. dictas illas existi-  
mat a *conluendo* & *cloacale flumen* Cato dixit, pro cloa-  
carum omnium conluie.

cloacae initio per publicum essent ductae: post incendium Gallicum, mutato vicorum aediumque situ, illae passim subierunt tecta. Qua de re Liuius *Hist. V. fin. Festinatio curam exemit vicos dirigendi, dum omisso sui alienique discrimine in vacuo aedificant. Et est causa, ut veteres cloacae, primum per publicum ductae, nunc priuata passim subeant tecta, formaeque urbis sit occupatae magis, quam diuisae, similis.* Hae publicae cloacae. PRIVATAE erant, quae ex priuatis quibusque aedibus in publicas illas immittebantur. Quandoquidem ergo publicae illae, ut iam ex Liuiio demonstrauius, passim subierunt tecta priuata: opus nonnunquam erat seruitute CLOACAE, & vicinus a vicino stipulabatur, ut liceret sibi priuatam cloacam per eius fundum deducam in cloacas immittere. L. 7. D. de seruit. L. 1. §. 4. D. de cloac.

VII. Antiquissimis porro temporibus suas quisque aedes in infinitum tollere poterat, idque etiam est libertatis naturalis, L. 9. & L. 24. D. de seru. urb. praed. L. 27. D. de damn. infect. dummodo nihil in alienum immittatur. L. 8. §. 5. D. si seru. vindic. Enimuero quum id prospectui luminibusque officeret, aerque liberior hoc ipso vicinis interciperetur: saepe alter ab altero stipulabatur, ne altius tolleretur. Atque inde nascebatur seruitus ALTIVS NON TOLLENDI. At postea certus quidam aedium altitudini modus lege statutus est. Sane iam libera & florente republica ea de re fuisse cogitatum, docet Rutilii nescio cuius oratio de modo aedificiorum, quam ab Augusto recitatam esse in senatu, ut eam rem non a se primo animad-

VII. Seruitus non altius tollendi.



uersam, sed antiquis iam curae fuisse, ostenderet, discimus ex Sueton. *Aug. LXXXIX.* Sed & ipse Augustus, vt crebris ruinis subueniret, lege lata statuit, vt ne quis septuaginta pedibus tolleretur altius. Strabo *Geogr. V. p. 162.* πρὸς δὲ τὰς συμπτώσεις τὰ ὕψη τῶν καινῶν οἰκοδομημάτων καθελὼν, καὶ κωλύσας ἐξαίρειν ποδῶν ὅ τὸ πρὸς ταῖς ὁδοῖς ταῖς δημοσίαις. *Ruinis quoque subuenturus, nimiam aedificiorum altitudinem sustulit, vetuitque ad vicos publicos altius septuaginta pedibus tollere.* Incensa deinde vrbe, etiam Nero aedificiorum altitudinem cohibuit, teste Tacito *Ann. XV. 43.* quamuis, quem ea in re modum seruauit, non sit memoriae proditum. Denique & Traianus aedium altitudinem sexaginta pedes superare vetuit, ob ruinas faciles, & sumtus, si quid tale contingeret, exitiosos. Aurel. Victor. *Epit. vit. Traian. XIII.* Et sane haec quoque altitudo est maxima, vnde non mirum, de ea conqueri Senecam *Controu. II, 9.* quamuis eam ipsa necessitate ciuiumque frequentia excusari existimet Vitruu. *Architect. II, 9.* Vt vt sit, sane & posteris placuit is aedificiorum modus, vnde ad illum respiciunt Imperatores Seuerus & Antoninus *L. 1. C. de aedific. priu.* Quin & Constantinopoli eiusmodi legem obseruatam esse, docet Iac. Oisfel. *ad Caii Instit. II, 1. 3.* Quemadmodum ergo, quae sit non altius tollendi seruitus, ex ipso vocabulo eisque, quae dicta haecenus sunt, satis intelligitur ita eo obscurior est seruitus ei opposita **ALTIVS TOLLENDI.** Quamuis enim vulgo seruitutem altius tollendi explicent ex constitutione Zenonis *L. 12. §. 1. C. de aedific. priuat. de*

eo casu, si quis a vicino impetrauerit libertatem aedes suas altius, quam leges ferant, tollendi: tamen huius seruitutis iam ante Zenonem mentio fit a Caio *L. 2. D. de seru. urb. praed.* nec verosimile est, ante hanc constitutionem licuisse priuatis pactis restringere leges publicas. Itaque vero similior est sententia eorum, qui hic putant de eo casu actum ubi vicinus pati teneretur vt vicinus *ὁ παρὸν* vel caenaculum imponere posset aedibus eius. A. A. Pagenstech. *Sicilim. Manip. III p. 70.* Verum nec id dubio caret, si illud *ὁ παρὸν* vel caenaculum maneat aedificantis. Nam tunc non differet haec seruitus a seruitute oneris ferendi, vti recte vidit Sam. Stryk *ὁ μαχαρίτης. Vsf. Digest. VIII, 2, 7.* Fusius ea de re alibi erit dicendi locus.

VIII. Multum porro interesse videbatur veterum, ita clausas habere areas, vt remotis arbitris versari in iis posset familia. Vnde & Druso promittebat architectus, ita se aedificaturum domum, vt procul ab omnium arbitrio atque adspectu in ea habitaret. Vellei. Patercul. *Hist. II, 14.* Licebat enim cuius, in pariete suo fenestras, quot vellet aperire, sed & alteri licebat fenestris vicini in aream suam apertis obstruere. Quod si itaque aliquis fenestras in alieno vel communi pariete apertas habere vellet, opus erat seruitute LVMINVM. Sin impedire vellet alter, ne vicinus fenestras in suo pariete apertas obstrueret, stipulabatur a vicino: LVMINA VTI NVNC SVNT, ITA SINT, Brissou. *Antiqu. Rom. I, 19. p. 21.* Atque inde nascebatur seruitus NE LVMINIBVS OFFI-

VIII. Seruitus luminum, & ne luminibus officiatur.

CIATVR. Nonnumquam etiam pacifcebantur, ne ius esset vicino, se invitis altius aedificare, atque ita officere luminibus, de qua servitute L. 3. D. de serv. urb. praed. Immo ut prospicere liceret &, ne prospectui officeretur, interposita stipulatione cauebant. L. 14. & L. 18. D. eod.

IX. Servitutes praediorum rusticorum.

IX. Servitutes praediorum rusticorum quatuor recenset Imperator *pr. Inst. h. t.* ITER, ACTVM, VIAM, AQVAEDVCTVM, sed §. 2. adiicit. AQVAE HAVSTVM, PECORIS AD AQVAM ADPVLSVM, IVS PASSCENDI, CALCIS COQVENDAE, ARENAE FODIENDAE. Nos praecipua tantum conspectabimur.

X. Iter actus via.

X. ITER ab *eundo*; ACTVM ab *agendo*, VIAM a *vehendo* dictam esse, observat Varro *de Lingua Lat. IV*, 4. p. 7. Ergo ITER est ius eundi ambulandi hominis, non etiam agendi pecus aut ducendi vehiculum. L. 1. D. de serv. rust. praed. quamvis & equo vehi & sella gestari liceret ei, cui iter debebatur. L. 12. D. eod. ACTVS erat ius & eundi & agendi vel iumentum vel vehiculum, non tamen onustum. L. 1. & L. 11. D. eod. (b) VIA denique ius & eundi & agendi & vehicula onusta per alterius fundum ducendi complectebatur. L. 7. D. eod. Adeoque tertia servitus primam & secundam, secunda etiam primam in se continebat, adeo, ut dividi non possent, & hinc, si quis iter & actum acceptum

(b) Intelligendum hic esse non plaustrum, oneribus trahendis aptum, sed currum trusatilem, praeclare observat. Bynkersh. *Obs.* IV, 7. p. 365.

ptum tulisset, perimeretur etiam viae obligatio. L. 13. §. 1. D. de acceptilat. Nonnumquam tamen iter & actum simul sibi stipulabantur, ut patet ex Gruter. *Inscript. p. CCI, 3.*

PER. HANC.

VIAM. FVNDI.

C. MARCI. CL.

PHILERONIS.

ITER. ACTVS.

DEBTVR.

Cuius rei rationem elegantem reddit Cuiac. *Obs. XXII, 35.* quod viae iter & actus *propalam* inest, actui autem iter tantum tacite & per consequentiam. Vnde non mirum, saepe sibi homines actum & iter simul stipulatos. Ex eodem vero lapide etiam patet, seruitutes non hominum sed praediorum esse, quod & ius nostrum inculcat L. 20. §. ult. D. de seru. praed. *rust.* L. 86. D. de verb. signif. ubi addi meretur Ger. Nood. *Probab. I, 2. p. 4. sequ.*

XI. VIAE latitudo in porrectum octo pedum erat, in anfractum sedecim, L. 8. D. de seru. praed. *rust.* Varro de *Lingu. Lat. VI, 2. p. 48.* Ex quibus discimus, hunc viae modum ex legibus XII. Tabularum esse. quibus cautum fuerat: VIA IN PORRECTO VIII. P. IN AMFRACTO XVI. P. LATA ESTO. Gothofr. ad XII. Tab. Tab. VIII. ACTVS latitudo quatuor pedum erat, teste eodem Varrone de *Lingu. Lat. IV, 4. p. 6.* & Festo voce *actus p. 243.* Itineris latitudo parum comperta est. Potuisse tamen pro paciscentium arbitrio vel latiore vel angustiore constitui viam vel actum, patet

XI. Viae & actus latitudo.



ex L. 23. pr. D. eod. adeoque idem de itinere dici posse videtur.

XII. Serui-  
tus aquae  
ductus.

XII AQUAE DUCTUS erat ius aquam ducendi per alterius praedium, quod vel riuis per canales structiles, vel fistulis plumbeis, vel tubulis fictilibus fiebat, teste Vitruu. *Architect. VIII, 7.* quibus tamen & canales ligneos addit. Palladius. IX, ii. Erant isti aquaeductus vel PUBLICI vel PRIUATI In illis exstruendis tam splendidi tamque magnifici erant Romani, vt pauca, quae hinc inde supersunt, rudera posteris sint admirationi. Solebant enim exstruere fornices, & veluti pontes per quos aqua tanquam flumen aliquod in urbem duceretur, ceu docet aqua Traiana depicta in numo apud Vaillant. *Num. Imp. p. 47.* De eiusmodi Aquaeductibus Rutil. Numatian. *Itin. l. v. 97.*

*Quid loquar aereo pendentes fornice riuos,*

*Qua vix imbriferas tolleret Iris aquas?*

*Hos potius dicas creuisse in sidera montes,*

*Quale giganteum Graeciae laudat opus.*

*Intercepta tuis conduntur flumina muris,*

*Consumunt totos celsa lauacra lacus.*

Tales erant Romae aqua Claudia, Curtia, Traiana aliaeque plures, quarum passim in Marmoribus fit mentio. Et sane his aquis non solum ad necessitatem utebantur, sed & ad voluptatem & luxuriam, ad quam in primis comparata erant *Nymphaea*, quorum vestigia sunt in L. 5. L. 6 C. de aquaeduct. nec non apud Reines. *Inscr. I. Class. I, 200.* & Ioseph. de Bell. Iud. I, 16. Erant haec aedificia publica ambitiosi operis, in quibus aquae corruatae spectantium delectationi

stationi ac refrigerationi miris modis saliebant. Vid. Pancirol *Theſaur. Var. Lect.* I, 5. Haec publicis sumtibus solebant extrui. Sed nec magis sumtibus pepercerunt priuati, qui saepe aquam per omnia cubicula & triclinia ducebant, immo & euripos in his effodiebant, in quibus pisces inter coenandum caperent. Insignia huius luxuriae exempla exstant apud Senecam *Nat. Quaest.* III, 17. & *praefat. lib. I.* Item de *Tranquill. animi* I. Plin. *Epist.* V, 6. (b) Quum ergo aquam saepe procul & per alienos fundos duci oporteret: occasionem id dedit seruituti aquaeductus, de qua plura dabunt iureconsulti.

XIII. Reliquae seruitutes facile vel ex ipsis XIII. De nominibus intelliguntur, & passim de iis copiose agunt Interpretes, quibus addendi lac. reliquis seruitutibus remissive. Cuiac. *Obſeru.* XXII, 35. Aeg. Menag. *Amoenit. iur. civil.* XXXVI. Vlr. Hub. *Digress.* II, 12. *sequ.* Corn. van Bynkershoek. *Obſeru.* IV, 7.

## TIT. IV. &amp; V.

DE

VSVFRVCTV, VSV ET  
HABITATIONE.

**H**Ae seruitutes, de quibus adhuc actum, reales sunt: personales vero USUFRUCTUS,

(c) Huc pertinent etiam, riui aquae fluentis, parietibus inducti, de quibus Edmund. Merill. *Variant.* III, 1. & Ger. Nood. *de vsufr.* I. 12. p. 565.

Ff 5

(d)

CTVS , VSVS HABITATIO , OPERAE SERVORVM , de quibus his titulis agit Imperator. Nos post eruditissimas M. Aurelii Galuani & Ger. Nodtii commentationes pauca tantum monebimus.

I. Quid venteribus fuerit vti?

I. Ad vocabulum quod attinet: ab *utendo & fruendo* dictus est VSVSERVCTVS. *Vti* ré, vt erudite ostendit Ger. Nood. *de Vsufr.* I, 1. p. 526. est, eandem adhibere ad vitae necessitatem, sed quatenus sufficit , & vt salua maneat eius substantia. Vnde propria vsus tria sunt , primum, vt vtentis necessitate finiatur ; alterum , ne rei conditio mutetur : postremum, vt ne res vtendo consumatur, aut pereat. Primum Horatius significat , *Epist.* II, 2. v. 190.

*Vtar & ex medico, quant im res poscit, acervo Tollam.*

Secundum patet ex *L. 15. §. 1. & 5. D. de vsufr.* Tertium notat Donatus in *Terent. prolog. Andr.* VTIMVR fructibus rei, quae ab amantibus saluo vsu nobis subministrantur ; ABVTIMVR , quando deperdimus rem & fructum, vsui est ager, domus : abusi vinum, oleum, & cetera huiusmodi.

II. Quid frui ?

II. FRVI latius patet ac vti : quemadmodum vel ex Seneca patet *de vita beata Cap. X.* vbi philosophus : Tu, inquit, voluptatem complecteris : ego compesco, tu voluptate FRVERIS : ego VTOR. Fructus ergo non vtentis necessitate neque rei conditione circumscribitur : sed qualemcumque praesentem utilitatem , commoditatem, oblectationemue, quae ex re eiusue occasione percipi potest, complectitur, prorsusq; adeo neque finem habet neque modum, ceu egregie ostendit

ostendit Augustinus de *Doctrina Christi*, cap. III.  
Ger. Nood I, 1. p. 526. *sequ.*

III. *Vsusfructus* ergo neque merum fru- III. Quid  
ctum neque merum *vsu* continet, sed ex *vtro-* *vsusfru-*  
*que* colligitur. Ex *vsu* enim id habet, quod *ctus* ?  
saluam relinquit substantiam: ex *fructu* vero,  
quod non sola necessitate finitur. Adeoque  
est *ius vtendi fruendi rebus alienis, salua earum sub-*  
*stantia.* L. 1. D. de *vsufr.*

IV. Poterat ergo *vsus* quidem legari sine IV. Quid  
*fructu*: sed non *fructus* sine *vsu*. Non enim *vsus* ?  
debet, cui plus licet, quod minus est, non lice-  
re. L. 21. D. de R. I. Et praeterea *frui* dicimur  
etiam, quum rem plane absumimus, neque sal-  
uam relinquimus substantiam. Quum ergo  
hoc casu nihil reliquum mansurum esset: facile  
patet, inutilem esse proprietatem, si *fructus*, de-  
ducto *vsu*, legetur. L. 14. §. 1. D. de *vsu & habit.*  
At *vsus*, sine *fructu* legatus, sola *vtentis* necessi-  
tate finitur, saluamque esse oportet non solum  
rei substantiam, sed & conditionem, L. 12. §. 1.  
D. de *vsu & habit.* Minus ergo continet *vsus*,  
quam *vsusfructus*, & hinc ille nec pro parte le-  
gari potest, quod potest *vsusfructus*. L. 19. D. *cod.*  
nec etiam res *vsui* concessa vel donatione vel lo-  
catione, vel vilo alio titulo, in alterum transfer-  
ri, quod itidem poterat *vsusfructus* §. 1. *Inst. eod.*  
L. 12. §. 2. L. 38. *seq.* L. 67. D. de *vsufruct.*

V. Parum ab *vsu* differt HABITATIO, sed V. Quid  
differt tamen. Nam I. aliquid amplius habita- *habitatio* ?  
tioni inest quam *vsui*: siquidem is, cui debetur  
habitatio, totam domum non solum inhabita-  
re, sed & locare vel gratis concedere potest.

L. 13.



*L. 13. C. de usufr.* quae secus se habent, si solus usus aedium legatus sit. II. Habitatio non amittitur, non utendo, neque III. capitis diminutione, perinde ut usus, perimitur, ut ex *L. 10. D. de usu & habit.* a se ingeniose emendata ostendit Ger. Nood. *Probab. III, 7. p. 79.*

VI. Origo  
horum iu-  
rium.

VI. Ceterum haec omnia originem debere videntur ultimis voluntatibus. Quum enim morientes alicui bene cuperent, neque tamen eius heredibus consultum vellent: excogitarunt ius illud utendi fruendi, a dominio & proprietate seiunctum, ut moriente legatario, rei legatae usufructus cum proprietate consolidaretur. Postea etiam aliis modis, veluti stipulatione, quam tamen sequebatur traditio, nec non iudiciis diuisoriis, immo etiam lege, constituebatur usufructus, ut accurate docet Ger. Nood. *de Usufr. II, 1. sequ. p. 601. sequ.*

VII. Vfus-  
fructus  
quantita-  
tum & iu-  
rium SC.  
introdu-  
ctus.

VII. Et initio quidem usufructus in solis constituebatur corporibus postea SC. prodiit, quod etiam in quantitatibus & iuribus quasi usufructum constituere permittebat, dummodo cauere fructuarius, se finito usufructu tantundem restitutum. Qua de re Ulpianus *Fragm. XXIV, 26. & 27. Usufructus iure civili legari potest earum rerum quarum salua substantia utendi fruendi potest esse facultas, & tam singularum rerum, quam plurium, id est, partis Senatusconsulto cautum est, ut etiam, si earum rerum, quae in abusu continentur, ut puta vini, olei, tritici usufructus legatus sit, legatario res tradantur, cautionibus interpositis, de restituendis eis, quum usufructus ad legatarium pertinere desierit: Eiusdem SC. mentio fit L. 1. D. de*

*de usufr. ear. rerum. L. 24. de usufr. leg. L. ult. usufr. quemadm. caueat. L. 69. ad L. Falcid. L. 1. C. de usufr.* Quando factum sit id SC. non liquet. Sane non illud adscendit ad tempora Ciceronis, cuius tempore, ceu ex *Topic. cap. III.* patet, corporum tantum, non item quantitatum & iurium erat usufructus. Quum vero illud iam interpretati sint Massurius Sabinus, Nerua & Cassius & Proculus, ceu colligi potest ex *L. 5. §. 1. & L. 3. D. de usufr. ear. rer.* quos omnes sub Tiberio floruisse constat: hoc quoque, vel certe Augusto imperante, SC. factum esse oportet. Vid. Marc. Aurel. Galuan. *de Vsufruct. cap. III.* Ger. Nood. *de usufr. II, 20. p. 589.* Schulting. *Iurisp. vet. anteiustin. p. 658.*

VIII. Ceterum ita constitutus usufructus, VIII. Quibus modis finiebatur vel tempore, ad quod fuerat constitutus, vel morte fructuarii, vel capitis deminutione, vel non vtendo per constitutum tempus, finitus usufructus? vel facta in iure cessione, vel consolidatione, vel mutatione denique aut interitu rei fructuariae, de quibus omnibus plenius iureconfulti, inprimis Ger. Nood. *de Vsufr. II, 5. sequ.* Eadem omnia locum quoque habebant in usufructu ciuitatilegato. Mori enim & ciuitas videbatur, simulac interiisset, veluti absorpta terrae motu, vel inundatione. Capite minui, si in eam induceretur aratrum. *L. 21. D. quib. modis usufructus vel usus am.* Quemadmodum enim aratrum adhibebatur in condendis vrbibus, eo fine, vt vbi fulcum duxissent Triumviri coloniae deducendae, muri exstruerentur, & eos quodammodo religio occuparet: Vid. *Lib. II. Tit.*

*Tit. I. §. 6.* ita aratrum toti areae urbis inductum, eam reddebat sacram, ut habitari a nullo mortali-um posset. Hinc Zonar. *Tomo II. Anna'*. refert, Carthaginis aream Senatum Romanum sacrasse, & decreuisse, ἡπαρὰ τοῦ πᾶν αὐτῇ κατοικῆσαι τινα. *Execrabile fore, ibi quemquam habitare.* Plura de eo ritu habent P. Faber *Semestr. I, 8.* Iac. Ræuard. *Coniectan. II, 7.* Quod si neutrum horum contingeret, ususfructus saeculo circumactō finiebatur. L. 56. *de usufr.* L. 8. *de usufr.* leg. Petr. Fab. *Semestr. l. c.* Ger. Nood. *de usufr. II, 6. p. 614.*

## TIT. VI.

DE

VSVCAPIONIBVS ET LONGI  
TEMPORIS PRAESCRIPTIO-  
NIBVS.

**M**odis acquirendi rerum dominium, iure ciuili inuentis, accensenda etiam est VSVCAPIO, de qua singulari hoc titulo agit Imperator. Nos rem ex antiquitate explicabimus.

I. Vfuca-  
pio e iure  
Attico est.

I. Vfusucapionem, quae & *usus auctoritas* dicta veteribus, ex iure Attico ad Romanos fluxisse, admodum fit verosimile. Plato certe, qui in plerisque talibus ius Atticum sequi solet, vsucapionem quoque admittit in sua republica, Vid. Plat. *de Leg. XII. p. 691.* Sed non nisi mobilium, quibus si quis aperte intra urbem per annum; ruri per quinquennium usus sit, vsucapionem completam esse iusserat. Porro si

si ruri occulte res haberetur, usque ad decennium vindicari eam posse volebat, sin extra territorium, aduersus possessorem aeternam auctoritatem fore denunciabat. Et ad leges Atticas procul dubio respicit Isocrates, quando sub persona Archedami ait: ἀλλὰ μὲν εἰς ἐκείνημας λέληθεν, ὅτι τὰς κτήσεις, καὶ τὰς ἰδίας καὶ κοινὰς, ἢ ἐπιγένητε πολὺς χρόνος, κυρίως καὶ πατοῦας πάντες νομίζουσιν. *Sed nec illud vos praeterit, possessiones siue priuatas, siue publicas praescriptione longi temporis & confirmari, & patrimonii loco habendas, persuasum esse hominibus.*

II. Romam eam inuexerunt leges decem-  
virales, in quibus ita cautum legimus: VSVS  
AVCTORITAS FVNDI BIENNII, CETE-  
RARVM RERVM ANNVVS VSVS  
ESTO. Gothofred. *ad Leg. XII. Tab. Tab. VI.*  
Res ergo immobiles Romae biennio, mobiles an-  
no vsucapiebantur. Quum vero eo tempore,  
quo XII. Tabulae condebantur, intra Italiam  
consisteret Romana potentia: factum est, vt  
vsucapio non nisi in fundis Italicis vel Italici iu-  
ris, adeoque in immobilibus rebus tantum  
mancipi haberet locum. Fundorum vero pro-  
uincialium proprietatem nunquam adquirebat  
priuatus, sed populus, (a) adeoque in iis non  
pro-

II. Lex XII.  
Tab. de v-  
fucapionis  
tempore.

(a) Quamuis enim praedia eiusmodi sub conditione annuae praestationis vel prouincialibus, vel ipsis ciuibus concederentur; supremum tamen & directum dominium erat penes populum. Hinc vocabantur praedia stipendiaria & tributaria. Theophil. in §. 40. *Inst. de rer. diuis.* Vid. Bynkersh. *de rebus manc. & nec mancipi* IX. p. 130. *sequ.*

(b)



procedebat *vsucapio* Qua de re eleganter Theophilus in §. 40. *Inst. de rer. diuis.* Οἱ τὰ σιωπιδιάρια καὶ τριδεδάρια ἔχοντες πόλιν κατὰ συγχώρησιν δῆμος ἢ βασιλέως, καὶ ἦσαν δεσπόται. Ἡ γὰρ δεσποτιεῖα αὐτῶν ἢ παρὰ τῷ δήμῳ, ἢ παρὰ τῷ βασιλεῖ, αἱ εἶχον τὴν ἐπὶ αὐτοῖς χρῆσιν, καὶ ἐπικαρσίαν, καὶ πωλησιεὶ ἀτὴν κατοχὴν, ὥστε δύνασθαι καὶ ἐφ' ἐτέρων μεταφέρειν, καὶ κληρονόμοις παραπέμπειν. Τῶν γὰρ Ἰταλικῶν ἀγρῶν ἡτοιδικίων οἱ δεσπόται τὴν δεσποτέαν εἶχον. *Qui olim ex concessione populi vel Principis stipendiaria vel tributaria praedia habebant, domini non erant: nam dominium illorum erat aut apud populum aut apud principem, sed usum & fructum eorum habebant, & plenissimam possessionem, ita ut & transferre possent in alios, & ad heredes transmittere. Italicorum autem fundorum domuumque domini dominium habebant. Itaque non magis vsucapione adquiri poterat praedii prouincialis dominium quam rei comodatae aut praedii fructuarii. Iam Vinc. Grauin de Leg. XII. Tabul. p. 37. Res mobiles omnes vsucapi poterant, Mancipi aequae ac nec Mancipi: atque ita intelligenda illa Vlpiani Fragm. XIX, 8. Vsucapione dominia adipiscimur tam Mancipi rerum, quam nec Mancipi. Cuiac. Paratit. ad tit. C. de vsucap. transf.*

III. Vt & de *vsucapione peregrinis* deneganda.

III. Iisdem legibus decemuiralibus denegatum fuerat peregrinis ius *vsucapiendi*, eamque in rem ita cautum: **ADVERSUS HOSTEM AETERNA AUCTORITAS ESTO.** Cicero de *Offic.* I 12. Hostis tum erat peregrinus, ceu post Ciceronem etiam Caius docet L. 234. pr. D. de verbor. signif. Et hoc sensu Ennius de Scipione Africano:

*Hic*

*Hic est ille situs, cui nemo civis neque hostis*

*Quiuit pro factis reddere operae pretium.*

Quum ergo vsucapio esset modus acquirendi iuris civilis: non magis communis ea cum ciuibus erat peregrinis, quam mancipatio aut in iure cessio. Videtur tamen postea hoc ius communicatum esse cum Latinis Iunianis, iisque peregrinis, quibus commercium datum erat. Nam hos etiam mancipationis ius habuisse, patet ex Vlpiani *Fragm. XIX, 4.* Post constitutionem Antonini Caracallae, ciuitatemque cum omnibus ingenuis communicatam non superfluit Latinitatis illius vsus, superfluit tamen peregrinitas, vnde & post ea tempora cum multis peregrinis & barbaris ius nexus, hereditatum, vsucapionis communicari consuevit. Ezech. Spanh. *Orb. Rom. Exerc. II, 13. sequent.*

IV. Quod vero Lex XII. Tabularum re-  
rum furtiuarum vsucapionem inhibuit, id de  
ipso tantum fure videtur intellectum, vsque ad  
legem ATINIAM, qua primum cautum, *ut*  
*quod subreptum esset, eius rei aeterna esset auctoritas,*  
*nisi si in eius, cui subreptum esset, potestatem reuertis-*  
*set.* Ita Gell. *Noct. Att. XVII, 7.* Paullus. *L. 4;*  
*§. 6. D de usurp. & vsucap.* Iulianus *L. 33. pr. D.*  
*cod.* Incerta est legis aetas, nisi quod ante Scae-  
uolam, Brutum, & Manilium ut & P. Nigidi-  
um latam fuisse ex Gellio constat. Praeterea  
iam Cicero *Verrin. III.* eius meminit. Vnde non  
admodum a veritate abludere videtur conie-  
ctura Steph. Vin. Pighii, *Annal T. II p. 255.* le-  
gem hanc A. V. C. DLVI. Caio Cornelio Ce-  
thego

IV. Lex  
Atinia de  
vsucapio-  
ne rerum  
furtiua-  
rum.

thego & Q. Minutio Rufo coff. a C. Atinio La-  
beone Tribuno plebis latam, existimantis. Ex-  
stat Andr. Puluaei *liber singularis ad legem Atini-*  
*am, seu de rei furtinae prohibita alienatione* qui editus  
Venetiis, MDLXXXV. postea in *Oceano Iuris*  
*vel tractatu tractatum Tom. XVII. Vol. XXIV.*  
p. 216. locum obtinuit.

V. Leges  
Iulia &  
Plautia de  
usucapio-  
ne rerum  
vi posses-  
sarum.

V. Sequutae sunt leges IULIA & PLAV-  
TIA (b) de usucapionibus, aut potius de vi pu-  
blica & priuata, quibus ad res vi possessas pro-  
latum est, quod de furtiuis statuerat lex Atinia.  
Cautum enim his legibus fuerat, vt res vi posses-  
sae usucapi haut possent, longo quantumuis  
tempore, nisi reditu ad verum dominum viti-  
um exuissent. L. 33. §. 2. D. de *usurp. & usucap.*  
Legis PLAVTIAE vel PLOTIAE iam me-  
minerunt Coelius ad Ciceronem *Epist. ad Fam.*  
VIII, 8. & ipse Cicero *ad Att. Epist. IV, 16. pro*  
*Caecin. cap. XXVI. pro Milon XIII. nec non*  
*Sallust. de Bello Catilin. cap. XXXI. eaque lata*  
*est A. V. C. DCCLXIV. Cn. Pompeio Strabone &*  
*L Porcio Catone Coff. a M. Plautio Tribuno*  
*plebis, vt luculenter ostendit Steph. Vin Pigh.*  
*Ann. T. III. p. 228. Iulia vero, vt recte obser-*  
*uat Hotomanus de Legib. p. 77. non alia est ac il-*  
*la, quam de vi publica & priuata tulit Augustus.*  
Et

(b) Iura nostra de his legibus tamquam de vna loquun-  
tur. Legem *Plautiam & Iuliam* commemorant Iulia-  
nus d. L. 33. §. 2. D. de *usurp. & usuc.* & Tribonianus  
§. 2. *Inst. h. t.* Sed diuersas fuisse leges *Iuliam &*  
*Plautiam* vel *Plotiam*, hancque illa multo esse anti-  
quorem certissimum est, ac paullo post demonstra-  
bitur.

(c)

Et quia in illam procul dubio & Plautia migravit, inualuit, vt iuncto nomine diceretur Iulia & Plotia, quemadmodum *Iuliae & Papiae* vocabulum duas diuerſas leges coniungit.

VI. His attenda lex SCRIBONIA, quae VI. Lex  
& ipſa ad vſucapionem pertinuit. Eam aliqui Scribonia  
Coelio Curioni, Tribuno plebis: alii, & in his de ſeruitu-  
Galuan *de vſufr. cap. XII.* L. Scribonio Liboni, vſucapi-  
qui anno MCCXXI. cum M. Antonio conſula-  
tum geſſit; alii denique, & maxime Kaeuardus  
*ad Leg. Scribon. I. p. 794.* huius nepoti L. Scribo-  
nio Liboni tribuunt, quem Tiberii temporibus  
cum Siſenna Tauro conſulem fuiſſe, ex Dione  
Caſſ. LVII. p. 701. adparet. Cuius legis ſenſus  
vt eo expeditior ſit, notandum eſt, antiquiſſi-  
mis temporibus ſeruitutes vſucapi hauri potuiſ-  
ſe. Quum enim poſſeſſionem requireret vſu-  
capio, L. 25. D. *de vſurp.* quae in ſeruitutibus, vt-  
pote incorporalibus, locum non habere vide-  
batur; L. 32. f. D. *de ſeru. urb. praed.* & L. 43. D.  
*de acquir. rer. dom.* factum eſt, vt nec vſucapi poſſe  
crederentur, maxime quum in duodecim ta-  
bulis nihil eſſet de rerum incorporalium vſuca-  
pione ſtatutum, L. 14. pr. D. *de ſeruitut.* & prae-  
terea vſucapio ſit modus acquirendi domini-  
um, ſeruitutis autem dominium nullum eſſe  
poſſet. At licet non eſſet ſeruitutum poſſeſ-  
ſio: erat tamen earumdem vſus, quem deinde  
prudentes quaſi pro poſſeſſione acceperunt,  
adeoque interpretatione ſua etiam ſeruitutum,  
ſaltim ruſticarum, vſucapionem inuexerunt.  
Clariffime hoc elucet ex verbis Ciceronis *pro A.*  
*Caecin. XXVI.* *Aquaeductus, hauſtus, iter, actus, a*



*patre; sedrata auctoritas harum rerum omnium a iure civili sumitur.* Quum vero haec quasi vsucapio seruitutum a prudentibus inuecta a veteris iurisprudentiae principiis videretur abhorrere: lata demum est lex Scribonia, qua seruitutum vsucapio penitus sublata est *L. 4. §. ult. D. de vsurp. & vsuc.* Neque dubium est, quin ea lex ad omnes in vniuersum seruitutes pertinuerit; siquidem hoc ius vsitatum fuisse generaliter, scribit Vlpianus. *L. 10. §. 1. D. de vsurp. & vsucap.* Attamen etiam post hanc legem is qui longo tempore non vi, clam, vel precario vsus erat seruitute, vtili actione a praetore adiuvabatur. *L. 10. D. de seruit. vind.* Demum & Iustinianus legem Scriboniam satis aperte fustulit, & seruitutum quoque omniumque rerum incorporalium praescriptionem admisit *L. ult. C. de praescript. long. temp.* Conf. *Raeuard. l. c. Ant. Schulting. Iurispr. vet. anteiusst. p. 256. sequ.*

VII. Longa  
possessio-  
ne capio  
rerum im-  
mobiliū  
inuenta.

VII. Haftenus de vsucapione, cui leges decemuirales, vt dixi, in rebus mobilibus anni, in fundis biennii spatium praefinierant. Quandoquidem enim tunc ciuitate agrisque perpetuo ciues detinebantur, rariusque relicto natali solo Italia egredi consueuerant: tam breue temporis spatium rebus vsu acquirendis habita inter praesentes & absentes nulla distinctione, sufficere credebatur. *Iac. Raeuard. Tribon. IV. p. 772.* Quum vero sensim Romani longe lateque proferrent imperii fines, partim edictis, partim principum constitutionibus in eius, quod lege antiqua rebus immobilibus vsu acquirendis datum fuerat, spacia locum eatenus lon-

longius temporis interuallum surrogari coepit  
 vt vbi vsucapio cessaret, veluti in praediis pro-  
 uincialibus, praescriptione saltem hoc ius pos-  
 set adquiri. §. 2. *Inst. de vsuc.* Vnde res immobi-  
 les prouinciales non biennio, sed longo tem-  
 pore vsu adquirebantur, id est, vt Paullus *Recept.*  
*Sent. V. 2. 3.* interpretatur, *inter praesentes decennii,*  
*inter absentes vicennii spatio continuo.* Quum vero  
 antiqua illa ac decemuiralis adquisitio vsucapio  
 diceretur: noua haec dicta est LONGA POS-  
 SESSIO CAPIO. L. 4. *fin. D. pro emt.* L.  
*ult. eod.* vel LONGAE POSSESSIONIS  
 PRAEROGATIVA. L. 5. *D. de itin. actuque*  
*priu.*

VIII. Qua in re vero ab vsucapione distin-  
 cta fuerit illa longa possessione capio, luculen-  
 ter suo more ostendit Iac. Raeward *Tribon. VIII.*  
*sequ. p. 776.* Illa ciuilis erat, haec partim ciui-  
 lis partim honoraria. Illa exiguo; haec lon-  
 giore tempore constabat. In illa nulla absen-  
 tia praesentiaeue ratio habebatur: in hac mul-  
 tum intererat, praesentium an absentium ius  
 excludendum esset. In illa tempus semper  
 certum erat: in hac nonnumquam incertum,  
 quoties scilicet quis titulum probare non pote-  
 rat. Tum enim requirebatur vetustas, cuius  
 origo excederet memoriam, eaque legis vicem  
 tenebat, teste Vlpiano L. 1. *fin. D. de aqua & aqu.*  
*pluu. arcend.* Denique quum vsucapio rerum  
 immobilium tantum in Italico solo procederet:  
*princip. Inst. de vsucap.* longa possessione fundi  
 tam prouinciales quam Italici iuris capi pote-  
 rant, vt erudite demonstrant Theophilus *pr. Inst.*

VIII. Dif-  
 ferentiae  
 inter vsu-  
 captionem  
 & longa  
 possessio-  
 ne capio-  
 nem.

*h. t. & Iac. Raeward. Tribon. X. p. 781. sequ.*

IX. Iustini-  
niani con-  
stitutio.

IX. Sed Iustinianus *L. vn. C. de vsucap. transf.* vsucapionem rerum immobilium & longi temporis praescriptionem in vnam veluti massam conflavit resque mobiles triennio, immobiles inter praesentes decennio, inter absentes vicennio vsucapi voluit. Negat Raewardus, eius rei iustam rationem habuisse Imperatorem, quia haec omnia, quae de vsucapione rerum immobilium sanxit, iamdudum ante eius tempora Praetorum edictis Principumque constitutionibus fuerint inuenta. Quare & hic Iustiniani prudentiam legislatoriam requirit in *Tribon. X. p. 781.* Sed ea de re alibi erit dicendi locus.

X. Quid  
vsurpatio?

X. Ceterum quum tempus in vsucapionibus deberet esse continuum: interruptio illius dicebatur VSVRPATIO. *L. 2. & L. 5. D. de de vsurp. & de hac re egit Appii Claudii liber de vsurpationibus, cuius meminit Pompon. L. 2. §. 36. D. de orig. iur.* Sunt tamen & aliae huius vocis significationes. Sic vsurpari dicitur seruitus, quae vtendo retinetur. *L. 6. §. 1. L. 8 fin. L. 9. L. 16. D. si seru. vind.* Immo & vsurpata dicitur seruitus, quae amissa vsu iterum acquisita est. *L. 40. §. 1. D. ex quib. causis mai.* Reliqua, quae ad hunc titulum pertinent, a doctoribus plenius solent inculcari.

## TIT. VII.

DE

## DONATIONIBVS.

INTER modos acquirendi iuris gentium etiam  
DONA-

DONATIO est. Modis tamen acquirendi ciuilibus eam accensuit Caius, quia tunc ex lege Cincia non valebat donatio, nisi sollemniter & per mancipationem facta. Frid. Brummer. *ad leg. Cinc. cap. XIII.* Quod quamuis mutatum esset tempore Iustiniani: noluit tamen Tribonianus Cuii ordinem turbare. Plura hanc in rem diximus in *Additionibus ad Vinn. p. 253.* Hic, quum ritus nonnulli obseruati sint in donationibus, ii paullo accuratius videntur ex antiquitatibus Romanis explicandi.

I. DONATIONES veteri iure in varia genera dispescebantur. Aliae erant *simplices*, aliae *remuneratoriae*. Illae iterum vel *mortis causa*, vel *inter viuos* fiebant; ad posterius genus etiam donationes propter nuptias referendae. I. Donationes quoduplices.

II. DONATIONES, quae ob *causam* fiebant MVNERA; reliquae generatim DONA (a) adpellatae sunt Corn. Fronto *de Differ. verb. p. 1331.* MVNVS, quod amicus vel cliens, vel libertus officii causa mittunt. Possunt & illa nihilominus DONA dici, quae donant pauperibus diuites vel potentes. Illud quoque donum putandum est, quod militibus donatur in castris, ut corona vallaris. Clarius Ulpianus L. 194. D. de verb. sign. Inter DONVM & MVNVS hoc interest, quod inter genus & speciem: nam genus esse donum, Labeo a donando dictum: munus speciem. Nam munus esse donum II. Differentia doni & muneris.

cum

(a) Vix ergo locum habet obseruatio Agraetii apud Dionys. Gothofr. *Vet. Gramm. p. 1348.* Donum dantis est, munus accipientis: illud a dando, hoc a muniendo vel mouendo dicitur.



*Cum caussa, ut puta natalitium, nuptialitium. Et Marcianus L. 214. D. eod. MVNVS proprie est, quod necessarie obimus, lege, more, imperio eius, qui iubendi habet potestatem. DONA autem proprie sunt quae nulla necessitate iuris, officii, sed sponte praestantur, quae si non praestentur, nulla reprehensio est, & si praestentur plerumque laus inest. Vbi adde, quae notat Io. Goeddeus.*

III. Dona  
& munera  
Romae  
frequen-  
tissima.

III. Et initio quidem & munera & dona rara admodum erant in tanta veterum paupertate, etiam inter cognatos & personas coniunctas, ut patet ex *Excerpt. Peirescian p. 154.* ubi Polybias, de rebus Aemiliae matri a P. Scipione donatis agens: τὸ δὲ, inquit, πανταχὴ, μὲν αὖ ἐικότως φαίνοιτο καλόν, ἐν δὲ Ρώμῃ καὶ θαυμαστόν. αἰσλῶς γὰρ εἰδὲς εἰδένι δίδωσι τῶν ἰδίων ὑπαρχόντων ἐκὼν εἰδέν. *Atque id, quum ubique praeclarum, tum Romae admirabile videatur esse, quia in urbe nemo quidquam sponte alteri de suo donat. Postea crescente luxuria nihil fuit Romanis in donando magnificentius. Munera & dona patronis mittebant clientes & liberti, dominis serui, principibus & magistratibus ciues, amicis amici, cognatis cognati, (b) & quidem variis occasio- nibus,*

(b) De clientum liberalitate erga patronos iam supra Cornelium Frontonem audiuius. De donis & munusculis, quae liberti praeter operas debebant, videndus Caius *Instit. II, 9. 4.* Quinctilian. *Declam. ult.* Nec seruos ab illo donandi onere immunes fuisse, docet Terent. *Phorm. I, 1. v. 5. sequ.* ubi Darius:

*Nam herilem filium eius duxisse audio  
Vxorem, ei, credo, munus hoc corraditur.*

*Quam*

nibus, quarum praecipuas hic considerare operae fuerit pretium.

IV. Praecipue donis & muneribus celebrabantur Kalendae Ianuariae, quibus strenae <sup>IV. Veluti strenae.</sup> mittebantur vel munuscula, dulcia praesertim, boni ominis causa, veluti caricae, id est, ficus in Caria prouenientes, quarum optimae erant Cauniae. Gronou. *Diatr. in Stat. Papin. Cap. XIV. p. 77.* caryotides, mella, huiusque generis alia, ut a rebus dulcibus dulces anni dies

*Quam inique comparatum est, hi qui minus habent,*

*Vt semper aliquid addant ditioribus?*

*Quod ille vnciatim vix de demenso suo,*

*Suum defraudans genium, compar sit miser,*

*Id illa vniuersum accipiet, haut existimans,*

*Quanto labore partum. Porro autem Geta*

*Ferietur alio munere, ubi erit puero natalis dies,*

*Vbi initiabunt: omne hoc mater auferet:*

*Puer causa erit mittundi.*

Imperatoribus missa munera, in primis Kalendis Ianuariis, patet exemplo Augusti apud Sueton. *Octau. LVII.* Tiberius vero eum donandi morem edicto inhibuit, strenasque oblatas respuit. Dio Cass. *LVII. p. 613.* Caligula eas se recepturum, edixit. Suet. *Calig. XLII.* Claudius eas denuo edicto sustulit. Dio Cass. *LX. p. 659.* Postea vix quisquam Imperatorum eiusmodi munuscula respuit. Magistratus prouinciales dona & munera non poterant iure recipere; mittebantur tamen iis xeniola. *L. 6 §. 3. D. de off. procos. L. 18. D. de off. praesid.* Vnde mira continentia Ciceronis, qui in prouincia etiam xeniola illa respuit. Cicer. *ad Attic. Epist. V, 10.*

dies auspicarentur. Quam in rem egregia multa habet Ios. Scalig. *ad Tibull. lib. I. Martialis Epigr. VIII, 33. v. 11.*

*Hoc linitur sputo Iani caryota Kalendis,  
Quam fert cum paruo sordidus asse cliens.*

Et *Epigr. XIII, 27.*

*Aurea porrigitur Iani caryota Kalendis,  
Sed tamen hoc munus pauperis esse solet.*

Ditiores aurum & argentum mittebant, praecipue Imperatoribus, ut Augusto apud Sueton. *Octau. LVII.* Theodosio & Arcadio apud Symmach. *Epist. X, 28.* Sed & aliis occasionibus, veluti ob victoriam, quinquennalia, decennalia, &c. Imperatoribus offerebantur dona. Et inde est *aurum oblatitium*, de quo *L. 5. L. 9. L. 14. C. Theod. de Senat. Lib. VI. tit. 1.* id est aurum a Senatoribus & viris clarissimis sponte promissum. Decuriones enim & curiales iis occasionibus offerebant aurum coronarium, de quo integer titulus est in Codice Theod. puta *Libro XII. tit. XIII.* ad quem praeclare docet Gothofredus, iam libera rep. parta victoria Ducibus triumphaturis offerri consueuisse coronas aliaque munera ad ornandum triumphum, & inde ortum esse aurum coronarium, quod a bonis principibus saepe remissum, a malis reuocatum esse copiose ostendit. Vide eius *Comment. ad Cod. Theod. Tom. IV. p. 602.* Nec Kalendis tantum Ianuariis, sed & diebus proxime insequentibus strenas mittebant. Et inde est, quod Festus *voce sirena p. 447.* hoc munus ita dictum putat, a numero, veluti TRENAM vel trinam, quippe quo significatum sit, alterum tertiumque venturum similis commodi.

*modi.* Sed sustulit illam donandi licentiam Tiberius, edicto que cauit, ne strenarum commercia ultra Kalendas Ianuarias exercerentur. Sueton. *Tiber.* XXXIV.

V. Porro viri Saturnalibus: feminae matronalibus id est, Kal. Martiis strenas atque apophoreta dabant & accipiebant. Apophoretorum in Saturnalibus (c) exempla sunt apud Sueton. *Octau.* LXXV. *Vesp. Cap.* XIV. & Martialis. *Epigrammatum libro* XIV. qui totus huc pertinet De matronalibus Tibullus. *Eleg.* III. I. v. l.

V. Apophoreta Saturnalia & matronalia.

*Martis Romani festae venere Kalendae:*

*Exoriens nostris hinc fuit annus auis.*

*Et vaga tunc, certa discurrunt undique pompa*

*Perque vias urbis, munera, perque domos.*

Et Martialis *Epigr.* X, 24.

*Natales mihi Martiae Kalendae,*

*Lux formosior omnibus Kalendis,*

*Qua mittunt mihi munus & puellae*

*Quinquagesima liba.*

Et *Epigr.* V, 84. v. 10.

*Scis certe, puto, vestra iam venire*

*Saturnalia, Martias Kalendas,*

*Tunc reddam tibi, Galla, quod dedisti.*

Vnde est, quod Kalendas has Martias Calendas femineas adpellat Iuuenal. *Sat.* IX. v. 53. Quum vero multi Saturnalibus auidius a clientibus exigenter munera: Publicia lex lata est a Publicio,

(c) Haec apophoreta dicta etiam *figillaria*: Sueton. *Claud.* V. Spartian. *Hadr.* XVII. Alias ipsa Saturnalium dierum adpendix dici consuevit *figillaria*, a sigillis vel paruis imaginibus, quibus pro se & suis piaculum Saturno faciebant. Macrobian. *Sat.* I, 13.

(d)



blicio, Tribuno plebis, vt non nisi cerei ditioribus mitterentur. Macrobi. *Saturn.* I, 7. Quae lex eadem videtur cum illa, qua vetitum, ne quis in pecuniam luderet, sponfionemue in ludo, nisi qui virtutis caussa susceptus esset faceret, de qua L. 3. *D. de aleatorib.* Tota enim lex procul dubio fuit sumtuaria.

VI. Munera natalitia.

Vl. Solebant & diebus natalibus munera accipere honoratiores atque amici. Martialis *Epigr.* IX, 54.

*Natalitibi, Quinte, tuo, dare parua volebam*

*Munera, tu prohibes, imperiosus homo es.*

Et alibi *Lib. VIII. epig.* 64. lepide exagitat Clytum, qui vt noua semper munera natalitia auferret, septies octiesue in anno natalem celebrabat. A natalibus diuersa *χαρισία*, id est sollemne conuiuium, cui tantum cognati intererant litium ponendarum & amoris instaurandi gratia institutum. Val. Max. II, 1. Hic aequae ac in natalibus dabantur munera. In primis mittebantur aues, (Martialis. *Epigr.* IX, 56.) die natali & annuli, lunulae, aliaque huius generis ad mundum muliebre pertinentia. Plaut. *Epidic.* V. 1. v 33. Vestis cubitoriae natali suo sibi donatae meminit dispensator Trimalcionis apud Petron. p. 14. vbi conferendae Iani Woweri aliorumque doctissimorum virorum adnotationes, p. 150. ex quibus patet, caenatorias eiusmodi vestes a clientibus mitti consueuisse patronis. Nec modo accipiebant natalibus suis munera, sed & dabant, vt patet ex Inscriptione apud Gruter. p. CCCCXIV, 2.

HIC.

HIC. ARCAE. AVGVSTALIVM. SE-  
VIVO. HS. XX. DEDIT. VT. EX.  
REDITV. EIVS. SVMMAE. DIE. NA-  
TALI. SVO. IV. KAL. FEBR. PRAE-  
SENTES. VESCERENTVR. ET. OB.  
DEDICATIONEM. STATVAE. DE-  
CVRIONIBVS. ET. SEVIRIS. ET. IV-  
NENIBVS. SPORTVLAS. ET. POPV-  
LO. EPVLVM. ET. OLEV. EADEM.  
DIE. DEDIT.

Et p. DLXXI, i. alius municipio HS. LXV.  
legat. VT. EX. REDITV. EIVS. SVMMAE.  
QVOTANNIS. VIII. ID. NOVEMBRIS.  
NATALE. SVO. MVNICIP. EPVLVM.  
ET. CRVST. ET. MVLSVM. DARE-  
TVR.

VII. Die octauo a natali puellae; nono  
pueri lustrabantur, accipiebantque nomina Fe-  
stus voce lustrici p. 507. *Lustrici dies infantium adpel-*  
*lantur puellarum octauus, puerorum nonus, quia his*  
*lustrantur, atque eis nomina imponuntur.* Addi pos-  
sunt Macrobian. Saturn. I, 16. Plutarch. *Quaest.*  
*Rom. p. 288.* Vnde hi dies nominum adpellantur  
apud Vlpian. *Fragm. tit. XV.* Ita enim ibi le-  
gendum esse pro *nonum diem*, ex codice Tiliano  
ostendit Em. Merill. *Obs. II, 33.* Fiebat haec  
*lustratio* vel uti Terent. *Phorm. I, 1.* vocat, *initia-*  
*zio*, impositioque nominum variis adhibitis sol-  
lemnitatibus. Expiatum enim infantem, &  
aduersus fascinum probe praemunitum, exi-  
mebant cunis, & per aedes ditissimorum ciui-  
um boni ominis causa, nec non ob religionem  
per Deorum Dearumque templa circumfere-  
bant.

VII. Item-  
que die-  
bus lustrici missa.

bant Perf. Sat. II. v. 31. Suet. Calig. cap. XXV. Ner. Cap. VI. Hinc porro nomen accipiebat infans & vocabantur ad epulum propinqui: Iul. Capitolin. Clod. Albin. IV. & denique intra trigessimum a natiuitate diem professio natalitia ad acta fiebat. Ita enim intelligendum esse locum Iulii Capitol. in vit. Marc. cap. IX. ostendimus in *Comment. ad L. Iul. & Pap. II. 14 p 266.* Tunc ergo dona & munera mittebantur infanti eiusue matri, idque est, quod significat Terent. *Phorm. I, I. v. 13.*

*Ferietur alio munere, ubi erit puero natalis dies*

*Vbi INITIABVNT: omne hoc mater auferet:*

*Puer caussa erit mittundi.*

VIII. Nuptialia dona.

VIII. Nec praetermittenda munera nuptialia. Neque enim temere quisquam conuiujs nuptialibus intererat, quin munusculo sponso spon-saeque oblato beneuolentiam testaretur. Et haec sunt *nuptialia munera*, de quorum mentio fit apud iureconsultos. L. 1. §. 5. D. de tut. & rat. distrab. L. 13. §. 2. D. de administr. tut. Quae tam nonnunquam magna erant, ut spon-sae vel ad dotem sufficerent. Quinctiliani sane filiae Nonio Celeri nubenti L millia numum contulit Plinius. Vid. *Epist. VI, 32.*

IX. Xenia hospitibus missa aliaeque liberalitatis exempla.

IX. Liberalitatem non minorem ostentabant, in donandis hospitibus. His missa munera

(d) Item *munera nuptialicia* L. 194. D. de Verbor. sign. Apud Ciceron. pro A. Cluentio VI. 1X. & Apulei. de asino aureo VI. nuptialia dona paullo aliter accipiuntur, pro muneribus, quae ante contractas nuptias mulieri a viro offerebantur.

nera XENIA κατ' ἰξοχὴν adpellata sunt. Plin. *Epist.* VI, 31. Summo die, abeuntibus nobis xenia sunt missa. Sed saepe diuites ac potentiam adfectantes, donis plane privati sortem transgressis, plebeiorem animos, liberalitatisque laudem sibi conciliare studebant. Exemplo esse potest Plinius, qui Curiano, Gratillae filio, legatum remisit, Plin. *Epist.* V, 1. Voconio Firmo censum equestrem suppleuit, Id. *Epist.* 1. 19. Martialem viatico iuuuit, idem *Epist.* III, 21. Artemidoro philosopho, vrbe excedere iussu sub Domitiano, pecuniam, qua opus erat, a locupletibus negatam, ipse mutuatus gratuitam dedit, Id. *Epist.* III, 11. Caluinae patris debita remisit. Id. *Epist.* II, 4. Vt alia stupenda prorsus liberalitatis exempla praetermittamus.

X. Et olim quidem libere quisque donare poterat, quantum vellet. At postea A. V. C. X. Legis Cinciae de donis & muneribus caput primum.  
 10XLIX. a M. Cincio Alimento, Tribuno plebis, lata est lex CINCIA, quam & MVNERALEM vocat Plautus apud Festum *voce muneralis.* p. 323. Eius primo capite cautum, ne quis ob causam orandam donum munusue caperet. Vid. Cic. *Epist. ad Attic.* I. ult. Tacit. *Annal.* XI, 5. XIII, 42. Quum enim instituto iure patronatus, de quo supra Lib. I. Tit. II. num. XXIX patroni pro clientibus gratis postularent: hi gratum animum ostensuri patronis Kalendis Ianuariis, Saturnalibus, natalibus, varia xeniola, strenas & munuscula offerebant, quae deinde a rabulis in debiti necessitatem transformata, adeo plebem premebant, ut patriciis veluti stipendiaria viderentur. Hinc veterem morem reduxit Cincius.



cius. Vid. Fridr. Brummeri V. C. *Comment. ad Leg. Cinc. III. sequ.*

XI. Variæ  
huius legis  
relationes  
& muta-  
tiones.

XI. Paulo post ea lex obsoleuit. Contemtu tamen oppressam renouauit Augustus Imperator, poenamque quadrupli adiecit. Iterum defuetudine abolitam, quum reuocari non posset, Claudius ita temperauit, vt ne oratores vltra dena sestertiũm caperent. Tacit. *Ann. XI, 5.* Sub Nerone lex iterum pristino vigori reddita, at sub finem eius imperii, vel certe paullo post, constitutio Claudii renouata. Addidit Traianus SC. vt omnes litigantes iurarent, antequam agerent, nihil se ob aduocationem cuiquam dedisse, promississe, cauisse: peractis vero causis, non nisi dena sestertiũm dare liceret. Post ea tempora adeo expirauit lex ista, vt honorario aduocatorum tantum non sordidum mercedis nomen obueniret, neque dubitarent iureconsulti statuere, locationem conductionem intercedere inter aduocatum & clientem *L. 38 §. 1. D. locati L. vlt. C. de condict. ob causi. dat.* Immo iam ante multae fraudes huic legi factae erant per xenia, strenas, natalitia, captationes vltimarum voluntatum, palmaria, redemptiones litium, aliasque huiusmodi artes, quas erudite, vt solet, explicat laudatissimus Brummerus. *l. c.*

XII. Eius-  
dem legis  
caput  
aliud.

XII. Alio eiusdem legis capite cohibebantur donationes intra certam summam, quae tamen hodie ignota est: (e) neque licebat cuiquam

(e) Quanta fuerit haec summa, nondum constat. Franc. Hotomanus *de Donat.* IX. negat, quemquam potuisse donare

quam plus donare, quam lex permiserat, nisi donatio vel publica esset, vel remuneratoria, vel cognatis personisque coniunctis facta. Si plus donatum fuerat: non tota donatio, sed qua legitimum modum superabat rescindebatur; (f) si acu rem tetigit Brummerus *ad Leg. Cinc. XII.*

## XIII.

donare ultra dodrantem bonorum. Sed id nullo fundamento dici ostendit Brummer. *ad L. Cinc. XII.* Alii ducentos tantum aureos donari potuisse, existimant, *L. 34. C. de donat.* Sed nec hoc certius videtur, istam legem de lege Cincia loqui nec recte infertur, quia donationes et aureos excedentes ea lege iubentur infinuari, ideo eas lege Cincia fuisse prohibitas. Maximarum sane donationum exempla existant apud Plin. *Epist. VI, 25. & 32. II, 4. VIII, 14. I, 19.* Unde satis magnam oportet fuisse summam hac lege praefinitam. Schulzing. *ad Vlpian. p. 551. seq.*

(f) Ita Brummerus ob Vlpiani locum, qui exstat *Fragm. I, 1. Imperfecta lex est, veluti Cincia, quae supra certum modum donari prohibet, exceptis quibusdam cognatis, sed si plus donatum sit, donationem non rescindit* Unde colligit vir doctissimus, donationem ex hac lege pro parte, qua modum excedebat, fuisse rescissam. Enimuero sic perfecta fuisset lex Cincia. Rectius itaque dixeris, ex lege Cincia donationem etiam immodicam ipso iure valuisse, exceptionem tamen datam fuisse ei, qui conveniebatur ex sua liberalitate ultra modum a lege definitum, *L. 21. §. 1. L. 24. D. de donat. L. 5. §. 2. & 5. D. de doli mal. & met. except.* quae exceptio etiam fideiussori proderat *L. 24. D. de donat.* Proditā quoque fuisse videtur actio rescissoria, qua rescindebatur, quod fuerat ultra modum donatum. *L. 21. §. 1. D. eod.* Quibus remediis non fuisset opus, si ipsa lege Cincia irritum fuisset, quod erat ultra modum legitimum donatum. Vid. Ant. Schulzing. *ad Vlpian. l. 5. p. m. 562.*

XIII. Ca-  
put terti-  
um eius-  
dem legis.

XIII. Alio huius legis capite cautum fue-  
rat, vt in donatione, quibusque personis facta,  
mancipatio traditione interueniret, exceptis  
donationibus conditionalibus & mortis causa  
factis. Brummerus *ad Leg. Cinc.* XIV. Exempla  
exstant in marmoribus Gruterianis, quae egre-  
gie illustrat idem Brummerus.

XIV. Va-  
riae ho-  
rum capi-  
tum rela-  
tiones &  
mutatio-  
nes.

XIV. Accesserunt postea varia SC. variae-  
que constitutiones, quibus legi Cinciae subinde  
vel obrogatum vel derogatum est. Sic postea  
inualuit, vt inter personas coniunctas donatio  
valeret, quibuscumque verbis facta, etiam si nul-  
la intercessisset mancipatio. Paull. *Sent. Recept.*  
IV, 1. 11. & V, 11, 4. idque introductum est  
constitutione D. Pii, cuius mentio fit *L. 4. C.*  
*Theod. de donat.* Sane ante haec tempora etiam  
cognati, personaeque coniunctae in donationi-  
bus ius commune, hoc est, legem Cinciam se-  
quebantur, vt patet exemplo matris Voconii  
Romani, quae donationem sestertii quadrin-  
genties, non prius legitime peregrisse videba-  
tur, quam fundos emancipasset teste Plin. *Epist.*  
X, 3. Brummer *ad L. Cinc.* XIII. Idem D. Pius  
primus vetuit, ne posset donatarius vterius  
conueniri, quam in quantum facere posset. *L.*  
*20. L. 41. §. ult. ff. de re iud. L. 28. ff. de R. I.*  
Sic & miles donare non poterat *focariae L. 2.*  
*C. de donat. int. vir. & vx.* immo nec heredem il-  
lam instituere, vt vulgo colligunt ex *L. 14. D. de*  
*his quae vt indign.* Aliud tamen adparet ex mar-  
more apud Grut. *Inscr. p. MCVII, 3. D. M. M.*  
AVRELI VITALIS MILITIS CL. PR.  
ANTONINIAN. RAVENN. NATIO-  
NE

NE PANN. III. PROVIDENTIA STIP. XXVIII. VALERIA FAVSTINA FOCA-  
RIA ET HERES EIVS BENE MERENTI  
POSVIT. Conf. Merill. *Obferu. Lib. VIII, 32. p.*  
124. Ipsine legi Cinciae, an Principum con-  
stitutionibus id debeatur, quod ei, qui aliquem  
a latronibus vel hostibus eripuerat, in infinitum  
donare liceret, dummodo donatio, & non  
merces laboris adpellaretur, non facile dixeris.  
Exstat eiusmodi exceptio apud Paullum *Recept.*  
*Sent. V, 11, 6.* & verbis nescio qua ratione im-  
mutatis *L. penult. §. ult. D. de donat.*

XV. Inualuerat etiam, vt donatio fieri non  
posset verbis generalioribus, sed singulae res,  
quas quis esset donaturus, enumerari deberent.  
*L. 1. Cod. Hermog. de donat.* Ex quo patet, aeuo  
adhuc Diocletiani hoc ius obtinuisse. Ita  
enim ibi Diocletianus & Maxim. Augusti: *Non*  
*est iuris incerti, (in emancipatum donatione ali-*  
*quid transferri non posse,) si generaliter eidem par-*  
*tem tertiam bonorum donasti, quia gen raliter bono-*  
*rum portio donari non potest. quum singulae res nomi-*  
*nari debeant, quae donatione, mancipatione, vel in iure*  
*cessione transferuntur.* Scilicet quia in donatione  
requirebatur mancipatio: haec fieri non aliter  
poterat, nisi per adprehensionem rei. Vnde  
Vlpian. *Fragm. XIX, 6.* *Res mobiles non plures*  
*mancipari possunt quam quae manu capi possunt: im-*  
*mobiles autem etiam plures simul.* At secus tamen  
se res habebat inter patrem & filium suum, cui  
partem bonorum donare licebat. Idque patet  
ex inscriptione apud Gruterum, p. lxxxclxxx,  
3. qua pater liberis omnibus bonis cedit:



MARVLLLO. ANTIOCHENO.

HELENÆ. TERTVLLIANÆ. P. MA-

RVL. PAT.

VIVENS. BONIS CESSIT.

PARTE. SIBI. QVOAD. VIXER. RE-  
TENTA.Vid. V. C. Schulting. *Not. ad Cod. Hermog. p. m.*  
713. *sequ.*XVI. Do-  
natio facta  
a parenti-  
bus.

XVI. Quae filiis suis donabant parentes, magis destinata videbantur voluntate paterna, quam donata. *L. 11. C. h. t.* Hinc requirebatur, ut pater in ea voluntate perseverans decesserit. *Paull. Rec. Sent. V, 11, 3.* Tamen ne sic quidem rata erat donatio, ita, ut res donata posset a filio usufructuari, nisi eadem res arbitrio familiae eriscundae esset adiudicata. *L. 18. C. famil. erisc.* Unde & parentes praelegare solebant liberis, quae viui donauerant. Vid. *Plin. Hist. Nat. XXXIII, 2.* At nouissimo iure id quoque mutatum est *L. 25. C. de Donat. inter vir. & ux.*

XVII. In-  
sinuatio  
ad acta in-  
troducta a  
Constanti-  
no Chlo-  
ro, postea  
subinde  
mutata.

XVII. Aliam mutationem ius istud subiit tempore Constantini Chlorig, qui omnes donationes in scriptis fieri, actisque insinuari iussit. Eius deinde constitutionem confirmavit filius Constantinus Magnus. *L. 1. C. Theod. de sponsal.* Postea Theodosius & Valentinianus, non modo scripturam remiserunt, sed & insinuationem, si donum ducentos aureos non excederet. *L. 29. C. h. t.* Idem principes etiam secundum caput legis CINCIAE de certa donationis summa sustulisse dicuntur. (g) Ast Iustinianus sum-

(g) Ita Brummerus V. C. *ad Leg. Cinc.* XIII. qui id colligit

summam actis insinuandam primo ad trecentos, mox ad quingentos aureos extendit, exceptis quibusdam donationum speciebus. *L. 34. L. 37. C. eod. Conf. Brummer. ad Leg. Cinc. XII. sequ.* inter quas & remuneratoriam esse, docet Cuiac. *Obs. XXVII, 40.* Videtur tamen etiam Iustini tempore saepe scriptura adhibita, ut docet fragmentum vetustae donationis, Iustini aeuo, Maximo consulatum gerente, factae, quod recenset Barn. Brissou. *de Formul. VI. p. 558.*

XVIII. Ad donationes propter nuptias XVIII. quod attinet, earum naturam satis accurate exponit imperator § 3. *Inst. b. t.* Alias quidem inter virum & uxorem constante matrimonio donatio non valebat, nisi certis ex causis, veluti mortis causa, serui manumittendi gratia &c. Eandem prohibitionem constitutione sua confirmauerat Antoninus Imperator, (b) *L. 42. D. de donat. inter vir. & ux.*, qui tamen & ideo mulieri donare permiserat, ut vir ab Imperatore lato clauo, (i) velequo publico, (k) similitudine  
H h 3 ho-

git ex *L. ult. C. Theod. de spons.* Sed ibi tantum de donatione propter nuptias agitur, ostenditurque, quanam sit insinuanda.

(b) Lex haec est ex Cui Commentariis ad Edictum desumpta, adeoque intelligi non potest Antoninus Caracalla, ut existimat Lud. Charondas *ad Ulpian. l. c.* cuius ad tempora Caius non peruenit, sed Antoninus Pius. Vid. Guil. Grot. *de vit. Iureconf.* II, 7.

(i) Id est, dignitate senatoria, cuius insignis erat latus clauus. Vid. Graeu. *Praef. Tomi VI. Theaur. Antiqu. Rom.*

(k) Id est, dignitate equestri. Ita explicat etiam Caius *L. 42. D. de donat. inter vir. & ux.* (l)

honore ornaretur. Vlpian. *Fragm VIII*, 1. Paull. *Recept. Sent. II*, 23. Quod, vel ideo prouisum, aiunt, vt ne coniuges ob mutuum amorem se inuicem spoliarent, vt ait Vlpianus L. 1. *D. de donat. inter. vir. & vxor.* vel, ne bonorum, quae inter eos quasi communia esse debebant, societas leuissimi munusculi acceptatione tolleretur, vt existimat Plutarch. *Quaest. Rom. p.* 265. (1) & *Coniugal. praecept. p.* 143. *Tom. II. Operum.* Sed haec omnia intelligenda de donationibus stante matrimonio factis. Alia erat ratio donationis propter nuptias, id est, constitutionis pecuniae, qua mulieri praestabatur securitas dotis, vt, si de hac periclitaretur, aliquid vice dotis dissipatae haberet. §. 3. *Inst. de donat.* Ea quum initio donatio ante nuptias vocaretur, eo quod tantum ante matrimonium impletum fieret; postea D. Iustini constitutione permissum est, vt tam ante, quam post nuptias constitui vel

(1) Rationes alias suppeditant, L. 2. & L. 3. *ead.* Sed nulla tamen harum genuina esse & ad prohibitionis huius originem pertinere videtur. Vera causa ex principiis iurisprudentiae veteris deriuanda, secundum quae vir & vxor pro vna persona habebantur, non secus ac pater & filia familias. Quemadmodum ergo inter hos donatio non valebat, nisi pater donans in ea voluntate perseverans decessisset: ita non magis valida erat donatio inter virum & vxorem, quae in manum conuenerat. Barn. Briffon. *de Rit. Nupciar. p.* 214. Postea quum raro vxores in manum conuenirent, & tamen posteriores Imperatores ius vetus constitutionibus suis firmarent: Icti alias rationes excogitandas putarunt, quamuis sibi ipsi non satis consent.

vel augeri posset, quumque iam nomen antiquum inconcinnum videretur: Iustiniani iussu Donatio propter nuptias vocari coepit. §. 3. *Inst. h. t. L. ult. C. de donat. propter. nupt.* Graecis est ἀντιφέρεια, ad quam proxime accedunt δαΰρη-τρον & ὑπόβολον, quorum illud est, quod ob dotis quantitatem, quum soluto matrimonio dos repetitur, huic subiicitur, & veluti sub dote, quae in maiorem quantitatem excrescit tanquam minus & infirmius ponitur: Harmenop. IV, 10, 1. hoc autem quod virgini, non viduae datur, διὰ τὴν τιμὴν τῆς παρθενίας, in honorem virginittis. Id. *Promptuar.* V, 5, 7. Vnde hoc cum veterum ἀνακαλυπτῆρι non male comparat Dionys. Gothofredus. Similis quoque est theoretro Germanorum *morgengaba* vti & incrementum dotis ibidem passim receptum. Erat autem *Theoretri* quantitas in singulas libras dotis semiaureus: Harmenop. *ib.* §. 9. & hypoboli apud veteres dotis dimidia pars, postea pro libra librae triens. Idem §. 4. Videtur res pactis definita, eoque pertinere puto instrumenta ὑποβολικά apud Sidon. Apollin. *Epist.* VII. & συμφωνηθὲν ὑπόβολον, pactum hypobolum apud Harmenop. IV, 10, 7.

XIX. Quemadmodum vero donationes XIX. Do-  
inter viuos sua natura erant irreuocabiles, nisi natio mor-  
ob certas causas, quas iureconfulti exponunt: tis causa.  
ita semper reuocari poterant donationes  
MORTIS CAVSSA factae, morte non sequuta  
sed & hic ad formulas erat respiciendum. Pote-  
rat enim etiam sic mortis causa donari: VT  
NVLLO CASV EIVS REPETITIO ES-



SET, id est, ne si conualuisset quidem donator, & tunc credebatur inter viuos donatum. L. 27. D. de mort. causs. don. Plures formulas in huiusmodi donationibus vsurpatae accurate suo more collegit Barn. Briffon, de Form.

XX. Leges VII. p. 690.

adiectae  
donationi-  
bus.

XX. Postremo & hoc monendum videtur, donationibus consueuisse varias condiciones ac leges adici, vt non modo ex multis iuris nostri fragmentis constat, quae idem collegit Briffon. de Form. IV. p. 557. verum etiam ex Plauti *Asm.* IV, 1. vbi scitum & elegans exstat syngraphi inter adolescentem, amicam & lenonem conscripti exemplum in quo plurimae leges viginti minarum donationi adiiciuntur. Immo & lapides exstant, in quibus curiis vel integris corporibus donationes fiunt, certis adiectis legibus, veluti  
VT QVOTANNIS NATALI SVO SPOR-  
TVLAE VIRITIM DIVIDANTVR vel VT  
LARGIVS ROSAE ET ESCAE PATRO-  
NO SVO ET QVANDOQVE SIBI PO-  
NERENTVR, & quae sunt huius generis aliae.  
Briffon. l. c.

## TIT. VIII.

### QVIBVS ALIENARE LICET, VEL NON.

**C**Oniunctim hoc titulo exhibet Imperator, quae dici poterant de iis, quae vel non alienari poterant a dominis, vel alienari a non dominis. Nos singula ex antiquitatibus Romanis illustrabimus.

I. A marito alienari non poterat fundus I. Fundus dotalis, quamvis alias eius esset dominus *pr. Inst.* dotalis alienari non poterat a marito. *b. t.* Ad quae rectius intelligenda monere nonnulla licebit de dotium origine & natura, maxime quum haec materia in Institutionibus plane praetermissa sit a Triboniano.

II. Dotes quo fine olim inter mortales constitutae sint, a nemine, quod sciam accuratius ostensum est, quam a Iac. Perizonio V. C. in *Dissert. ad Leg. Vocon. p. 113. sequ.* Quemadmodum scilicet filii apud plerasque gentes in domo paterna manebant, domini ac heredes omnium quae parentes reliquissent, bonorum futuri: ita filiae contra per nuptias in perpetuum dimittebantur e domo paterna; atque hinc inuptae debebant ex bonis paternis ali, nuptae vero instrui dote, ne plane exsortes essent paternae hereditatis. Apud plerasque tamen gentes dotem maritus vxori, non vxor marito offerebat. Ista sane consuetudo viguit inter Germanos, teste Tacito *de Mor. Germ. Cap. XVIII.* Assyrios, teste Aelian. *Hist. Var. IV, 1.* Babylonios, teste Herodot. I, 196. & Armenios, ceu patet ex *Nov. XXI.* Sed diutissime permansit apud Germanos, eiusdemque originis gentes, ceu ex multis medii aevi testimoniis & diplomatibus alio loco probauimus.

III. Communis hic mos erat omnibus fere gentibus, praeterquam Romanis, qui dotem dabant filiabus, (a) etiamsi easdem ad aequas he-

III. Vt & apud Romanos.

(a) Dos illa Romanarum mulierum veluti complementum pretii erat, quo mulieres sibi viros coeuebant, &

hereditatis partes admitterent. Tam necessariae enim Romanis videbantur dotes, ut vel his solis se a concubinis seiungerent matronae. Hinc apud Plaut. *Trin.* III, 2. v. 63. adolescens:

*Sed ut inops, infamis ne sim, ne mihi hanc famam differant,*

*Me germanam meam sororem in concubinatum tibi*

*Sic sine dote dedisse magis, quam in matrimonium.*

Conf. *Id. Act.* III. *Scen.* III. v. 3. Postea tamen, lata lege Voconia. Romanae quoque mulieres contentae esse iussae sunt dote sua, nec hereditates adfectare. Eae dotes fuere luculentissimae. L. Paullo vxor secunda attulerat dotem XXV. talentorum. Excerpt. Peiresc. ex Polyb. p. 99. Africanus quoque maior utrique filiae dotis nomine promiserat L. talenta. *Ibid* p. 155. (b) Non semper tamen dos in numerata pecunia

hinc Tacitus tamquam rem a Romanis moribus diversissimam notat, quod apud Germanos viri sibi coemerint vxores. Vid. Tacit. *de moribus Germ.* XIX.

(c) Plerumque tamen dos illustrium feminarum erant decies centena, id est, decies centum millia sestertium. Martial. *Epigr* XI, 24.

*Nubere Sila mihi, nulla non lege, parata est,  
Sed Silam nulla ducere lege volo.*

*Quum tamen instaret: decies mihi dotis in auro*

*Sponsa dabis? dixit: Quid minus esse potest?*

Hortalum quoque Augustus, promissa decies sestertii censu

nia constabat, sed & in fundis & praediis, tam urbanis quam rusticis *L. 13. D. de fund. dotal.* immo & in seruis aliisque, quae aestimationem admittebant, & vsui esse poterant marito ad ferenda matrimonii onera.

IV. Triplex vero erat dotem constituendi ratio. Aut enim DABATUR, aut PRO-

IV. Ea vel dabatur.

MITTEBATUR, aut DICEBATUR. *Vlpian.*

*Fragm. VI, 1.* Quae saepe coniunguntur in iure veteri, quamuis a Triboniano sollemnia haec vocabula passim sublata, aliaque reposita sint, uti obseruat Cuiac. *Obs. XI, 29. & Papin. Quaest. Lib. XI. ad L. 7. §. 1. D. solut. matr.* Dari dos dicebatur, si praesens offerretur marito, idq; plerumque fiebat eo ritu, ut pecunia illa dotalis consignata pridie nuptiarum apud auspices deponeretur, in crastino nuptiarum viro tradenda. De Messalina *Sueton. Claud. XXVI. Messalinam, quum comperisset, super flagitia atque dedecora C. Silio etiam nupsisse dote inter auspices consignata, supplicio adfecit.* Et Iuuenalis *Sat. X. v. 333. de eadem Messalina:*

- - - Dudum sedet illa parato

Flammeolo, Tyriusque palam genialis in hortis

Sternitur, & RITV decies centena DABVNTVR

AN-

cenſu, quem forte vxor in dotem non dedisset, adlexit ad ducendam vxorem procreandosque liberos. *Tacit. Annal. II, 37.* Eandem dotem Flauiae Athenagorae filiae dedit Senerus. *L. 6. §. 1. D. de vsur. & fruct.* Adde Iuuenal. *Sat. VI. & X. v. 335.* Martial. *Epigr. II, 65. Senec. consolat. ad Helu. Cap. XII.*



ANTIQUO, *venit cum* SIGNATORI-  
BVS *auspex.*

V. Vel pro-  
mitteba-  
tur.

V. Dos PROMITTEBATVR interposi-  
ta stipulatione, dummodo persona interrogata re-  
sponderet, & stipulato promitteret, vt ait Caius Instit.  
II, 9. 3. Exemplum eiusmodi stipulationis est  
apud Plautum Trinum. V, 2. v. 34. sequ.

- - LY. Sponden' ergo tuam gnatam uxorem  
mibi?

CA. Spondeo, & mille auri Philippum dotis. LY.  
Dotem nihil moror.

CA. Si illa tibi placet, placenda dos quoque est,  
quam dat tibi.

CH. Postremo, quod vis, non duces, nisi illud,  
quod non vis, feres.

CH. Ius hic orat. LY. Impetrabit te aduocato  
atque arbitro.

Istac lege, (cum ista dote,) filiam tuam sponden'  
mibi uxorem dare?

CH. Spondeo. CA. Et ego spondeo idem hoc.

Illud addo, dotem promissam solui consueui-  
se tribus pensionibus, annua, bima, trima die,  
vt docent exempla apud Cicer. Epist. ad Attic. XI,  
4. 23. & ult. & in Excerptis Peirescianis p. 157.  
vbi id fieri oportuisse ait Polybius κατὰ τὰς Ῥω-  
μαίων νόμους, secundum Romanorum leges. Quem  
locum a Salmasio mirifice perturbatum egre-  
gie illustrat Ger. Nood. de Foen. & Vsur. III,  
6.

VI. Vel di-  
cebat. r.

VI. Dotis denique DICTIO fiebat verbis  
quibusdam sollempnibus, (c) vt recte notarunt  
Cuias-

(c) Negunt hoc Cl. Salmas. de modo usur. XVI. & Oisef. ad  
Caii

Cuiacius ad Vlpian. *Fragm.* VI, 1. Barn. Briffon. *de Form.* VI. p. 543. Ast docet tamen Caius *Instit.* l. c. *obligationem hanc & nulla praecedente interrogatione contrahi potuisse.* Videtur ergo haec dotis dictio in eo constituisse, quod dotem dicturus summam nominaret, sponfus eandem, stipulatione haut interposita, acciperet. Exemplum est apud Terent. *Andr.* V, 4. v. 47. vbi Chremes:

- - Dos, Pamphile est

Talentis quindecim. PA. Accipio.

Ea enim verba sollemnia & legitima fuisse obseruat Donatus Scholiastes, *Ille nisi dixisset: ACCIPIO, dos non esset.* Vnde facile patet, hanc sollemnem fuisse dotem constituendi formulam a datione ac promissione dotis diuersissimam. Add. Sidon. Apollin. *Epist.* I, 11. Tales formulae dotem dicendi occurrunt etiam in iure nostro L. 25. L. 44. §. 1. L. 46. §. 1. L. 57. *princ. D. de iure dot.*

VII. Dicere vero dotem poterat ipsa mulier, vel eius debitor, vel pater, auus alique per virilem sexum cognatione iuncti. *Dare autem & promittere* licebat omnibus, etiamsi nulla propinquitate coniunctis. Vlpian. *Fragm.* VI, 2. & Paullus

VII. Qui dare, promittere, dicere dotem poterint?

Caii *Instit.* l. c. Sed non sequitur, ut ideo, quod nulla intercesserit stipulatio, verba quoque sollemnia adhibita fuisse negemus. Erant etiam praeter stipulationes multae aliae formulae sollemnes. Sane sollemnium verborum in dotis dictione obseruandorum meminit. L. 3. C. *Theod. de incest. nupt.* & dictio dotis a datione minus sollemni distinguitur in L. ult. C. *Theod. de dotib.*

(d)

Paullus L. 41. D. de iure dot. Ipsa vero mulier nihil in his poterat sine auctoritate tutorum. Cicero pro Flacco XXXIV. XXXV. Dotem Valeria pecuniam omnem suam dixerat. Nihil istorum explicari potest, nisi ostenderis, illam in tutela Flacci non fuisse. Si fuit, quaecunque sine hoc auctore est dicta dos, nulla est. Addatur Cicero ibid. cap. XXV. Vlpian. *Fragm.* XI, 27. Hinc si nullus erat mulieri tutor: dandus erat a Praetore urbano ex lege Papia Poppaea, ad dotem dandam, dicendam promittendamue. Vlpian. *Fragm.* XI, 20. De eo tutore plura diximus in *Comment.* ad L. Iul. & Pap. Popp. Lib. II. Cap. XIII. p. 253 sequ. ubi & ostendimus tutorem mulieri ob dotem vel pupillo ob litem cum tutore datum ideo Praetorianum vel praetorium adpellatum esse, quia hic non dabatur suffragante maiore parte tribunorum plebis, uti alii tutores ex lege Atilia dati, sed a solo praetore. Add. Vlpian. *Fragm.* XI, 24.

VIII. Quid  
dos pro-  
fectitia,  
aduenti-  
tia, rece-  
ptitia.

VIII. Quaecunque pater genero vel eius patri adferenda matrimonii onera dederat, ea dotis *profectitiae* nomine veniebant. Quae alius quicumque obtulerat, dos *aduentitia* vocabantur. Ac olim quidem *profectitia* aequae ac *aduentitia* dos marito cedebat: (vid. supra Lib. I. Tit. X. §. VII.) Postea quum raro uxores in manum conuenirent, & frequentissima contra essent diuortia, distinguere inter *profectitiam* & *aduentitiam* coepit. *Profectitia*, mortua in matrimonio muliere, ad patrem tota reuertebatur, siue esset filia familias, siue sui iuris. L. 59. D. sol. matr. liberis tamen relictis, in singulos quin-

quintae partes manebant penes virum, quemadmodum & praemortuo patre, dos profectitia tota penes virum remanebat. Vlpian. *Fragm.* VI, 4. Aduentitia dos semper penes maritum remanebat, (d) Cuiac. *Obs.* IX, 4. praeterquam si is, qui dederat, ut sibi redderetur, esset stipulatus: quae dos specialiter receptitia dicebatur. Vlp. *l. c. n.* 5. Quae iure nouo mutata esse, ex. *L. 6. D. de iur. dot.* L. 12. L. 26. §. 2. *D. de pact. dot.* L. 5. *D. de diuort.* L. 48. L. 59. *D. solut. matr.* L. vn. §. 6. *C. de rei. vx. act.* satis constat.

IX. Quum vero frequentissima essent apud Romanos diuortia, adeoque verendum videretur, ne dissipata dote vxores domo extruderentur: non modo repudiatae concessum ut dotem actione rei vxoriae repeteret, quam in actionem ex stipulatu conuertit Iustinianus, *L. vn. C. de rei vxor. act. in ex stipul.* verum etiam cautum est sub Augusti imperio, ne maritus fundum Italicum dotalem, vxore vel invita alienaret, vel consentiente obligaret. Ex qua lege istud ius manarit, dubium visum est viris doctis. Legi Iuliae & Papiae illud tribuit Iac. Gothofredus *ad L. lul. Pap. Cap. XX. sequ.* sed argumentis admodum incertis, & quae ipse postea deserit p. 335. Magis probabile est, esse hoc caput

IX. Alienatio fundi dotalis Italici lege Iulia prohibita.

(d) Exemplum tamen Augusti, qui marito dotem aduentitiam abiudicauit, existat apud Valer. Max. VII, 7, 4. Sed tum Augustus facti indignitate motus, magis ex aequo & bono, quam ex iuris rigore vel fori usu, decreuit, ut obseruat Ant. Schulting. *ad Vlpian. Fragm.* VI, 5. p. 582.



put legis Iuliae de adulteriis, cui etiam illud inferit Barn. Briffon. *ad L. Iul. de adult.* XXIX. p. 123. Nam huic legi istud caput diserte tribuit Paullus *recept. Sent. II. 21.* Et caput legis Iuliae de dote soluto matrimonio repetenda plane aliud & ab hoc diuersissimum fuisse, demonstraui in *comm. ad L. Iul. & Pap. Popp. II, 19. p. 327.* Cur vero ad sola praedia Italica haec lex pertinuerit, facile patet. Sola praedia Italica poterant vsucapi, non item prouincialia, vt supra ostensum. Hinc non opus erat, vt viro alienatione praedii dotalis prouincialis interdiceretur, quum hoc ab vxore, soluto matrimonio, facile posset vindicari, nullaque ei opponi posset exceptio vsucapionis. Ex quo vero Iustinianus vsucapionis ius etiam ad praedia prouincialia protulit: non potuit non etiam praediorum dotalium in prouinciis alienationem inhibere. *L. vn. §. 15. C. de rei vx. act.* qua etiam maritum fundum dotalem consentiente vxore alienare vetuit.

X. Aliena-  
re pignus  
poterat  
creditor,  
& quomo-  
do ?

X. Vidimus maritum, licet dominum praedia dotalia alienare haut potuisse: secus in pignore se res habebat, quod alienari poterat a creditore, non soluente debitore, etiam si ille non esset dominus. *§. 1. Inst. h. t.* Equidem si ea lege traditum fuerat pignus, vt a creditore distraheretur, non opus erat vlla denunciatione: *L. 4. princ. D. de pign. act.* nec exigebatur denuntiatio, si certo die soluenda erat pecunia, & pignus simpliciter datum modo non antequam dies venerat, vendidisset, siquidem tunc furti se obligabat, *L. 73. D. de furt.* At postea tamen  
&

hoc casu requisita vna denunciatio, & mora biennii. *L. 4. C. de pign. distr. L. ult. §. 1. C. de iur. dom. imp.* Reliquis casibus trina requirebatur denunciatio, vt debitor vel pignus lueret, vel sciret, illud distractum iri. *Paull. Recept. Sent. II. §. 1.* Iustinianus vero veteres ambages nouis, iisque multo longioribus commutauit, & trienam quidem denunciationem plerisque casibus fustulit, vnicamque sufficere voluit: addidit tamen, vt facta denuntiatione, elapsoque post eam triennio, pignus creditori adiudicaretur, dato inluper debitori biennio, intra quod rem suam posset recuperare. *L. ult. C. de iure domin. impetr.*

XI. Pupillos pupillasue alienare haut posse, nisi auctoribus tutoribus, vel ius naturae suadet. Et quid Romae hac in re vsitatum fuerit, iam supra ad titulum *de auctoritate tutorum* dicere occupauimus.

XI. De alienatione rerum pupillarum remissive.

## TIT. IX.

PER QVAS PERSONAS CUIQUE  
ADQVIRITVR.

**Q** Vicumque erant alieni iuris: ii non sibi adquirebant, sed iis, quorum in potestate erant. Quia enim & serui omnino; & liberi ratione patris in classe rerum esse censebantur: nihil magis videbatur rationi consentaneum, quam vnumquemque per rem suam acquirere. *Vid. Elem. nostra iur. cin. Lib. II. §. 470.* Ea de re hoc demum titulo agit Tribonianus.

I. Adquae-  
stus per li-  
beros.

I. Et liberi quidem, quum ex Romuli insti-  
tuto non multo melioris essent conditionis,  
quam serui: instar horum quoque non sibi ad-  
quirebant, sed patri, qui liberam habebat re-  
rum omnium, quas liberi quocumque titulo  
adquisiuerant, dispositionem, adeo ut eas alteri  
ex liberis, immo & extraneis, donare possent.  
Vid. Sext. Empir. *Pyrrhon. hypot. III, 24.* Adde  
Senec. *de Benef. VII, 4.* Dionys. Hal. *Ant. Rom.*  
*VIII.* ubi hic auctor πολιτικώτατος: Romanis, in-  
quit, filiis nihil proprii est viuis patribus, sed & pecuni-  
as & corpora liberorum patribus ad eorum arbitrium  
tradidit lex Romuli. Et Arrian. *Diff. Epictet. II,*  
*10.* Ὅτι τὴν προσώπῃς ἐπαγγελία πάντα αὐτῷ  
ὑγιαίνει τὴν πατρός. Filii officium est, ut, quae habet,  
omnia patris esse ducat. Add. Sueton. *Tiber. XV.*

II. Muta-  
tio huius  
iuris.

II. Postea tamen filiis concessum tanquam  
peculium, quidquid militiae labore erant lucra-  
ti. Et id quidem eodem tempore factum vide-  
tur, quo ipsa libera testamenti factio concessa  
est militibus, quod primo sub Iulio Caesare fa-  
ctum ad tempus, postea id ius auctum a Tito,  
Domitiano, Nerua & Traiano Imperatoribus:  
uti testatur Vlpianus, *L. 1, pr. D. de test. milit.* Sane  
sub Claudio & Nerone non ignotum fuisse pe-  
culium militare, docet Iuuenal. *Sat. ult, v. 52.*

- - Nam, quae sunt parva labore  
Militiae, placuit non esse in corpore census,  
Omne tenet cuius regimen pater.

Quem locum frustra sollicitauit P. Pithoeus.  
Additum postea & quasi castrense peculium,  
(a)

(a) permissumque iisdem, quidquid artibus liberalibus adquisiuerint, separatum habere a rationibus parentum §. *ult. Inst. de milit. test.* Excepit etiam Constantinus M. (b) bona materna quorum ususfructum tantum patribus concessit L. 1. C. de bon. mat. Vnde multo magis rationi videbatur consentaneum, bona materni generis, ad liberos pertinere, & ita statuerunt Gratianus, Valentinianus & Theodosius. L. 6. C. Theod. eod. Porro idem ad lucra nuptialia & sponsalitia porrectum est a Theodosio & Valentiniano, Leone & Anthimio L. 1. L. 4. & L. 5. C. de bon. liber. Denique Iustinianus haec generatim ad omnia bona liberorum aduentitia produxit, quorum dominium penes liberos, ususfructum penes parentes esse iussit. L. 6. C. de

(a) Occurrit illius mentio etiam in Digestis L. 1. §. 15. de collat. L. 3. §. 5. de bon. possess. L. 7. §. ult. de donat. L. 16. §. 12. ad SC. Trebell. quae loca omnia a Triboniano interpolata putat Fr. Balduin. *Iustinian.* III. Sed Iac. Gothofr. ad L. 3. C. Theod. de iustul. Tom. 1. p. 143. sequi. de omnibus id adfirmare non audet quia quamuis aduocatis primus hoc privilegium tribuerint Theodosius iunior & Valentinianus III. tamen ante ea tempora peculium quasi castrense habuerint praecincti, vel administratores prouinciarum. Hieronym. ad Nepotian. f. 17 Absoluit etiam Tribonianum V. C. Ant. Schulting. ad Paull. Rec. Sent. V. 9. 4. p. 470. ob L. 8. D. pro soc. ubi locum habere haut potuit interpolatio.

(b) Iam ante Constantinum M. notabilem quamdam exceptionem introduxit Hadrianus, quae exstat L. 50. D. ad Senatusc. Trebell. alteramque Diuus Pius, quae est in L. 52. D. de acquir. vel amitt. hered. Vid. Ger. Nood. de usufructu II. 4. p. 608.



*de bon. liber.* Reliqua, quae vel a patre vel eius contemplatione ad filium perueniebant, patri acquirebantur. Quo etiam pertinuisse, quae filius accipiebat, congiaria, ostendit Cuiac. *Obj.* XXI, 7.

III. Ad-  
quæstus  
per ser-  
uos.

III. Simile quid in seruo obseruatur, qui nihil habere poterat proprii, nisi quod dominus habere permetteret, idque itidem vocabatur *peculium*. Solebant illud de demenso suo vnciatim colligere serui, ac eo deinde ita negotiari, vt lucrum inde quaecunque ad se rediret. Demensi loco singulis mensibus accipiebant serui quinque modios & quinque denarios, idque vocabatur *menstruum*. Sen. *Epist* LXXXI. Lips. *Elect* I, 8. p. m 50. Talia etiam erant *annua*, quae dabantur seruis publicis. Plin. *Epist* X, 40. Lips. *Elect*. I, 22. p. 125. Quidquid ergo de hisce mensuris annuisque stipendiis deparserant, peculii loco erat. Apud Terent. *Phorm.* I, 1. v. 5. seruus conserui fortunam dolens :

*Quod ille vnciatim vix de demenso suo,  
Suum defraudans genium, comparfit miser,  
Id illa vniuersum accipiet, haut existimans,  
Quanto labore partum.*

Eam deinde pecuniam, concedente domino vel foenore locabant, vel inde sibi emebant seruulum, cuius opera lucrarentur. Et talis seruus serui vocabatur *vicarius*, & & pertinebat ad *peculium*. Immo si his quoque seruis vicariis aliquid peculii esset, & hi seruos haberent: erant hi vicariorum vicarii, quorum mentio fit in L. 25. *D. de pecul. leg.* Haec erant seruorum *peculia*, in quae quid iuris fuerit domino, Iureconsulti docere solent. IV.

IV. Addi personis, per quas acquiritur, ve-  
 teri iure oportebat etiam matres familias, quae  
 & ipsae olim in manu maritorum erant, adeo-  
 que omnia acquirebant maritis. Sed de his  
 harumque peculio dictum est supra *L. I. Tit. X.*  
*n. VI.* Iam addo, inde natam esse praesumptio-  
 nem, quod quidquid habet vxor, id mariti esse  
 intelligatur. *L. 51. D. de donat. inter vir. & vx.* cu-  
 ius legis sensum plane exprimere videntur illa  
 Plauti Casin. II, 2. v. 2-. vbi Murrina:

- *Quae habet partum, ei hant commodi est,  
 Quin viro aut subtrahat, aut stupro inuenerit.  
 Hoc viri esse censeo omne, quidquid tuum est.*

V. Solebant nonnunquam & liberae per-  
 sonae in seruitute esse, quamvis non essent ser-  
 uilis conditionis. Et hae quoque acquirebant  
 dominis, ex operis suis, quamdiu hi bona fide  
 eas in seruitute tenebant. Alias per extraneam  
 personam nihil adquiri poterat. si discesseris a  
 procuratoribus, quos ipse excipit Imperator §.  
*5. Inst. b. t.* qui tamen si in iudicio aliorum caus-  
 sas agerent, domini litis fingeantur, de quo do-  
 minio litis vid. Boehmeri *Diss. sing.* & Christ.  
 Gothofr. Hoffm. *Diss. de procurat. cap. 1, 7. & seq.*

VI. Tollebatur istud ius parentum & do-  
 minorum emancipatione & manumissione.  
 Sed emancipatorum liberorum, antiquo iure  
 parentes tertiam peculii aduentitii partem pro-  
 priam sibi retinebant, ex constitutione vero Iu-  
 stiniani dimidii peculii vsumfructum. *L. 6, §. 3.*  
*C. de bon. quae lib.*

IV. Ad-  
 quæstus  
 per ma-  
 trem fami-  
 lias.

V. Ad-  
 quæstus  
 per perso-  
 nas libe-  
 ras.

VI. Quid  
 iuris post  
 emanci-  
 pationem  
 libero-  
 rum.

## TIT. X. XI. XII.

DE

TESTAMENTIS ORDINANDIS;  
TESTAM. MILITARIBVS, ET QVI  
TESTARI NON POSSVNT.

**V**Ltimae sequuntur voluntates, quibus vel vniuersitatem adquiremus, seu vt Ambros. *Lib. I. de Caino & Abele* loquitur, *bonorum hereditatem* vel res singulas. Ad prius genus testamenta pertinent, quorum antiquissimam rationem hic expendemus, maxime quum ipse Imperator dicat, *nihil hic antiquitatis nos penitus ignorare debere. §. 2. Inst. de test. ordin.*

I. Testa-  
menta  
quotupli-  
cia.

I. Duorum generum apud Romanos fuisse testamenta, quorum altero IN PACE, altero in PROCINCTV vsi sint, recte docuit Iustinianus §. 1. *Inst. de testam. ord.* quamuis satis incommode ipsa testamenta haec *procincta* vocet, quae veteres, & ipse Theophilus rectius IN PROCINCTV, vel, vti in vetere Glossa est, ENDO PROCINCTV adpellitant. Vtraque sunt antiquissima, & iam ante leges XII. tabularum Romae inualuerant. Sane testamenta in procinctu facta sunt iam tempore M. Coriolani, qui ante decemuiros vixit. Plutarch. *Coriolan. p. 198.* Testamenti vero in pace iam sub regibus facti, idem meminisse videtur Plutarchus in Romulo, vbi Tarrutius, Anci Marci temporibus, Laurentiam dicitur τελευτήσας ἀπολύψαι κληροόμεν, quae phrasis alias hereditatem testamento delatam denotat. Vid Perizon. *ad*

Leg.

*Leg. Vocon. p. 134.* Fallitur ergo Desid. Herald. *Rev. quotid. cap. ult. §. 4. & 9.* falluntur & alii interpretes, qui haec testamentorum genera demum in XII. Tabulis exemplo iuris Attici recepta putant.

II. Testamenta IN PACE fiebant in comitiis calatis id est, quae pro collegio pontificum, aut regis flaminumue inaugurandorum causa, habebantur, & dividebantur in *curiata* per lictorem curiatim calata, & *centuriata* per cornicinem. Lael. Felix apud Gell. *Noct. Att. XV, 27.* In his ergo & testamenta fiebant per modum legis, & praemissa procul dubio sollemni rogatione, qualem in adrogatione factam observat Gell. *Noct. Att. V, 14.* VELITIS IVBEATIS, QVIRITES, VTI L. TITIVS L. VALERIO TAM IVRE LEGEQVE HERES SIBI SIET, QVAM SI EIVS FILIVS FAMILIAS PROXIMVSVE ADGNATVS ESSET. HAEC ITA VT DIXI, ITA VOS, QVIRITES, ROGO. Vnde recte observavit illustris Thomas. *Diss. de prim. init. success. testam. §. XII.* heredes hoc modo institutos legitimos potius fuisse quam testamentarios. Scilicet existimabant Romani legem non nisi nova lege tolli posse adeoque & nemini licere leges de hereditatibus intestatorum migrare, aliumque instituere heredem, nisi nova lege in comitiis calatis condita. V. A. Bynkersh. *Obs. II, 2. p. 113.* Ex quo fundamento etiam pacta successoria irrita putabant, quia *privatorum cautio legum auctoritate non censebatur.* L. ult. D. de suis & legit. hered. neque *ius publicum privatorum pactis mutari*

II. Testamenta in comitiis calatis facta.



*poterat. L. 38. D. de pact.* Haec certa sunt, reliqua quae refert Theophilus *ad §. 1. Inst. b t* de populo bis in anno huius rei causa conuocato, ab eruditis vocantur in dubium. (a) Id vero certius est, ideo electa videri comitia calata, ut notio pontificum interueniret, sine quorum auctoritate sacra priuata ad heredem transire non potuissent. Vnde etiam auctores eos fieri oportebat in arrogationibus. Cic. *pro Domo cap. XIII.*

III. Testamenta in procinctu.

III. Testamenta IN PROCINCTU fiebant a militibus in cinctu Gabino (vid. Seru. ad Virgil. *Aen. VII. v. 612.*) ad praelium ituris. Vellei. Paterc. II, 5. In procinctu enim stantes vel cinctu Gabino, & scutis manus inferentes, sagaque accingentes, simul etiam tribus aut quatuor (b) audientibus, heredem suum nuncupabant. Plutarch. in *Coriolano* p. 198. Vnde ignorantiam antiquitatum produnt, qui huius gene-

(a) Maxime ob locum Gellii *Noct. Att. XV, 27.* In libro Laelii Felicis ad Q. Mucium primo scriptum est, Labeonem scribere, calata comitia esse, quae pro collegio pontificum habentur, aut regis aut flaminum inaugurandorum causa, eorum autem alia esse curiata, alia centuriata: curiata per lictorem curiatim calari, id est, conuocari, centuriata per procinctum. Iisdem comitiis quae calata adpellari diximus, & testamenta fieri solebant. Inde ergo patet, populum non testamentorum causa calatum, sed testamenta fuisse comitiorum veluti adpendicem. Thomaf. *Dissert. cit. §. XVI.*

(b) In Plutarchi textu est: *τετάρων, καὶ τετάρων*, qui conficiunt septem, sed aut particula coniunctiua hic, ut alias saepe, pro disiunctiua ponitur. Strauch. *Lexic. Part. iuris voce.* Et, aut pro *καὶ* legendum.

(c)

generis testamenta ob militum simplicitatem inuenta putant. *arg. princ. Inst. de milit. testam.* Lecta enimerat antiqua militia ex ciuibus, & quidem non ex vltima faece plebis, sed ex flore delibuto ciuium. Quare potius ad pelliciendos in militiam animos inuentum est hoc testandi priuilegium: *Thomas. l. c. § XXIII.* immo & religionis causa admissum, & hinc abolitum, simul ac bella auspiciato geri desierant *Cic. de Nat. Deor. II, 3.* Nimirum cinctum Gabinum sumebant, qui ab Imperatore Dis Manibus pro exercitu deuouebantur. *Liu. VIII, 9. 10. X, 7. 28.* Hinc eodem induebantur milites, in rebus trepidis, quasi deuoti Dis Manibus. Vltima vero horum deuotorum voluntas quum pro lege esset, *Liu. X, 29 iunct. XXVI, 11.* etiam testamenta militum in procinctu facta rata esse iubebantur tacito populi suffragio, tanquam νόμοι ἄγραφοι, quemadmodum testamenta in comitiis calatis condita tanquam νόμοι ἔγγραφοι valebant. Hinc facile reddideris rationem, cur tam raro & non nisi in extremo rerum discrimine huiusmodi testamenta condita. *Vid. Vellei. II, 5. Plutarch in Coriol. p. 198.* Extra periculum enim & cinctum Gabinum milites testabantur iure ordinario. *Caesar de B. G. I, 39. Flor. III, 10.*

IV. Quum vero non nisi praesentissimo mortis periculo in procinctu fierent testamentum: *Vellei. Paterc. Hist. II, 5. Cic. de Orat. I, 53.* verosimile est, defunctis periculo testatoribus, testamenta illa euauisse, instar donationum

IV. An haec rata fuerint post periculum?

mortis causa, licet verbis disertis haut reuocata,  
Thomaf. *Diff. alleg.* §. XXVII.

V. Testa-  
menti fa-  
ctio per  
Leg. XII.  
Tab. intro-  
ducta.

V. Ceterum testamenta in calatis comitiis facta exoleuisse videntur, latis legibus XII. Tabularum. In iis enim quum fuisset cautum : PATER FAMILIAS VTI LEGASSIT SUPER FAMILIAE PECVNIAE TUTELAE VE SVAE REL, ITA IVS ESTO : Vlpian. *Fragm.* XI, 14. L. 53. D. de V. S. pr. *Inst. de L. Falc. Nou.* XXII, cap. 2. Cic. de *Inuent.* II, 50. Auct. ad Herenn. I, 13. latissima profecto omnibus facta est testandi facultas. Vnde quum ciues iam suo arbitrio possent de bonis disponere : quis quaeso adeo desipuisset, vt mallet in comitiis calatis, auctore populo, collegioque pontificum testari ? Ergo tum demum videntur testamenta proprie sic dicta exemplo iuris Attici inualuisse. (c)

VI. Testa-  
mento-  
rum for-  
ma.

VI. Quemadmodum vero Icti eodem fere tempore legis actiones componebant : Pompon. L. 2. §. 6. D. de O. I. ita & testamentis certam quamdam formam dabant, inueniebantque *testamentum per aes & libram*, cuius meminit Imperator §. 2. *Inst. de testam. ordin.* vel *per familiae emtio-*

(c) Leges enim Solonis Atheniensibus non exstantibus liberis concessisse liberam testandi facultatem, constat ex Plutarch. *Solon.* p. 90. & Demosth. *Orat. in Steph.* II. p. 983. Exemplum testamentorum Atticorum haut pauca exstant apud Diog. Laertium. Adde Pfeifferi *Antiqu. Graec.* IV, 63. p. 770. sequ. Quin in testamentorum vi atque auctoritate Graeciae populos alioquin inter se moribus & institutis dissidentes conuenisse, Isocrates in *Aegenetico* tradit.

(d)

*emtionem*, vti vocatur §. 1. *Inst. h. t.* Quum enim ex iuris Romani principiis leges de successione intestatorum non nisi alia legi tolli possent, & tamen decemuiri liberam cuius patrifamilias testamenti factionem concessissent: inueniendus erat color, quo iuris analogia seruaretur. Itaque fingebant, hereditatem non tam per ultimam voluntatem, quam per venditionem & mancipationem transferri. Vnde errat Balduin. *ad XII. Tab. XXIX. p. 119. edit. Basil.* qui ipsum ritum mancipationis vel aeris & librae id testamentis eiusmodi adhibendum in duodecim tabulis praescriptum putat. (d) Vid. Thomas. *Diss. alleg. §. XXXIII. sequ.*

VII. In testamento vero, quod per aes & VII. Testa-  
libram fiebat, duae res agebantur, nam & *fami-*mentum  
*liae mancipatio fiebat & nuncupatio testamenti.* Con- per aes &  
stituebantur scilicet *familiae emtor*, antestatus & libram.  
libripens, cum quinque testibus ciuibus Roma-  
nis,

(d) Exstitit equidem in XII. Tabulis lex: QVI SE SIN-  
NIT TESTARIER, LIBRIPENSVE FVERIT, NI  
TESTIMONIVM FARIATVR, IMPROBVS IN-  
TESTABILISQVE ESTO. Gell. *Noct. Att. XV, 13.*  
VI, 7. Sed haec non ad testamenta pertinuit, verum  
ad eos, qui in mancipatione quacumque vel testes ad-  
hibiti vel libripendes, postea testimonium ferre de eo,  
cui interfuerant, detrectabant. Vid. Iac. Gothofr. XII.  
*Tab. Tab. VII. p. 221.* Idemque sentiendum de altero  
capite: QVI NEXVM FACIET MANCIPIVM-  
QVE, VTI LINGVA NVNCVPASSIT, ITA IVS  
ESTO. Festus *v ce nuncupata.* Nam hoc quoque  
caput ad mancipationem, non ad testamentum, per-  
tinet, vt contra Franc. Hotomanum docuit Iac. Go-  
thofr. *ad XII. Tab. Tab. VI. p. 210.*



nis, quibus praesentibus more maiorum fiebat mancipatio vel imaginaria venditio hereditatis. Quinctilian. *Declam. CCCVIII.* Non dixerim, inquit, *testamentum, cui libripens deest, & familiae emtor, & cetera iure necessaria.* Postea testator tabulas tenens: HAEC, inquit, UTI IN HIS TABVLIS CERISVE SCRIPTA SVNT, ITA DO, ITA LEGO, ITA TESTOR, ITAQUE VOS, QVIRITES, TESTIMONIUM PRAEBITOTE. Vlpian. *Fragm. XX.* Isidor. *Orig. IV, 24.* Tum vltimis verbis accedebat antestatio, auresque testium tangebantur, ut docet Clem. Alex. *Strom. V. p. 574.* in testamenti factione sui temporis memorans *ζυγὰ καὶ ἀσσοῖρια, καρπωσιμὰς τε καὶ τὰς τῶν ὠτῶν ἐπιψύσεις,* libras, asses, mancipationes & attrectationes aurium. Testium vero nec subscriptio requirebatur, nec subsignatio, quam primus exegit Praetor. §. 2. *Inst. de test. ord.*

VIII. Testamentis conficiendis adhibiti iureconfulti.

VIII. Ipsis concipiendis consignandisque tabulis plerumque adhibebant iureconsultum, ne quidquam, quod ad earum auctoritatem pertinet, praetermitteretur. Docet id Arrian. *Dissert. Epict. II, 13.* Νομικὸς ἢ ἐξηγῆται τὰ νόμιμα. ἀλλὰ διαθήκην μὲν ἐγράφει, μὴ εἰδὼς, πῶς δὲ γράφειν, ἢ παραλαβὼν τὸν εἰδῶτα.. Iureconsultus ei leges enarrat. Atqui testamentum nemo scribit, nisi aut ipse sciat, quomodo scribendum sit, aut eius rei peritum adhibeat. Cicero de Orat. II, 6. Scaeuolae illudens: Nam si nullum erit testamentum recte factum, nisi quod tu scripseris, omnes ad te ciues cum tabulis veniemus, omnium testamenta tu scribes unus. Adde Suet. Ner. XXXII, ubi studiosis iuris, id est, Ictis, sub Ne-

Nerone *haut impune fuisse dicitur, qui testamenta scripssissent aut dictassent*, in quibus principi nihil fuerit relictum. Nonnumquam tamen testatores, non adhibito iureconsulto, voluntatem suam, quam poterant, clarissime exprimebant. Cuius rei elegans exemplum est in *L. Lucius Titius 88. §. 17. D. de legat. 2.* Vbi testator: *Lucius, inquit, Titius hoc meum testamentum scripsi sine ullo iurisperito, rationem animi mei potius sequutus, quam nimiam & miseram diligentiam: & si minus aliquid legitime, minusue perite fecero, pro iure legitimo haberi debet hominis sani voluntas.* Quo casu petita intestati bonorum possessione, heredes scripti portiones suas ex fideicommissio petere poterant.

IX. Scribendo nonnumquam serui vel liberti, nonnumquam amici adhibebantur; aliquando etiam ipsi testatores testamenta sua integra conscribebant, quae tunc vocabantur *holographa*. *L. 28. §. 1. C. h. t.* Testamentorum a seruis & libertis scriptorum exempla sunt in *L. 1. §. 8. L. 15. princ. D. ad L. Cornel. de fals.* nec non apud Suet. *Aug. CI. Tiber. cap. ult.* De amicis testamenta scribentibus videndus Plin. *Epist. VI, 22.* De holographis agit Isidorus *Orig. V, 24.* Testamenti alieni scriptor *testamentarius* in iure nostro vocatur, de quo vocabulo Briffon *de Form. VII. p. 587. & de Verb. signif. hac voce.* Ceterum vel sub Nerone, vel sub Claudio ut ne quis alieni testamenti scriptor legatum sibi adscriberet, cautum est. Suet. *Ner. XVII. L. 1. §. 7. L. 6. L. 14. pr. §. 2. L. 15. pr. D. ad L. Corn. de fals. Pariat. Leg. Mos. & Rom. VIII, 9.*

X.

X. Con-  
scribenda  
erant lin-  
gua Lati-  
na.

X. In testamentis semper utebantur lingua Latina, (e) ac proinde legatum, Graece scriptum, haut valebat, teste Vlp. *Fragm. XXV, 9.* Secus se res habebat in fideicommissis, quae & Graece relinqui poterant, immo & Punice, & quacunque alia lingua. Quae enim iuris gentium erant & alia lingua; quae iuris civilis; Latina duntaxat poterant explicari. *L. 8. §. 4. D. de acceptilat.*

XI. Saepe  
plures ta-  
bulae eo-  
dem ex-  
emplo fa-  
ctae.

XI. Plerumque plures tabulae eodem exemplo conficiebantur. *L. ult. D. de his quae in test. L. 1. D. de bon. poss. sec. tab.* Quem morem etiam Augustus observavit, teste Suet. *Oct. Cl. & Tiberius*, teste eodem in *Tiber. cap. ult.* Tabulas has vel priuatim apud amicum, vel in aede sacra apud virgines Vestales vel aedituos deponebant *L. 1. D. de bon. poss. sec. tab. L. 3. §. 1. D. de tab. exhib.* Lips. ad Tacit. Ann. I. p. 17. Virgini Vestali maximae testamentum suum commendauerat Iulius Caesar. Suet. *Iul. LXXXIII.* cuius exemplum sequutus etiam Augustus. Id. *Octau. Cl.* Conf. Tac. *Annal I, 8.*

XII. Testa-  
menta  
quomodo  
scripta?

XII. Scribebantur fere testamenta in ceris, quae ligneis tabulis erant infusae. Vnde in formula nuncupationis dicitur: *uti in his tabulis cerisue scripta sunt*, quemadmodum & alias loquebantur veteres. *Liu. I, 24.* Vtrumque iunge-

(e) Plura testamenta Romanorum integra ex vetustis lapidibus aliisque monumentis collegit. Barn. Briffon. *de Form. VII. p. 677.* sequ. & Mabillon. in *adpend. de re diplom.* qui tamen & testamentum Iulii Caesaris manifesto supposititium retulit *Lib. V. Tab. I. n. III.*

(f)

iungebatur euitandae captionis ergo. Proprie enim non inscribebatur tabulis, sed ceris V. A. Corn. van Bynkershoeck. *Observat.* III, 21. Schulting. *Iurisprud. Antiqu.* p. 629. Male ergo Cl. Salmasius per ceras intelligit ceras exteriores, quibus signa impressa erant, negatque ceratarum tabularum mentionem facere in scriptis suis iureconsultos. (f) Salmasius *de subscrip. & sign. testam.* XIX. XX. XXVI.

XIII. Aliud postea testamentorum genus sensim inualuit quia Praetor insuper habitis illis sollemnitatibus, mancipatione scilicet & nuncupatione, sola exigebat septem testium signacula. Septem, inquam, testium, ut scilicet praeter quinque illos, quos exigebat ius civile, etiam essent, qui emitorem familiae & libripendem referrent. Vid. §. 2. *Inst. h. t.* & *ibi interpretet.* Ceterum satis antiquum est hoc testamentum Praetorium, iam Ciceroni in *Verr.* I, 45. memoratum. Ibi enim Verres Praetor edixisse dicitur: SI DE HEREDITATE AMBIGATUR, ET TABULAE TESTAMENTI NON MINVS MVLTIS SIGNIS, QVAM E LEGE OPORTEAT AD ME PROFERENTVR, SECVNDVM TABVLAS TESTAMENTI

XIII. Testamentum praetorium.

(f) Quamvis enim earum usus, reperta papyro, rarior fuerit: aliquem tamen adhuc fuisse tempore Constantini M. immo & Theodosii, ex Themist. *Orat.* XVI. & XVIII. patet, ubi mentio fit *ὑπογραφαὶ καὶ τῶν σιδήρων*. Occurrunt etiam cerati codicilli. L. 52. *D. de Legat.* 3. & lignae tabulae L. 1. *D. de bon. possess. contra tab.* Adde Schulting. ad Ulpian. *Fragm.* XX, 9. p. 629.



STAMENTI POSSESSIONEM HEREDITATIS DABO. Et ne quis hoc Edictum a Verre primum inuentum existimet, statim addit Cicero : *Hoc tralatitium est*, id est edictum vetus & ex anteriorum Praetorum albis in illud Verrinum translatum.

XIV. Nova testandi ratio per constitutiones introducta.

XIV. Mansit antiqua testandi ratio per aes & libram diutissime, adeo vt Vlpianus scribat, *Fragm. XX, 2. Illis duobus testamentis (in comitiis calatis & in procinctu) abolitis, hodie solum in usu est, quod per aes & libram fit, id est, per mancipationem imaginariam.* Vnum itaque memorat testandi modum. Quamuis enim & Praetoria testamenta frequentarentur: ea tamen non nisi improprie hoc nomen sustinebant quum ex eis non hereditas, sed bonorum possessio daretur. L. 7. L. 9. D. de bon. poss. sec. tab. Denique quum & constitutionibus quaedam nouae inueherentur obseruationes: in vnum conflari coeperunt ritus ex iure ciuili, praetorio & constitutionibus principum nati, id quod temporibus Theodosii iunioris factum esse, non sine adparatu docet Iac. Gothofredus ad L. 1. C. Theod. de testament. & codicill. Tom. I. p. 334. sequ. Ex eo itaque inualuit, vt testamenta I) vno contextu, II) praesentibus septem testibus, III) iisdemque subscribentibus & IV) annulo signantibus fierent, & V) a testatore ipso vel scriberentur vel subscriberentur. §. 3. Inst. h. t. Quibus sextam sollemnitatem addiderat Iustinianus vt per manus testatoris & testium nomen heredis exprimeretur. §. 4. Inst. h. t. Eam vero ipse Iustinianus iterum sustulit. Nou. CXIX, 9. Vt adeo parum

parum diuturna fuerit huius subtilitatis obseruatio.

XV. His praemissis, & maxime si obseruaueris, testamenta olim in comitiis calatis facta esse, facile patet, cur quidam testes esse non potuerint, veluti mulieres, impuberes, serui, furiosi, furdi, muti. Nam nullus horum admittebatur ad comitia. *Thomas. not. ad Insit. h. t.* Et hinc etiam dicitur, nullam cum iis esse testamenti factionem.

XV. Cur quidam testes esse non potuerint?

XVI. Ad testamentum militare quod attinet, quo ritu illud antiquissimis temporibus in procinctu factum, iam supra (§. III.) diximus. Vbi etiam illud cum auspiciis euanuisse, ex Cicerone obseruauimus. Sub Imperatoribus, (g) quum loco militiae lectae placeret mercenaria: eo quoque inter alia privilegio ornati sunt milites, ut quomodocunque facta ab iis testamenta, valerent, etiam sine legitima obseruatione. *Vlp. Fragm. XXIII, 10.* Hinc & ratum erat militare testamentum, si praesentibus comitionibus aliquot, heredem quis nuncupasset, vel si gladio in arena; vel litteris sanguine rutilantibus in vagina scripsisset. *L. 1. §. C. de test. milit.* Ita vero demum valebat testamentum, si testator vel in castris mortuus esset, vel post missionem intra

XVI. Testamentum militare.

(g) Quia Testamenta in procinctu facta iam Ciceronis tempore exoleuerant: militaria testamenta, de quibus in iure nostro agitur, ex constitutionibus Principum deriuanda. *Vlp. Fragm. XXIII, 10.* & quidem primum ex edicto Caesaris, hinc Titi, postea Domitiani, mox Neruae, ac postremo Traiani. *L. 1. pr. D. h. t.*

intra annum. Vlpian. *l. c.* Neque opus tamen erat, ut in acie extremoque periculo fierent testamenta, donec Iustinianus in expeditione & castris tantum constitutis militibus sollemnitates remitteret. Sibi sane hanc militaris testamenti restrictionem disertis verbis tribuit Iustinianus, *pr. Inst. h. t. L. 17. C. eod. (h)*

XVII. Distinctio inter paganos & milites.

XVII. Nihil horum licebat *paganis*. Ita enim sub imperatoribus dici coeperant, quicumque non erant milites. Suet. *Aug. XXVII. Galb. XIX.* Plin. *Epist. VII, 25. X, 18.* Tacit. *Hist. I, 35. II. 14. 88. III, 43. & 77.* Eaque adpellatione nihil est in iure frequentius. Ratio videtur, quia milites emeriti impetrata missione ab Imperatoribus in pagis ad colendos agros, sibi donatos, collocabantur. Vnde pagani, qui non amplius erant milites, & productio vocis usu, omnes *ἀπόλεμοι καὶ ἀστράτευτοι*, qui & *privati* saepissime adpellantur.

XVIII.

Quinam testari non poterant.

XVIII. Immo inter paganos ne poterant quidem omnes testari. Cuius rei in promptu est ratio. Non peregrinis hoc licebat, quia testamenti factio ad iura Quiritium pertinebat. Non filiis familias, quia nihil habebant, de quo testarentur, praeter peculia castrense & quasi castrense, in quibus pro patribus familias erant. Nec filiis fam, participes erant iuris comitiorum, nisi magistratum gererent. Vlpian. *Fragm. XX, 10, ut taceam Legem XII. Tabularum non filiis fam.*

(h) Tribonianismum ergo esse oportet, quod *L. 1. § 15. C. de milit. test* huius coarctati privilegii mentio fit. Vid. Giphani. ad *L. 1. C. eod.* Donell. *Comm. VI, 28.*

fam. sed patribus familias liberam fecisse testandi facultatem (i) Non impuberibus, quia iis nec in comitiis locus erat, nec in militia. (k) Non furiosis, quia nullum iis erat animi iudicium. Hinc si dilucida erant furoris interualla, interea dum furor remiserat, poterant testari L. 9. C. qui test. fac. poss. Non prodigis porro, quia vetere iure furiosis equiparabantur. L. 12. ff. D. de curat. & tut. dat. Non surdis & mutis, quia & hi nec rogationem audire, nec suffragium dare in comitiis poterant, immo nec testes rogare, pronunciata sollemni formula: Vos Quirites testimonium praebitote. Apulei. de asino aur. II. Vlpian. Fragm. XX, 9. Cuiac. Obs. VI, 37. Quod secus erat in caecis. Denique nec captis ab hoste, deportatisue in insulam, ut & quamcunque capitis deminutionem vel maximam vel mediam passis testari licebat, amisso quippe iure ciuitatis, quum testamenti factio esset ciuium Romanorum propria. Sigon. de antiquo iure Ciu. Rom. I, 12. p. 153.

## XIX.

(i) Vnde Iuuenal. Sat. XVI.

*Solis praeterea testandi militibus ius  
Vino patre datur.*

Exceptum tamen peculium castrense & quasi castrense per constitutiones principum.

(k) Augustum tamen etiam impuberes Tribunos militum fecisse, probant ex Sueton. Aug. XXXIII. Vnde & tribunis militum impuberibus factam esse testandi potestatem ex L. 4. C. de test. milit. obseruat Aleander ad Cai. Inst. II, 3, 3. Sed nec Suetonius nec dicta lex loquitur de impuberibus. Vid. notas Graeuii, Rubenii, Casaub. ad Suet. & Schult. ad Caii Inst. l. c.



XIX. An  
feminis  
olim testa-  
rilicuerit?

XIX. Feminae olim in comitiis calatis plane testari non poterant, quia nullus iis accessus ad comitia. Postea permissa iis testamenti factio, si essent sui iuris, sed non nisi auctoribus tutoribus. Vlp. *Fragm.* XX, 15, Cic. *pro A. Caecina*. VI. Hinc earum testamenta non poterant esse arcana, sed magno periculo subiiciebant feminas, ceu discimus ex L. 77. §. 24. *D. de legat.* 2. Ex qua lege inferri haut potest, feminas non nisi nuncupatiua testamenta condidisse, quamuis id intulerit Merill. *Obs.* II, 1. p. 69. & IV, 39. p. 55. Tabularum enim a feminis scriptarum exempla habemus apud Val. Max. VII, 8. 2. Suet. *Galb.* V. Plin. *epist.* II, 20. Heredum quoque a feminis scriptorum mentio fit L. 19. *D. de inoff. test.* L. 37. §. 6. *D. de legat.* 3. L. 3. *C. de inoff. test.* L. 33. *D. de vulg. & pup. subj.* Vid. *Comment. nostr.* ad L. *Iul. & Pap.* II, 11. p. 240. *sequ.* Feminae quae in manum conuenerant, capite diminutae & filiarum familias instar erant, neque adeo testari poterant, ut recte docent M. Aur. Galuan. *de usufr.* IX. ult. & V. C. Ant. Schult. *ad Vlpian.* p. 632. Vnde errant Cuiac. *Obs.* VII, 11. & Aleander *ad Caii Inst.* II, 2. 1. qui matribus familias, si in manum conuenissent, testandi fuisse facultatem existimant.

XX. Ius  
exhere-  
dandi  
olim liber-  
rinum.

XX. Ad exheredationem quod attinet, liberum olim erat, ex XII. Tabulis, filios uti occidere ita exheredare. L. 11. *D. de liber. & postum.* immo & praeterire, idque adhuc tempore Ciceronis obseruabatur, ut patet ex libro *de Orat.* I, 38. Postea filii in potestate constituti aut instituendi, aut nominatim exheredandi erant.

pr.

*pr. Inst. de exh. lib. L. 30. D. de lib. & poss.* Itaque ex eo tempore filios suos exheredare quidem licebat, at nominatim. (1) Idemque observandum erat in adoptivo, quamdiu in potestate erat, itemque in postumo, non item in postuma. Filiae enim postumae, nepotes & pronepotes, exheredari poterant inter ceteros, immo & praeteriri, dummodo postumae legatum relinqueretur, ne per obliuionem videretur praeterita Vlpian. *Fragm. XXII, 21. seq.*

XXI. Ast quum parentes abuti coepissent hac exheredandi licentia veluti Tettius, qui in gratiam nouercae filium infantem exheredabat: Valer. Max. VII, 7. Reines *ad Inscr. Class.* I, 10. p. 24. factum est, vt leges querelam inofficiosi testamenti concederent liberis iniuste exheredatis. Et de ea sub imperatoribus iudicabant Centumviri. Valer. Max. VII, 7. Quinctil. *Inst.* IV, 7. Plin. *Epist.* IV, 8. Qua de re plura ad titulum XVIII.

XXII. Sed Iustiniano minus e republica visum est, tantam rem esse arbitrariam. Hinc certas tantum ob causas ratam esse iussit exheredationem, quas recensuit Nou. CXV. & de quibus plura tradunt Iureconsulti.

## XXIII.

(1) Non requirebatur tamen praecise nomen proprium, sed & sufficebat descriptio, vel demonstratio, e. g. *filius meus exheres esto*, dummodo vnus esset filius: aut cum elogio vel conuicio: *non nominandus*, *non filius meus*, *latro*, *gladiator*, L. 1. 2. & 3. D. de lib. & postum. Conf. Aleand. & Oiscl. *ad Cassi Inst.* II. 3. *princ.* Barn. Brillon. *de Form.* VIII. p. 605.

XXIII.

Abdicatio  
discernenda ab ex-  
heredatione.

XXIII. Id iam ex antiquitate addendum, distinguendam ab exheredatione esse abdicationem, qua parentes liberos degeneres & se indignos e conspectu suo abire iubebant. Exempla sunt apud Valer. Max. V, 8. 3. & 4. Unde recte quidem Hotoman. in *partit. iur.* X, 10. statuit, abdicationem non fuisse modum soluendi patriam potestatem: in eo tamen ipsi adfentiri nolim, quod Graecis tantum nota fuerit qui liberos per praecones e familia eiicere solebant idque vocabant ἀπειπεῖν vel ἀποκηρύσσειν vel ἐκκηρύσσειν. Nec probabile est, Quintilianum, dum huius abdicationis toties meminit, exempla tantum puerilium exercitationum ex Graecorum Scholis proferre voluisse; Graecum enim hunc ritum etiam inter Romanos sensim inoleuisse, quamuis eum leges Romanae haut probarent, adparet ex L. 6. C. de *patr. potest.*

## TIT. XIV.

DE

## HEREDIBVS INSTITVENDIS.

Satis succincte hanc materiam tractauit Tribonianus, quum latius multo patuerint veteres illae de heredum institutione leges. Iuuabit ergo, quae desunt, ex antiquitatibus Romanis supplere.

I. Etiam  
serui insti-  
tuti pote-  
rant here-  
des.

I. Nihil intererat, liberumne quis hominem, an seruulum heredem institueret. Nam & serui heredes esse poterant, siue alieni, siue proprii. Illi quia hereditatem adquirebant domi-  
nis

nis adire iubentibus: hi, quia libertatem simul consequebantur, & sic fiebant hereditatis capaces. Hinc est, quod serui proprii non nisi data simul libertate, institui possent donec Iustinianus, Iureconsultos quosdam sequutus. institutionem serui proprii etiam sine expressa libertatis datione valere voluit. *L. pen. C. de necess. seru. hered. instit.*

II. Institui tamen non poterant I.) *peregrini*, qui plane nihil capiebant. Cic. *pro A. Caecina* XXXV. II.) *caelibes*, qui nihil ex testamento capiebant per legem Papiam Poppaeam. Dio Cass. LIV. p. 608. Sozom. *Hist. eccl.* I, 9. Quae caelibatus poena a Constantino demum M. sublata est. Sozom. *l. c. L. vn. C. Theod. de infirm. poen caelib.* III.) *Orbi* id est, parentes, qui sterile matrimonium fuerant experti. Hi enim inter se decimam tantum, non solidum, capiebant. (a) Sin vero ex priore matrimonio superessent liberi, totidem decimas capere poterant, quot sustulerant liberos. Vlpian. *Fragm.* XIII, 1. Ex testamento extranei non nisi semissem capere poterant. Vid. *Comm. nostr. ad L. Iul. & Pap.* II, 21. p. 343. Excipiuntur porro IV.) *Vniuersitates*, quas quidquam capere potuisse negant Plin.

(a) Per legem Papiam Poppaeam, cuius caput ea de re agens singulari nomine dicitur *lex decimaria* L. 2. C. *Theod. de iure liberor.* Thalel. Βασιλικῶν Tit. V. p. 47. Praeter decimam tamen etiam vsumfructum tertiae partis bonorum, & dotem praelegatam, & si liberos habebant, eiusdem partis proprietatem capere poterant. Vlpian. *Fragm.* XV. Add. *Comm. nostr. ad L. Iul. & Pap. Popp.* II, 14. p. 259.



Plin. *Epist.* V, 7. Vlpian. *Fragm.* XXII, 5. Quod ideo receptum videtur, quoniam vniuersitates hereditatem cernere non poterant. Capere tamen iis licebat per fideicommissa, Vlp. *l. c.* idque concesserat SC. *Apronianum*, cuius originem non cum Cuiacio ad Vlp. *l. c.* ad tempora D. Marci, sed cum Ant. Augustino de Legib. & SCt. ad Hadriani imperium referimus, sub quo occurrit consul Apronius. A. C. CXVII. CXXIII. Vid. Schulting. ad Vlpian. *Fragm.* XXII, 5. p. m. 635. Videtur tamen tempore D. Marci id, quod ciuitatibus concessum fuerat SC. Aproniano, etiam ad collegia fuisse productum, idque adparet ex L 20. *D. de reb. dub.* Immo & alio SC. concessum est, vt municipia heredes institui possent a libertis suis Vlpian. L. I. §. 1. *D. de libert. vniu.* Erant vero liberti vniuersitatum serui publici manumissi. Hinc apud Gruter. p. LXXXIII, 13. ISID. REG. L. PVBLCIVS EVTYCHES MVN. TAR. LIB. Porro V.) nec mulieres heredes libere institui poterant post Legem Voconiam. Cic. *Verrin.* I, 43. Dico libere. Eas enim capere potuisse δύο ἡμισυ μυριάδας εἰσίας XXV. *millia nummum*, ex Dione Cass. *Lib.* LVI. p. 662. patet. Male haec verba Dionis habita sunt ab interpretibus, quorum plerique crediderunt, legem Voconiam prohibuisse, ne quis, qui centum millia HS in bonis haberet, plus quam quadrantem bonorum id est xxv, millia HS feminae relinqueret. Vidit eum errorem Bachovius ad *Inst.* h. t. Sed eo se ne ipse quidem expedire potuit. Felicius V. C. Iac. Perizonius

de Leg. Vocon. p. 144. sequ. docuiti, in textu Dionis intelligendas esse drachmas, quas semper in animo habent Graeci Scriptores, quoties de Romana pecunia loquuntur. Gronou. de Pecun. vet. III, 16. Itaque per hanc legem mulieri non licuit relinquere ultra XXV. millia drachmarum, seu cm sestertiūm, antequam lex illa Voconia per opulentiam ciuitatis subuerteretur. Gell. Noct. Att. XX, 1.

III. Dum vero vniuersitates heredes institui potuisse negauimus. intelligendum id est de municipiis & collegiis, Romanorum imperio subiectis, non de ciuitatibus, quae iure suo legibusque utebantur. Sic apud Tacit. *Annal.* IV, 43. Vulcatius Moschus exsul bona sua reliquit Massiliensibus. Quod exemplum frustra Plinio & Vlpiano opponit Muretus ad Tacit. l. c. Erant enim Massilienses *αὐτονόμοι* & liberi, teste Strabone *Geogr. IV.* p. 197. sequ. conf. Grot. de iure belli & pac. I, 3. 12. Postremo etiam vniuersitates heredes institui poterant L. 12. C. de her. inst. iisque legare etiam Paulli temporibus licebat. L. 122. princ. D. de legat. 1.

IV. Heredes quoque institui non poterant VI.) Dii. (b) Quod ideo procul dubio indutum, ne bona ciuium vsibus subtracta sacerdotum luxuriae seruirent, quamuis & altera ciuilis ratio

III. Vniuersitates quaedam heredes scribi poterant.

IV. Qui Dii potuerint institui heredes?

(b) Hoc quoque obseruat Vlpian. *Fragm.* XXV, 6. quem locum minus accurate P. Faber *Semestr.* III, 1. de religionibus priuatis non suscipiendis, diisue praeter Senatus auctoritatem non colendis interpretatur. Vid. Schulting. *Iurispr. ant.* p. 635.

ratio accederet, quod Dii hereditatem cerner atque adire non possent. Coeperunt tamen Romani sub Principibus Diis quibusdam, ut hereditatum capaces essent, ius liberorum dare, ridicula profecto liberalitate. Dio Cass. LV. p. 629. Tale ius, teste Vlpiano *Fragm. XXV, 6.* impetrauerant Iupiter Tarpeius, de quo Petr. Fab. *Semestr. III, 4.* Iust. Rycqu. *de Capitol. Rom. XVIII. XIX. XX.* Apollo Didymaeus, (qui & Branchides vel Branchiades, Pompon. Mel. *de Sit. Orb. I, 17.* & ibi Isaac. Voss. p. 83.) Mileti cultus, quae vrbs etiam in numis suis praefert ΔΙΔΥΜΕΑ ΜΙΛΗΣΙΩΝ, apud Patin. *Numisf. Imp. aer. p. 73.* Conf. V. C. Burmanni *Ion. κατεβατην* p. 100. Mars in Gallia, de quo Caesar *de Bell. Gall. VI, 17.* Minerua Milienfis, vel ut alii (c) legunt, Ilienfis, de qua L. Holstenius *ad Steph. voce Ἰλιον*, Hercules Gaditanus, de quo Iustin. *Hist. XLIV, 5.* Appian. *Punic. p. 256.* Diana Ephesia, de qua legi merentur Iac. Menetreei *Symbolica Dianae Ephes. statua* & L. Holsten. *Epist. de fulcris seu verubus Dianae Ephesiae Dianae simulacro adpositis* apud Gronou. *Thes. Ant. Graec. Tomo VII.* Mater Deorum Sipelensis, vel, ut alii legere iubent, Sipylenfis, vel Sipyrene. Sane ΜΗΤΗΡ ΣΙΠΤΛΗΝΗ legitur in *Marmoribus Arundellianis. p. 11. & 12.* Th. Reines. *inscript. Classe I. n. 43.* Iac. Spon. *Miscell. p. 350.* Ita enim dicta a Sipylo monte, ceu adparet ex marmore

Smyr-

(c) Veluti Hadr. Turneb. *Aduers. VII, 21.* Cuiac. *Obseru. X, 5.* licet dissentiant P. Fab. *Semestr. III, 4.* & Rad. Forner. *Rer. Quotid. II, 8.* qui Meliensem legi iubet.

(d)

Smyrnenſi, quod commentario illuſtrauit Car. Patin. Patau. c10 10CLXXXV, 40. De ea Diua videndus Heinſ. *ad Prudent.* περὶ ſεφαν. X. v. 196. Marqu. Gud. *ad Phaedr. Fab. III*, 20. Denique Coeleſtis Salinenſis Carthaginis, de qua vt & reliquis copioſiſſime Schulting. *Iuriſpr. antiqu.* p. 616. ſequ.

V. Ceterum hereditatem veteres ſemper vt aſſem conſiderabant, eiusque adeo duodecim concipiebant vncias. Erat enim *aſ* quidquid ad αὐνὰδρα atque vnitatis rationem poterat reduci, quaſi *aſ*. Salmaſ. *de uſur.* p. 536. Idem *de modo uſur.* p. 261. Fluxit *aſſis* vox a Doribus, Siculis & Tarentinis, a quibus & ipſum grauis ponderis numum & pleraſque rei pecuniariae adpellationes Romani acceperant. Nam ex Dorico *aſ* Tarentini & Siculi fecerunt, *aſ* inde Romani vtrumque vocabulum *aes* & *aſ* habuerunt. Quorum vocabulorum eadem erat ſignificatio, quia primus *aſ* ex aere fuerat percuſſus. Conf. Scalig. *in Varr. de Lat. Lingu.* IV. p. 69. Porro quum *aſ* a Siculis etiam λίτρα diceretur: factum eſt, vt & Romani *aſſem* vocarent *libram*. (d) Et quum duodecima pars τῆς λίτρας Siculis eſſet ὀγκία idem nomen etiam placebat Romanis. Praeclarus hanc in rem locus eſt Iulii Pollicis *Lib. IX. cap. 6. ſegm. 80.* Ἀλλὰ μέντοι παρ' αὐτῶν τῶν

(d) Aſſes enim erant librales vsque ad bellum Punicum primum. Poſtea aſſes ſextantarii cudi coeperunt. Plin. *Hiſt. Nat.* XXXIII, 13. Vnde errat Feſtus *voco ſextantarii aſſes*, dum hanc mutationem demum a bello Punico ſecundo factam exiſtimat. Vid. Io. Harduin. *Not. ad Plin. l. c.*



τῶ (Ἀριστοτέλει) τις ἂν ἐν τῇ Ἱμεραίων πολιτείᾳ καὶ ἄλλοι  
 ἔυροι Σικελικῶν νομισμάτων ὀνόματα, ὅιον δυγχίαν, ὅπως  
 δύναται χαλκῶν ἓνα. *Ceterum apud eundem (Aristotelem) in Himereorum Politia etiam alia inueniet*  
*Siculorum nomina, utpote VNCIAM, quae valet*  
*aereum unum.* Hinc Romani omne totum *assem*,  
 vocabant, idque diuidebant in duodecim vncias,  
 quasi id demum esset perfectum, quod XII.  
 partibus vel vnciis constaret. Eleganter Bal-  
 bus *de Asse* apud I. F. Grono. *de Pec. Vet.* p. 883.  
*Quidquid unum est, & quod ex integrorum diuisione*  
*remanet, assem ratiocinatores vocant.* Exemplum  
 est non modo in hereditate, verum etiam in  
 vsuris, de quarum computandi ratione per vn-  
 cias post Salmasium egregie commentati sunt  
 Io. Frider. Gronou in *Dissert. tribus de Centesima*  
*& asse vnciario & Ger. Nood. de Foen. & vsuris*  
*II, 2.*

VI. Eius  
 partes.

VI. Hinc facile explicantur nomina, qui-  
 bus hereditatis partes designare solent iurecon-  
 sulti. Quum enim AS integrum bonorum  
 corpus significet, in duodecim vncias diuisum:  
 vndecim vnciae vocabantur DEVNX, quasi  
*uncia una demta.* (e) Pari ratione *decem vnciae* vo-  
 cabantur DEXTANS quasi *desextans*, hoc est,  
 demta sexta parte, nec non DECVNX, quasi  
*decem vnciae.* *Novem vnciae* DODRANS, quasi  
*dequadrans*, id est, demto quadrante; octo vnciae  
 BES, siue a veteri *des*, vt Varro conicit, vel  
 quasi

(e) De enim in compositione tollit, vt patet exemplis,  
*demens, destruere, vndeniginti duodeniginti.*

quasi *bis triens*, vt Festus mauult. Balbus *l. c.* potius *beſſis*, dicendum eſſe monet quam *bes* vel *des*, quoniam *binas ex tribus aſſis partes ſibi vindicet*. Sed ea de re pluribus inter ſe diſceptant Scaliger, Salmafius, Voſſius. Conf. Ian. Vinc. Grau. *ad XII. Tab. p. 338. ſequ.* Septem *unciae* dicebantur SEPTVNX, cuius nominis ratio per ſe patet, Sex *unciae* SEMIS; quaſi *ſemiaſſis*; quinque *unciae* QVINCVNX; quatuor *unciae* TRIENS, id eſt, tertia pars aſſis: tres *unciae* QVADRANS, id eſt quarta pars aſſis; duae *unciae* SEXTANS, quaſi ſexta pars aſſis. Quae vero de partitione harum *unciarum* in iure inculcantur, de iis copioſe Doctores, & imprimis Gu. Budaeus *de aſſe*. Sunt tamen & alia vocabula iuris eodem pertinentia. Nam duplicatus as erat DVPONDIVS, quemadmodum vnum pondus ASSIPONDIVM vocabatur. Dimidia pars *unciae* eſt SEMVNCA, tertia DVELLA, vel BINAE SEXTVLAE pars eiſdem quarta SICILICVM, vel vt Balbus p. 886. ſcribit, SICILIQVVS, *L. 21. §. 2. D. de ann. legat.* pars ſexta SEXTVLA, quam minimam aëris partem vocat Varro *de Ling. Lat. Lib. IV. p. 40. edit. Scalig.* & tamen octaua etiam pars *unciae* vocatur DRACHMA duodecima HEMISESCLA vel DIMIDIA SEXTVLA, ſexta decima TREMISSIS, quarta & viceſima SCRVPVLVS Ita Balbus *de Aſſe* p. 886. Add. Voluſ. Maecian. *de Aſſe* apud eundem Gronou. p. 874. ſequ.

## TIT. XV. XVI.

DE

VVLGARI ET PVPILLARI  
SVBSTITVTIONE.

**D**E substitutionibus vix est, quod ex antiquitate moneamus, quod non iam in iure ipso sit explicatum. Quare paucis tantum de origine substitutionum, & quibusdam earum circumstantiis dicemus.

I. Substitutionum origo.

I. Multum intererat Romanorum, ne testamenta destituerentur, tum ob conditiones varias, quibus plerumque ab herede satisfactum cupiebant, tum maxime ob sacra priuata, quae interire nolebant.

II. Heredes secundum.

II. Ne ergo deesset heres; ei vel eis, quem quosue instituerant, substituere solebant alios, ad quos in casum deficientium priorum bona deuoluerentur, (a) eosque vocabant *heredes secundos*.

(a) Substitutio ergo vulgaris e XII. Tabulis est, & consequens amplissimae potestatis de rebus suis disponendi: pupillaris moribus inducta dicitur *L. 2. D. h. 1.* Cuiac. *Obs.* VII, 6. Enimuero & haec in legibus XII. tabularum omnino reperit fundamentum. Pater enim familias ex ea lege etiam de PECVNIA SVAE REI legare poterat. Suis rebus etiam accensebantur filii familias, quippe qui, tamquam res Mancipi, in dominio iuris Quiritium erant. Bynkershoeck *de iure occid. lib. 1. p. 145.* Ergo rationi consentaneum videbatur, patrem de pecunia filii sui, qui ipse per aetatem testari non posset, adeoque eidem substituere pupillariter posse.

(b)

cundos. Cic. de Inuent. II, 21. pro A. Cluent. XI. Grut. Inscr. p. DXXIX, 3. p. DLIX. 7. Reines. Inscr. Class. VIII, 13. 14. 15. Rem ita describit Appianus: Ἐδος Ῥωμαίοις παραγράφειν τοῖς κληρονόμοις ἑτέρους, εἰ μὴ κληρονομοῖεν οἱ πρότεροι. Mos est Romanis heredibus substituere alios, si priores heredes non fierent. Porro & his heredibus nonnumquam substituebantur, qui tertio vel vltiore gradu succederent. Sic Augustus testamento suo primo loco Tiberium & Liuiam; secundo nepotes pronepotesque; tertio primores ciuitatis scripserat. Tacit. Ann. I, 8. Suet. Aug. Cap. CI. Meminit quoque tertiorum heredum Suet. Claud. VI.

III. Formula vulgariter substituendi est III. Formula substituendi vulgariter. apud Caium Inst. II, 4. 1. ILLE HERES MIHI ESTO, QVOD SI HEREDITATEM MEAM ADIRE NOLVERIT, ILLVM SVBSTITVO, AD QVEM HEREDITAS MEA DEBEAT PERTINERE. Videtur tamen haec formula ab Aniani manu esse, obseruante Aleand. ad Caii l. c. certe non fuit perpetua, ceu ex plurimis pandectarum locis patet, quae colligit Briffon. de Form. VI. p. 607.

IV. Substitutio pupillaris IV. Substitutio pupillaris eiusque formula. quasi duplex testamentum complectebatur, tunc si prius sibi pater familias, deinde filio impuberi heredem instituebat, in eum casum, si hic intra pubertatem decessisset. L. 2. §. 4. D. de vulg. & pupill. subst. L. 25. D. qui test. fac. poss. §. 2. Inst. h. t. Quamuis enim & hic dissentirent Proculiani & Sabiniani, quorum illi id adfirmare; hi negare solebant: Merrill. Obs. III, 12. po-



posteristamen Proculi doctrina constanter placuit. Recepta hic erat formula : ILLE FILIUS SI INTRA PVBERTATEM DECESSERIT, ILLVM SVBSTITVO. Cai. *Inst. II, 4 2.* Cuiusmodi substitutionem ita describit Horat. *Serm. II, 5. v. 45.*

*Si cui praeterea validus male filius, in re  
Praeclara sublatus, aletur; nec manifestum  
Caelibis obsequium nudet te, leniter in spem  
Arrepe officiosus, ut & scribare secundus  
Heres, & si quis casus puerum egerit Orco,  
In vacuum venias.*

V. Cautela  
in substitu-  
tione pu-  
pillari ob-  
servata.

V. Inprimis vero id accurate observatum legimus, quod parentibus de liberorum salute sollicitis commendat Iustinianus §. 3. *Inst. de pupill. subst.* ut substitutionem in ima parte tabularum scriberent, eamque separatim signarent, (b) ne substitutus heres pupillo strueret insidias, malletque rapere hereditatem, quam incerta spe exspectare. Sic Horat. *Sat. II, 5. v. 53.*

- - - - *Quid prima secundo*

*Cera velit versu.*

Ad quae verba videnda virorum doctorum *scho-  
lia.* Eamdem cautionem nonnunquam in vulgari substitutione adhibebant. Et huc quoque pertinent illa Suet. *Caes. LXXXIII.* *No-  
uissimo testamento tres instituit heredes sororum nepo-  
tes, C. Octavius ex dodrante, & L. Pinarium & Q.  
Paedius ex quadrante, reliquos in IMA CERA.*  
C. Octa-

(b) Vnde & tabulae secundae adpellatae ultimi illi versus qui substitutionem pupillarem complectebantur. Vid. Barn. Briffon. *Sol. Ant. Rom. III, 12. p. 54.*

C. *Octavius etiam in familiam nomenque adoptavit.*  
 Conf. Salmaf *de mod. usurar. cap. XI.* Cai, *Inst. II,*  
 4. 2. ibi Oiselius.

## TIT. XVII. XVIII. XIX.

QVIB MODIS TESTAM. INFIRMAN-  
 TVR. DE QVERELA INOFFICIOSI, ET HERE-  
 DVM QUALITATE ET DIFFE-  
 RENTIA.

**D**E modis, quibus testamenta infirmantur,  
 paullo accuratius dicere poterat Iustinia-  
 nus. Nos ne actum agamus, pauca ab eo omif-  
 fa supplebimus.

I. Quemadmodum iureconsulti rebus omni- I. Testa-  
 bus nomina sua tribuebant: ita & modos in- menta  
 firmandi testamenta accurate suis distingue nulla & in-  
 bant vocabulis. Sic quae ab initio inualida iusta.  
 erant testamenta ob personarum vel voluntatis  
 vitium ea NVLLA esse dicebant. Alia sunt  
 INIVSTA, siue non iure facta, in quibus scili-  
 cet non obseruata sunt sollemnia iuris. L. 1. D,  
*de iniust rupt. irr. fact. test.*

II. Ex post facto infirmabatur testamentum II. Infirma-  
 iure vel *praetorio* vel *ciuili*. Priori casu diceba- ta ex post  
 tur BONORVM POSSESSIO CONTRA facto.  
 TABVLAS DARI, de qua suo loco. Poste-  
 riore casu testamenta vel *rumpi*, vel *irrita fieri*, vel  
*destitui*, vel *rescindi*, ferebantur.

III. RVMPEBANTVR testamenta par- III. Rupta  
 tim agnatione heredis sui, vel certe quasi agna-  
 tione, de qua Hub. *Praelect. II,* 17. 1. p. 189. par-  
 tim nouo testamento sollemniter facto L. 6. §. 2.

Ll.

D. de

*D. de iur. codic. partim incisione, deletione, cancellatione. Tit de his quae in test delent.*

IV. Irrita  
& destituta.

IV. IRRITVM FIEBAT TESTAMEN-  
TVM capitis deminutione, maxima, media, ac  
minima. *Maxima* enim seruum faciebat, *media*  
peregrinum, *minima* filium familias. Quum vero  
nullus horum testari posset: facile patet, sic rem  
incidisse in casum, a quo incipere non posset.  
DESTITVTVM denique dictum esse, ex quo  
nullus heres erat, vel dupondii sciunt.

V. Rescissa  
per quere-  
lam inoffi-  
ciosi, cuius  
quae ori-  
go?

V. Denique RESCINDI testamentum di-  
cebatur per QVERELAM INOFFICIOSI.  
Eius originem diu ignoratam, ex antiquitatis  
parietinis restituere iuuabit. Franc. Duarenus  
*ad h. t. cap. II.* eam a principibus inuentam pu-  
tat. Sed ante principes eam notam fuisse, pa-  
tet ex Valer. Max VII. 7. 2. Nec felicius eam  
ex praetoris edicto derivat Pithoeus *ad collat. leg.*  
*Mos. & Rom. XVI, 3.* Nam haec actio non, vt  
aliae praetoriae rei persecutoriae ad actum  
rescindendum comparatae, annalis est, verum  
quinquennium durat. Nec praetor vnquam  
exheredatis succ irrit, vti ait Vlpianus *L. 8 pr.*  
*D. de bon. possess. contra tab.* Nec denique locus  
Paulli *Rec. Sent. IV, 8. 5.* ex quo id collegerat Pi-  
thoeus, hoc dicit, vbi tantum *actionis Praetoriae*,  
non querelae inofficiosi fit mentio. Veriorem  
ergo originem sibi inuenire visus est Cuiac. *Obs.*  
*II, 21. XVII, 17.* Docet enim ex inscriptione  
*L. 4. D. de inoff. test.* querelam hanc introductam  
esse lege GLICIA, quam lectionem etiam Co-  
dicis Florentini tuetur auctoritas. Et nihil sa-  
ne Glicii Romae est celebrius, Frequenter  
eius

LIB. II. TIT. XVII. XVIII. XIX. 531  
eius meminere Tacitus. Suetonius, Florus, Li-  
uius, quin & marmora Capitolina, in quibus A.  
V.C. DIII laudatur

M. CLAVDIVS. C. F. GLICIA. QVI.  
SCRIBA. FVERAT. DICTATOR.  
COACT. AB DIC. SINE. MAG. EQV.

Steph. Vinand. Pigh. *Annal. Tom. II. p. 50. Grut.*

*Inscr. p. CCXC. II. Vnde invidia stimulatus vi-*

*deri poterat Hotomanus, qui Disp. de quarta le-*

*git. cap. I. ne Cuiacio gloriam detectae legis tri-*

*buat, legem plane nullam agnoscit Gliciam,*

*querelamque inofficiosi ex moribus magis, &*

*consilio iureconsultorum, quam ex certa aliqua*

*lege fluxisse, contendit. Cum Cuiacio sane*

*faciunt recentiores paene omnes, & in his Ant.*

*Augustin. de Leg. & SC. in lege Glicia, & Ian. Vinc.*

*Graulina de Leg. & SC. LXXX. p. 649. sequ. Sed*

*negari sane nequit, Hotomani sententiam Cui-*

*aciana esse verosimiliorem. Gliciorum enim*

*cognomen, familiae non gentile nomen est. Le-*

*ges vero a cognominibus cognominatae non*

*definebant in IA sed in ANA, verbi causa lex Iunia*

*Norbana. Sigon. de Nom. propr. p. m. 1426 Ergo*

*haec lex aut Claudia dicenda fuisset, aut Gliciana,*

*non Glicia. Quare nihil dici potest verosimi-*

*lius; quam quod moribus & iureconsultorum*

*auctoritate inualuerit haec querela, & quidem*

*libera adhuc republica. Meminerunt enim*

*illius Cicero adu. Verr. I, 42. & Valer. Max. VII,*

*7. 5. ex quo constat, iam ad C. Calpurnium P-*

*sonem hanc querelam fuisse delatam. Atque*

*praetoram hic Calpurnius gessit anno V.C.*

*DCLXXXII. Scilicet liberrima olim erat patri-*



busfam. testandi exheredandique facultas. Quum vero ea abuterentur homines maxime blanditiis nouercalibus deliniti: ICTi de remedio cogitare coeperunt, quo iniuste exheredatis succurrerent. Quod non obscure innuit Pomponius, dum latissimam illam potestatem testatorum *coangustatam* fuisse ait *interpretatione iura constituentium*. L. 120. D. de verb. signif. Iam quamuis ICTis nouas leges condere vel veteres euertere haut liceret: tamen quum ex iuris principiis furiosi condere non possent testamentum; non alia ac commodiore ratione iniuste exheredatis succurrere poterant, quam si colore furoris vterentur, fingerentque, parentem liberos iniuste exheredantem Sanae ac integrae mentis haut fuisse, idque inde demonstrarent, quod homines bene de se meritos sine iusta causa vel praeterierint vel exheredes scripserint Bynkersh. *Obs. II, 12. p. 153*. Ceterum hanc actionem vocabant QVERELAM, ἐϋφρωίας. ἐρενα. Cognati enim non se inuicem accusare, sed inter se conqueri dicebantur. Voss. *Inst. Orat. I, 6. 2*. Vocabant eandem querelam INOFFICIOSI, quia quemadmodum *beneficia aliorum sunt*, ita *officia eorum*, quos *necessitudo suscitatur*, & *opem ferre iubet*. Seneca *de Benefic. III, 8*. Contra officium enim testa i videbantur, qui proximos vel praeterierant, vel exheredes iniuste scripserant.

VI. Eiusdem natura.

VI. Ceterum hac querela, testamento, ceteroquin sollemniter facto, obiiciebatur dementia furorue testatoris. Non enim tanta inhumanitas cadere videbatur in sani capitis hominem, vt sine causa exheredes scriberet filios. Institue-

stituebatur haec querela coram iudicio centumuirali seu quadruplici, vt patet ex Plin. *Epist. IV*, 24. Vnde & ipsa haec querela aliquando *iudicii centumuiralis* nomine venit. *L. 13. D. de inoff. test.* Add. *L. 17. D. eod.* Valer. Max. *VII*, 7, 1. & 2. & *VII*, 8, 1.

VII. Ceterum cessabat haec querela, relicta legitima, seu certa & legibus definita bonorum portione. Ea olim semper erat hereditatis quadrans. *L. 8. §. 6. & 8. D. h. t. L. 31. D. eod. L. 2. de inoffic. donat.* Haec quarta quando & qua occasione inoleuerit, incompertum sibi esse fatetur Iac. Cuiac. *Obseru. II*, 21, III, 8. vbi tamen eandem a Marco Imp. inuentam suspicatur, deceptus loco Nicephori. At inter primos Ian. a Costa *princ. Inst. de inoff. test.* & Claud. Chiff. *de legit. port.* nec non post hos Ant. Schultingius *Iurisp. Anteiust.* p. 381. docuerunt, legitimam illam portionem ex legis Falcidiae rationibus prudentum interpretatione esse inductam. Sane heredibus, quibus inofficiosi querela competit, **QUARTAM FALCIDIAM** deberi, disertis verbis dicunt Paullus *Recept. Sent. IV*, 5, 5. & Ulpianus *L. 8. §. 9. & 14. D. de inoffic. testam.* Absolute quoque illam portionem **QUARTAM** vocat Plin. *Epist. V*, 1. & **FALCIDIAM** Iustinianus *L. 31. C. de inoff. test.* Vnde patet, satis antiquam & fortean Augusti temporibus aequalem (a) esse legitimam illam portionem.

VII. Origo legitimae portionis.

## VIII.

(a) Augusti enim temporibus latam esse legem Falcidiam, ostendemus infra *Lib. II. Tit. XX. sequ. §. XIV.* Occasionem forsân dedit T. Tetrus Vibo, qui filium

VIII. Inue-  
cta a Iu-  
stiniano  
mutatio.

VIII. Sed mutauit illam portionem Iustini-  
anus per *Nov. XCII. & Nov. XVIII, 1.* ubi legiti-  
mam portionem, si liberi quatuor vel pauciores  
essent, trientem: sin quinque vel plures, semis-  
sem esse iussit.

IX. Qui-  
bus casi-  
bus haec  
querela  
locum ha-  
buerit, vel  
non habu-  
erit?

IX. Competebat haec querela liberis non  
modo aduersus parentes, sed & his aduersus li-  
beros. Sane & matrum testamenta hac que-  
rela impugnata legimus iam ante SC. Orphi-  
tianum, apud Plin *Epist. V. 1.* Valer. Max, VII,  
7, 4. Quod eo minus mirandum, quia ex eo-  
dem Valerio Max. constat, etiam amicos extra-  
neos agere potuisse. Postea id remedium ad  
solos parentes, liberos, fratres restrictum *L. 1. D. h. t.* Immo iure nouo cessabat haec querela  
etiam in fratribus & sororibus, nisi turpis insti-  
tuta esset persona: *L. 27. C. h. t.* cessabat etiam  
contra testamentum militis: *L. ult. §. 1. C. eod.*  
cessabat denique praescriptione quinquennii,  
*L. 8. §. ult. D. eod.* de quibus omnibus plenius  
agunt iureconsulti.

X. Here-  
des quotu-  
plices?

X. Pergimus ad heredum qualitatem & dif-  
ferentiam. Erant illi vel NECESSARII, vel  
SVI & NECESSARII, vel EXTRANEI. *pr.*  
*Inst. h. t.*

XI. Here-  
des neces-  
sarii.

XI. NECESSARII erant, qui cogebantur  
esse heredes etiam inuiti. Tales erant serui,  
quibus pro libertate data, id iugum impone-  
bant leges, ut heredes esse cogerentur, quo sub-  
hastatio bonorum non fieret nomine domo-  
rum,

infantem exheredauerat. Val. Max. VII, 7, 3. Rei-  
nes. *Inscript. p. XXIII, 1.*

(b)

Tum, si forte aes alienum aliter dissolui haut posset, sed eorum nomine infamiae enim quid habere videbatur illa subhastatio, quam hoc ordine factam nouimus. Proponebatur edictum a Praetore, quo creditoribus possessio bonorum dabatur. Qui ubi triginta dies a die deserti vadimonii possederant: eiusdem Praetoris iussu creari solebat Magister ad bona distrahenda. Cic. *ad Attic.* VI, 1. *Quintilian. Instit. Orat.* VI, 4. *L. ult. D. de curat. bon. dand.* Tum fiebat praescriptio in celeberrimis vrbis locis: ITA ILLE DEBITOR NOSTER IN EIVSMODI CAUSSA EST, VT BONA EIVS DIVENDI DEBEANT, QVICVMQVE EMERE VOLET, ADESTO. Theoph. *pr. Inst. de success. subl. quae fieb. per bon. vendit.* idque est illud triste carmen magistri de quo Cicero *de Orator.* I, 57. vel libellus bonis alicuius suspensus, apud Senecam *de benefic.* IV, 12. Paucis diebus post denovo adeundus erat praetor, ut liceret legem bonorum vendendorum facere, atque inde ita v. c. praescribebant: HAEC QVICVMQVE EMERIT, CREDITORIBVS IN DIMIDIAM PARTEM EORVM, QVAE IPSIS DEBENTVR, RESPONDERE DEBET. Theophil. *ibid.* Interea aderant bonorum emtores, qui totam massam bonorum emebant, vocati etiam *sectores*, de quibus Cic *pro S. Rosc. Amer.* VI. Scilicet sectores vocabantur, qui *spem* lucri sui sequuti, bona condemnatorum semel *auctiona-* bantur, proque iis pecunias pensitabant singulis, ac deinde pro compendio suo singulas quasque res populo vendebant. Afcon. Paed. in *Verr.* III. p. 1845. Non-



nunquam, si deesset emtor, auctio fiebat, eaque indicebatur acerba voce praeconis, cuius formula, sed iocosa, est apud Plaut. *Menaechm.* V, 9. v. ult. Qua de re Cicero *Epist. ad Attic.* VI, 1. Sigon. *de ant. iure ciu. Rom.* I, 11. p. 149. & *de Iudic.* I, 18. p. 449. *sequ.* Ne ergo haec infamia in defuncti domini manes redundaret: ab obaeratis seruus instituebatur heres, & iscogebatur hereditatem adire, atque hinc dici solebat HERES NECESSARIUS.

XII. Sui &  
necessarii.

XII. SVI & NECESSARII erant liberi, SVI, quia iam viuis parentibus quasi domini habebantur; §. 2. *Inst. h. t.* §. 3. *Inst. de hered. quae ab intest.* L. 11. D. de lib. & postum. Vnde & particeps patris eleganter dicitur filiusfamil. apud Terent. *Heautont. Act. I. scen. 1. v. 97.*

*Nec fas esse, vlla me voluptate hic frui,*

*Nisi ubi ille huc saluus redierit meus particeps.*

NECESSARII, quia nec ipsis fas erat, hereditatem repudiare: Quia tamen durum videbatur, ob defuncti parentis infortunium liberos superstites quasi infamiam contrahere: praetor ipsis postea concesserat beneficium abstinendi L. 11. L. 12. L. 57. p. 1. D. de acquir. hered. L. 71. §. 9. *eod.* ex quo loco, id beneficium iam ante Sabini tempora liberis datum esse, adparet.

XIII. Ex-  
tranei.

XIII. Denique EXTRANEI erant, qui nec necessarii erant nec sui His ergo liberum erat, vel adire hereditatem, vel repudiare, si magis expedire videretur. Adquirebatur scilicet hereditas *cretione, aditione, pro herede gestione, immistione, agnitione.* Charond. ad Vlp. *Fragm. XXII, 27.* qui tamen fallitur, dum immixtionem

nem huc refert, quum ea ad heredes suos pertineat, quos ipso iure heredes esse, diximus. Quamvis autem cretio & aditio semper essent coniunctæ: tamen ideo non sunt vocabula synonyma, ut sibi persuasit Donell. *Comm. iur. civ.* VII, 8. sed actus diuersi. Idque vel inde patet, quod sequiore aevo hereditas etiam sine cretione adiretur, quale priuilegium matri, patris, aliisque cognatis tribuit Constantinus L. 1. & 2. C. *Theod. de legit. heredit.*

XIV. CRETIO erat actus eorum, qui cum cretione erant heredes instituti. Vlp. *Fragm.* XXII, 25. Cum cretione dicebatur institutus, cui testator iniunxerat, ut hereditatem cerneret. Ea cretio erat vel PERFECTA vel IMPERFECTA. Nam si scripserat testator: TITIVS HERES ESTO, CERNITOQVE IN DIEBUS CENTVM PROXIMIS, QVIBVS SCIERIS POTERISQVE: NISI ITA CREVERIS, EXHERES ESTO. Vlp. l. c. §. 27. haec formula pertinebat ad *cretionem perfectam*. Sin vltima verba essent omissa: dicebatur heres institutus cum *cretione imperfecta*, itemque, si loco exheredationis adiectum: SI NON CREVERIS, TVNC MAEVIVS HERES ESTO Vlp. l. c. §. 34. Erat quoque cretio vel VVLGARIS vel CONTINVA. *Vulgaris*, in qua adiciebantur verba: QVIBVS SCIERIS POTERISQVE. *Continua*, in qua non adiciebantur. Vlp. *Fragm.* l. c. §. 31. 32. Ceterum horum verborum is erat sensus, quod in cretione vulgari dies tantum utiles; in continua omnes numerarentur. Schulting. *ad*

XIV. Cretio hereditatis quid & quotuplex.

Ll 5

Vlpian.

Vlpian. *l. c.* p. 644. Cernere vero hereditatem, non erat facere, ut viderent, aliquem esse heredem, ceu interpretatur Varro *de lingua lat.* V, 8. p. 43. edit. Gothofr. Sed decernere, se heredem esse velle, ceu ipse Varro *Lib. VI, 5.* p. 57. rectius atque accuratius docet. Cuiac. *Obs.* VII, 18. Iac. Perizon. *Not. ad Sanct. Mineru.* IX, 15. Fiebat ista creatio intra certos dies, praesentibus testibus. Cicero ad *Att.* XIII, 44. Sic centum dierum meminit Vlpian. *l. c.* & ius nostrum *L. 22. §. 1. D. quando dies leg. ced. L. 3. §. 8. D. de minorib. L. 2. §. ult. D. de suis & legit. hered.* quae loca veterem ritum cretionis redolere videntur: sexaginta dierum Cicero *Epist. ad Attic.* XIII, 44. In ipso actu dicenda ab herede erant verba cretionis: QVVM ME MAEVIVS HEREDEM INSTITVERIT, EAM HEREDITATEM ADEO, CERNOQVE. Vlp. *l. c.* §. 28. Add. Barn. Briffon, *de Form.* VII. p. 600. & 601. Et hinc CRETIONIS SOLLEMNITAS *L. vn. C. Theod. de cret. & bonor. possess.* SCRVPVLOSA SOLLEMNITAS. *L. 8. C. Theod. de matern. bon.* CRETIONIS COMMENTVM *L. 1. C. Theod. eod.* CRETIONEM DICERE. *L. 5. C. Theodos. eod.*

XV. An aliis solemnitatibus opus fuerit adituris hereditatem?

XV. Dictis cretionis verbis heres dicebatur *hereditatem adiisse*. Nec aliis ritibus tunc facta videtur hereditatis aditio, quamvis quibusdam casibus aditio & sine cretione fieri posset. Sunt equidem, qui aditas hereditates existimant percussione digitorum: Cuiac. *Obs.* VII, 18. Merill. *Obs.* IV, 34. quod signum domini apud veteres fuisse constat. Alii etiam saltationem

tionem addunt, quasi laetitiae signum. Ant. Dadin. Alteserra *de Fiction iur. Tract. III*, 19. Sed utrumque ritum collegere ex male intellecto loco Ciceronis *de offic. III*, 19. ad quem addendae eruditae observationes Io. Ge. Graevii. Addunt alii Ambros. *de offic. III*, 2. Sed & hic Ciceronem non intellectum manifesto exscripsit.

XVI. Qui sine cretione heredes erant scripti, si heredes fieri poterant etiam sine aditione, **PRO HEREDE GESTIONE.** (b) Pro herede vero gerebat, qui rebus hereditariis tanquam dominus utebatur, veluti qui auctionem rerum hereditariarum faciebat, servis hereditariis cibaria dabat &c. Ulpian. *Fragm. XXII*, 26.

XVI. Quid pro herede gestio?

XVII. IMMIXTIO ad necessarios & suos heredes pertinebat. AGNITIONEM, sublata cretione sollemni aiunt inualuisse. *S. ult. Inst. de hered. qual. & different. S. ult. Inst. de bon. poss.* Sed sic ea vel ab aditione non differt, vel ad bonorum possessionem potius, quam ad hereditatem, pertinet. Sustulit vero cretione in bonis maternis Constantinus *L. i. C. Theod. de matern. bon.* nec non Constantius, *L. 4. Cod. Theod. eod.* quem sequutus Arcadius *L. 8. C. Theod. eod.* & Valentinianus *L. vn. C. Th. de cretione.* postea eamdem penitus aboleuit non Arca-

XVII. Quid immixtio, & agnitio?

(b) Addidi *etiam*, quia & hi cernere poterant hereditatem, si volebant, nec tamen cogeantur. Petr. Fabr. *Semestr. II*, 22. Aueran. *Interpr. iur. II*, 12. 13. p. 151.

(a)



Arcadius, vt in *L. 17. C. de iure delib.* dicitur, sed Iustinianus inuento beneficio inuentarii, (de quo *L. fin. C. de iure delib. Nou. 1, 2. 1.*) Quilibet enim tuto adire ex eo potuit hereditatem, quum eo ipso bona heredis & defuncti separarentur, omnisque impediatur actionum confusio.

## TIT. XX-XXII.

DE

LEGATIS, EORVMQVE ADEM-  
TIONE, ET TRANSLATIONE,  
ET LEGE FALCIDIA.

**H**Actenus Imperator de vniuersalibus acquisitionibus egit, ad easque etiam plures, qui infra sequuntur, tituli pertinent. Placuit tamen illi, interferere hic singularum rerum acquisitionem, quae per legata fit. An satis concinne, alii videant. Nos pauca ad hos quoque titulos delibabimus.

I. Legatum  
quid?

**I** Legatum est donatio, quae legis modo, id est, imperatiue, testamento relinquitur. *Vlp. Fragm. XXIV, 1. Legis modo*, inquit *Vlpianus*, quia veluti legem testator dicit heredi, quid ab eo praestari velit, vnde & graecis legare, est *νεμε-  
θεῖν* (a) *Nonell. XXII, 2. Io. Chrysost. Homil. I.*  
ad

(a) Vnde testatores plane more legislatorum loquebantur. Hi verbis imperatiuis vti solebant: iisdem utebantur testatores: PRAECIPITO, SVMITO &c. Legislatorum formula erat DAMNAS ESTO, *L. 2.*

pr.

*ad Act. Apost. p. 615.* Quin & ipsum verbum *legare* nihil significat aliud, quam mandare & veluti legem dicere. Ita Plaut. *Casim. I, 1. v. 12.*

*Quin potius quod tibi legatum est negotium*

*Id curas?*

Hinc LEGATI dicuntur a *legando*, quia cum mandatis mittuntur, non quia publice leguntur, ceu coniicit Varro *de Lingu. Lat. IV, 6. n. 7.* Nec aliam ob causam RELEGATI adpellantur, quam quia *lege* a populo vel principe lata ciuitate exesse iubentur. *Imperatiue* ergo fieri debebat haec donatio, id est, *verbis directis L. 2. C. commun. de legat. L. 15. C. de testam.* Scholiaft. Horat. *ad Satyr. II, 1. 9.* Verba enim precaria non erant valida ex legibus XII. tabularum, sed ex voluntate tantum heredum descendebant. Denique *testamento* relinquenda erant legata, non codicillo, antequam scilicet Iustinianus legatorum fideique commissorum naturam exaequerit.

II. Legatorum genera erant quatuor, VINDICATIONIS, DAMNATIONIS, SINENDI MODO & PRAECEPTIONIS. Caius *Inst. II, 5. 1.* Vlpian. *Fragm. XXIV, 2.* Paull. *Sent. Recept. III, 7. (b)* Quorum differentiam licet sustulerit Iustinianus, dum legatorum omnium, quibuscumque tandem relicta sint verbis, eam-

II. Legata  
quotupli-  
cia?

*pr. L. 27. §. D. ad L. Aquil.* Eadem vero etiam testatoribus sollempnis erat.

(b) Ant. Faber *Coniect. VI, 1.* quatuor has species ad duas reuocat, *vindicationis & damnationis*, cui tamen respondit Osyv. Hillig. *Donell. enucl. Lib. VIII. p. III.*

(c)

eamdem naturam esse voluit : *L. i. C. comm. de legat.* olim tamen permultum intererat inter haec legatorum genera, quae a Iureconsultis disputatione fori inducta esse, non abs re existimat V. C. Schultingius ad *Vlp l. c. p. 649.*

III. Legatum per vindicationem.

III. Per VINDICATIONEM his verbis legabant: DO LEGO, SVMITO, HABETO. *Vlpian. l. c. §. 3.* quibus Caius *Inst. II, §.* addit formulas : ILLAM REM TIBI PRAESVME, VINDICA. Tunc vero legatum erat in legatarii arbitrio, idque ipse sibi, adita hereditate, statim capere vel rei vindicatione petere poterat. Tale erat illud apud Virgil. *Aeneid V, v.*

§ 33.

SVME, pater, (nam te voluit rex magnus  
Olympi

*Talibus auspiciis exsortem dicere honorem,)*

*Ipsius Anchisae longaeui hoc munus HABEBIS.*

Ad quae verba Seruius Scholiastes : *Sume, inquit, percipe. Nam verbum est iureconsultorum quo utuntur, quoties legatum non ab herede datur. sed est in accipientis arbitrio, id est, vindicationis vel optionis.*

IV. Legatum per damnationem.

IV. Per DAMNATIONEM legabatur his verbis : (c) HERES MEVS DAMNAS ESTO DARE, DATO. FACITO; HEREDEM MEVM DARE IVBEO. *Vlpian. l. c. §. 4.* Vim verborum illorum, quibus, ceu ex *L. 2. pr. & L. 27. §. 5. D. ad L. Aquil.* adparet, etiam legislatores utebantur, idem explicat Seruius ad Virgil. *Aeneid. XII, v. 727. In iure quum dicitur*

(c) Dicebatur etiam tunc res *optimo iure* legata *Vlpian. Fragm. XXIV, 11.*

(d)

*tur DAMNAS ESTO, hoc est, damnatus es, ut des, hoc est, damno te, ut des, neque alias libereris.* Perinde ergo hic heres erat obligatus, ac si vel a iudice, vel ab ipso legislatore, esset damnatus, unde & lis inficiando crescebat in duplum. Paull. *Recept. Sent.* l. 19. 1.

V. SINENDI MODO ita legabatur: **HERES MEVS DAMNAS ESTO SINERE L. TITIVM SVMERE ILLAM REM, SIBI QVE HABERE.** Vlpian. *Fragm.* XXIV, §. Cai. *Inst.* II, §. 9. Heres ergo damnabatur quidem, ut aliquid sumi pateretur, sed legatario simul permittebatur, ut aliquid sumere posset.

V. Legatum sinendi modo.

VI. Denique **PER PRAECEPTIONEM** legabant his verbis: **L. TITIVS ILLAM REM PRAECIPITO.** Vlpian. *Fragm.* XXVI, 6. vel ut in notis Magnonis est: **P. S. T. Q. H. PRAECIPITO. SVMITO, TIBI QVE HABETO.** Res hoc modo legata *praelegatum* vocabatur, vel *praecipuum*. Fest. *voce excipuum*, p. 284. idque relinquebatur uni ex coheredibus. Exempla sunt apud Valer. Max. VII, 8. 4. Plin. *Epist.* V, 7. Sidon. *Epist.* VI, 12.

VI. Legatum per praeceptionem.

VII. Differentia inter hos legandi modos non una erat. Per *vindicationem* legari poterant res, quae tempore mortis & facti testamenti testatoris ex iure Quiritium fuerant. (d) Quod si ta-

VII. Differentia horum legatorum.

(d) Si res legata pondere, mensura, numero constabat, sufficiebat, si tempore mortis iure Quiritium testatoris esset. Ratio vero, ob quam hic exigebatur dominium Quiritarium, haec erat, quia legatario eiusmodi concedebatur rei vindicatio, quae olim institue-



si tamen res quae non utroque tempore in dominio testatoris erat, ita legaretur: SC. Neronianum huiusmodi legatum eatenus sustinebat, ut in legatum damnationis inflecteretur. Vlpian. *Fragm. XXIV*, 11. Per damnationem res omnes legari poterant, etiam alienae, dummodo tales essent, ut dari possent. Vlpian. *Fragm. l. c.* §. 8. Cai. *Inst. II*, §. 6. Sinendi modo legabantur res propriae testatoris & heredis. Vlp. *ibid.* §. 10. non alienae, uti visum Caio. Denique per praedemptionem relinquebantur eadem, quae per vindicationem. Vlpian. *Fragm. XXIV*, 11. Si coniunctim una res legata fuerat pluribus per vindicationem: pars deficiens ceteris collegatariis adcrecebat: sin vero per damnationem: pars deficiens penes heredem manebat Oisfel. ad Cai. *Inst. II*, §. 4. Legatum vindicationis poterat repudiari: L. 7. L. 44. §. 1. L. 86. §. 2. D. de legat. 1. non aequale legatum damnationis. Plures differentias dedit Merill. *Obs. VI*, 32.

VIII. Ea  
sublata est  
a Iustinia-  
no.

VIII. Sustulit hanc differentiam, ceu supra diximus, Iustinianus, (e) ita tamen sustulit, ut

tuebatur hac formula. HANC EGO REM EX IVRE QVIRITIVM MEAM ESSE AIO. Cicero *pro Mur.* XII. Hac vero formula utique uti haut potuisset legatarius, nisi res legata testatoris fuisset ex iure Quiritium. Vid. V. C. Schulting. *Iurispr. anteuist.* p. 651.

- (e) Primo Sc. Neroniano non quidem sublata, quae inter formulas legandi erat differentia; sed tamen constitutum, ut si alio modo aliquid relictum esset, saltem valeret, tanquam si esset per damnationem relictum. Vlp. *Fragm. XXIV*, 11. Postea Constantinus M. verborum quidem, at non actionum differentiam sustulit.

vt non satis caute plures leges, quae ad istud discrimen pertinent, pandectis inferi permiserit. Vid. M. Aurel. Galuan. *de usufr.* XL. ult. V. C. Schulting. *iurispr. ant.* p. 849. Merill. *Obs.* VI, 33.

IX. Porro non modo singulae res legari poterant, sed vniuersarum quoque pars, vt putata: MAEVIUS HERES MEVS CVM TITIO HEREDITATEM MEAM PARTITO, DIVIDITO. Quo casu dimidia pars bonorum legata videbatur. Poterat & alia pars, veluti tertia, quarta, quinta, legari, quae species *partitio* adpellabatur. Vlp. *Fragm.* XXIV, 25. §. 5. *Inst. de fideicomm. hered.* Cicero *pro Caecin.* IV. & V.

IX. Legata pars hereditatis.

X. Legari non poterat a legatario, nec legatum dabatur, nisi extraneo. Non autem filiofamilias heredi instituto, vel seruo proprio, nec ei, qui in heredis potestate mancipioque erat, nisi sub conditione. Vlp. XXIV, 20. seq. Legari etiam olim non poterat ciuitatibus, postea omnibus poterat, quae sub imperio Populi Romani erant, idque primum a Nerua introductum, ac postea sub Hadriano SCo diligentius cautum fuerat Vlp. *Fragm.* XXIV, 28. Quod deinde D. Marcus etiam ad collegia L. 20. *D. de reb. dub.* immo & ad vicos extendit. L. 73. §. 1. *D. de legat.* 1 Vid. Merill. *Variant. ex Caiac.* II, 14 V. C. Schulting. *iurisprud. Ant.* p. 659.

X. A quo & quibus legari poterit?

XI. Anceps quoque inter eruditos quae ratio est de legatis poenae nomine relictis.

XI. Legata poenae nomine relictæ.

nianus

lit. L. 15. *C. de test.* L. 21. *C. h. t.* Denique & hanc aboleuit Iustinianus. Vid. Ian. a Costa ad *Inst.* §. 2. *h. t.*

Mm

(f)

nianus enim haec ita definit §. ult. *Inst. de Legat. Poenae nomine legari videtur, quod coercendi heredis causa relinquatur, quo magis aliquid faciat, aut non faciat: veluti si quis ita scripserit: HERES MEVS, SI FILIAM SVAM IN MATRIMONIUM TITIO COLLOCAVERIT, vel ex diverso, SI NON COLLOCAVERIT, DATO DECEM AVREOS SEIO.* Addit Iustinianus, eiusmodi legata veteri iure prohibita fuisse, (idque etiam constat ex Iul. Capitolin. *Anton. Pio VIII. Ael. Helv. Pertin. VII.*) se vero ea rata esse iussisse, dummodo nihil impossibile, vel legibus interdictum, vel alias probrosum fuerit heredi iniunctum.

XII. Dubia  
aduersus  
hanc  
doctrinam.

XII. Sed animaduertit Amplissimus Bynkershoekius, hac admissa definitione, vix superesse discrimen inter legata conditionata, & poenae nomine relicta. Legislatorum instar erant morientes, & si in tabulis scripserant: LEGO SEIO CENTVM, SI FILIAM TITIO VXOREM DEDERIT, rata erat haec vltima voluntas. Cur quaeso legatum poenae nomine relictum illicitum habitum, si scriptum esset in tabulis: HERES, SI FILIAM TITIO VXOREM DEDERIT, SEIO DECEM AVREOS DATO. Quid quaeso inter vtramque formulam interest. Bynkersh. *de legat. poenae nomine relict. III. p. 351. sequ.*

XIII. Cla-  
rissimi  
Bynkers-  
hoekii  
sententia.

XIII. Existimat ergo laudatissimus Bynkershoekius Tribonianum, quid veteribus legata poenae nomine relicta fuerint, non satis intellexisse. Nam ex L. 1. *D. de his quae poenae caus. relinquuntur* adparere, ea legata poenae nomine  
visa

vifa relinqui quibus testator heredem ad probrosum aliquid faciendum cogere voluerit. Ampl. Bynkersh. *ib. cap. IV.* Quae si ita sunt, Iustinianus nihil noui statuit, dum, quae veteres tamquam regulam posuerant, ipse loco exceptionis habuit, regulam fingens, veteribus incognitam

XIV. Eius illustratio.  
 XI V. Sed non est fortassis, quod Iustinianum plane deferamus, quippe cuius definitionem etiam Vlpianus agnouit *Fragm. XXIV, 17.* Scilicet saepe heredem legatis non nisi vexandi causa onerabant testatores, iisque illum ad quidquam faciendum omittendumque adigebant, nulla alia ratione quam stolidi voluntate adducti. Tale erat testamentum Staberi, de quo Horat. *Satyr. II, 3. v. 84. sequ.*

*Heredes Staberi summam incidere sepulcro,  
 Ni sic fecissent, gladiatorum dare centum  
 Damnavit populo paria atque epulum arbitrio Arri,  
 Frumenti, quantum metit Africa.*

Quum ergo disputarent veteres, an legata eiusmodi valerent, quibus heres ad aliquid sine ratione contra animi sententiam faciendum omittendumque cogeretur: Iustinianus has triacas sustulit, iussitque haec legata rata esse, exceptis iis, quae vel impossibilia essent, vel legibus interdicta, vel alias aperte probrosa. Vid. Gundlingii *Diff. de principe hered. VI, 32. p. 78.*

XV. Lex Furia testamentaria.  
 Quemadmodum vero legibus XII. Tabularum tantum quisque legare poterat, quantum volebat: ita inde fiebat, ut plures hereditatem tot legatis exhaustam adire nollent. Hinc primo lata lex Furia testamentaria a C.



Furio, Tribuno plebis, (f) qua cautum, ne cui liceret ultra mille asses (g) vellegare, vel mortis causa donare, praeterquam cognatis, certisque personis, quales erant e. g. cognati manumissoris. Vlp *Fragm. XXVIII*, 7. Si quis alius ultra hanc summam legatum acceperat, non rescindebatur quidem legatum, sed legatarius tamen quadruplum reddere covebatur. Vnde haec lex *minus quam perfecta* dicitur Vlpiano *Fragm. l. 2*. Confer. Cuiac. *Observ. XX*, 31.

XVI. Lex  
Voconia.

XVI. Mox vero hanc legem elusit Romanorum calliditas. Coeperunt enim vni quidem non ultra mille asses legare, sed tamen tot scribere legatarios, ut & sic penes heredem nihil aut parum remaneret. Hinc postea lata lex Voconia, a Q. Voconio Saxa, A. V. C. lxxciv. Caepione & Philippo Coss. ex qua lege non solum femina, heres institui haut poterat, nisi in certa bonorum parte: sed & illud cautum fuerat, ne quis census plus vlli legaret, quam ad heredem heredesue perveniret Cic. *Verrin. I.* 43.

XVII. Eius  
oblittera-  
tio.

XVII. Enimuero etiam Voconia illa lex oblitterata demum est per opulentiam civitatis: Gell.

(f) Vir doctus Guid. Pancirol. *Thesaur. Var. Lect. II.* 278. eandem hanc legem putat cum Furia Caninia. Qua in re eum perspicue errare, vel inde patet, quod haec Lex fuit Voconia antiquior: Fusiam autem Caniniam demum sub Augusto latam, supra demonstraui.

(g) Cuiacius *Obs. XIX*, 31. Substituit *nullo aeris* quomodo & Varro *de L. L. lib. VIII.* dicit. *nullo aeris legasse*. Sed *as* & *aes* olim promiscue dicebatur. Pondus vero assium pro temporum ratione varium fuisse, docet Plin. *Hist. Nat. XXXIII*, 3.

(b)

Gell. Noct. Att. XX, 1. nec, *sufficiens ad rei consummationem visa est. Princ. Inst. de L. Falcid.* Ergo nouissime demum lata est *Lex Falcidia*.

XVIII. Est hoc plebiscitum, quod tulit XVI. P. Falcidius Trib. pleb. (b) temporibus Augusti, *Lex Falcidia.* Cn. Domitio M. F. Caluino, & C. Asinio Pollione Coss. (i) anno ab V. C. Ioccxiv. vt testantur Dio Cass. XLVIII. p. 430. Euseb. Chron. num. M DCCCC LXXXVII. & Isidor Etymol. V, 15. Breuissime Dio: καὶ ὁ νόμος ὁ Φαλκίδιος ὠνομασμένος, (πλεῖστον καὶ νῦν ἐτι ἰσχύον ἐς τὰς τῶν κληρῶν διαδοχάς, ὡς τετινὰ τὸ τέταρτον, καταλείφεισιν ὁ εἰς αὐτὸν γὰρ πη βαρύνεται, λαβόντα, τὸ λοιπὸν ἀφείναι, ἔχων,) ὑπὸ τῶ πεπλήεις Φαλκιδίῳ δημαρχῶντος ἐτίθη. *Lex etiam Falcidia a P. Falcidio Tribuno plebis lata, quae nunc quoque plurimum valet in hereditatibus adeundis: ea autem permittit, vt heres, si adire hereditatem grauetur, quadrante accepto, reliquum dimittat.*

XIX. Lex, cuius ipsa legitima verba sunt XIX. Eius persunt L. 1. D. ad L. Falcid. pluribus constitit capita & capitibus, (k) quorum priore libera permittitur legitima verba.

(b) Ridiculus ergo Glossatorum error est qui Falcidiam hanc legem dictam volunt ἀπὸ τῆς Φάλκιδος, ὃ δηλοῖ δρεπλὴν, id est, a falce vel defalcando. Vid. Scholia in Harmenopul. Promptuar V, 9. Eundem tamen errorem etiam Latini Glossatores errarunt, ceu in praefatione obseruauimus.

(i) Non anno Ioccxiii. P. Seruilio Isaurico iterum & L. Antonio coss. vt tradit Aleander ad Cai. Inst. II, 6. i. p. 127.

(k) Magna cura ea capita collegit illustrauitque Francisc. Balduinus, & cum lege Voconia, Iulia, Papia Poppaea, Rhodia, Aquilia edidit. Bas. 1559.8.

tur legandi facultas his verbis. QVI CIVES ROMANI SVNT , QVI EORVM POST HANC LEGEM ROGATAM TESTAMENTVM FACERE VOLET , VT EAM PECVNIAM QVASQVE RES QVIBVSQVE DARE LEGARE VOLET, IVS POTESTASQVE ESTO. (VT HAC LEGE SEQVENTI LICEBIT.) (l) Secundo capite modus legatorum constituitur: QVICVMQVE CIVIS ROMANVS POST HANC LEGEM ROGATAM TESTAMENTVM FACIET, IS QVANTAM CVIQUE CIVI ROMANO PECVNIAM IVRE PVBLICO DARE LEGARE VOLET , IVS POTESTASQVE ESTO , DVM ITA DETVR LEGETVR NE MINVS , QVAM PARTEM QVARTAM HEREDITATIS EO TESTAMENTO HEREDES CAPIANT. HIS, QVIBVS QVID ITA DATVM LEGATVMVE ERIT , EAM PECVNIAM SINE FRAVDE SVA CAPERE LICETO : ISQVE HERES , QVI EAM PECVNIAM DARE IVSSVS , DAMNATVS ERIT, EAM PECVNIAM DEBETO DARE, QVAM DAMNATVS EST. Ex his ergo satis constat de vera legis Falcidiaesententia, meritoque pro inepti leguleii additamento reputanda sunt illa apud Hieronym. in Chron. C. Falcidius tribunus plebis, legem tulit, ne quis testamento plus

(l) Adduntur in vulgatis editionibus verba VT HAC LEGE SEQVENTI LICEBIT: sed ea *revertas*, vt observavit Cuiac. ad C. ad L. Falc.

*plus legaret, quam ut quarta pars apud heredes superesset, SI HEREDES QVATVOR AVT MINVS ESSENT: SIN AVTEM PLVS QVATVOR; TVNC II SEMISSEM RETINERENT. (m)* Vid. A. Cont. *Lect. Subces.* I, 3.

XX. Ceterum deductio quartae, quam lex haec Falcidia permisit imperante Vespasiano ad fideicommissa vniuersalia primum producta est SC. Pegasiano; deinde etiam ad singularia §. 5. *Inst. de fideic. hered* immo & ad fideicommissa ab intestato relicta quod a D. Pio factum refert Paullus Ictus L. 18. *D. ad L. Falcid.* ac denique ad donationes mortis causa ex constitutione Seueri. L. 5. *C. eod. L. 2. C. de mort. caus. donat.* Id quod tamen ab intestato admittendum haut videtur Cuiacio *Obs. III, 17.* quia mortis causa donationes ab intestato factae legatis non aequiparantur. L. 20, §. 1. *D. de mort. caus. don.* Verum legis Falcidiae vires maxime elisit IVSTINIANVS, permissa facultate testatoribus, vtiliter prohibendi Falcidiae detractionem, quā antea huiusmodi voluntati, quantumvis expressae, heredes minime parere cogerentur. Vid. Vinc. Grauius *de Leg. & SC. Rom. LXXVII.* p. 637.

XXI. Quae alias de sensu legis Falcidiae casibusque eo pertinentibus disputari solent, ea a Doctoribus dudum sunt occupata, nec tam ad antiquitates, quam ipsam Iurisprudentiam pertinere videntur.

TIT.

(m) Haec enim ex recentissimo Græcorum iure esse, erudite demonstravit Oifel. *ad Caii Inst. II, 6. 1. p. m.*  
120. M m 4 (4)



## TIT. XXIII-XXV.

DE

FIDEICOMMISSIS VNIVERSALIBVS ET  
SINGVLARIBVS, ET DE CODICILLIS.

**H**Actenus de hereditatibus & legatis, quae verbis directis relinquuntur: iam etiam de fideicommissis agendum, propter quae quum codicilli reperti sint, eadem opera etiam de codicillorum origine ac iure erit differendum.

I. Fideicommissa  
veteri iure  
inualida.

I. Veteri iure Romano non ratae erant ultimae voluntates, nisi verbis imperatiuis conceptae. Lex enim XII. Tabular. ea solum confirmabat, quae quis *legassit*. Legare vero erat veluti *legem dicere*, atque adeo testatoris non erat, vti verbis precatiuis, sed directis & imperatiuis. (a) Hinc inter ea, quae ex XII. tabulis erant licita, L. 120. D. de verb. signif. non referuntur fideicommissa, & id sibi volunt verba Vlpiani Fragm. XXV, 1. *Fideicommissum est, quod non ciuilibus verbis, sed precatiuis, relinquitur: nec ex rigore iuris ciuilis proficiscitur, sed ex voluntate datur relinquentis.*

II. Quibus  
formulis  
relicta?

II. Relinquebantur ergo fideicommissa verbis precatiuis, vel ad heredem fiduciarium, vel ad eum, cui relinquebantur, directis. Paull. Sent. IV, 1. 5. & 6. Magis enim hic voluntas spectanda videbatur. quam verba, L. 16. C. de fideic.

(a) Vide supra Lib. II. Tit. XX-XXII. n. 1.

*fideic.* nec proinde tam quaerendum, quocum quis loqueretur, quam in quem voluntatis dirigeretur intentio *L. 77. §. 26. D. de legat. 2.* Hinc passim in iure nostro formulae occurrunt: **FIDEI TVAE COMMITTO. PETO, C SEI, CONTENTVS SIS ILLA RE. VOLO TIBI ILLVD PRAESTARI, ROGO, PETO, VOLO. MANDO.** (b) **DEPRECOR, CVPIO, INIVNGO, DESIDERO, IMPERO,** &c. Et quamvis Paullus *l. c.* excludat verba **RELINQVO & COMMENDO**, quae ipse nullam fideicommissi actionem parere existimat: hae tamen formulae etiam, ut & aliae omnes, idoneae visae sunt post *L. 2. C. commun. de legat. & fideicommiss.* Vid. Cuiac. ad Paull. *l. c. p. m. 385. sequ.* Barn. Briffon. *de Form. VII. p. 668. sequ.*

III. Quod si ergo verbis eiusmodi precativis aliquid esset relictum; heredis erat arbitrium, velletne illud praestare, an nollet. Nullo enim iuris vinculo, sed tantum pudore & fide eorum, qui rogati erant, continebantur fideicommissa. *§. 1. Inst. b. t.* Saepius tamen veteres heredum fidei committebant. siue clam, siue verbis in testamento expressis, maxime si iis quidquam relinquere cuperent, qui per leges erant incapaces. Cuius rei exempla sunt apud Ciceronem *de Finib. II, 58* Quinctilian. *Declam. CCCXXIV* & Valer. Max. *IV, 2. 7.* qui refert, Q. Pompeium Rufum exsulem, quum ex testamento

III. Fideicommissorum natura ante Augusti tempora.

(b) Immo & **IVBEO**, quod precativum esse negat Alciatus. Vid. *l. 28. §. ult. D. de libert. leg.*

mento cuius Romani nihil capere potuisset, tamen bona cuiusdam accepisse, quae matri praedia sua fideicommisserat, ut haec illa filio Pompeio restitueret. Sed eiusmodi fideicommissa, ut dixi non necessario praestabantur, poteratque adeo hereditas ab herede fiduciario impune retineri. Quamobrem & hereditatem ex fideicommissio restitutam fiduciarium veluti liberalitati imputabant. Et ita ego interpretor verba in marmore apud Reines. *Inscr. Class. II, 73.*  
 L. CESTIVS QVA EX PARTE AD EVM HEREDITAS  
 M. AGRIPPAE MVNERE PERVENIT.

IV. Augusti  
 ea de re  
 constitutio.

IV. Primus rem mutavit, & fideicommissa, quorum antea mos inter exempla probitatis & perfidiae fluctuauerat, & exemplo & seueritate stabilivit Augustus. De quo ipse Imperator noster §. 1. *Inst. h. t.* *Postea D. Augustus primus semel iterumque, gratia personarum motus, vel ob insignem quorundam perfidiam, iussit consulibus auctoritatem suam interponere. Quod quia iustum videbatur & popolare erat, paulatim conuersum est in adsiduam iurisdictionem, tantusque eorum favor factus est, ut paulatim etiam Praetor proprius crearetur, qui de fideicommissis ius diceret, quem fideicommissarium adpellant.* Ex hoc ergo loco patet I) primum Augustum fidei suae commissa praestitisse, gratia personarum motum. Personae vero illae procul dubio, fuerunt L. Lentulus. & eius heres fideicommissarius; nam ex illius persona etiam fideicommissa coepisse dicuntur *pr. Inst. de codicill.* Discimus deinde, II) Augustum negotium dedisse Consulibus cognoscendi de fideicommissis, nominatosque heredes ad restituendas hereditates compellendi. Quae iurisdictio Coss. tantum de-

delegata erat a Principe. nec ad prouincias pertinebat, vbi fideicommissa exsequutionem nullam habebant, antequam Claudius id negotium Praesidibus daret. Sueton. *Claud. cap. XXIII.* III) Praetorem fideicommissarium (c) ideo postea creatum, vt tanto accuratius de fideicommissis ius diceretur. In quo tamen nescio an Imperator fallatur. Constat enim primo ex Suet. *Claud. XXIII.* Claudium Imperatorem non vnum, sed duos constituisse praetores fideicommissarios, qui praeter morem non darent iudices pedaneos, sed ipsi cognoscerent & ferrent sententias, quamuis postea vnum eiusmodi Praetorem detraxerit Traianus. *L. 2. §. 3<sup>o</sup>. D. de Orig. iur.* Deinde & constitutis iam praetoribus fideicommissariis, Consules concurrentem iurisdictionem cum iis hac in re exercebant. *Ulpian. Fragm. XXV, 12.* ita quidem vt apud consules plerumque de maioribus; apud praetores fideicommissarios de minoribus summis ageretur. *Quintilian. Inst. Orat. III, 6.* *Conf. Cuiac. Obs. XXI, 34.* *Merill. Obs. VI, 36.* Immo nonnumquam ipsi Imperatores de fideicommissis cognoscebant: quale quid de Commodo Imperatore refert Papinianus *L. 26. D. de probat.*

V. Quum ergo semel fideicommissa essent certa iuris necessitate adstricta, neque amplius eorum restitutio ex heredis voluntate penderet: factum est, vt saepe in hunc onus omne obligationum; commodum vero in fideicommissarium transferretur. Cuius rei causa quum haut raro testamenta destituerentur:

V. Senatusconsultum Trebellianum.

(c) Vocatur & PR. DE FIDEICOMMISSIS. in *Inscriptio- nibus Gruteri* p. CCCXCH, 6. (d)



impera te N rone VIII. Kal. Sept. L. Annaeo Seneca & i rebellio Maximo Coss. suffectis factum est SCtum, vt restituta ex testamento vniuersa hereditate, actiones omnes, quae heredi & in heredem competeabant, simul cum hereditatis commodo transirent in eum, cui restitueretur hereditas §. 4. *Inst. h. t.* Non vero directae actiones ab herede remouebantur, sed utiles tantum fideicommissario & in eum dabantur a Praetore, adeoque heres conuentus a creditoribus ex SC. Trebelliano habebat exceptionem. *L. 1. & 4. D. h. t. L. 1. §. 8. D. quand. de pecul. act. annal. est.*

VI. Senatus consultum Pegasianum;

VI. Quoniam vero sic etiam heredes rogati. inutilem molestiam refugientes, adire recusabant hereditatem, ex qua nihil ad eos commodi esset redditurum: sub Vespasiano, Pegaso & Pusione Coss SC conditum est, quo permittebatur heredi fiduciario detrachere quartam ex bonis fidei suae commissis. Adeoque hoc SC. legem Falcidiam, quae ad legata tantum pertinebat, ad fideicommissa etiam vniuersalia produxit. §. 5. *Inst. h. t.* Graulina de Leg. & SCt. LXXVIII. p. 639.

VII. Stipulationes necessariae inter heredem & fideicommissarium; & nouum ius a Iustiano introductum.

VII. Nihil tamen hoc SC. fuerat de actionibus hereditariis cautum, sed post illud ipse heres onera hereditaria sustinebat. *d §. 5. Inst. h. t.* Opus ergo erat certis stipulationibus inter heredem & fideicommissarium interponendis, vt lucrum & damnum hereditarium pro rata parte inter eos commune esset. Quae stipulationes partis & pro parte dicebantur. Vlpian. *Fragm XXV, 15.* Hinc quoties heredi fiduciario

rio quarta ex testamento erat salua, toties hereditatem restituebat ex SC. Trebelliano : si plus dodrante esset restituendum : quartam ex SC. Pegasiano detrahebat , & de obligationibus sibi cauebat interpositis stipulationibus. §. 6. *Inst. h. t.* Ast quum stipulationes illae multis viderentur captiosae: placuit Iustiniano , exemplo SC. Pegasiano, Trebelliano omnem auctoritatem praestare, vel potius ex duobus facere vnicum, ita quidem, vt quartam heres semper haberet saluam, actionesque inter eum & fideicommissarium pro rata diuiderentur, heredi vero simul adeundi hereditatem imponeretur necessitas. §. 7. *Inst. h. t.* Immo iure nouissimo, si heres adire quartaque contentus esse nollet, deficientibus coheredibus aut substitutis, ipse fideicommissarius adire potest der. *Nouell. l. cap. 1. §. 1.*

VIII. Ad fideicommissa pertinet quoque SC. *Apronianum*. Nec municipia enim olim nec municipes heredes institui poterant , quoniam incertum corpus erat, vt neque cernere vniuersi, neque pro herede gerere possent. Vlpian. *Fragm. XXII, §. Plin. Epist. V, 7.* Fideicommissaria tamen hereditas municipibus restituenda erat per SC. *Apronianum*, de cuius aetate iam *Lib. II. Tit. XIV. §. 2.* differuimus.

IX. Haec de fideicommissis vniuersalibus. IX. Differentia inter legata & fideicommissa singularia. Ad singularia quod attinet, magna olim erat inter ea & legata differentia. In legatis rigor iuris; in fideicommissis fauor voluntatis regnabat. *L. pen. D. de legat. 1.* Fideicommissum ad eum, cui aliquid dimissum erat, poterat peruenire,

nire, herede licet mortuo, si talis erat conditio testamenti: legatum ita relinqui non poterat. Fideicommissum codicillis, etiam si per testamentum non essent confirmati, relinqui poterat: legatum codicillis relictum non valebat, nisi illi essent testamento confirmati. A legatario legatum alteri relinqui non poterat, sed fideicommissum poterat. Per legatum seruo alieno directa libertas dari non poterat: per fideicommissum poterat. Fideicommissis tardius, quam scriptum erat, solutis, usurae & fructus debebantur, legatorum non usura, sed duplum debebatur, si inficiaretur heres. (d) Haec omnia tradit. Caius *Inst. II, 7. 8.*

X. Eam

subtulit Iu-  
stinianus.

X. At Iustinianus, ne quid antiqui iuris integrum relinqueret, legata & fideicommissa per omnia, quod ad effectum attinet, exaequavit. §. 3. *Inst. de legat. L. 2. C. comm. de leg.*

XI. Codicillorum  
nomen &  
natura.

XI. Quemadmodum fideicommissa eludendis legibus fuerant reperta: ita declinandae iuris testamentarii subtilitati acceptus est usus codicillorum. Codicilli vero voce nihil denotabant aliud, quam scripturam quamdam ad alios missam. Hinc saepe codicillos pro epistolis ponit Cicero *Epist. ad Fam. IV, 1. VI, 8 ad Attic. XII, 8. ad Quint. Fratr. II, 10.* Praecipue tamen id nomen tribuebatur epistolis ad praesentes missis. Vnde Seneca *Epist. LV. Video te, mi Lucili, quum maxime*

(d) Ultimam hanc differentiam, ex qua se expedire haut possunt Aleander & Oisfel *ad Cai l. c.* accurate explicant atque illustrent V. C. Schulting, *Iurisp. Antiqu. p. m. 130.* Gerard. Noodt. *de foener. & usur. III, 7.*

*maxime audio, adeo tecum sum, ut dubitem, an incipiam non epistolas, sed codicillos tibi scribere.* Vnde recte colligas, codicillos, quos deinde Imperatores tanquam vltimae voluntatis genus adprobarunt, nihil aliud fuisse, quam *epistolas scriptas ad heredes de eo, quod post mortem suam scribentes ab heredibus fieri vellent.* (e) Boehmer. *Diff. de Codicill. sine testib. validi*: Cap. I. §. 3. 4. p. 5. 6.

XII. Primus eiusmodi codicillos ad Augustum scripserat L. Lentulus, (quem anno V. C. XII. Eo-  
rundem  
origo.  
 Ioccli. cum M. Valerio Messalino Consulem fuisse, ex Reinesii *Inscr. Class. X. n. 3. p. 197.* discimus,) qui Romae fecerat testamentum, & Augustum filiamq; heredem instituerat, deinde vero, decedens in Africa, scripserat, codicillos, quibus aliquid ab heredibus fieri petierat. Quamvis vero ante ea tempora inauditum esset, per epistolam vel codicillos heredi aliquid iniungi, quod ei necessitatem imponeret, vltimam illam defuncti voluntatem implendi: parebat tamen Augustus Lentuli codicillis, ipsaque filia ex iis legata praeftabat. Exemplum principis facile imitati sunt alii. Quare Augustus, conuocatis sapientibus viris, interque eos C. Trebatio Testa, cuius tum auctoritas maxima erat, quaesivit, an possit recipi, nec abhorreret a iuris ratione codicillorum vsus? Annuente Treba-

(e) Hinc codicilli etiam *Epistolae* vocantur L. 89. *pr. D. de legat. 2. L. 41 §. 2. D. de legat. 3.* Et quamvis vulgo differentiam statuunt inter codicillos & epistolas fideicommissarias, ut facit Petr. Müller. *ad Struv. Ex. XXIV, 68.* non opus tamen esse hac subtilitate, praeclare cuius laudatissimus Boehmerus *Diff. alleg. I. 7. & 8.*



Trebatio & illud codicillorum institutum magnopere probante, Augustus auctoritatem illi accommodavit. Post quae tempora, quum & Antistius Labeo, (qui tamen nihil, nisi quod iustum sanctumque esse in Romanis antiquitatibus legisset, ratum pensumque habere solebat. Gell. Noct. Att. XIII, 12. ac proinde magna erat apud omnes auctoritate, teste Tac. *Annal.* III, 75.) codicillos fecisset: iam nemini dubium erat, quin iure optimo codicilli admitterentur. Ita rem refert Iustinianus ipse *princ. Inst. b. t.*

XIII. Formulac codicillorum

XIII. Non aliter vero concipi solebant codicilli ac epistolae. Hinc praemittebatur sollemnis illa, qua epistolas auspicari solebant, salutatio: *L. Titius heredibus primis & substitutis salutem. L. 56. D. de fideic. libert. Conf. L. 37. §. 2. L. 32. §. 3. D. de leg. 3. L. 30. §. 1. de adim. vel. transf. leg.* Nec tamen semper ad heredes, sed & nonnunquam ad ipsos fideicommissarios verba dirigebantur. Cuius rei exemplum exstat *L. 75. pr. D. de leg. 2.* Integras formulas Latinas aequae ac Graecas magno studio collegerunt Barn. Brissou. *de Form.* VIII. p. 686 *sequ.* & Guido Pancirol. *Thesaur. Var. Lect.* I, 29.

XIV. Codicilli testamento confirmati.

XIV. Confirmati tamen codicilli esse debebant testamento, si heredi necessitas imponi deberet, praestandi, quod erat rogatus. Hinc testamentis inseri solebat formula: *Si quos codicillos reliquero, valere volo. L. 56. pr. D. de fideic. libert.* Alias ultimam defuncti voluntatem implere non debebat heres, nisi ultro vellet, quod facere se solere, ait Plinius *Epist.* II, 16. Sed postea per Seueri & Antonini constitutionem illa codi-

codicillos confirmandi necessitas remissa est, modo adpareret, testatorem a voluntate, quam in codicillis exprederat, non recessisse. Ant. Faber. *Coniect. XV. 16.*

XV. Ex his ergo facile adparet, in codicil-  
lis non magis, quam in epistolis, desideratam  
esse vllam sollemnitatem. §. 3. *Inst. l. t.* Non  
ergo testibus opus erat in codicillis testamento  
confirmatis, qui omnem virtutem atque effi-  
cacia suam a testamento mutuabantur, vt  
recte animaduertunt Bachou. *ad tit. Inst. de*  
*fideic. hered. §. ult. & Boehm. Diff. alleg. 1, 19.*  
Sane in Digestis nunquam exiguntur testes,  
immo alia omnia elucent ex L. 8. §. 2. *D. de iure*  
*codicill. & L. 89. pr. D. de legat 2.* Quin nec in  
codicillis ab intestato necessarios viros esse te-  
stes, erudite probat laudatissimus Boehmerus  
*Diff. alleg. 1, 23. p. 22.*

XVI. Sed & hanc antiqui iuris simplicita-  
tem sensim peruertit Imperatorum *νικητορία*.  
Sic permissum vt codicilli etiam nuncupati-  
one, sine vlla scriptura, fierent L. 6. §. 3. *C.*  
*de SS. Eccles. L. 3. pr. C. de bon. libert.* Id quod  
tamen codicillorum ab indole plane abhor-  
ret. Hinc ex eo tempore etiam testibus opus  
visum est, quos in codicillis ab intestato pri-  
mum exegit Constantinus M vel, vt alii ma-  
lunt, Constantius. (f) L. 1. *C. Theod. de te-*  
*stam. & codicill.* Postea Theodosius vulgo di-  
N n citur

XV. Sol-  
lemnitati-  
bus an o-  
pus fuerit  
in codicil-  
lis?

XVI. Ius  
nouum  
sensim in-  
trodu-  
ctum.

(f) Vulgo, iam Diocletiani tempore testes adhi-  
bendos fuisse codicillis, colligunt ex L. 22. *C. de*  
*factis comm.* Sed conferatur Boehm. *Diff. alleg. 1, 25,*  
*p. 24.*

citur generatim in omnibus codicillis testes desiderasse, ob *L. ult. §. ult. C. de codicill.* Sed iam Iacobus Gothofredus animaduertit, §. vltimam illius legis non esse Theodosii, verum a Triboniano adsutam, quod etiam ex *L. 7. C. Theod. de testam. & codicill.* clarissime patet. An testes etiam in codicillis, testamento confirmatis exegerit Iustinianus, adhuc sub iudice lis est. Plerique adfirmant ob *L. 28. §. 1. C. de testam. L. ult. C. de codicillis* : Sed non contemnendis rationibus id negat laudatus Bochmerus. *Diff. alleg. 1, 27. sequ.*  
*p. 26. sequ.*



IO. GOTTL. HEINECCI IC.

# ANTIQUITATVM

ROMANARVM

IVRISPRVDENTIAM

ILLVSTRANTIVM

SYNTAGMA

SECVNDVM ORDINEM

INSTITVTIONVM

IUSTINIANI

PARS II.

EDITIO SECVNDA AVCTIOR ET  
EMENDATIO.





# INDEX

## TITVLORVM PARTIS II.

ET MATERIARVM QVAE IN ILLIS TRACTANTVR.

### LIB. III.

**A**D TIT. I. de hereditatibus, quae ab intestato deferuntur, explicatur lex XII Tab. de successione suorum & agnatorum, additurque, quinam dicti sint heredes sui, ubi & difficilis Paulli locus exponitur, nec non, an & filiae successerint, ubi plura de lege Voconia, item an uxores, quae in manum conuenerant, inter heredes suas fuerint? quomodo emancipatis succurrerit Praetor? quidue recentiores leges hac in re immutariint?

Ad TIT II. de legitima agnatorum tutela, quinam agnati fuerint quinam gentiles, docetur, eaque occasione explicatur, quomodo Romani gentes familiasque suas nominibus, cognominibus, agnominibus distinxerint. Additur lex XII. Tab. de successione gentilium, itemque quo ordine agnati & gentiles successerint, & an agnatae etiam ad successionem vocatae sint, quoque iure emancipatis successerint patres, & quid nouum ius hac in re mutarit, disquiritur.

Ad TIT III. de SC Tertulliano, primo, quibus legibus sensim matres ad liberorum successionem vocatae sint, ac deinde SC. Tertulliani historia & materia ut & iuris liberorum ex hoc SC. & ex lege Papia Poppaea differentia exponitur.

Ad TIT. IV de SC. Orphitiano, huius SC. historia traditur, ostenditurque ex Valerio Max & Plinio iam ante hoc SC. liberos maternam hereditatem querela inofficiosi instituta sibi vindicasse.

Ad TIT. V. de successione cognatorum ostenditur, cognatos non a legibus XII. tabularum sed a Praetore ad successionem vocatos, sed & quinam cognati dicti sint, ad quatum gradum successerint, & quid ius nouum de iis statuatur, explicatur.

Ad TIT. VI. de gradibus cognationum, nomina graduum singulorum traduntur, additoque schemate antiquo, quomodo veteres gradus istos disponere consueuerint, ostenditur.

Ad TIT. VII. de seruili cognatione, ius hac de re nouum pariter ac antiquum exponitur.

Ad TIT. VIII. de successione libertorum, explicata lege vetere XII. Tabularum, ostenditur patronos agnatorum iure olim censi consueuisse, unde & liberti patronorum nomina adsumserint. Additur, quomodo illis successerint patroni & quibus casibus libertae successione patronos excludere potuerint. Accedit explicatio capitum quorundam legis Papiae Poppaeae de libertabus quatuor liberorum parentibus, de libertis centenariis, de successione patronae, &c.

Ad TIT. IX. de adsignatione libertorum ostenditur, qua in re constiterit ius patronatus, quid fuerit adsignatio libertorum, & quid de ea cautum sit SC. Claudiano?

Ad TIT. X. de bonorum possessione, explicata differentia possessionis bonorum & bonorum possessionis, quid & quotuplex haec fuerit, exponitur, additurque nonnihil de bonis caducis ex lege Papiae Poppaeae ut & de formulis, quibus & petita & data est bonorum possessio.

Ad TIT. XI. de acquisitione per adrogationem, ius tum vetus tum nouum de vniuersali isto acquirendi modo traditur.

Ad

Ad TIT. XII. de eo cui libertatis causa bona addicuntur, *similiter tum vetus tum nouum ius explicatur.*

Ad TIT. XIII. de successionibus sublatiis, quae fiebant per bonorum venditionem ex SC. Claudiano. *Hic lector ad alium locum huius tractatus remittitur.*

Ad TIT. XIV. de obligationibus, praecipue de contractuum & pactorum apud Romanos differentia, de obligationibus civilibus & praetoriis, ut & de obligationibus ex delicto differitur.

Ad TIT. XV. quibus modis re contrahitur obligatio, praecipue de mutuo docetur, quod veteres illud adpenderint, ut & de foenore, quomodo illud a mutuo differat, quomodo pecuniae foenori datae & Kalendario inscriptae sint, qualis contractus in foenore intercefferit, quae leges veteres de eo latae sint, quibus fraudibus usi sint foeneratores, quomodo computatae sint usurae, quae usurae dictae sint centesimae, deunces, decunces, dodrantes, beses, septantes, semisses quincunces, trientes, quadrantes, sextantes, unciariae semiunciariae, item usurae binarum, ternarum, quinarum, centesimarum &c. Adduntur quaedam de commodato, deposito, de quo & lex XII. Tab. exponitur, & de pignore.

Ad TIT. XVI. XX. de verborum obligationibus, ritus stipulandi formulaeque in eo contractu adhibitae, varia item de stipulationibus iura eorumque genera exponuntur. Quum vero & sponsalia fierent per stipulationes, de his quoque, eorumque praecipuis ritibus differitur.

Ad TIT. XXI. de fideiussoribus, explicatur, quinam veteribus fuerint vindices, vades, subuades,



*praedes, fideiussores, sponsores, adpromissores, fideipromissores quales fuerint fideiubendi formulae, qualis fideiubentium obligatio. &c.*

AD TIT. XXII. *de litterarum obligationibus, sollicite ex antiquitatibus, qualis fuerit apud veteres litterarum obligatio, quaque forma illa facta sit, exponitur.*

AD TIT. XXIII. XXVII. *de contractibus consensualibus, agitur de emtione venditione, locatione conductione, societate, mandato, eaque occasione de conductionibus publicanorum eorumque societatibus complura ex antiquitate exponuntur.*

AD TIT. XXVIII. *de obligationibus, quae quasi ex contractu nascuntur, de negotiorum gestionis origine, tutela, communione agitur, simulque lex l. Tabularum de familia eriscunda explicatur.*

AD TIT. XXIX. *per quas personas nobis obligatio acquiritur. Hic lector ad alium locum remittitur.*

AD TIT. XXX. *quibus modis tollitur obligatio, agitur de solutione, de antiquissima obaerationum conditione, de possessione bonorum eiusque origine, de nouis tabulis a plebe postulatis, de in solutum datione de cessione bonorum, de acceptilationis ritibus, de novatione, contrario dissensu. & ob signatione pecuniae.*

#### LIB. IV.

AD TIT. I. *de obligationibus, quae ex delicto nascuntur, explicatur uberius, quaenam antiquissimae sint de furtis leges, quomodo furtum nocturnum, quomodo manifestum & nec manifestum vindicatum. Prolixè imprimis dispicitur, quo ritu veteres furtum conceperint per lancem & liciam.*

Ad

Ad TIT. II. de vi bonorum raptorum *eadem methodo de rapina agitur.*

Ad TIT. III. de lege Aquilia, de damno iniuria dato ut & Legis Aquiliae historia variisque capitibus agitur & imprimis ostenditur, caput secundum de seruo corrupto egisse.

Ad TIT. IV. de iniuriis *variae leges XII. Tabularum.* ut & ius praetorium de iniuriis, earumque poena explicatur. Additur legis Corneliae de iniuriis historia & explicatio.

Ad TIT. V. de obligationibus, quae quasi ex delicto nascuntur, explicatur, qua cura indices lecti, quomodo iidem litem suam fecerint, quid de effusis, deiectis &c. statuerit praetor, quid de nautis, cautionibus & stabulariis &c.

Ad TIT. VI. de actionibus ea omnia, quae in iure fiebant, exponuntur. Docetur ergo, quinam magistratus Romae & in prouinciis iudiciis priuatis praefuerint, quid fuerit imperium & iurisdictio, ubi ius dictum quid veteribus fuerit tribunal, quid locus planus? quinam Praetori adsederint, quibus diebus ius dictum, quinam dies dicti nefasti, atrii, ominosi, interdicti, feriales, quo ritu facta sit in ius vocatio, actionis editio, postulatio, quomodo conceptum vadimonium, quomodo actio intenta? quibus formulis & ritibus vindictiae postulatae in rei vindicatione, quibus formulis omnes reliquae actiones institutae, quid interfuerit inter actiones arbitrarias, bonae fidei & stricti iuris, quo ritu postulati indices, qua formula iidem dati quomodo numerus testium a praetore praescriptus, & quomodo facta sit litis contestatio?

Ad TIT. VII. quod cum eo, qui in aliena potestate est negotium gestum esse dicitur, agi-

*tur de actione institoria eaque occasione ostenditur, quo loco mercatores apud veteres Romanos fuerint, quaenam eorum fuerint collegia, quinam institores, &c. Eodem modo explicatur, quales fuerint Romae exercitores quibus formulis actiones institoria, exercitoria, tributoria & de peculio institutae sint. Accedit historia SC. Macedoniani.*

*Ad TIT. VIII. de actionibus, noxal. actionum harum natura, formulae & origo ex XII. Tab. ostenditur.*

*Ad TIT. IX. Si quadrupes pauperiem fecisse dicatur, actionis quadrupedariae origo & natura ex XII. Tabulis ostenditur. Accedunt nonnulla de lege Pesulania de cane, & quomodo canibus alligatis inscriptio addi consueuerit.*

*Ad TIT. X. de iis per quos agere possumus, Aduocatorum, Cognitorum, Procuratorum origo ex historia traditur, additurque nonnihil de dominio litis.*

*Ad TIT. XI. de fatisdationibus, earum insoles ex vetere aeque ac nouo iure describitur.*

*Ad TIT. XII. de perpetuis & temporariis actionibus, quaenam actiones perpetuae, quaenam & cur illae annuae & temporariae fuerint, ostenditur.*

*Ad TIT. XIII. & XIV. de exceptionibus & replicationibus, quomodo illae in iure prolatae, quomodo formulis iudices dandi inclusae sint, ostenditur.*

*Ad TIT. XV. de interdictis, eorumque origine, natura, formulis agitur.*

*Ad TIT. XVI. de poena temere litigantium praecipue de iureiurando calumniae & calumniatorum poena ex antiquitatibus disseritur.*

*Ad TIT. XVII. de officio iudicis. Quemadmo-*

*admodum titulo VI. ea, quae in iure fiebant ita ad hunc titulum, ea, quae in iudicio fiebant, exponuntur, ostenditurque, quibus formulis dati iudices, unde & quomodo lecti sint, quos in consilium adhibuerint, quomodo in leges iurarint, quo ritu dies iudicii diffindi, absentes edictis citari, praesentes calumniam iurare, causam conuicere, consueuerint, quomodo dixerint oratores, & quo pacto denique lata sit sententia.*

*Ad TIT. XVIII. de iudiciis publicis, tum de iudiciis publicis tum de iudiciis populi, tum de legibus ad varia crimina coercenda comparatis agitur. De iudiciis publicis ostenditur, quomodo a popularibus actionibus, a iudiciis populi & cognitionibus extraordinariis differant, quae crimina iis vindicata, quibus poenis in reos animaduersum, quinam iis praesuerint quae sitores, quisnam iudex quaestionis, quinam reliqui iudices fuerint? quomodo rei in ius vocati, quomodo nomen delatum, quomodo deinde rei vestem mutarint, quomodo patroni adhibiti, quomodo prima ac deinde secunda sit instituta actio, quomodo sententia lata &c. De iudiciis populi refertur, quo pacto dies dicta sit reis, in quibus comitiis factum iudicium, quomodo rei citati, ter accusati & citati sint, quomodo promulgata rogatio, quomodo reus defensus, ipsaque sententia lata per suffragia populi? Denique leges de crimine maiestatis, de adulterio, de sicariis, parricidio, de falsis, de vi publica & priuata, de peculatu, de repetundis, de plagio & ambitu latius explicantur.*






LIB. III. TIT. I.

DE

HEREDITATIBUS QVAE  
AB INTTESTATO DEFERVNTVR.



Vam libera & lata fuerit Romanorum defacultatibus fuis disponendi facultas , ex iis, quae adhuc dicta a nobis funt latis intelligitur. Si quis vero eo arbitrio non effet vfus, bona deuoluebantur ad proximas neceffitudines , eaeque hereditates vocabantur *legitimae*, L. 1. 2. 3. D. *de petit. heredit.* L. 1. §. 8. D. *ad SC. Tertyll.* nec non *hereditates intestatorum.* Auct. *Collat. Leg. Mos. & Rom. XVI.* Quum ergo antiquum fuccedendi ordinem totum immutarint leges recentiores, & maxime *No-uella CXVIII.* operae pretium facturi videbimur, fi antiquitates Romanas hic rimabimur paullo accuratius.

I. Primi  
omnium  
fuccede-  
bant here-  
des fui.

I. Veteres Romani in fuccelfione intestatorum non id agebant, vt heredes, quos defunctus reliquis cariores habuiffe videretur, (quod principium poftea Iuftiniano placuit) fed vt faculta-

cultates penes familiam manerent, nec ad alias gentes peruenirent. Itaque non alios ad intestatorum hereditatem vocabant, quam qui eiusdem essent gentis & familiae. V. A. Bynkershoek *Obs.* II, 1. Et hinc est, quod huiusmodi hereditates REDIRE dicerentur Terent. *Andr.* IV, 5. v. 4. *Eius morte ad me lege REDIERVNT bona.* Ad quae verba adposite Donatus: *Hic ius tractauit, dicendo: REDIERVNT, quia in familiam redeunt, si non est heres de proximo, aut ex testamento.* Primo omnium intestatorum hereditas deferebatur HEREDIBVS SVIS; idque ex legibus XII. Tabularum est, (a) in quibus ita fuerat cautum: AST SI INTESTATO MORITVR, CUI SVVS HERES NEC ESCIT, ADGNATVS PROXIMVS FAMILIAM HABETO. Paull. L. 9. §. 2. D. de liber. & postum Vlpian. *Fragm.* XXVI, 1. Iac. Gothofr. *Leg. XII. Tab. Tab. V,* 2. Non ergo singulare fuit in XII. Tabulis caput de successionem suorum, nec proprie dici potest, eos ad successionem lege vocari, quia per se & ipso iure heredes erant, & ius sui heredis eos dominos quodammodo faciebat, etiam viuo parente: §. 2. *Inst. de hered. qual. & differ.* L. 11. D. de lib. & postum. adeo, vt eorum successio non tam hereditas esse videretur quam continuatio domini,

(a) Immo & iam antea sub regibus heredes suos ab intestato primos omnium successisse, existimat Schulting. *ad Vlpian. Fragn.* p. 665. eaque in re discessionem facit a Galuano *de Vsfufruct.* VIII, 13. sequi qui hanc legem ex institutis Solonis deriuare mauult.

minii. Cui. *Obs.* XXV, 14. Iac. Gothofr. *ad Leg. XII. Tab. Tab. V. Ant. Fab. de Error. pragmat. Dec. III, err. 1. (b)*

II. Quinam  
dicti here-  
des sui?

II. Vocabantur vero heredes XVI, in potestate defuncti positi, quique proximum potestatis locum obtinebant. Tales erant & filii, & filiae. Neque enim Decemuiri ea in re sequuti erant ius Atticum, quod primo ordine filios, & post eos demum filias ad hereditatem paternam admittebat: Isæus *Orat.* IX. Sed ab initio urbis filii & filiae aequo iure heredes sui erant. Periz. *de L. Vocon. p.* 133. Porro sui heredes erant nepotes & neptes ex filiis masculis, quos in potestate avus habebat, dummodo in potestatem patris non essent recasuri. Cai *Inst.* II, 3. 6. Paull. *Recept. Sent.* IV, 8. 4. *sequ.* Vlpian. *Fragm.* XXII, 14. Nec intererat, naturales essent hi liberi, an adoptivi. Immo & vxor, quae in manu erat, & nurus, quae in manu erat filii, quem quis in potestate habebat, inter suos heredes referebantur, teste Vlpiano *Fragm.* XXII, 14. & Caio *apud Auctorem Collat. Leg. Mosaic. & Roman. Tit. XVI, 2.* Gell. *Noct. Att.* XVII, 6. Dionys. Halic. II. p. 95. (c) Idem ius sequiore aevo consequiebantur liberi legitimati, siue per subsequens matrimonium, siue per curiae dationem,

(b) Praecipue huc facit locus Plauti *Trinum.* II, 2. apud quem Lysiteles patri interroganti, num de suo amico subuenire vellet, respondet:

- - - De meo.

Nam quod tuum est, meum est: omne meum est  
autem tuum.

(c) Conf. *Supra Lib. 1. Tit. X. n. 4. 6.* & Pith. *ad Collat. Leg. Rom. & Mosaic. p. m.* 790. (d)

nem, siue per rescriptum principis, modo hi postremi in hunc finem legitimati essent, vt succederent. §. 2. *Inst. h. t.*

III. Quin & post mortem patris nati, vel reuerſi ab hostibus, aut ex primo secundoue mancipio manumissi, cuiusue erroris causa probata, licet non essent in potestate sui tamen patri heredes efficiebantur, vt tradit Paull. *Recept. Sent. IV, 8, 7.* Quem locum vt intelligamus sciendum est loqui eum I) de postumis: nam & hi sui heredes erant, qui si viuo parente nati essent, in eius potestate fuissent futuri. II) De reuersis ex captiuitate, qui vt omnia iura, ita & ciuitatem ac fuitatem postliminio recipiebant §. 4. *Inst. h. t. (d)* III) De filiis ex primo & secundo mancipio manumissis. Si enim filius familias emancipandi gratia alicui fuerat mancipatus, ac in huius mancipio ad tempus manserat: (quod poterat fieri,) amittebat iura fuitatis. Ex primo vero & secundo mancipio manumissus, eadem recipiebat, siquidem non nisi ter venditus & ter manumissus poterat a patria potestate liberari. Quemadmodum ergo primum & secundum manumissus si tertia mancipatio non accessisset testamentum patris rumpebat; Vlpian. *Fragm. XXIII, 3.* ita idem & ab intestato succedendi ius recuperabat. Cai. *Inst. II, 8, 1.* Denique & IV) de iis loquitur Paullus, quorum erroris causa fuerat probata. Per errorem scilicet nonnumquam contrahebatur matrimonium

III. Suis etiam accensebantur postumi, reuerſi ex captiuitate. Bis mancipati, per errorem ex impari connubio procreati.

(d) Sin in captiuitate obiiſſent, fingeantur ante mortem decessiſſe ex lege Cornelia Vlpian. *Fragm. XXIII, 5.*



nium inter disparis conditionis personas, veluti si ciuis Romanus peregrinam aut Latinam, aut dedititiam duxisset, quam ciuem existimarat, aut si ciuis Romana per errorem nupsisset peregrino vel Latino, vel dedititio. Quotiescumque id fuerat factum, cessabat fuitas, siquidem liberi ex eiusmodi nuptiis procreati in potestate esse haut poterant. Ast si erroris causa probata erat, parentes ipsi aequae ac liberi eorumdem & ciuitatis & familiae iura adipisciebantur. Vlp *Fragm. VII, 4. Add. Comment. nostr. ad L. Iul. & Pap. Popp. II, l. p. 117.*

IV. Quomodo heredes sui successerint?

IV. Hi ergo heredes sui omnes quidem hereditatem partiebantur, sed ita, ut filii filiaeque in capita: remotiores in stirpes, hoc est, in patris sui locum portionemque succederent. §. 6. *Inst. h. t.* Nec vllum inter filios filiasque, nepotes neptesque intercedebat discrimen, quippe qui aequis portionibus nullaque habita sexus ratione defunctorum hereditates consequiebantur, ut erudite docet, Iac. Perizon. *Diss. de Lege Vocon. p. 133. sequ.* Ast has quidem feminarum hereditates demum coercuit lex Voconia, in qua praeter alia fuerat cautum, ne femina ad vllam defunctorum successionem admitteretur. Perizon. *l. c. p. 135.* Eaque lex etiam ad heredes suas & consanguineas pertinebat, adeo, ut neque vnicam filiam heredem instituere liceret: Augustin. *de Ciuit. Dei. III, 21.* immo ne fidei quidem commissam hereditatem restituere ei feminae, cui destinata erat a testatore. Cicero *de Finib. II, 17.* Nec enim tantum ad testamenta haec lex pertinebat, verum

rum etiam ad hereditates ab intestato, vt luculenter idem demonstraui Perizonius p. 105. seq. Hinc, quum Polybius *Excerpt. de virtut. & vit.* p. 1462. retulisset, Scipionem Africanum hereditatem maternam permisisse sororibus, statim addit, ἡς οὐδὲν αἰσλαῖς προσήκε κατὰ τὰς νόμους, ex qua nihil ad ipsas secundum leges pertinebat. Vbi per νόμους leges intelligenda lex Voconia. Ex quo vero lex illa Voconia oblitterata est per opulentiam ciuitatis: (Gell. *Noct. Att. XX, 1.*) mansit tamen mos, vt feminae ad hereditates legitimas saltem vltra consanguineas non admitterentur. Quod institutum ex ratione legis Voconiae deriuat. Paull. *Recept. Sent. IV, 8. 12.*

V. Ad vxores quod attinet, eae, si in manu erant, inter suas fuisse heredes, adeoque marito successisse, iam supra §. II. obseruauimus, idque diserte tradit Dionys. *Hal. II, p. 95.* vbi eas dicit fuisse κοινωνὺς ἀπάντων χρημάτων τε καὶ ἱερῶν *participes omnium bonorum pariter ac sacrorum.* Idque confirmatur exemplo Laurentiae, quae mortuo marito Tarrutio, admodum locuplete, omnium bonorum eius facta est compos. Macrobi. *Saturn. I, 10.* Plut. *Quaest. Rom. XXXV.* Quamuis, vtrum ex testamento, an ab intestato successerit, nondum liqueat. Ast postea & id mutatum, forsan quod rarius vxores in manum conuenire coepissent. Vnde inualuit, vt denique vxores non nisi ex edicto Praetoris ad bonorum possessionem vocarentur. Qua de re infra erit agendum.

VI. Tollebatur illud ius fuitatis cum maiore ac media capitis deminutione, tum etiam eman-

V. Inter suas heredes erant etiam vxores, quae in manum conueniant.

VI. Ius fuitatis quo pacto sublatum.

emancipatione. Hinc emancipati omni hereditate excidebant, nec ullum erat remedium iure civili proditum ad aliquam paternarum facultatum partem consequendam. §. 9. *Inst. h. t.* Immo nec emancipatorum filii, si essent post emancipationem concepti, suorum hereditum loco erant auo, §. 9. *Inst. quib. mod. ius patr. pot. solu.* adeoque nec hi ullam auitae hereditatis partem fortiebantur, quemadmodum nec adoptati a filio emancipato. - Paull. *Recept. Sent. IV, 8, 12.*

VII. E-  
mancipa-  
tis succur-  
rebat  
praetor.

VII. Consuluit tamen emancipatis Praetor, naturaliaequitate motus: siquidem edicto VNDE LIBERI eis dedit bonorum possessionem, non secus, ac si tempore mortis in potestate parentis fuissent, *Tit. D. unde liberi.* eo-que beneficio etiam emancipatorum liberi fruebantur: non vero eorum adoptiui, qui nequidem tanquam quasi cognati bonorum possessionem petere poterant. Paull. *Recept. Sent. IV. 6. 12.* Nec eodem praetoris edicto vocabantur ipsi emancipati, si se aliis in adoptionem dedissent, nisi ante mortem patris iterum fuissent emancipati. Tunc enim ius Praetorium versus suum parentem recuperabant. *Ulpian. Fragm. XXVIII, 8, §. 10. 11. Inst. h. t.*

VIII. Sae-  
recentius,  
quo discrimen inter  
fues &  
emancipa-  
tos subla-  
tum.

VIII. Ast omnia haec ius recentius cor-  
rexit, quippe quo & emancipati ad parentum  
successionem vocantur *Nou. CXVIII, 1.* (collatis  
tamen bonis antea acceptis,) & ipsi, qui se in  
adoptionem aliis dederunt, per *L. pen. C. de  
adopt.*

IX. Nepo-

IX. Quae de nepotum neptiumque succes-  
sione

sione supra diximus : ea ad eos demum easue  
 pertinent, qui quaeue ex virili sexu descende-  
 bant. Nam qui ex filiabus nati fuerant nepo-  
 tes, aux ex neptibus pronepotes, ii non vna  
 cum filiis & filiabus nepotibusque ex filiis ad  
 successionem vocabantur, sed post agnatorum  
 lineam inter cognatos connumerari consueue-  
 rant. §. 15. *Inst. b. t. Paull. Recept. Sent. IV, 8. 10.*  
 At hoc quoque mutandum putarunt Valenti-  
 nus, Theodosius & Arcadius, Impp. L. 9. C. de  
 *suis & legit. lib.* qui iusserunt nepotes ex filia auo  
 materno auiaque vna cum defuncti filiis ac fi-  
 liabus succedere; ita tamen, vt duas tantum par-  
 tes maternae portionis acciperent, tertia penes  
 filios filiasque maneret. Sed & id denique mu-  
 tauit in *Novella CXVIII, 1.* Iustinianus (c)

tes ex filia-  
 bus inter  
 cognatos  
 succede-  
 bant.

IX. Id adhuc videtur monendum, suos IX. Here-  
 heredes, quia ipso iure tales erant, etiam igno-  
 rantes esse hereditatem consequutos, veluti fu-  
 riosos, infantes, peregrinantes, nec tutoris au-  
 ctoritatem pupillo, nec tutoris consensu curato-  
 ris fuisse opus, nisi forte soluendo haut esset he-  
 reditas. *Paull. Recept. Sent. IV, 3. 5. & 6.*

IX. Here-  
 des sui  
 succede-  
 bant etiam  
 ignoran-  
 tes.

## TIT. II.

DE

## LEGITIMA AGNATORVM

SVCCESIONE.

**D**eficientibus heredibus suis, Lex duodecim  
 Tabu-

(c) Vocat id ius barbarum *principio Nouellae XXI.* quum  
 tamen & Deus filios filiabus in hereditate praeteren-  
 dos sanxerit Num. XXVII, 8. Conf. Jac. Perizon. *ad*  
*L. Vocon. p. 109.* Selden. *de Success. Hebr. t. pag. 2.*

(II.)

B

(a)



Tabularum ad superiorem titulum §. 1. relata, ad successionem vocabat proximos AGNATOS, & his quoque deficientibus GENTILES. Unde de legitima agnatorum gentiliumque successione ad hunc titulum erit agendum.

I. Agnati  
quinam  
dicti?

I. Agnatos definiunt iureconsulti, *cognatos per virilis sexus personas cognitione coniunctos*, siue naturale sit id vinculum, siue ciuile, quale est adoptio. Nā & per adoptionem quis agnationis iura consequitur. §. 2. *Inst. h. t.* Dictos vero ita putant, quasi a patre cognatos, §. 1. *Inst. de legit. agn. tutela* §. 1. *de legit. agn. success.* eamque etiam legitimam cognitionem vocant Cai. *Inst. II, 8. 3. L. 12. §. ult. D. de rit. nupt.* (a) Sed quamuis ea omnia recte se habeant, si agnati opponantur *cognatis*: minus tamen sufficit definitio, si agnati distinguendi sint a *gentilibus*. Nam & hi sunt cognati, per virilis sexus *personas cognitione coniuncti*, & tamen in Legibus XII. Tabularum ab agnatis seiunguntur. Quare paullo accuratius ex antiquitatibus Romanis, quinam agnati, quinam gentiles, quinam cognati denique dicti sint, erit indagandum.

II. Romanorum  
gentes, fa-  
miliae, no-  
mina.

II. Romanorum multae erant gentes, patriciae partim, partim plebeiae, (b) quas accurate

(a) Alias tamen *legitima cognatio* ea est, quae adoptione constat, adeoque opponitur *naturali* L. 4. §. 2. *D. de gradib. & affin.* Conf. Briffon. *de Verb. Sign. Lib. X. voce legitimae cognationes.*

(b) Equidem antiquissimis reipublicae temporibus soli patricii gentem habere dicebantur. P. Decius apud Liuium X, 6. *Semper ista audita sunt eadem, vos solos gentem habere.* Hinc etiam patricii alii maiorum alii mi-

rate descripserunt Glandorpius, Ant. Augustinus, Fulvius Ursinus, & qui huius opus multis additamentis locupletarunt Car Patinus & Vaillantius. Singulae gentes nominibus suis distinguebantur, & hinc gens alia dicta est Cornelia, alia Sempronia, alia Tullia, alia Cincia, & sic porro. Quemadmodum vero fieri solet, ut gens una in varias stirpes ac familias abeat: ita & Romae unius gentis plures fuere familiae, quae & ipsae cognominibus suis discernebantur. Festus p. 292. *Gens adpellatur, quae ex multis familiis conficitur.* Sic e Cornelia gente natae sunt familiae *Scipionum, Lentulorum, Sullarum, Cinnarum, Cossorum, Dolabellarum.* Denique quum & familiae denuo in novas stirpes abirent, factum est, ut & hae agnominibus secernerentur. Sic gens *Virginia* in plures familias abiit, hinc cognomina *Tricostorum, Rufforum, &c.* *Tricostis* iterum in diuersas stirpes diuisis, nati inde sunt agnomina *Rutilorum & Caelimontanorum.* Et inde est, quod Romani tot vsi sint nominibus, quorum primum, quod personae proprium erat, *praenomen*; (c) secundum

minorum gentium dicebantur. Sigon. *de antiquo iure ciu. Rom. I. 7. p. 109.* At postremo quum honores, auspicia, connubia cum plebe communicarentur: etiam gentilia iura acceperunt plebei. Vnde aliae gentes patriciae, aliae plebeiae. Vtrasque studiose descripserunt Fulvius Ursinus, Carolus Patinus, Vaillantius, Ant. Augustinus, Glandorpius aliique.

(c) Singulare id fuit in gente Sulpicia, quod duplici semper praenomine vsa sit, altero communi *Seruius*; altero proprio singulis. e. g. *Caius Fulu, Ursin. de fam. mil. Rom. p. 268,*

quod vniuersae genti commune, *nomen*; tertium quod familiam ex ea gente notabat, *cognomen*; & quartum denique, quod stirpem plerumque eius familiae vel aliquam rem gestam, vel fatum habitumue corporis aut animi indicabat, *agnomen* dicebatur. Sic in nomine A. VIRGINIVS TRICOSTVS CAELIMONTANVS, *Aulus* erat *praenomen*, huic viro *proprium*: *Virginus* *nomen* gentilitium: *Tricostus* *cognomen*, familiam illam gentis Virginiae, ex qua Aulus iste prodierat, designans: denique *Caelimontanus* *agnomen*, quod certam illius familiae stirpem denotabat. Vid. Car. Sigon. *de Nom. Rom.* p. m. 1403. & 1427. edit. Dionys. Gothofr. Iam facile ergo patet, quinam fuerint agnati, quinam gentiles dicti? Quicumque ex eadem stirpe familiaque prodierant, vocabantur agnati. Sic P. Cornelio Scipioni omnes Scipiones erant agnati. Quicumque vero ex eadem, Cornelia gente descenderant, veluti Lentuli, Cossi, Cinnae, Sullae, Dolabellae, ei erant gentiles. Hinc Cicero in *Topic. VI. Gentiles sunt, qui inter se eiusdem nominis sunt, qui ab ingenuis oriundi sunt, quorum maiorum nemo seruitutem seruiuit, qui capite non sunt deminuti.* Et Festus voce *Gentilis* p. 292. *Gentilis dicitur, & ex eodem genere ortus, & is, qui simili nomine adpellatur, ut ait Cincius: Gentiles mihi sunt, qui meo nomine adpellantur.* Adparet ergo, gentiles esse omnes, qui eodem nomine vtuntur. Quod vero Cicero addit, *qui ab ingenuis oriundi sunt, quorum maiorum nemo seruitutem seruiuit*, inde factum est, quod & liberti patronorum nomina aequae ac cognomina adsumebant, qui tamen ideo non

erant

Quinam  
agnati?  
quinam  
gentiles.

erant gentiles. Sic *P. Terentius Afer* non fuit Terentiorum gentilis, quia ipse non erat ingenuus, quemadmodum & *Tiro* non ideo erat *M. Tullii* agnatus, quia & ipse *Ciceronis* cognomen adsumerat. Denique idem *Cicero* addit, gentiles non debere esse *capite deminutos*. Capitis enim deminutio, etiam minima, ceu supra dictum, familiae iura perimebat.

III. Iam ut ad agnatorum successionem veniamus: de ea ita cautum fuerat in legibus XII. Tabularum: **AST SI INTESTATVS MORITVR, CVI SVVS HERES NEC ESCIT, AGNATVS PROXIMVS FAMILIAM HABETO.** Non ergo vocabantur agnati, nisi deficientibus heredibus suis. (d) Nec omnibus simul agnatis lex dabat hereditatem, sed ei tantum, qui tunc, quum certum esset, aliquem intestato decessisse, proximo gradu erat. Qua in re adeo legis litterae inhaerebant iuris interpretes, ut si proximus agnatus omiserit, vel ante aditam hereditatem, decesserit, non daretur ad hereditatem accessus remotioribus. (e) §. 7. *Inst. h. t.* *Cai. Inst. II, 3. 4.* *Paull.*

III. Lex XII. Tabularum de successione agnatorum.

*Recept:*

(d) Et ita quidem deficientibus, ut ne spes quidem superesset: Nam *quandiu suus heres speratur heres fieri posse, tandiu locus agnatis non est, veluti si uxor praegnans, aut filius apud hostes sit.* *Vlp. Fragm. X XV, 3.*

(e) Existimant quidem *Aleander* & *Iac. Oifel.* ad *Caii l. c.* agnatum remotiorem iure civili exclusum, a Praetore vocatum edicto *unde cognati*: sed id quidem non fiebat, nisi simul esset proximus cognatus. Agnato enim proximo non veniente, successiue cognati vocabantur, ut recte obseruat *Schulting. Iurispr. ant. p. 139.*



*Recept. Sent. IV, 8. 23. Vlpian. Fragm. XXV, 5. Fabrott. ad Theoph. §. 7. de legit. agn. succ.*

IV. Plures  
eiusdem  
gradus  
agnati  
succede-  
bant in ca-  
pita.

IV. Sin plures eiusdem gradus essent agnati omnes succedebant in capita: siue masculi essent, siue mulieres. Neque enim XII. Tabulae ullum inter sexus hac in re statuerant discrimen, ut recte animaduertit IVSTINIANVS §. 3. *Inst. h. t.* & Paull. *Rec. Sent. IV, 8. 22.* Postea autem exclusae sunt agnatae omnes, praeterquam sorores. Vnde Paullus *Recept. Sent. IV, 8. 22. Feminae ad hereditates legitimas ultra consanguineas successiones non admittuntur.* Conf. Vlp. *Fragm. XXV, 6.* Quam mutationem iurisprudentiae mediae adscribit Imperator d. §. 3. Paulus vero id iure ciuili *Voconiana* ratione introductum dicit. Quod quomodo sit intelligendum erudite exponunt Perizon. *Diss. de lege Vocon. p. 106. sequi Schulting. Iurisp. antiqu. p. 412.* Tamen & his consuluit Praetor, edicto unde cognati eas ad successionem vocans. d. §. 3. *h. t.*

V. Quo  
iure suc-  
cesserint  
patres  
emanci-  
patis libe-  
ris?

V. Non agnationis sed patronatus iure etiam succedebant patres liberis emancipatis, quos contracta fiducia emancipauerant. §. 8. *Inst. h. t.* Quod eleganter explicat Caius *Inst. I, 6. 3. Tamen quum tertio mancipatus fuerit filius a patre naturali fiduciario patri, hoc agere debet naturalis pater, ut ei a fiducia in patre remanipetur, & a naturali patre manumittatur: ut si filius ille mortuus fuerit, ei in hereditate naturalis pater, non fiduciarius, succedat.* Succedebat ergo pater filiis emancipatis, tanquam patronus, si interposuisset illam fiduciam. Sin eam omisisset, succedebat eodem iure pater fiduciarius, Praetor tamen deinde

de, aequitate naturali motus, patrem naturalem vocavit ad bonorum possessionem edicto unde decem personae. §. *Inst. de bon. poss.*

VI. Sed haec omnia denuo mutavit ius re- centius, a Iustiniano maxime introductum. VI. Mutationes no-  
Nam primo confusa sunt agnationis & cognationis iura. *Nov. CXVIII, 3.* Deinde & remotiores agnati, propioribus hereditatem repudi- uo iure in-  
antibus, vocati postea sunt per constitutionem, uectae.  
cuius meminit Imperator, §. 7. *Inst. h. t.* Porro  
ad agnatas quod attinet, iis idem ius dedit Iusti-  
nianus, quo agnati gaudebant, quamvis illae  
haut essent consanguineae. *L. pen. C. de legit. he-  
red.* Denique & fiducia non amplius opus erat,  
postquam Iustinianus edita constitutione vo-  
luit, ut emancipationes semper interposita fidu-  
cia factae fingerentur. §. 8. *Inst. h. t.* Immo omnem  
quae inter suos & emancipatos intercedebat,  
differentiam ratione successionis plane sustulit  
idem Iustinianus. *Nov. CXVIII, 2.*

VII. Deficientibus agnatis ex legibus XII. VII. Succes-  
Tabularum vocabantur gentiles. Ita enim De- fio gentili-  
cemui: SI ADGNATVS NEC ESCIT,  
GENTILES FAMILIAM HABENTO. *Vlp.  
Fragm. XXV, 1.* Processit ergo lex XII. Tabu-  
larum a domo ad familiam, a familia ad gen-  
tem, hac procul dubio ratione, ut ne bona, si  
cognati succederent, in aliam gentem transfer-  
rentur. Vid. *Bynkersh. Obs. II, 1.* Meminit hu-  
ius adhuc *Cic. de Orat. I, 38.* unde colligas, eius  
tempore gentilitias successiones nondum in  
de suetudinem abiisse, quemadmodum & de  
Caesare refert *Sueton. Iul. L. eum a Sulla uxoris*

*dote & gentilitiis hereditatibus mulctatum. Sed eas procul dubio aboleuit Praetoris edictum, quo & cognati succedere iussi sunt. Sane sua iam aetate obsoleuisse illam gentilium successionem testantur Vlpian. l. c. & Caius apud Auct. Collat. Leg. Mos. & Rom. XVI, 2.*

## TIT. III.

DE

SENATVSCONSULTO  
TERTVLLIANO.

**Q**Uum matres liberos non haberent in potestate, nec agnatis possent accenseri, nisi conuenissent in manum: consequens erat ex iuris Romani principiis. vt nec mutua esse posset inter matres liberosque successio. At postea hoc visum est ab aequitate pietateque abhorrere. Vnde vtrisque consultum est a posterioribus legislatoribus, & maxime duobus SCis, de quibus hoc & insequente titulo vberius agendum.

I. Primus Praetor liberos ad matris & hanc ad illorum successionem vocauit.

II. Postea & Claudius matribus hoc beneficium indul-  
sit.

I. Ac primum quidem Praetor, naturalem sequutus aequitatem, matres ad liberorum, liberosque ad matrum successionem vocauit edicto *unde cognati. Princ. Inst. h. t.*

II. Postea & Claudius Imperator misertus materni luctus, in solatium amissorum filiorum legitimas matribus detulit eorum hereditates. §. 1. *Inst. h. t.* Quo vulgo referunt locum Suetonii in *Claud. XIX: Naves mercaturae causa fabricantibus magna commoda constituit, pro conditione cuiusque*

*cuiusque: cui vacationem legis Papiae Poppaeae, Latinae ius Quiritium, feminis ius quatuor liberorum.* Sed locus hic referri non potest ad ius succedendi, matribus trium quatuorue liberorum in bonis filiorum datum, quum id demum Hadriani temporibus inductum sit: sed ad liberationem a tutela, mulieribus eiusmodi concessam, teste Vlpiano *Fragm. XXIX, 3.* Conf. Schulting. *Adnot. ad b. l. p. 677.* Probabile potius est, quod obseruat Cui. *Not. posteriorib. ad §. 1. Inst. b. t.* & cum eo Ianus a Costa, personale magis fuisse illud Claudii beneficium, quam ius omnibus commune mulieribus.

III. Tandem asperam illam iuris civilis subtilitatem plane sustulit SC. *Tertullianum*, cuius de aetate in tanta fastorum consularium obscuritate vix licet certi quidquam statuere. Diui Hadriani temporibus illud factum esse dicitur §. 2. *Inst. b. t.* Sed quia imperante Hadriano nullus in fastis occurrit Tertullus consul, quum contra sub Antonino anno Christi CLVIII. memorentur *Tertullus & Sacerdos Coss.* dudum suspicatus est Cuiacius in *Not. priorib. ad Inst. b. t.* (a) in illo institutionum paragrafo intelligendum esse Antoninum Pium, qui & ipse aliquando ductum ex adoptione nomen Hadriani prae se tulerit. Vid. L. 57. D. de iudic. iunct. L. 5. D. ad L. lul. de vi publ. L. 91. D. ad L. Falcid. iunct. L. 93. D. eod. L. 58. §. 3. D. ad SC. Trebell. (b) Sed dubito, an haec omnia rem

III. Senatusconsulti Tertulliani historia.

con-

(a) Ita etiam Hotom. de Leg. p. m. 157. Vinc. Grauius de Legib. & SC. LXXXIII. p. 655. sequ.

(b) Addit Cuiacius aliud exemplum, epistolam nimirum



conficiant. Nullus sub Hadriano in fastis occurrit Tertullus consul: sed quis nescit, plures vno anno suffectos fuisse, quorum rarius meminerint fasti consulares? Sane in ipso iure nostro laudantur *Tertullus & Maximus Coss. L. 29. §. 5. D. ad leg. Iul. de adult.* quorum nec fasti faciunt mentionem, & annus ipse incertus est. Rarissimum etiam hoc quod Hadriani & Antonini nomina confundantur: nec temere vnus pro altero videtur intelligendus. Iuuare Cuiacium videri posset Zonaras *XII. p. 593.* qui ait, legem esse Antonini Pii, qua statutum sit, vt liberis intestato mortuis, parentes succederent, ac liberi, si ipsi liberis carerent, parentibus partem legitimam relinquerent. Sed ea omnia falsa esse, nemo, historiae iuris paullo peritior, potest ignorare. (c) Nam & patri multo ante Pii tempora successio ab intestato data est etiam in bonis filii emancipati, eique iam

rum D. Hadriani de beneficio diuisionis §. 14. *Inst. de fideiuss. L. 26. D. de fideiuss.* Nam & hanc D. Pii esse existimat, ob *L. 49. §. 1. D. de fideiuss.* Sed falsum id esse, vel inde intelligitur, quod illa D. Hadriani Epistola edicto perpetuo fuit comprehensa. *Pauli. Recept. Sent. I, 21. 1.* adeoque iam ante Antonini Pii imperium existit.

(c) Idem sentiendum de narratione Chronici Paschalis *ad annum CLXXVI.* vbi tum constitutum esse ait auctor, vt ab intestato pater liberis succederet, ac filio ingrato *τρίγυιον* relinqueretur ex bonis paternis. Sed quam raro historici recentiores ea, quae ad ius pertinent, accurate exponant, iam a lac. Gothofredo ostensum est *ad L. 1. C. Theod. de infirm. poen. coelib. & orbit.*

(d)

iam antea competiit querela inofficiosi, & ius quoque quartae ad excludendam inofficiosi querelam antiquiorem esse, iam supra obseruauimus ad *Lib. II. Tit. XVIII. XIX. §. 7.*

I V. Quare tutissimum videtur, statuere, IV. Eius aetas.  
 SC. Tertullianum omnino Hadriani temporibus fuisse confectum, consulum vero suffectorum, sub quibus id factum, periisse memoriam, nec adeo certum annum ei facile posse adsignari. Id modo exploratum videtur, Tertullianum SC. Orphitiano esse antiquius, priusque matribus de bonis liberorum quam liberis de bonis maternis fuisse prospectum. Cuius rei rationem, quam sese ignorare fatetur Vinnius *ad princ. Inst. de SC. Orphit.* hanc esse suspicatur V. C. Ant. Schultingius *ad Vlpian. Fragm. XXVI, 8.p. 669.* quod mater, si voluit, pietatis officio per testamentum potuerit satisfacere, id quod per aetatem saepe non licuerit liberis. Quia ergo saepius liberorum hereditate exciderint matres, quam materna liberi: mirum haut esse putat laudatissimus Schultingius, quod prius de matrum, quam de liberorum, successione cogitarit Senatus.

V. Ceterum SC. illo Tertulliano cautum est, vt mater ingenua trium, libertina quatuor V. Eiusdem materia.  
 liberorum ius habens, ad bona filiorum filiarumue admitteretur intestato mortuorum, licet ea in potestate parentis esset, ita tamen, vt si alieno iuri subiecta esset, iussu eius adiret hereditatem, cuius iuri esset subiecta. §. 2. *Inst. h. t.*

VI. Indulgetur ergo id beneficium matri, VI. Quae matres ex hoc SC. successerint liberis?  
 non item auiae, ceu disertis verbis tradit Iustinianus

nianus §. *eod.* Neque omnes matres eo beneficio gauisae sunt; sed quae ius liberorum habebant, de quo supra ad LIB. I. TIT. XXV. §. 2. sequ. egimus. Et ingenuis quidem ciuibus tribus; Latinis, ius Quiritium consequutis totidem; libertinis quatuor liberis opus erat, si vellent succedere in bonis liberorum. Iul. Paull. *Recept. IV*, 9. 1. & 7. 8. Porro hos liberos fuisse oportebat viuos, (*d*) & quidem vel septimo pleno, vel decimo mense natos, siquidem immaturi non proderant, quemadmodum nec tergemini vno partu editi, (*e*) nec monstrosi aut prodigiosi, (*f*) nec abortus abactique infantes proficiebant. Paull. *l.c.* §. 1. *sequ.* Defectus tamen omnes, quin & ipsam orbitatem supplebat beneficium principis, quo etiam ius liberorum consequebantur eae, quae nunquam peperissent: de quo supra LIB. I. TIT. XXV. n. 4. diximus.

VII. Quinam matribus praelati?

VII. Obseruandum etiam est, anteferre hoc SC. matri liberos defuncti, omnesque, qui ei heredum suorum loco sunt, siue primi gradus,

(*d*) Mortui enim non proderant, vt nec in lege Papia Poppaea. *L. 129. D. de V. S.*

(*e*) Nisi per interualla infantes exclusi: qualia exempla sunt *L. 3. D. si ars hered. pet.* & apud Plin. *Hist. Nat.* VII, 11.

(*f*) Secus ac in lege Papia Poppaea, secundum quam etiam monstrosi partus numerum liberorum supplebant. *L. 135. D. de V. S.* Iac. Gothofr. *ad L. Pap. cap. XII.* Sed in promptu causa est, siquidem in lege Papia de danino vitando, in SC. Tertulliano de captando lucro agebatur.

(*d*)

us, siue vltioris, quin & emancipatos, quippe quos & praetor ante matrem ad bonorum possessionem vocabat. Praeferebatur etiam pater, ad quem ipsa lege hereditas bonorumue possessio edicto *unde legitimi*, & *unde decem personae* pertinebat. Denique & frater consanguineus matri praeferebatur, quin & adoptivus. *L. 1. §. ult. D. de suis & legit. hered.* Soror vero consanguinea non excludebat matrem, sed simul cum ea adibat hereditatem pro dimidia, si filia decessisset: ast, si filius, pro virili. *L. 2. C. Th. de sec. nupt.* Quae omnia breviter, ast accurate, complexus est Vlpian. *Fragm. XXVI. 8.*

VIII. Sed haec omnia suo more immutavit Iustinianus. Nam praeterquam quod trium quatuorue liberorum ius noluit amplius a matribus desiderari, fratres etiam tam consanguineos quam vterinos matres excludere vetuit. *Nov. CXVIII, 2.* Quae omnia a doctoribus vberius ad hunc titulum solent explicari.

VIII. Mutationes iure nouo inuectae.

## TIT. IV.

DE

## SC. ORPHITIANO.

**Q**uemadmodum matribus consultum est SC. Tertulliano, ita liberi ad successionem in bonis maternis vocantur SC. Orphitiano, (a) de quo hoc titulo differendum.

I. Ex

(a) Alius SC. Ophitiani, quod ad manumissiones pertinet



I. Ex legibus XII. Tabularum matris intestatae hereditas non pertinebat ad liberos.

II. Poterant tamen liberi uti querela inofficiosi.

I. Ex legibus XII. Tabularum ad liberos matris intestatae hereditas haut pertinebat, quia feminae suos heredes non habebant. Vlpian. *Fragm. XXVI, 7.* Immo nec locus erat bonorum possessioni unde liberi ad obtinenda bona materna. Siquidem haec tantum suis dabatur, vel iis, qui sui mansissent, nisi fuissent emancipati. *L. 1. §. 6. D. unde liberi.*

II. Poterat tamen contingere, ut liberis liceret maternam petere hereditatem, aut querelam instituere inofficiosi testamenti, etiam antequam liberi essent SC. Orphitiano ad successionem in maternis bonis vocati. Quando enim matres a patribus fuerant emancipatae, adeoque nullos habebant agnatos, liberis ab intestato competeat bonorum possessio, unde cognati: qua impetrata, omnino testamentum matris poterant impugnare, quemadmodum idem licebat aliis, quibus haec bonorum possessio fuerat data. *L. 6. pr. D. de inoffic. test.* Sin in manum conuenissent matres, liberis suis erant loco consanguinearum, & hinc etiam hoc casu liberi tamquam proximi heredes ab intestato, hereditate adita, procul dubio poterant materna testamenta querela inofficiosi impugnare, arg. *L. 7. D. eod.* Et talia fuere exempla querelae inofficiosi aduersus matrum testamentamotae, ante SC. Orphitianum, quorum meminit

nuit meminit Paullus *Recept. Sens. IV, 14.* 1. quod idem esse cum hoc putat Guil. Ranchin. *de Success. ab intest.* §. V, 2. diuersum a nostro mauult Schulting. *iurisp. ant.* p. 427, cuius sententia videtur verosimillima.

(b)

nit Valer. Max. VII, 8. 2. VII, 7. 4. Plin. *Epist.* V, 1. Vid. Schulting, *Iurisp. ant.* p. 668.

III. Sed praecipue liberis consultum est SC. ORPHITIANO, facto Rufo & Orphito Coss. *Princ. Inst. h. t.* Atqui Iulianus Rufus & Gaius Orphitus (*b*) vel, ut in fastis Hub Goltzii *ad ann.* 1000000000. vocantur, Vettius Rufus & Cornelius Scipio Orphitus fasces tenuere anno V. C. 1000000001, Christi CLXXVIII. teste Henr. Noris. *Epist. Consul.* p. 462. *Tom. XI. Thef. Ant. Rom.* Vnde constat, eodem anno prodiiisse illud SC. Antecessit illud Imperatorum Antonini & Commodi Oratio, in Senatu recitata, cuius meminit Vlpian. *Fragm.* XXVI, 7. Quae de re Iul. Capitolin. *vit. Marci Anton.* XI. M. Antoninus etiam leges addidit de vicesima hereditatum, de tutelis libertorum, de bonis maternis, & item de filiorum successione pro parte materna. Ultima enim lex non alia est, quam SC Orphitianum, quod & alias soli M. Antonino tribuitur. L. 9. D. ad SC. Tertull. & Orphit. L. 6. D. eod. L. 230. D. de verbor. signif.

III. SC. Orphitianus historia.

IV. Ceterum hoc SC. data est tam filio, quam filiae legitima matris hereditas, etiam si alieno iuri subiecti essent, ita, ut praeferrerentur consanguineis & agnatis defunctae matris. *pr. Inst. h. t.* Liberis vero omnibus hoc concessum beneficium, etiam vulgo quaesitis, quippe quorum

IV. Eius materia.

(*b*) *Orphitianum* an *Orphicianum* scribendum sit, nondum constat. *Orphitorum* cognomen in antiquitate notissimum. Tamen & Q. ORPHICI mentio fit in Inscriptione apud Gruter p. 10LXXV, 1.

(*a*)

rum mater incerta esse haut potest. §. 3. *Inft. eod.* Paull. *Recept. Sent.* IV, 10. 1. Nec capitis diminutione perimebantur istae successiones §. 2. *Inft. eod.* Quod tamen de minima intelligendum. Nam ad filiam, quae vel ancilla vel liberta ex SC. Claudiano fuerat facta, non magis quam ad Latinos & peregrinos legitima illa matris intestatae hereditas pertinebat. Paull. *l. c.* §. 2. 3.

V. Quo pacto liberi ex hoc SC. matris heredes facti?

V. Quamuis vero patri liberi ipso iure heredes essent: (vide supra *Lib. III. Tit. 1. §. 1.*) matris tamen illi heredes fiebant non ipso iure, sed vel aditione hereditatis simplici, vel bonorum possessionis petitione, vel cretionis sollemnitate. Paull. *Recept. Sent.* IV, 10. 4. & ibi Cuiac. immo & pro herede gestione maternam hereditatem acquirere potuisse filium ex *L. 3. C. ad SC. Orph.* patet.

VI. Mutationes nouo iure inuectae.

VI. At nec hoc quidem SC. mutatione caruit. Primo enim constitutionibus illud ad nepotes etiam & pronepotes extensum est §. 1. *Inft. b. t. L. 11. C. de suis & legit. lib.* Deinde & vulgo quaesitos eo tantum casu matribus succedere passus est Iustinianus, si haec non sit illustris, nec alios liberos habeat legitimos *L. pen. C. ad SC. Orphit.* Denique vsus huius SC. plane obsoleuit, ex quo per *Nou. CXVIII, 1.* liberi matri patrique eodem iure succedere coeperunt.

## TIT. V.

DE

## SVCCESIONE COGNATORVM.

**D**Efficientibus suis & agnatis proxime ad successionem vocabantur cognati, cuius iuris originem ad hunc titulum ex antiquitatibus repetere iuuabit.

I. Leges XII. Tabularum nullam habebant cognatorum rationem, quod falso sibi persuadet M. Vertran. Maurus *de iure liber. XXVII* Quamuis enim apud Paullum *Recept. Sent. IV. 8.22.* legamus: *Ceterum lex XII. Tabularum nulla discretionem sexus cognatos admittit*: recte tamen Rittershusius *ad h. t.* & Iac. Gothofr. *ad LL. XII. Tab. Tab. V.* obseruarunt. in mendo cubare illum Paulli locum, legendumque esse non cognatos, sed agnatos. Sane praeter heredes suos, agnatos & gentiles nullus iure decemuirali succedendi ordo proditus legitur.

II. Tota ergo illa succedendi ratio e iure praetorio descendit, quo bonorum possessio ex edicto *unde cognati* promittebatur cognatis, si sui heredes ac agnati deficerent, ceu obseruat ipse Imperator princ. *Inst. h. t.*

III. Cognati quinam vocentur notum est, scilicet qui per feminas coniunguntur. *L. ult §. 1. D. de gradib.* Per adoptiones contingebat cognatio civilis, quae tamen non cognationis, sed agnationis iura tribuebat. *L. 4 §. 1. D. de gradib.* Sed & vulgo quaesiti, qui nullos agna-

(II.)

C

tos

I. An cognatos ad successionem vocarit Lex XII. Tabularum?

II. Cognatorum successio ex iure Praetorio est.

III. Quinam cognati?



tos habebant, cognatos tamen suos habere poterant: non vero serui, si quidem seruilium cognationum in successione nulla habebatur ratio, *L. 1. §. 2. D. unde cognati*. adeo, ut ne per manumissionem quidem cognationem reciperent. *L. 7. D. eod.*

IV. Iis etiam accensi agnati capite deminuti.

IV. Cognatorum loco etiam habebantur agnati, minimam capitis deminutionem passi, exceptis fratribus & sororibus emancipatis, non tamen etiam liberis eorum, qui una cum fratribus, in potestate retentis, succedebant proportionibus dimidiis. (a) *§. 1. Inst. h. t.* ibique Theophilus.

V. Ad quantum gradum successerint cognati?

V. Quamvis vero etiam cognati gradu tantum proximi ad successionem vocarentur: non ultra septimum tamen gradum hoc Praetoris beneficium sese porrigebat, siquidem e septimo gradu vocabantur sobrino sobrinae nati nataeue, *§. ult. Inst. h. t.* quum agnati non solum ad decimum usque gradum, sed in infinitum vocarentur. Franc. Duaren. *Comment. ad tit. unde cognati. p. 580.*

VI. Ius novum.

VI. Sed & haec omnia mutavit iurisprudentia Iustiniana. Ex quo enim per *Nov. CXVIII, 3.* cognati agnatis per omnia sunt equiparati: isto praetoris beneficio non amplius opus fuit: nec ad septimum tantum gradum, sed in infinitum cognati aequae atque agnati admitti coeperunt.

TIT.

(a) Hoc tamen non ex Praetoris edicto est, sed ex lege Anastasiana, cuius mentio fit. *L. 4. C. de legit. tutor. L. ult. C. de legit. hered.*

## TIT. VI.

DE

## GRADIBVS COGNATIONVM.

**Q**Vum *seuuxta* cognationum in quaestioni-  
bus de successione soleant numerari: ope-  
rae pretium se facturum credidit Tribonianus,  
si de gradibus cognationis singulari titulo age-  
ret.

I. Gradus vero dictos docet Paullus L. 10. I. Gradus  
§. 10. *D. h. t. a similitudine scalarum locorumque pro-* vnde dicti.  
*cliuum, quos ita ingredimur, ut a proximo in proxi-*  
*um, id est, in eum, qui quasi ex eo nascitur, transea-*  
*mus.* Tota illa lex prolixissima decerpta est ex  
Paulli libro singulari, de gradibus. & ad finibus & no-  
minibus eorum, quem libellum Paulli, lege ista  
non multo polioxorem, integrum in amici cu-  
iusdam sui bibliotheca extitisse, refert Cuiac.  
*Obs. IV, 40.*

II. Lineas concipiebant duas, *directam* alte- II. Lineae  
ram, alteram *transuersam*, quarum illa genitores quid &  
& genitos: haec e latere iunctos comprehen- quotupli-  
dit. Illa iterum in *superiorem* & *inferiorem* distin- ces?  
guebatur. In his vero lineis ita numerabant  
personas, ut semper generata persona nouum  
gradum adiiceret. *prim. & § 7 Inst. h. t.*

III. In linea directa superiore primo gradu III. Linea  
erant pater & mater: secundo auus & auia: ter- directa su-  
tio proauus & proauia: quarto abauus & aba- perior.  
uia: quinto atauus & atauia; sexto tritauius  
& tritauiia: septimo & reliquis gradibus pro-  
pria

Inferior.

pria nomina deficiunt, iique communi vocabulo *maiores* adpellantur. L. 10 §. 7. D. b. t. In linea inferiore primo gradu erant filii & filiae: secundo nepotes & neptes, tertio pronepotes & proneptes: quarto abnepotes & abneptes: quinto atnepotes & atneptes: sexto trinepotes & trineptes: septimo gradu denuo nomina cognationum propria exspirant, & remotiores descendentes *poster*i vel posteriores dicuntur d.

Transuersa.

L. 10. §. 7. *cod.* Denique in linea transuersa numerabantur *secundo* gradu fratres & sorores: *tertio* fratris sororisque filii & filiae, (a) patruus, amita, auunculus & matertera: *quarto* fratris & sororum nepotes, neptes, fratres patruels, sorores patruels, consobrini & consobrinae, amitini & amitinae, patruus magnus & amita magna, auunculus magnus, & matertera magna: *quinto*, fratris & sororis pronepotes & proneptes, fratris patruelis, sororis patruelis, amitini, amitinae, consobrinorum consobrinarumue filii filiae, *proprior* sobrino sobrina, (b) *propatruus*, *proamita*, *proauunculus*, *promatertera*: *sexto* fratrum sororumque abnepotes & abneptes, fratris patruelis, sororis patruelis, amitini, amitinae, consobrini, consobrinae nepos neptis: patrui magni, amitae magnae, auunculi ma-

(a) Propriis nominibus & hae cognationes destituuntur. Vid. Plaut. *Poenul.* V, 2. Paull. L. 10, §. 14. D. *de grad.* Vulgo tamen vocantur *nepotes*. Vid. Casaub. *ad Spartian.* *Hadr.* II.

(b) Id est patrui magni, amitae magnae, auunculi magni & materterae magnae filii filiae. Conf. Theod. Ryck. *ad Tacit. Ann.* XII, 64.

magni, materterae magnae nepos, neptis : pro-  
 patrici, proamitae, proauunculi, promaterterae  
 filii, filiae abpatruus, abamita, abauunculus, ab-  
 matertera, Reliqui gradus denuo propriis no-  
 minibus destituuntur. §. 1-7. *Inst. h. t.* Paull. *Recept.*  
*Sent. IV*, 11, 1. *sequ.*

IV. Quum vero haec omnia difficiliora IV Schema  
 concipiantur : in schemate quodam veteres graduum  
 iureconsulti solebant rem omnem ob oculos cognatio-  
 ponere. Quale etiam Institutionibus suis in- nis.  
 seruerat Iustinianus, secundum §. *ult. Inst. h. t.*  
 & in paraphrasi Theophilus, quod tamen  
 vtrumque periiit. At plura tamen eiusmodi  
 schemata antiqua supersunt. Tria elegantissi-  
 ma dedit Isidorus Hispalensis *Orig. IX*, 7. p. 1059.  
*sequ. edit.* Dionys. Gothofr. quorum primum  
 scalarum, alterum arboris, tertium rotae refert  
 imaginem. Alia huius generis in scriniis suis  
 habuit Cuiacius, quorum vnum, codici cuidam  
 Theodosiano praemissum, edidit *Lib. VI. Obs.*  
*cap. XL. p. m. 268.* quod licet non nisi agnatos  
 complectatur, dignum tamen videtur, quod &  
 hic ponatur ob oculos, ut modus ille veterum  
 delineandi gradus agnationis eo rectius intelli-  
 gatur.



Tab. A.

TIT. VII.

DE

## SERVILI COGNATIONE.

**C**VM Vinnius, tum ceteri fere omnes notant, in plerisque MSC. & in Graeca paraphrasi hunc locum nullam nouam inscriptionem habere, sed cohaerere titulo praecedenti. Nos tamen insupra habita illa *κοινοί*, pauca tantum delibabimus, quae ad antiquitates facere videbuntur.

I. Nulla  
cognatio  
seruilis.

I. Seruorum nulla olim cognatio intelligebatur in causa successionis. Quamuis enim in nuptiis contrahendis etiam iure antiquo seruilis cognationis ratio haberetur, eaque nuptiis esset impedimento, si forte pater & filia, frater & soror essent manumissi: §. 10. *Inst. de nupt. L. 14. §. 2. 3. D. de ritu nupt.* in successionibus tamen naturalis illa seruorum cognatio insuper habita est. *L. ult. §. 5. D. de grad. & adfinit.*

II. Libertis  
succede-  
bant fui, &  
deinde pa-  
troni ex  
lege XII.  
Tabula-  
rum.

II. Neque id solum de seruis ipsis nondum manumissis intelligendum, qui nec successorem habere, nec alteri succedere poterant. *L. 4. C. comm. de success.* sed & de libertinis. Nam & his defunctis sui tantum heredes, non vero agnati vlli aut cognati ad successionem vocabantur. Deficientibus suis, proximi heredes erant patroni, de quibus in lege XII. Tabularum fuerat cautum: **SI LIBERTVS INTESTATO MORITVR, CUI SVVS HERES NEC ESCIT,**



Tritauus	Patruus maximus				
Adauus	Patruus maior	Patrui maioris filius.			
Abauus	Patruus magnus	Patrui magni filius.	Patrui magni nepos		
Proauus	Patruus	Patrui filius	Patrui nepos	Patrui pronepos	
Auus	Frater	Fratri filius	Fratri nepos	Fratri pronepos	Fratri abnepos.

## LEGE HEREDITATES

Pater

## QVEMADMODVM REDEANT

EGO

CONSANGVINEI

SVNT INTER SE

HI QVOQVE SVNT

INTER SE CONSANGVINEI

ITEM CONSANGVINEI

SVNT INTER SE

ET HI INTER SE

SVNT CONSANGVINEI

SVNT QVOQVE INTER

SE CONSANGVINEI

ITEM II SVNT INTER

SE CONSANGVINEI

Vxor quae in manu viri est.

Nurus quae in manu filii est.

Pronurus quae in manu nepotis est.

Abnurus quae in manu abnepotis est.

Adnurus quae in manu adnepotis est.

Trinurus quae in manu trinepotis est.

Filius qui ex potestate non exiit.

Nepos qui ex potestate non exiit.

Pronepos qui ex potestate non exiit.

Abnepos qui ex potestate non exiit.

Adnepos qui ex potestate non exiit.

Trinepos qui ex potestate non exiit.

Filia quae in potestate est.






Neptis quae in potestate est.

Proneptis quae in potestate est.

Abneptis quae in potestate est.

Adneptis quae in potestate est.

Trineptis quae in potestate est.





ESCIT, AST PATRONVS, PATRONIVE LIBERI ESCINT, EX EA FAMILIA IN EAM FAMILIAM PROXIMO PECVNIA DVITOR. Iac. Gothofr. *Leg. Tab. Tab. V.* De qua lege titulo sequente agemus.

III. Id vero quum inhumanum videretur humanissimo Imperatori Iustiniano: antiquum illud ius constitutione sua correxit, voluitque, si quis in seruili constitutus consortio, liberum (a) vel liberos habuerit, siue ex libera, siue ex seruilis conditionis muliere: vel contra serua mulier ex libero vel seruo habuerit liberos cuiuscunque sexus, & ad libertatem his peruenientibus, ii qui ex seruili ventre nati sunt, libertatem meruerint, vel dum mulieres liberae erant, ipsi in seruitute eos habuerint, & postea ad libertatem peruenerint, vt hi omnes ad successionem patris vel matris veniant, patronatus iure hac in parte sopito. *princ. Inst. h. t.*

III. Iustini-  
niani con-  
stitutio  
deperdita.

IV. Non exstat quidem amplius illa Iustini-  
niani constitutio, cum ipso scilicet priore codice intercepta: epitomen tamen eius, in mem-  
branis quibusdam Latine expressam exhibet Cuiacius *Obs. XX, 34.* vbi & ex Basilicis constitutionem Graecam recenset, quam ipse integram hanc esse Iustiniani constitutionem existimat. Graece sane illam scriptam, satis patet ex §. 3. *Inst. de success. libert.*

IV. Eam  
restituit  
Cuiacius.

TIT.

(a) Ita ipse Imperator *princ. h. t.* loquitur quemadmodum & alibi *L. 33. C. de inoff. test.* Sed & Aurelius Victor eodem vocabulo numero singulari usus est: *Nerua Traianum in liberi locum adoptauit.*



## TIT. VIII.

DE

## SVCCESIONE LIBERTORVM.

**L**ibertini apud Romanos saepe erant opulentissimi, & hinc multum referebat, quis eorum in bona succederet. Quamuis vero omnes libertini, vt supra obseruauimus, initio essent ciues Romani: alia tamen iam olim erat successio libertorum, alia ingenuorum, ceu ex sequentibus patebit.

I. Patroni  
succede-  
bant liber-  
tis defici-  
entibus  
suis.

**I.** Quemadmodum ingenuis primo loco heredes sui, secundo agnati succedebant: ita ad libertorum successionem primo loco heredes sui, secundo patroni patronorumue liberi vocabantur. Legem ipsam decemviralem §. II. ad superiorem titulum adduximus. Conf. Vlp. *Fragm.* XXVII, 1. & XXIX, 1. Patroni enim, vt recte obseruat Arn. Vinn. *ad princ. Inst. h. t.* eodem apud Romanos iure censebantur, ac agnati, quod & Iustinianus obseruans in Constitutione Graeca apud Cuiac. *Obs.* XX, 34. Δοκῶσι δὲ inquit ΣΥΓΓΕΝΕΙΣ εἶναι, τῶν ἐλευθερομένων οἱ ἐλευθεροῦντες αὐτοὺς *Videntur enim agnati libertorum, qui illos manumiserunt* Vnde & patronum nomina liberti adsumebant, tamquam filii, teste Lactant. *Div. Inst.* IV, 3. Sic Pompeii M. libertus Pompeius Leneus dictus Plin. *Hist. Nat.* XXV, 5. Ciceronis alter Laurea Tullius, Plin. *Hist. Nat.* XXXI,

XXXI, 2. alter Tullius Tiro, cuius frequens mentio in Epistolis ad familiares. (a) Quin faepe ea conditione legatum patroni libertis relinquebant, vt ne de nomine suo exirent. Vid. L. 91. D. de legat. 3. L. 88. §. 6. de legat. 2. L. 108. D. de condit. & demonstr. Quare non mirum, si in libertorum successionibus eundem locum tenuere patroni, quem in ingenuorum hereditatibus agnati.

II. Succedere ergo liberto non poterat patronus, si illi essent heredes sui, quales erant liberi non naturales tantum, sed etiam adoptiui, vt & vxor, quae in manum conuenerat. His vero deficientibus, licebat quidem liberto, testamento facto patronum praeterire: si vero intestatus ille decessisset, patroni patronive liberi ad successionem vocabantur, hereditate in capita diuisa, & gradibus remotioribus exclusis. Hinc si patronus superstes esset & alterius patroni filius: ad solum patronum hereditas deuoluebatur. Patroni quoque nepotes succedere non poterant, si alterius patroni superesset filius. Et sic de reliquis casibus statuum.

II. Legitima illa successio qualis?

(a) Constat hoc ex ipso iure nostro. Vid. L. 77. §. 15. D. de legat. 2. L. 38. §. 2. & L. 94. D. de leg. 3. & adde Dionys. Gothofred. ad L. 108. D. de cond. & demonstr. Car. Sigon. de Nomin. Rom. p. 1418. qui etiam ex Plinio & Quinctiliano obseruat, libertos nomen patroni, seruos praenomen heri adsumsisse, dictos quippe *Lucipores*, *Marcipores*, *Publipores*, quasi Lucii, Marci, Publii pueros. Ceterum praeter hos patronos libertini sibi etiam alios eligeabant, quorum se tutelae credebant, dicti hinc eorum *clientes*. Vid. Casaub. ad Sueton. Iul. II.

dum. Vlpian. *l. c.* Paull. *Rec. Sent.* III, 2. 1. *sequ. L.* 23. §. 1. *D. de bon. libert.*

III. Eadem mutata a Praetoribus, tum restricta, libertorum testamenti factio.

III. Sed iniqua postea haec testandi libertas visa est praetoribus, qui, ne patroni (b) libertorum hereditatibus fraudarentur, edicto illis consulendum putabant. Illo libertus, facto testamento decedens, liberis suis & naturalibus haut relictis, iubebatur patrono eiusue liberis dimidiam bonorum partem relinquere: si nihil, aut minus certe parte dimidia, reliquerat: dabatur patrono contra tabulas, partis dimidia bonorum possessio. (c) Vlpian. *l. c.* Conf. Suet. *Neron.* XXXII. Dio Cass. LI. p. 454.

IV. Tum exclusis quibusdam heredibus suis.

IV. Quod si vero intestatus decesserat libertus, relicto herede suo, sed adoptiuo tantum, vel vxore, quae in manum conuenerat: dabatur denuo patrono contra hos suos heredes, partis dimidia bonorum possessio. Vlpian. *l. c.* Soli ergo patronum excludebant naturales liberi, siue sui, siue emancipati, siue in adoptionem dati, si modo ex vlla parte scripti heredes erant, vel bonorum possessionem contra tabulas petierant. Nam alias exheredati videbantur, adeoque patronum excludere non poterant. §. 2. *Inst. h. t.*

V.

(b) Totum illud beneficium ad patronos, non item ad patronas pertinuit, quum tamen inter eos haut distinxissent Leges XII. Tabularum. Vlpian. XXIX. 4. & 5.

(c) Non dabatur haec bonorum possessio, nisi hereditas esset adita, aut bonorum possessio petita, quod secus fiebat in bonorum possessione, quae liberis contra tabulas dabatur. Latius haec exsequitur Ant. Faber *Error. pragmat. decad. L. err. 7. n. 6. sequ.*

(d)

V. Ast haec omnia de libertorum tantum bonis edixerat Praetor. *In bonis libertae*, inquit Vlpianus, *patrono nihil iuris ex edicto datur.* *Fragm. XXIX, 2.* Quod non ita intelligendum, ac si patronis Praetor hic succurrere noluerit, sed quod non opus hac in re fuerit praetoris beneficio. Libertae enim nullos habebant heredes suos, qui patronum excluderent. Quumque patroni legitimi essent earum tutores: consequens erat, ut nec testari, nec in manum convenire sine eorum auctoritate possent. Vlpian. *Fragm. XI, 27.* Itaque intestatis mortuis, semper hereditas ad patronos pertinebat, neque contingere poterat, ut hi bonis earum exciderent.

V. In libertae bona semper succedebat patronus.

VI. Ast lege Papia Poppaea, quae varia foecunditati praemia proposuit, etiam libertabus quodammodo facultas data est patronos hereditate excludendi. Ea enim lex tutela liberauit libertas, quae vel quatuor liberos essent enixa, Vlp. *Fragm. XXIX, 3.* vel certe ius quatuor liberorum beneficio principum impetrassent. cuius rei exemplum exstat apud Sueton. *Claud. XIX.* nec non apud Grut. *Inscript. p. DCXXXI, 2.* ubi mentio Corneliae Zosimae HABENTIS IUS QUATVOR LIBERORVM BENEFICIO CAESAR. Consequens ergo erat, ut haec libertae & libere sine auctoritate patronorum testari possent, & patronos hereditate excludere. Ne tamen id fraudi esset patronis, eadem lege cautum est, ut pro numero liberorum libertae superstitum patrono virilis pars deberetur. Vlpian. *l. c. Add. Comment. nostr. ad L. lul. & Pap. Popp. II, II, p. 242.*

VI. Lex tamen Papia quibusdam libertabus concessit testamenti factionem.

VII.



VII. Eiusdem legis caput de bonis liberti centenarii.

VII. Eadem lege etiam de bonis libertorum nonnulla statuta sunt, quae nobis seruauit Iustinianus §. 2. *Inst. h. t.* Cautum est enim, ut ex bonis liberti eius, qui ftertia CM. patrimonium reliquerat, & pauciores quam tres liberos, (siue is testamento facto, siue intestatus mortuus erat,) virilis pars patrono eiusue liberis masculis, deberetur, si tres liberos haberet, patrono in eius hereditate nihil iuris esset. Sin non haberet ftertium centum, liberam libertus haberet testandi facultatem, & si libertus liberos non haberet iure antiquo patroni eorumue liberi masculi ab intestato succederent: sin sine liberis decederet, patronus ius nullum in eius bonis haberet. Nam summa haec pro Augustei aevi opulentia minor procul dubio videbatur, quam ut eius rationem haberent leges. Perizon. *Dissert. de Lege Vocon* p. 171. Conf. Iac. Gothofr. *ad Leg. Pap. Popp. XXV. p. 296.* & *Comment. nostr. II, 22. p. 350. sequ.*

VIII. Aliud eiusdem legis caput de successione patronae.

VIII. Denique quum beneficium Praetoris, quod §. III. & IV. descripsimus, ad solos patronos, non item patronas, pertineret: eadem lex Papia Poppaea patronae ingenuae duos, libertinae tres liberos enixae, id iuris dedit, quod patronus habebat ex edicto, ut scilicet posset bonorum possessionem contra tabulas liberti, aut ab intestato contra heredes non naturales petere. Vlpian. *Fragm. XXIX, §. 6.* Vid. *Comm. nostr. ad Leg. Iul. & Pap. Poppaeam II, 22. p. 357.* Eadem lex Papia liberis patronae ingenuae, trium liberorum iure honoratae, item ius concessit,

cessit, quod ipsi patronae tribuerat. *Vlp. l. c. n. 7.*  
*Add. Comm. nostr. II, 22. p. 358.*

IX. Omnes vero hae leges non nisi de libertinis ciuibus Romanis loquuntur. Tempore enim conscriptarum XII. Tabularum, vti & libera republica, omnes libertini ad ciuitatem Romanam adspirabant. Postea sub Augusto, quo imperante etiam lex Papia Poppaea lata est, libertini quidam dedititiae conditionis esse coeperunt, quemadmodum sub Tiberio Iuniani Latini orti sunt, (Vide supra *ad Lib. I. Tit. IV. V. n. II. sequ.*) At ne Latini quidem, nedum dedititii, habebant testamenti factionem: *L. 1. pr. D. de suis & legit. hered.* sed bona eorum, tamquam seruorum peculia, manumissores retinebant. *§. 4. Inst. h. t.* Porro SC. Largiano (*d*) cautum, vt liberi manumissoris non nominatim exheredes scripti, extraneis heredibus eorum in bonis Latinorum praeferrentur. *L. vn. C. de Lat. lib. toll.* Immo & D. Traianus edixit, vt liberti Latini, qui inuito vel ignorante patrono ad ciuitatis iura festinauerint, ex beneficio principis, viui quidem ciues Romani haberentur, at morerentur tamen Latini. *§. 4. Inst. h. t. L. vn. princ. & §. ult. C. de Lat. lib. toll.* Quare in eo durissima erat Latinorum dedititiorumque con-

IX. Qualis fuerit successio in bonis dedititiorum & Latinorum.

(*d*) Videtur id SC. conditum anno V. C. ICCCXIII. Ti. Claudio Drusi F. Caes. Aug. & A. Caecina Largo Coss. Quod vero Largianum, non Claudianum dictum id SC. inde esse videtur, quod Claudius Caesar hunc consulatum per duos tantum menses gessit, collegae vero Largo magistratum in annum totum prorogauit, teste Dione Cassio LX. p. 771.

conditio, nec poterat villo casu patronus liber-  
torum eiusmodi hereditate priuari.

X. Nouum  
ius a Iusti-  
niano in-  
nectum.

X. Verum Iustinianus nullam hic antiqui  
iuris vel volam vel vestigium reliquit. In con-  
stitutione enim, quam *superiore Titulo §. 4.* alle-  
gauimus, quaeque in Basilicis exstat *Tom. VI. p.*  
*595.* iussit, vt si libertus vel liberta minores cen-  
tenariis essent, id est, minus quam centum au-  
reorum haberent substantiam, (e) nullum locum  
haberet patronus in eorum successione, dum-  
modo testamentum fecerint. Sin intestati de-  
cesserint, nullis liberis relictis, patronatus ius  
ex lege XII. tabularum integrum maneret. In  
maiorum centenariis bona, si liberos haberent  
heredes vel bonorum possessores, nihil iuris  
patrono esset: sin sine liberis decesserint inte-  
stati, ad omnem hereditatem patroni patronae-  
ue vocarentur; sin vero fecerint testamentum,  
patronosque aut patronas praeterierint, hi per  
bonorum possessionem tertiam bonorum par-  
tem

(e) Pro mille enim festeriis Lege Papia Poppaea defi-  
nit Imperator vnum aureum substituit, & quidem  
tamquam interpretatio, quae historiae plane repugnat. Au-  
reus enim, qualis Iustiniani aeuo in vsu fuit, vix cen-  
tum festeriis respondit. Siquidem adhuc Vlpiani  
aeuo dena tantum festeria centum aureos conficie-  
bant. Hinc aduocatorum honorarium denis fester-  
tiis definitum dicitur apud Tacit. *Ann. XI, 7.* cen-  
tum aureis apud Vlpian. *L. 1. §. 12. D. de extraord. co-  
gnit.* Vid. Gromou. *de Pecun. vet. I, 5.* Sed saepius in  
Pandectis ex CM. festerium Tribonianus exculpsit  
C. aureos. Vid. Cuiac. *Obseru. XIX, 31. & ad L. 10. D.*  
*de dolo malo,*

(a)

tem, (non vt antea dimidiam,) conconferentur, ita, vt eam portionem sine onere haberent, & ne legata quidem aut fideicommissa liberis liberti libertaeue praestare cogereantur. Ius porro illud succedendi in bonis libertorum Iustinianus etiam ad collaterales patronorum cognatosque vsque ad quintum gradum extendit. §. 4. *Inst. b. t.* Denique sublatâ Latinitatis & dedititiorum conditione, omnibus promiscue libertinis testandi ius indulsit, *L. vn. C. de Lat. lib. toll. & L. vn. C. de ded. lib. toll.* adeoque patronis vel ius suum, vel saltem partem speratae hereditatis ademit.

## TIT. IX.

DE

## ADSIGNATIONE LIBERTORVM.

**A**dsignatio libertorum veluti exceptio erat legum de successione libertorum. Nam quod generaliter superiore titulo definitum est, patroni liberos mortuo parente aequis portionibus in bonis libertorum succedere, id hanc habere exceptionem intelligitur, nisi vni ex liberis libertum adsignauerit patronus. Quae adsignatio qualis fuerit, ad hunc titulum docendum est.

I. Satis opima olim erant iura patronatus. Praeter spem enim successionis, cum isto iure coniunctam, de qua titulo praecedente actum, patrono debebantur operae, dona, munera. *I. Iura patronatus in quonam consistunt.*  
Vid. Iac. Oiscl. *ad Caii Inst. II, 9. 4. p. m. 156.*  
Immo libertus, non minus, quam filius, alere tene-



tenebatur petronum pro modo facultatum, si is ad egestatem vergeret. Paull. *Recept. Sent.* II, 32, 1. L. 5. §. 18. & L. ult. D. de agnosc. & alend. lib. Vnde opulenti liberti veluti pars quaedam erant patrimonii & iure is poterat locupletior videri, cui plures essent liberti locupletiores.

II. Adsignatio libertorum qualis?

II. Quemadmodum igitur parentes liberis certam bonorum portionem solebant dare, ita & iisdem poterant adsignare libertos. *Adsignare* vero *libertum* erat testificari, cuius ex liberis libertum parens esse velit, L. 107. D. de verb. signif. eaque adsignatio non solum testamento & codicillis fieri poterat, sed & per modum contractus, aut donationis inter vivos, vel mortis causa, quibuscumque verbis, epistola, chirographo, pure, sub conditione, immo & solo nutu. L. 1. §. 3. & L. 7. D. de adsign. lib. Dabatur tamen ea adsignandi facultas tantum ei, qui duos pluresue liberos in potestate habebat. Hic enim solus libertum libertamue adsignare poterat. §. 2. *Inst. h. t.* Quod si vero is, cui adsignatus erat libertus, emancipatus fuerat, evanescebat adsignatio. L. 1. fin. D. eod. §. 3. *Inst. h. t.* Cui non opponenda L. 9 D. h. t. ubi Modestinus & emancipato libertum adsignari posse statuit. Potest enim pater & emancipato adsignare si velit. At si suo adsignarit, eumque postea emanciparit, mutasse videtur sententiam. Vid. Merrill. *Obs.* VII, 13.

III. De ea SC. Claudianum.

III. De hac ergo libertorum adsignatione prodiit SC. Claudianum anno V C lxxxix. Velleio Rufo & P. Ostorio Scapula Coss. suffectis,

Etis, (a) cuius ipsa legitima verba nobis servauit Vlpianus *L. 1. pr. D. h. t.* SI QVI DVOS PLVRESVE LIBEROS IVSTIS NVPTIIS QVAESITOS IN POTESTATE HABERET, DE LIBERTO LIBERTAVE SVA SIGNIFICASSET, CVIVS EX LIBERIS SVIS EVM LIBERTVM EAMVE LIBERTAMESSE VELLE, IS EAVE QVANDOQVE IS QVI EVM EAMVE MANVMISIT INTER VIVOS VEL TESTAMENTO, IN CIVITATE ESSE DESISSET, SOLVS EI PATRONVS SOLAVE PATRONA ESSET PERINDE ATQVE SI AB EO EAVE LIBERTATEM CONSEQVVTVS CONSEQVVTAVE ESSET. VTIQVE SI EX LIBERIS QVIS IN CIVITATE ESSE DESISSET, NEQVE EI LIBERI VLLI ESSENT, CETERIS EIVS LIBERIS, QVI MANVMISIT, PERINDE OMNIA IVRA SERVENTVR, AC SI NIHIL DE EO LIBERTO EAVE LIBERTA IS PARENS SIGNIFICASSET.

IV. Ex hoc ergo SC quisque libertum vni ex liberis in potestate constitutis pro arbitrio ad- IV. Eius explicatio.

(a) In. §. 3. *Inst. h. t.* hi coff. vocantur Sabellius Rufus & Asterius Scapula: *L. 1. pr. D. eod.* Velleius Rufus & Osterius Scapula, quomodo etiam ap. Hub. Golzium in *Fastis* p. 239. leguntur. Genuina nomina restituisse ibi videtur Pigh. *Annal. Lib. XVIII. p. 576. Tom. III.* ubi alterum Coff. *P. Sutilium Rufum*; alterum *P. Ostorium Scapulam* vocat. Ceterum alias nomina *Asterius, Hasterius, Ostorius, Austerius, Austerus* saepe confundi, docuit V. A. Bynkersh. *Obs. III, 7. p. 242.*

(II)

D

(b)

adsignare poterat. Quo facto, non omnes patroni liberi, sed is, cui adsignatus libertus fuerat, ad successionem vocabatur, quod ius etiam tum saluum erat illi, cui libertus adsignatus, si patronus mediam capitis deminutionem fuisset passus. Eo vero, cui libertus adsignatus fuerat, capite deminuto, reliquis liberis iura patronatus, salua erant, perinde ac si nihil patronus de adsignatione liberti significasset. Vinc. Graulina de Leg. & SC. LXXXII, p. 652. Arn. Vinn. Comment. ad Inst. h. t.

## TIT. X.

DE

BONORVM POSSESSIONE-  
NIBVS.

**D**iximus supra ad *Lib. I. Tit. II. §. 23.* Praetores id praecipue egisse, vt leges sub specie aequitatis edictis suis euerterent, eumque in finem noua commentos esse vocabula. Huius rei specimen hic titulus dabit. Saepe enim, vbi *hereditatem* negabant leges, Praetores dabant **BONORVM POSSESSIONEM**, quum tamen inter ea vocabula, quod ad effectum attinet, nulla plane sit differentia.

I. Quid bonorum possessio, quid possessio bonorum? I. Quum hic in vocabulis luserit Praetor, de ipso illo vocabulo praetorio nonnulla praemittenda sunt. Notandum ergo, plerumque differre *bonorum possessionem*, & *possessionem bonorum*. Illa enim hereditatem praetoriam; haec illam possessionem, in quam creditores, legati-

rii aliiue immittebantur, denotat. (a) Briffon. *de Verb. Signif. p. m. 74.* Non obseruarunt tamen illud discrimen Macer. *L. 4. §. ult. D. de offic. eius cui mand. iurisd.* & Paullus *L. 35. D. de oblig. & action.* Vocabatur etiam praetoria ista hereditas absolute *possessio*, & Graecis *δικατοχή*, vel *δικατοχὴ*. Vnde Vlpianus *Titulum XXVIII. Fragmentorum* inscribit *de possessionibus*. Ad quam rubricam quidem obseruat V. C. Schultingius *p. 671.* vocabulum *possessionis* simpliciter hoc sensu non solere vsurpari: sed aliud euincunt *L. 12. D. de Carbon. edict. L. 77. §. 31. D. de legat. 2.* Aliquando & *hereditatis possessionem* apud veteres legi, iam obseruauit Cuiac. *Obs. IV, 16.*

II. Vlpiano *L. 3. §. 2. D. de bon. possess.* BONORVM POSSESSIO est *ius persequendi retinendiae patrimonii, siue rei, quae cuiusque, quum moritur, fuit.* Sed quum paullo obscurior ea sit definitio: rectius dixeris, esse hereditatem personis quibusdam, iure civili inhabilibus, edicto arbitrioque (b) praetoris delatam, vnde & Graeci

II. Quid sit bonorum possessio?

(a) Vtrumque vocabulum accurate distinxit Imperator. *§. 4. Inst. h. t.*

(b) In praetoris fuisse potestate, velletne bonorum possessionem dare, nec ne; satis euincunt exempla, quibus praetor bonorum possessionem certis personis negauit, quas tamen edicto suo non exceperat. Sane Q. Metellus, Praetor, Vetilio, lenoni, bonorum Iuuentii possessionem secundum tabulas dare recusabat, tantum quod leno esset. Val. Max. VII, 7, 7. Nonnumquam tamen & consules intercedebant. Sic quum Genutius, Martis magnae Gallus, a Cn. Oreste Praetore bonorum possessionem secundum tabulas impetrasset: Mamercus Aemilius Lepidus Cos. Praetoriam



Graeci eam saepius vocant *πρατωρίαν διαδοχὴν*, vel  
vti in Glossis est *ὑπαρχοῦτων διακατοχὴν*.

III. Quo-  
tuplex.

III. Ceterum varie diuiduntur bonorum possessiones. Aliae ordinariae sunt, a praetore introductae, *L. 3. §. ult. de Carbon. edict.* aliae extraordinariae quae ex legibus, SC. constitutionibus principum, vel iure nouo descendunt. *§. 3. Inst. h. t.* De bonorum possessionibus extraordinariis quae ex Constitutionibus Principum natae sunt, consulendus est Cuiac. *Obs. XI, 14.* Ordinariae vel *edictales* erant vbi nulla opus erat causae cognitione; *L. 30. §. 1. D. de acquir. hered. L. 1. §. 1. D. si tabulae nullae exstab. vel decretales* quae cognitionem (c) decretumque desiderabant. *L. 1. §. 7. D. de success. edict. L. 2. §. 1. D. quis ordo in possess. seruetur. L. 2. §. 11. D. ad SC. Tertull. & Orphit.* Vtraque vel *ex testamento* dabatur, vel *ab intestato*. Si ex testamento, tum vel *contra tabulas*, id est, contra testamentum, siue *contra lignum*, dabatur, eaque Graecis *ἐναντίως κατὰ διαθήκην* dicitur; vel secundum tabulas: *Princ. Inst. h. t.* aut, si sine scripto testamentum conditum, tum vel *secundum nuncupationem bonorum*, vel *contra eamdem* bonorum possessio com-  
pete-

iurisdictionem abrogare non dubitauit, non aliam ob causam, quam quia Genucius amputatis genitalibus nec vir esset nec mulier. Val. Max. VII, 6. 7.

- (c) Equidem bonorum possessiones aliae de plano, aliae pro tribunali petebantur. *L. 2. D. quis ordo in bon poss.* Ast dari aliter non poterant, quae exigebant decretum, quam pro tribunali: quia neque decretum de plano interponi, nec causa cognita bonorum possessio alibi, quam pro tribunali, dari poterat. *L. 1. §. si causa D. de bon. possess.*

petebat. *L. ult. C. de bonor. poss. secund. tab. L. 1. C. de bon. poss. contra tab.* Ab intestato vero dabatur vel ius legitimum habentibus, vel non legitimum, propter capitis deminutionem. Denique bonorum possessio aut *cum re dabatur*, aut *sine re*. Cum re, si is, qui acceperat, cum effectu bona retinebat: sine re, quum alius iure civili euincere hereditatem poterat. Sic verbi causa, si suus heres intestato erat; bonorum possessio alii data erat sine re, siquidem suus heres euincere hereditatem iure legitimo poterat. *Vlp. Fragm. XXVIII, 13. XXIII, 6.*

I V. Quod ad bonorum possessiones attinet, IV. Bonorum pos-  
quae ex testamento descendunt, eae, ut dixi, vel rum pos-  
secundum tabulas dabantur, vel contra tabulas. fessio con-  
Contra tabulas bonorum possessio erat omni- tra tabu-  
um prima, de qua edixerat Praetor, unde & ex las.  
*prim. parte vel ex primo edicto* bonorum possessio  
dari dicebatur, quoties dabatur contra tabulas.  
*L. 4. & 12. D. de edict. Carbon. & L. 2. D. de bon. liber.* Quem ordinem ob aequitatem etiam atque etiam commendat. *Vlp. L. 2. pr. D. de bon. poss. sec. tab.*

V. Dabatur autem ea bonorum possessio V. Cui da-  
liberis emancipatis, a patre testamento praeterita sit?  
ritis: non autem suis, qui praeteriti testamen-  
tum nullum dicunt: *L. 1. D. de iniust. rupt. irr. fact. test.* nisi hoc remedio uti malint, quod ipsis  
licet iure nouo. *L. 2. C. de bon. poss. contra tab.*  
Proprie tamen haec bonorum possessio, uti dixi, ad solos emancipatos pertinet. Quamvis enim ad eos non pertineret legitima hereditas: praetor tamen, naturalem sequutus aequita-

tem, hos quoque ad bonorum possessionem vocabat. *L. vn. D. quis ordo in bon. possess.* Eadem parte edicti vocabat adoptiuos, non vero in adoptionem datos. *Vlpian. Fragm. XXVIII, 3.* Hos enim quia in aliam familiam, aliaque sacra transferant, nec iuuat Praetor, nisi eo tantum casu, si ipsi a patre naturali heredes instituti essent, & alii liberi praeteriti. Tum enim his bonorum possessionem petentibus, illi quoque una admittebantur. *L. 8. §. 11. D. de bon. possess. contr. tab. L. 1. §. 12. D. de ventr. in poss. mitt.* Alias nihil intererat siue emancipati naturales essent, siue adoptiui, siue nati, siue postumi, siue primi, siue vltiorum gradum. *L. 1. pr. L. 3. pr. §. 1. & seq. D. de bon. poss. contra tab.* Ceterum emancipati, impetrata contra tabulas bonorum possessione, cauere debebant fratribus, qui in potestate manserant, ea bona, quae moriente patre haberant, se collaturos. *Paull, Sent. V, 9. 4. Vlpian. Fragm. XXVIII, 4.*

VI. Bonorum possessio secundum tabulas.

VI. Secundum tabulas dabatur bonorum possessio iis, quibus licet testamento scriptis heredibus, subtilitas aliqua iuris civilis obstabat. Quod si enim eorum, quibus contra tabulas competebat, aut esset, aut peteret nemo: (d) praetor scriptos heredes admittebat, dummodo testamentum non minus quam septem testium ciuium Romanorum signis esset signatum. *Vlpian.*

(d) Alias enim praetor nulli legitimo heredi ius suum adimere poterat. Quare haec bonorum possessio secundum tabulas non semper dabatur cum re, obitante iure ciuili. Vid. *Vlpian. Fragm. XXIII, 6.*

(e)

Vlpian. *Fragm. XXVII*, 6. Eam enim solam sollemnitatem in testamentis requirebat Praetor. Vnde in edicto suo Verres apud Cic. *Verr. I*, 45. SI DE HEREDITATE AMBIGITVR, ET TABVLAE TESTAMENTI, OBSIGNATAE NON MINVS MVLTIS SIGNIS, QVAM E LEGE OPORTEAT, AD ME PROFERENTVR : SECVNDVM TABVLAS TESTAMENTI POTISSIMVM HEREDITATEM DABO. Ex quo loco simul discimus, hanc bonorum possessionem factis antiquam esse, maxime, quum Cicero eo loco obseruet, id edictum *tralatitium* esse.

VII. Intestati dabatur bonorum possessio VII. Ordo  
 si tabulae nullae exstarent, per octo gradus. (e) bonorum  
 Primus dictus est VNDE LIBERI. Dabatur possessio-  
 ea bonorum possessio liberis non solum eman- nis ab in-  
 cipatis, & adoptiuis, sed & suis, quos confir- testato.  
 mandandi iuris ciuilis causa vocabat, non vero in  
 adoptionem datis. Vlpian. *Fragm. XXVIII*, 8.  
 Secundus VNDE LEGITIMI. Hac edicti  
 parte vocabat praetor ad bonorum possessio-  
 nem, QVEM DEFVNCTO HEREDEM  
 ESSE OPORTERET, SI INTESTATVS  
 MORTVVS ESSET. (f) Tales erant agnati  
 quibus ex lege XII. Tabularum hereditas debe-  
 batur. Nec non omnes reliqui, quos vel Lex alia,  
 vel

(e) Vlpianus *Fragm. XXVIII*, 7. tantum septem numerat gradus, omittitque gradum tertium.

(f) Legitima haec sunt edicti verba, quae seruauit Iulianus *L. 1. §. 4. D. vnde legitimi* vnde & haec bonorum possessio vocatur TVM QVEM HEREDEM, a vocabulis initialibus. *L. 1. D. vt ex legib.*



vel SC. heredes faciebat. L. 2. §. 4. L. 3. D. *unde legit.* His veteri iure etiam extraneus manumissor accensebatur. Si quis enim filium emancipaturus extraneo cuidam, illum imaginaria venditione ter mancipauerat, & hic extraneus eum manumiserat non interposita a patre naturali fiducia de remancipatione : extraneus adquirebat sibi ius patronatus, adeoque agnati loco erat. Vid. supra Lib. I. Tit. XII. §. 9. & Lib. III. Tit. VIII. §. 1. Sed huic extraneo manumissori Praetor praeferebat decem personas. Et haec origo tertii gradus VNDE DECEM PERSONAE. Tales erant pater, mater, auus, auia, tam paterni quam materni, filius, filia, nepos, neptis, tam ex filio quam ex filia, frater sororue, consanguinei vel vterini §. 1. *Inst. b. t. Vlp. apud Auct. Collat. Leg. Mos. & Rom. XVI, 9. (g)* Et ex hoc capite profecta est bonorum possessio, de qua Valer. Max. VII, 7. §. Quartus gradus est VNDE COGNATI. Quamvis enim hos non vocarent leges XII. Tabularum: L. 1. pr. D. *unde cogn.* proximos tamen vocabat Praetor, iisque etiam accensebat agnatos capite deminutos. Vlp. *Fragm. XXVIII, 9.* Quinto TANQVAM EX FAMILIA. (b) vocabantur agnati

(g) In Fragmentis Vlp. omissa est ille bonorum possessionis gradus VNDE DECEM PERSONAE, quia forsitan ordinarietum emancipatio fiebat contracta fiducia, adeoque hoc edictum haut magni usus esset. In pandectis vero altum de hac bonorum possessione silentium, quia ea ob constitutionem Iustiniani, de qua §. 2. *Inst. b. l.* euanuerat.

(b) Vel potius TVM QVEM EX FAMILIA. Omnia enim

agnati patroni, quibus alias ex legibus XII. tabularum non debebatur successio in bonis libertorum Vlp. *Fragm* XXVIII, 7. Sexto PRO PATRONIS. Quamuis enim satis haecenus cautum videretur patronis eorumque liberis, qui erant in familia: denuo tamen eos vocandos censuit praetor, si forte tempore vel repudiatione factum esset, quo minus ex praecedentibus partibus edicti possent venire. Quin eadem edicti parte vocabantur etiam liberi patronorum emancipati & in adoptionem dati, nec non patronorum parentes, quorum omnium nulla iure civili habita fuerat ratio. Vid Theoph. ad §. 1. *Inst. h. t.* Schulting, *Iurispr. vet. Anteiust. p.* 673. Vnde non est, quod mirentur Fr. Hottomanus, Bachouius, Arn. Vinnius, aliique viri doctissimi, toties in edicto Praetoris patronos ad bonorum possessionem vocari. Septimus gradus est VNDE VIR ET VXOR. Quamuis enim Praetoris beneficio olim opus haut esset quum nuptiae omnes fierent vel per confarreationem, vel per coemptionem, vel per usum, siquidem tunc vir omnia vxoris bona dotis loco capiebat, vxor vero marito erat heres sua: (vide supra *Libr. 1. Tit X. §. VI. VII.*) magnus tamen erat illius usus ex quo rariores esse coeperant illi nuptiarum ritus. Ceterum ex hoc edicto vir vxori intestatae, & vxor viro intestato

enim haec genera bonorum possessionum nomina a vocibus initialibus capitum edicti fortita sunt. Cuiac. ad Vlp. *Fragm.* XXVIII, 7. Ian. a Costa ad § 2, *Inst. h. t. & §. 4. Inst. quib. mod. tut. fin.*

to, succedebat. Octauo denique vocabantur **COGNATI MANUMISSORIS**. Vocatum enim esse ad bona filii manumissorem patrem, eiusque agnatos & cognatos, nec non patronum patroni, etiamsi is ipse libertinus esset, tradit Imperator in saepius laudata constitutione de successione libertorum, quae exstat in Basilicis *Tom. VI. p. 595.*

VIII. Bona  
caduca.

VIII. Eo usque Praetoris beneficium per-  
tingebat. Si nemo erat, ad quem bonorum  
pertineret possessio, aut si quis erat quidem, sed  
ius suum omiserat, vel capere non poterat, vel  
ante apertum testamentum decesserat, ex lege  
Papiae Poppaeae bona omnia, tamquam caduca,  
quasi caduca, ereptitia, vacantia, populo defe-  
rebantur, adeoque succedebat aerarium. *Vl-  
pian. Fragm. XXVIII, 7. l. 1, 21. l. 13, pr. & l. 15.  
§. 3. D. de iure fisci. Tacit. Annal. III, 28.* Postea  
huiusmodi bona ex parte non populus, sed  
fiscus occupabat, praecipue tempore Hadria-  
ni. *l. 20. §. 6. D. de hered. petit.* Denique Anto-  
ninus Bassianus Caracalla *(i)* omnia caduca fisco  
vindicauit. *Vlpian. Fragm. XVII, 2.*

IX. Quid si  
bonorum  
possessio  
non peti-  
ta.

IX. Quum vero plures gradus successione  
introduxisset Praetor, eosque per ordinem di-  
sposuisset: in unaquaque vero specie successio-  
nis plures saepe exstarent dispari gradu perso-  
nae: ne actiones creditorum differrentur, sed  
habe-

*(i)* Hunc enim ab Vlpiano plerumque indigitari, quoties  
vel Imperatoris absolute meminit, vel Antonini, lucu-  
lenter post Ezech. Spanhemium, ostendit V. C. Schul-  
ting. *iurispr. vet. Anteiust.* p. 617.

haberent, quos convenirent, & ne facile in possessionem bonorum defuncti mitterentur: ideo petendae bonorum possessioni certum tempus solebat praefiniri, & parentibus quidem liberisque annus, ex quo petere poterant, ceteris centum dies utiles. Vlpian. *Fragm. XXVIII*, 10. §. 4. 6. *Inst. h. t.* An dies, quibus pater sciuerat, bonorum possessionem competere, etiam filio cedant, disputant Cuiac *Obs. XIV*, 8. Merill. V, 2. Intra quos dies si quis non petierat, ad bonorum possessionem sequens gradus admittebatur, perinde ac si superiores non essent §. 5. *Inst. h. t.* Vlpian. *l. c.* §. 11. Quae omnia ex SUCCESSORIO EDICTO proficiscuntur, de quo singularis exstat in Pandectis titulus.

X. Ceterum vetus petitio postulatio vel agnitio bonorum possessionis sollemnis erat, ut patet ex *L. 1. C. comm. de success.* adeoque fieri debebat conceptis verbis ac formulis, quae quales fuerint, hodie vix liquet, siquidem nec Brissoni-  
 X. Quo-  
 modo pe-  
 tita?  
 us eas restituere potuit. Nec apud quemvis magistratum peti poterat bonorum possessio, sed in vrbe apud praetorem, in prouincia apud Praesidem. *L. 2. §. 1. seq. D. quis ordo in bon possess.* Ast formulas aequae, ac illam Praetores & Praesides adeundi necessitatem sustulere posteriores Imperatores §. ult. *Inst. h. t.* inprimis Constantinus, qui exclusis inanibus verborum captionibus, concessit, ut quilibet iudex vel magistratus, etiam municipalis posset adiri, atque apud hunc, interposita qualicunque voluntatis testatione, bonorum possessio peti, *L. ult. C. qui admitt. ad bon. possess.*



XI. Quo-  
modo da-  
ta?

XI. Quemadmodum vero heredes praetorii bonorum possessionem PETERE & POSTVLARE dicebantur: ita praetor eandem DABAT, & tum bonorum possessio ACCIPI & AGNOSCI dicebatur. In danda bonorum possessione formula utebatur Praetor: BONORVM POSSESSIONEM DO. At si decreto interposito, dicebat: IN BONAIRE IVBEO Valer. Max VII, 7. IN POSSESSIONEM ESSE IVBEO: alia erat ratio. Posteriores enim formulae tum plerumque locum habebant, cum praetor in possessionem mittebat rei seruandae causa, vel legatorum seruandorum gratia, siue quod reus neque potestatem sui faceret neque defenderetur. Adeoque haec sollemnia verba ad possessionem potius bonorum, quam bonorum possessionem videntur pertinere. Briss. *Form. V. p. 408.*

XII. Ius  
nouum.

XII. Et hoc quidem fuit ius antiquum bonorum possessionis. At Iustinianus hic quoque multa suo more mutauit. Nam ex intestati bonorum possessionibus tertiam, quintam & octauam speciem plane sustulit; reliquas in pandectas referri iussit. §. 2. 3. *Inst. h. t.*

## TIT. XI.

DE

### ADQVISITIONE PER ADROGATIONEM.

Plures sunt modi acquirendi per vniuersitatem. Caius *Inst. II, 2. princ.* eo refert *hereditatem*

*tatem, emtionem* (per quam non cum Contio mulieris in manum conuentionem, nec cum Aleandro emtionem familiae, sed emtionem bonorum debitoris intelligimus. Vid. Iac. Oifel. ad Caii *Inst. l. c. p. m. 92.*) & *arrogationem*. Sed recte A. Contius *Disp. Iur. cin. l. 12.* alios quosdam addit acquirendi modos, veluti *bonorum possessionem, additionem bonorum libertatum conseruandarum causa*, & eam quae fiebat per *reductionem liberae mulieris in Seruitutem ex SC. Claudiano*. Quum ergo de *hereditatibus & bonorum possessionibus* satis prolixeadhuc egerit Imperator, *emtio* vero *bonorum* quae iam Iustiniani aeuo ab usu recesserit, itidem supra satis explicata sit: nunc reliquas acquisitionum, quae per vniuersitatem fiunt, species exsequemur, & hoc quidem titulo de *acquisitione per adrogationem*; sequente XII. de *bonorum additione, quae fit libertatis conseruandae causa*, & titulo denique XII. de *SCo Claudiano* agemus.

I. Quid adrogatio sit, quo ritu, quaque solemnitate fieri debuerit, iam supra *Libro I. Tit. XI. §. V. sequ.* dicere occupauimus. Vbi etiam *§. VI. VII. & XVIII.* obseruauimus, adrogatum transisse in alia sacra, aliamque familiam, adeoque adrogatorem adrogatum in potestate habuisse. Gell. *Noct. Att. V, 19.* Quum itaque patria potestas etiam illud ius complecteretur, ut quidquid acquirerent filii, non sibi, sed patri acquirerent: (vid. supra *Lib. I. Tit. IX. §. 7.*) consequens erat, ut & adrogati bona vniuersa & iura acquireret adrogator. Vnde omnia, quae adrogati fuerant, tacito iure ad eum transire

I. Omnia bona & iura adrogati transibant ad adrogatorem.

fire dicuntur, qui adrogauit, *L. 15. D. de adopt.*  
 Cum capite ergo etiam fortunae eius in famili-  
 am & domum adrogatoris transferebantur,  
 adeo, ut & actiones & nomina transfirent sine  
 cessione. §. 1. *Inst. h. t.* Attamen filius stricto iure  
 manebat debitor adeoque arrogator ex debito  
 filii conueniri non poterat. §. ult. *Inst. h. t. L. pen.*  
*C. ne vx. pro marit.*

II. Exce-  
 ptis iis,  
 quae ca-  
 pitis demi-  
 nutio-  
 ne peri-  
 me-  
 bantur.

II. Excepta tamen erant ea iura, quae capi-  
 tis deminutione perimi solebant. Talia erant  
 operarum officialium obligationes, ius adgna-  
 tionis, usus & usufructus. Haec quum capitis  
 deminutione perire possent. *L. 7. D. de cap. de-  
 min. L. 1. D. quibus mod. usufr. amittatur.* Paull.  
*Recept. Sent. III, 6. 39.* omnes vero, qui se adro-  
 gari sinunt, capitis deminutionem paterentur:  
 non poterant profecto cum reliquis iuribus ad  
 adrogatorem transire. §. 1. *Inst. h. t.*

III. Ius no-  
 uum.

III. Sed & haec sustulit Iustinianus. Adro-  
 gatoribus enim non omnium bonorum acqui-  
 sitionem, sed usumfructum tantum, dominio  
 arrogatis integro seruato, concessit. Mortuo  
 autem filio adrogato in adoptiua familia, etiam  
 dominium rerum eius ad adrogatorem transire  
 voluit, nisi superessent aliae personae, quae pa-  
 trem in iis, quae acquiri non possent, ex con-  
 stitutione antecedant. §. 2. *Inst. h. t.* Idem etiam  
 Iustinianus consultissima ratione sanxit, ut arro-  
 gator ex filii arrogati contractibus conuenire-  
 tur, & si ille hunc defendere nollet, creditori-  
 bus bona filii, quorum pater arrogator usumfru-  
 ctum habiturus fuisset, possidere permetteretur.  
 §. ult. *Inst. h. t.*

TIT.

## TIT. XII.

DE

EO CUI LIBERTATIS CAUSSA  
BONA ADDICVNTVR.

**B**onorum addictio libertatum conseruandarum caussa tota ita comparata est, vt sine antiquitatum cognitione intelligi nequeat. Ast antiquorum mores in venditione bonorum obseruati aliaque, ad quae hoc titulo adluditur, iam alio loco exposita sunt, ad quae hic licebit lectorem remittere.

I. Saepe fiebat, vt obaeratus quispiam facto testamento, heredem instituerit extraneum, simulque seruis quibusdam libertatem vel legaret, vel fideicommisso daret. Non adeunte ergo herede, & hereditatem ob latitans aes alienum sibi suspectam repudiante, libertates etiam corruebant. *L. 2. C. de test. man. L. 1. C. de fideic. libert.*

I. Casus hoc titulo supponendus.

II. Quum vero nihilominus magnus esset libertatis fauor: D. Marcus Imperator rescripto ad Pompilium Rufum statuit, vt bona, quae iam non sine ignominia defuncti venire debebant, seruo potius cuidam testamento manumisso addicerentur, (a) ea tamen lege, vt non solum serui, quibus tum directo tum per fideicommis-

II. Rescriptum D. Marci.

(a) Is ergo, cui addicta bona, nec heres erat, nec bonorum possessor. Bonorum tamen possessori adsimilabatur. *L. 4, §. 21. D. de fideicomm. lib.*



commiffum libertas data, libertatem confequerentur, verum etiam creditoribus caueretur de folido fingulis foluendo. Quin & fisco bona non aliter addici paffus eft Imperator, quam vt libertas iis effet falua, qui eam adita hereditate confequi potuiffent. Ipſum reſcriptum D. Marci integrum exſtat. §. 1. *Inſt. h. t.* De Pompilio Rufo, ad quem Imperator reſcripfit, diſputant, ſeruusne an liber homo fuerit? Seruum fuiſſe, exiſtimat Theophilus *d. §. 1. vbi eum τῶν τυχόντων ἐλευθερίας ἐν τῇ δαδότη, vnum eorum, qui libertatem teſtamento confequuti fuerant, adpellat.* Sed negat Arnold Vinn. ad *d. §. 1.* ſiquidem haec nomina ſeruis non magis conueniant, quam Caii Seii *L. 23. D. de manumiff.* Sed ſeruum fuiſſe, mihi vix videtur dubitandum. Quid mouiſſet enim extraneum, vt tam duris conditionibus addici ſibi pateretur hereditatem Virginii Valentis, aere alieno oppreſſam? Nomen vero Pompilii Ruſi non a D. Marco, ſed ab Imperatore Iuſtiniano ei datum videtur per *πρόληψιν*, quia libertini ſolebant aut manuſſorum aut eorum, quorum ſe patrocinio adplicabant nomina adſumere. Atque ita etiam ſentit Eguinarius Baro.

III. Cauſſa  
huius re-  
ſcripti.

III. Cauſſae ergo huius conſtitutionis ſunt tum libertatis fauor, tum defuncti exiſtimatio, quam per bonorum venditionem laeſam fuiſſe, ſupra *Lib. II. Tit. XVIII. XIX. n. 9.* obſeruauimus.

IV. Ius no-  
uum a Iu-  
ſtiniano  
inuectum.

IV. Sed & his ſuo more nonnulla addidit Iuſtinianus *L. vlt. C. de teſtam. manum.* in qua cautum eſt vt ius poſtulandi bonorum addictionem

nem

nem annum esset. II) Vt si plures simul satisdato postularent, iis bona simul addicerentur, III) Vt eius potissimum, qui plus se praestitutum esset pollicitus, ratio haberetur. IV) Vt qui plus, quam alter, cui bona addicta, intra annum offerret, altero libertatem suam retinente, bona obtineret. Quae omnia Commentatores latius exsequuntur.

## TIT. XIII.

DE

SVCCESIONIBVS SVBLATIS,  
QVAE FIEBANT PER BONORVM  
VENDITIONEM ET EX. SC.  
CLAVDIANO.

**Q**uidquid de acquisitione per bonorum venditionem dici potuit, iam supra *Lib. II. Tit. XVIII. XIX. §. XI.* occupatum est. Obseruatis enim ritibus, ibi descriptis, actiones omnes & iura defuncti ad bonorum emptorem vel sectorem, transibant, vnde & isa creditoribus, non secus ac bonorum possessor, conueniebatur, quia vterque successor erat praetorius. Car. Sigon. *de Iudic. I, 18. p. 450.* Theoph. *pr. Inst. h. t.*

I. Senatus consulti quoque Claudiani meminimus iam aliquoties supra *Libro I. Tit. II. n. 5. & L. I. Tit. XVI. n. 7.* vbi etiam eius occasionem & historiam in compendio exposuimus, nihil vt hic addi posse a nobis videatur, praeter id vnum, quod mulier eiusmodi libidinosa in seruitutem detrusa simul cum libertate omnem

I. D. Sc.  
Claudio  
remissae.

(II.)

E

amise-

amiserit substantiam. *Princ. Inst. h. t.* Quod tantquam saeculo suo indignum sustulit Iustinianus. §. 1. *Inst. h. t.*

## TIT. XIV.

DE

## OBLIGATIONIBVS.

**I**VS nobis vel in rem competit, vel in personam. De illo haecenus actum: hoc quum ex obligationibus sit, de iis iam agere incipit Tribonianus ab hoc titulo vsque ad *L. IV. Tit. V.* Videndum ergo, quid Romanis fuerit obligatio, & quot eius fuerint genera.

**I.** Obligatio apud Romanos quid?

**I.** Obligationem definiunt veteres, quod sit *iuris vinculum, quo necessitate adstringimur alicuius rei soluendae, secundum nostrae ciuitatis iura. pr. Inst. h. t.* At haec definitio non est obligationis in genere, sed speciatim obligationis ciuilis & mixtae. Quamuis enim alias naturalis aequitas omnes conuentiones, etiam nullis legibus ciuilibus definitas, seruari iubeat, nihilque tam congruum sit fidei humanae, quam ea quae placuerunt, inter homines seruari: *L. 1. D. de pact.* Romani tamen patricii, quorum intererat, plebem litibus quamplurimis implicari, a naturali illa simplicitate desciuerant, omnibusque obligationum generibus certam formam certumque ordinem dederant, ita quidem, vt nisi quis istam formam sequutus fuerit, nulla valida nasci videretur obligatio. (a) Et hinc addita sunt verba:

(a) Pacta ergo nuda non producebant obligationem, cuius

ba: *secundum nostrae civitatis iura*. Ceterum hoc non ita intelligendum est, ac, si Romani negassent, pacta esse servanda. Potius eum virum malum atque improbum iudicabant, qui pacta violasset. Legenda, quae in eam rem differit Seneca de *Benef. III, 15*. Sed non adsisteabant iura iis, qui nudum pactum inierant, quod fidem in negotiorum contractibus sanxerant. Gell. *Noct. Att. XX, 1*, adeoque sibi imputare debebat, qui nuda pactioe alterum sibi obstrinxit, quod communem conventiones firmandi modum, puta stipulationem omiserit. Add. Merrill. *Obs. VII, 39*. Iure ergo Romano vetere non pacta nuda, immo nec iusiurandum, ullam producebant obligationem, sed contractus. Primus quinquaginta de contractibus leges dedit Ser. Tullius Rex. Dionys. Halic. *Ant. Rom. IV, p. 218*. Quem etiam primum aes signasse, numumque, praec-

cuius rei eam rationem reddit Sex. Caecilius apud Gell. *Noct. Att. XX, 1*. *quia fidem maiores in negotiorum contractibus sanxerint*. At postea tamen indignatus Praetor, hac in re impune falli fidem, non quidem actionem, sed exceptionem tamen ex pacto dedit. *L. 7. § 4. D. de pact.* Ante hoc edictum variis artibus eludebantur pacta, crebraeque in foro erant disputationes de conventionibus, pactorumne an in contractuum numerum essent referendae. Quo respicit. Plaut. *Aulul. II, 2. v. 81*.

- - *At scio, quo vos pacto soleatis perplexarier!*

*Pactum non pactum est, non pactum autem pactum*

*est, quod vobis lubet*

Adde Ger. Nood. de *Pact. & Transact. X. p. 678. sequi*



paecipuum contractuum instrumentū, cudisse, tradit Plin. *Hist. Nat.* XXXIII. 3. cuius narrationem operose defendit B Branchu. *Observ. Dec.* II, 12. quamvis alii numos Numae & originem & nomen debere contendant. Eas leges deinde abrogavit Tarquin. Superbus. Dionys. Hal. IV, 245. Denique plerasque in XII. Tabulis restituere decemviri, quos sequuti iureconsulti disputatione fori eorum deduxere, ut nemo posset, nisi certa adhibita forma, contrahere.

II. Obligatio vel civilis vel praetoria, naturalis, civilis, mixta.

II. Quum vero forma illa obligationibus data esset vel per leges civiles, vel per edicta Praetorum: factum est, ut obligationes in CIVILES & PRAETORIAS vel HONORARIAS distinguerentur. §. 1. *Inst. h. t. L. 1. § pen. D. de exercit. act. L. 1. §. 8. D. de fideiuss. L. 8. §. ult. D. de accept.* Illae legibus vel constitutae sunt, vel comprobatae, veluti ex contractibus obligatio litterarum & verborum, ex delictis furtum nec manifestum, damnum iniuria datum, &c. Has praetor ex sua iurisdictione constituit, quales sunt ex conventionibus constituta pecunia, & delictis iniuria &c. Sed reuera hanc distinctionem saluo tamen discrimine ratione praescriptionis, sustulit Iustinianus, dum omnes obligationes miscuit, corporique suo iuris inseri iussit promiscue. Thomas. *Not. ad Instit. h. t.* Praeterea obligationi adstitit lex, & quidem vel sola naturalis, cui non adstipulatur ius civile, vel civilis cui naturalis aequitas resistit, vel naturale & civile ius simul. Vnde primi generis obligatio NATURALIS; secundi CIVILIS, tertii MIXTA

MIXTA adpellatur. §. 1. *Inst. de obligat.*

III. Porro omnes obligationes nasci constat vel *αἰσῶς* ex naturali aequitate sola, vel ex facto, eoq; vel licito vel illicito. Quae ex facto licito descendunt obligationes, CONTRACTVS dicuntur: quae ex illicito, DELICTA vel MALEFICIA audiunt. Vid. Cai *Inst. II, 9. princ.* Contractus quum consensu ineantur, isque vel verus sit vel praesumptus, ii qui ex vero nascuntur, contractus; qui ex praesumpto, quasi contractus adpellantur. In delictis quoque vel dolus concurrat, vel culpa tantum. Si dolus; verum delictum, sin culpa; *quasi delictum* inde nascitur. Vid. Thomas. *Diss. de usu pract. action. aduers. iudicem. imperite iudic. §. 2.*

III. Quid contractus & delictum?

IV. *Contractus* (b) ergo in se considerati Romanis iureconsultis sunt conuentiones, quibus subsunt caussae ciuiles, idest, eiusmodi negotia, quae iure ciuili recepta adeoque idonea sunt ad producendam obligationem. Ger. Nood. *de Pact. & Transact. IX, p. 673.* Paulo aliter contractus a pactis distingo. Pactum enim neque nomen & causam, contractum aut nomen & causam, aut certe, si nomine caret, causam habere oportet. L. 7. §. 1. & 2. *D. de pact.* Habere autem nomen dicitur, cui eiusmodi inditum est vocabulum, quod producat actionem eiusdem nomi-

IV. Quid interfit inter pacta & contractus?

(b) Sunt etiam alia contractuum nomina. Vocantur enim *συμβαλήματα*, negotia ciuilia, caussae, caussae ciuiles, formae negotii, contractus negotii vel negotia contractus. Loca collegit Ger. Noodt. *l. c. cap. IX. p. 673.*

nominis, vti contractus nominati. Causam vero habet negotium, quod vel a rei traditione, vel a solenni stipulatione vel a litteris, vel a consensu effectum sumit. Vnde contractuum in eos, qui re, verbis, litteris vel consensu ineuntur, diuisio. Ideo *do ut des* conuentio est sine nomine, sed quia tamen a datione vel facto sumit effectum, contractibus accensetur. *Dabo ut des* est nudum pactum, quia nulla causa praecedit. Vnde simul patet cur promissio rei futurae non sit contractus, quamuis adsit consensus mutuus. Non enim consentiunt in id, quod statim detur vel fiat, sed quod in posterum dandum faciendumque sit. Inter contrahentes ita conuenit: *vendo, emo, loco, conduco*. Inter paciscentes: *vendam emam: locabo conducam*. Porro inde patet, cur in contractibus innominatis locus fuerit poenitentiae. Ex parte enim eius, qui nondum quod promissum erat praestiterat, nudum erat pactum. Ergo alterum licebat poenitere, vel datum repetere conditione causa data causa non sequuta. *L. s. pr. & §§. sequ. D. de condict. caus. dat.*

V. Contractus quotuplices?

V. Contractus porro nominati vel *re* perficiuntur, vel *verbis*, vel *litteris*, vel *solo consensu*: de quibus quatuor contractuum speciebus agendum distinctius.

## TIT. XV.

### QVIBVS MODIS RE CONTRAHITVR OBLIGATIO.

Quamuis plures sint contractus, quibus re con-

contrahitur obligatio, veluti omnes contractus innominati, quippe qui demum ex datione vel facto obligant, *L. 7. §. 2. D. de pact. L. 5. pr. D. praesc. ipt. verb.* placuit tamen Imperatori, de mutuo tantum, commodato, deposito & pignore tanquam contractibus nominatis realibus, hic agere.

I. Mutui datio est, quando ita alteri aliquid tra- I. Quid  
ditur, quod pondere, mensura, numero continetur, ut mutuum?  
accipientis fiat, & quandocunque aliud eiusdem generis  
seu naturae & qualitatis reddatur. Transfertur  
ergo hoc contractu dominium rei fungibilis in  
alterum. Vnde & hoc contractu fit alienatio,  
non quidem talis, qualis erat rerum Mancipi, &  
quam solam Cicero *Topic. ad Trebat. XXVIII.* vo-  
cat *ab alienationem*, sed qualis est rerum nec man-  
cipi. Est enim alienatio *omnis actus, quo transfer-*  
*tur dominium. L. 1. C. de fundo dot.* Conf. Bynkers-  
hoek *de reb. Mancipi & nec Mancipi IX, p. 135.* Quo  
ipso corrui, quidquid in contrarium adferunt  
Salmasius & Iac. Oisellius, quorum sententia  
dudum est a iureconsultis accuratioribus, & in  
primis a Cl. Wissenbachio nostro explosa. Vid.  
Ant. Schulting. *ad Caii Inst. II, 9, l. p. 147.* Res  
vero fungibilis est, quae, ut in definitione est,  
pondere, mensura & numero continetur. Ipsum  
argentum olim foeneratores non adnumera-  
bant, sed adpendebant. *Plin. XXXIII, 3. Varro*  
*de lingua Lat. IV. fin.* Postea aes rude tantum,  
aliaque, quae pondere constant, adpendi sunt  
solita, ut cera, pix, lardum (a) &c. Reliquas  
res

(a) Sic Varro *de re Rust. III.* refert, *Hirrium Caesari duo*  
E 4 millia



res vel admetiebantur vel adnumerabant. (b) Vid. Oisfel. ad Caii *Inst.* II, 9. 1. p. m. 148. Addidi porro in definitione, aliud quandocumque eiusdem generis naturae & qualitatis reddendum. Quamuis enim Caius l. c. addat. *statuto tempore*, & in ipsis Institutionibus nostris *princ. h. t. pro & quoniam nobis non eadem res & c.* legendum sit & *quandoque nobis non eadem res*, vt docent Anton. Augustin. *Emend.* III, 7. & alii: (c) tempus tamen, quo exacto, qui obligatus est, soluere debeat, adici necessario non debebat.

II. Vnde dictum mutuum?

I I. *Mutuum* vero non adpellatur, quasi a me ita tibi datum sit, vt *ex meo tuum* fieret, ceu existimant Caius *Inst.* II, 91. Paullus L. 2. §. 2. D. *de rebus credit.* & Tribonianus §. 1. *Inst. h. t.* (d) sed a voce Siculo *μῶτρον*. Varro *de Lingua Lat.* IV. p. 29. *Si datur, quod reddatur, mutuum est, quod Siculis μῶτρον*. Plerasque enim rei pecuniariae adpellationes Romanos a Siculo mutuatos esse, iam alibi a nobis obseruatum est. *Libro II. Tit.*

*millia muraenarum dedisse in pondus.* Et Plin. IX. *Hir- rium* Caesari sex millia muraenarum mutua adpendisse.

(b) Vnde & grex ad numerum dari mutuo potest. L. 35. §. 5. D. *de contr. emt.*

(c) Aliter quidem Aleander ad Caii *Inst.* l. c. at Schul- tingius p. 149. docet vt *quandoque* in *Princ. Inst. h. t.* idem esse ac *quandocumque* neque opus fuisse, vt tempus adliceretur mutuo. Sane aliud fuit mutuum, aliud foenus, alia actio mutui, alia calendarii. Vid. Cuiac. *Obs.* XI, 37.

(d) Pertinet ergo haec etymologia ad originationes Stoi- cas, quibus nimium quantum indullisse iure consul- tos veteres, iam supra *Libro I. Tit. I. n. 3.* obseruauimus. Adde Cuiacii *Obs.* XI, 37.

*Tit. XIV. n. 5.* Ceterum ad antiquitates praecipue pertinet quod creditores pecuniam vel ex arca numerarent, vel a trapezita seu argentario. Qui ex arca numerabat dicebatur *ex arca vel de domo numerasse*, & accipiebat cautionem, cuius elegans formula exstat in *L. 40. D. de reb. credit.* Qui a trapezita numerabant, dicebantur *de mensa numerasse*, idque referebatur in rationes. Quo de discrimine multa potius quam bona cumulavit Claud. Salmas. *de Mod. Vsur. Cap. XI. p. 473. sequ.* Rem explicat Donatus ad Terent. *Adelph. Act. II. Scen. IV.* *Ego ad forum ibo tunc enim in foro magis & de mensae scriptura, quam ex arca domoque vel cista pecunia numerabatur.*

III. Multum vero intererat inter *mutuum* III. Quid & *foenus*, quamvis haec a plerisque confundi so-foenus? leant. At accurate distinxit Plaut. *Afinar, I, 3. v. ult.*

*Nam si mutuas non potero, certum est, sumam foenore.*

Distinxere etiam iureconfulti nostri *L. 33. D. de reb. credit.* & Imperatores Arcadius, Honorius & Theodosius *L. 6. C. Theod. de denunc. & edit. rescind. Lib. II. Tit. IV.* Inprimis vero accurate hoc discrimen exsecutus est Nonius Marcellinus, *V, 70. p. 731.* quem locum ita ego legendum existimaverim: *Mutuum a foenore hoc distat, quod mutuum sine usuris; foenus cum usuris sumitur: & est accepti foetus. Vnde & foenus dictum est, ut Graece τόκος, quasi partus mutui sumti - - - Vnde honestius mutuum est, quod sub amico adfectu fiat meum tuum, usu temporis necessarii: foenus sumere dedecet.*

IV. Differentia inter foenus & mutuum.

IV. Ex his verbis non vna elicitur *mutui & foenoris* differentia. I. Mutuum erat gratuitum, neque usurae ordinarie debebantur : foenus usuris exhauriebat debitores. Adeoque illud ad contractum commodati ; hoc ad locationem conductionem accedebat propius. Ger. Noodt. *de Foenerib. & usur.* I, 6. p. 239. II. Illud sub amico adfectu dabatur : hoc inexplibilis habendi cupiditas inuenerat. Seneca *de Benef.* VII, 10. III. Illud honestum, hoc bonis omnibus turpe videbatur. Nota sunt illa Catonis, qui quum varios recensuisset adquirendi modos, quaesitus, *quid foenerari?* respondit: *Quid hominem occidere?* Plin. *Hist. Nat.* XVIII, 5. Cic. *de offic.* II, 25. Idem Cato *de Re Rust. init.* *Est interdum praestans, mercaturis rem quaerere, ni tam periculosum fiet, & item foenerari, si tam honestum.* Maiores enim nostri sic habuerunt, & ita in legibus posuerunt, *furem dupli condemnari, foeneratorem quadrupli.* Quanto peiorem ciuem existimauerint foeneratorem, quam furem, hinc licet existimare. Non minus in viuras inuehitur Seneca *de Benefic.* VII, 10. Vnde profecto non mirum, M. Antonium Octauiano Caesari inter reliqua probra obiecisse etiam auum argentarium. Sueton. *Aug.* I. IV. Porro mutuum ad tempus necessarium dabatur : foenus in certum statumque diem. Solebant enim foeneratores & argentarii sedentes ad medium Ianum (e) in singulas Kalendas

(e) Testatur Cicero *de offi.* II, 25. & *Phil.* V. VI. VII. Horat. *Epist.* I. 1.

O ciues, ciues, quaerenda pecunia primum,  
Virtus

lendas foenerare pecunias. Horat. *Epod. II*,  
v. 67.

*Haec ubi loquutus foenerator Alphius,  
Iamiam futurus rusticus,  
Omnem relegit Idibus pecuniam,  
Quaerit Kalendis ponere.*

Idem *Serm. I, 3*, v. 86.

*Odisti & fugis, ut Drusonem debitor aeris,  
Qui, nisi quum tristes misero venere Kalendae,  
Mercedem aut numos unde unde extricat.*

Et ideo codex, cui inscribebantur illa credito-  
rum nomina, KALENDARIVM (f) vocabatur.  
*L. pen. D. si cert. pet. L. ult. D. de pecul. L. 88. D.*  
de

*Virtus post numos. Hoc Ianus summus ab imo  
Perdocet.*

Tres scilicet Romae erant Iani statuæ, ad quarum v-  
nam creditores, ad alteram foenori posituri numos, ad  
tertiam exigentes conueniebant. Alex. ab Alex. *Ge-  
nial. diar. I, 14.* Rappold. *ad Horat. p. 322.*

(f) Kalendario isti priuati praeponere solebant seruum  
*L. 41. D. de reb. credit.* Erant vero & ciuitatibus eius-  
modi Kalendaria, quibus praeerant curatores Kalen-  
darii, de quibus *L. 18. §. 2. D. de muner. & honor. & L.*  
*9. §. 7. D. de administrat. rerum ad ciuitatem pertin.*  
Meminit eorumdem curatorum vetus lap's apud  
Gruter. *Inscript. p. CCCXLVI, 7.*

P. OTACILIO. L. F. PAL. RVFO. PAT.

IIII. VIR. I. D. II. Q. FLAM. PERPETVO.

DIVI. HADRIANI. AB. EODEM. EQVO.

PVBL.

HONORATO. CVRATORI. KALENDARI.

R. P.

AECLANENSIVM. ELECTO. A. DIVO.

PIO.

PATRONO. MVNICIPI.



*de legat. II. Senec. de Benef. I, 2. & Epist XIV. & LXXXVII.* In hoc ergo Kalendario, praemisso Kalendarum nomine, debitorum subiiciebantur nomina. Vnde Martial. *Epigr. VIII.*

*Superba densis arca palleat numis*

*Centum explicentur paginae Kalendarum.*

Eandem ob causam *Kalendarium exercere* dicuntur foeneratores. *L. 33. §. 1. & L. 39. & L. 41. §. 6. D. de legat. 3. & in Kalendarium conuersa pecunia est, quae nominibus & foenore occupata. L. 39. §. 14. D. de administ. tut. L. 62. D. de leg. 3.* Ut ergo ad foenus redeamus, illud redeuntibus Kalendis soluendum erat, quum mutuum, non nisi usu necessario finito, reddi soleret.

V. Diuersae actiones, quibus mutuum & foenus petitur.

V. Accedit V. & haec differentia, quod diuersae ex mutuo & foenore nascebantur actiones. Mutuum enim repetebatur conditione certi ex mutuo; *pr. Inst. h. t.* foenus actione Kalendarii. Cuiac. *Obs. XI, 37.* quae tamen procul dubio fuit species conditionis certi ex stipulatu.

VI. Mutuum & foenus, quales contractus?

VI. Et ex his facile soluetur quaestio, qualis veteribus fuerit contractus foenoris? Diximus eum proxime accedere ad locationem conductionem, quia numi vsui dantur & accipiuntur certa mercede. Vnde Horat. *Serm. I, 2. v. 9.*

*Omnia conductis coëmens obsonia numis.*

Vbi *numi conducti* sunt foenore sumti. Sed foenus tamen proprie non est locatio, quia numorum non usus, sed abusus est. Accedit, quod contracta locatione eadem res reddenda est, contracto foenore non item. Quare in negotio ysurario duplex interuenit contractus, mutui  
puta

puta & fœnoris, quorum ille re, ist est, pecunia datione, hic verbis, id est stipulatione (g) initur. Neque enim citra stipulationem fœnus contrahebatur, nisi nauticum. L. 5. §. 1. & L. 7. D. de naut. fœnor. item fœnus reip. vel mensuræ argentariæ (h) ut & in his rebus quæ mensura constant. Cuiac Obsêr. IX, 15.

VII. Ut vero tota rei usurariæ ratio eo rectius intelligatur: sciendum est, *vetus admodum in urbe fuisse fœnebre malum, & discordiarum seditio- numque creberrimam causam, eoque antiquis ac minus corruptis moribus non raro cohibitum.* Nam primo XII. tabulis sanctum, ut ne quis vnciario fœnore amplius exerceret, quum antea ex libidine locupletium agitaretur. Tacit. Ann. VI, 16. Quod vnciarium fœnus lege XII. Tabularum constitutum si quis excedere non dubitaret, is quadruplo luebat. Cato de re Rust. præfat.

VIII. Sed quam parum diu ea lex saluberrima valuerit, vel ex eo patet, quod paullo post in Manliano illo tumultu clamaret obaeratus: *Se militantem, se restituentem euersos penates, multiplici iam sorte exsoluta, mergentibus semper sortem usuris, obrutum fœnore esse.* Liu. VI, 14. Quare breui post tempore, ist est A. V. C. CCCLXXVIII. a C. Licinio Stolone, Tribuno plebis, lege cautum

VII. Lex  
XII. Tab.  
de fœno-  
re.

VIII. Lex  
Licinia de  
eodem.

(g) Paull. Recept. Sent. II, 14, 1. Si pactum nudum de præstandis vjuris interpositum sit, nullius est momenti: ex nudo enim pacto inter ciues Romanos actio non nascitur. Conf. L. 24. D. de præscr. verb.

(h) Mensarii publicam rationem conficiebant: argentarii priuatam. Egregia sunt, quæ de vtrisque obseruat Car. Sigon. de ant. iure cit. Rom. II, 11. p. 323, sequ.

(i)

tum est, ut deducto eo de capite, quod usuris praenumeratum esset, id quod superesset, triennio aequis portionibus persolueretur. Liu. VI, 35.

IX. Lex  
Duillia  
Maenia de  
eodem.

IX. Paulo post C. Marcio & Cn. Manlio Coss. rogatio perlata est a M. Duillio & L. Maenio Tribunis plebis de unciario foenore. Ex quo patet, denuo exoleuisse legem XII. Tabularum, maximasque iterum pro minimis irrepsisse usuras. Qua de re Liuus VII, 16 *Haut aequae laeta patribus insequente anno C. Marcio & Cn. Manlio Coss. de unciario foenore a M. Duillio & L. Maenio, tribunis plebis, rogatio est perlata: & plebs aliquanto eam cupidius sciuit, accepitque.*

X. Lex de  
foenore  
semiun-  
ciario.

X. Sed quemadmodum locupletiores nullo foenore poterant satiari: ita plebs ne unciarium quidem aequo animo ferebat. Unde dein rogatione tribunitia ad semiuncias redacta usura, ut ait Tacit. Annal. VI, 16. Factum id anno V. C. CCCCVIII. T. Manlio & C. Plautio Coss. Liu. VII, 27. *Inde otium domi forisque mansit T. Manlio Torquato & C. Plautio coss. semiunciarium tantum ex unciario foenus factum. & in pensiones aequas triennii, ita ut quarta praesens esset, solutio aeris alieni dispensata est.*

XI. Lex  
Genucia  
de usura  
non faci-  
enda.

XI. Postquam semel a plebe animaduersum est, posse minores usuras quam lex XII. Tabularum constituerat, plebiscitis introduci, eo denique prolapsa est effrenis licentia, ut omne foenus tolleret, ac ne leuissimam quidem usuram concederet creditoribus. Qua de re egit anno V. C. CCCCXIII lex Genucia, descripta a Livio VII, 41. *Praeter haec inuenio apud quosdam*

quosdam, L. Genucium, tribunum plebis, tulisse ad populum, ne foenerare liceret. Paulo aliter Tacit. Ann. VI, 16. *Postremo vetita versura*, nisi forte pro *versura* malis *vsuram* ponere. Vt ut sit, lata est haec lex Genucia anno V. C. ccccxiii. C. Martio Rutilo IV. & Q. Seruilio Coss.

XII. Sed dici non potest, quanta arte, XII. Fraudes foeneratores, quorum intererat, ut quod per legem Genuciam non licebat, calliditate consequerentur. Meminit earum fraudum Tacitus Ann. VI, 16. sed breviter: *Postremo, inquit, vetita versura, multisque plebiscitis obuiam itum fraudibus, quae toties repressae, miras per artes rursus oriebantur.* Sed qua in re constiterint illae foeneratorum versutiae, plenius multo ostendit. Liu. XXXV, 7. *Instabat enim cura alia, quod ciuitas foenore laborabat: & quum multis foenebribus legibus constricta auaritia esset, via fraudis inerat, ut in socios, qui non tenentur iis legibus, nomina transcriberent: ita libero foenore obruebant debitores.* Scilicet plebiscitum illud Genucium Romae quidem, ast non in Latium, valebat: licitumque adeo erat sociis & Latini nominis, vsuras quantascunque a debitoribus stipulari. Callide ergo foeneratores agebant cum sociis & Latini nominis, ut paterentur pecunia suo nomine foenori locare. Quo fiebat, ut, necquidquam vetante lege, non minus ac antea glisceret foenebre malum, ciuesque vsuras mordacissimas pendere cogerentur. Ast anno denique V. C. dclx. L. Cornelio Mela & Q. Minucio Thermo Coss. coerceri has foeneratorum artes placuit, lataque eam in rem est lex Sempronia. Et initio quidem edictum,



ut qui post diem proximorum Feralium socii ciuibus credidissent pecunias, profiterentur: & ex ea die pecuniae creditae, quibus debitor vellet, legibus, ius creditori diceretur. Postea vero ubi professionibus detecta est magnitudo aeris alieni, per hanc fraudem contracti, M. Sempronius, Tribunus plebis, ex auctoritate patrum plebem rogauit, plebsque sciuit, VT CVM SOCIIS AC NOMINE LATINO PECVNIAE CREDITAE IVS IDEM, QVOD CVM CIVIBVS ROMANIS, ESSET, Liu. Hist. XXXV, 7. Factum est ergo lege Sempronia, ut quum antea ciues tantum obligaret lex Genucia, deinde etiam socii ac Latini nominis eadem tenerentur.

XIII. Vsur  
ra centesi-  
ma de-  
mum legi-  
tima habi-  
ta.

XIII. Sed his omnibus legibus nihil actum: Recruduit subinde foenebre malum, siue quod pecuniae incrementum non sub antiqua amplius fœnoris adpellatione peteretur, (quod lex prohibebat,) sed sub nouo vsurae vel poenae nomine; siue quod debitores in contrahendo fœnore legis beneficio renunciarent, ut erudite ostendit Ger. Nood. de Fœn. & usur. II. 4. p. 269. Denique eo res deuenit, ut usura centesima legitima haberetur, maiores centesimis vsurae improbarentur, nisi quod nauticum fœnus cuiusque arbitrio relinqueretur. L. 40. D. de reb. cred. L. ult. C. de usur. rei iudic. Si quid supra centesimam solutum non repetebatur quidem illud, sed sortem tamen minuebat: consumpta vero forte, repetebatur quidem, teste Paullo Recept. Sent. II, 15, 2. ast non tamquam usura, sed tamquam fors indebite soluta. L. 26. princ. D. de

D. de condict. indeb. (i) L. 18. L. 26. §. 2. C. de  
usur.

XIV. Quis primus hunc usuris modum constituerit, incertum videtur. Plerique huc trahunt *legem Gabiniam* decepti loco Ciceronis *Epist. ad Att. V, 21. Salaminii quum Romae versuram facere vellent, non poterant; quod lex Gabinia vetabat.* Quum vero Salaminiiis tunc cum Scaptio res esset, qui quaternas postulabat usuras, non abs re colligere sibi videntur ex hoc Ciceronis loco, centesimam usuram inductam esse lege Gabinia. Vid. Barn. Briss *Antiqu. Rom. III, 1. p. 46.* Franc Hotom. *de Legib. p. m. 74.* Sed rationem hos fugere, iam pridem ostendit Io. Fr. Gronou. *de centes. & unciar. usur.* *ἄντεξνυνοε II, 36 p. m. 60.* & post eum Ger. Noödt. *de Foem. & usuris II, 4. p. 269.* Nihil enim hac lege Gabinia fuerat cautum, quam, ut ne quis legato provinciali Romae sub usuris daret mutuam pecuniam: & si dedisset, ne quis magistratus ex ea syngrapha ius diceret, addita poena, cum aduersus foeneratores, qui usuram a provincialibus contra legem acciperent, tum aduersus provinciales, qui darent. Alcon. Paedian. *ad Cic. pro Cornelio.*

XV. Certius ex eadem Ciceronis epistola colligitur, modum hunc usuris esse constitutum ex edicto praetoris. Sane enim quum Cicero Ciliciae XV. Sed ex edicto Praetoris SC. & constitutionibus.

- (i) Usurae enim praestantur; quasi poena morae. L. 40. D. de reb. cred. Quae autem quis poenae nomine persolverat, non repetebantur iure antiquo. L. 4. D. eod. L. 46. D. de reg. iur. Vid. Ger. Noödt. *de foem. & usur.* II, 13. Petr. Faber *ad Tit. D. de Reg. Iur. p. m. 224.*

(II)

F

(k)

liciae Procos. praeesset: ad Atticum scribebat: *Lib. V. epist. ult. Interim, quum ego in edicto tralatitio centesimas me obseruaturum haberem, cum anatocismi anniuersario: ille ex syngrapho postulabat quaternas. Quid ais? inquam, possumne contra meum edictum?* Ex his verbis adparet, Ciceronem in edicto proconsulari Cilicibus proposito promississe, centesimas se obseruaturum, neque adeo vltiores cuiquam vsuras adiudicaturum. Id quod etiam Lucullus obseruauit in prouincia, teste Plut. *Vit. Lucull. p. 504.* Quum itaque iam supra *Prooem. n. XV.* demonstratum sit, proconsules in edictis suis edicta praetorum in plerisque esse sequutos: verosimillimum sane est, ex eodem fonte vsuram centesimam hausisse Ciceronem proconsulem, adeoque hunc vsurarum modum ex iure honorario esse. Quod etiam obseruauit Ger. Noodt. *de Foenor. & Vsur. II, 4. p. 269.* Accessere tamen deinde cum SC. tum & Principum constitutiones, quibus ille vsurarum modus confirmatus est. Senatusconsulti eiusmodi Marcello Sulpitioque Coss. facti mentio fit apud Ciceron. *Epist. ad Att. V, 21.* Constitutionum vero exempla sunt in *L. 13. §. 26. D. de act. emt. & vend. L. 20. C. de vsur.*

XVI. Foenus nauticum.

XVI. Sed hic vsurarum modus tantum ad foenus ordinarium pertinebat, non idem ad pecuniam traiecitiam, quae quamdiu in mari erat naus, infinitas recipiebat vsuras, quia omne pecuniae istius periculum penes creditorem erat, donec naus in portum adpulisset. *L. 1. L. ult. C. de naut. foen. Paull. Recept. Sent. II, 16, 3.* Vnde errat Guil. Budaeus *Annot. ad Pandect. p. 364.* qui pecuniam

niam traiecitiam pro itu & reditu non nisi duplicem centesimam admisisse existimat, vt recte atque erudite ostendit Ger. Noodt. *de Foen. & usur.* II 7. p. 276. Simul ac subducta esset nauis periculo: cessabat illud foenus nauticum, idemque seruabatur, quod in aliis pecuniis, quae periculo erant debitoris, adeoque non nisi centesima usura exigi poterat. *L. 4. D. de naut. foen.* quam etiam tanquam ordinarium foenus nauticum retinuit Iustinianus, ceu adparet ex *L. 26. §. 1. C. de usuris.* Formulas contractus de foenere nautico habemus in *L. 122. §. 1. ff. de Verb. oblig. L. 1. C. de naut. foen.*

XVII At Iustinianus nouissime omnia mutauit ita tamen, vt sibi suo more parum constaret. Nam usuras nauticas non nisi centesimas esse voluit. *L. 16. §. 1. C. de usur.* qua in lege etiam vulgares & populares usuras semisses statuit: mercatoribus vero beses, & illustribus non ultra trientes concessit. Centesimas tamen etiam exigi passus est ex speciebus foenori datis, veluti oleo, frumento aliisque rebus fungibilibus, quarum incertum & varium pretium esse solet. *L. 22. C. eod.* Quin centesimis paullo maiores usuras petere licebat ab agricolis, quibus creditum fuerat frumentum, quippe qui soluebant octauam singulorum modiorum partem. *Nov. xxxii. cap. I. Alt. Nov. CVI.* longe ampliores indulgit, quam constitutionem denuo ipse abo-  
euit *Nov. cx.* Vt adeo ex eo tempore procul ducio *L. 16. C. de usuris* in foro aliquamdiu vigerit.

XVII. Nouum ius a Iustiniano inuectum.

XVIII. Quum vero modus computandi XVIII.

usuras, quo vsi sunt Romani, multum ab hodi-  
F 2 erno  
Modus computandi usuras.



erno differat, neque omnibus adeo expeditus videatur : (k) dabimus operam, vt post Salmasium, Gronouium, Martinum Schookium, (l) Vinc. Grauinam & Ger. Nood. rem omnem, quanta

(k) Adeo intricatus iam veteribus videbatur ille vsuras computandi modus, vt pueros suos ab ipsis incunabulis ad intelligentiam huius calculi instituerent. Hinc Horat. *Serm.* I, 6. v. 72.

- - - Magni

*Quo pueri magnis e centurionibus orti,  
Laeno suspensi loculos tabulamque lacerto  
Ibant octonis referentes idibus aera.*

Et de Arte poet. v. 325.

*Romani pueri longis rationibus assem  
Discant in partes centum deducere. Dicat  
Filius Albin, si de quincunque remota est  
Vncia, quid superat? poteras dixisse: triens: eu  
Rem poteris seruare tuam. Redit uncia quid sit?  
Semis.*

Vides exempla arithmetica, ex arte foeneratorum desumpta, quibus iam pueros exercebant Romani vt tricis huius calculi eos tanto maturius adsuafacerent.

(l) Magna & acris inter Martinum Schookium & Gronouium ea de re nata est controuersia. Modum computandi vsuram explicauerat Gronouius *de Pec. vet.* III, 13. Quo loco quum dissensisset a Salmasio, huius defensionem infeliciter suscepit Schookius *Exerc. Sacr.* XIX. vbi vnciarium foenus idem putat cum centesima. Edidit ergo Gronouius anno MDCLXI. *Ἀντεξήγησις de centesimis vsuris & foenore vnciario aduersus Theologistoricophilosophologum.* Sequutae sunt eodem anno Martini Schookii *Vindiciae suae & virorum doctorum sententiae de foenore vnciario.* Sed & his Io. Fr. Gronouius opposuit *Ἀντεξήγησις* secundam anno MDCLXIV. Sequuta denique Schookii *Seria & solida*

quanta fieri potest, perspicuitate, explicemus. Romani sortem vniuersam foenore occupandam diuidebant in centena : de qua summa maxima, quam stipulari licebat, vsura erat centesima in mensem, Columella *de re Rust.* III, 3. id est, si quis centenos denarios credidisset, poterat a debitore sibi singulos denarios in singulos menses stipulari, eaque, vsura vocabatur *centesima* vt & *legitima*, L. 7. §. 4. & 10. D. *de adm. tut.* vel *maxima* & *grauissima* L. 7. §. 8. & L. 54. D. *de adm. tut.* L. 38. D. *de negot. gest.* Ea pars centesima singulis Calendis solui solebat. L. 26. ff. *de pos.* Et inde est, quod Ouidio vocantur *celeres ac tristes calendae*. Quum vero duodecim sint menses : quidquid per integrum annum vsurarum praestandum erat, vocabant *assem vsurarium*, & quia eumque suo more in duodecim vncias distribuebant (Vid. supra Lib. II. Tit. XIV. n. 5.) hinc quod singulis mensibus vsurae nomine soluendum erat, VNCIAM vocabant. Ergo *uncia* erat centesima pars sortis, quae in singulos menses, tamquam vsura, dependebatur : duodecim vero vnciae, vel partes centesimae, quas singulis annis lucrabantur foeneratores, *assem vsurarium* constituebant. Et iste as vsurarius intelligendus in loco Plinii *Epist.* X, 62. quem ita vulgo exhibent editiones : *Nam & praediorum comparandorum aut nulla , aut rarissima occasio*

*solida Responsio* , edita Coloniae Brandenburgicae MDCLXVIII. Alios libellos eristicos prodiisse, non memini. Tertiam tamen Ἀντιζηγῆσι postumam editit Iacobus Gronovius filius.

*occafio est: nec inueniuntur, qui velint debere, rei publicae praesertim, duodenis assibus, quanti a priuatis mutantur.* Certissimum est, aut delendum hic *τὸ duodenis*, vt iubet Ger. Nood. *de Foen. & vsur.* II, 2. p. 265. aut *vsuris* reponendum, quod malunt Salmaf. *de modo vsur.* VII. p. 269. & Gronou. *Ἀντίξιν*, II. *de Centes. vsur. & Assē vsurar.* §. LXI. p. 107. As enim vsurarius, vel vsura assis maximum erat foenus, quod a priuatis exigebatur: duodeni vero asses ipsam sortem superassent. Vnde miror vulgatam lectionem tueri V. C. Christophorum Cellarium.

XIX Quid

vsurae  
centesi-  
mae vel  
asses?

XIX. Hisce ergo obseruatis, facile licebit singula vsurarum nomina explicare. *Centesima* vel assis vsura, legitimarum omnium maxima, singulis mensibus e centum denariis reddebat vnum, adeoque vertente anno denarios duodecim, id est, nostro loquendi more *duodecim pro centen.* Haec vsura licet satis magna, tamen legitima erat, vt supra obseruauimus, adeoque satis vsitata. Cautio sane eiusmodi, qua ex mora promittebantur vsurae centesimae, occurrit in L. 40. *D. de reb. cred.* cui legi iungi meretur locus Sidonii Apoll. *Epist.* IV, 24. & Marmor apud Gruter, *Inscr.* p. C. LXXV, 4. vbi donum datum, *vt ex vsuris centesimis eius quantitatis, quae efficit annuos --X--DC. die VIII. Kal. Octobr. natali diui Augusti erogarentur ex arka.*

XX. Quid  
deunces?

XX. Proximae erant *vsurae deunces*, quae tres quadrantes & duas duodecimas vnciae singulis mensibus, vndecim vncias per annum reddebant, id est, *undecim pro centen.* Nec hae infrequentes etant veteribus. Meminit sane earum Persius *Sat. V. v.* 149.

Quid

*Quid petis? ut numos quos hic quincunce modesto*

*Nutrieras, avidos pergant sudare* DEVNCES?

Quemadmodum ergo vsuras asses vel centesimas maximas & grauissimas vocabant: ita decunces *avidas* vocat Persius.

XXI. Sequuntur *dextantes*, vel *decunces*, quae tres quadrantes & duodecimam partem vnciae in mensem; decem vncias in annum reddunt, id est, nostro loquendi more *decem pro centenis*. Mentio fit vsurarum eiusmodi in marmore apud Salmas. *de modo vsur.* VII. p. 276.

XXI. Quid decunces vel dextantes?

XXII. *Dodrantes* vsurae tres quadrantes vnciae singulis mensibus, nouem vncias in annum reddebant id est, *nouem pro centenis*. Eiusmodi tamen vsurae nusquam, quod sciam, meminere veteres,

XXII. Quid dodrantes?

XXIII. Excipiunt has vsurae *besses*, quae singulis mensibus duas tertias partes vnciae, in annum octo vncias reddebant, id est, *octo pro centenis*. Meminit eiusmodi vsurarum Cicero *Epist. ad Att.* IV, 15. & *L. pen. C. de vsur.*

XXIII. Vsurae besses?

XXIV. *Septunces* porro dicebantur vsurae, quae singulis mensibus dimidiam & duodecimam partem vnciae, vertente anno septem vncias assis vsurarii, adeoque nouo loquendi more *septem pro centenis* reddebant. Exemplum existat in marmore Veneto, quod describit, suoque more illustrat. Salmas. *de modo vsur.* Cap. VII. p. 277. sequ.

XXIV. Quid septunces?

XXV. Frequentissimae porro vsurae erant *semisses* vel *semissales*, quae semiunciam singulis mensibus, & semissem vel sex vncias in annum praestabant, eaeque *ciuiles* & *modicae* dicuntur

XXV. Quid semisses?



Plinio *Hist. Nat.* XIV, 4. Conueniunt sane cum hodiernis, quae *sex pro centenis* reddere dicuntur. Saepius earum meminerunt leges nostrae L. 5. *D. de oper. publ.* L. 10. *D. de pollicit.* L. 17. *D. de usur.* L. 102, §. 3. *D. de solut.* vt & ex auctoribus Plinius l. c. & Columella III, 3. Immo & vetus Inscriptio apud Gruter. p. CCXV, 2. VOLO. AVTEM EX VSVRIS. SEMISSIBVS. HS. X. N. COMPARARI. AVGVSTALIVM. LOCI. N. AD INSTRVMENTVM. TRICLINIORVM. DVVM. QVOD. EIS. ME. VIBO. TRADIDI. CANDELABRA. ET. LVCERNAS. Aliud marmor simile a Scaligero iam prolatum illustrat idem Salmas. *de mod. usur.* cap. VII. p. 281.

XXVI.  
Quid quincunces?

XXVI. Usurae quincunces tertiam & duodecimam partem vnciae in mensem, quinque vncias in annum reddebant, id est, *quinque pro centenis*. Eas usuras *lenioribus* adnumerat Vlpianus L. 7 §. 10. *D. de administrat. tutor.* Persius vero Sat. V, v. 149. *modestas* adpellat, dum ita canit:  
- - - Numi, quos hic quincunce modesto

Nutrieras

Mentio quoque earundem fit. L. 17. *D. de usur.* & L. 102. §. 3. *D. de solut.* & in marmore apud Salmasium *ibid.* p. 283.

XXVIII.  
Quid trientes?

XXVII. Trientes minimis accenset Iul. Capitolin *vit. Anton. Pii* II. eaeque tertiam partem vnciae in singulos menses, quatuor vncias in annum, id est, vt nos loquimur *quatuor pro centenis* reddebant. Meminit huiusmodi usurarum Cicero *Epist. ad Attic.* IV, 15. L. 7 §. 10. *D. de administ. tut.* & Lamprid. *vit. Alexand. Sen.*

XXI.

XXVIII.

XXVIII. *Quadrantes* usurae quartam partem vnciae singulis mensibus ; tres vncias in annum reddebant, id est, *tres pro centenis*. Exemplum earum exstat. L. 21. D. de ann. leg.

XXVIII. Quid quadrantes ?

XXIX. Proximae sunt sextantes , quae sextam partem vnciae singulis mensibus, duas vncias vertente anno praestabant, id est, *duo pro centenis*. Quae denique duodecimam partem vnciae singulis mensibus, & integro anno integram vnciam, id est, vnum pro centenis reddebant dicebantur usurae vnciae vel vnciariae. Tacit. Ann. VI, 16. ex quo facile etiam patet, quodnam fuerit foenus semiunciarium apud Liu. VII, 27.

XXIX. Quid sextantes, vnciariae semiunciariae ?

XXX. Sed caue existimes, his usuris contentam fuisse foeneratorum avaritiam. Minime omnium. Praeterquam enim quod modum usurarum legitimum miris fraudibus euertebant, quas accurate suo more describit Ger. Nood. de Foen & usur. II, 13. p. 291. non dubitabant ii, qui malis incertisque nominibus credebant, usuras maiores centesimis stipulari. Tum vero & assem usurarium multiplicabant, & partes eius, exigentes aliquanto supra legitimam usurarum summam, e. g. binas, ternas, centesimas, ita tamen, ut numquam ab assis ratione discederent. Binarum centesimarum exactarum a foeneratoribus meminit Cicero Verrin. III, 71. Triplicis usurae, id est, ternae centesimae Iuuenal. Sat. IX. v. 7.

XXX. V. usurae binarum, ternarum, quinarum centesimarum.

*Non erat hac facie miserabilior Crepereius*

*Pollio, qui triplicem usuram praestare paratus*

*Circuit, & fatuos non inuenit.*

Quaternas usuras exegerunt Scaptius & Matinius,

nus, impudentissimi foeneratores, vel potius Brutus, qui eorum opera in pecuniis foenori locandis utebatur, de quibus Cicero *Epist. ad Attic.* V, 21. VI, 1. & 2. Immo eo progressa erat foeneratorum auaritia, ut ne quinas quidem usuras exigere dubitarent. Qua de re Horat, *Serm.* I, 2. v. 12.

*Fusidius vappae famam timet ac nebulonis,*

*Dives agris, diues positus in foenore numis.*

*Quinas hic capiti mercedes exsecat, atque*

*Quanto perditior quisque est, tanto acrius urget.*

Atqui sanguinolentae plane erant hae usurae, siquidem, qui binas centesimas sponponderant, singulis annis viginti quatuor, qui ternas, triginta sex; qui quaternas, quadraginta octo; qui quinas, sexaginta pro centenis usurae loco soluebant. Hadriani temporibus inualuerat, ut foeneratores creditis mille aureis, ex ea summa eodem momento deducerent centum, & cautione nihilominus in mille aureos concepta, usuras praeterea centesimas in singulos annos stipularentur, easque vertente anno in fortem redigerent. (m) Quod genus usurarum adeo mordax erat, ut intra sex annos fors duplicaretur. *Dosit. Sent. D. Hadr. III, §. p. 864.* Cuiac. *Observ. XXI, 9.*

XXXI.

(m) Est hic *Anatocismus*, quem olim licitum fuisse postea vero SC. prohibitum, patet ex Cic. *Epist. ad Attic.* V, 21. Postea eundem constitutionibus suis proscripserunt Imperatores. Vid. L. 27. *D. de re indicat.* L. 20. *C. ex quib. caus. infam. irrog.* Add. Ger. Nood. *de Foen. & Usuris* II, 11. p. 236.

XXXI. Sufficiant haec de mutuo, foeno- XXXI.  
 re & usuris. *Commodati & depositi contractus*, Contra-  
 qui & ipsi re ineuntur, ita sunt comparati, vt in ctus com-  
 iis Romani a iure gentium & communi omni- modati &  
 um hominum consuetudine haut recesserint. depositi.  
 Vnde vix quidquam hic ex antiquitatibus vi-  
 detur explicandum. Depositum contractus id  
 singulare habebat apud Romanos, quod si quis  
 dolose circa depositum esset versatus, is ex le-  
 gibus duodecim tabularum duplo hoc lueret.  
 Quam legem decemuiralem Iac. Gothofred. *ad*  
*Leg. XII. Tab. Tab. III.* his verbis expressit: SI  
 QUID ENDO DEPOSITO DOLO MA-  
 LO FACTVM ESCIT, DVPLIONE LVI-  
 TO. Ea vero poena non tantum inficiando  
 crescebat, vt fieri solebat in aliis, quod existima-  
 uit tamen vir summus Iac. Cuiacius *Paratitl. C.*  
*deposit.* & Pithoeus *ad Coll. Leg. Mos. & Rom. X. 7.*  
*p. m. 771.* sed omnis omnino dolus depositarii  
 ex legibus XII. Tabularum duplo ut videtur  
 vindicabatur, (n) & quidem non duplicatis, (vt  
 Marcil. *Interp. XII. Tab. XV. p. 70.* putat) fructi-  
 bus, sed dupli eius rei praestatione, quam quis  
 custodiendam tradiderat Schulting. *Iurisp. an-*  
*teinst. p. 771.* Ian. Vinc. Graulina *de LL. XII. Tab.*  
*LI. p. 353.* Furi enim similis videbatur depofi-  
 tarius dolosus. *L. 13. D. depos.* Tam dirum  
 etiam hoc crimen videbatur veteribus, vt & de-

(n) Actio enim a Iustiniano prodita, quae inficiando  
 crescit, procul dubio recentioris aevi, & ab Impera-  
 toribus demum inuenta est. Schulting. *Iurisp. ante-*  
*inst. p. 771.*



deposito negando cogitantes a Diis cum vniuersa familia exstirpatum iri crederentur, quo pertinet exemplum Glauci Spartani apud Herodot. *Lib. VI.* Praeterea eos dentes amittere putabant, qui depositum negassent, de qua veterum opinione quaedam notauit Casaubon, in *Lect. Theocrit.* p. 85. Quare & Plin. *Epist. X.* 97. non putabat, se luculentius probitatis testimonium praebere posse Christianis, quam dum eos se inuicem sacramento obstringere, ait, *ne fidem fallant, ne depositum adpellati abnegent.* Quare non mirum est, Decemuiros tam improbis hominibus dupli poenam statuuisse. Enimuero postea praetor hanc poenam mitigauit, actionemque in simplum tantum dedit, praeterquam si depositum esset miserabile negatum, quo casu veterem dupli poenam retinuit. L. 1. §. 1. *D. depos.* Verba edicti haec fuere: QVOD NEQVE TVMVLTVS, NEQVE INCENDII, NEQVE RVINAE, NEQVE NAVFRAGII CAUSA DEPOSITVM SIT, IN SIMPLVM: EX EARVM AVTEM RERVM, QVAE SVpra COMPREHENSAE SVNT IN IPSVM IN DVPLVM: IN HEREDEM EIVS. QVOD DOLO MALO EIVS FACTVM ESSE DICETVR, QVI MORTVVS SIT, IN SIMPLVM, QVOD IPSIVS. IN DVPLVM IVDICIVM DABO. Idem tamen praetor etiam infames esse iussit, QVI DEPOSITI SVO NOMINE NON CONTRARIO IVDICIO, DAMNATVS SIT. L. 1. & L. 6. §. 6, *de his qui not. infam.*

**XXXII.** Contractus pignoris quid sit, **XXXII.**  
 quae inde actiones nascantur, quatenus ac <sup>Contra-</sup>  
 quanta praestanda diligentia, satis a doctoribus <sup>ctus pi-</sup>  
 explicatur. De alienatione quoque pignoris <sup>gnoris.</sup>  
 supra actum *Lib. II. Tit. VIII. n. 3.* Quare nihil  
 est, quod de contractibus, re initis, addamus  
 amplius, praeterquam quod monendum videat-  
 ur, pignori saepe accessisse contractum *fidu-*  
*ciae*, quoties nimirum debitor creditori pignus  
 mancipabat vel in iure cedebat, ea lege, ut red-  
 dita pecunia, illud sibi remanciparet. Quo ipso  
 dominium rei oppignoratae in creditorem  
 translatum esse recte observat Isidor. *Orig. V, 21.*  
 saepe huius fiduciae in pignoribus interpositae  
 meminerunt. Paullus *in Rec. Sent. I, 10, II, 13, V, 22.*  
 Tertullianus & alii. Tu vide Cuiacii & aliorum  
 virorum doctorum Scholia ad Paullum, &  
 Salmas. *de Mod. Vsur. Cap. XIV. p. 590. sequ.*

## TIT. XVI-XX.

DE

VERBORVM OBLIGATIONIBVS  
SEV STIPVLATIONIBVS.

**S**equuntur contractus, qui verbis ineuntur, &  
 quidem non quibusvis, sed solemnibus &  
 accurate conceptis. Horum olim tres erant,  
**STIPVLATIO, DOTIS DICTIO & iusiur-**  
**randum,** quo liberti operas promittebant pa-  
 trono. Cai. *Inst. II, 9. 3.* Sed de *dotis dictione* egi-  
 mus supra *Lib. II. Tit. VIII.* Iurisiurandi a li-  
 bertis praestandi saepe in iure fit mentio, quanti-  
 vis

uis formula eius, quod meminerim non exstat. Iam de STIPVLATIONIBVS quaedam ex antiquitatibus repetenda, de reliquis parcius agendum erit.

I. Stipulatio vnde dicta?

I. Commune horum contractuum nomen hodie est *stipulatio*, quae, vnde dicta sit, non adeo expeditum est. Vulgo id deriuant a veteri *stipulum*, quod idem sit ac firmum. Paull. *Recept. Sent. V, 7. §. princ. Inst. de verb. oblig.* quemadmodum & in Glossis Basilicis *στυβάριον* est *ἰσχυρόν*, firmum. Ast alii a *stipe* dictam existimant stipulationem, quia circa stipem vel rem pecuniariam potissimum stipulari & restipulari consueuerint veteres. Ita enim Varro de *Lingua Lat. IV, 16. p. m. 30.* *Aes quoque stipem dicebant.* Nam quod asses librae pondo erant, qui acceperant maiorem numerum, non in arca ponebant sed in aliqua cella stipabant, id est, componebant, quo minus loci occuparet: a stipando stipem dicere coeperunt. Stipare ab *στέβω* fortasse Graeco vocabulo. Id adparet. quot ut alias tum institutum etiam nunc, diis cum thesauris asses dant, stipem dicunt, & qui pecuniam alligat, stipulari & restipulari. Eodem modo Festus in voce stipem p. m. 139. *Stipem dicebant pecuniam signatam, quod stiparetur.* Ideo stipulari dicitur is, qui interrogatus spondet stipem, id est, aes. Denique ab his omnibus abit Isidorus. *Orig. IV, 24. p. m. 230.* qui stipulationem deducit a stipula, hanc adiiciens rationem: *Veteres enim, quando sibi aliquid promittebant, stipulam tenentes frangebant, quam iterum iungentes, sponsones agnoscebant.* Quae Isidori obleruatio si vera esset, simul insignem stipulandi ritum nos doceret. Sed quum nusquam huius ritus fiat mentio, nec etiam

etiam Varroni & Festo facile concedamus, stipulationes olim solis pecuniariis promissionibus accessisse: merito Pauli & Iustiniani derivationem reliquis anteposimus.

II. Erat vero stipulatio conceptio verborum, quibus is, qui interrogabatur, daturum facturumve se, quod interrogatus erat, respondebat. *L. 5. §. 1. D. de verb. obl.* Vnde & interrogatio nonnumquam simpliciter dicitur. *Sen. de Benef. III, 16.* & Graecis ἐπρωτησις, (a) vel ὁμολογία ἢ ἀπό-  
II. Stipulatio quid?

ἐρωτήσεως, &c Salmaf. *de Usur. VI. p. 127.* Ceterum qui stipulabatur, eum interrogare dicebant vel rogare. Is, a quo quis stipulabatur, spondere vel promittere dicebatur. *Plaut. Pseud. I, 1. v. 112. seq.*

- - PS. *Roga me viginti minas,*

*Vt me effecturum tibi, quod promisi, scias.*

ROGA, CA. obsecro hercle PS. gestio PROMIT-  
 TERE.

Vnde &, quid sit reus stipulandi, quid reus promittendi, facile adparet.

III. Conceptiones illae verborum nihil erant aliud, quam interrogationes, ad quas alter congrue respondebat. Veluti: SPONDES? SPONDEO. PROMITTIS? PROMITTO.  
III. Stipulationum formulae.

DABIS? DABO. FACIES? FACIAM. §. 1. *Inst. de verb. obl.* Siceodem loco Plautus v. 115.

CA. DABISNE *argenti mihi hodie viginti minas?*

PS. DABO.

Eius-

(a) Ex quo simul patet, cur baptismus vocetur συνειδή-  
 σεως ἄγαθῆς ἐπρωτήσια εἰς θεόν. 1. Petr. III, 21. Interrogationes enim baptismales & responsiones baptizati vel sponsorum stipulationum instar sunt: *Credisne? credo. Abrenuncias: abrenuncio.*



Eiusdem tamen efficaciae erat responsio, concepta impersonaliter, qualis est illa apud eundem Plaut. *Pseud. IV, 6. v. 14.*

*SI. Nullum periculum est, quod sciam stipularier.*

*Vtoccoepisti verba. viginti minas*

DABIN? BA. DABVNTVR.

Conf. Plaut. *Bacchid. IV, 6. 38.* Nonnumquam & is, qui promiserat, denuo rogabat, & qui rogauerat, denuo promittebat, idque vocabant *restipulari*. Stipulatio vero & restipulatio *Sponsio* dicebatur. Nota est sponsio iudicialis: *spondesne quingentos, si meus sit? spondeo, si tuus sit. Et tu quoque spondesne quingentos ni tuus sit? spondeo ni meus sit.* Vid. Car. Sigon. *de iudiciis I, 21. p. 466.* Quaerunt prudentes nostri, cur in stipulatione interrogatio & responsio exigantur? Et hic multi multa & varia differunt. Sed acute obseruat Guido Pancirol. *Var. Lect. III, 25.* nihil magnae rei, & quae in perpetuum obligare deberet, sine interrogatione & responsione gestam esse apud Romanos. Tales enim interrogationes & responsiones factas obseruamus in ferendis legibus, plebiscitisque, in rogando senatu, in arrogationibus, contrahendis nuptiis, pangendis foederibus, facienda deditioe, vt facile adpareat, praecipuum semper animi deliberati signum Romae visum esse interrogationem ac sequutam responsionem congruam.

IV. Respō-  
dendum  
erat con-  
grue.

IV. Id porro accurate erat obseruandum, vt responderetur congrue. Hinc si alter rogaret quinque, alter decem promitteret, vel si alter rogaret pure, alter cum conditione promitteret, inutilis erat stipulatio §. 5. *Inst. de inutil. stipul.*

*stipul.* Exemplum est apud Plaut. *Trinum. V, 2: v. 34. sequ.* Quum enim interroganti Lysiteli: *sponden' ergo tuam gnatam uxorem mihi?* responderet Charnides: *Spondeo & mille auri Philippum dotis:* inutilis erat stipulatio. Et hinc quum denique inter eos de dote quoque conuenisset, repetebatur stipulatio. *v. 39.*

*L.T. Isthac lege filiam tuam SPONDEN' mihi uxorem dari?*

### CH. SPONDEO.

V. Satis tamen recta videbatur stipulatio, si alter alteri interroganti respondisset *quidni?* *L.* <sup>V. Sufficiebat tamen</sup>  
 1. §. 2. *D. de verb. oblig.* Nec referebat, Latine <sup>responsio</sup>  
 quis an Graece stipulatus esset, item eademne <sup>qualis-</sup>  
 vterque lingua usus esset nec ne. §. 1. *Inst. de verb.* <sup>cumque,</sup>  
*obl.* Sufficere enim videbatur, modo per inter- <sup>dummodo</sup>  
 pretes se inuicem intelligerent. *L. 1. fin. D. de verb.* <sup>congrua.</sup>  
*obl.* Quae quum ita sint, ne forte contrahentes

in formula errarent, saepe stipulationes Icti componebant, ceu variis. Ciceronis testimoniis demonstrat Briffon. *de Formul. Libro VI. p. 490.*

VI. Non  
 VI. Non  
 latis. Hinc interrogante altero, altero tantum <sup>vero nutus</sup>  
 adnuente, nulla concepta videbatur stipulatio, <sup>& respon-</sup>  
*L. 1. §. 2. D. b. t.* Neque etiam stipulari poterant <sup>sio litteris</sup>  
 surdi & muti, neque promittere § 7. *Inst. de inut.* <sup>scripta.</sup>  
*stipulat.* Nec sufficebant litterae inter absentes.  
 §. 11. *Inst. eod.* Si tamen in instrumento esset  
 scriptum, promississe aliquem, omnia praesume-  
 bantur solemniter acta. §. 16. *Inst. eod. Paull. Rec.*  
*Sent. V, 7. 2.* Fallitur ergo Cl. Salmasius, *de*  
*Vsur. VI.* dum existimat, si quis in chirographo  
 esset fassus se promississe, id perinde valuisse, ac si

(II.)

G

inter-

interrogatione praecedente responsum fuisset, idque perperam colligit ex *L. 41. §. 2. D. de usur.* In chirographo enim illo, hac lege memorato, etiamsi stipulationis nulla fieret mentio, intelligi tamē debet eam intercessisse, vt recte obseruat Ger. Nood. *de foen. & usur. III, 2.* Idem etiam sentiendum de *L. ea quae 57. D. de donat. inter. vir. & ux. L. 134. D. de V. O.*

VII. Qui potuerint stipulari?

VII. Stipulari poterant omnes, quibus licebat contrahere, quique intelligebant negotium ac velle poterant. Ast inutilis erat stipulatio furiosorum, §. 8. *Inst. de inut. stipul. yt & seruorum. §. 6. eod.* Et hinc iocosa tantum est Pseudoli serui promissio apud Plaut. in *Pseud. I, 1. v. 112.* Stipulari tamen serui poterant ex persona dominorum, vnde quacunque formula essent stipulati, non sibi, sed dominis acquirebant, praeterquam si factum in stipulatione contineretur, *pr. §. 1. & 2. Inst. de seru. stipul.* Immo & seruus hereditarius, nondum licet adita hereditate, vtiliter stipulabatur, quia hereditas iacens in plerisque personae defunctae vicem sustinebat. *princ. Inst. eod.*

VIII. Stipulationes pupillorum.

VIII. Ad pupillos quod attinebat, ii aut infantes erant, aut pubertati propiores. Infantes nec rogare nec promittere poterant: sed eorum res administrabant tutores. Sin vero ab ipsis tutoribus vel eorum fideiussoribus aliquid esset stipulandum: eorum vice stipulabantur serui vel proprii vel publici. Exemplum vide supra *Lib. 1. Tit. XXIV, §. 3.* Pubertati propiores aut alios obligabant, aut obligabantur aliis. Priore casu recte stipulabantur etiam sine tutoris

ris auctoritate. Posteriore vero rogati promittere non poterant, nisi auctores fierent tutores.

§. 9. *Inst. de inut. stipul.*

IX. Qui erant in potestate, liberi utiliter stipulabantur poterantque & promittere aliis, & alios rogare, §. 6. *Inst. h. t.* excepto mutuo, cui resistebat SC. Macedonianum, de quo infra ad *Lib. IV. Tit. VII.* agetur pluribus. Inter patrem tamen & filium in potestate constitutum inutilis erat stipulatio, siquidem hi, iure Romano veteri, pro vna persona reputabantur.

IX. Stipulationes liberorum, qui in potestate erant.

X. Nemo quoque poterat aliis stipulari, praeterquam iuri suo subiectis. §. 4. *Inst. de inut. stip.* Receptum enim a iureconsultis Romanis erat hoc principium, obligationem ex contractu non nisi contrahentes adficere. *L. 3. C. de inut. stipul.* Solebant tamen hoc casu poenam stipulari, ut si alteri non esset satisfactum, haec solueretur. §. 18. *Inst. h. t.* Quin & tum quoque aliis stipulari licebat, si eius, qui rogabat, interesset. Hinc recte tutor a contutore stipulabatur, rem pupillo saluam fore §. 19. *Inst. h. t.*

X. Aliis stipulari non licebat.

XI. Poterant & duo pluresue rei fieri & stipulandi & promittendi. Stipulandi quidem, si post utriusque interrogationem promissor responderit: *utriusque vestrum dare spondeo*. Promittendi, si duo quaesiti, singuli responderint separatim: *Spondeo*. Exemplum est apud Plaut. *Trinum. V 2. v. 39.* ubi Lysiteli Iuveni interroganti: *isthac lege filiam tuam sponden' mihi uxorem dare?* non solum Charmides socer respondet *spondeo*, sed & Callicles amicus addit: *& ego spondeo idem hoc.* Eiusmodi vero obligationum is erat effectus, ut

XI. Correi stipulandi & promittendi.



vel solidum singulis deberetur, vel promittentes singuli tenerentur in solidum, ita tamen, vt vel alter accipiendo. alter soluendo debitum, omnium perimeret obligationem, & omnes liberaret. *pr. & § 1. Inst. de duob. reis stipul.*

XII. Stipulatio pura & in diem & sub conditione facta.

XII. Poterat vero omnis stipulatio & pure, & in diem, & sub conditione, & ad certum locum fieri. Si pure promissum, debitum confestim peti poterat: si in diem, dies quidem statim cedebat, sed non prius, quam venisset dies promissum poterat exigi. Si sub conditione: existente demum conditione committebatur stipulatio. Si locus denique insertus stipulationi: tantum tempus promittenti concedendum erat, quantum sufficere videbatur ad rem eo loco praestandam. §. 2. 4. 5. *Inst. de V. O.*

XIII. Ad certum tempus stipulari nemo poterat, vbi & de stipulationibus praeposteris.

XIII. At si ita quis stipulatus esset: *Decem aureos annuos quoad viuam, dare spondes?* pure facta obligatio videbatur, & perpetuabatur: petenti tamen exceptio pacti opponi poterat. Ad tempus enim ex principiis iuris Romani deberi non poterat. §. 3. *Inst. eod.* Inutiles porro erant stipulationes: POST MORTEM MEAM VEL TVAM DARI SPONDES? PRIDIE QVAM MORIAR, VEL MORIARIS DARE SPONDES? (b) Nam quod ad priorem attinet, non ferebant iuris Romani principia, vt obligatio a persona heredis inciperet: (L. 11. D. de obl. & action. Cuiac. ad L. 217. D. de V. S.) posterior vero ideo non poterat non inutilis esse,

(b) Iustinianus tamen eas valere iussit L. 11. C. de consr. & comm. stip.

esse, quia tempus mortis semper incertum est. Caii *Inst.* II, 9. 7. & 8. Aequae inutiles erant stipulationes praeposterae, quibus tamen Iustinianus itidem perfectum robur accommodavit. §. 13. *Inst. de inutil. stip.* Denique si quid, aut quod non erat in rerum natura, vel in commercio, aut sub conditione impossibili promittebatur: inutilis & haec videbatur stipulatio. §. 1. 2. 10. *Inst. eod.*

XIV. In primis vero respiciebatur ad causam. Neque enim in stipulationibus sola verba valide obligabant, non magis quam in dominio transferendo sola sufficiebat traditio. Quemadmodum enim hic iusto titulo opus erat: ita, ut stipulatio valide obligaret, subesse debebat obligandi causa, & talis causa etiam vocabatur *causa civilis*. L. 49. §. 2. *D. de pecul.* Deficiente vero tali causa, agendi obstabat exceptio doli mali L. 2. §. 3. *D. de dol. mal.* Schult. *Inrispr. anteiust.* p. 464. Vnde adeo non valebat promissio ex turpi causa, ut & exceptio petenti opponi posset, L. 8. *D. de condict. ob turp. vel ini. caus.* & si accipientis solius esset turpitudine, soluti daretur condictio. L. 1. *fin.* L. 2. §. 1. L. 4. §. 2. *D. eod.* Exemplum in signe Otaciliae Laterensis exstat. apud Valer. Max. VIII, 2, 2 Commune itaque stipulatio erat omnium obligationum adstringendarum vinculum. Vnde adhibebatur in emtionibus venditionibus, Varro *de Re rust.* II, 2, 3. 5. Plaut. *Captiv.* I, 2. L. 3. §. 1. *D. de act. emt. pactis.* Paull. *Sent. Rec.* II, 22. L. 7. §. quod fere *D. de pact. mutuo*, L. 6. §. 1. *D. de nouat. cautionibus vel chirographis*, L. 40. *D. de reb.*

XIV. Stipulatio  
suppone-  
bat iustam  
causam.

*credit. L. 122. §. 1. D. de V. O. locationibus con-*  
*ductionibus, L. 54. pr. D. Locat. L. 58. pr. D. de*  
*fideiuss. societatibus, L. 71. D. pro soc. immo in re-*  
*liquis contractibus omnibus.*

XV. Stipu-  
 lationibus  
 nonnum-  
 quam ac-  
 cessit  
 mancipa-  
 tio.

XV. Porro & id praetermittendum haut  
 videtur, stipulationi nonnumquam veluti ad-  
 pendicem accessisse mancipationem per aes &  
 libram: quod in acceptilationibus factum con-  
 stat. Pertinet huc egregius locus Ciceronis *de*  
*Legib. II, 21. Hoc vero nihil ad pontificium ius & e*  
*medio est iure civili, ut per aes & libram heredem te-*  
*stamenti solvant & eodem loco res sit, quasi ea pecunia*  
*legata non esset. Et paullo ante cap. XX. Quin*  
*etiam cauent, ut cui plus legatum sit, quam sine reli-*  
*gione capere liceat, is per aes & libram heredem testa-*  
*menti soluat, propterea, quod eo loco res est, ita soluta*  
*hereditate, quasi ea pecunia legata non esset. Addendi*  
*sunt Franc. Connan. Comment. iur. civ. VII, 3. 2.*  
*Iac. Raeuard. ad L. 35. D. de Reg. iur. Ger. Nood.*  
*de pactis & Transact. p. 671. Id vero eo minus*  
 mirandum, quo certius est, & aliis contractibus  
 ad transferendum dominium haut comparatis  
 accessisse mancipationem. Et tunc rem habere  
 dicebantur *iure nexi*; translato dominio *iure*  
*mancipii*. Omnia, quae per aes, & libram alie-  
 nabantur, erant res Mancipi. *Nexus* quoque  
 & *mancipatio* non differebant ratione ritus: sed,  
 quod ad effectum attinet, ius *nexi* & ius *mancipi*  
 differebant quam maxime. Probant id loca  
 Manilii & Scaeuolae apud Varron. *de Lingu. Lat.*  
*VI, 5. quae egregie illustrat. Io. Frid. Gronou.*  
*Epist. CCCII. ad Claud. Salmas. in Syll. Epist. vir.*  
*illust. script. Tom. II. p. 549.*

XVI.

XVI. Ceterum stipulationes imperator di-  
 uidit in *iudiciales, praetorias, conuentionales & com-* XVI. Sti-  
*munes.* A mero iudicis officio proficiscebatur pulationes  
 cautio de dolo. Nam in rei vindicatione & iudiciales.  
 actione quod metus causa iudex exigere tene-  
 batur cautionem de dolo. L. 20. & 45. D. de rei  
 vind. L. 9. §. 5. & 7. D. de eo quod met. caus. Talis  
 etiam erat cautio de persequendo seruo, qui in  
 fuga erat, restituendoue pretio. Nam si seruus  
 erat legatus, qui se interim in fugam proripue-  
 rat, officio iudicis continebatur, vt interpone-  
 retur cautio, qua heres, se seruum persequutu-  
 rum restitutumque legatario promitteret.  
 L. 69. §. 5. D. de legat. 1. L. 14. §. 11. D. quod. met.  
 caus. Stipulationes porro iudiciales interpone-  
 bantur etiam in iudicio familiae erciscundae.  
 L. 25. §. 10. D. famil. ercisc.

XVII. Praetoriae a mero praetoris officio XVII.  
 proficiscebantur, semperque interponi sole- Praeto-  
 bant ante litem contestatam. Cuiac. Obseru. XV, riae.  
 10. Tales erant cautiones damni infecti, lega-  
 torum seruandorum, iudicatum solui, ratam  
 rem haberi, cautio fructuaria, &c. de quibus  
 prolixè iureconfulti. Vid. Arn. Vinn. ad §. 2. Inst.  
 de diuis. stip. Quae stipulationes quibus formu-  
 lis solitae sint concipi, exemplo cautionis *iudi-*  
*catum solui* ostendemus. In ea actor ita rogabat  
 fideiussores : QVOD FVNDVM TVSCV-  
 LANVM, QVEM POSSIDET L. TITIVS,  
 ABS EO VINDICATVRVS SVM, CVIVS  
 REI C. AQVILIVS IVDEX DATVS  
 EST, EAM REM RECTE DEFENDI,  
 AVT, SI EA RES SECVNDVM ME HE-



REDEMVE MEVM IVDICATA ERIT ;  
 QVOD A. C. AQUILIO EOVE, QVI IN  
 EIVS LOCVM SVBSTITVETVR, IVDI-  
 CATVM ERIT , ID RECTE PRAESEN-  
 TARI, DOLVMQVE MALVM ABESSE  
 ABFVTVRVMQVE ESSE , ET QVAM-  
 DIV RES NON DEFENDATVR , AVT  
 SI QVOD HVIVS REI IVDICATVM  
 ERIT NON PRAESTETVR , DOLVSVE  
 MALVS NON ABERIT. QVANTI EA RES  
 SIT, DARI SPONDES? SPONDEO. Cuiac.

*Obs. X, 29. Barn. Briffon. de Form. Lib V. p. 393.*

Porro id singulare erat in stipulationibus praetoriis, quod in iis non temere metuenda esset captio, quia interpretationem non ex mente promittentium, sed Praetoris recipiebant. *L. 52.*

*D. de verb. oblig. L. 9. D. de stipul. praetor. (c)*

XVIII.

Conven-  
 tionales.  
 Sine stipu-  
 latione  
 dos dici  
 poterat.

XVIII. *Conventionales* non iussu iudicis vel Praetoris, sed arbitrio contrahentium concipiebantur, adhibito saepe, vt supra observauimus, iureconsulto; earumque totidem paene genera erant, quot rerum contrahendarum. *S. 3. Inst. de diuis. stipul.* Obligationum enim firmandarum gratia inuentae fuerant stipulationes. *Paull. Recept. Sent. V, 7. 1.* Vnde nulla temere de re paciscabantur veteres, nisi interposi-

ta

(c) Ad praetorias etiam referuntur *aedilitiae*. Erat autem iis locus in interrogationibus, quae de vitiis morbisque in vendendis seruis fieri solebant. Venditorem enim emptori repromittere oportebat, se si quid occultimorbi vel vitii in seruo vendito inuentum fuerit, duplum verbi gratia praestitutum. *Theophil. Paraphr. §. 2. Inst. de diuis. stipul.* De his Aedilitiis stipulationibus plura habet Cuiac. *Obs. IX, 3.*

(d)

ta stipulatione. Erant tamen omnino quaedam negotia, de quibus etiam non interposita stipulatione valide paciscebantur. Nam si sponsa sponso, mulierue marito, aut focer genero, aut debitor mulieris eiusdem marito dotem dicere vellet: fieri id poterat, nulla praecedente interrogatione. (d) Caius *Inst. II, 9, 3.* Quamvis enim ea ipsa quoque dotis dictio sollemnibus fieret verbis: (Cuiac. *ad L. 7. D. de pact. & L. 1. D. de verb. oblig.* Briffon. *de Formul. VI.*) nec vlllo fundamento id in dubium vocent Cl. Salmasius *de mod. usur. XVI. p. 716. sequ.* & Oifel. *ad Caii l. c.* inde tamen non sequitur, vt stipulatione fuerit opus. Formulam dicendi dotem prodidisse videtur Terent. *Andr. V, 4. v. 46.* de qua iam supra egimus *Libro II. Tit. VIII. n. 6.*

XIX. Deinde & sine stipulatione contrahatur, obligatio, si libertus patrono aut donum, aut munus, aut operas se daturum iurasset. Cai. *l. c.* Solebant enim serui dominis manumissuris promittere certa dona, munera, (e) certasque operas loco praemii manumissionis futura. Quum vero serui domino promittere valide nihil possent, quia vinculum potestatis vnitatem personae inducere videbatur: §. 6.

XIX. Sine stipulatione promittebantur operae, dona, munera a libertis.

*Inst.*

(d) Sed sine stipulatione dotem *dicere* poterant tres tantum personae, mulier, pater, mulierisque debitor, Reliqui dicebantur dotem vel dare vel promittere, & hi communi iure obligabantur, adeoque vti debebant stipulatione. Cai. *Inst. II, 9, 3. L. 41. D. de iur. dot.*

(e) Dona & munera libertorum quid fuerint, & quodnam inter ea discrimen intercefferit, docetur. *L. 18. L. 194. & L. 214. D. de V. S.* Adde Oifel. *ad Cai. l. c.*

*Inst. de inutil stipul.* tenebantur illi post manumissionem denuo se obligare iureiurando, quod si dicere nollent, ne liberi quidem addicebantur. Cic. *Epist. ad Attic. VII, 2.* Simul ac vero iurassent liberti, nulla opus erat stipulatione.

XX. Sponsalia contracta per stipulationem.

XX. ! Inprimis obseruandum, nobilissimum stipulationum conuenientium genus fuisse *sponsalia*, de quibus quum nihil in Institutionibus dixerit Iustinianus, pauca monebimus. Fuit hoc in more priscis temporibus positum apud Latinos, vt qui vxorem ducturus esset, ab eo qui nuptum daturus erat, eam in matrimonium datum sibi iri stipularetur, alterque sponderet, vnde & *sponsaliorum* nomen natum est. (f) Si non data fuisset vxor, sponsus habebat actionem ex stipulatu vel sponsa. Gell. *Noct. Att. IV, 4. L. 2. & L. 3. D. de spons.* Iam Romanis quidem non erat actio ex stipulatu ex sponsalibus: & ipsi tamen stipulationibus utebantur. Huius veteris moris multa exstant vestigia apud Plautum, qui in *Aulul. I, 4.* Megadorum ab Euclione filiam stipulantem inducit his verbis:

ME. *Quid? nunc etiam mihi despondes filiam?*

EV. *Illis legibus*

*Cum illa dote, quam tibi dixi.* M. SPONDEN,  
ergo? EV. SPONDEO.

Ex *Trinumo* Plauti iam supra exemplum vidimus, n. III. Sed & in *Curculione Act. V, 2.* Phaedromus ita a milite stipulatur:

PH.

(f) Vnde non opus est, vt cum Verrio Flacco apud Festum p. 444. sponsalia deriuemus e lingua Graeca, indeque natum existimemus id vocabulum, quod sponsi *σπονδάς*, interpositis rebus diuinis, facerent.

(a)

PH. SPONDESNE, miles, mihi hanc uxorem?  
M. SPONDEO.

In eo tamen a reliquis stipulationibus differebant sponsalia, quod & absens absenti per epistolam vel internuncium recte despondebatur. L. 4. & L. 7. D. de sponsal. Ea quoque in sponsalibus adhibebatur cautio, vt in tabulas plerumque redigerentur conuentiones sponsalitia. Vnde Iuuenalis Sat. XVI.

*Si tibi legitimis pactam iunctamque* TABELLIS  
*Non es amaturus.*

Dari etiam solebant arrhae, & annulus pronubus, de quibus, aliisque huc pertinentibus ritibus copiosius agit Barn. Briffon. de ritu nupt. p. 204. sequ. Illud quaeri solet, an & sponsalia de futuro, quae vocant, nota fuerint Romanis? Adfirmat Huberus: probat Gundlingius in Gundlingianis Part. X. p. 380. vbi ex Nonio & Arnob. adu. gent. X. p. 140. ostendit. Romanos distinxisse inter SPERATAS, PACTAS & SPONSAS. Discrimen hoc eleganter explicat Gronou. ad Gell. Noct. Att. IV, 4. Virgo SPERATA dicebatur: quum conuenta erat conditio, PACTA: vbi interpositae stipulationes SPONSA. Pactae ergo similes videbantur desponsatis de futuro; sponsae de praesente. Pactas etiam conuentas dici consueuisse, patet ex Festo: Conuentae dicebantur, cum primus sermo de nuptiis & earum conditione habebatur.

XXI. Denique communes stipulationes XXI. Stipulationes  
restant, quae tum a Praetore, tum a iudice exigebantur, qualis erat cautio rem pupillo saluam fore. §. 4. Infl. de diuis. stipul. communes.

XXII.



XXII.

Actiones  
ex hoc  
contractu  
natae.

XXII. Ex stipulatione nascebatur *condictio certi*, si certa esset stipulatio: sin incerta; actio *ex stipulatu*. *Princ. Inst. de V. O.* Ex sponsalibus quae in Latio competebat actio *ex sponsu* dicebatur Gell. *Noct. Att. IV, 4.* Cuiac. *ad Tit. C. de Sponsal.* Ex sponsu vero agere idem erat quod ex stipulatu. L. 19. §. 2. *D. de aedilit. edicto.* At apud Romanos Sponsalia nuda renunciatione & liberrimo repudio soluebantur. L. 1. *C. de Sponsal.* L. 2. §. 1. 2. *D. de diuort.* L. 2. *C. de repud.* Ex quo facile patet, in contractuum numero haut fuisse stipulationem sponsalitiā. Vid. Fr. Hotom. *de Sponsal. Cap. IV. p. 357.*

## TIT. XXI.

DE

## FIDEIVSSORIBVS.

Stipulatione etiam sese obligabant fideiussores, vnde de iis hoc titulo seorsum agitur.

I. Varia  
fideiuben-  
tium no-  
mina.

I. Qui se obligabant pro aliis, plura apud Romanos sustinebant nomina. In iudiciis promittentes pro aliis dicebantur *vindices*, *vades*, *subuades*, *praedes*. Reliqui *fideiussorum*, *sponsorum*, *adpromissorum*, *fideipromissorum* (a) nomini-  
bus veniebant.

II.

(a) Nomina haec omnia, praeterquam *fideiussorum* in toto Digestorum opere non existare voluit Tribonianus, ceu obseruat Salmas. *de mod. usur.* XVI. p. 702.

(b)

II. *Vindices* in XII. Tabulis erant, qui pro eo, qui in ius priuata auctoritate vocabatur, sese obligabant. Si quis enim alteri in publico adclamasset: AMBVLA IN IVS: aut eundem illi erat, aut ferendum, ut obtorto collo ad tribunal raperetur, nisi datis fideiussoribus se ab hac ignominia vindicasset. Qua de re Festus voce *vindex* p. m. 476. *Vindex* ab eo, quod vindicat, quo minus is, qui pressus est, ab aliquo teneatur.

II. Quinam vindices?

(b) In legibus XII. tabularum de his ita fuerat cautum: SI ENSIET, QVI IN IVS VOCATVM VINDICIT, MITTITO, ASSIDVO (c) VINDEX ASSIDVVS ESTO: PROLETARIO CVIQUE VOLET, VINDEX ESTO. Gell. Noct. Att. XVI, 10. id est: Si tamen sit aliquis, qui pro in ius vocato vel presso fideiubeat, dimittitor. Ceterum locupletis *vindex* locuples esto, pauperis, prolem tantum sufficienti rei publicae, quilibet *vindex* esto. Iac. Gothofr. ad XII. Tab. Tab. I.

III. Si ventum in iudicium, satis dare denuo debebat reus, se statim die adfuturum. Car. Sigon. III. Quinam vades, praedes, subuades?

(b) *Vindex* ergo non est *procurator*, ut putat Boeth. ad Cic. Topic. II. nec *praedicator*, vel *praediator*, ut Boethii locum legit Cuiac. Observ. V, 29. nec confundendus cum *vade*, quod plures fecere, interque hos etiam Vinc. Grauius de Leg. XII. Tab. p. 377. sequi.

(c) *Affiduus* veteribus idem est ac locuples, quasi *affes* qui dare possit. Cic. Topic. ad Trebat. II. Utitur hac voce eodem significatu Plautus *Amphitr.* I, 1. v. 13.

Noctes diesque affiduo satis superque est,  
Quo facto aut dicto adest opus, quietus ne sis.

(d)

Sigon. *de iudic.* l. 1, 20. Eadem cautio exigebatur in publico iudicio etiam ab actore, vt recte obseruat Iac. Gothofr. *ad Leges XII. Tab. Tab. II.* p. 191. Qui ergo se tum obligabant pro reo, si iudicium esset publicum, *vades*: si ciuile, *praedes* dicebantur. Vnde Auson. *Eydl.* XII.

*Quis subit in poenam capitali iudicio? VAS,*

*Quis quum lis fuerit numaria? quis dabitur?*

PRAES.

Fest. voce *vadem* p. m. 471. *Vadem sponforem significat datum in re capitali.* Sed si antiqui eam obseruarunt inter has voces differentiam: sane eam neglexerunt posteri, qui in quocumque iudicio, siue ciuili, siue capitali *vades* exigebant, Vnde Varroni *de Lingu. Lat.* V, 7. p. 42. *vas est, qui pro altero vadimonium promittit.* (d) *Praedes* quoque postea non ii dicti sunt, qui in iudicio ciuili se obligabant pro aliis, sed qui partim pro publicanis, partim in iudiciis publicis de multa soluenda populo cauebant. Varro *l. c.* p. 42. Fest. voce *praes.* p. 375. *Manceps dicitur, qui quid a populo emit conducitue, quia manu sublata significat, se auctorem emtionis esse, qui idem PRAES dicitur, quia tam debet praestare populo quod promisit quam is, qui pro eo PRAES factus est.* Car. Sigon. *de ant. iure ciu. Rom.* II, 4. p. 293. & Brissou. *de verb. sig.* voce *praedes.* p. 450. Qui denique pro actore se obligabant, *subuades* dicebantur, vt suspicatur Goth. *l. c.* p. 191. nisi cum Salm. *de Mod. Vjur. c. XVI.* p. 701. dicere malis,

(d) Qui prouocabat, *vadari*, qui prouocabatur, *vadimonium promittere* dicebatur. Sigon. *de iudic.* l. 1, 20. p. 454.

*subuades* fuisse, qui pro vadibus fideiuebant, quemadmodum *subpraedes*, qui pro praedibus. Quamquam iam Gellii aetate huius vocabuli vsus ac paene significatio perierat. Vid. *Noct. Att.* XVI, 10.

IV. Ad eos quod attinet, qui pro priuatis se extra iudicium obligabant: ii si ultro se offerrent, iuberentque pecuniam credi sua fide suoque periculo, dicebantur *fideiussores*. Si darentur a debitore, cui quis nolebat credere, dicebantur *sponsores*. Salmas. *de mod. usur.* XVI. p. 693. 707. quamuis id discrimen in Digestis non obseruari, sed Sponsores vbique in illis oblitos esse ibidem p. 707. obseruet. *Adpromissores* erant, qui quod suo nomine alii promiserant, idem pro altero quoque promittebant. Fest. voce *adpromissor*. p. m. 245. L. 5. §. 2. D. de V. O. L. 64. §. 4. D. solut. matr. L. 43. D. de solut. idem dicti etiam videntur *fidepromissores*. Paull. *Rec. Sent.* I, 9. 5.

IV. Quid fideiussores, sponsores, adpromissores, fidepromissores?

V. Diuersa vero illa nomina, vt recte a Cuacio ad Paull. *Rec. Sent.* I, 20. obseruatum est, potissimum a formulis, quibus stipulationes concipiebantur, sortiti sunt. (e) Qui enim rogatus: FIDEIVBES? respondisset: FIDEIVBEO: dictus est *fideiussor*. At si rogatum: FIDEPROMITTIS? responsumque FIDEPROMITTO, *fidepromissor* vocatus est. Denique si quaesitum: SPONDES? is qui responderet SPONDES? is qui responderat SPONDEO, *sponsor* ad-

V. Formulae fideiubendi.

(e) Eae nonnumquam etiam Graece conceptae. §. 7. *Inst. h. t. L. Graece* 8. pr. D. eod.



adpellatus est. §. 1. *Inst. de verb. obl.* Adpromissores etiam procul dubio rogati sunt, an adpromitterent? Quo verbo utitur Cic. *pro S. Rosc. Am.* IX.

VI. Maxime in iudiciis.

VI. Fuere etiam in fideiussionibus iudicialibus certae adhibitae formulae, qualem iam supra *Lib. II. Tit. XVI-XX.* n. 14. vidimus. Vadium in primis accurate concipiebatur, adhibito iureconsulto, ceu ex Cicerone *Epist. ad Q. Fratr.* II, 14. demonstrat Car. Sigon. *de iudic.* I, 20. p. 454. In hac formula & illa erant sollemnia: *reum adfuturum in diem tertium vel perendinum.* Vid. Briffon. *Form. Lib. V.* p. 367. 2.

VII. Quibus obligationibus accesserit fideiussio?

VII. Fideiussio accedere poterat obligationibus omnibus, quin & praecedere obligationes, L. 6. §. 1. *D. de fideiuss.* ita tamen, ut praecedens fideiussoris obligatio tum demum vires caperet, quum & principalis obligatio, cuius illa accessio erat, constituta esset. l. 35. *D. de fideiuss.* In fideiussione dotis causa id notabile, quod illa post nuptias stante matrimonio a marito data, non obligaret, ante nuptias data, firma validaque haberetur, ceu ex Harmenop. *Prompt.* IV, 8. 9. ut & L. 1. C. *Theod. ne fidei. dot. dent.* ostendit. Cuiac. *Parat. ad tit. C. ne fidei. dot. dent.* dissentiente tamen Iac. Gothofredo *Comment. ad Cod. Theod. ibid.* Et sane quid magis a ratione alienum est, quam dotem non credi marito, cui se ipsam vxor credere non dubitauit? L. 2. C. *ne fidei. dot. dent.* L. 8. C. *de pact. conu.*

VIII.

VIII. Singuli fideiussores tenebantur in solidum, liberumque adeo erat creditori, a quo vellet solidum petere, quemadmodum & in eius positum erat arbitrio, debitoremne an fideiussorem eiusue heredes convenire mallet, *L. 20. D. de cond. indeb. L. 16. §. ult. D. de fidei. L. 5. C. eod.* Vno tamen solvente, liberabantur ceteri. §. 4. *Inst. h. t. Caii. Inst. II, 9, 2. conf. Iac. Cuiac. Observ. XXIII, 25.*

VIII. Fideiussorum obligatio.

IX. Ast illum veteris iuris rigorem sustulit Hadrianus, cuius ex epistola inter fideiussores aeque ac mandatores diuidebatur actio, si litis contestandae tempore omnes essent soluendo. *L. 26. D. eod.* Haec epistola deinde inserta est Edicto perpetuo, unde id beneficium ex edicto praetoris derivat *Paull. Rec. Sent. I, 20. 1.* Ex quo patet, humani quid passum esse Cuiacium, qui *ad tit. Inst. de SC. Tertull.* epistolam illam non Hadriano sed D. Pio tribuit, ante cuius tempora jam compilatum erat Edictum perpetuum. Quomodo vero a D. Pio esse potest, quod iam edicto perpetuo insertum fuerat? Videtur tamen D. Pius illud beneficium diuisionis noua epistola stabiliuisse, cuius quaedam supersunt vestigia. *L. 49. §. 1. D. de fideiuss.*

IX. Beneficium diuisionis.

X. Denique & Iustinianus beneficium ordinis indulgit, *Nov. IV, 1.* de quo, nec non beneficio cedendarum actionum plura commentantur doctores, quae hic repetere non vacat.

X. Et ordinis.

XI. Fideiubere poterant omnes, qui & stipulari. At non mulieres, quae in omni genere negotiorum atque obligationum tam pro viris, quam pro feminis intercedere prohibebantur.

XI. Mulieres fideiubere non poterant.

H

Paull.

Paull. *Recept. Sent.* 11, 11, 1. Non ergo valebant fideiussiones iudiciales mulierum, nam nefas videbatur, mulierem in forum prodire, & vel suam ibi causam agere; adeo, ut quum aliquando mulier in foro causam pro se ipsa egisset, Senatus consuluisse feratur Deos, *τινος ἀρχῇ τῇ πολεὶσσι καὶ ἐν τῷ γεγενημένῳ*; *ecquid hoc exemplum urbi portenderet?* Plut. in *Num.* p. 77.

Nec magis valebant priuatim interpositae fideiussiones mulierum quia fideiussio quasi ciuile ac virile negotium videbatur, a quo arcendae feminae. *L. 1. §. 1. & L. 2. §. 1. D. ad SC. Velleian. L. 2. pr. D. de reg. iur.* Eaque prohibitio tam seuera erat, ut olim ne renunciari quidem huic beneficio posset. Secura ergo erat mulier pro alio quae intercefferat, nisi vel pro tutoribus filiorum indemnitatem promississet: Paull. *Rec. Sent. ibid.* §. 2. (f) vel decipiendi animo & dolo malo id fecisset. Paull. *ibid.* *L. 11. D. ad SC. Velleian.* Immo non fideiussiones tantum, sed omnes omnino mulierum intercessiones ex quocunque contractu irritae erant. Vid. Iac. Gothofr. *Comm. ad L. 2. D. d. R. I. Ger. Nood. Obseru. 1.* 18.

XII. Orig.  
SC. Velle-  
iani.

XII. Omnia haec sancita SENATVS  
CONSULTO VELLEIANO, cuius legiti-  
ma verba. *L. 2. §. 1. D. eod.* seruata, indicant, con-  
ditum

(f) Ita quidem Paullus. Sed alia omnia habentur in *L. 6. C. ad SC. Vellei. L. 1 & ult. C. si mater indem- promiss.* Qui textus quum partim ab Alexandro Seue- ro, partim a Diocletiano sint: aut corruptum Paul- lum esse oportet, aut ius istud constitutionibus muta- tum.

ditum illud esse M. Silano & Velleio Tutore  
 Coss. sed fasti id par consulum fere omittunt.  
 M. Silanum consulem praeferunt anno V. C.  
 Iocclxxi. Quare & tunc illud SC. conditum  
 putat Schilter. *Exerc. XXVIII, 2.* Sed diserte  
 Ulpianus *L. 1. pr. D. ad SC. Vell.* adfirmat, pri-  
 mum quidem temporibus Augusti, mox dein-  
 de Claudii, eorum edictis cautum esse, ne femi-  
 nae pro viris suis intercederent: postea vero  
 factum esse hoc SC. Ex quibus verbis patet, il-  
 lud vel extremo Claudii imperio, vel postea  
 fuisse conditum. Tunc vero quum anno  
 Iocccxcviii in fastis occurrant P. Valerius Asia-  
 ticus II. & M. Iunius Silanus coss. inter suffectos  
 autem istius anni Velleius Rufus, qui forsan Va-  
 lerio Asiatico ultro se abdicanti suffectus: Vid.  
 Hub. Golzii *fast. consul. p. 249.* non dubitandum  
 quibusdam videtur, eo ipso anno referente ad  
 Senatum Velleio Rufo hoc SC. prodiiisse, di-  
 ctum que inde esse Velleianum. *Schulting. iurisp.*  
*ant. p. 640.* Id & mihi olim visum. Sed iam ali-  
 ter videtur. Ulpianus Velleium istum non vo-  
 cat Rufum, sed Tutorem. Silani autem & Vel-  
 leii Tutoris consulatus memoratur bis in mar-  
 more apud Gruter. *Inscr. p. CCCCLXX. §. 1. & 2.*  
 vbi par istud consulum ita scribitur:

L. SILANO FLAMINI. MARTIALI. C.  
 VELLAEO TVTORE COS. NON.  
 DECEMBR.

Consules autem quum fuerint anno V. C.  
 OCCLXIII. & sub Augusto primum ea de re  
 cautum fuisse dicatur, procul dubio hi ipsi  
 Coss. nomen & originem SCo dederunt. Nec



alii sunt auctores legis Iuniae Velleiae, cuius mentio fit in *L. 10. §. 2. D. de test. tut. L. 13. D. de iniust. rapt. irrit. test.* Ceterum ex marmore illo discimus, Silanum illum non Marci, sed Lucii praenomen tulisse, eaque in re errare Vlpianum.

XIII. Mulieres etiam ante hoc SC. nullum civile negotium Romae gerere poterant.

XIII. Ceterum quamvis Augusti Claudique edicta, quibus mulieres pro viris intercedere prohibuerunt, illud SC. antecessisse dicat Vlpianus *L. 2. pr. D. eod.* facile tamen patet, eum rem non adeo accurate retulisse. Saltem Claudio recentius hoc SC. dici non patiuntur fasti consulares. Forte ipse Vlpianus fastos consulares non adeo accuratos habuit, & Velleium Rufum confudit cum Velleio Tutore. In tanto enim consulum suffectorum numero, quid facilius est, quam errare & decipi? Quin probabile est, iam ab ineunte rep. prohibitum fuisse feminis, ne pro aliis intercederent, ceu ostendit celeberrimus Ludewigius, in *Differ. iuris Rom. & Germ. circa SC. Velleian. diff. 1.* Ab initio sane urbis Romani feminas perpetuo otio mancipabant, easque nec molere patiebantur, nec cibos coquere, nec ullam partem rei familiaris suscipere. Plutarch. *Quaest. Rom. p. 284.* non ob aliam procul dubio causam, quam quod pro Italorum ingenio feminarum suarum pudicitiae diffiderent. Eodem pertinebat interdictio vini, tam seuerè sancita. Plutarch. in *Num. p. 77.* quodque eas ne de rebus quidem necessariis dicere paterentur sine viris, (Idem *ibid.*) nedum conuiuio vacare. Val. Max. II, 1, 1. Multo minus iis concedebant, ut prodirent in  
fo-

forum, vel vllum ciuile negotium peragerent.  
Plutarch. *ibid.*

XIV. Quod vero in vsum reuocanda vide- XIV. Cur  
retur prisca illa seueritas ac disciplina, inde fa- hoc SC.  
ctum arbitror, quod abrogata lege Oppia, (de conditum?  
qua Liu. XXXIV, 5. & Valer. Max. IX, 1, 3.)  
& mulierum tutela sensim exolescente, femi-  
nae paullo liberius viuere, & negotiationibus,  
versuris, intercessionibus vacare coeperant.  
Quae licentia & Augusti & Claudii edictis; &  
hoc SC. coercenda visa est. Accessit postea  
Nouella CXXXIV, 8. ex qua *Authentica: si  
qua mulier. C. ad SC. Velleian.* fluxit, de qua fuse  
doctores.

## TIT. XXII.

DE

LITTERARVM OBLIGA-  
TIONIBVS.

**N**on vllius temere conuentionis obscurior  
nobis natura est, quam contractus, qui lit-  
teris initur, in quo explicando adeo fluctuant  
eruditi, vt quem potissimum sequaris, vix ad-  
pareat. Sane quum Icti plerique vbi contra-  
tuum nominatorum varia genera recensent, lit-  
terarum obligationis non meminerint: L. 1.  
§. 1. L. 4. ff. de V. O. L. 8. §. 1. D. de fideiuss.  
L. 52. pr. D. de O. & A. L. 1. §. 1. D. de  
nouat. non dubitant quidam veteres hoc  
contractus genus plane ignorasse, idque vel

constitutionibus sequiorum principum, vel ab ipso Iustiniano demum inuentum esse. Ita Duarenus, Donellus, Wissenbachius alique viri docti statuunt. Sed antiquam satis esse litterarum obligationem, & verum contractum, satis adparet ex *Fragm. Vet. Icti post Collationem LL. Mos. & Rom. edito* §. VII. vbi mentio fit acquisitionis *per SCRIPTVRAM & stipulationem* deinde litterarum obligationem inter contractus referri videmus, in L. 2. §. 1. D. de Obl. & act. & apud Cai. *Inst. II, 9. 1. pr. & §. 13.* Nos itaque quae ex antiquitatibus ad illustrandam hanc materiam facere videbuntur, paucis delibabimus.

I. Obligatio litterarum alia antiqua alia noua. I. *Olim, inquit Imperator princ. Inst. h. t. scriptura fiebat obligatio, quae nominibus fieri dicebatur, quae nomina hodie non sunt in usu.* Quum ergo ipse Imperator largiatur, aliam olim, quam suo aeuo, in usu fuisse litterarum obligationem, eamque factam esse nominibus doceat: inquirendum, qualia illa fuerint nomina quaeque inde nata sit obligatio?

II. Antiquam plerique interpretantur de expensilatione. II. Nominibus olim factam obligationem litterarum, etiam Cicero *ad Attic. Epist. IV, 18.* confirmat vbi de turpi pactione Memmii & Caluini: *Haec pactio, inquit, non verbis sed NOMINIBVS & perscriptionibus multorum, tabulis esse facta quum diceretur: prolata a Memmio est nominibus inductis.* Sed qualia illa nomina? Plerumque hunc contractum doctores accipiunt de modo aliquo pecuniae vel credendae, vel creditam probandae, quales erant *adnumeratio, expensilatio, stipulatio*, de quibus Cic. *pro Q. Roscio Com.*

*Com IV.* quibus *chirographi exhibitionem*, *tabularum obfignationem*, *testium intercessionem* addit Gell. *Noct. Att. XI V, 2. Expensilatio*, quae Salmafio maxime huc pertinere videtur, erat Scripta profefio datae pecuniae, Afcon. Paedian. in *Cic. Verinam III.* p. 1848. Fieri solebat per nomina, quae creditor vel foenerator in tabulas accepti & expenfi infcribebat, idque praefente debitorre, qui & ipfe in tabulas fuas referebat, quantum deberet. Quae tabulae prolatae in iudicio fidem faciebant debiti *Cic. pro Rofc. Com. V.* De hac expenfi latione, nec non nominibus per fcripturam menfae argentariae, plura habet Barn. Briffon. *de Form. Lib. VI.* p. 356. Salmaf. *de ufur cap. VI. & XVII. & de Modo ufurar. cap. XI.* p. 473. *fequ.* in hoc ergo contractum litterarium conftitiffe putant, quod nominibus ita tabulis infcriptis obligati fuerint debitores non minus ac fi ftipulatio vel aliud vinculum interceffiffet. Vid. Sigon. *de Iudic. I, 5.* p. 408.

III. Enimuero hos rem acu haut tetigiffe, III. Quod vel Caii fragmenta oftendunt, in quibus *litteris* tamen refieri dicitur obligatio, aut a re in personam, aut a perfonam in personam. *A re in personam*, velut fi id, quod ex emtione aut conductione aut focietate debes, alii reddas. *A persona in personam*, veluti fi id quod mihi alter debet, alteri personae delegem, vt reddere debeat. Cai. *Inf. II, 2. 12.* Quae tametfi ab Aniano corrupta fint, ita tamen videntur comparata, vt ad nomina illa foeneratorum nihil faciant. Argentariorum tabulis infcribebantur nomina debitorum, qui mutuam acceperant pecuniam: hic etiam ex emtione aut conductione aut fo-



cietate nasci dicitur litterarum obligatio. Ibi solus debitor, cuius nomen fuerat inscriptum, obligabatur: hicetiam quaedam delegatio, aut certe nouatio fiebat. Quod & docet *L. pen. C. Theod. de denunc. vel. edit. rescript.* Si quis debiti, quod vel ex foenore vel mutuo datae pecuniae sumsit exordium vel ex alio quolibet titulo, in litterarum obligationem facta cautione translatum est, &c. Ergo etiamnum obscurum est, quaenam fuerit litterarum obligatio.

IV. Anti-  
quae illius  
litterarum  
obligatio-  
nis natura  
explicatur  
ex Theo-  
philo.

I V. Sequendus ergo hac in re videtur Theophilus, *Paraphr. Inst. III, 21.* qui vnus forsitan est, qui nobis huius contractus indolem naturamque luculentissime explicauit. Quamuis enim in quibusdam non semper rem acutius tangere soleat Theophilus, si quando lucem mutare iuri antiquo conatur: in hoc tamen titulo eum tanto tutius sequemur, quanto certius ex illo Caii loco colligimus, illum, quaecunque de litterarum obligatione adfert, ex Caii institutionum libris sinceris ac genuinis, vel certe ex alterius veteris iureconsulti scriptis hausisse (a) *Iac. Oisfel. ad Caii Inst. l. c. p. m. 161. Schulting. Iurispr. vet. Anteiust. p. 163.* Is ergo Theophilus luculentam hanc dedit verborum Iustiniani παράφρασιν λίτερις ἐς τὸ παλαιὸν χρέος εἰς κατὸν δάνειον μετασχηματιζόμενον ῥήμασι, καὶ γράμμασι τυ-

π1-

(a) Non ergo est, quod Theophili fidem in dubium hic vocent Barn. Briffon. *de Form. Lib. VI. p. 537.* & Salmaf. *de Vjur. VI.* Non enim ipsi Theophilo fidem habemus, sed Caio, aut alii Iureconsulto veteri, quem ille manifesto excipit.

πικρός. *Litterarum obligatio est veteris nominis in nouum creditum, per sollemnia verba & sollemnes litteras transformatio.* Introducta ergo litterarum obligatio nouationis causa, eaque contracta partim verbis sollemnibus, partim litteris. De quibus denuo Theophilus in editione Fabroti: *Nam si quum quis mihi centum aureos deberet ex emptione aut locatione, aut mutuo, aut stipulatione, (multis enim modis nobis aliquid deberi potest,) voluisssem hunc mihi obligatum esse litterarum obligatione: necesse erat, verba haec dicere & scribere ad eum, quem litterarum obligatione obligatum habere volebam. Sunt autem haec verba, quae dicebantur & scribebantur: CENTVM AVREOS QVOS MIHI EX CAVSSA LOCATIONIS DEBES, EXPENSOS TIBI TVLI ? (b) Deinde ad-*

- (b) Formulam hanc vt & sequentem: EXPENSOS MIHI TVLISTI Latine exhibet editio Fabroti, ad Codices MSS. exacta, eaque procul dubio genuina illa & antiqua formula est inducendi litterarum obligationem. Ast Dionysii Gothofredi editio loco Latinae Graecam formulam habet: τὰς ἑκατὸν χρυσίαις, ἃς ἐμοὶ ἐξ αἰτίας μισθώσεως χρῆσασθαι σὺ ἐκ συνθήκης καὶ ὁμολογίας δώσεις τῶν οἰκείων γραμμάτων; *Centum aureos, quos mihi ex causa locationis debes, tu mihi ex conuentione & pactione dabis propriarum litterarum?* ad quae debitor respondebat: ἐκ τῆς συνθήκης ὀφείλω τῶν οἰκείων γραμμάτων *Ex conuentione illas debeo mearum litterarum.* Sed facile patet, Latina illa, quae habet.

*adscribatur ab eo, qui iam ex locatione obligatus erat* EXPENSOS MIHI TVLISTI, & tunc prior obligatio exstinguebatur, nouaque ex litteris nascebatur obligatio, quae ex eo nomen habet, quod litteris consistat. Haec est sollemnitas, quam in litterarum obligatione veteri obseruatam esse tradit Theophilus, quamuis eius exemplum tantum ad prius litterarum obligationis genus pertineat, quod Caius a re in personam fieri ait.

V. Locus  
Theophili  
illustratus.

V. Ex hoc ergo quantiuis pretii loco discimus, I) litterarum obligationem factam esse *nominibus*. Quicumque enim debebat, eius nomen non modo referebatur in tabulas excepti & expensi, ceu docet Cicero pro *Q. Roscio Comoed.* V. *Expensam tulisse non dicit, cum tabulas non recitat.* Sed & in chirographa, adhibitis testibus & parariis. Senec. de *Benef. Lib. II. & Lib. III. cap. 15.*

Et inde Horatius *Epist. II, 1. v. 105.*

*Scriptos nominibus certis expendere numos.*

Inde, qui mutuam pecuniam sumebant SCRIBERE dicebantur. Loca Plauti *Afin. II, 4. v. 34. Curcul. III, v. 40. Trucul. I, 1. v. 53.* Cic. ad *Attic. IX, 2.* & alia iam adduxit V. C. Rich. Bentleius ad *Horat. p. 628. sequ.* Porphyrio ad *Horat. Serm. II, 3.* eleganter id explicat hunc in modum: *Iuris verba scribere est mutuum sumere; inde denique est; quod RESCRIBERE eodem*

bet editio Fabroti, omissa esse a librariis, Latina illa vel non curantibus, vel non satis intelligentibus, eorumque loco reposita illa Graeca. Vid. Schulting. l. c. p. 163.

dem teste Porphyrione, est restituere, quod & Seru. *ad Aen.* VII. v. 422. obseruat. & Donatus *ad Terent. Phorm.* V, 7. v. 29. Discimus, II.) nomina illa non solum inscripta esse in causa pecuniae numeratae, sed &, si quis ex causa emtionis, locationis, societatis &c. deberet. Sane enim nominis ex causa emtionis venditionis facti meminit Cicero *de offic.* III, 14. Constat porro ex hoc loco Theophili, III.) litterarum obligationem nouationem debiti induxisse. Immo & delegationem nonnumquam induxit, ut ex Caio discimus. *Si nouationem* : litteris obligatio *a re in personam*; *sin delegationem* : *a persona in personam* fieri dicebatur. Ita enim distinctionem Caii interpretandam esse res ipsa docet. Ethinc interpretanda loquutio vetus : *ab aliquo scribere.* Horat. *Serm.* II, 3. v. 69.

*Scribe decem a Nerio.* - - -

vbi legendus laudatissimus vir Rich. Bentl. p. 629. Denique IV.) ex hoc Theophili loco discimus, quod litterarum obligatione praecedere debuerit sollemnis stipulatio, eaque deinde redigenda fuerit in scripturam. Et haec est illa *scripturae proprietas*, cuius meminit L. 2. *D. de obl. & action.*

VI. Effectus vero is videtur fuisse, ut aliquis teneretur litteris, quasi ex causa pecuniae expensae, quando tamen nihil saepe erat numeratum, nec exceptioni etiam non numeratae pecuniae locus relinqueretur. Schulting. *ad Caii Inst.* II, 9. 12. p. 163.

VII. Haec de antiquissima litterarum obligatione. Ceterum alias scriptura nullam producebat validam obligationem, L. 25. §. *fin.*

*D. de*

VI. Effectus litterarum obligationis.

VII. Scriptura alias nullam producit obligationem.



*D. deprobat.* sed requirebantur verba stipulationi propria, quae si in scripturam redacta fuissent, praesumptio esse videbatur, praecessisse sollemnem stipulationem: & tum non ex his scriptis, sed ex stipulatione, vel ob chirographum ex stipulatu agebatur, cuius actionis mentio fit. *L. 17. pr. D. de doli mali & met. except.* Conf. Schulting. *ad Cai. l. c. p. 164.*

VIII. Noua  
litterarum  
obligatio.

VIII. Inualuit tamen postea, ex quo antiqua illa litterarum obligatio obsoleverat, noua obligationis species, quae & ipsa litterarum obligatio dici posse videbatur. Sensim enim sub Imperatoribus fuerat receptum, contra iuris antiqui regulas, ut ex chirographis quoque peti posset credita pecunia, (c) & ex ea nasceretur condictio, id est, quamuis non praecessisset stipulatio. *pr. Inst. b. t.* Sed tum quidem reus vel querelam non numeratae pecuniae institueret, vel opponere poterat exceptionem non numeratae pecuniae, nisi multum temporis effluisset. Et quum alias quilibet reus suam exceptionem probare debeat, *L. 1. D. de except.* hic quidem onus probandi deuolvebatur in actorem *L. 14. §. 2. & L. 3. C. de non num. pec.* Multum vero illud tempus in hac exceptione antea ex principalibus constitutionibus usque ad quinquennium procedebat: a Iustiniano vero ita contractum est ut ultra biennii metas huiusmodi exceptio minime extendatur. *d. L. 14. C. eod.*

TIT.

(c) Immo & nouae potuere induci obligationes interueniente chirographo, ceu patet ex *L. 6. C. Theod. de denunc. vel election. rescript.* ubi legendus Iac. Gothofredi commentarius.

(a)

## TIT. XXIII-XXVII.

DE

CONTRACTIBVS CONSENSVA-  
LIBVS, EMTIONE VENDITIONE,  
LOCATIONE CONDVCTIONE,  
SOCIETATE, MAN-  
DATO.

**D**E contractibus, qui *re, verbis, litteris* ineun-  
tur, satis multa haecenus diximus : de iis,  
qui *solo consensu* citra verborum scripturaeque  
proprietaem, perficiuntur, eo pauciora ex an-  
tiquitatibus erunt monenda, quo minus in his  
contractibus iuris gentium Romani a simplici-  
tate iuris gentium recesserunt.

I. Contractus omnes consensuales, vt ex I. Contra-  
realibus depositi, commodati, pignoris, ex ctus con-  
innominatis *do ut des*, ex quasi contractibus sensuales  
negotiorum gestio & tutela erant contractus erant bo-  
bonae fidei, reliqui feré stricti iuris. Inter nae fidei.  
quos quatenam fuerit differentia, infra *Lib. IV.*  
*Tit. VI.* occasione actionum b. f. & stricti iuris  
commodius explicabimus.

II. Quibus ritibus alienari consueuerint res II. Emtio  
mancipi, & nec Mancipi iure Quiritium, su- venditio  
pra *Libro II. Tit. I.* ostendimus. Quamvis quomodo  
ergo emtioni venditioni aliquando accederet contracta.  
mancipatio, aliquando in iure cessio, aliquan-  
do traditio, tanquam modi acquirendi : ipsa  
tamen emtio venditio, tanquam titulus, per-  
fecta videbatur, simul ac de pretio inter em-  
torem

torem & venditorem conuenerat, quamuis pretium nondum esset numeratum, immo ne arrhae quidem datae, quippe quae non ad inducendam obligationem, sed ad evidentiorē probationem dabantur. *Princ. Inst. h. t. Cai. Inst. II, 9. 14. L. 35. D. de contr. emt.* Dubitari enim non poterat, quin de pretio conuenisset, adeoque deberetur reliquum, si arrha data esset, Varro *de Lingua. Lat. IV, 36. p. m. 18. Arrhabo sic dicta, ut reliquum reddatur.* Hoc verbum a Graeco ἀρραβών, reliquum, ex eo quod debitum reliquit.

III. Actio-  
nes contra  
vendito-  
rem men-  
tientem.

III. Antequam contractus completus haberetur: Ante omnia de rei vendendae natura & indole dispiciebatur. Iusserat enim aedilis titulos singulorum seruorum scribi, Gell. *Noct. Att. IV, 2.* quales complures collegit Barn. Brifson. *de Form VI. p. 492. sequ.* Simile quid & in reliquarum rerum venditionibus obseruabatur, uti idem laudatissimus auctor p. 496. sequ. demonstrat. Praeterea ne in venditionibus Mancipiorum deciperentur emtores, iuebantur illa interea, dum praeconium fiebat, in orbem currere, saltare, sese denudare, ut sanitatem suam probarent spectantibus. De quo ritu eleganter differit Gronouius Pater *Diatrib. ad Stat. Cap XVI. p. 85.* Id ubi fiebat, Mancipia dicebantur *produci.* Terent. *Eun. I, 2. v. 54 Heaut. I, 1. v. 92.* Si in re indicanda mentitus esset venditor, duplum eius, quod intererat, tenebatur praestare. Hinc actio de emto ex modo, quae locum habebat in duplum, si quis in distrahendo tundo de modo, id est, spatio mentiebatur. Paull. *Recept. Sent. II, 17. 4.* Idem fiebat, si vitia quae-

quaedam rei venditae falso dicerentur abesse. Cicero *de offic.* III, 16. si vero quis seruum pluris venditurus de eius artificio vel peculio fuisset mentitus, tenebatur, actione aestimatoria ex emto. L. 13. §. 4. *D. de act. emti* adeoque emtori, quanti minoris valuisset, praestare compellebatur, nisi paratus esset ille ad redhibitionem. Paull. *Sent.* II, 17. 6. Cic. *pro Planc.* XXV.

IV. Quum vero solo consensu perficere-  
tur emtio venditio: statim periculum rei,  
etiamsi nondum traditae, ad emtorem pertine-  
bat, adeo, ut si res interim perierit, pretium ta-  
men esset numerandum, tametsi nihil conseque-  
retur emtor. Si tamen seruus bona fide com-  
paratus fuga se proripuerat ex veteri vitio, scili-  
cet, ut iam antea apud venditorem fugisset: non  
tantum pretium dominus, sed & ea, quae per  
fugam abstulerat, (a) reddere cogebatur. Paull.  
*Rec. Sent.* II, 17. 11. Conf. Cuiac. *Observ.* XVIII,  
10. Schulting. *ad Paull. l. c. p.* 295.

V. Quemadmodum vero periculum ad  
emtorem pertinebat, etiamsi nondum esset do-  
minus: ita & ex die emtionis, si pretium esset  
numeratum, & fructus & operae seruorum, &  
foetus

IV. Peri-  
culum rei  
venditae  
ad emto-  
rem per-  
tinebat.

V. Ut &  
fructus.

(a) Solebant enim serui, priusquam se in pedes conii-  
cerent, aliquid conuassare. Terent. *Phorm.* I, 4. v. 12.

- - - Nam absque eo esset,

Recte ego mihi vidiissem, & senis essem ultus  
iracundiam.

Aliquid conuassassem, atque hinc me conice-  
rem protinus in pedes.

Conf. Cuiac. *Paratit.* C. de furt. & seru. corrupt.

(b)



foetus pecorum, & ancillarum partus, reliqua-  
que emolumenta omnia emtoris erant. Paull.  
*II*, 17. 7. *L. 41. §. 5. D. de fideic. libert.* Conf. Cuiac.  
*Obferu. XXI*, 15.

VI. Quid  
traditio ?

VI. Sequuta traditione, etiam dominium  
transferebatur, si venditor esset dominus, &  
tunc statim soluendum erat pretium, aut certe  
ex eo tempore usurae debebantur, nisi de eo fi-  
des fuisset habita. Paull. *Recept. Sent. II*, 17. 9. *L. 6.*  
*§. 1. D. de usur.* Interea tamen salua erat emto-  
ri redhibitio ob latens vitium modo intra sex,  
modo intra duos menses utiles. Paull. *Recept.*  
*Sent II*, 17. 5. *L. 9. §. ult. l. 55. D. de aedil. edict.*

VII. Quid  
euctio ?

VII. Ad euctionem quod attinet, domi-  
nus accepto pretio auctoritatis actioni manebat  
obnoxius; Paull. *Rec. Sent. II*, 17. 1. Sin par-  
tem tantum accepisset pretii, eatenus duntaxat  
auctoritatis nomine tenebatur. *L. 13. §. 9. de act.*  
*emti.* Auctoritas vero idem est ac actio de eui-  
ctione. Vid. *L. ult. D. de euct.* Barn. Briffon.  
*de Verb. Sign. voce Auctoritas p. m. 64.* Salmaf. *de*  
*usur.* VIII. Sed ea euctio non semper promit-  
tebatur: (Aliquando enim pro voluntate con-  
trahentium stipulationes in simplum, duplum,  
tripulum, quadruplum concipiebantur: *L. 56. pr.*  
*D. de euct.* aliquando, si res pretiosiores venie-  
rant, ex iuris necessitate promittendum erat  
duplum. *L. 37. §. 1. D. eod. L. 31. §. 20. ff. de Aedil.*  
*edict.*) at quoties accedebat mancipatio, illa  
erat ordinaria. Quod discimus ex Plaut. *Pers.*  
*IV*, 3. v. 55.

*Ac suo periculo is emat. qui eam mercabitur.*

*Mancipio neque promittet, neque quisquam dabit.*

Ac

Ac postea v. 6.

- - - Nihil mihi opus est

*Litibus, neque tricis. Quamobrem ego argentum  
numerem foras?*

*Nisi mancipio accipio, quid eo mihi opus mercimonio?*

Conf. Plaut. *Curcul.* IV, 2. v. 8. & sequ. Vnde & Paull. *Rec. Sent.* II, 17. 3. *Res emta, mancipatione & traditione perfecta, si euincatur: auctoritatis venditor duplo tenus obligatur.* Quo tamen de loco quum mirae sint Cuiacii, Salmasii, aliorumque doctorum virorum altercationes, videndus omnino Schulting. *l. c. p. 291. sequ.* Nihil iam addo de pactis emtioni venditioni adiici solitis, nisi quod aliquando addita poena prohiberetur ius retrahendi rem venditam. Sic apud Reines. *Inscr. Class.* XII, 68. LOCVM EMTVM QVISQVE REVOCARE VOLET, REIP. FISCO INFERRE DEBET HS. VICIES.

VIII. Locationes conductiones quid sint, VIII. Locationes publicae. Quinam publicani?  
satis a Doctoribus explicatur. Intercedebat in hoc contractu merces pro usu rei vel opera, eaque in locatione praediorum rusticorum *pen- sio*; in locatione habitationis *lousion* vel *coyroum*, in reliquis locationibus *reditus* vel *redactus* dicebatur. Cuiac. *Obs.* IV, 26. Satis vero constat, locationes apud Romanos vel *publicas* fuisse, vel *privatas*. Publicas res qui conducebant, *publicani* dicebantur, iique plerumque erant equites Romani. Cic. *pro Planc.* XI. Vnde eos *honestissimos viros*. & *firmamentum ceterorum ordinum* vocat idem *pro lege Manil.* II. & VII. Quin quanto in honore fuerint apud Romanos, maxime post Ciceronis aetatem, vel inde patet, quod Vespasiani.

(II.) I fiani

fiani parenti publicano posita est statua, cum titulo: ΚΑΛΩΣ ΤΕΛΩΝΗΣΑΝΤΙ. Suet. *Vespas. I.* At ab exteris hi publicani tanto maiori habebantur despicatui, maxime a Iudaeis, qui eos, tamquam pestem reipublicae, & generis humani propudium, abominabantur. Matth. XVIII, 17. Marc. II, 15. vbi conf. Ligthf. *Hor. Hibr. & Talmud.* Luc. V, 28. Immo & ipsis Romanis postremo adeo exosi esse coeperunt, vt ob istos quaeltus a senatu alienarentur equites, Car. Sigon. *de ant. iure ciu. Rom. II, 4. p. 302. sequ.* Vnde & in iure nostro *magnae audaciae magnaeque temeritatis esse dicuntur publicanorum factiones.* L. 12. *pr. D. de public. & vectigal.*

IX. Publicani con-  
duxerunt  
vectigalia?

IX. Locabantur vero publicanis partim *vectigalia*, partim *ultro tributa*. Vectigalia (b) censores locabant in lustrum, id est, quinquennium. L. 3. §. 6. *D. de iure fisci. l. 7. C. de locat. in Italia aequae ac prouinciis immo & agri & prae-*  
dia

(b) Vectigalia quae fuerint, eleganter ex antiquitatibus Romanis docuit Petr. Burmannus *de vectigal. pop. Rom. I. II. III.* Agri publici, hostibus erepti, omnes erant vectigales, iique pro varia deditionis formula triplices habebantur. Vel enim toti publici Romani populi erant, eorumque reditus improprie vectigalia dicebantur: vel militibus inopique plebi diuidebantur per leges agrarias, vel gentibus in deditionem acceptis colendi relinquebantur, vtroque imposito annuo ex fructibus pascuisque vectigali. Porro & agri vectigales dicti sunt ii, quos permisierant municipiis, vt ex eorum redditibus municipiorum sustinerentur onera, sacra peragerentur, aedes publicae factae tectaeque seruariantur. Burmann. *l. c. p. 128. 148.* Et de his proprie loquitur titulus Digestorum *si ager vectigalis petatur.*

(c)

dia ciuitatum in idem tempus locabantur. L. 4. §. 1. D. de admin. rer. ad ciuit. pert. Quum autem illa vectigalia, siue ad fiscum, siue ad ciuitates & municipia pertinerent, ex agris, pascuis & portubus publicis, salinis, picariis, cotoriis, hereditatibus manumissionibus redirent, dicta sunt *decumae*, scriptura, portoria, vectigalia salinarum, picariarum, cotoriarum, vicefimarum &c. l. 17. §. 1. D. de verb. sign. Publicani, qui *decumas* redemerant, *decumani*, qui *scripturas*, *pecuarii*; qui *portoria*; *portitores* dicti sunt. Ascon. in Diuinat. p. m. 1763. Mancipes sunt publicanorum principes, Romani homines, qui quaestus sui causa, *decumas* redimunt, *decumani* adpellantur. si portum aut pascua publica, portitores, aut pecuarii, quorum ratio scriptura dicitur. Sigon. l. c. p. 296. sequ.

X. Vltro tributa dicta sunt sumtus operum publicorum, quorum locatio quinto quoque anno facta est a censoribus. Plutarchus ea vocat *γυναβια*, quasi operum redempturas. Exempla varia ex Liuiio colligit Sigon. de ant. iure ciu. Rom. II, 4. p. 229. Perfectum vero opus etiam probandum erat, de qua probatione plura Cuiac Obs. XXIII, 33.

XI. Porro publicani alii erant *mancipes*, alii *praedes*, alii *focci* Polyb. Hist. VI. Mancipem definit Festus p. m. III. quisquis a populo aliquid emit, *conducitue*, quia sublata manu significat, se autorem emtionis vel conductionis esse. Et Asconius Paed. l. c. p. m. 1763. Mancipes principes publicanorum esse ait, qui quaestus sui causa exigenda a sociis suo periculo exigant, & reipublicae repraesentent *praedes* vero, teste eodem Festo, dicebantur, qui populo se obligabant, interrogatique a magistratu, si *praedes*

X. Et vltro tributa.

XI. Publicani quotuplices ?



*des sint ? respondebant : praedes. Socii denique erant, qui in partem quaestus & iacturae a mancipibus & praedibus vocabantur. Sigon. l. c. p. 239. Omnes vero hi publica vectigalia vel ultro tributa ad hastam publicam conducebant. (c)*

XII. Locationes pri-  
vatae.

XII. Haec de locationibus & conductionibus publicis. Priuati vel praedia sua & res, vel operas locabant: isque contractus denuo perfectus erat, simul ac de certa mercede inter contrahentes conuenerat. De locatoris & conductoris differentia Cuiac. *Obs. II*, 28. de reliquis huius contractus iuribus Doctores consulendi sunt. Id modo iuuat addere, plerumque priuatos in conducendis locandisque rebus suis imitatos esse conductiones publicas, adeoque conduxisse & locasse in quinquenni-um, L. 4. §. 1. D. si cert. petat. L. 25. §. ult. D. solut. matrim. L. 16. D. de liberat. leg. L. 89. D. de V. O. Plin. *Epist. VIII*, 36. L. 13. §. ult. L. 24. §. 2. & 4. D. locati. Praeterea, nec id videtur omittendum, non solum domos sed & fundos plerumque locatos esse Kalendis Iuliis. Exempla sunt in L. 41. pr. D. de contrah. omt. L. 60 pr. D. locat. L. 9. pr. D. qui pot. in pign. Add. Sueton. Tiber. XXXV. Martial. *Epigr. XII*, 33. Ipsae tamen locationes ut plurimum a Kalendis Martiis incipiebant, eodemque tempore & pensiones soluebantur, L. 58. pr. D. de usufr. quamuis id non credat Thom. Reines. *ad Inscript. Class. VII*, p. 507. Plura hanc in rem

(c) Nep. in Attico VI. Ad hastam publicam nunquam accessit. Nullius rei neque praes, neque manceps factus est. Columell. Lib. 1 praef. In hac & Saturnia terra nunc ad hastam locamus.

Ovid. de Ponto. IV, 5.

Aut populi reditus positam componet ad hastam

Idem

rem praeter laudatissimum Reinesium differunt  
 Ant. Augustin. *Emend. IV, 14. Cuiac. ad African.*  
*XII, 8. Guid. Pancirol. Var. Lect. I, ult.*

XIII. Diximus supra n. IX. *not. b.* eos quo- XIII. Ori-  
 que agros dictos esse vectigales, qui permissi go emphy-  
 fuerint municipiis, vt ex eorum redditu onera teuseos.  
 municipiorum sustinerentur, aedesque publi-  
 cae factae tectaeque conseruarentur. *Burm. de*  
*vectigal. pop. Rom. p. 128, & 148.* Horum alii in  
 perpetuum locabantur, quorum pensio ipsis  
 inhaerebat, & vectigal vocabatur: alii ad certum  
 tempus. Priores proprie agri vectigales dice-  
 bantur, & de iis agit titulus Digestorum: *si ager*  
*vectigalis petatur.* Deinde vero Graecis nomini-  
 bus venire coeperunt tam agri illi, quã redeun-  
 tia inde vectigalia, *emphyteuseos* puta & canonis,  
 quod sub Constantino M. primum factum su-  
 spicatur Schilter. *Exerc. XVI, 66. sequ.* Eadem  
 vero locationis species sensim extensa ad prae-  
 dia templorum, patrimonialia principis, urba-  
 na, quin & priuatorum. Vnde Zeno Impera-  
 tor, emphyteusi ab emtione aliisque contracti-  
 bus seiuncta, nouo contractui emphyteuseos  
 dedit originem. *L. 1. C. de iure emphyt.*

XIV. De societate idem, quod de loca- XIV. So-  
 tione conductione, tenendum, eam vel *publicam* cietates  
 esse vel *priuatorum*. Publicis accensendae sunt publicae.  
 societates publicanorum vel conducentium  
 vectigalia. Diuisi enim in multas societates  
 conducebant: & deinde ex ordine suo crea-  
 bant *magistrum societatis*, qui Romae societati ita  
 praeerat, vt & focios quasi senatum cogendi, &

1 3

ad

Idem *ibid.* 139.

*Nunc longi redditus hastae supponere lustris,*  
*Credet, & exacta cuncta locare fide,*

ad eos de societatis negotiis referendi potestatem haberet, curamque omnem gereret tabularum & rationum, quae vndique ab iis, qui societati operas dabant, Romam mittebantur. Cic. *Epist. ad Famil. XIII*, 9. l. 14. D. *de pact.* Sociis enim huiusmodi permissum erat corpus vel collegium habere. l. 1. D. *quod cuiusc. vniu. nom.* Idem magistri societatum in prouinciis habebant *pro magistro*, quasi muneris sui vicarium, societatisque praefectum. Cic. *ad Attic. X*, 10. Quae omnia optimorum auctorum testimoniis luculenter demonstrant Car. Sigon. *de ant. iure ciu. Rom. II*, 4. Burm. *de Vectigal. Pop. Rom. IX*. p. 163.

XV. Societates priuatae cum vniuersales.

XV. Priuati societates inire poterant tum omnium bonorum, (*κοινωγαξία*), vel, vt Vlpianus L. 73. pr. D. *pro soc.* vocat, vniuersarum fortunarum, tum vnius cuiusdam negotiationis. Cai. *Instit. II*, 9. 16. Quoties prius fuerat factum: quaecumque in dominio sociorum erant, cum reliquis quoque communicabantur, L. 1. §. 1. L. 2. D. *pro soc.* idque non propter consensum, qui solus ad transferendum dominium non sufficit, L. 20. C. *de pact.* verum quia traditio quaedam tacita interuenisse credebatur, & veluti constitutum possessorium, vti praeclare docet Ger. Nood. *Probab. II*, 6. ult. Et talis erat communio bonorum inter Pythagoraeos, dictos ideo *κοινωβίταις*. Vid. Iambl. *Vit. Pythag. cap V. segm. 29. & cap. XVII. segm. 72. 74.* Porphy. *Vit. Pythag. segm. 20. & ibi* Luc. Holsten. & Conr. Rittershus. *Not.*

XVI. Tum vnius negotiationis.

XVI. Vnius alicuius negotiationis societas iniri pro lubitu poterat, conditionibusque qui-

quibuscumque: adeo ut & tunc valeret societas, si unus pecuniam daret, alter operam pro pecunia conferret. Nam & tunc, ut eleganter Plautus *Asinar. I, 3.*

*Par pari datum hospitium est, opera pro pecunia.*  
Conf. L. 52. §. 2. D. pro soc.

XVII. Quidquid ex societate illa constante fuerat adquisitum, commune erat sociis omnibus, & diuidebatur partibus aequis, (d) si non aliter initio inter socios conuenerat. L. 29. pr. D. de soc. Recte enim ex L. 63. pr. D. pro soc. obseruatum est a V. C. Schultingio p. 171. inter socios ex veterum sententia intercessisse quodammodo ius fraternitatis. L. 63 pr. D. eod. arctissimamque amicitiam. Quae quum teste Publico Syro *pares aut accipiat, aut faciat*: (e) aequum iis visum, inter socios omnia esse communia. At poterant tamen socii aliter conuenire, partesque communis lucris & damni suo arbitrio statuere. L. 29. D. eod. quin saepe ab arbitris ex bono & aequo partes cuique pro rata assignabantur. L. 6. & L. 80. D. eod.

XVII. Lucrum & damnum quomodo diuisum inter socios?

XVIII. Quemadmodum autem inita societas consensu perseverat: ita eadem dissensu dissoluitur, & quidem ut periculum litium inter socios

XVIII. Societas quomodo dissoluta?

(d) Per has vulgo intelligunt tales, quae collationi respondent; id est, partes *pro rata*, quamuis iure alias semper partes *aequales* vel *aequae* dicantur partes *vi- riles* vel *pares*. Vid. Briffon. de V. S. hac voce.

(e) De hac paritate inter amicos conf. Cicero de Legib. I, 12. Lactant. *Div. Inst. V, 4.* Hinc & fratres dicuntur eiusmodi focii apud Apulei. *Metamorph. X. p. 388. sequ.*



focios pullulantium dissensu vnus. Cuius rei exempla apud Petron. Arb. Satyr. p. 26. & Apulei. *Metamorph. X.* p. 389. vbi & formula renunciandi societati occurrit: *Intelligo nobis conuenire non posse, itaque communes sarcinulas partiamur, & paupertatem nostram priuatis quaestibus tentemus expellere.* Vel: *si tibi societas ista displicet possumus omnia quidem cetera fratres manere, ab isto tamen nexu communionis discedere.* Conf. Wouuuer. ad Petron. p. 118. Quin & morte tum naturali tum ciuili vnus focii dissoluebatur societas. Cai. *Inst. II.* 9. 17. neque vnquam heres ipso iure erat focus, ne quidem in societate vectigalium, nisi adscitus a reliquis esset. L. 59. & L. 63. §. 8. *D. pro soc.* Cuiac. *Obs. X.* 25. Praeterea egestate soluebatur societas, L. 4. §. 1. *D. eod.* vt &, si quis socio- rum bonis cessisset. L. 65. §. 1. *D. h. t.* Denique si vnus negotiationis causa inita fuerat societas, finito negotio, ipsa quoque societas cessabat. L. 63. §. ult. L. 65. §. 10. *D. eod.*

XIX.

Contra-  
ctus man-  
dati ori-  
go.

XIX. De mandato iis, quae doctores inculcare solent, nihil est, quod addamus praeter id vnicum, quod is contractus non videatur antiquissimus. Sane enim, quum censerent veteres mandatum ex officio atque amicitia proficisci: L. 1. §. 4. *D. mandati vel contra*, non videntur initio hoc nomine obligationem constituisse, sicut nec *ex precario* L. 14. *D. de pre- car.* sed quod fidem plurimum colerent; maxime data dextra alligabant mandatae susceptaeque operae fidem, quam manum fidei sacram iudicabant, vti acute obseruat Ger. Nood. *Probab.* IV, 12 p. 108. Hinc Isidor. *Orig.* IV, 4. tra-

tradit, inde dictum esse mandatum, quod olim in commisso negotio alter alteri *manum dederit*. Et ad hunc ritum adludere videtur. Plaut. *Captiv. II, 3. v. 82. sequ.*

*Haec per dextram te, dextra retinens manu,  
Obsecro, infidelior mihi ne fuas, quam ego sum tibi,  
Tu hoc age, mihi heres nunc es, tu patronus, tu pater.  
Tibi commendo spes opesque meas* PHI. MAN-  
DAVISTI *satis.*

*Satin' habes, mandata quae sunt, facta si refero?*  
T. *satis.*

Et Terent. *Heaut. III, 1. v. 82.*

ME. Cedo DEXTRAM: porro te, idem  
oro ut facias, Chreme.

CH. *Paratus sum.*

Igitur quod fides iubebat & pudor, hoc primum mandati ius fuit. Post usus ei actionem adinvenit, adeoque mandatum in civile transiit negotium. Vid. Celeb. Nood. *Pand. h. t.*

XX. Denique id monendum est, actiones pro socio & mandati, si dolus in alterutro contractu concurrisset probaretur, infamiam inussisse. Quum enim focii fratrum loco haberentur; (supra § XVI.) nec mandare cuiquam soleamus, nisi cuius fidem sequimur: merito infamia coercebant veteres, eos qui tam turpiter socium vel mandantem defraudassent. Cic. *pro A. Caecina III.* Quin & negligentia in crimen mandati iudiciiue infamiam reuocabatur, teste eodem *pro Roscio XXXVIIII.* Quae omnia ex edicto praetoris esse patet ex L. I. D. *de his qui not, inf.*

XX. Dolus in socio vel mandatario admisus infamia punitus.

## TIT. XXVIII.

DE

OBLIGATIONIBVS QVAE QVA-  
SI EX CONTRACTV NASCVN-  
TVR.

**H**Actenus de contractibus veris, qui consen-  
sum verum & expressum exigunt. Non-  
numquam consensus nec verus est, nec ex vtra-  
que parte exprimitur, sed praesumitur: & tunc  
obligatio nasci dicitur QVASI EX CON-  
TRACTV. Quod quibus contingat modis,  
hoc titulo ostendendum est.

I. Quid ne-  
gotiorum  
gestio?

I. Qui absentis aut ignorantis negotium  
curandum suscipit, nulloque adeo mandato  
instructus est, NEGOTIORVM GESTOR  
vocatur. Is quasi contractus originem debere  
videtur relegationi, quae saepe tam repente de-  
cernebatur, ut discedendum subito esset pa-  
tribus familias, nullique demandata negotio-  
rum suorum administratione, peregre profici-  
scendum. Ne ergo res familiaris absentibus  
dominis detrimenti quidquam caperet, amici se  
relegatorum negotiis solebant ingerere, absen-  
tiumque curare bona. Idque sibi velle viden-  
tur verba Theophili §. 1. *Inst. h. t.* Τοῦτο δὲ ἐπι-  
νενήχθαι διὰ τὸ χρησιμὸν τῶν ἀπολιμπανομένων, οἵτινες  
αἰφνιδία καὶ σπευδᾶια κατεχεθέντες ἀποδημία, ἢ  
δυνηθέντες τινὶ τῶν οἰκείων πραγμάτων τὴν διοίκησιν  
ἐντέλλασθαι, ἀπεδημήσαν. Idque utilitatis causa re-  
ceptum est, ne negotia eorum desererentur, qui subita &  
ne-

*necessaria protectione dissenti; nemini rerum suarum administratione demandata, peregre profecti sunt.*

II. Negotiorum gestor quoque erat voluntarius procurator, qui se alienis negotiis offerbat, cuius meminit Paull. *Recept. Sent.* l. 3, 3.

II. Voluntarius procurator.

quemque Cicero *voluntarium amicum* adpellat pro Caecina V. Is vero cauere debebat, rem ratam habiturum dominum. Vid. Cuiac. *Observ.*

VII, 26. X, 25. Quemadmodum ei nec soluere solebat quisquam, nisi praestita cautione, *amplius eo nomine neminem, cuius petitio esset, petiturum.*

Et ita intelligendus locus elegantissimus Ciceronis in Brut. cap. IV. sequ.

*Mihi quoque, inquit Brutus, & expectanda sunt ea, quae Attico polliceris, etsi fortasse ego a te huius voluntarius procurator petam, quod ipse, cui debes, sine incommodo exacturum negat. At vero, inquam, tibi ego, Brute, non soluam, nisi prius a te cauero, amplius eo nomine neminem, cuius petitio sit, petiturum.*

III. Quemadmodum vero domino aduersus negotiorum gestorem directa compete-

III. Actiones ex hoc quasi contractu.

bat actio ad reddendam administrationis rationem: ita negotiorum gestori dabatur contraria ad

praestandam indemnitate, & restituendas im-

penas utiles & necessarias, quibus tamen non accensebantur eae, quae pietatis, vel voluptatis

caussa fuerant factae. L. 45. pr. L. 27. princ. D. neg. gest.

Negotiorum vero gestor & bonam fidem & exactissimam diligentiam praestare tene-

batur, adeo, ut nonnumquam & casus esset praestandus, L. 10. & 11. D. neg. gest. immo & usurae

restituendae, & periculum eorum nominum, quibus ipse pecuniam collocauerat, subeundum,



dum, si litis tempore soluendo non essent. Paull. *Sent. Rec.* I, 4, 3. Isque iuris rigor etiam contra patrem sese exferebat, si filii emancipati gessisset negotium. L. 37. §. *ult.* D. *neg. gest.* Reliqua, quae huc pertinent, Doctores fatis diligenter inculcant.

IV. Tutela.

IV. Tutela quoque quasi contractus est, ex eaque nascitur actio tutelae cum *directa*, ad reddendas rationes & praestanda damna, etiam, leui culpa data. L. 33. *pr.* D. *de adm. tut.* tum *contraria* ad impensas repetendas, impetrandamque indemnitate. Vbi denuo obseruandum, infamiam mansisse tutorem, si quid dolo malo admisisse iudicaretur. Cic. *pro Caecin.* III.

V. Communio.

V. Communio rerum ipsa non est quasi contractus, sed status, in quo plures dominium vel ius indiuisum in rebus habent, & in quem statum deuenitur & sine conuentione. L. 31. L. 33. D. *pro soc.* ac proinde non tantum differt a contractu societatis quod ostendit Cuiac. *paratitl. tit. C. pro soc.* verum etiam a quasi contractibus. A societate differt, quia ea per contractum seu conuentionem inibatur, vnde societatem Tullio pro P. Quinctio *voluntariam* dictam, obseruat laudatus Cuiac. *Obs.* X, 25. A quasi contractu autem vel ideo diuersa est, quod rei communio est ius in re, id est commune dominium. At rerum communium administratio, fructuum perceptio, damni illatio & similia obligationem quasi e contractu produciunt. Schulting. *ad Paull. Rec. Sent.* I, 18. §. p. 258.

VI. Lex XII. Tab. de familiae erciscundae.

VI. Idem sentiendum de hereditatis communione, ex qua actio familiae erciscundae na-

nascebatur. Eius fundamentum fuit in XII. Tabulis, in quibus cautum fuerat: NOMINA INTER HEREDES PRO PORTIONIBVS HEREDITARIIS ERCTA CITA SVNTO, CETERARVM FAMILIAE RERVM ERCTO NON CITO, SI VOLENT HEREDES, ERCTVM CITVM FACIVNTO. PRAETOR AD ERCTVM CIENDVM ARBITROS TRIS DATO. Ita enim leges has ex Festo, Donato variisque iuris antiqui reliquiis restituit Iac. Gothofredus *Fragm. XII. Tab. V.*

VII. Lex plana ac perspicua erit, dummodo, quid ERCTVM CITVM sit, intelligamus. Sed hic quidem in diuersa abeunt auctores. Salmasius *Exercitat, Plinian. p. 1262.* erctum idem esse putat, ac hereditatem, simulque reprehendit Tribonianum, qui saeculi deceptus barbarie phrasin *familiam herciscere* excogitarit. Ianus vero Vinc. Graulina *de Leg. XII. Tab. p. 327.* erctum idem esse contendit ac *hortum*, quod veteribus bonum significarit. Sed quemadmodum neuter coniecturam suam veterum auctoritate probat: ita mihi omnibus coniecturis anteposenda videtur Festi auctoritas, qui in voce *erctum*. *Erctum*, inquit, *citumque fit inter coheredes, ut in libris legum Romanarum legitur. Erctum a coercendo dictum, unde erciscundae & ercisci.* Erctum ergo est quasi *coercitum*, id est, integrum, indiuisum, ut recte iudicat Iac. Gothofred. *Not. ad XII. Tab. p. 207.* & ante eum Ios. Scaliger. cuius egregia haec est *p. LV. ad Festum* annotatio: *Erctum citum est hereditas diuisa*

VII. Expli-  
catur.

*diuisa. Glossae: Herctus citus διαίρεσις τῶν ὑπαρχόντων. Donatus apud Seruium: Erctum non citum, hoc est patrimonium non diuisum. Erctum ciendum, hereditas diuidunda. Glossarium: Ciendae διαίρεσις. Idem erciscundae διαίρεσις, fortasse, διαίρεσις. CIO vero antiquis idem fuit, ac diuido. Vnde apud Seruium Donatus, interpretaturus illa Virgilii Aeneid. VIII. ad fin.*

*- citae Metium in diuersa quadrigae Distulerant.*

*addit: citae, id est, diuisae, ut est in iure ERCTO NON CITO, id est, patrimonio vel hereditate NON DIVISA. Qua in interpretatione licet fallat Donatus, quum, ut Seruius obseruat, CITVM, quoties idem est ac diuisum, syllabam priorem producat: res ipsa tamen certa est, citum idem esse ac diuisum. Vnde familiam erctam ciere idem erit ac hereditatem integram & indiuisam diuidere. Et ex illis antiquis atque obsoletis vocibus nata est postea phrasis FAMILIAM ERCISCERE, quae iam apud Cicero- nem de orat. I, 56. Apulei. Metam VI. sub extrem. & Festum l. c. occurrit, tantum abest, ut Tribonianus, quod Salmasius putabat. eam ex male intellectis vocibus ERCTVM CITVM conflauerit.*

VIII. Iudicium familiae erciscundae.

VIII. His praemissis facilis erit legis decem- uiralis interpretatio. Vult eius prior pars, ut nomina, id est, omnes obligationes & actiones ipso iure inter coheredes pro portionibus hereditariis ita sint diuisa, ut non nisi pro rata alios conuenire, aut possent ab aliis conueniri. Ex quo consequebatur, ut legatarii nec obligatio-  
num

num nec actionum defuncti fierent participes, sed & illarum onere & harum beneficio eximerentur. Ad ceteras res hereditarias quod attinebat, adita hereditate inter ipsos coheredes communionem quamdam esse volebant decemui, & tacitam veluti societatem. Quum tamen nemo teneatur inuitus in communione perseverare: necesse erat, ut cuius coheredum liceret communione ista discedere, eaque de causa prodita erat actio erciscundae familiae, quae instituta, praetoris erat, tres arbitros dare, qui portiones facerent, & subortas inter coheredes controuersias ex aequo bonoque componerent. Conf. Jan. Vinc. Grauius. *de XII. Tab. p. 326.*

IX. Inter heredem quoque & legatarium quasi contractus esse videbatur. Quamuis enim hic illum cogere non posset ad adeundam hereditatem: *L. 53. D. ad SC. Trebellian.* adita tamen hereditate videbatur se heres ad exsoluenda legata implendamque defuncti voluntatem obligasse. *L. 5. §. 2. de Oblig. & Act.* & hinc legata petere poterant legatarii *actione ex testamento.* Si legatum per damnationem relictum inficiaretur heres, dupli condemnandus erat. *Paull. Rec. Sent. I, 19.*

IX. Quasi contractus inter heredem & legatarium.

X. Denique quasi contractus intercedebat inter eum, qui soluisset indebitum, & eum, cui erat solutum. Illi ergo competebat condictio indebiti, de qua integer titulus in Digestis existat. Cessabat tamen ea condictio non modo si quid naturaliter debebatur, vel si errore iuris solutum erat, de quibus casibus prolixè Doctores, verum etiam in omnibus causis, e quibus lis inficiando crescebat, veluti ex lege Aquilia,

X. Quasi contractus ex solutione indebiti.



Aquilia, ex legato per dampnationem, nec non in transactione, aliisque pluribus, in quibus si quid per errorem fuerat solutum, illud repeti condicique non poterat. §. 7. *Inst. h. t. L. 65. § 1. D. de condict. indeb.* Nec ea condictio ei compete-  
 bat, qui integram hereditatem, non detracta quarta Pegafiana, restituerat. Testis est Paulus *Rec. Sent. IV, 4. 4.* unde mirum, id negare Merillium *Obferu. VIII, 14.* At quae ratio? Procul dubio, quia leges praesumebant transactionem. Cui sententiae non obstare *l. ult. C. de condict. indebiti* ostendit Celeb. Thomas. in *Schol. ad Huber. Praelect. Inst. h. t.* At Iustinianus quidem discrimen inter legata per damnationem & reliquas eorumdem species sustulit: solis tamen legatis, quae sacrosanctis ecclesiis ceterisque venerabilibus locis relicta fuerant, id dedit priuilegium, ut indebite etiam soluta repeti condicique non possent. Exstat ea Iustiniani constitutio *L. 2. C. comm. de leg.*

## TIT. XXIX.

PER QVAS PERSONAS NOBIS  
OBLIGATIO ADQVIRITVR.

**N**ihil in hoc titulo, saltim quod ad Antiquitates attinet, dicitur, quod non iam *Tit. IX. Lib. II,* occupatum sit, ad quem nos iure referimus.

## TIT. XXX.

QVIBVS MODIS TOLLITVR  
OBLIGATIO.

**V**T multi variique contrahendarum, ita & distrahendarum obligationum non pauciores modi sunt, quorum alii ipso iure liberant, vt *solutio, acceptilatio, novatio, delegatio, confusio, obsignatio, compensatio*, rei que debitae citra moram a debitore factam contingens *interitus* : alii per exceptionem tollunt obligationem, veluti *pactum, sententia, tempus & similia*. Imperator de prioribus tantum modis, iisque non omnibus agit.

I. Solutione distrahebatur obligatio, quoties debitor creditori ea, quae debuerat, in solidum soluerat. De eo, quod circa solutionem iustum veteribus visum est, praeclare agit Barn. Briffon. *de solut. & liberat. Lib. I.* Quum vero olim in solutum datio, multoque magis bonorum cessio ignota fuerit: nos hic de beneficiorum illorum origine & proprietate nonnulla addemus.

I. Tollitur obligatio solutione.

II. Antiquissimis temporibus maximus erat iuris rigor aduersus debitores. Poterant enim illi in neruum duci a creditoribus, quibus a Praetore addicebantur, si condemnati iusto tempore non soluissent, neque vindex fuisset, qui, adprobante creditore, debitum in se susciperet. Salmas. *de mod. vjurar. XI, 18.* Et tunc debitores dicebantur *nexi & obaerati*, propter neruum, quo neclebantur, statumque

II. Obaeratorum conditio antiquissima.

miserum, quem ex aere alieno subierant. Cic.  
*pro Muraen.* Dicebantur etiam *addicti*, non quod  
 in seruilem inciderint conditionem, vt vulgo  
 existimant, (sane enim ingenuitas non erat in  
 commercio, & tantum abest, vt quis pro aere  
 alieno in seruitutem rapi potuerit, vt ne ipse  
 quidem. si voluisset, voluntariam adire potuif-  
 set seruitutem,) sed quod creditoribus a prae-  
 tore fuerant adiudicati, ad operas seruiles quas-  
 cumque praestandas. Seruiebant ergo hi ob-  
 aerati creditoribus, sed non erant serui, inter  
 quae magnum discrimen erat. §. 1. *Inst. de Ingen.*  
 Hinc & addicti illi, soluto debito, recuperata-  
 que libertate, non erant libertinae conditionis,  
 sed ingenui. Poterant etiam inuito creditore  
 liberari, habebant legem, utebantur praenomine,  
 cognomine, tribu, &c. Quae omnia a ser-  
 uorum conditione absunt quam longissime.  
 Vid. Quinctilian. *Inst. V, 10. VII, 4 & Declam.*  
 CCCXI. Conf. Cuiac. *Obj. XIII, 9.*

III. Obae-  
 rati, nexi  
 & adiudi-  
 cati sunt  
 creditori-  
 bus iam  
 sub Regi-  
 bus. Id ius  
 sustulit  
 Seruius  
 Tullius.

III. Id vero ius rigidum, siue ex antiquo  
 iure Attico, quod ante Solonem teste Petro Pe-  
 tito *de Leg. Attic. p. 412.* receptum fuerit, siue  
 aliunde profectum, iam sub regibus seruatum  
 legimus. Quum vero iam tum nobiles in in-  
 genua debitorum corpora seruire coepissent:  
 primus Seruius Tullius, quo erat populari in-  
 genio, cessionis bonorum indulsit beneficium.  
 Rem paucis compertam memoriae prodidit  
 Dionys. Halic. *IV. p. 215.* qui Regem inducit  
 ita concionantem: ὅσοι δ' ἂν μετὰ ταῦτα δανείσων-  
 ται, τέτρες ἐκ ἐάσω πρὸς τὰ χρέα ἀπάγεσθαι, ἀλλὰ νόμον  
 θήσω, μηδένα δανείζειν ἐπὶ σώμασιν ἐλευθέροις, ἱκανόν  
 ἦγε-

ἐγγέμενον τοῖς δανεισάσι τὰς ἑσίας τῶν συμβαλλόντων κρατεῖν. Si quidam autem in posterum a foeneratoribus mutuū sumserint, eos ob aes in neruum duci non siniam: canebique lege, ne foeneratoribus ius sit in libera corpora, sed contenti sint debitoris facultatibus. Nec dubitare licet, quin steterit promissis, quum extremis temporibus exagitatus a patriciis in altera concione conqueratur, ideo se patriciorum adpeti insidiis, quod pauperum libertatem contra foeneratores seruarit incolumem. Dionys. Halic. IV. p. 240.

IV. Enimuero non diu admodum humanius illud Seruii Tullii institutum viguit. Praeterquam enim quod Tarquinius Superbus omnes eius leges aboleuit, ne tabulis quidem in foro relictis, (Dionys. Hal. IV. p. 244 sequ.) ipsi etiam decemuii durissimum illum obaeratos in neruum ducendi morem veluti postliminio restituerunt. Inhumanissimam legem, cuius ipsa legitima verba seruauit, Gell. Noct. Attic. XX, 1. paucis illustrabimus: AERIS CONFESSI (a) REBUSQUE IVRE IUDICATIS XXX. DIES IVSTI SVNTO. Non enim aequum visum est decemuiis, debitores quamquam confessos & iudicatos tam dira sententia statim opprimere: sed XXX. dies iis praefinire placuit, intra quos pecuniam conquirerent, qua satisfaceret creditoribus. Et hi dies vocantur

IV. Restituerunt postea decemuii quorum lex de obaeratis explicatur.

(a) Quum haec verba vix sensum idoneum fundant: alii legendum monent AERIS CONFESSO: Ampl. Bynkersh. autem *Observ.* I, 1. p. 2. REIS CONFESSIS.



tur *iusti*, id est, ut ait apud Gellium *l.c.* Caecilius, quoddam veluti iustitium, & iuris inter eos quasi interstitio quaedam & cessatio, quibus diebus nihil cum eis agi iure possit. (b) Postea hi XXX. dies ad duos menses redacti sunt *L. vn. C. Theod. de usur. rei indicat.* postremo ad quatuor menses a Iustiniano *L. pen. & ult. C. de usur. rei indic.* Pergunt decemuiri : POST DEINDE MANVS INIECTIO ESTO, IN IVS DVCITO. In ius ergo iam rapi poterat debitor, circumactis iustis triginta diebus, non quidem, ut de debito denuo cognosceretur, (nam iam antea res iudicata erat,) sed ut addiceretur creditori. Sic enim porro decemuiri: NI IVDICATVM FACIT, AVT QVI LOCVPLES ENDO EO IN IVRE VINDICIT, SECVM EDVCITO, VINCITO AVT NERVO AVT COMPE-DIBVS XV PONDO NE MAIORE, AVT, SI VOLET, MINORE VINCITO. In ius ergo raptis duae erant elabendi viae, aut iudicatum faciendum, aut inueniendus vindex vel expromissor, qui pecuniam pro addicto dependeret, (c)

vt

(b) Iusti dies vocabantur, intra quos quodcumque negotium erat suspendendum. Hinc Festus voce *iusti dies* p. 303. etiam eos dies vocat iustos, quum exercitus esset imperatus, & vexillum in aere positum staret. Conf. Macrob. *Saturnal.* I, 16.

(c) Solebant enim viri nobiles plebem nonnumquam hac insigni munificentia demereri. Quale exemplum imitari se simulabat nebulo ille apud Naeuium, de quo Cicero *de Orat.* II, 63. Quae genera ridiculi percurrant equidem: sed scitis, esse notissimum ridiculi genus. quum aliud expectamus, aliud dicitur. Hic nobis met ipsos noster error risum movet. Quod si admixtum est ambi-

guans

vt ait Seneca *de Benef. III, 8.* Nec soluto debito, nec dato vindice, addicebatur obaeratus creditori, neruis compedibusque ab hoc constringendus, quorum tamen onus XV pondo non debebat esse maius. Saepius ad hunc morem alludunt Comici, veluti Plautus *Bacchid. V, 2. v. 87. Menaechm. I, 1. v. 20. Terent. Phorm. II, 12. v. 20.* vbi lepide Phormio Parasitus: 211. 20

- - - Dices, damnatum ducent domum:

*Alere nolunt hominem edacem: & sapiunt mea quidem sententia,*

*Pro maleficio si beneficium summum nolunt reddere.*

Ad quae verba intelligenda consuluisse iuuabit Donatum *in Scholiis.* Exempli quoque exstant apud *Liv. VI, 11. 14* & alibi passim. Pergunt decemuiri: SI VOLET, SVO VIVITO. NI SVO VIVIT, QVI EM VINCTVM HABEBIT, LIBRAS FARRIS ENDO DIES DATO, SI VOLET PLVS DATO. In nexi ergo positum erat arbitrio, suone viuere, an ab creditore ali mallet. Si hoc eligeret, tum in quotidianum victum dari ei oportebat libram farris, id est, non panem tanti ponderis, (d) fed

*guum, sit falsus: vt apud Naeuium videtur esse misericors ille, qui iudicatum duci videns, percunctatur ita:*

Quanti addicis? mille nummum.

*si addidisset tantummodo: ducas licet: esset illud genus ridiculi praeter expectationem: sed quia addit:*

Nihil addo: ducas licet.

*addito ambiguo, altero genere ridiculi fuit, vt mihi videtur, falsissimus.*

(d) Hinc non est, quod suspectam eruditi habeant hanc  
K 3 libram

sed pultem farream, (e) qua Romani tum frequentius, quam ipso pane vescerantur. Plin. *Hist. Nat.* XVIII, 8. Valer. Max, II, 5. Iuuenal. *Sat.* XIV. Denique addunt decemuiri : NI CVM EO PACIT, LX DIES ENDO VINCVLIS RETINETO, INTERIBI TRINIS NVNDINIS CONTINVIS IN COMITIVM PROCITATO AERISQVE AESTIMIAM IVDICATI PRAEDICATO. AST SI PLVRIBVS ERVNT REI, (f) TERTIIS NVNDINIS PARTES SECANTO. SI PLVS MINVSVE SECVERVNT, SE FRAVDE ESTO. Sexaginta ergo dies nexus erat in priuato creditoris carcere, intereaque singulis

libram farris. Nec admittenda videtur coniectura Guill. Forneri *Select.* I, 6. qui in lege decemuirali legendum putat LIBRAM S. FARRIS, id est, *libram semis farris*. Quamuis enim alias minimus modus cibi, quo frugaliore Romae utebantur, esset *selibra farris*: intelligebatur tamen tunc panis farrei selibra. At farris in pultem conspissati *libra* erat legitimus diarii seruilis modus, immo & panis farrei libra quotidie feruis dari solebat. Horat. *Sat.* I, 5. Postea captiuis libellae duae vel tres dabantur L. 1. C. *Theod. de custod. reor.*

(e) Plautum quoque hunc Romanorum victum sale comico adpersisse, nonnulli existimant, & Romanos vocasse *pultriphagos barbaros* *Mostellar.* III, 2. v. 142. *Poenul. Prolog.* v. 53. *sequ.* Et ita sentiunt Marci. *ad XII. Tab.* p. 85. Turneb. *Aduers.* XIX, 12. Lips. *de Milit. Rom.* V, 16. Ast ibi non Romanos sed Carthaginienses intelligi, ostendit Taubmannus. p. 559. & 853.

(f) Ita legendum res ipsa monet. Vulgo legunt: AST SI PLVRES REI, & ita quoque legem extulit Gothofredus, nullo sane sensu.

singulis nundinis producendus in forum, proclamandumque per praeconem, quantum pecuniae debeat, si quis forte, tam tristi spectaculo commotus, pro eo dependere vellet. Si neque dependere quisquam esset ausus, nec ipse obaeratus intra hos LX dies transegisset: fiebat *sectio*. At qualis? De corporis sectione id intelligunt Tertull. *Apol. IV*. Quinctilian. *Inst. III, 6*. ipse Caecilius apud Gell. XX, 1. qui tamen negat tam durum ac inhumanum supplicium unquam sumtum esse ab obaeratis, adeoque illud tantum terroris causa legi accessisse existimat. At de sectione bonorum id interpretantur Robert *Rer. indic. II, 6*. & Corn. Bynkersh. *Obs. I, 1*. Et sane ut corpus saepe notat bona & facultates: ( *L. 25. §. 16. D. de her. pet.* ) ita qui bona hastae subiecta publica auctionis lege emebant, *sectores* dicebantur. Cic. *pro S. Rosc. Am. LXIII*. Ascon. Paedian. *ad Ciceron. Verrin. III. p. 1843. & 1815*. Flor. II, 6. adeoque *sectio* idem est ac auctionis apud Varron. *de re Rust. II, 10*. Minus ergo verosimilis est prior sententia, permisum scilicet esse creditoribus corpus obaerati secare. Quis enim adeo fuisset stolidus, ut non maiore lucro & minore inhumanitatis fama servilibus obaeratorum operis uti, vel ipsos trans Tiberim venumdare maluerit?

V. Quum vero inhumana semper visa sit V. Posses-  
lex illa decemviralis: multo post lata est A. V. sio bono-  
C. CDXXVII. lex POETELIA PAPIRIA, C. rum lege  
Poetelio Libone Visolo & L. Papirio Mugilla- Poetelia  
no Coss. *ne quis, nisi qui noxam meruisset, donec poe-* Papiria in-  
*nam lueret, in compedibus, aut in neruo teneretur;* troducia.



*pecuniae creditae bona debitoris, non corpus obnoxium esset, & ne quis in posterum neceretur.* Liu. VIII, 28. Varro de Lingu. Lat. VI, 5. p. m. 85. Tertul. Apolog. IV. Ergo ex hoc tempore cessauit obaeratorum addictio, cessauit ductio in neruum. Id tantum permissum creditoribus, ut bona possiderent, eaque deinde venderent publice.

VI. Plebs  
saepe pos-  
tulauit  
nouas ta-  
bulas.

VI. Quum vero ne sic quidem satis consultum videretur debitorum inopiae, siquidem illa possessio bonorum & famam laedebat, & non liberabat a carcere: ideo saepe flagitare plebs coepit aeris alieni relaxationem, quam legem Romani *Nouas tabulas* adpellare solebant: Vid. Senec. de Benef. I, 4. Suet. Iul. XLII. Quintilian. Declam. CCCXXXVI. Eas vero ut nemo umquam, nisi perturbandae reip. cupidus, promulgauit: ita optimus quisque & ocii amantissimus repudiauit. Vid. Liu. Lib. XXXII. Cap. XXXVIII. & Sigon. de antiquo iure ciu. Rom. I, 6. p. 96.

VII. Bene-  
ficium in  
solutum  
dationis.

VII. Denique Iulius Caesar plenius consulendum ratus debitoribus inopia deperditis, lata lege cauit, ut disiecta nouarum tabularum expectatione, quae tum crebro monebatur, debitores creditoribus satisfacerent per aestimationem possessionum quanti quasque ante bellum comparassent, deducta summa aeris alieni, si quid usurae nomine numeratum aut perscriptum fuisset. Suet. Iul. XLII. Caesar. de bello ciu. III, 1. Ergo ex eo tempore licuit debitoribus, possessiones suas, aestimatione prius facta, creditoribus in solutum dare. Quod quum sensim denuo ab usu recessisset, illud beneficium denuo debitoribus restituit Iustinianus Imperator. Nov. IV, ult. & Nov. CXX. VIII.

VIII. Veleadem, vel alia lege Iulia, introductum quoque est beneficium cessionis bonorum, quo is qui sine dolo suo malo aeri alieno satisfacere non poterat, bonis suis cedendo liberabatur. Sane legi Iuliae cessionis bonorum origo adscribitur in *L. 1. & L. 4. (g) C. qui bon. ced. poss. & Tit. C. Theod. qui bonis ex L. Iul. cedere poss.* Conf. Alciat. *Parerg. II, 4.* Duaren. *Oper. p. 703.*

VIII. Vt & cessionis bonorum.

IX. Alter modus liberationis erat *acceptilatio*, quae a phrasi ACCEPTVM FERRE, qua veteres in hac stipulationis specie utebantur, nomen inuenit. *Acceptum* vero *ferre* dicebantur creditores, quum creditum recepissent, quemadmodum debitores *expensum ferre* dicebantur, si numeratam sibi pecuniam faterentur. Plin. *Hist. Nat. II, 7.* Quemadmodum ergo *expensilatio* nota erat veteribus: Gell. XIV, 2. ita eadem forma dicebatur ACCEPTI LATIO.

IX. Acceptum & expensum ferre quid significet?

X. Erat autem acceptilatio imaginaria solutio, qua obligatio stipulatione contracta, noua stipulatione distrahebatur. Quemadmodum ergo promissio non nudo pacto sed stipulatione sola valebat, ita & eadem non nudo pacto, sed sola stipulatione tollebatur. Inter iuris enim regulas fuerat receptum, quod eodem modo quid dissolui deberet, quo fuerit colligatum. *L. 35. & 100. D. de Reg. iur.* quae regula proprie ad acceptilationem & expromissionem pertinet. Iac. Gothofr. *Comm. de Reg. iur. ibid.*

X. Quid acceptilatio?

K 5

XI.

(g) Ex hac lege 4. *C. qui bon. ced.* simul discimus, legem Iuliam de cessione bonorum, quae ad solos ciues pertinebat, ante Diocletiani tempora etiam ad prouinciales esse porrectam. Conf. Ez. Spanh. *Orb. Rom. II. ult.*

R 5

(b)

XI. Quo  
ritu facta?

XI. Fiebat ergo acceptilatio per *interrogationem non mutuam* quidem, vt Modestinus in *L. 1. D. h. t.* ait, sed vnicam. Si quis enim iam antea obligatus fuerat per stipulationem, & creditor eum liberari obligatione illa vellet: rogare verbi gratia debebat debitor: DECEM, QVAE TIBI PROMISI, ACCEPTA HABES VEL FACIS? vel Graece: *ἐχεις λαβῶν δυνάσασθαι τόσα*; creditor vero respondebat: HABEO, FACIO, *ΕΧΩ ΛΑΒΩΝ*. §. 1. *Inst. h. t. L. 6. L. 7. L. 8. §. 1. D. de acceptil.* Quo facto liberatus videbatur debitor, etiamsi pecunia non interuenisset. Quae omnia latius explicat. *Briff. de Solut. & Liberat. L. 11. p. 127. sequ.*

XII. Stipulatio Aquiliana.

XII. Quum vero non nisi verborum obligationes acceptilatione tolli possent: repertus demum est modus, quo & reliquae obligationes eiusmodi stipulatione tollerentur. Nam C. Aquilius Gallus, aequissimus ille vna & solertissimus cautionum artifex, (*Vid. Cicero de Nat. Deor. III, 30. & de offic. III, 14. & Orat. pro A. Caecin. XXVII.*) composuit stipulationem, *Aquilianam* (*h*) inde dictam, quae nobis certissimum praebet anxiae veterum in cautionibus componendis diligentiae argumentum. In ea enim, vt recte observat *Briffon*, *libro allegato p. 163.* ne quid omissum videretur, multa ex abundantia sunt

(*h*) Tales formulae ab Aquilio repertae plures in iure nostro exstant, veluti ratio instituendorum postumorum nepotum, *L. 29. D. de liber. & postum.* formula dolimali, quam *malitiarum euerriculum* vocat *Cic. de Nat. Deor. III, 30.*

sunt adiecta. Ipsam stipulationis Aquilianae formulam recenset Imperator, §. 2. *Inst. h. t.* quam Brissonii exemplo notis quibusdam anti-  
 quitatis enucleandae causa illustrabimus :  
 QUIDQVID TE MIHI EX QVACVN-  
 QVE CAVSSA (i) DARE EACERE (k)  
 OPORTET OPORTEBIT, PRAESENS IN  
 DIEMVE, AVT SVB CONDITIONE, (l)  
 QVARVMQVE RERVM MIHI TECVM  
 ACTIO EST, QVAEQVAE VEL ADVER-  
 SVS TE PETITIO, VEL ADVERSVS TE  
 PERSECVTIO EST ERITVE, (m) QVOD-  
 VE TV MEVM HABES, TENES. POS-  
 SIDES, (n) DOLOVE MALO FECISTI,  
 QVO

(i) *Causam* dicere mavult quam *contractum*, siquidem illa & obligationem omnem & negotia quaecunque complectitur *L. 9. D. si cert. pet.* Immo & ad vera & ad quasi delicta pertinet. *L. 11. D. de verb. signif. L. 1. D. de Obl. & act.*

(k) Solebant veteres iureconfulti ita sine coniunctione verba coniungere, veluti *viri frui, ire agere, dare legare.* Quae quid sibi velint, docet. *Vlpian. L. 53. D. de verb. signif.* Iungit ergo hic Aquilius OPORTET OPORTEBIT, quum alias verbo *oportebit*, tam praesens, quam futurum tempus significetur. *l. 8. ff. de V. S.*

(l) Obligari possumus *pure, in diem & sub conditione. §. 2. Inst. de Verb. oblig.* Omnes obligationum species coniungit Aquilius, ad primam pertinet verbum *oportet*, ad secundam & tertiam, *oportebit*, quia harum dies nondum cedit.

(m) Actio in personam est, petitio in rem, persecutio ad extraordinarias magistratuum cognitiones pertinet *Briss. l. c. p. 164.* Iungi haec etiam videmus in *L. 10. ff. de V. S.*

(n) HABERE generale est & ius dominii, ius possessionis & meram detentionem denotat. *L. 38. D. de verb. obl.*



QVO MINVS POSSIDEAS, (o) QVANTI QVAEQVE EARVM RERVM RES ERIT TANTAM PECVNIAM DARE STIPVLATVS EST AVLVS AGERIVS, (p) SPOPON-  
DIT NVMERIVS NIGIDIVS. Ita obliga-  
tione omni in stipulationem deducta, porro  
fiebat acceptilatio hoc modo: QVOD NV-  
MERIVS NIGIDIVS AVLO AGERIO  
SPOPONDIT, ID HABERETNE A SE  
ACCEPTVM, NVMERIVS NIGIDIVS  
AVLVM AGERIVM ROGAVIT AVLVS  
AGERIVS NVMERIO NIGIDIO ACCE-  
PTVM FECIT. Hac acceptilatione omnis  
tollebatur obligatio, quamvis non verbis, sed  
re, consensu vel litteris inita, etiamsi nulla in-  
tercessisset praestatio.

XIII. Qua  
in re lo-  
cum ha-  
buerit?

XIII. Attamen acceptilatio, vtut sine pe-  
cuniae etiam interuentu liberaret: non tamen  
gratuitam semper remissionem continebat, si-  
quidem non donationis tantum caussa, (L. 17.  
*D. de donat.* sed & transigendi, (L. 2. *D. de trans-  
act.*) & dotis constituendae, (L. 41. §. 1. *D.  
de iur. dot.*) & voluntatis defuncti adimplendae  
gratia, (L. 4. §. 1. *D. de lib. legat.*) & vt aliud no-  
bis

*obl.* TENERE ad factum; POSSIDERE ad ius re-  
fertur.

(o) Dolus enim pro possessione est, semperque posside-  
re intelligitur, qui dolo fecit, quo minus possideret.  
L. 150. L. 157. §. 1. *D. de reg. iur.*

(p) Nomina Agerii & Nigidii solemnia fuisse in formu-  
lis, patet ex *Collat. Leg. Mosaic. 11, 6. L. tutor. 41. §. 2.  
D. de usur.* Talia & Philosophis in ore erant nomina  
Theonis & Dionis, ICTis L. Titii & Maeuii. &c.

bis detur vel fiat, (L. 9. D. de praescrip. verb.) acceptilatio interponebatur.

XIV. *Nouatio* quoque tollebat obligatio- XIV. No-  
nem veterem. Ea vero auctore Vlpiano L. 1. uatio.  
D. de nouat. est prioris debiti in aliam vel naturalem  
vel civilem obligationem transfusio atque translatio.  
Fiebat & haec per stipulationem, siquidem nu-  
do pacto, quod ex vna causa debetur, in aliam  
conuerti non poterat, quamuis constitui posset  
pacto praetorio. Qua de re denuo accurate  
Briffon. de Solut. II. p. 166. sequ.

XV. Sed & consensuales contractus con- XV. Con-  
trario dissensu solui, re adhuc integra, consueui- trarius dis-  
se, constat; nec minus *delegationem*, *rei interi-* sensus.  
*tum*, *confusionem* & *exemptionem a commercio* libe-  
rationem induxisse notum est. Sed de his omni-  
bus satis prolixè iureconsulti, maxime Briffon.  
l. c. p. 172. sequ.

XVI. Nota quoque est *obsignatio*, qua ipsa XVI. Ob-  
quoque tollebatur obligatio. Si enim debitor signatio.  
creditori offerret pecuniam, hic vero eandem  
accipere recusaret: poterat illa obsignata de-  
poni, & tunc liberabatur debitor, etiamsi pe-  
cunia deposita deinde casu interiisset. Barn.  
Briffon. de Solut. II. p. 179. sequ. Deponebantur  
vero signatae res aliquando apud acta vel officii-  
um, interdum in *κειμηλιαρχίω*, vel alio publico  
loco, quandoque etiam apud virum aliquem  
bonum, iudicis arbitrato, ut plurimum autem  
apud aedem sacram. Cic. ad Att. Epist. V. ult. (q)

Ipsae

(q) Conf. supra Libr. II. Tit. I. n. II. not. b.) ubi de rebus  
sacro commendatis diximus, & adde Barn. Briffon. de  
Solut. II. p. 180. (a)

Ipsae pecuniae deponendae consignabantur in sacculo, signis non quidem publicis sed priuatis, ceu patet ex *L. 11. §. 3. D. locati conducti. L. 1. §. 36. D. depof.* Plura dabit Briffon. *l. c.*

## LIB. IV. TIT. I.

DE

OBLIGATIONIBVS QVAE EX  
DELICTO NASCVNTVR.

**H**Actenus de obligationibus; quae ex contractu descendunt, iam de iis, quae ex delicto proficiuntur. Delicta vero quum vel *priuata* sint, vel *publica*: de illis, non de his, hoc & sequentibus titulis agitur. *Priuata* dicebantur delicta, quae ad rem familiarem & priuatam pertinebant, & de quibus actio non cuius e populo, sed ei duntaxat, cui damnum datum iniuriaue facta fuerat, competebat. Talia erant *furtum*, *rapina*, *iniuria*, *damnum iniuria datum*. Hoc primo titulo non nisi de furto agitur: de reliquis delictis in sequentibus differitur.

I. Vnde  
furtum dictum?

I. Vtrum a *furuo*, id est, nigro, an a *ferendo* *furtum* adpellatum sit hoc delictum, nostra parum refert. Prius Labeoni apud Paullum *L. 1. D. de furt.* Varroni in *Fragm. ex Rer. diuin. XIV. Seruio ad Virg. Aeneid. 11. & IX.* ut & Nonio I, 250. p. 511. posterius Gellio *Noct. Att. 1, 18.* placuit. Sane quum & Graeci olim fures a *ferendo* vocarint *Φῆρας*: quis dubitet, quin & hoc

VO-

vocabulum, cum aliis origine Graecum Latina-  
que ciuitate donatum sit? Est vero hoc voca-  
bulum ex eorum numero, quae vsus in deterio-  
rem significationem detorsit. Nam & *seruos*  
olim dictos esse *fures*, discimus e Nonio IV. 204.  
p. 660. Et notus est versus Virgilii : *Ecl.* III.  
v. 16.

*Quid domini faciant, audent cum talia fures?*

Furari enim proprium erat seruorum, notante  
Seruio *ad hunc Virgilii versum*, adeo vt furtum  
*seruile probum* vocet Tacit. *Hist.* I, 48. *seruile viti-  
um* Saluian. *de gubern. Dei* IV. De furti defini-  
tione hic dicere, operae pretium non esset.  
Quare primum id duntaxat moneo, a contre-  
ctatione rerum alienarum, fures veteribus etiam  
*tagaces*, quasi qui res alienas tetigerint, dictos es-  
se: Cuiac. *Obs.* VI, 2. Deinde ICTos veteres  
existimasse, rerum etiam immobilium furtum  
fieri posse. Sane id ex *L.* 38. ff. *de usurp. & vsuc.*  
Plin. *Hist. Nat.* II, 68. & Gell. *Noct. Att.* XI, 18.  
elegantem probat Io. Fridr. Gronou. *Obs.* I, 4.  
p. 42. sequ.

II. Furta veteres Romani in *nocturna & di-* II. Furtum  
*urna & vtraque iterum in manifesta, nec manifesta,* quotu-  
*concepta & oblata* (a) diuidebant: quae diuisio- plex?  
nes

- (a) Quum dicebant furtum *manifestum*, & *nec manife-  
stum*, ipsum intelligebatur delictum: quum vero  
furtum *conceptum, oblatum, prohibitum, non exhibi-  
tum* dicebant: furtum non delictum, sed rem fur-  
tiuam notabat. Et sane etiam optimi auctores  
furtum vocant rem furtiuam. Sen. *de Benef.* II, 2.  
*Furtum non recipit.* Ouid. *Fast.* I. v. 560. de bubus  
furtiuis:

*Mugitum rauco furta dedere sono.*



nese XII. Tabulis sunt. Periculosissima erant furta nocturna, (b) de quibus in legibus XII. Tabularum cauerant decemviri : SI NOX FVRTVM FAXIT, SIM ALIQUIS OCCISIT, IVRE CAESVS ESIO. Macrob. *Saturn.* I, 4. Verba, si tollas ἀρχαϊσμός, clara & perspicua sunt. Nox dicitur pro noctu, vt obseruant Gell. VIII, 1. Taubm. *ad Plaut.* p. 1000. SIM idem est ac *si im*, id est, si eum, ceu ipse docet Macrob. *l. c.* Vnde sensus planissimus : *Si quis furem nocturnum occiderit, eum iure occidisse videri.* (c) Licebat ergo per XII. Tabulas furem nocturnum occidere, quocumque modo, nec opus erat, vt cum telo deprehenderetur, aut vt occisurus id cum clamore testaretur, id enim in diurno tantum furto exigebatur. Cicero *pro Milon.* III. Seneca. *Controu.* X, 6. p. 427. Vlpian. *apud Auct. Collat. Leg. Mos. & Rom.* VII, 3. p. 759. Vnde vel Triboniani emblema est quando L. 4. §. 1. *D. ad Leg. Aquil.* dicitur, ita demum fas fuisse furem nocturnum occidere, *si occidens id cum clamore esset testificatus* : vel cum viro celeb. Ger. Nood. *Lib. 1. Obs. Cap. XV.* statuendum, testificationem illam cum clamore faciendam, quam Caius

(b) Fures nocturni Graecis ἡμερόκοιτοι ; Plauto *Trinum.* IV, 2. *dormitatores* dicuntur, quod interdiu dormiunt, noctu vagantur.

(c) Esse hanc legem ex iure Attico in XII. Tabulas translata, patet ex Demoth. *Orat. pro Timocrate*, p. 790. vbi haec Solonis lex citatur εἰ τις νύκτωρ ὅτις ἐν κλέπῳ τῆτον ἐξεῖναι καὶ ἀποκτεῖναι καὶ τρωσάιν διαίκοιτο ; *si quis noctu furtum faxit, is impune occiditor & vulnerator.*

Cai. d. l. 4. requirit, non quidem ad euitandam poenam homicidii, sed ad effugiendam poenam L. Aquiliae fuisse necessariā, quippe qua & culpa quaeuis vindicatur, non solus dolus, ceu in L. Cornelia de sicariis. Quae si sequaris, (vt sunt sane verosimillima,) non Tribonianus hoc emblema erit, sed *εὐφημία* ab ipso Caio Icto commendatum.

III. Quamuis vero ea Lex ipsi iuri diuino  
Exod. XXII, 3. per omnia sit consentanea: sem- recentio-  
per tamen paullo durior visa est prudentiori res de fur-  
bus. Quo factum est, vt ea paullatim ab usu to noctur-  
recederet, iique, qui furem nocturnum occidif- no.  
sent, ex lege Aquilia conuenirentur, immo &  
nonnunquam ex lege Cornelia de sicariis, si  
recte se habent Vlpiani verba apud Auctorem  
Collat. Leg. Mosaic. & Rom. VIII, 3. Si furem no-  
cturnum, quem lex XII. Tabularum omnimodo per-  
mittit occidere, aut diurnum, quem eadem lex permit-  
tit, sed ita demum, si se telo defendat, videamus, an lege  
Aquila teneatur? Et Pomponius dubitat, num haec  
lex nunc sit in usu. Et si quis noctu furem occiderit,  
non dubitamus quin lege Aquila teneatur (d) Sin  
autem, quum posset adprehendere, maluit occidere, ma-  
gis est, vt iniuria fecisse videatur: ergo etiam lege Cor-  
nelia (e) tenebitur. Ex quo loco discimus, sensim  
hanc

(d) Eodem referenda L. 9. D. de L. Corn. de sicar. & ve-  
nes. vbi conf. Ger. Nood. Probab. I, 9.

(e) At negat Paullus Rec. Sent. V, 23. 9. locum hic ha-  
bere legem Corneliam. Et profecto ea non iniuriam  
sed dolum requirit. L. 7. D. ad L. Corn. de sicar. vnde  
non Cornelia sed Aquila scribere debuisset Vlpianum,  
argumentis haut leuibus contendit Ger. Nood. Probab.

hanc legem non modo obsolescente, verum etiam actionem datam aduersus occidentem furem nocturnum.

IV. Leges  
nouissimae de eo-  
dem.

IV. Postremo ex constitutionibus inuoluit, ut distingueretur inter furta, quae ruri, & quae in ciuitatibus facta essent. Ruri valebat Lex XII. Tabularum, adeoque furem nocturnum ibi quoquo modo licebat occidere: L. 1. C. quando liceat unicuique sine indice se vind. at in urbibus, ubi facilius vicini clamore excitantur, id non licebat, adeoque eiusmodi caedem lex Aquilia vindicabat. Conf. Cuiac. Obs. XIV, 15. XIX, 12.

V. Furtum  
manifestum quid?

V. Ad fures diurnos quod attinet, quos in vetere Glossa *interdiarios* ἡμεροκλήτας, adpellari obseruat Cuiac. Obs. XI, 27. ii aequae ac nocturni vel *manifestum*, vel *nec manifestum* furtum commiserant. Fur manifestus, quem Graeci ἐν αὐτοφάσῳ adpellabant, erat, qui vel in ipso furto deprehensus fuerat, vel eo certe loco, ubi furtum fuerat factum. Immo vltius furtum manifestum Iureconsultis videbatur extendendum, quamdiu fur eam rem tenens fuerit visus, vel deprehensus, siue in publico, siue in privato, vel a domino, vel ab alio, antequam eo peruenisset, quo deferre vel deponere destinauerat. L. 3. §. 2. D. de furt. Et ita manifestum furem etiam describit Virgil. Eclog. III. v. 17.

Non

I, 9. & ad Leg. Aquil. V. p. 182. Conf. Io. van der Water Obs. I, 18. Schulting. ad Collat. Leg. Moisaic. & Rom. p. 760.

(f)

*Non ego te vidi, Damonis, pessime, caprum  
Excipere insidiis, multum latrante Lycisca?  
Et cum clamarem, quo nunc se proripit ille?*

Ad quae verba Seruius: *Manifesti furti arguit, dicendo VIDI.* Ergo non sola sufficebat visio, sed oportebat eum, qui viderat, id ipsum prae se tulisse, & indicasse, quod fiebat clamore & accursu. L. 7. §. 2. D. de furt.

VI. Fures ergo manifesti vel sine telo vel cum telo fuerant deprehensi. Si sine telo; distinguebantur decemui, ingenuine essent, an serui: & si ingenui, puberesne an impuberes? De ingenuis, qui ad pubertatem peruenerant, ita statuerant: SI LVCI FVRTVM FAXIT, SIM ALIQVIS ENDO IPSO CAPSIT, VERBERATOR, ILLIQUE CVI FVRTVM FACTVM ESCIT, ADDICITOR. Gell. XI. ult. Virgis ergo caesi eiusmodi fures noxae dabantur ei, cuius res furripuerant, illique ad seruilia addicebantur ministeria. Vnde ob hanc libertatis iacturam Theophilo ad princ. Inst. de perp. & temp. act. dicuntur subiisse τιμωρίαν κα-  
Φαλικήν poenam capitalem. Et Seru. ad Virg. Aen. VIII. p. 516. *Furtum capitale crimen apud maiores fuit, ante poenam quadrupli.*

VII. Cum seruis multo seuerius egere decemui. De iis enim lex prodita in duodecim tabulis in hanc sententiam: SERVVS VIRGIS CAESVS DE SAXO DEICITOR. Gell. l. c. Furacissimum genus mortalium erant serui, qui freti virtute scapularum, facile omnes expilabant loculos, nullaque poena minus, quam verberibus, poterant ab hoc delicto re-

VII. Quo-  
modo  
serui?



uocari. (f) Hinc extremum supplicium feruos manebat, si in furto fuissent deprehensi, deiectio scilicet de rupe Tarpeia, quod supplicium semper praecedebat fustigatio. Qua de re videndus Iust. Rycqu. *de Capitol. IV. p. 44. sequ.*

VIII. Quo-  
modo im-  
puberes?

VIII. Impuberes denique in furto deprehensos decemuii verberari iubent praetoris arbitrio, noxiamque ab iis sarciri. Gell. *XI. ult.*

IX. Quo-  
modo qui  
cum telo  
deprehen-  
si?

IX. Sed quid, si cum telo fur fuisset deprehensus? Tum decemuii ita cauerant: SI SE TELO DEFENSINT, QVIRITATO, ENDOQVE PLORATO, POST DEINDE SI CAESI ESCINT, SINE FRAUDE ESTO. Cic. *pro Mil. III. Gothof. ad Leg. XII. Tab. Tab. II. p. 6. Teli* adpellatione, ut ait Caius *L. 54. §. 2. D. de furt. & ferrum & fustis, & lapis, & denique omne, quod nocendi causa habetur, significatur. Quod si ergo eiusmodi instructus armis deprehendebatur fur, occidi impune poterat, ea tamen lege, ut qui eum interemturus erat, quiricaret prius, endoque ploraret, id est, ut sollemnem illam ingeminaret formulam: QVIRITES VOSTRAM FIDEM, vel PORRO QVIRITES, eoque clamore furem a se deprehensum esse testificaretur. Vide de ea formula Briffon. *de Form. VIII. p. 718. Raeuard. ad Leg. XII. Tab. III.**

X.

(f) Libanius feruus apud Plaut. *Asinar. II, 2. v. 55.*

*Quin si tergo res soluenda est, rapere cupio publicum.*

*Pernegabo, atque obdurabo, periurabo denique.*

(g)

X. Sed ex quo lex Porcia verberari ciuem Romanum & vinciri; lex Paetilia Papiria vero eumdem addici vetuerat: omnia illa mitigauit praetor, quippe qui in edicto suo quadrupli poena furtum manifestum vindicauit. *L. 34. D. de furt.* Id tamen quadruplum mere poenale erat, ita vt extra quadruplum adhuc res ipsa restituenda esset: *Paull. Rec. Sent. II, 3. 13.* ad quam recuperandam domino tum rei vindictio, tum condictio rei furtivae compete-  
 bat, quorum illa aduersus quemcumque possessorem: *L. 23. D. de rei vind.* haec aduersus furem eiusue heredes, in quantum ad hos peruenerat, dabatur. *L. 1. L. 5, L. 7. §. 2. L. 8. L. 9. L. 19. D. de cond. rei furt.*

XI. Fur nec manifestus est, qui, licet in furando non deprehensus, furtum tamen fecisse se negare non potest. *Paull. Recept. Sent. II, 31. 2.* De eo ita leges XII Tabularum: SI ADORAT FURTO, QVOD NEC MANIFESTVM ESCIT, DVPLIONE DECIDITO. *Gothofred. Leg. XII. Tab. Tab. II.* Sola vox *adorat* crucem hic figit criticis: (g) sed rem expedit Festus voce *adorare* p. 245. *Adorare apud antiquos significabat agere. Vnde & legati oratores dicuntur, quia mandata populi agunt.* Sensus ergo legis est: si agatur furti nec manifesti, furem duplo damnatum iri. *Gell. Noct. Att. XI, 18.* Et hic quidem

L 3

nihil

(g) Nihil agit Marcil. ad *Tab. XII.* p. 203. sequ. dum legendum monet *adular* vel *adolat*, quod veteribus idem fuisse ac *fallit*, ex Glossis docet. Non solent decemviri ita loqui, neque sermonis adfectare elegantiam.

(h)

nihil mutauit praetor, qui & ipse furtum nec manifestum duplo vindicauit, praetereaue rei furtivae vel conductionem vel vindicationem concessit.

XII. An  
haec lex  
ex iure At-  
tico?

XII. Hanc furti nec manifesti poenam decemuiros ex iure Attico desumissie, ostendunt Ant. Contius *Subces. lect. XI, 8. Sam. Petit. ad Leg. Att. VII, 5.* Sed Solon non profecto furtis nec manifestis, verum leuioribus dupli poenam statuerat. Decemuiro vero poenam, quam leuiori furto proposuerat Solon, ad furtum nec manifestum transtulerunt, dubium, an satis prudenter. Iac. Cuiac. *Obs. XIX, 12.* furtum manifestum ideo seuerius punitum censet, vt plus consequeretur, qui diligens fuit in rebus suis custodiendis, quam qui negligentior. Sed quum deprehensio furis magis fortunae sit, quam diligentiae: nondum satisfacit haec ratio, nec ego, vt verum fatear, cur lenius puniendus sit fur nec manifestus, quam manifestus, satis intelligo, nisi forte id aliquam veniam mereri dixeris, quod ingeniosius ille, quam hic, furari dicerit. In aestimationem vero veniebat id, quod fuerat contrectatum, quamuis quidam Icti veteres, stoicorum sequuti principia, eum, qui aliquot medimnos ex aceruo frumenti sustulerat, totius acerui furem esse iudicarent. De qua philosophia, non sane publici saporis videndus Horat. *Epist. I, 16.* & ibi Porphyrio. *L. 21. D. de furt. & Merill. Obs. I, 24.*

XIII. Lex  
XII. Tabu-  
larum de  
furto con-  
cepto.

XIII. Pergimus ad *furtum conceptum*, cuius indoles nec Iustiniani aevo amplius nota fuit, & hodiernum in tanta litterarum luce satis obscura

scura est, fatente V. C. Petro Burmanno ad Petron. *Satyr. XCVII. Legem XII. Tabularum ex Gell. Noct. Att. XI, 18.* ita restituit Gothofredus: SI FVRTVM LANCE LICIOQVE CONCEPTVM ESCIT, ATQVE VTI MANIFESTVM VINDICATOR. Sed quid *lanx* sit, quid *licium*, adhuc sub iudice lis est. Operose & eleganter hanc legem explicat Vir doctus & amicus, Abr. Wielingius in diatriba *de furto per lancem & licium concepto*, edita Marpurgi cl. lcccix. sed, uti fit in re obscura, facile omnes hypotheses, solis superstructae coniecturis & fractis e naufragio tabulis vacillant. Multa ea de re multi dixerunt, docte sane ac nitide; sed ita ut semper nobis aliquod dubium supersit. Nec aliter de ea, quam ipse elegi sententia sentio, quam tamen ceu simplicissimam & verosimilem hic licebit breuiter explicare.

XIV. *Licium* Alexandro ab Alex. *Gen. Dier. VI, 10.* & Marcilio *Interp. XII. Tab. LIX. p. 210* 212 est tela, cui rem furtiuam alligarint fures, ubi aedes introiissent: *lancem* vero eos putat opposuisse oculis, ne agnoscerentur. Franc. Balduino *Comment. ad §. 4. Inst. b. t.* furta per lancem & licium concepta ea fuisse videntur, quae religionis obtentu impostores quidam, tamquam sacrificuli licio succincti, & lancem ad colligendas stipes circumferentes commiserint, sacrilegiis proxima. Sed aliud profecto est concipere furtum, aliud committere: nec quisquam veterum eiusmodi impostorum meminit. Fr. Hotomani coniectura, quam in *Comment. ad d. §. 4. Inst. b. t.* profert, somnio paene similis videtur. Illud enim fur-

XIV. Variarum legis interpretationes.



tum per lancem & licium conceptum dici putat, quod per simulationem religionis, amicti licio sacerdotes deprehendere sint soliti, quum panem aestitite lapide conditum vorare iussissent. Enimuero, quid quaeso aestites & panis ad lancem? Licium est quaecumque tela ex filis contexta vel contorta. Hinc apud Petronium *Cap. CXXXV. soluere licio pannum* & *Cap. CXXXI. licium varii coloris filis intortum*. Inprimis vero eo nomine veniebant cingula, non modo seruorum, Suet. *Calig. Cap. XXVI* sed & lictorum. Quod adeo verum est, ut a licio lictoris vocabulum arcessere non dubitet Tiro apud Gell. XII, 3. In marmoribus quoque sunt APPARITORES LIMOCINCTI apud Reines. *Inscr. Class. VI, 44.* vbi conferendus Isidor. *Hisp. Orig. I, 33.* Proxime ergo rem acutangit Alciatus *Parerg. I, 8.* & qui eundem sequitur Pithoeus *Subces. I, 2.* Hi enim existimant, lictores iubente magistratu licio succinctos, ad ostendendam auctoritatem publicam, cuius licium fuerit insigne, cum alio comite, indicium in lance fidemque praeferrere, furtum quaesitum domos intrare consueuisse. Quo ritu inuentum furtum per lancem & licium conceptum dici solitum putant. Sed quum nec hi omnia viderint: res erit paullo altius repetenda.

XV. Quid concipere furtum?

XV. Ponimus ergo, quod recte obseruat Iustinianus *S. 4. Inst. b. t. conceptum furtum dictum esse Romanis*, quum apud aliquem testibus praesentibus furtiua res quaesita & inuenta esset. Ita & Caius *Inst. II, 10, 3.* & Paull. *Reg. Sent. II, 31, 3.* illud definiunt. Vnde statim cadunt

XVI. Deinde & id certum esse puto, in-  
quisitionem illam rei furtivae adhibitis quibus-  
dam ritibus fuisse factam, qui tamen Romae sa-  
tis mature exoleuerint. Quod denuo agno-  
scit Iustinianus: *Sed hae actiones, scilicet concepti,*  
*& oblati, & furti prohibiti, nec non furti non exhibiti*  
*in desuetudinem abierunt. Quam enim requisitio rei*  
XVI. Con-  
ceptio fur-  
ti facta est  
ritibus  
quibus-  
dam, ma-  
ture abro-  
gatis.

XVII. Praeterea & id quoque mihi facile concessum iri puto, quum pleraeque leges XII. tabularum e iure Attico manarint, hanc quoque furti concepti actionem vna cum ritu concipiendi res furtiuas Athenis Romam migrare potuisse. Neque aliunde ergo ea omnia, quam e ritibus Atticis, illustrari potuerunt rectius. Qui si cum antiqua illa obseruatione conueniunt, facile nobis persuadebunt, vt ritui Roma-

XVII. Rit-  
tus illi e  
iure Attico  
erant.

no

nolucem e Graecorum moribus accendi posse existimemus.

XVIII. Ri-  
tus apud  
Athenien-  
ses in con-  
cipiendo  
furto ad-  
hibiti.

XVIII. Quo vero ritu Athenis requisitae sint res furtivae, luculenter docuit Graecus Scholiastes Aristophanis. In huius enim *Nubibus* Socrates ita adloquitur Strepsiadem: v  
498.

Ἰθὺ νῦν, κατὰθ' ὁμιμάτιον.

*Abi, depone tunicam.*

Respondet hic:

- - - ἡδίκηκά τι;

- - - *An deliqui quidquam?*

Cui regerit Socrates:

Οὐκ, ἀλλὰ γυμνὸς εἰσιέναι νομίζεται.

*Minime, sed nudos nos incedere fas est.*

Tum Strepsiades:

Ἄλλ' ἔχι Φωρασὼν ἔγωγ' εἰσέρχομαι.

*Atqui non furtum conceptum eo.*

Ad haec ergo verba Scholiastes p. m. 88. edit.

Froben: ἔθες ἦν, τὰς εἰσιόντας εἰς οἰκίαν τινὸς ἐπὶ τὸ ἐρευνῆσαι, γυμνὸς εἰσιέναι, ἵνα μὴ τι ὑπὸ τῶν ἱμάτων κρύψαντες λάθωσιν, ἢ ἵνα μὴ ὑπὸ ἔχθρας λάθωσιν ὑπεβάλλοντες τὸ ζητούμενον, καὶ ζημίας αἰτίος τῷ τῷ γίνωνται. οἱ γὰρ μέλλοντες εἰσιέναι, ἵνα ἐπιθεάσωνται χρήματα τῷ δημοσίῳ, ἢ καὶ ἐρευνᾶ, γυμνὸν εἰστέτασιν, ἵνα μὴ τι ἀποκρίψωται. *Moris erat ut qui res furtivas quaesitum aedes cuiusdam ingrederentur, nudi ingrederentur, ne quid sub vestibulis occultentes clam ferrent, ne ex inimicitia, quod quaerere se simulabant, sub tunica occultatum inferrent dominoque falsum crimen calumniose obiectarent. Hanc ob causam ingressuri aedes etiam ad inspiciendas quaerendasque res publicas, nudi ingrediebantur, ne quid occul-*

*occultaretur.* Paulo plenius eundem ritum describit Plato *de Legib.* XII. p. 691. (b) Φωρᾶν δ' αὖν ἐθέλει τις τι πᾶρ ὅτῳ, γυμνός, ἢ χιτωνισκὸν ἔχων, ἄζωτος προμίσσας τὰς νομίμας θεάς, ἢ μὴν ἐλπίζων εὐρήσιν ἔτῳ Φωρᾶν. Ὁ δὲ παρεχέτω τὴν δικίαν, τότε σεσημασμένα καὶ τὰ ἀσήμαντα Φωρᾶν. *Furtum requisitus alicubi, nudus, & licio incinctus, cetera discinctus, Deosque legum custodes adiurans, se inueniendi spe id facere, ita demum requirito.* Dominus verum exhibeto domum, & in omnibus siue obfignatis, siue minus obfignatis locis liberam furti inquirendi potestatem facito. Ex his ergo colligas, Athenienses furta concipere consueuisse nudos, nullaque veste nisi χιτωνίσκῳ, vel licio vti recte interpretatur Dacerius *ad Fest.* p. 199. ad membra verenda tegenda, succinctos. Quamuis enim non per omnia similem χιτωνίσκῳ fuisse dixeris licio: rem ipsam tamen non esse dissimilem, ex sequentibus facile adparebit. Et quid inde, si loco χιτωνίσκῳ aliam vestem vel telam adhibuerint Romani?

XIX. Hunc ritum ergo vna cum iure Attico Romam migrasse, verosimillimum videtur, nec dubitare nos patitur Festus, qui sub voce *lance* p. 304. *Lance & licio dicebatur apud antiquos, quia qui furtum ibat quaerere in domo aliena, licio cinctus intrabat, lancemque ante oculos tenebat, propter matrum familias aut virginum praesentiam.* Sane ex hoc Festi loco in quo nec Graecanici ritus, nec

XIX. Idē ritus a Romanis receptus.

(b) Quamuis enim fictae sint Platonis leges, in plerisque tamen, quantum potuit, ius Atticum, cum ob oculos habuisse, iam aliis obseruatum est.

(i)



nec ὁρσεως vel interpolationis vllum vestigium adparet, satis manifesto patet, etiam Romae nudos incessisse, qui res furtiuas requirerent, alias non fuisset, quod matres familias virginesue praesentes reuererentur. Docet quoque idem Festi locus, licio illos incinctos fuisse, quemadmodum & χιτωνισκὸν Plato more Attico concesserat. Denique id quoque inde discimus, cui vsui lanx fuerit in hoc negotio. Quum enim nudis incedendum esset requirentibus: sane pudor suadebat, ne faciem conspiciendam darent, agnoscique se paterentur a feminis. Hinc lancem, id est vti ego interpretor, laruam (i) lancis instar concauam, vultui aptabant. Non ergo lancem obiiciebant oculis, ne feminas viderent, (& hinc gratis hic obuertitur, Romanas matronas & virgines non gynaeconiti inclusas, sed in celebritate versatas esse,) sed quia eos puderet, a feminis agnosci. Atque haec est antiqua illa obseruatio, quam in concipiendo furto adhiberi voluerant veteres Romani

XX. Sublatus tamen postea lege Aebutia.

XX. Sustulisse vero illum ritum videtur lex Aebutia. Ita enim Gell. XVI, 10. *Sed enim quum proletarii & assidui, & sanates, & vades, & subuades, & viginti quinque asses, & taliones*, FVRTO.

(i) Lanx dicitur a Graeco λαγών *cavitas*, adeoque hoc vocabulo descripsisse videntur antiqui, quidquid concauum erat. Vnde corrui ridicula quaestio, quam hic nonnulli mouent, quid profuerit, intrasse gynaeconitin, & nihil videre? itemque an lancem peroratam praese tulerint? Scalig. *ad Fest. l. c.* p. LXXII.

(k)

TORVMQVE QVAESTIO CVM LANCE ET LICIO *evanuerit, omnisque illa XII. Tabularum antiquitas, nisi in legis actionibus centumviralium causarum*, LEGE AEBVTIA LATA, *consopita sit: studium scientiamque ego praestare debeo iuris & legum, vocumque earum, quibus utimur*, Quamvis vero de auctore, atque aetate huius Aebutiae legis non constet, nisi quod Lud. Charondae fide laudatur vetus illud fragmentum: LVCIVS AEBVTIVS TR. PL. VIR POPVLARIS LEGEM TVLIT AD POPVLVM VT XII. TAB. CAPITA, QVAE INVTILIA ESSENT REIPVBLICAE, TOLLERENTVR, QVAE LEX MVLTIS CONTRADICENTIBVS TANDEM ROGATA EST, satis tamen certum videtur, id quoque XII. Tabularum caput, vna cum aliis, illa lege fuisse abrogatum.

XXI. Ex eo tempore non amplius ab XXI. ipsis dominis, iisque nudis, requirebantur res *Quos ritus postea in concipiando furto adhibuerint.* furtivae, sed a praeconibus & servis publicis, adhibitis testibus. *L. 3. D. de fugit.* Ad quem morem alludens suo more Plautus *Mercat. III,* 4. v. 78.

*Certum est praeconum iubere iam, quantum est, conducier,*

*Qui illam inuestigent, qui inueniant; post ad praetorem illico*

*Ibo, orabo, ut conquisitores det mihi in vicis omnibus.*

*Nam mihi nihil relictum quidquam aliud, iam intelligo.*

Vnde

Vnde errare putarim viros doctos, qui hunc Plauti locum ad inquisitionem cum lance & licio referunt, quam iam abrogatam fuisse lege Aebutia, vel inde patet, quod non ipse priuatim rem furtiuam seu ancillulam abductam, requirere audet Eutychus ille Plautinus, sed conquisitores a Praetore petere statuit. Non tamen in vniuersum exoleuerat antiqua illa observatio. Quamuis enim nec nudi incederent conquisitores, nec faciem tegerent: licii tamen & lancis vsus vel in antiquitatis memoriam seruabatur. Dominus enim, conquisitores comitatus, licio incinctus procedebat, & in lance praeferibat indicium & fidem; eoque pertinere omnino videtur locus Petronii in *Satyr. p. m.* 30. *Intrat stabulum praeco cum seruo publico, aliaque sane modica frequentia, facemque fumosam magis, quam lucidam, quassans, haec proclamauit: Puer in balneo paullo ante aberrauit, annorum circa XVI. crispus, mollis, formosus, nomine Gyton: si quis eum redere aut commonstrare voluerit, accipiet numos mille. Nec longe a praecone Ascylos stabat, amictus discoloria veste, atque in lance argentea indicium & fidem praeferibat. (k) Illustris sane locus. Videmus hic*  
*seruum*

(k) Eripere hunc Petronii locum nobis conantur viri docti, eo, quod apud Petronium non res furtiua, sed amissa quaesita sit. Sed salua res est. Quaeritur Gyton fugitiuus, aut potius furtim ab alio subtractus. Nec praemium tantum offerunt conquisitores indici, sed & omnes cellas pererrant, immo fores oppessulatas perfringunt, ceu ex seque utibus Petronii verbis patet. Id vero sane non est hominum, rem amissam quaerentium, sed inuestigantium furtiuam.

*seruum publicum*, quem conquistorem Plautus vocauerat; videmus *praeconem*, qualem & Eutychus ille Plautinus sese conducturum aiebat. Videmus pueri furtim subtracti *dominum*, Ascylton, cum *discoloria veste*, id est, *licio* & *lance*, qua non quidem faciem veteri ritu tegebat, sed *indicium*, id est *ἐνδείκτης* vel indicinae praemium & *fidem* publicam praeferebat. Videmus denique *modicam frequentiam*, id est, testes, quos praetor in furti inquisitione exigebat. Vnde dubitare non possumus, quin etiam post legem Aebutiam Romani veteris illius ritus saltim memoriam conseruarint, adeoque ipse erret Dacerius, qui siue Festum siue eius epitomatores Paullum errare existimat p. 199. non aliam ob causam, quam quia *licio* non *dominus* sed *seruus publicus* incinctus fuerit. Si distinxisset tempora ante & post legem Aebutiam, potuisset vir doctus hunc nodum soluere.

XXII. Hic est vetus furtum concipiendi ritus. Ceterum furtum hoc modo conceptum, id est, quaesitum & inuentum, tamquam manifestum vindicabatur ex lege XII. Tabularum, si scilicet, apud quem quaesitum & inuentum fuerat, sciuiisset, rem esse furtiuam, vt recte docet Ian a Costa ad §. 4. *Inst. h. t. (l)* Sed tamen & haec poena exoleuit, praetorque furtum conceptum primum tripli, deinde dupli poena vin-

XXII.  
Furti concepti poena.

(l) Dissentit Cuiac. *Not. posterior. ad Inst. d. §.* idque ob L. 8. C. *ex quib. caus. infam. irrog.* Sed femina quae in hac lege damnata dicitur, infamiam non subiit, quod tamen alias fit in actione furti.



vindicauit, adeoque illud furto nec manifesto aequiparauit, ceu tradit Gell. *Noct. Att. XI*, 18. Conf. & §. 4. *Inst. de oblig. quae ex delicto nasc.*

XXIII.  
Furtum  
oblatum.

XXIII. Quum conceptum furtum tanta seueritate leges vindicarent: solebant fures vel ipsi, vel per alios, res furtiuas cuidam offerre, vt apud hunc potius quam apud se conciperentur, condemnationisque turpitudine, vt ait Theophilus, penes alium potius, quam penes se esset. Quod si igitur hac fraude factum, vt res furtiua apud alium conciperetur: dabatur huic contra offerentem *actio furti oblata* quamuis ille fur haut esset, dummodo ipse ignorarit, rem esse furtiuam. Cai *Inst. II*, 10. 2. Paull. *Sent. II*, 31, 3. §. 5. *Inst. h. t.* Erat vero haec oblata actio in triplum, non computata rei furtivae aestimatione, vt docent Gell. *Noct. Att. XI*, 18. Paull. *Sent. Rec. II*, 31. 14.

XXIV.  
Furtum  
prohibi-  
tum &  
non exhi-  
bitum.

XXIV. Furti *prohibiti & non exhibiti* actiones non e legibus XII. Tabularum, sed ex Edicto Praetoris proficiscebantur. §. 4. *Inst. h. t.* earumque plane non meminere Caius & Paulus, siquidem vterque quatuor (m) tantum furtorum genera recenset. Prior actio aduersus eum dabatur, qui furtum quaerere, testibus praesentibus, volentem prohibuerat; posterior aduersus eum, qui apud se quaesitam & inuentam non exhibuerat. Quae vero vtrique poena fuerit

(m) Immo Caius *L. 2. D. de furt.* a se dissentiens duo tantum furti genera agnoscit, *manifestum & nec manifestum*, vnde Tribonianismum hic nonnulli deprehendere sibi videntur viri docti.

fuerit proposita in praetoris edicto, id quidem nondum expeditum est. De non exhibito tamen certum mihi videtur, actionem ex eo in duplum datam. Nam apud Plautum Agarastocles adolescens infortunio maetaturus Lycum, lenonem, Collybisco villico dederat trecentos numos, quos deferret ad lenonem, assimulans, peregrinum se esse, & locum quaerere, vbi genio indulgeret. Venit postea Agarastocles cum aduocatis testibus villicum, tanquam fugituum, & pecuniam apud lenonem quaesiturus, quumque hic Milphionem seruum quaeri, ratus, inficiaretur, seruum pecuniamque apud se esse, leno dupli reus fit. Non ergo haec est actio serui corrupti, sed furti non exhibiti. Aiunt enim aduocati *Poen. Act. III. Sc. I.*

*Ille negabit, Milphionem quaeri censebit tuum,  
Id DVPLICABIT omne FVRTVM.*

Idque repetitur *Act. III. Scen. IV. v. 27. Scen. V. v. 39. Act. V. Scen. VI. v. 14. Conf. Elem. nostra Iur. Civil. §. MLVIII.*

XXV. Denique & illud addendum. quocumque furti genere condemnatum infamiae subiisse notam. Paull. *Sent. II, 31. 15. L. 6. D. de his qui not. infam.* Reliqua, quae de furtis ad hunc titulum solent inculcari a iureconsultis, huc non pertinent.

XXV.  
Omnes  
furti con-  
demnati  
infames.

## TIT. II.

DE

## VI BONORVM RAPTORVM.

**S**ECUNDUM delictum priuatum est *rapina*. Vnde de *vi bonorum raptorum* hoc titulo agendum & ex antiquitatibus pauca quaedam monenda sunt.

I. Quomodo differant furtum & rapina?

I. Multum interest inter furem & raptorem. Fur ignoranti domino, & clam; raptor scienti & inuito vi & palam bona sua aufert. L. 3. §. 5. D. de *incend. ruin. naufrag.* Vnde apud Plaut. *Epidic. I.* 1. feruus nequam:

TH. Minus iam furtificus sum, quam antehac.

EP. Quid ita? TH. Rapio propalam.

Vt & rapina vis.

Rapi vero dicebantur res mobiles. Immobiles non rapi, sed *inuadi* dicebantur. Vnde nec actione vi bonorum raptorum, sed interdicto *unde vi*, vt & actione ex constitutione L. 7. C. *unde vi* experiebantur, qui vi possessione rerum immobilium fuerant deiectioni.

II. Rapinae poena.

II. Actio *vi bonorum raptorum*, quae aduersus raptorem datur, e Praetoris edicto est, in quo Praetor: SI CUI DOLO MALO HOMINIBVS COACTIS DAMNI QUID FACTVM ESSE DICETVR, SIVE CUIVS BONA RAPTA ESSE DICENTVR: IN EVM, QVI ID FECISSE DICETVR, EI INTRA ANNVM, QVO PRIMVM DE EA RE EXPERIVNDI POTESTAS FVERIT, IN QVADRVPLVM, POST AN-

NVM

NVM IN SIMPLVM IVDICIVM DABO. ITEM SI SERVVS FECISSE DICETVR IN DOMINVM, IVDICIVM NOXALE DABO. *L. 2. princ. D. vi ben. rapt* Ergo actio dabatur contra eum, qui dolo malo rapuerat, non qui errore, putans scilicet, rem esse suam. *S. 1. Inst. h. t.* Sed & hoc diualibus constitutionibus eatenus mutatum est, vt qui vel rem mobilem vel immobilem, licet suam, alteri vi rapuisset, dominio eius rei excideret, aestimationemque praeterea, si alienam pro sua rapuerit, praestare teneretur. *L. exstat. 13. D. quod met. caus. gest. L. 7. C. unde vi.* Poena rapinae erat quadrupli intra annum: (nam annua erat Praetoris iurisdictio,) post annum in simplum dabatur actio. Quadruplo vero quum etiam rei persecutio contineretur: reuera poena tantum tripli erat. *princ. Inst. h. t. S. 19. Inst. de act.* Perinde quoque erat, siue liber homo, siue seruus, vi rapuisse diceretur: nam contra hunc quoque praetor dabat noxale iudicium, vt vel noxae dederetur seruus, vel damnum a domino praestaretur.

III. Quum vero facile ipsa quemuis natura doceat perniciosius multo esse crimen raptus quam furti: merito mireris, praetorem tam levi poena illud voluisse castigare. Ponamus sane, latronem viatori vi extorsisse aureum: quam molli quaeso brachio punietur, si quatuor aureos reddere iubebitur? Hoc delictum ita comparatum est, vt ad dolum potius & laesam securitatem publicam, quam ad actum damnumque datum, respiciendum videatur. Sed male for-

III. Legum  
Romana-  
rum hac in  
re molli-  
ties.



san consultum fuisset magistratibus Romanis,  
& maxime qui in prouincias quotannis mitte-  
bantur, si seuerius vindicari rapinas placuisset.

## TIT. III.

DE

## LEGE AQUILIA.

**T**ertium delictum priuatum est damnum iniuria datum, quod ex lege Aquilia vindicabatur, de qua hoc titulo erit agendum.

I. Quid  
damnum  
iniuria da-  
tum?

I. Vocatur id delictum veteribus *damnum iniuria datum*, Quintil. *Declam. CCCLXXXV. item damnum iniuria. L. 1. D. ad L. Aquil. & L. 1. D. de iniur. nec non damnum iniuria. L. 9. §. ult. D. de tut. & rat. distr. L. 30. D. ad L. Falc. Cic. pro P. Quinct. Conf. Barn. Briffon. de Verb. signif. hac voce p. m. 161. Iniuria autem fieri dicitur, quod cum damno iniuriam adfert. L. 49. §. 1. D. ad leg. Aquil. vel, quod eodem recidit, damnum non iure, id est dolo vel culpa facientis datum. L. 5. §. 1. D. eod. Glossae Nomicae: *Δαμνιονισπία ζημία ἢ αἰδίωνος γινόμενη.**

II. Leges  
de damno  
iniuria da-  
to Aquilia  
antiquio-  
res.

II. De damno hoc iniuria dato iam ante legem Aquiliam multas alias exstitisse leges, satis adparet ex loco Vlpian. L. 1. D. ad L. Aquil. *Lex Aquilia omnibus legibus, quae ante se de DAMNO INIURIA loquutae sunt, derogauit, siue XII. tabulis, siue quae alia lex fuit.*

III. Lex  
XII. Tab.  
de damno  
dato.

III. In legibus XII. Tabularum quid cautum fuerit de damno iniuria, hodie vix constat.

Festus

Festus in voce *Rupitias* p. m. 415. *Rupitias*, ait in XII. significat, *damnum dederis*. Et Paullus ibidem: *Rupitiat damnum dederit significat*. Ex quibus locis colligere quidem licet, fuisse in XII. tabulis legem de damno dato proditam, in eaque decemuiros vsos esse voce RVPITIA T: nisi forte cum Scaligero in *Annot.* hoc vocabulum plane explodere & pro RVPITIAS *rupsit* rescribere malis. Ast quid cautum ea lege fuerit ex his testimoniis non adparet. Alio vero loco idem Festus explicaturus vocem *Sarcito* p. m. 423. *Sarcito*, inquit, in duodecim *Servius Sulpitius* ait significare *damnum soluito, praestato*. Verosimile itaque est, a iuris naturae simplicitate hic non recessisse decemuiros, adeoque nudam damni dati restitutionem exegisse. Quare ita conceptum fuisse arbitror illud Legum XII. Tab. caput: QVI RVPITIA T, SARCITO. (a) Quemadmodum eamdem legem restituendam etiam arbitratur Iac. Raeuard. *ad Leg. XII. Tab. Cap. XXIV.*

I V. Quae post XII. Tabulas vsque ad la- IV. Origo  
tam legem Aquiliam de damno dato vel praeto- legis Aquil-  
res edixerint, vel populus sciuerit, nos quidem liae. :  
sci-

(a) Equidem Gothofredus *Fragm. XII. Tab. Tab. VII.* distinxisse putat decemuiros *damnum iniuria datum* ab eo, quod casu illatum sit, adeoque ita concipit leges.

*Si iniuria* RVPITIAS - - -

*Ast si casu*: SARCITO.

Sed huius distinctionis nec in Festo nec apud alium auctorem vlla fit mentio, & casum quemquam praestare debuisse, vix verosimile est.

scimus cum ignarissimis. Celeberrima vero est ipsa LEX AQUILIA, cuius de auctore non eadem est omnium sententia. Vlpianus L. 1. §. 1. D. ad L. Aquil. ita eius historiam verbis paucissimis complexus est: *Quae lex Aquilia plebiscitum est quum eam Aquilius, Tribunus plebis, a plebe rogauerit.* Sed quis sit ille Aquilius, adhuc sub iudice lis est. C. Aquilio Gallo, celeberrimo illi iurisconsulto, stipulationis Aquilianae inuentori, eam tribuunt nonnulli, & in his etiam Ian. Vinc. Grauius de Orig. iur. ciu. LX p. 97. (b) Sed praeterquam, quod an Aquilius hic unquam Tribunus plebis fuerit non adeo expeditum est; ne temporum quidem ratio concedit, ut eum huius legis auctorem fuisse existimemus. Sane eius legis iam meminere Q. Mucius Scaeuola L. 39. pr. & Brutus, L. 27. §. 22. D. ad L. Aquil. quos C. Aquillio Gallo antiquiores fuisse, certissimum est. Io. Bertrand. Vit. Istor. II, 9. 9. Accedit quod Cicero in Bruto XXXIV. scribit, se L. Caesulenum, accusatorem de plebe, iam senem audiuisse, quum ab L. Sabellio multam lege Aquilia de iniuria (c) petiisset. Quae quum ita sint, verosimillima videtur Steph. Vin.

(b) At idem Grauius de Leg. & SC. CX. p. 748. ea de re dubitare videtur, incertusque haeret, huicne iurisconsulto, an alii Aquilio adscribenda sit lex Aquilia?

(c) Hottomanus de Leg. p. 62. Lambinus & P. Manutius & alii legunt de damno iniuria, sed inuitis Cod. MSS. qui sectionem vulgatam semper praeferunt. Conf. Ian. Grut. Not. ad h. l. Nec tamen adsentior viro eruditissimo Antonio Augustino qui in libro de Nom. propr. Pand. p. 301. Thef. iur. Tom. I. hanc legem, cuius Cicero meminit, a nostra diuersam fuisse statuit. (d)

Vin. Pighii sententia qui in *Annal. Rom. Tom. II. p. 330.* legem hanc latam putat a L. Aquilio P. F. L. N. Gallo, qui A. V. C. DLXXII. tribunus plebis, A. DLXXVII. Praetor Siciliae fuit : vt adeo haec lex antiquissimis videatur adnumera-

V. Ceterum huius legis tria capita commemorantur. (d) Primo cauebatur de occisis quocumque modo seruis aut animalibus, quae dorso & collo domantur, quaeque gregatim pascuntur, vt actio daretur aduersus eum qui damnum dederit iniuria, ad id, quanti res intra annum proximum plurimi fuit. Verba legitima capitis haec fuerunt : QVI SERVVM <sup>V. Quot fuerint huius legis capita ?</sup> SERVAMVE, ALIENVM ALIENAMVE, <sup>Caput primum.</sup> QVADRVPEDEM VEL (e) PECVDEM INIVRIA OCCIDERIT, QVANTI ID IN EO ANNO PLVRIMI FVIT, TANTVM AES DARE DOMINO DAMNAS ESTO.

L. 2. pr. D ad L. Aquil.

VI. Vindicatur ergo hoc primo capite <sup>VI. Quid damnum hac lege vindicatum ?</sup> aeque ac reliquis, damnum INIVRIA datum, id est dolo vel culpa nocentis admissum. Vnde furiosi & infantes, in quos culpa cadere non videtur?

deba-

(d) Plura capita fuisse non immerito existimat Ger. Nood. *ad Leg. Aquil. cap. I.* quod & ante eum suspicatus est Balduin. *ad L. Aquil. p. 122.* Sane de poena dupli aduersus inficiantem nihil in verbis legis Aquiliae proditum est, nec de noxali actione, de qua §. 4. *Inst. de nox. act.*

(e) Hic quoque Hotomanus l. c. legere mauult *Quadrupedemue pecudem*, quam coniecturam probat Ger. Nood. *ad L. Aquil. II. p. 177.*



debatur, lege Aquilia non tenebantur. L. 5. §. 1. D. h. t. Hinc & qui occiderat adgressorem, aduersus quem se telo defenderat nec iustae defensionis modum excefferat, incidisse haut videbatur in Aquiliam, quia non iniuria, sed in diligente iure naturae, occiderat. L. 45. §. 4. eod. Nec magis damnum casu datum hac lege vindicabatur, §. 4. & 5. Inst. h. t. dummodo se quis inter officii limites continuerit, nec in re illicita locoque inconsueto sit versatus. Quo pertinet casus mirabilis L. 11. D. h. t. (f) Culpa vero hic praestabatur omnis, etiam leuissima, quod secus in aliis delictis, quae non nisi concurrente dolo vindicantur. §. 3. Inst. h. t.

VII. Qua  
in re da-  
mnum  
datum esse  
oportue-  
rit?

VII. Damnum porro hoc caput vindicat,  
quod

(f) Casus est de seruo, cuius gula, dum tondetur, & nouacula super gulam est, adiecta pila praeciditur. Solebant enim tonsores artem suam in publico exercere, quod primus inhibuit Domitianus. Martial. Epigr. VII, 61.

*Abstulerat totam temerarius institor urbem,  
Inque suo nullum limine limen erat.  
Iussisti tenues, Germanice, crescere vicos,  
Et modo quae fuerat semita, facta via est.  
Nulla catenatis pila est praecincta lagenis,  
Nec Praetor medio cogitur ire luto.  
Stringitur in densa nec coeca nouacula turba:  
Occupat aut totas nigra popina vias,  
Tonfor, caupo, coquus, lanius, sua limina  
seruant,  
Nunc Roma est, nuper magna taberna  
fuit.*

(g)

quod domino (g) infertur. SERVO SERVA-  
VE, ALIENO ALIENAVE occisis. Nam  
& serui tanquam res cadebant sub dominium,  
adeoque iis occisis quaedam fiebat patrimonii  
deminutio. Seruis autem & QVADRVPE-  
DES PECVDES adiungit Lex Aquilia, &  
eas quidem, quae gregatim pascuntur. §. 1. *Inst.*  
*h. t.* QVADRVPEDES enim sunt, quae  
dorso & collo domantur, id est, quae sarcinas  
vehunt & trahunt. *Vlp. Fragm. XIX, 1.* PECVS  
autem ut ait Varro, ab eo dicitur, *quod perpa-*  
*scat.* Conf. & *Seru. ad Virgil. Aeneid. IV. v. 158.*  
Reliqua animantia vocabantur BESTIAE.  
*Isidor. Orig. XII, 2.* Add. V. *Ampl. Corn. van*  
*Bynkersh. de Reb. manc. & nec mancip. Cap. VI. p.*  
*119. sequ.* Inter quadrupedes an & fues habenda  
essent, dubitasse oportet Romanos iure-  
consultos, quia alias tanto molimine argumen-  
ta testimoniaque ex ipso Homero non corra-  
fissent *Marcianus L. 65. §. 4. de leg. 3.* & Imperator  
§. 1. *Inst. h. t.* Forsan Romae non gregatim pa-  
scebantur fues, ut alibi locorum, sed include-  
bantur stabulis, ceu suspicatur *Huber. Praelect.*  
*ad Inst. h. t. p. 340.* Immo si gregatim pasceban-  
tur, dubitari potuit, an sint *quadrupedes pecudes*,  
quia dorso & collo non domantur. Vid.  
*Elem. nostra Iur. Ciu. secund. Inst. §. MLXXVI.*

VIII. Occiso autem seruo vel pecude da-  
mnum aestimabatur, quanti res eo anno pluri-

VIII. Poe-  
na capite  
primo sta-  
tuta.

M 5

mi

(g) Tamen etiam libero homini vulnerato, item fructua-  
rio, creditori ut & bonae fidei possessori dabatur actio  
utilis ex hac lege L. 11. §. 10. *D. h. tit.*

(h)

mi fuerat, quantumque adeo domini referebat, res illas intra annum non periisse. Is vero annus retrorsum computabatur ex tempore, quo quis fuerat occisus. *L. 21. §. 1. D. ad L. Aquil.* Quamobrem si eo anno feruus heres institutus aliena culpa vitam amiserat: etiam hereditatis commodum in aestimationem veniebat. *L. 23. princ. D. eod.* Observandum quoque, poenam huius legis inficiendo creuisse in duplum. *L. 2. §. 1. D. eod. Paull. Rec. Sent. I, 19. 1. (b)*

IX. Secundum legis Aquiliae caput.

IX. Secundum Legis Aquiliae caput in usu esse negat Imperator §. 12. *Inst. h. t.* idque iam tempore Vlpiani in desuetudinem abiisse oportet, si genuina sunt verba *L. 27. §. 4. D. h. t.* Hinc nusquam eius ullum exstat vestigium. Cuiacius *Parat. D. & C. ad L. Aquil.* egisse illud existimat de intercepta nobis utilitate quadam, re nostra illaesa, veluti si quis, nullo iure servitutis imposito

(b) Mirum in modum fallitur Anianus, qui omnes poenas, quae per inficiationem duplicabantur, e Lege Aquilia esse existimat. Ita enim ille in Interpretatione ad locum Paulli citatum *p. m. 259.* *Aligua quae cum ab his, quibus sunt debita, repetuntur, si a debitoribus negata fuerint, dupli satisfactione redduntur, id est, res iudicata legati per damnationem relictæ, id est, si quid heres legati titulo dare iussus est, & petitum negauerit: vel si damnum alicui per iniuriam factum quis sarcire noluerit: vel de modo agri, cum a venditore emtor fuerit circumscriptus, ut minus inueniatur, quam probatur scriptum. Quae omnia superius comprehensa secundum legem Aquiliam duplicantur.* Quem errorem iam animaduertit laudatissimus Bynkershoeck. *Obs. I, 13.* Eundem tamen cum Aniano errat Papian. *Respons. XV. p. m. 837.*

sito, vicini luminibus contra formam veterum aedificiorum offecisset, quale est exemplum Petronae, damnati ob hanc rem a Theophilo Imperatore. Zonar. *Tom. III. Ann. p. 115.* vel si quis anthiam, piscem conciliatorem aliorum capiendorum, fraude intercepisset, cuius rei exemplum exstat ap. Plin, *Hist. Nat. IX, 59.* Locus ipse ita se habet: *Ferunt discordem socium duci insidiatum pulcre noto, cepisseque malefica voluntate; agnitum in macello a socio, cuius iniuria erat: & damni formulam editam, condemnatumque addidit Mucianus aestimata lite.* (i) Claud. Chiffletius, *Eor. quae de iure part. 1 p. 441. seq.* putat de seruo corrupto fuisse actum hoc capite, idque ideo esse abrogatum, quia postea simpliciter praetor de seruo corrupto agenti duplum promississet, quum in lege Aquilia in duplum non nisi post improbam inficiationem fieret condemnatio. Voet. *ad §. 12. Inst. h. t. Schilt. Exerc. XIX, 50. sequ.* Et fane non parum verosimilis est haec coniectura Chiffletii. Nam I. Praetor in actione de seruo corrupto constituenda iisdem paene verbis usus est, quibus uti solet auctor legis Aquiliae: QVI SERVVM, SERVAM, ALIENVVM, ALIENAM, RECEPISSE, PERSVASISSEVE QVID EI DICATVR DOLO MALO, QVO-

(i) Sed illum Plinii locum huc non pertinere, luculenter ostendit Ger. Noodt, *de L. Aquil. l. p. 176.* & Bykershoeck. *Obs. I, 13. p. 58.* Id enim damnum ex capite III. & I. legis Aquiliae satis commode vindicari potuit. *L. 27. §. 5. & L. 21. §. ult. & L. 22. pr. D. ad L. Aquil.*



QVOCVM EVM EAM DETERIOREM  
FACERET, IN EVM, QVANTI EA RES  
ERIT, IN DVPLVM IVDICIUM DABO.  
*L. 1. princ. D. de seruo, corr.* Vt fere inde colligas,  
praetorem legem Aquiliam ante oculos habuisse,  
eiusque caput voluisse emendare. II. Ex  
lege Aquilia quoque actionem datam de seruo  
corrupto, luculenter patet ex *L. 4. & L. 5. §. 2. eod.* vbi digna notatu videntur Vlpiani verba:  
*Haec actio (praetoria de seruo corrupto) etiam  
adversus fatentem in duplum est: quamvis Aquilia in-  
ficientem dumtaxat coerceat.* Vbi Vlpianus di-  
scrimen, quod inter Lessionem ex L. Aquilia &  
actionem de seruo corrupto praetoriam inter-  
cedit, exponere voluisse videtur. III. Diserte  
Anianus *Interpr. ad Paulli Recept. Sent. I, 13. 21.*  
*Hae duae secundum legem Aquiliam similem poenam  
habent, ut cum his, qui animo vel corpore corruperunt,  
alia mancipia huiusmodi praesumptores exsoluant.* Vbi  
quidem in describenda legis Aquiliae poena er-  
rat Anianus: sed id tamen procul dubio ex  
Paullo suo hausit, quod L. Aquilia non modo  
eum, qui corpore, sed & qui animo seruum  
corruperit, mulctarit, (k)

X.

(k) Ab utroque discedit V. A. Corn. Bynkershoeck. *Obs.*  
I, 13 qui secundum caput legis Aquiliae de deiectis &  
effusis egisse putat, ob *L. 31. D. ad L. Aquil.* Sed quam-  
vis res clara sit, legem Aquiliam etiam de deiectis &  
effusis egisse: plura tamen fuisse legis Aquiliae capi-  
ta, iam a Ger. Nood. *ad L. Aquil. l. observatum est.*  
Adcoque posteriores istas sententias coniungi posse  
arbitror.

(a)

X. Dupliciter ergo differebat actio legis Aquiliae ab actione de seruo corrupto. Illa <sup>rentia in-</sup>ter caput culpam; haec dolum malum vindicabat. *L. 4. L. Aquiliae* *D. de seru. corr.* Lex Aquilia non nisi inficiantem; Praetor etiam fatentem, seruum a se corruptum esse, dupli damnabat. *L. 5. §. 2. eod.* Quum ergo pinguior fuerit praetoria actio, <sup>& actio-</sup> nem de seruo corrupto. maxime quum non anno exspiraret, sed instar aliarum actionum, esset perpetua: *L. 13. pr. D. de seru. corrupt.* haut profecto mirandum ex illo legis Aquiliae capite neminem amplius agere voluisse, adeoque illud abiisse in desuetudinem.

XI. Tertium caput conceptum erat in eos, qui non occidissent seruum, aut gregalem quadrupedem, sed eum eamue aliquo modo laesissent, aut occidissent, vulnerassentue animal, quod pecudum numero non erat, aliaue ratione rem alienam reddidissent deteriorem vrendo, frangendo, rumpendo. Ipsa legis verba seruauit Vlpianus, *L. 27. §. 5. D. ad L. Aquil* CE-  
 TERARVM RERVM PRAETER HOMI-  
 NEM ET PECVDEM OCCISOS, SI  
 QVIS ALTERI DAMNVMFAXIT, QVOD  
 VSSERIT FREGERIT, RVPERIT INIV-  
 RIA. QVANTI EA RES ERIT IN DIE-  
 BVSTRIGINTA PROXIMIS, TANTVM  
 AES DOMINO DARE DAMNAS ESTO.  
 Ad quod caput quum commentari soleant doctores: nobis iam actum agere non vacat.

## TIT. IV.

DE

## IN IURIIS.

**Q**uartum delictum priuatum erat *iniuria*, i. e. contumelia, quæ aut pulsatione corpus; aut conuicio aures; aut turpitudine vitam cuiuspiam alienius violat. (a) Ita enim iniuriam definit Auctor ad Herennium *Lib. IV. Cap. XXV.*

I. Lex XII.  
Tabularum de iniuria leuiore.

I. Iam leges XII. Tabularum vlciscendas putabant iniurias (b) quas decemuiri in leuiiores

(a) Distinguunt alias iniuriam a contumelia veteres, veluti Augustin. *Confess. III, 8.* & explicatius Seneca de *Constant. Sapient. vel quod in sapientem non cadat iniur. X* Contumelia inquit, minor est iniuria, quam queri magis, quam exsequi possumus, quam leges quoque nulla dignam vindicta putauerunt. Hunc adfectum mouet humilitas animi, contrahentis se ob factum dictumque inhonorificum. Eodem libro *Cap. XVII.* exemplum addit Senatoris, qui a Corbulone in senatu, appellatus struthiocamelus depilatus, amare fleuerit. Sed philosophica magis, quam iuridica, videtur ea distinctio. Siquidem etiam ex quauis contumelia, dolo malo illata, nascitur iniuriæ actio *L. 5. §. 1. D. ad L. Aquil.*

(b) Vnde Paullus apud Auctorem *Collat. Leg. Mos. & Rom. II, 5.* Iniuriarum actio aut legitima est, aut honoraria. Legitima ex *Lege XII. Tabularum.* Et in *Sentent. Recept. V, 4. 6.* Iniuriarum actio aut lege, aut more, aut mixto iure introducta est. Vbi per *legem XII. Tabulas;* per *mores* Praetoris edictum, per *ius mixtum* legem Corneliam intelligit, quum in priore loco etiam actionem ex lege Cornelia legitima comprehendat. (c)

res & atrociores diuifisse videnter. De leuio-  
 ribus prodiderant legem : SI QVI INIVRI-  
 AM ALTERI FAXIT. XXV. AERIS  
 POENAE SVNTO. Paull. apud Auct. *Collat.*  
*Leg. Mos. & Rom. II, 5.* Gell. *Noct. Att. XX, 1.* Hoc  
 caput non de iniuria tantum petulantis conui-  
 cii agit, sed de omni iniuria etiam reali, quae  
 non cum membri cuiusdam fractura aut ruptu-  
 ra erat coniuncta. Idque luculenter discimus  
 ex illo L. Veratii, vel Neratii exemplo, qui  
 etiam depalnationem liberorum hominum  
 qua inprimis delectabatur, luebat XXV. assib-  
 us, teste Gellio, *Noct. Att. XX, 1.* eumque in fi-  
 nem pedisequum assibus onustum, sequi se  
 iubebat, vt statim solui possent XXV asses:  
 Poena vero illa, vt in magna veterum paupertate,  
 satis grandis, postea crescentibus Romanorū  
 opibus admodum leuis fuit. Asses tum erant  
 totius librae siue librales, vt obseruat Plin. *Hist.*  
*Nat. XXX, 3.* Vnde imminuto assim pondere  
 vocabantur aes *grauē*. Postea enim ob aeris a-  
 lienī multitudinem ex singulis assibus librali-  
 bus sextantarii, deinde vnciales ac denique le-  
 ge Papiria semiunciales facti. Plin. *ibid.* Hi in  
 stipem dari solebant, & non multo plus vale-  
 bant quam tres numos Misnicos. Decem asses  
 constituere denarium, quatuor sestertium. Fe-  
 fellit ergo Paullum memoria, dum loco supra  
 ex Auctore collationis Legum Mosaicarum &  
 Romanarum allegato pro XXV. aeris posuit  
 XXV. *sestertiorum*. Quamuis enim vulgo existi-  
 ment eruditi, auctis Romanorum facultatibus,  
 assibus substitutos esse sestertios : (Vid. Cuiac.  
*Obseru.*



*Obferu. XIX, 31. Salmaf. de mod. vfur. VI. & XVII. Gothofred. ad Leg. XII. Tab. p. 219.)* nec id tamen fert veteris pecuniae ratio. Si enim intelligas XXV feftertios : fumma non aucta fed imminuta eft, fi quidem affes, vt iam dictum, eo tempore fuere librales; feftertius vero non nifi quartam partem denarii valuit. Sin Paullum accipias de XXV feftertiũm: immodica erit fumma, id eft DCXXV Philippicorum, qua vindicatam effe leuiffimam iniuriã nemo tibi temere perfuaserit. Conf, Schulting. *Iurispr. Anteiuf. p. 740.*

II. Vt & de  
iniuria  
atrociore  
verbali.

II. Iisdem XII. Tabulis fuerat de atrociore iniuria cautum : SI QVI PIPVLOCENTASIT, CARMENVE CONDISISIT QVOD INFAMIAM FAXIT FLAGITIVMVE ALTERI, FVSTE FERITO. Cic. *apud Auguft. de Ciuit. Dei II, 9. & 12 Horat. Serm. II, 1. Ep. II, 1. & ibi Porphyriion in Scholiis. Cornut. Schol. in Perf. Sat. 1. Pipulum* eft conuicium, a pipitu pullorum dictum, idemque denotat, quod in Praetoris edicto *conuicium aduerfus bonos mores, item conuicium cum vociferatione L. 15. §. 2. & 11. D. de iniur.* Pipulo itaque occentare erat conuicium alteri facere publice. *Carmen* vero *iniuriofum* eft quaelibet fcripta iniuria, quaelibet fatyra, vel epigramma, quo alicuius fama nominatim arroditur. Paull. *Sent. V, 4. 15.* Nolebant enim Romani honeftorum ciuium famam poetarum licentiae petulantiaeque effe obnoxiam, neque probrum quemquam audire, nifi ea lege, vt respondere liceret, & in iudicio de-

defendere. (c) Cicero *de Rep. IV. apud Augustin. de Ciuit. Dei II, 12.* Si quis ergo tam insignem iniuriam cuiquam intulisset : fuste feriebatur. Qua de re Horatius *Epist. II, 1.*

- - - *Quin etiam lex*

*Poenaque lata,* MALO quae nolle CARMINE  
quemquam

*Describi: vertere modum, formidine* FVSTIS

*Ad bene dicendum delectandumque redacti.*

Ad quae Horatii verba Porphyrio : *Fustuarium supplicium constitutum erat in auctorem carminum infamium.* Et Cornutus ad *Perf. Sat. I. Lege XII. Tabularum cautum est, ut fustibus feriretur, qui publice inueheretur*, Fustigatio vero facile ad necem usque procedere poterat *L. 7. §. 1. D. ad L. Aquil. L. 1. §. 17. D. ad SC. Syllan. quamuis id improben leges nostrae. L. 8. §. 1. D. de poen.* Vnde non mirum, quod capitis damnatos iniuriosos eiusmodi homines refert Cicero apud Augustin. *de Cin. Dei I. c.*

III. Ad atrociores iniurias pertinebant III. Nec  
etiam leges de membro rupto vel osse fracto, non de iniuria reali.  
quae tales fuerunt : SI MEMBRVM RV-  
PSIT, NI CVM EO PACIT, TALIO ESTO.  
QVI OS EX GENETALI FVDIT LIBE-  
RO. CCC. SERVO CL. AERIS POENAE  
SVNTO. Ita verba legum exhibet Gothofr.

*Leg.*

(c) Secus ac apud Graecos, ubi & honestissimi viri, ipsique reip. procures, durante adhuc comoedia antiqua, in scenam protrahabantur, & carminibus iniuriosis differebantur apud populum. Vid. Scalig. *de Arte poet. I, 8. p. 29. sequ.*

(II.)

N

(d)

*Leg. XII. Tab. Tab. VII.* Et membri quidem rupti talionem fuisse diferte testantur Festus voce *Talionis* p. 461. Tribonianus §. 7. *Inst. h. t.* Gell. *Noct. Att. XX*, 1. qui tamen talionem istam, ipsis diuinis legibus admissam, exagitat paullo acerbius. At, quae de osse ex genitali fracto agit, lex paullo obscurior est. nec levis est dubitandi causa, an τὸ GENETALI quod post Pithoeum hic posuit Gothofredus, genuinum sit. Id certum videtur, ob fractum os liberi hominis CCC. serui CL. aeris poenam fuisse. *Collat. Leg. Mos. & Rom. II, 5.*

IV. Cur hae  
leges sensim  
ab usu  
recesserint?

IV. Hae sunt leges, quas in XII. Tabulis latas fuisse de iniuriis accepimus. Sed mirum profecto non est, si illae omnes sensim ab usu recesserunt. XXV asses erant paullo leuioris iniuriae poena. Quantilla haec multa erat diuitibus? An impediisset, quaeso, illos ab inferendis iniuriis? Cui ignotus quaeso paullo ante in scenam productus L. Veracius, homo egregie improbus, cui ea lex adeo erat ludibrio ut obuiorum os palma percuteret animi causa oblatis continuo XXV. assibus per seruum, quem pecunia onustum ideo secum circumducebat? Gell. *Noct. Att. XX*, 1. Idem de vltima lege, quae ossis fracti vindicauit iniuriam, sentiendum est. Nec fustiarium supplicium, quo conuicium carmenque iniuriosum vlciscendum putabant decemui, locum amplius habere videbatur in ciuibus Romanis, postquam lex Porcia a verberum fustiumque contumelia corpora eorum exemerat. Denique & talio ita erat comparata, ut in irroganda illa poena faci-

facilius posset, quam in exsequenda, aequilibrium obseruari. vid. Gell. Noct. Att. XX, 1.

V. Vnde de emendandis mutandisque istis legibus non semel cogitatum est. Et primo quidem praetor, teste Labeone apud Gellium l. c. ob insignem illius Veracii petulantiam leniorem XII. Tabularum poenam aboleuit, & aestimationem iniuriae induxit edicto suo. Propterea, inquit, Praetores postea hanc poenam abolere, & relinqui censuerunt, iniuriisque AESTIMANDIS recuperatores se daturos, edixerunt. Et haec est actionis aestimatoriae origo, quam Praetoris iurisdictio inuexit. Edixerat Praetor: QVI AGIT INIVRIARVM CERTVM DICAT, QVID INIVRIARVM FACTVM SIT, L. 7. princ. D. h. t. Iniuria scilicet vel *verbalis* erat, vel *realis* ad quarum illam & *scripta*, ad hanc *picta* quoque iniuria referri potest. *Verbalis* erat, quae fiebat conuicio, omnique dicto contra bonos mores in alterius inuidiam sparso. *Realis*, si quis verberibus vel alio quouis facto vel gestu indigne esset adfectus, si cuius bona tanquam debitoris essent possessa, qui nihil debebat, si quis puero praetextato praetextataeue puellae, abducto comite vel corrupto, stuprum persuassisset, (d) si quis in alterius inuidiam veste lugu-

V. Quae Praetor statuerit de iniuriis?

N 2

bri

(d) Est hoc exemplum §. 1. *Inst. h. t.* Solebant praetextati & praetextate non nisi cum comite vel custode prodire in publicum, ut tuti essent aduersus illorum insidias, qui pudori illorum volebant illudere Casaub. ad Perf. *Sazyr.* V, v. 30. Hos custodes impudici vel vi vel pecunia amouebant, & tunc dicebantur abduxisse comites. Vlpian. L. 15. §. 17. 18. D. h. t. (e)



bri vsus, barbam promississet, vel capillum submisisset. (e) *Litteralis* vel *scripta* iniuria, si quis carmen famosum in alterius iniuriam, vel alia quaelibet cantica, vel psalteria (f) composuisset cantassetque, immo & proposuisset. *Picta* denique, si quis pictura obscena vel infami alteri illuisset. Deinde iniuriae vel *corpori* inferri dicebantur, vel *dignitati*, vel *famae* L. 1. §. 2. Dig. h. t. *Corpori* quidem, veluti quum quis pulsatus; *dignitati*, quum comes matronae abductus; *famae*, quum attentata esset pudicitia. Porro vel *lenior* erat iniuria, vel *atrocior*. Haec vel *persona* vel *tempore*, vel *re ipsa* aestimabatur. *Persona*, vt quum magistratui; *tempore*, vt si ludis; (g) *re*, vt quum vulnus illatum, os percussum, &c. L. 7. §. 8. D. h. t. Paullus tamen recte addit *locum*, veluti si quis in theatro intulisset iniuriam. *Recept. Sent. V*, 4. 10. Ad atroces quoque iniurias pertine-

(e) Sordidum habitum sumebant cognati reorum capitis, ad mouendam misericordiam. Cuiac. *Obs.* VI, 5. D. Gothofred. *ad L.* 15. §. 27. D. h. t. Videntur ergo cognati cognatis aegre facturi lugubrem hunc habitum sumsisse M. Seneca *Declam.* X; 1.

(f) *Psalterium* instrumentum musicum erat, quod scurrae vrbicarii proferebant in scenam, proludique loco eo canebant ridicula quae *δεῖκτερίαι* vel *diſterīa* adpellata. Vnde & *diſterium* pro maledicto, & *psalterium* pro ipso *diſterio* accipitur. Ios. Scalig. *ad Manil.* V.

(g) In d. L. 7. §. 8. verba sunt: Nam in praetoris conspectu, an in solitudine iniuria facta sit, multum interest. Sed legendum: in populi Romani conspectu. Solebant veteres siglis vti P. R. vnde Praetorem exsculperunt scribae. Cuiac. *Obs.* IX, 16.

(b)

tinebant iniuriae contra bonos mores, quae extraordinarie puniri solebant. De his Paull. *Rec. Sent. V*, 4. 13. & *L. 1. §. 1. D. de extr. crimin.* Fit iniuria contra bonos mores, veluti, si quis fimo corrupto aliquem perfuderit, coeno luto obliniuerit, (b) aquas spurcauerit, fistulas, lacus, quidue aliud ad iniuriam publicam contaminauerit. (i) Denique vel per semet ipsum alicui, vel per alterius latus fiebat iniuria. Vnde & pater liberorum, quos in potestate habebat; vir vxoris; socer nurus nomine agere iniuriarum poterat. §. 2. *Inst. h. t.* Et licet seruis quoque nulla fieri intelligeretur iniuria: tamen atrox iniuria seruis illata in domini verge- re contumeliam videbatur, adeoque a domino poterat vindicari. §. 3. *seq. Inst. h. t.* Quum ergo tam varia sint iniuriarum genera: actionem ita institui iussit praetor, vt species illatae iniuriae accurate exprimeretur.

VI. De iniuria verbali aliud exstat edicti VI. Verba praetorii fragmentum: QVI ADVERSVS edicti de BONOS MORES CONVICIVM CUI variis in- FECISSE, CVIVSVE OPERA FACTVM iuriarum speciebus. ESSE DICETVR, QVO ADVERSVS BO- NOS MORES CONVICIVM FIERET, IN EVM

(b) Est haec singularis iniuriae species, quam Graeci τὸ πηλακίζειν vel ποσπηλακίζειν adpellarunt. Vid. Salmaf. *adius Attic.* IX.

(i) Dictum hoc delictum aquae per iniuriam corruptae apud Senecam *Quaestion III*, 20. iniuria fluvii apud Tertull. *adu. Prax.* XXIX. Veteribus eiusmodi homines dicebantur oletare aquam. Vnde lex vetus apud Frontin. *de Aquaed. II.* NE QVIS AQVAM OLETATO DOLO MALO.

EVM IVDICIUM DABO. L. 15. §. 2. D. h. t.  
 De reali: NE QUID INFAMANDI CAUS-  
 SA FIAT, SI QVIS ADVERSVS EA FE-  
 CERIT, PROV'T QVAEQVE RES ERIT.  
 ANIMADVERTAM. L. 15. §. 25. ff. de iniur.  
 Nec non de seruo iniuriam passo: QVI SER-  
 VVM ALIENVM ADVERSVS BONOS  
 MORES VERBERAVISSE, DEVE EO  
 INIVSSV DOMINI QVAESTIONEM HA-  
 BVISSE DICETVR, IN EVM IVDICIUM  
 DABO. ITEM SI QUID ALIVD FA-  
 CTVM ESSE DICETVR, CAVSSA CO-  
 GNITA, IVDICIUM DABO. L. 15. §. 34.  
*eod.* Porro de filio familias: SI EI, QVI IN  
 ALTERIVS POTESTATE ERIT, INIV-  
 RIA FACTA ESSE DICETVR, ET NE-  
 QUE IS, CVIVS IN POTESTATE EST,  
 PRAESENS ERIT, NEQVE PROCVR-  
 TOR QVISQVAM EXSISTAT, QVI EO  
 NOMINE AGAT, CAVSSA COGNITA  
 IPSI, QVI INIVRIAM ACCEPISSE DI-  
 CETVR, IVDICIUM DABO. L. 17. §. 10. D.  
*eod.* Reliqua huius edicti de iniuriis fragmen-  
 ta desiderantur, inprimis caput illud de atroci  
 iniuria, de quo Arnobius *advers. gentes IV.* Ne  
*vestras aures conuicio petulantiore quis pulsaret*, de a-  
 trocibus FORMVLAS constituisistis iniuriis.

VII. Poena  
 iniuria-  
 rum prae-  
 toria.

VII. Poena ergo injuriis omnibus a prae-  
 tore statuitur aestimatio, ei, qui iniuriam fuerat  
 passus, inferenda arbitrio Iudicis. §. 7. *Inst.* Et  
 in hac aestimatione partim ad personae dignita-  
 tem: partim ad ipsam iniuriae naturam atque  
 indolem respiciebatur. Si plures iniuriae simul  
 illatae

illatae fuerant, agi non poterat ob singulas, sed ob omnes coniunctim. Alias iterum acturo obstabat exceptio iniuriae una factae. Cuiac. *Obs. XXVI*, 18. Praeter hanc vero pecuniariam multam etiam infamiae nota inurebatur ei, qui iniuriarum fuerat condemnatus. Paullus *Rec. Sent. V*, 4. 9. Vnde Cicero *Verrin. II*, 8. *Homo omnium ex illo conuentu quadruplatorum deterrimus, C. Sacerdote Praetore damnatus iniuriarum.*

VIII. Verum & Praetoria illa actio civilis VIII. Lex  
impar cohibendae hominum petulantiae visa Cornelia  
de iniu-  
riis.  
est L. Cornelio Sullae Dictatori. Vnde is no-  
uam tulit legem *Corneliam de iniuriis*, qua & cri-  
minale iudicium constitutum est ob certas iniu-  
rias ob quas alias etiam civiliter agere licebat.  
(k) Factum id esse anno V. C. DCLXXII. su-  
spicatur Steph. Vin. Pigh. *Annal. T. III*, p. 263.  
& occasio forsan Sullae subnata est e nimia illa  
licentia ac petulantia, quae per bella civilia in-  
ualuerat. Ea vero lege in eos dabatur actio, qui  
*pulsassent* aliquem, vel *verberassent*, aut in *domum*  
*alienam vi introissent*. *Pulsare & verberare* ita dif-  
ferunt in hac lege, vt illud sine dolore, hoc  
cum dolore fieri dicatur L. 5. §. 1. *D. h. t.* Conf.  
Car. Andr. Duckeri *Opusc. de Latinit. vet. iure.*  
*consult. p. 145. seq.* Immo tantopere haec differre  
videbantur, vt, qui fuerat verberatus, si diceret  
se

(k) Scilicet lex Cornelia quidem criminalis animad-  
uersiois causa reperta: tamen & civiliter, aestimatio-  
ne officio iudicis facienda poterat agi. L. 37. §. 1. *D.*  
*de iniur.* dummodo iniuria eius generis, quam haec  
lex persequitur, illata fuisset.



sepulsatum esse, non certo rem demonstrasse diceretur, auctore Paulo apud *Auctorem Collat. Leg. Mos. & Rom. II, 6.* Domus vero quomodo possit vi introiri in alterius iniuriam, facile patet. Paullus *Recept. Sent. V, 4, 8.* huc refert iniuriam a *derectariis* illatam. Ita enim ille: *Mixto iure iniuriarum actio ex lege Cornelia constituitur, quoties quis pulsatur vel verberatur, vel cuius domus introitur ab his, qui derectarii adpellantur.* Sed vereor, ne verba postrema glossema Aniani sapiant. *Derectarii* enim non a dirigendo dicuntur, quod idem veteribus fuisse ac *effringere*, sine vlla auctoritate idonea suspicantur Car. du Fresne *Glossar. med. & infim. Latin. voce Directarius* & Andr. Dacerius ad Festum *voce dirigere*: sed a *derigendo*, quod idem est ac *καταδύειν*. Vnde Vlpianus *L. 7. D. de extraord. crimi.* Item qui **DERECTARII** adpellantur, hoc est, ii, qui in aliena coenacula se derigunt furandi animo, plus, quam fures, puniendi sunt. Conf. Cuiac. *Observ. X, 27. & 34.* Aeg. Menag. *Amoenit. Iur. Civil. XXXIX.* Quum ergo derectarii non iniuriae causa, sed furandi animo; non vi, sed clam in aliena se coenacula immiserint: eorum crimen ad furtum potius vel ad crimina extraordinaria; quam ad legem Corneliam de iniuriis pertinuisse, haut immerito dixeris. Vid. Schulting. ad Paull. *l. c. p. m. 44<sup>o</sup>.*

IX. Poena  
legis Cor-  
neliae.

IX. Horum vero auctores facinorum, qui quid contra hanc legem Corneliam admiserant, criminaliter conuenti ita puniebantur, vt vel ad metalla, vel in exilium, vel in opus publicum damna-

damnarentur. (l) Paull. *Recept. Sent. V*, 4. 8, Eum, qui librum pertinentem ad alterius iniuriam scripserat, composuerat, ediderat, doloue malo fecerat, vt quidquam eorum fieret, intestabilem esse ea lex iubebat. *L. 5. §. 9. eod.*

X. Inter actionem vero Praetoriam & hanc Corneliam permultum intererat. Illa honoraria erat, haec ad popullū lata: illa annua haec si ciuilitate agebatur triginta; si, criminaliter viginti annorum: illa priuata, haec quidem etiam si aliquando criminalis non semper publica tamen (l) sed pro publica tamen utilitate exercebatur. In illa etiam alieno nomine licebat agere, quod nefas ex lege Cornelia, *L. 5. §. 6. 7. D. eod.* Praeterea id quoque singulare habebat lex Cornelia, quod liceret auctori deferre iusiurandum, quo reus adfirmaret, sese iniuriam non fecisse, ut tunc & auctoris existimatio reintegraretur, & reus eximeretur iudicio. *L. 5. §. 8. D. eod.* Denique obseruandum, ex iisdem causis, de quibus lex Cornelia prodita fuerat, agi potuisse & criminaliter & ciuilitate, adeoque auctoris fuisse arbitrium, vtra vellet actione experiri.

X. Différentia inter actionem ciuilem & criminalem.

XI.

(l) Ita quidem Paullus, & vulgo haec verba ad totam legem Corneliam referunt. Sed existimauerim, ea ad solos *derecarios* pertinere, quorum crimen extraordinarium fuisse adparet ex *L. 7. D. de extraord. crim.* In ipsa lege Cornelia procul dubio ordinaria quaedam poena in pulsantes, verberantes, & vi domum alienam introeuntes constituta fuerat.

(m) Vulgo hanc actionem publicam adpellitant auctores, sed negat id Vinnius *ad §. 8. Inst. h. t.* ob *L. 41. §. 1. D. de procurat.* *L. 7. C. h. t.*

XI. Senatus consultum ad legem Corneliam pertinentia.

XI. Ceterum plura ad explicandam hanc legem SC. prodierunt. Sic SC. intestabilem esse iussit etiam eum, qui aduersus aliquem iniuriosum quidquam dixerit, aut epigramma, vel inscriptionem, aliudue quid etiam sine scripto & voce, veluti picturam in alterius iniuriam protulerit, etiamsi nomen illius, in quam factum fuerit, non adiecerit. *L. 5. §. 10. D. eod.* Quin aliud SC. eosdem in insulam vel relegari, vel deportari iussit. *Paull. Sent. Rec. V. 4. 15. & 17.* Prioris poenae exemplum est apud *Tacit. Ann. XIV. 48. 49.* Forsan etiam e SC. est, quod si quis a praetextato praetextataue comitem abduxerat, is, qui perfecerat flagitium, capitis damneretur, qui attentauerit, in insulam deportaretur, comites vero corrupti summo adficerentur supplicio *Paull. Recept. Sent. V. 4. 14.*

XII. Quid per constitutiones additum?

XII. Accessere his legibus nonnulla per constitutiones principum, veluti quod illustres viri etiam criminales iniuriarum actionem possent per procuratores suscipere, *L. 11. C. de iniur.* quod & is, qui libellum famosum circumtulera, quasi auctor delicti, capitali sententia esset condemnandus, *L. vn. C. de famos. lib.* & quae sunt huius generis alia, a doctoribus explicatius proponi solita,

## TIT. V.

DE

OBLIGATIONIBVS QVAE  
QVASI EX DELICTO  
NASCVNTVR.

**Q**uemadmodum obligationes quaedam quasi ex contractu nasci dicuntur: ita sunt etiam, quae *quasi ex delicto* descendunt. Est vero quasi delictum factum, quod damnum vel dedit, vel dare posset, non dolo, sed culpa, commissum. Thomas. *Diss. de usu pract. actionis aduersus iudicem male iudicant. II. p. 3.*

I. Primum huius generis quasi delictum est, si iudex litem suam fecerit: id est si male iudicando periculo litis se obstrinxerit, causamque eius, secundum quem litem dederat, in se suscipere, & tamquam suam defendere debuerit. Cic. *de Orat. II, 75.* *Quid si quum pro altero dicas, litem tuam facias?* Fieri autem id poterat dupliciter, vel dolo malo, vel imperitia iudicis. Si dolo: (a) tum verum id erat delictum, quod praeter litis aestimationem etiam famae dispendio

I. Iudex ut litem suam fecerit?

(a) Et huc pertinet L. 15. §. 1. D. *de iudiciis* inter quam & *pr. Inst. b. 1.* antinomiam deprehendere sibi visus est Guil. Budaeus *Annot. ad L. ult. D. de aedilit. edict.* sed frustra. Litem enim suam facere dicebatur iudex male iudicans; siue dolo malo, siue imprudentia id fecisset. Cuiac. *Observ. VIII, 10.*

(b)



diopuniebatur, (b) *L. fin. C. de poen. iudic. qui male iudic.* immo & repetundarum actione, si iudex corrumpi se passus fuerat, vindicabatur. *L. 3. C. ad L. Iul. repetund.* Sin imperitia: quasi e delicto obligatus videbatur iudex: & de hoc iam sermo est.

II. Romanorum sollicitudo in eligendis iudicibus.

II. Et Romani quidem omnem dabant operam, ut iudices essent idonei. Hinc quidam lege impediabantur, ne essent iudices, quidam natura, quidam moribus. Natura, ut furdi & muti & furiosi & impuberes: lege, ut qui moti fuerant senatu: moribus, ut feminae & serui. *L. 12. §. 2. D. de iudic.* Immo & iustam exigebant aetatem annos scilicet ad minimum viginti quinque & postea viginti Suet. *August. XXXII.* ac demum octodecim, si magistratum gereret. *L. 57. ff. de re iud.* ubi conf. Iac. Cuiac. *Obs. XX, 32.* Praeterea iudices omnes iubebant Romani iurare ex animi sententia & ex lege iudicatuos. Idque plerumque fiebat ad aram in comitio, quae puteal Libonis (c) dicebatur.

Signon.

(b) Glossatores id vocant *Syndicatum*, quae vox ex barbaro *syndicare* nata, quae Italis, Hispanis, Gallis est iudicem rationem officii postulare. Vid. Car. du Fresne *Gloss. Lat. voce syndicare* Thomaf. *Diff. alleg. III. p. 10.*

(c) Erat *puteal* ara in comitio, superstructa puteo, in quo Naeuii, illius celeberrimi auguris, cotem & nouaculam demersam ferunt: quae quum a Libone quodam fuisset restituta, *puteal* Libonis dicebatur. Horat. *Epist. I, 3.*

- - - *Forum putealque Libonis*  
*Mandabo ficcis.*

Insigne

Sigon. *de Indic. I.* 28. p. 504. Denique vt tanto minus esset periculi, ne imperite iudicaret: solebant aliquando iis vnus aut plures iudicii focii iurisperiti adiungi, quorum consilio omnia agerent. Gell. *Noct. Att.* XII, 13. Conf. Sigon. *de antiquo iure cin. Rom.* II, 18. *de antiqu. iur. prou.* II, 5.

III. Quamuis ergo quum res ita se haberet, haut facile videatur potuisse contingere, vt iudex imperite iudicasse crederetur: tamen si id factum esse adpareret, quasi ex maleficio tenebatur iudex, & quantum de eare iudicantis religioni visum esset, poenam sustinebat, salua tamen existimatione. *L. ult. D. de extraord. cogn.* Sed quantumuis aequa videatur haec poena: adfirmare tamen non dubitarim, eam actionem iam apud Romanos vel nullum, vel exiguum habuisse vsum. vid. Thomas. *Dissert. de vsu. pract. actionis aduersus iudicem imperite iudicantem* XII. p. 35.

III. Poena iudicum imperite iudicantium.

IV. Ad obligationes, quae quasi e delicto nasci dicebantur. pertinent etiam *deiecta*, *effusa*, & *posita*, aut *suspensa*, quae si nocuissent, constituta erat a praetore actio aduersus eum qui coenaculum, vnde tale quid factum fuerat, inhabitabat. Edictum ita se habuit: VNDE IN EVM LOCVM, QVO VVLGO ITER FIET, VEL IN QVO CONSISTETVR, DEIECTVM, VEL EFFVSVM QUID ERIT,

IV. De deiectione, effusione, & suspensione.

Insigne huius arae monumentum exstat in numis gentis Scriboniae apud. Fulu. *Vrsin. de Famil. Rom.* p. 249. edit. Caroli patini, Conf. Sigon. *de indic. I.* 28. p. 504.

(a)

ERIT, QVANTVM EA RE DAMNVN DATVM FACTVMVE ERIT, IN EVM QVI IBI HABITAVERT, IN DVPLVM IVDICIVM DABO. SI EO ICTV HO-MO LIBER PERISSE DICETVR, L. AV-REORVM IVDICIVM DABO, SI VIVET NOCITVMQVE EI ESSE DICETVR, QVANTVM OB EAM REM AEQVVM IVDICI VIDEBITVR, EVM, CVM QVO AGETVR, CONDEMNARI, TANTI IV-DICIVM DABO. SI SERVVS INSCI-ENTE DOMINO FECISSE DICETVR, IN IVDICIO ADIICIAM: AVT NOXAM DEDERE, *L. 1. princ. D. de his qui effud. vel deie-*  
*cerint.* Quamvis vero haec ex edicto praetoris sint: tamen & in lege Aquilia de deiectis & ef-fusis aliquid cautum fuisse, docet V. A. Bynkers-hoek *Obs. 1. 13. Conf. supra Lib. IV. Tit. III. §. IX.* Nec si nocitum tantum re ipsa fuerit, actionem praetor dabat; sed & si quis ea parte, qua vul-go iter fiebat, id positum aut suspensum ha-bebat, quod posset, si caderet, nocere. Hoc enim casu poena X. aureorum fuerat a praeto-re constituta, eaque actio popularis erat, & cui-vis e populo concedebatur, aduersus dominũ autem, si servus posuisset vel suspendisset, age-batur noxaliter. Edicti verba sunt in *L. 5. §. 6. & ult. D. eod.*

V. Actio-  
 nes contra  
 nautam  
 cauponem  
 stabulari-  
 um.

V. In nautam quoque, cauponem & sta-bularium dabatur actio de damno aut furto, quod in naui, aut caupona, aut stabulo factum fuerat, etiam si nullum eius esset maleficio. Eo vero casu, si quis ex viatoribus vel vectori-bus

bus nocuerat, actio dabatur ex quasi contractu. Aiebat enim praetor: NAVTAE CAVPONES, STABVLARII, QVOD CVIVSQUE SALVVM FORE RECEPERINT, IN EOS IVDICIUM DABO. *L. i. pr. D. naut. caupon. stabul.* Quamuis vero stabulum idem fuerit antiquis quod diuerforium aut *πανδοχεῖον*, eoque sensu saepius occurrat apud auctores, inprimis Petronium: in hoc tamen edicto pro loco, vbi iumenta stabulantur, accipitur, ceu ex *L. 5. D. eod.* adparet. Omnia autem huiusmodi loca suspecta erant, quia eo fex hominum confluere solebat. Vige-  
 gebat inter Romanos & exteros ius hospitii, adeoque viri honestiores non diuertebant in cauponis: sed hominum colluies ibi delicias quaerebat. Nec viri in dignitate constituti nauibus publicis utebantur, sed proprias sibi conducebant. Vnde tam insignis erat nautarum cauponum, stabulariorumque malitia, vt Horatius *Sat. I, 5. v. 4.* de iis canat:

- - *Inde forum Appi,*

*Differtum nautis, CAVPONIBVS atque mali-*  
*gnis*

Interesse ergo videbatur reip. hos homines prauos non solum ex quasi contractu, sed & ex quasi delicto teneri. Et haec actio locum habebat, si quorum opera & ministerio nautae, caupones vel stabularii vsi essent, damnum furtumue fecisset. Eo enim casu aduersus ipsum nautam, cauponem, stabularium actio in duplum compete-  
 bat. *L. 5. §. ult. D. de O. & A. L. vn. D. furt. adu. naut.*

TIT,



## TIT. VI.

DE

## ACTIONIBVS.

**H**Actenus de duobus iuris obiectis actum, puta de *personis & rebus* : iam de tertio, quod *actiones* complectitur, differit Imperator. Totus titulus varias sistit actionum diuisiones & differentias, quae quum intelligi vix possint, nisi quis veterum iudiciorum rationem seu vt hodie vocant, processum Romanorum probe intelligat : dabimus operam, vt post Sigonium, Polletum, aliosque, qui de iudiciis commentati sunt, in quo numero & rarissimus Caroli Bretti libellus *de ordine antiquo iudiciorum*, recusatus a clarissimo Salengre *Antiqu. Rom. The-saur. Tom. II.* totam litigandi iudicandique rationem paullo adcuratius ex antiquitatibus Romanis exponamus.

I. Iudicia  
quotupli-  
cia?

I. Quemadmodum ius aliud *priuatum* est aliud *publicum*: ita & iudicia apud Romanos, alia priuata, alia publica erant. Vtraque breuiter, ast adcurate hunc in modum distinguit Cicero *pro A. Caecina II.* *Omnia iudicia aut distrabendarum controuerfiarum, aut puniendorum maleficiorum causa reperta sunt.* Priuatis ergo iudiciis quisque, quod sua intererat, persequabatur; publicis vel ipse populus ea, quae reipublicae detrimenti quidquam adferre potuissent, vel accusator populi nomine crimina publico dedecori futu-

ra

ra vindicabat. De publicis infra ad Titulum XIX. de priuatis hoc & sequentibus titulis agemus.

II. Priuatis iudiciis magistratus, & initio quidem reges, post consules, denique Praetores praefuerunt. De Regibus Dionys. Halicarn. X. p. 627. *Τὸ μὲν ἀρχαῖον οἱ βασιλεῖς αὐτῶν ἐτάττοντο τοῖς δεομένοις τὰ δίκας, ἢ τὸ δικαιωθῆν ὑπ' ἐκείνων τῆτο νόμος ἦν.* *Olim, quamdiu regnatum est in urbe, Regum arbitrio dirimebantur lites, & quod iussum illi iudicassent, id erat pro lege.* Idem auctor Libro II. *Antiquit. Rom. p. 87.* vbi Regum iura muniaque describit, id quoque iis datum esse negotii ait, *ut legum patriarumque consuetudinum haberent custodiam, omnisque iuris, quod vel natura dicitur, vel pacta & tabulae sanciant, curam agerent.*

II. Olim  
Reges ipsi  
iudicabant.

III. Eiectis regibus, iurisdictio haec ad consules delata est. Qua de re idem Dionys. Halicarn. X. p. 627. *Ὡς δὲ ἐπαύσαντο μοναρχούμενοι, τοῖς κατ' ἐριαυτὸν ὑπατεύουσιν ἀνέκειτο τὰ τε ἄλλα τῶν βασιλέων ἔργα, ἢ ἡ τῆ δικαίᾳ διαγνώσις. καὶ τοῖς ἀμφισβητέσι πρὸς ἀλλήλους ὑπὲρ ὀτρεδότητος, ἐκείνοι τὰ δίκαια οἱ διαρπέντες ἦσαν,* *Translato deinde a Regibus ad annuos consules, imperio, inter cetera officia regia, iuris quoque dicendi munus ad eos deuenit, ita, ut quacumque de re orta esset inter ciues controuersia, illi de iure responderent, vel potius, ius dicerent.* Idem docet Liuius II, 27. vbi de Appio Claudio: *Appius consul de pecuniis creditis ius quam asperrime dice-re.* Eadem iurisdictio etiam penes alios magistratus fuit, qui consulari potestate praeerant reipublicae, quales aliquamdiu decemviri & tribuni militum, nonnunquam etiam dictatores

III. Postea  
consules.

erant. De decemuiris sane id clarissimum est ex L. III, 33. qui eos decimo quouis die ius populo reddidisse testatur.

IV. Ac de-  
mum  
Praetores  
& Aediles.

IV. Postremo iuris dicundi potestas in vrbe ad praetorem delata est, qui anno V. C. CCCLXXXIX. primum creati coepit. Inualuit postea, vbi duo praetores creati coeperunt, vt praetorum alius ciuibus, alius peregrinis, ille ex iure Romano; hic ex iure gentium, vterque ex Edicto suo ius diceret. Erant quoque prouinciales Praetores *tutelares, fideicommissarii, &c.* Sed de eorum origine, ac iurisdictione jam supra abunde dictum est ad *Lib. I. Tit. II. §. XVIII. XXIII.* Attamen & quamdam iurisdictionis partem sibi vindicabant Aediles. Hi vero de paucis rebus ius dicebant, in primis autem de venditione Mancipiorum, de mensuris, de foro venalium, de iis quae in viis vrbis publicis contigerant, de quibus etiam edicta proponebant, vt supra *l. c. §. XXIV. sequ.* ostendimus. In prouinciis Proconsules, Praetores, Praesides eadem iuris dicundi potestate gaudebant. Municipalibus magistratibus iurdictio; non item imperium competebat. *L. 32. D. de iniur.*

Et in pro-  
uinciis  
Praesides.

V. Quid  
imperium?

V. Magistratibus ergo, qui iudiciis praeerant, IURISDICTIO tribuebatur & IMPERIVM, quae etsi nonnumquam idem significare videntur, vt prolixè ostendit Ger. Noodt. *de Iurisd. l. 2.* distinguitamen solebant ab accuratioribus, non quidem ab eo demum tempore, quo edictum perpetuum magistratibus municipalibus notionem quamdam, id est, iurisdictionem

sine

sine imperio dedit : vt eidem visum est Ger. Noodt. *de Iurisd.* I, 3. p. 123. sed & temporibus antiquissimis. Scilicet quum iurisdictio cuius iure magistratus competeret : imperium proprie sic dictum non nisi lege curiata, adhibitis auspiciis dari poterat. Liu. V, 46. Vnde nec dictatori nisi praemissa lege curiata equum adscendere licebat. Liu. XXIII, 12 Aliud vero erat imperium magistratuum : aliud militare. Illo accepto pro diuersitate imperii dictatores ; coſſ. praetores ; hoc vero dato etiam imperatores vocabantur. Magistratuum quatuor iura erant apud Romanos, quorum unum in *imperando* ; alterum in *iure dicundo*, tertium in *referendo*, quartum in *auspicando* positum erat. Duo posteriora iura, quum in curia & comitiis sese exseruerint, huc non pertinent. Ad *imperium* quod attinet, illud ius *edicendi, vocandi, prehendendique* complectebatur. *Edictis* vel iurisdictio- nis suae formulam initio magistratus proponebant, vel ea, qua pollebant, auctoritate, quod visumerat, imperabant, id quod saepius factum esse a consulibus, praetoribus, dictatoribus, cen- soribus, reliquisque magistratibus nouimus. *Vocatio* ius vocandi prehendendique absentes, *prehenſio* denique ius abducendi praesentes complectebatur. Vnde qui vocatione gaude- bant, lictoribus, viatoribus. seruisque publicis ; qui prehensione duntaxat, vt Tribuni plebis, via- toribus tantum cum seruis publicis utebantur. Gell. *Noct. Att.* XIII, 12. Qui neutro iure frue- bantur, veluti Quaestores, ii seruis tantum publicis stipati prodibant in publicum, & tum non imperium, sed potestatem,



habere dicebantur. Car. Sigon. *de antiquo iure cin. Rom, I, 20. p. 220.*

VI. Quid  
Iurisdic-  
tio?

VI. IURISDICTIONE vero duabus constabat partibus, *decreto* scilicet & *iudicis datione*. Nam praetores aut ipsi, causa cognita, decernebant, aut iudices, qui cognoscerent, dabant, iisque certam praescribebant iudicandi formulam, cuius moris originem ab ipsis regum temporibus repetit Ger. Noodt. *Iurisd. I, 6. p. 127.* Neque vero, quod multi existimant, in praetoris positum erat arbitrio, velletne iudicem dare ordinario iure, an mallet ipse extra ordinem cognoscere: sed edicti habenda erat ratio, & ipsius, de quo disceptabatur, negotii. Si enim de iure disceptabatur: ipse Praetor ius dicebat extra ordinem, si de facto: iudex dabatur. Vnde formula: SI PARET. CONDEMNA. Conf. Seneca *de Benef. III, 7.* Ger. Noodt. *de Iurisd. I, 8. p. 130. sequ.*

VII. Locus  
vbi ius di-  
ctum?

VII. Ad Praetorem ergo veniendum erat eis, qui ius suum persequi cupiebant, & quidem in locum iuri dicundo destinatum, qui & ipse ius dicebatur. (a) L. 1, D. *de iustitia & iure.*

Hic

(a) Olim omnes lites agitatae in comitio: Plaut. Poen. III, 6. v. 12. *Cras mane quaeso in comitio estote obuiam.* Postea priuata quidem iudicia instituebantur sub tecto in basilicis, quales erant Opinia, Iulia, Porcia, publica vel in comitio, vel in foro Pollet. *For. Rom. I, 2. & sequ.* Quod ut eo commodius fieret, Marcellus, Octaviae Augusti sororis filius, totum forum velis obumbrauerat, ut scilicet tanto salubrius litigantes consisterent. Quanto prudentius Cato ille Censorius forum muricibus sternendum censuerat? Vid. Broidei *Coroll. ad Pollet. For. Rom, p. 18.* (b)

Hic vero locus vel *superior* erat, vel *planus*. E superiore loco ius dicere dicebatur praetor, quoties pro tribunali sedebat. Tribunal (*b*) erat Tribunal locus amplissimus & spectabilis in comitio, fere hemicycli specie introrsum curuatus, in quo sella curuli (*c*) praesidens Praetor, posita hasta, causas cognoscebat. Vitruv. *Architect.* V, 1. Unde latera vel extrema huius curvaturae cornua adpellantur Tacito *Ann.* I, 75. Hinc Martialis *Epigramm.* XI, 99. v. 10. sequ.

*Non te cucullis adseret caput tectum,  
Lectica nec te tuta pelle, veloque,  
Nec vindicabit sella saepius causa.  
Rimas per omnes basiator intrabit:  
Non consulatus, ipse non tribunatus,  
Senique fasces nec superba clamosi  
Licitoris abiget virga basiatorem:  
Sedeas in alto tu licet tribunali;  
Et e curuli iura gentibus reddas.  
Adscendet illa basiator atque ille.*

Idque tribunal adeo proprium erat magistratibus

(*b*) Tribunal iam Romulum terroris incutiendi causa inuenisse; testatur Dionys. Halicarn. *Antiqu.* Rom. II, 4.

(*c*) Augustum affecta valetudine in lectica e tribunali ius dixisse, testatur Suet. *Aug.* XXXIII. Forma sellae curulis in numis innumeris conspicitur. Erat ea communis magistratibus maioribus, praeterquam quod praefectus praetorio carpento pro sella curuli uteretur. Vopisc. Aurelian. 7. Conf. Petri Fabri *Semestr.* I, 3. p. 15. Iam ante Messalinae permiserat fenatus, ut carpento uteretur Suet. *Claud.* XI, XVII. & Agrippinae teste Dione. Olim & virginibus vestalibus id ius erat, teste Lips. *de Vest.* XI.

bus Romanis maioribus, vt ab eo plane abstinendum esset magistratibus municipiorum, quin & minoribus magistratibus Romanorum, veluti tribunis plebis, triumuiris, quippe qui in subselliis tantum ius dicere solebant, Plutarch. *Praecept. reip. gerend.* p. 813. Tom. II. unde & municipales magistratus *pedanei iudices* vocantur a Paulo L. 38. §. 10. D. de poen. Ex quo simul adparet, pro subselliis accipiendum esse tribunal, vbicumque illud municipiorum magistratibus tribuitur. (d)

## VIII.

(d) Suet. de clar. Rhet. VI. C. Albutius Silus, Nouariensis, quum aedilitate in patria fungeretur, quum forte ius diceret, ab iis, contra quos pronunciabat, pedibus A TRIBVNALI detractus est. Lapis apud Reines. *Inscr. class.* II, 89.

MELANTHVS. P. DECI.  
ET COLLEGA MAG. NE.  
TRIBVNAL NOVVM A SOLO  
FECERE

vt & alius. *Class.* VI, 44.

HONORI  
M. GAVI. M. F.  
POB. SQVILLIANI  
EQ. PVB. III. VIR. I. D.  
III. VIR. AP. VB.  
CVRATORI VICETINORVM,  
APPARITORES ET  
LIMOCINCTI  
TRIBVNALIS EIVS.

Omnia haec abusive dici videntur, & municipalibus magistratibus simili ambitione tribui, qua curia eorum *Senatus*, decuriones *senatores*, duumviri, *Dictatores*, *Coss.* Praetores subinde appellati sunt. Conf. Ger. Noodt. de *Iurisd.* l. 3. p. 123. V. C. Eu. Otto de *aedilib. municip.* & *diff. de consulibus extra Romam.*

VIII. Tribunali opponebatur *planus*, vel VIII. Lo-  
 vt Cicero vocat, *aequus locus* (Cic. *Epist. ad Fam.* *cus pla-*  
*III*, 8. Senec. *de Clement.* I, 5.) Saepe enim nus.  
 Praetor e tribunali descendens, in plano reti-  
 nebatur, saepe ei domi, aut in via desiderium  
 exponebant ciues. Dum ergo in aequo con-  
 sistens solo procedensue audiebat, dicebatur  
*de plano cognoscere.* L. 1. D. *de const. princ.* L. 9. §. 3.  
*D. de officio procons.* L. 6. *D. de accusat.* Et talis est  
*planaria illa interpellatio*, cuius mentio fit. L. 4. C.  
*de dilat.* editionis Haloandrinae, quum in vul-  
 gatis falso legatur *plenaria*. Qui de plano po-  
 stulabant, magistratum per libellum adibant, &  
 praetor postulanti respondebat per subscriptio-  
 nem. L. 15. D. *de in ius voc.* L. 29. D. *ad L. Corn.*  
*de fals.* At, quae decretum & causae cognitio-  
 nem desiderabant, nec libello, nec alibi, quam  
 pro tribunali, poterant expediri. L. 9. §. 1. D.  
*de offic. procons.* L. 3. §. 8. D. *de bon. possess.* L. 1. §. 8.  
*D. ad SC. Turpil.* Quae vero causae pro tribu-  
 nali definiendae fuerint, passim exponere so-  
 lent iureconsulti. (e)

IX. Pro tribunali quoties cognoscebat IX. Prae-  
 prae- toris con-  
 filium.

(e) Caue tamen existimes: idem Romanis fuisse, *de pla-*  
*no & summatim* cognoscere. Multa sane, quae sum-  
 matim cognoscebantur, pro tribunali tamen erant ex-  
 pedienda, ceu patet exemplo decretalis bonorum  
 possessionis ex Carboniano edicto, vel eius exemplo  
 datae, quae quum fuerit summaria L. 1. L. 3. §. 4. D.  
*de Carbon. edicto*, alibi tamen, quam pro tribunali dari  
 non poterat. L. 3. §. 8. D. *de bon. possess.* L. 2. §. 1. D.  
*quis ordo in possess. seruetur.* Conf. Ger. Noodt. *de In-*  
*risd.* I, 10. p. 135.



praetor, in consilium adhibendi erant adseffores. *L. 2. §. 29. D. de orig. iur.* Suet. *vit. Tiber. XXXIII.* Adseffores isti praetoris a tergo sedebant. Ammian. Marcell. *XXIII, extremo*: & quamvis ipsi non ius dicerent, praetorem tamen ius dicentem instruebant. Et ita intelligendus Plinius *Epist. I, 20. Frequenter egi, frequenter iudicaui, frequenter in consilio fui.* Saepe tamen & ipsi adseffores *iudices* dicuntur in iure nostro, veluti *L. 16. D. de manumiss. vind. L. 2. C. de vindicta & apud consil. manum.* Vid. Savaron. *Annot. ad Sidon. Appollin. Epist. III, 3.* Ger. Noodt. *de Iurisdict. I, 11. p. 137.* Adseffores praetoris in vrbe erant equites quinque totidemque senatores, Vlpian. *Fragm. I, 13.* qui iidem erant cum *decemuiris stlitibus iudicandis*, quorum meminit Pompon. *L. 2. §. 29. D. de orig. iur.* ceu ostendunt Iac. Raeuard. *Protribun. XVIII. & XIX.* & Ger. Noodt. *de iurisdict. I, 12. p. 137.* Sed hi non confundendi cum Adsefforibus, de quibus in tit. *D. de offic. adsefforum* agitur. Hi enim non erant magistratus, sed iuris studiosi, qui in magistratuum consilio erant, eosdemque instruebant de iure *L. 1. D. d. tit.* Iis ordinarium stipendium primus decrevit Alexander Imp. Lamprid. *Alex. cap. XLVI.* Erat & *centumvirale iudicium*, cui ipsi quoque praetor vna cum decemuiris praeerat. Dio Cass. *LIV. p. 540.* Hinc hastae iudicium idem est ac centumvirale apud Valer. Max. *VII, 8. 4.* quia duabus defixis hastis exercebantur Quintilian. *Inst. V, 2.* Vnde & hastae iudicium vocant Pomponius *L. 2. §. 29. D. de*

D. de O. I. Valer. Max. VII, 8. princ. Eleganter  
Martialis Epigr. VII. 62.

*Hunc miratur adhuc centum grauis hasta viro-  
rum.*

Iam ergo in procliui est, intelligere, cur  
*centumuiralem hastam cogere* dicantur decemui-  
ri apud Sueton. Aug. XXXVI. & cur Plin. Epist. V.  
ult. scribat: *Sedebant iudices; Decemui-ri venerant,  
observabantur aduocati, silentium longum, tandem a  
Praetore nuncius, dimittuntur Decemui-ri.* Ex qui-  
bus locis patet, & decemuiros & ipsum Prae-  
torem centumuiralibus iudiciis praefuisse. Cau-  
sas centumuirales recenset Cicero de Orat. I, 38.  
eoque refert vsucapionum, tutelarum, gentili-  
tatum, agnationum, alluionum, circumlu-  
uionum, nexorum, mancipiorum, parietum, lu-  
minum, stillicidiorum, testamentorum rupto-  
rum, aliaque huius generis iura. Ipsum vero  
centumuirale iudicium in basilica Iulia haberi  
consuevit, (f) & quidem publice, *ut densa cir-  
cumstantium corona latissimum iudicium multiplici  
circulo ambiret, uti loquitur Plin. Epist. VI, 33.*  
quumque illud initio ex XXXV. tribubus &  
quidem terni ex singulis legerentur, (Fest. voce  
*centumui-ri.*) adeoque CV. postea centum octo-  
ginta viris constaret, ista adfessorum frequentia

O 5 in

(f) In hac basilica quatuor consilia centumuiralia con-  
iunctim sedebant, adeoque plures ibi causae eodem  
tempore non sine strepitu audiebantur. Vid. Quinct.  
Instit. Orat. XII, 5. Plin. Epist. II, 14. Conferri etiam  
de hoc centumuirali iudicio meretur Sibrandus Te-  
tardus Siccama libro singulari, quem Tomo II. Antiq.  
Rom. inseruit Io. Ge. Graevius.

(g)

in quatuor consilia vel iudicia distribuebatur, unde & quadruplex iudicium adpellabatur. Briffon. *de verb. sign. voce centumviri.* e quibus Praetor pro causae dignitate modo vnum, modo plura consilia adhibebat. Immo nonnumquam quatuor illa iudicia coniungebantur, si causa digna videretur tanta iudicii maiestate. Exempla sunt apud Valer. Max, VII, 7. 1. Plin. *Epist. VI, 33.*

X. Iuris-  
dictio  
mandata.

X. Solebant etiam magistratus iurisdictionem nonnumquam aliis mandare: id quod fieri consueuerat iam a regum temporibus, qui domo profecti, ne vrbs sine imperio esset, diligebant, qui & ius redderet, & subitis mederetur: ceu accurate ex historia antiqua docet Tacit. *Annal. VI, 11.* Liu. *Hist. I, 41.* Ita & saepe postea proconsules praetores prouinciarum, praefides, iurisdictionem mandabant legatis suis, postea & collegis & ipsis priuatis aliquando mandata iurisdictionem legimus dummodo essent idonei. *L. ult. §. 1. D. de offic. eius cui mand. iurisd.* Is vero, cui mandata erat iurisdictio, licet nihil proprii haberet, sed aliena, id est eius, qui mandarat, iurisdictione fungeretur: *L. 1. §. 1. D. de offic. eius cui mandat. iurisd. L. 5. D. de iurisd.* omnia tamen, quae magistratus erant, expediebat, si scilicet vniuersa ei mandata esset iurisdictione, secus si pars tantum mandata, *L. 16. D. de iurisd.* Exemplum mandatae iurisdictionis vniuersae est apud Liuium XXIV, 44. qui M. Aemilium Praetorem, cuius peregrina fors erat, iurisdictionem suam Atilio collegae, Praetori vrbanomandasse refert. Tunc vero mandataris non secus, ac ipse praetor, pro tribunali

nali cognoscebat, ceu accurate demonstrat Ger. Noodt. *de Iurisd.* II, 9. p. 163. consilium etiam exercebat, iudicesque non secus ac Praetor dabat. Idem *l. c. cap. X. & XI.*

XI. Sed & tempus certum erant dies, quo praetores ius dicebant. Alii enim erant dies *fasti*, alii *nefasti*, alii *intercisi*. Istis Praetori licebat fari tria illa verba: DO. DICO. ADDICO: illis omnia haec effari nefas habebatur. His non nisi post operam sacris datam litibus vacare licebat. Varro *de Lingua. Lat.* V, 4. p. 35. *Dies fasti*, per quos Praetoribus omnia verba sine piaculo licet fari. *Dies nefasti*, per quos dies nefas, fari Praetorem DO DICO ADDICO. Quid. *Fast.* I. v. 47.

XI. Dies quibus ius dictum.

*Ille nefastus erit, per quem tria verba silentur,*

*Fastus erit, per quem lege licebit agi.*

Conf. Macrobi. *Saturn.* I, 16. Solis ergo diebus fastis integris, & intercisis pomeridie Praetor sui faciebat copiam, unde & *dies sessionum* vocantur Vlpiano, L. 5. §. 19. D. *ut in possess. legat.* ubi perperam legi videtur *possessionum* pro *sessionum*. Vid. Iac. Raeuard. *Protribun.* I. Ad dies nefastos pertinebant *feriae*, (g) quae vel *statae* erant & *sollemnes*, vel *repentinae*. Illarum exempla sunt apud Varron. *de Lingua. Lat.* V. p. 35. & accuratior recensensus fieri solet in Kalendariis Romanis, quae Gruterus, Lambecius & Graevius ediderunt.

(h)

(g) Cum feriis dies nefastos confundunt plurimi. Sed multi dies erant nefasti, non quod *feriae* tunc essent, sed quod Pontifices vel ominis vel religionis causa indixerant iustitium. Qualis dies dicti *atri*, *religiosi*, *ominosi*, *moesti*, *lugubres*. Vid. Gell. *Noct. Att.* V, 17. Pollet. *For. Rom.* I, 8, p. 80.

(h)



(b) Hae pro re nata indicebantur, veluti supplicationes, ob rem prospere gestam decretae, item feriae indictae in honorem principis. *L. 1. C. de feriis*. Conf. Bynkserh. *Obs.* II, 6. Etiam his Romani a forensibus negotiis & iure dicundo vacabant. Ceterum antiquissimis temporibus soli Pontifices fastorum curam gerebant, ad quos, tamquam ad oracula, adcurrere oportebat eos, qui actione experiri vellent, ut, liceretne hoc vel illo die lege agere, cognoscerent. Sed postea fastos istos publicavit Cn. Flavius, Cicero *de Oratore* I, 41. *pro Muraena* XI. *sequ.* Quintil. *Instit. Orat.* III, 8. *L. 2. §. 35. D. de orig. iur.* Conferantur, quae supra ad prooemium scripsimus. *§. V. VI.*

XII. Singulis cognitionibus certi dies assignati.

XII. Quamvis vero diebus fastis copiam sui daret Praetor : solebant tamen alios dies postulationibus, alios cognitionibus, alios decretis, alios manumissionibus, alios aliis actibus destinare, ut patet ex Vlpiano *L. 2. §. 1. 2. D.*

*quis*

(b) Mellis etiam & vindemiarum ferias iam antiquitus fuisse observatas, nec ab Antonino demum vel Iustiniano inventas seu vulgo ex *L. 1. D. de fer. & L. 7. C. eod.* colligunt, satis patet ex Plin. *Epist.* VIII, 21. *Iulio mense, quo maxime lites interquiescunt.* Perspicue etiam Statius *Sylv.* IV, 4. v. 39.

*Certe iam Latiae non miscent iurgia leges,  
Et pacem piger annus habet, MESSESQVE  
reuerſae*

*Dimisere forum.*

Feriarum vindemialium meminit Minuc. Fel. *Octau.* I,

(i)

*quis ordo in possess. seruetur.* Eum in finem in provinciis praesides certis anni temporibus CONVENTVM siue FORVM indicebant, i. e. tempus & locum distinguendorum negotiorum. De quibus conuentibus iuridicis videnti Theoph. *ad* §. 4. *Inst. qui & ex quib. causis manum. non lic.* Seru. *ad* Virgil. *Aeneid. V. v. 758. & II. v. 102.* Si quis statō die non aderat, expectandum ei erat vsque dum nouus adesset conuentus. Seru. *l. c.* Peregrinis tamen procul aduenientibus nonnunquam ius extra ordinem dicebatur, Sen. *Epist. CVI.* nec non militibus, teste Iuuenal. *Sat. XVI. v. 54. sequ.*

XIII. Ceterum qui actione experiri constituerant, prius per amicos tentabant, an quid proficere liceret intra parietes. Quorum opera si frustra fuerat, tum demum ventum in ius est. Docet id exemplum apud Liu. IV, 9. & Cicero *pro P. Quinct. V. XI.* a quo eiusmodi amici *disceptatores domestici* vocantur, quos caue confundas cum arbitris. *L. 13. §. 2. D. de recept. & qui arbitr. recep.* Conf. Ger. Noodt. *de Pact. & transfact. I. p. 648.* Si res ita componi non poterat, tum demum sequebatur in ius vocatio, a qua omnium actionum instituendarum principium proficisci, ait Iustinianus, §. 3. *Inst. de poen. tem. litig.*

XIII. Ante actionem tentata compositio.

XIV. Fiebat illa in ius vocatio priuata auctoritate, ita, vt acturi reos postulationis quodam die sibi obuios monerent, vt se in ius sequerentur. Qua in re verbis utebantur: IN IVS EAMVS, IN IVS VENI, SEQVERE AD TRIBVNAL, IN IVS AMBVLA. Barn. Briffon.

XIV. In ius vocatio antiqua.

Brillon, *de Form. V. p.* 366. Si vocatus frustra-  
retur, aut moraretur; iis, qui proximi adsta-  
bant, denunciabatur testimonium. Vocans  
enim iis adclamabat: LICET ANTESTARI?  
quibus advenientibus, auriculas eorum memo-  
riae causa tangebant. (i) Sic, Horat. *Serm. I, 9.*  
v. 45.

- - - Casu venit obuius illi  
Aduersarius, & quo tu turpissime? magna  
Adclamat voce, & LICET ANTESTA-  
RI? Ego vero  
Oppono auriculam, rapit in ius, clamor utrim-  
que  
Vndique concursus.

Et Plaut. *Curcul. V, 2.*

PH. AMBVLA IN IVS. M. Non eo,

PH. LICET ANTESTARI?

M. non licet.

PH. Iupiter te male disperdat miles:  
intestatus viuito.

C. At ego quem licet. PH. Tu accede huc  
Curculio M. seruum antestari?

C. Vide

Item, ut scias me liberum esse. M. Ergo  
AMBVLA IN IVS. Hem tibi.

C. O

(i) Auris veteribus memoriae locus, unde eam tangen-  
tes, admonebant, & antestabantur. Plin. *Hist. Nat. XI,*  
41. Nota phrasis est: *aurem alicui vellere.* Illius  
ritus monumentum perpulchrum est lapillus aud Lau-  
rinos, in quo caput sculptum, & manus aurem attingens,  
cum inscriptione MNHMONEYE, *Memento.*  
Vid. Iust. Lipf. *Quaesit, per Epistol. XXVIII.*

C. O *cines cines ? M. Quid clamas ? PH.*

*Quid istum tibi tactio est ?*

*M. Quia mihi libitum est.*

Facta hunc in modum antestatione, licebat a-  
ctori reum tergiuersantem quocumque modo,  
obtortoque etiam collo in ius rapere. Aliquan-  
do tamen & sine antestatione licuisse in ius vo-  
catos ad Praetorem rapere, si nimirum hi essent  
improbi, & intestabiles, veluti fures, lenones, ra-  
ptores, iam obseruarunt Ioach. Hopperus *de*  
*Arte Iuris Libri III. eiusque discipulus Iac. Rae-*  
*uard. ad XII. Tab. Cap. V. p. 27.* Et sane hanc  
obseruationem firmat testimonium Plauti in  
*Perf. IV, 9. v. 10. vbi Dordalus leno in ius voca-*  
*tus :*

*Nonne antestaris ? SA. Tuan' ego, caussa,*  
*carnifex,*

*Cuiquam mortali libero aures atteram ?*

Ceterum tantus erat veteris iuris rigor, vt lice-  
ret reum, etiam aegrotum ac senectute paene  
confectum, iumento impositum, noua fune-  
ris facie in comitium rapere. Gell. *Noct. Attic.*  
*XX, 1.* Quae omnia legibus decemuiralibus  
inducta sunt, quibus ita cautum fuisse legimus.  
sIN IVS VOCAT ATQVEAT. NI IT, AN-  
TESTAMINO. IGITVR EM CAPITO SI  
CALVITVR PEDEMVE STRVIT, MA-  
NVM ENDO IACITO, SI MORBVS AE-  
VITASVE VITIVM ESCIT, QVI IN IVS  
VOCABIT, IVMENTVM DATO, SI NO-  
LET, ARCERAM NE STERNITO Cic.  
*de Legib. II, 23. Porphyriion Schol. Horat. Serm. I, 9.*  
*v. 76. Non. Marcell, I, 20. p. 486. Gell. l. c.*



XV. Quae  
circa illam  
postea  
mutata.

XV. Enimuero postquam cultiorum nationum usus rubiginem pristinam e Romanorum moribus sensim exterfit: multa commenti sunt iuris auctores, ut has duriores de in ius vocatione leges quodammodo lenirent. Primo enim quasdam personas vel plane non, vel non nisi impetrata a Praetore venia in ius vocare licebat. Deinde matronas in ius vocatas, attingere nefas habebatur. Valer. Maxim. II, 1. 5. (k) Idem honor habitus impuberibus & puellis, alieno iuri subiectis *L. 21. pr. D. de in ius voc.* Parentes quoque & patronos, ut & eorum parentes, horumue liberos non passus est praetor, nisi impetrata venia, in ius vocare. §. 3. *Inst. de poen. tem. litig. L. 4. & seq. D. de in ius voc.* Si quis id neglexisset, eum quinquaginta aureorum multa coercuit. *L. ult. & pen. D. de in ius voc.*

XVI. Do-  
mo cur ab-  
strahere  
neminem  
licuerit?

XVI. Inualuit etiam, ut nefas haberetur, quemquam de domo sua in ius rapere, quod sua cuique domus ob Penatium religionem tutissimum deberet esse refugium. *L. 18. D. eod.* Si quis tamen diutius latitaret domi, adeoque impediret latitando, quo minus posset in ius vocari: vel sola denunciatione, vel litteris, vel edicto praetoris euocabatur, & si vel sic quoque se non sisteret, actor in eius bona immitti poterat. *L. 18. D. eod.* Raeuard. *Protrib. III. p. 846. sequ.* Idem vero institutum non ad vineam, balneum, thea-

(k) Tempore Decemviorum etiam feminas raptas in ius esse, patet exemplo Virginiae apud Liv. *Hist. III, 44.*

theatrum trahebant iureconfulti, quamuis & hic Dii essent, veluti in hortis Priapus. L. 20. D. eod

XVII. Immo & inhumanissimus ille mos reos morbo vel senio languidiore iumentis impositos ad praetoris tribunal trahendi, iamdudum obsoleuerat tempore Gellii, ceu ex loco eius supra adlegato apparet. Quando vero tota illa in ius vocatio ab usu recesserit, nondum liquet. Plinii aetate illam adhuc frequentatam esse, patet ex eius *panegyrico cap. XXXVI*. At Paulli & Vlpiani aetate illam iam obsoleuisse, nonnulli colligunt ex L. 2. §. 1. D. *si quis voc. non ierit* & L. 5. D. *de iudic.* Sed in his legibus nihil tale occurrit, quamuis negari nequeat, iam tum in ius vocationem non amplius priuata auctoritate, sed iussu praetoris, factam. Verosimile ergo est, Constantini demum temporibus inualuisse vocationem per executores factam, de qua L. 3. & L. 7. C. *de annal. except. Nouell. LIII, 3. LXIX, 1. & CXII, 2.* Conf. Huber. *Praelect. ad Dig. Lib. II. Tit. IV. §. 1.*

XVIII. Denique & id notandum debuisse in ius raptum dimitti, si quis vel eius personam defenderet, vel si, dum in ius ibatur, esset transactum. Cai. L. 22. §. 1. D. *de in ius voc.* Vtrumque ex XII. Tabulis est, in quibus ita cautum fuisse legimus: SI ENSIET, QVI IN IVS VOCATVM VINDICIT, MI TITO ASSIDUO VINDEX ASSIDVVS ESTO, PROLETARIO, CVIQUE VOLET, VINDEX ESTO. ENDO VIA REM VTI PACVNT, ORATO. Gothofr. *ad Tab. l. p. 183.* Vindex  
(II.) P in

XVII. Morbo & senio confectos in ius rapere non licebat.

XVIII. In ius vocatus vel datis vindictibus, vel transactione liberabatur.

in his legibus non est *Procurator*, vt suspicatus est Boethius *ad Cic. Top. II.* neque *praedicator*; ceu hunc Boethii locum emendandum existimant Iac. Cuiacius *Observat. V, 29.* Hotom. *ad Leg. XII. Tab. assiduo vindex, sed defensor*, qui oblata fideiussione reum prehensum liberabat. Festus voce *Vindex* p. 475. *Vindex ab eo quod vindicit, quo minus is, qui pressus est, ab aliquo teneatur.* (l) Solebant tamen etiam reus & actor nonnunquam transigere in via, & tunc quoque dimittebatur, qui in ius vocatus fuerat. (m) Transactio haec ex legibus Atticis descendit, ceu adparet ex Petit. *Leg. Attic. p. 339.*

XIX. A-  
ctionis e-  
ditio &  
postulatio.

XIX. Quod si nec vindices dati, nec de lite in via transactum: in ius venire solebat, ubi actor, impetrata loquendi potestate, reo *edebat actionem*, id est, indicabat, qua demum actione aduersus reum experiri vellet. Quum enim ex vno eodemque facto plures saepe actiones com-

(l) Errant ergo Sigonius, Ian. Vinc. Graulina, Barn. Briffonius & alii complures, qui *vindices* confundunt cum *vadibus*. Vades enim cauebant de iudicio fisci, ubi in ius ventum fuerat: vindices cauebant actori, vt reus dimitteretur, antequam in ius veniret. Vid. Gothofr. *ad XII. Tab. Tab. I. p. 185.* Ceterum pertinet huc titulus *D. in ius vocatus vt eat, aut satis vel cautionem det.*

(m) Et hinc lucem capiunt illa Saluatoris verba Matth. V, 25. ἴσσι ἐννοῶν τῷ ἀντίδικῳ σὲ ταχὺ, ἕως ὅτε ἢ ἐν τῇ ὁδῷ μετ' αὐτοῦ, μὴ ποτέ σε παραδῶ ὁ ἀντίδικος τῷ κριτῇ. Conf. Luc. XII. 58. Ea fane pauci recte intelligunt, quum e legibus his XII. Tabularum & ex antiquitatibus Romanis insignem lucem accipiant.

(n)

competerent, eligenda erat vna, eaque edenda reo. Car. Sigon. *de iudiciis* l. 19. p. 451 Et huc pertinent illa apud Plautum *Perf. IV. 9. v. 8.*

SA. *Age ambula in ius, leno, D. Quid me in ius vocas?*

SA. *Illic apud Praetorem dicam, sed ego in ius voco.* Dicit Saturio, non opus esse, vt, antequam in ius ventum, indicetur, cur lenonem in ius vocarit: moris esse, vt apud praetorem demum edatur actio. Conf. *L. 1. D. de edendo.* Actiōnem actor primum a Praetore *postulabat*, id est, petebat, vt sibi liceret eandem in reum intendere. Neque enim Praetores omnes easdem actiones dabant, quamuis generatim Edicto promississent, se postulantibus actiones daturus. Sic *M. Drusus, Praetor Vrbanus*, teste Auct. ad *Herrn. II, 13. quod cum herede mandati ageretur, iudicium reddidit, Sex. Iulius non reddidit.* Actio plerumque postulabatur per aduocatos quos & reus eodem tempore petere solebat, immo illis, qui in iudicio pro se postulare non poterant, aduocatos praetor ex officio dabat. Unde in edicto Praetoris fuit: **SI NON HABEBUNT ADVOCATVM, EGO DABO.** *L. 1. §. 4. D. de postul.* Postulatam actionem, & a praetore impetratam, actor *edebat*, cuius rei quinque erant diuersae rationes. *Prima* erat, si quis diceret, qua actione vti vellet; *secunda*, si actionis describendae actor reo faceret copiam: *tertia*, si actor suam intentionem in libello esset complexus, eamque sic offerret aduersario: *quarta*, si ex libello eam aduersario dictaret: *quinta*, si ad album non edictorum sed formula-



rum prôduceret aduersarium , & monstrata qua vsurus esset , actione , certam formulam eiusdem recitaret. <sup>(n)</sup> L. I. §. I. D. de edendo Iac. Raeuard. *Protribunal. IV. p. 885.* In quo tanta adhibenda erat ab actore cautio , vt si vel plus intentione sua complecteretur , quam ad eum pertinebat , vel in actione recitanda aberraret , mentemque lingua praecurreret , causa statim caderet. Cic. *de Inuent. II, 19.* Ita ius civile habemus constitutum , vt causa cadat is , qui non , quemadmodum oportet , egerit. Auct. ad Herenn. I. 2. In priuata actione causa cadit , is , qui non , quemadmodum oportebat , egerit. Quinctil. *Inst. Orat. III, 8. & VII, 3.* Est etiam periculosum , quum si vno verbo sit erratum , tota causa cecidisse videamur. <sup>(o)</sup>

XX. Vadium  
concep-  
tum.

XX. Edita , postulata , impetrataque a Praetore actione , actor porro certa verborum con-

<sup>(n)</sup> Omnes actiones adeo formulis adstrictae erant , vt ideo ipsae formularum nomine veniant. Sic *damni dati formula* dicitur actio Legis Aquiliae apud Plin. *Hist. Nat. IX, 59.* Formulae de dolo malo mentio fit apud Cicer. *de Offic. III, 14.* & *de Nat. Deor. III, 30.* Idem Cicero pro Q. Rosc. Comoedo : Sunt iura , sunt formulae , de omnibus rebus constitutae , ne quis aut in genere iniuriae , aut in ratione actionis errare possit. Expressae sunt enim ex vniuscuiusque damno , dolore , incommodo , calamitate , iniuria publicae a Praetore formulae , ad quas priuata lis accommodatur.

<sup>(o)</sup> Nonnunquam tamen Praetor eum , qui formula ceciderat , restituebat in integrum. §. 33. *Inst. de action.* Seneca *Epist. XLVIII.* Quid enim aliud agitis quum eum quem interrogatis , scientes in fraudem inducitis , quam vt formula cecidisse videatur ? Sed quemadmodum ILLVM PRAETOR , sic hos IN INTEGRUM philosophia restituit.

(p)

conceptaque formula *vadabatur reum*, (p) id est, vades sive sponsores petebat, promissuros, fore, ut certo die, (is plerumque perendinus erat,) se in iure sisteret. (q) Haec quoque formula non sine insigni cautione concipiebatur a iureconsulto, ceu ex Ciceronis *ad Q. Fratr. Epist. II, 14.* adparet, ubi negat Caesar, *in tanta multitudine eorum, qui una fuissent, quemquam fuisse, qui VADIMONIVM concipere potuerit.* Ipsa formula perit. Videntur tamen vades sponpondisse pro reo, eum certo die *ADFVTVRVM*. Cic. *pro P. Quinctio VII.* Ita disceditur, ut idibus Septembris P. Quinctium sisti Alphenus promitteret. Venit Romam Quinctius: *vadimonium sedit.* Acron. Horatii Scholiastes ad *Serm. I. Sat. 1.* Vadibus, sponso-ribus, a *vadimonio*, quod promittit is, qui ad iudicium vocatur, *CERTO DIE ADFVTVRVM.* Vades ideo dicti, quod, qui eos dederit, vadendi, id est, discedendi habet potestatem. Actor ergo, qui provocabat; reum *vadari*; reus *vades dare*; vel

P 3

vadi-

(p) Vadimonii nulla in Digestis mentio est, eo quod Tribonianus hanc vocem in veterum fragmentis ubique expunxit, ceu luculenter patet ex *L. 7. pr. D. de iniur.* collata cum fragmento Paulli apud *Auctorem Collat. Leg. Mos. & Rom. II, 6.* Effugit tamen Triboniani manum *L. ult. §. 1. C. de castr. & ministerian.*

(q) Alias si vades dare non posset reus, in carcerem nonnumquam detrudebatur. Plaut. in *Perfa II, 4. v.* 18.

SA. *Vadatur hic me*PAE. *Vtinam vades desint, in carcere v-*  
*sis.*

Guil. a Goes in *Append. ad Pilatum indicem*, Raeuard. *ad XII. Tab. Cap. V. p. 29. sequ.*

(r)

*vadimonium promittere*, vas *spondere* dicebatur. Dies, quo adfore reum spondebant vades, plerumque erat *perendinus*. Quae vox adeo sollemnus erat in vadimonii formulis, ut addubitarerent prudentes, an DIEM TERTIVM, pro PERENDINO dici liceret ut testatur Cicero pro Muraena XII. Quo pertinet etiam locus Gellii Noct. Att. VII, 1. Et quodam die ius in castris sedens dicebat, atque ex eo loco id oppidum procul videbatur. Tum e militibus, qui in iure apud eum stabant, interrogavit quispiam ex more: IN QVEM DIEM LOCVMQVE vadimonium promitti iuberet? Et Scipio manum ad ipsam oppidi, quod obsidebatur, arcem protendens: PERENDIE, inquit, se sistant illo loco. Non vero vas spondebat tantum, reum certo die locoque adfuturum sed &, si haut adfuturus esset, certam spondebat deserti vadimonii poenam, (r) quam tamen ipsa litis aestimatione maiorem haut esse oportebat. Paullus apud Auctorem Collat. Leg. Mosaic. & Rom. II, 6. Concepto hunc in modum vadimonio, acceptisque sponforibus e iure discedebatur, reusque vel de transactione cogitabat, vel ad contendendum se parabat in perendinum. Saepe tamen Praetores ex voluntate litigantium vadimonium in alios dies perendinos differebant. Epitom. Liu. LXXXVI. Sulla

806

(r) Male vero Ant. Contius *Leç. I, §.* inde colligit, satisfactionem hanc pro litis aestimatione id est, de iudicatum solui interpositam fuisse. Ipsam quidem vadimonium contrahebatur ob rem, L. 10. §. 2. D. *si quis cautionib.* sed tantum eatenus, ne reus copiam sui facere detrectaret.

*ex fiducia tam certae victoriae litigatores, a quibus adibatur, vadimonium Romam differre iussit. Iuuenal. Sat. III.*

- - - *Differt vadimonia Praetor.*

XXI. Veniente die, qui comperendinus dicebatur, aut aderat reus, & tum *vadimonium* sistere; vel obire; aut aberat, & tunc *deservisse* dicebatur *vadimonium*. Hoc ergo die comperendino aderat Praetor, & actiones postridie editas postulatatasque ex tabulis ordine recitari, simulque actores reosque per accensum citari (s) iubebat, ut iudicia cognoscendis eorum causis daret. Quorum illud *dicere vadimonia*; hoc *addicere iudicia* vocabant. Macrobius. *Sat. I, 26. Comperendini dies fuerunt, quibus vadimonia dicere & iudicia addicere licebat. Sigon. de Iudic. I, 21. p. 456. Citati litigantes, si sese non sisterent, causa cadebant. Horat. Serm. I, 9. v. 35.*

*Ventum erat ad Vestae, & tunc respondere vadato*

*Debebat, quod ni fecisset, perdere litem.*

Inprimis reus, deferens vadimonium, perdebat litem, & praetor, postulante actore, ex edicto iubebat eius bona possideri: Ita enim edixerat Praetor: IN BONA EIVS, QVI IVDICII CAVSSA FIDEIVSSORES DEDERIT, SI NEQVE POTESTATEM SVI FACIAT,

P 4

NE-

(s) Hoc sine nomina edebantur reorum aequae ac propria apud praeconem vel accensum, ut is deinde ordine citare litigantes ad tribunal posset. Afcon. Paedian. in Cic. Verrin III. Apud veteres & indices & rei & accusatores & defensores citabantur a praecone praetoris. Raquard. *Protribunal. II. p. 874.*

(s)



NEQVE DEFENDATVR, IRI IVBEBO.  
 Exemplum est apud Ciceronem in *Orat. pro P. Quinctio VI.* cuius ex edicto bona possessa sunt, quia vadimonium dicebatur deferuisse. Si tamen reus non exaudiuerat vocem praeconis, restituebatur in integrum, modo statim iudicem adiisset. *L. pen. D. de in int. rest.*

XXII. In-  
 tentio  
 actionis.

XXII. Sin vterque se siterat, tunc ad citationem prior respondebat reus: *Vbi tu es, qui me vadatus es? vbi tu es, qui me citasti? Ecce ego me tibi sisto, tu contra & te mihi siste.* Ad hanc sollemnem formulam omnium interpretum consensu respicit Plaut. *Curcul. I, 3. v. 5.*

VBI TV ES, QVI ME CONVADATVS  
*Venereis* VADIMONIIS?

VBI TV ES, QVI ME *libello Venereo* CITASTI?

SISTO EGO TIBI ME, & *mihi contra itidem* VT SISTAS,

*Suadeo.*

Prouocatus hoc modo actor: ADESSE se aiebat. Quorsum itidem pertinent illa Plauti, proxime sequentia:

ADSVM, *nam si absim, hant recussem, quin mihi male sit, mel meum.*

Regerebat porro reus, QUID AIS? Cui actor respondebat AIO: & tum ipsa sequebatur actio, reo intenta, certa formula concepta, veluti: AIO, FVNDVM, QVEM POSSIDES, MEVM ESSE VEL AIO TE MIHI DARE FACERE OPORTERE. Licebit ergo formulas actionum praecipuarum, eo ordine, quo eas Imperator hoc titulo proposuit, colligere,

gere, vt quid singulis actionum formulis petere soliti sint Romani, eo dilucidius adpareat. Neque tamen aliquis a nobis requiret, vt omnes actiones, quarum Rhetores meminerunt, explicemus, veluti actionem *dementiae, inscripti maleficii, talionis, malae tractationis, abdicationis*. Earum enim plerasque non in foro, sed in Rhetorum scholis natas esse, iam pridem docuit Cuiac. *Obs.* IX, 13.

XXIII. Prima actionum diuisio est, quod aliae *in rem*, aliae *in personam* tendunt, quibus alii tertium genus *actionum mixtarum* adiiciunt. (t) Nonnumquam enim res veniebat in controversiam, nonnumquam in personam intendebatur ex conuentione vel maleficio, nonnumquam & res & praestationes quaedam personales simul petebantur. *Actiones in rem* iterum vel *ciuiles* erant, vel *praetoriae*. Illae ex Legibus SC. & constitutionibus; hae ex edicto vel iure honorario descendebant. *Ciuiles in rem actiones* erant *Rei vindicatio, actio in rem utilis, hereditatis petitio, confessoria, negatoria*.

XXIII.  
Actiones  
quotupli-  
ces?

P 5

XXIV:

(t) Ipse Imperator tertium hoc genus adiicit §. 20. *Inst. h. t.* quem quidem locum a glossis violatum existimat Ant. Faber *de Error. pragm. Part. IV. Dec. 94. cap. 5. sequ.* sed agnoscunt etiam mixtas actiones Diocletianus & Maximianus Imperatores L. 7. *C. de petit. hered.* & Paulus L. 1. *D. fin. regund.* L. 29. *pr. D. comm. diuid.* Et certe alias quoque saepe, quae mixtam causam habent in rerum diuisionibus, negliguntur, & confunduntur cum simplicibus, atque ideo in iure nostro vnus eiusdemque rei modo bipartita, modo tripartita fit distributio, ceu exemplis quamplurimis ostendit Ger. Noodt. *Probab. 1, 12, p. 33. sequ.*

(u)

XXIV. Rei  
vindica-  
tionem  
praecede-  
bat lis de  
vindicis.

XXIV. REI VINDICATIO institui non poterat, nisi antea certum esset, cuius esse deberent *vindiciae*, id est, quem possidere, quem petere oporteret. Ascon. Praedian. in Cic. *Ver- rin.* III, p. 1849. *Lis vindiciarum est, quum litigatur de eare apud Praetorem, cuius incertum est, quis debeat esse possessor, & ideo, qui eam tenet satisdat pro praede litis vindiciarum aduersario suo, quo illi satisfaciat, nihil se deterius in possessione facturum, de qua iurgium esset.* Rursus sponsione ipse prouocatur, ab aduersario certae pecuniae, aut aestimationis, quam amittat, nisi sua sit hereditas, (res) de qua contendit. Praedes ergo dicuntur *satisdatores locupletes pro re, de qua apud iudicem lis est, ne interea, qui tenet, diffidens causae, possessionem deteriore faciat, tecta dissipet, excidat arbores, & culta deferat.* Ex hoc ergo quantiuis pretii loco satis patet, quo pacto in iure vindiciae postulatae sint. Quoties scilicet incerta erat possessio is, cuius intererat, postulauit a praetore interdictum de possessione vel adipiscenda, vel retinenda, vel recuperanda, de quibus infra ad Tit. XV. Postremum interdictum dabatur iis, qui vi ex aliquo loco erant deiectioni. Et quamuis id de vera vi esset intelligendum: Romani tamen inuenerant vim simulatam, quae in eo consistebat, quod alter alteri dicis causa vim inferret in iudicio, tum manus conferendo, tum verbis vindicando. Nam aut seruus vindicabatur aliaque res mobilis, aut fundus. Qui serui possessionem petebat, tenens seruum, vel manum ei iniiciens, in iure apud Praetorem ita vindicabat, id est, possessionem per vim simulatam postulabat: HVNC

HO-

HOMINEM EX IVRE QVIRITIVM MEVM ESSE AIO, EIVSQVE VINDICIAS MIHI DARI POSTVLO. Tacente altero, aut cedente, praetor servum addicebat vindicanti, id est, possessionem ei decernebat usque ad exitum iudicii. Ille vero si contra vindicaturus erat, tum & ipse servum corripiens, eique manum iniiciens dicebat. ET EGO HVNC HOMINEM MEVM ESSE AIO, EIVSQVE VINDICIAS MIHI CONSERVARI POSTVLO. Tum demum Praetor interdicebat: QVI NEC VI, NEC CLAM, NEC PRECARIO POSSIDET, EI VINDICIAS DABO. Sigon. *de iudic.* l. 21. Saepe ad hanc vim fictam adludunt veteres auctores. Ouid *Amor.* l. 4.

Et dicam MEA SVNT, iniiciamque MANVM.

Et Lib. II.

*Iniiciam dominas in mea iura manus.*

Martial. *Epigr.* l. 5.

*Et quum se dominum vocabit ille,*

*Dicas esse MEOS, manuque missos.*

Seruius ad illa Virgilii *Aeneid.* X. v. 419.

INIECERE MANVM Parcae, telisque sacrarunt

*Euandri.*

addit, Virgilium sermone iuris vsum. Nam manus ait iniectio dicitur, quoties nulla iudicis auctoritate expectata, (id est ante Praetoris decretum,) rem nobis debitam vindicamus. Paullo alia erat fundum, domum, aliasue possessiones vindicandi ratio, si quidem tum petitor eum, vnde

pete-



petebatur, ex iure manu confertum vocabatur. Qua de re Gell. Noct. Attic. XX, 10. EX IVRE MANU CONSERVTVM *verba sunt ex antiquis actionibus, quae quum lege agitur, & vindiciae continentur, dici nunc quoque apud Praetorem solent.* Et paucis interiectis: *Manum conferere est, de qua re disceptatur, in re praesenti, siue ager, siue quid aliud est, cum aduersario simul manu prendere, & in ea re sollemnibus verbis vindicare. Vindicia id est, correptio manus in re atque in loco praesenti.* Id apud Praetorem ex XII. Tabulis fiebat, in quibus ita scriptum est: SI QVI IN IVRE MANVM CONSERVNT. *Sed postquam praetores, propagatis Italiae finibus, datis iurisdictionibus, negotiis occupati, proficisci vindiciarum dicendarum causa in longinquas res grauabantur, institutum est contra XII. Tabulas tacito consensu, ut litigantes non in iure apud Praetorem manum confererent, sed ex iure manu confertum vocarent, id est, alter alterum ex iure ad conferendum manum in rem, de qua ageretur, vocaret. Atque profecti simul in agrum, de quo litigabatur, terrae aliquid ex eo, uti unam glebam in ius, in urbem ad praetorem deferrent, & in ea gleba, tamquam in toto agro vindicaret.* Ad hunc ergo locum intelligendum obseruari decet, ex legibus XII. Tabularum vindiciarum litem semper agitatam esse in loco, atque in re praesente. Praetor ergo, in fundum profectus, cum litigantibus, ibique ex iure manum conferentibus ei parti, cui visum erat, vindicias seu possessionem dabat. Id vero quum paullo molestius videretur: Praetores non amplius in fundos, de quibus lis erat, dicendarum vindiciarum causa proficiscebantur, sed litigantes alter alterum

rum ex iure euocabant in rem praesentem , e  
qua redeuntes glebam apportabant (u) quae &  
ipsa

(u) Dixeram in prior editione , videri in imaginaria ista pugna litigantes, nonnumquam festucam in ius attulisse, forsan si de domus possessione fuerit controversia, idque collegeram ex Gell. *Noct. Att. XX, 10.* vbi *vis festucaria* memoratur. Sollicitauit hanc obseruatunculam , qui nonnumquam nodum in scirpo quaerit, B. Branchu. V. C. in *Obs. dec. II. cap. XV. p. 84.* incompertum sibi esse negans, vnde hanc obseruationem hauserim. Paucis dico, ex Gellio, qui vbi de hoc negotio loquitur, eam vim imaginariam vocat *vim festucariam*, nec dicit, litigantes semper glebam attulisse , sed id modo exempli gratia profert, quia de agro loquitur. Quod si ergo agrum repraesentabat gleba; quidni domum festuca? Sane & postea à Francis, qui plerasque sollemnitates iuris a Romanis adoptauerunt, festucam traditionis signum constituebant, & tradere praedium apud eos erat *effestucare*, vti ex glossariis abunde constat. Nec etiamnum illa effestucatio ignota est in Gelria, Drentia & vicinis prouinciis. Vid. Frid. a Sande *de Effestucatione* libellus elegantissimus. Quid vero vir doctus attulit melius? Dicit vim istam festucariam nomen obtinuisse a praetoria vindicta, quae & festuca dicta sit apud Plautum: *Mil. glorios. IV, 1. v. 15.* *Perf. Sat. V. v. 175.* Vnde non temere conici, eius festucae, quam in manumissionibus adhibuerint, etiam in aliis vindicationibus usum fuisse , imprimis quum a vindicando dicta sit vindicta. Sed meliore iure mirarer, vnde hanc obseruationem suam hauserit Clarissimus Branchu. nisi res ipsa doceret, eum notulam, quam Thysius & Oiselius Gellii textui adluerant, bona fide sequutum. Reicere coniecturam, aliamque substituere, eamque nullo argumento probare, non est errorem Heineccii indicare, vti in titulo capitis promittitur, sed sibi placere.

(x)

ipsa vocabatur VINDICIAE, teste Festo, voce vindiciae p. m. 476. De quo verbo Cincius sic ait: *Vindiciae olim dicebantur illae, quae ex fundo sumtae in ius adlatae erant.* Denique nec in fundum amplius proficiscebantur litigantes, aut glebā inde deferebant; sed prudentes, ceu diserte docet Cic. pro Muraena XII. excogitarant nouam formulam vindiciarum, quam litigantibus aequae ac Praetoribus tamquam carmen quoddam praescripserant. Quod eo ordine factum legimus. Petitor eum, vnde petebatur, ita alloquebatur: FVNDVS, QVI EST IN AGRO, QVI SABINVS VOCATVR, EVM EGO EX IVRE QVIRITVM MEVM ESSE AIO, INDE IBI EGO TE EX IVRE MANVM CONSERTVM VOCO. Cedente aduersario, Praetor fundi illius possessionem addicebat vindicanti. Sin cedere nollet aduersarius: tum contra vindicans petitori respondebat: VNDE TV ME EX IVRE MANVM CONSERTVM VOCASTI, INDE IBI EGO TE REVOCO. Tum Praetor utrisque: SVPERSTITIBVS, INQVIT, PRAESSENTIBVS, ISTAM VIAM DICO. INITE VIAM; Quae verba eum sensum habebant, quod actor & reus, praesentibus testibus, (x) certam viam inire deberent, quasi in agrum profecturi ad conferendam ibi manum, gle-

(x) Festus voce superstites: p. m. 456. Superstites testes praesentes significat. Cuius rei testimonium est, quod superstilibus praesentibus, ii, inter quos controuersia est, vindicias sumere iubentur.

glebasque in rei testimonium referendas. Viam ergo inibant, duce sapiente, quo duce etiam redibant, dicente Praetore : **REDITE VIAM.** Omnia haec ex Ciceronis oratione *pro Muraena XII.* discimus, qua false orator hanc obscuram iureconsultorum diligentiam perstringit. Tandem praetor, audita utraque parte, si adpareret, quemquam vi deiectum, ita secundum eum dicebat vindicias : **VNDE TV ILLVM DEIECISTI, QVVM NEC VI NEC CLAM NEC PRECARIO POSSIDERET, EO ILLVM RESTITVAS IVBEO.** Conf. Sigon. *l. c. I, 21. p. 459. sequ.* Iac. Raenard. *ad XII. Tab. VI. p. 32. sequ.*

**XXV.** Constituto ita possessore, tum de-  
 mum lis de dominio possessori intendebatur  
 ab eo, qui possessione erat exclusus. Id vero  
 ita fiebat, ut actor primum, an reus auctor es-  
 set, quaereret, deinde vindicaret, tum satisdare  
 iuberet, ac denique sponsione prouocaret.  
 Primum ergo quaerebat actor : **QVANDO  
 TE IN IVRE CONSPICIO POSTVLO  
 ANNE SIES AVCTOR?** Hanc enim for-  
 mulam totidem verbis habet Cicero pro *A.  
 Caecin. XIX.* & Valer. Prob. *in Notis: (γ) Au-*  
 ctor

XXV.  
 Formulae  
 rem vin-  
 dicandi.

(γ) Sed denuo intercedit V. C. B. Branchu. *in Obs. dec.  
 II. cap. XV. p. 90.* meque cum aliis errare clamat, dum  
 hanc formulam ad actiones in rem referam, quae po-  
 tius ad actiones in personam pertineat, siquidem in his  
 ob metum plaris petitionis necesse fuerit, aliquid scire  
 de conditione eius qui litem contestaturus esset. Cre-  
 derem, si vir doctus, quod tanta fiducia adfirmat, pro-  
 baret. Sed id non facit. Dabo ergo operam ut me  
 intel-



ctor vero is esse dicebatur, unde quis ius suum poterat repetere. *Raeuard. Protribun. V. p. 889.* Qui enim petitorio iudicio utebatur, ne frustra experiretur, requirere debebat, an u cum quo insituebat actionem, possessor sit, vel dolo defierit possidere? *L. 36. pr. D. de rei vind.* Negante reo, Praetor dicebat : **QVANDO NEGAT, SACRAMENTO QVAERITO,** Sacramento (2) vero quaerere erat

intelligat. Notum est, olim non habitum fuisse pro possessore, qui dolo defierat possidere. Id enim si fuisset, frustra praetor inuexisset restitutionem in integrum ob alienationem iudicii mutandi causa factam. Ius illud de quo *L. 131. D. de reg. iur.* non ex iure antiquo est, sed ex edicto, adeoque a temporibus Hadriani, qui singulari SC. anno V. C. 15CCCLXXXI. Q. Iulio Balbo & P. Iuuentio Celfo coss. sanciri iussit, *ut qui fecerint quo minus possiderent, perinde condemnarentur quasi possiderent.* Legicima verba SC. exstant *L. 20. §. 6. D. de her. petit.* Ex hoc vero SC. id principum, quod qui dolo malo possidere desiit, pro possessore habeatur, natum esse, testis est Paullus *L. 27. §. 3. D. de rei vindic.* Quum ergo vererentur petitores, ne possessores res litigiosas alienarent, posteaque cum alio potentiore, sibi esset negotium: merito interrogabant *an reus sit auctor*; id est, an iam possideat, & in posterum si lis secundum actorem daretur, rem praestare velit. Id quoque disertis verbis testatur Caius *L. 36. pr. D. eod.* Negante illo, sequebatur sponsio, si auctor esset, id est si possideret, & hinc rem praestare teneretur. Quid quaeso opus erat hac interrogatione, in actionibus in personam? Et quid illa cum pluris petitione commune habebat?

- (2) Festus voce sacramentum p. 418. *Sacramentum aes significat, quod poenae nomine penditur, siue eo quis interrogatur, siue contenditur. Id in aliis rebus quinquaginta assium est, in aliis, quingentorum inter eos qui iudicio inter se contendunt.* Conf. Varro de Lingua Lat. V, 36. p. 29. (a)

erat ad certam spondendam pecuniam reum prouocare, ni ita esset. Itaque petitor pergebatur : **QUANDO NEGAS , TE SACRAMENTO QVINGENARIO PROVOCO. SPONDESNE TE DATVRVM QVINGENTOS, SI AVCTOR SIS?** id est, si probauero, te auctorem vel possessorem esse. Cui inficiator respondebat : **SPONDEO QVINGENTOS. SI AVCTOR SIEM,** quod dicto statim restipulabatur : **TV VERO SPONDESNE IDEM. NI SIM?** cui ille **ET EGO QVOQVE SPONDEO** Adfirmante vero illo, se esse auctorem, sequebatur actio **QUANDO AIS, NEQVE NEGAS. TE AVCTOREM ESSE HVNC HOMINEM (FVNDVM) EX IVRE QVIRITIVM MEVM ESSE AIO.** Quaerebat tum praetor ex reo, an contra vindicaret? Negante eo, praetor feruum vel fundum addicebat vindicanti. Si contra vindicaret reus, utebatur formula : **ET EGO EVNDEM HOMINEM (FVNDVM) MEVM ESSE AIO EX IVRE QVIRITIVM. SED NONNE TV DICIS , QVA CAVSSA VINDICAVERIS ?** Tum actor causam dominii sui exponebat Vid Car Sigon. l. c. Raeuard. *Protribun. V. p. 889. sequ.* Briffon. *de Form. V. p. 369. 476. sequ.* Antequam vero id faceret, postulare solebat petitor a possessore, ut fatisdaret, se nihil deterius in possessione facturum : quod ni faceret, possessio in petitorum transferebatur, modo fatisdaret. Si & petitor fatisdare nollet, penes possessorem possessio manebat, quia in pari causa melior erat

conditio possidentis. Paull. *Recept. Sent. I, II, I.*  
Addatur Iac. Menard. *ad Cicer. Verr. I, 45.*

XXVI.

Actio in  
rem utilis.

XXVI. Ita procedebant litigantes, si rei  
instituebatur vindicatio. Ad actionem in rem  
utilem quod attinet, ea eodem paene modo,  
iisdemque formulis instituebatur, idemque  
etiam in hereditatis petitione obseruabatur.  
Nam hereditatem si quis petere vellet: actio  
ita intendebatur: AIO HANC HEREDITA-  
TEM MEAM ESSE, negante possessore, per-  
gebat petitor, SPONDESNE CERTAM  
PECVNIAM, SI MEA SIT? Respondebat  
hic, SPONDEO SI TVA SIT. Tum reus re-  
stipulabatur, actor vero satisdari iubebat. Cic.  
*Verrin. III. ibique Ascon. Paedian.*

XXVII.

Actio con-  
fessoria &  
negatoria.

XXVII. Ciuilis quoque erat in rem actio  
CONFESSORIA, quae ita intendebatur: AIO  
VSVMFRVCTVM FVNDI TVI, QVI EST  
IN AGRO SABINO, ESSE MEVM vel:  
AIO IVS EX FVNDO TVO AQUAM  
DVCENDI ESSE MEVM vel: AIO IVS  
MIHI ESSE IRE AGERE IN FVNDO  
TVO. Barn. Briffon. *de Form. V. p. 476.* Illud  
vero hic singulare, quod in vindicandis rebus  
incorporalibus non solum adfirmative liceret  
intendere, sed & negative, veluti: AIO TIBI  
IVS NON ESSE PARIETEM ITA PRO-  
JECTVM IN MEVM. ME INVITO, HA-  
BERE. Vel: AIO TIBI IVS NON ESSE,  
ALTIVS TOLLERE. Et hinc haec actio di-  
cta NEGATORIA. Briffon. *de Form l. c.* Cur  
hoc non aequè licuerit in vindicandis rebus  
corporalibus facile liquet. Has vindicare ne-  
mo

mo poterat, nisi is, qui non possidebat : incorporales vero etiam possessores vindicare poterant contra alterius usurpationem. Car. Sigon. *de iudic. I, 21. p. 475.* Et hic est ille vnicus casus, quo, qui possidet, in rem agit, de quo Imperator noster, & Theophilus §. 2. *Inst. de action.*

XXVIII. Praetoriarum in rem actionum XXVIII.  
 prima PVBLICIANA est, a Publicio praetore Actio Pu-  
 primum in edicto proposita, §. 5. *Inst. h. t. Q.* bliciana.  
 Publicium quemdam tempore Ciceronis praeturae gessisse docet Steph. Vin. Pighius. *Anal. Tom. III. p. 291.* sed an is idem sit auctor actionis Publicianae, adeo pro certo adfirmari non potest, vt probabile sit, illam Ciceroniana aetate anteriorem esse. (a) Vnde multo minus credibile est, Imperatoribus rerum potitis, eam actionem constitutam fuisse, id quod tamen mauult Sigon. *de iudic. I, 17. p. 441.* Petebatur ea actione res, iusta ex causa tradita, sed nondum usucapta, ac deinde amissa, perinde ac si esset usucapta, a quocumque, qui non esset dominus. Vnde hic valebat exceptio, SI EA RES POSSESSORIS NON SIT. *L. ult. D. de Public. act.* quam tamen exceptionem dominii tribus casibus cessasse, obseruat Cuiac. *Obs. X, 6.*  
 For-

(a) Meminit huius praetoris Cicero *pro Cluent. XLV.* Vnde & Bertrand. *de vit. ICtor. II, 16. p. 201. colligit.* Publicium hunc qui alias & Gellius vocatur, auctorem huius actionis esse. Sed antiquiorem esse hanc actionem, vel inde patet, quod iam Terent. *Phorm. II. 4. v. 9.* meminit actionis rescissoriae. Eam vero ab eodem Publicio Praetore esse, satis constat ex *L. 35. D. de Obl. & act. L. 57. D. mand.*



Formula actionis procul dubio & hic fuit: AIO HANC REM, QVAM TV POSSIDES, MEAM ESSE, addita deinde causa vindicandi, QVANDOQVidem EAM BONA FIDE EMI A L. TITIO, ET AB EODEM BONA FIDE TRADITAM ACCEPI.

## XXIX.

Aliae actiones praetoriae in rem.

XXIX. De actionibus *rescissoria*, *Paulliana*, *Serviana* & *quasi Serviana* nihil est, quod ex antiquitatibus moneam, nisi quod *Rescissoria* ab eodem Publicio praetore de quo paullo ante, inuenta sit, ceu in annotatione subiecta ostendimus, *Serviana* vero *Ser. Sulpitio*, insigni illi iureconsulto deberi videatur, de cuius quippe praetura testatur Cicero *pro Muraena* XX. Formulam actionis *Servianae* indagavit Briffon. *de Form. V. p. 382.*

## XXX.

Actiones praeciudiciales.

XXX. Fuerunt etiam actiones in rem quae propriam habebant observationem, & singulare obtinuerant nomen, dictae quippe PRAEIVDICIALIAES. §. 14. *Inst. h. t.* Tales erant quae de statu instituebantur, in primis *de libertate*, *de civitate* & *de partu agnoscendo*, quas eleganter complectitur Terent. *Eun. IV, 7, v. 35.* CH Principio eam dico esse LIBERAM, THR. Hem. CH. CIVEM Atticam, THR. Hui! CH. Meam SERVOREM, THR. Os durum! ubi prima actio est ex statu libertatis, altera ex statu civitatis, tertia de statu familiae. Actiones de libertate duae erant proditae. Aut enim quisquam alterum e servitute in libertatem, aut e libertate in servitutem vindicabat. Ille liberali causa manu adserere, hic in servitutem adserere dicebatur. In his actionibus id singulare erat, quod lege XII. Tabularum

larum vindiciae pro libertate, non pro seruitute darentur adeoque possessio hominis ad finem vsque iudicii maneret penes eum, qui in libertatem adfereret, non qui in seruitutem. Liu. III, 44. Adferens ergo liberali causa, ita initio videtur postulasse vindicias: HVNC HOMINEM EGO LIBERVM ESSE AIO, EIVSQVE VINDICIAS SECVNDVM LIBERTATEM MIHI DARI POSTVLO. Cui adversarius respondit: ET EGO HVNC HOMINEM IVRE QVIRITIVM MEVM ESSE AIO, EIVSQVE VINDICIAS MIHI CONSERVARI POSTVLO. Sequuntur decretum Praetoris: QVI LIBERTATEM DEFENDIT, EI DO VINDICIAS. Sequenti cognitionum die, actio de libertate intendebatur hoc modo: HVNC HOMINEM IVRE QVIRITIVM LIBERVM ESSE AIO. EVMQVE LIBERALI CAVSSA MANV ADSERO. Negante adversario & in seruitutem vindicante, sequebantur sponsiones, ut supra NI LIBER SIT, SI LIBER SIT. Sigon. l. c. p. 478. Frequentissima huius actionis mentio apud comicos. Terent. Adelph. II, 1.

- - *Neque vendendam censeo, quae libera est,*

Nam EGO ILLAM LIBERALI ADSERO  
CAVSSA MANV,

Plaut. Poenul. IV, ult.

*Omnia memores, quo id facilius fuit: MANV*

EAS ADSERAT

SVVS POPVLARIS LIBERALI CAVSSA.

Idem *Poen. V, 2.*- - *Et si frugi esse vis,*EAS LIBERALI *tum* ADSERES CAVS.  
SA MANV.

Conf. Plaut. *Perf. I, 3. Curcul. V, 2.* Ast si infirmitatem quis adfereret hominem qui pro libero se gerebat ea erat ipsa rei vindictio, de qua supra actum. Denique actio de partu agnoscendo ita intendebatur: AIO MVLIEREM HANC EX TE PRAEGNANTEM ESSE. Negante altero, sequebatur more consueto sponcio: NI SIT. *Sigon. l. c. p. 479.*

XXXI.

Actiones  
ex contra-  
ctibus no-  
minatis.

XXXI. Alterum genus actionum erat *in personam*, quae & CONDICTIONVM nomine veniebant, eaeque vel ex sola aequitate vel ex conuentione, vel ex maleficio oriebantur. His quum non res peteretur, sed a persona certa vel praestatio vel poena deposceretur: longe aliter concipiendae erant earum actionum formulae. In contractibus ita intendebat actor: AIO TE MIHI MVTVI, COMMODATI, DEPOSITI NOMINE DARE CENTVM OPORTERE, AIO TE MIHI EX STIPVLATV, LOCATO, DARE FACERE OPORTERE. Iam aut negabat tum aduersarius actoris intencionem, aut excipiebat, veluti: NEGO ME TIBI EX STIPVLATV CENTVM DARE OPORTERE, NISI QVOD METV, DOLO, ERRORE ADVCTVS SPOPONDI, vel NISI QVOD MINOR XXV. ANNIS SPOPONDI. Inficiente reo sequebatur sponcio, NI DARE FACERE DEBEAT, vt & restipulatio: SI DA-

DARE FACERE DEBEAT. Excipiente eodem: ita spondebatur, NI DOLO ADDVCTVS SPOFONDERIT, & sequebatur restipulatio, SI DOLO ADDVCTVS SPOFONDERIT. Sigon, *de indic. I, 21. p. 479. sequ.*

XXXII. Ex contractibus innominatis XXXII.  
 omnique conuentione, quae causam habebat Actio  
 absque nomine nascebatur actio PRAESCRIPTIS VERBIS, quae & INCERTA praescri-  
*rer. permut. vt & INCERTI L. 7. §. 2. D. de pact.* ptis ver-  
 immo & IN FACTVM vocari solet *L. 13. §. 1. L. 22. fin. D. de praescr. verb.* bis.  
 In eo haec actio differebat ab aliis, quod quum aliarum actionum formulae essent vel a pontificibus, vel a praetoribus compositae: huius actionis verba solerent a iureconsultis praescribi. Idque est, quod intelligit Val. Max. *VII, 2. vbi de A. Caesellio iureconsulto refert, quod nullius aut gratia, aut auctoritate compelli potuerit, vt de aliqua earum rerum, quas triumuiro dederant, FORMVLAM COMPONERET.* Ita Brissou, *de Form. Lib. V. p. 385.* quamuis plane aliam nominis rationem reddendam putet Em. Merill. *Obs. VIII, 16.* Quoties ergo incerta ac sine nomine conuentio intercesserat, ita intendebatur actio, vt ea negotium, de quo conuenerat, complecteretur. Verbi gratia: AIO TE MIHI TRITICVM, DE QVO INTER NOS CONVENIT, OB POLITA VESTIMENTA TVA, DARE OPORTERE. Negante reo fiebat sponsio NI DARE DEBEAT. Car, Sigon, *de indic. I, 21. p. 480.*



XXXIII.  
Actiones  
ex male-  
ficio.

XXXIII. Obligationes ex maleficio priuato erant quatuor: ex *furto, rapina, damno, iniuria*. Furti actio alia poenalis erat, alia condictio rei furtiuæ. De poenalibus inferius dicetur. Condicturus vero rem furtiuam ita intendebat: AIO, VESTEM, QVAM NVPER FVRTO MIHI ABSTVLISTI, MEAM ESSE, TEQVE ILLAM MIHI DARE OPORTERE (b) ita & in reliquis maleficiis intendebatur actio. In iniuriis: AIO TE MIHI PVGNVM INFLIXISSE, TEQVE MIHI TANTVM, QVANTVM EGO AESTIMAVERO, DARE OPORTERE. In rapina: AIO TE MIHI LIBRVM VI RAPVISSE, TEQVE MIHI QVADRVPLVM EIVS PRETIVM DARE OPORTERE. In damno iniuria dato: AIO TE HOMINEM MEVM OCCIDISSE, TEQVE MIHI, QVANTVM ILLE HOC ANNO PLVRIMI FVIT, DARE OPORTERE. Conf. Sigon. *de indic. l. 1, 20. p. 480.*

XXXIV.  
Actiones  
mixtae.

XXXIV. Ad actiones mixtas praeter hereditatis petitionem referuntur iudicia *familiae erciscundae, communi diuidundo, finium regundorum,*  
in

(b) Hoc modo formulam concipit Sigonius *de iud. l. 20. p. 480.* Sed plerumque tamen vñ videntur *Φεξις*: AIO HANC MIHI REM FVRTO TVO ABESSE *L. 19. §. 3. D. de Furt. Quinctilian. Declam. XIII.* Quo adludens etiam Martialis *Epigr. VI, 19.*

*Sed tis est mihi de tribus capellis.*

*Vicini queror has abesse furto.*

Conf. Briffon. *de Form. V. p. 377.*

(c)

in quibus ita videtur instituta actio: AIO TE FAMILIAM DIVIDERE DEBERE, ET HOC NOMINE QVANTVM MIHI EX INVENTARIO DEBETVR TE MIHI DARE OPORTERE. AIO RES COMMVNES DIVIDVNDAS ESSE, EOQVE NOMINE TE MIHI DIMIDIVM DARE OPORTERE. AIO FINES AGRI NOSTRI REGVNDOS, TEQVE, QVOD EX AGRO MEO PERCEPISTI, DARE OPORTERE. Sigon. *de iudic. l. c.*

XXXV. Sufficiant haec de prima actionum diuisione. Altera est, qua actiones in rei <sup>XXXV. Actiones poenales.</sup> *persequutorias, poenales & mixtas* dispescuntur. Rei *persequutoriae* sunt omnes in rem actiones, omnesque ex contractu, excepta actione depositi miserabilis: adeoque de his iam supra actum. Poenales sunt actiones ex delicto, quibus non rem, sed poenam, persequimur. Mixtis denique tum id quod interest, tum poenam legibus constitutam persequimur, veluti actione *vi bonorum raptorum, damni iniuria dati, depositi miserabilis*, & quae sunt huius generis aliae, quas iam antea occupauimus. Formula persequendi poenam fuisse videtur talis: AIO CENTVM MIHI FVRTO TVO MANIFESTO ABESSE, TEQVE EO NOMINE QVADRINGENTOS AVREOS MIHI DARE OPORTERE. Rem vero & poenam simul ita videntur persequuti: AIO TE MIHI VESTEM VI RAPVISSE, EOQVE NOMINE QVADRVLVM DARE OPORTERE. Ex quibus simul intelligitur, quo pacto ex diuersis delictis

lictis in simplum, duplum, triplum, quadruplum agi consueuerit, vt adeo non opus sit, de hac tertia actionum diuisione seorsum agere. Vid. Car. Sigon. *de iudic.* l. 21. p. 481. *sequ.* Illud tantum addimus, in quadruplum olim etiam condemnatos esse foeneratores improbos. Testem eius rei locupletissimum habemus Catonem *de Re rust. init.* cuius locum supra *Libro III. Tit. XV. §. IV.* exscripsimus.

XXXVI.  
Actiones  
arbitrariae,  
stricti iuris & bonae fidei.

XXXVI. Quarto actiones aliae sunt BONAE FIDEI, aliae STRICTI IURIS, aut vt rectius dicamus, aliae ARBITRARIAE sunt, aliae BONAE FIDEI, aliae STRICTI IURIS. *Arbitrariae* id habebant singulare, quod iudex primum ex aequo & bono aestimare iuberetur, quantum restitui deberet, & si reus non pareret, ei potestas esset, illum in maius quid condemnandi, e. g. in quadruplum, veluti in actione quod metus causa, vel in quantum in litem actor iurasset. Theoph. §. 31. *Inst. h. t.* In actionibus *stricti iuris* Praetor certum quid exprimebat in formula, in quod reus esset condemnandus. Denique in bonae fidei iudiciis iudicis religioni permittebat, in quantum reum ex aequitate putet condemnandum. Actionum *bonae fidei* tres erant formulae. In contractibus enim potissimum consensualibus actores utebantur formula ex BONA FIDE. In fiduciis dicebant, VT INTER BONOS BENE AGIER OPOR- TET, NE PROPTER TE TVAMQVE FIDEM FRAVDER. Rei denique vxoriae actioni & actionibus arbitrariis propria erat formula, QVANTVM AEQVIVS MELIVS.

Quae

Quae omnia discimus ex Cic. *de offic. III*, 15. & pro Q. Roscio Comoedo *IV*. Hinc tales erant actionum bonae fidei formulae : AIO TE MIHI DOMVM LOCASSE , TEQUE MIHI EX AEQUO ET BONO DARE FACERE OPORTERE, QUIDQUID ALTERUM LOCATI NOMINE DARE FACERE OPOR-  
TET EX FIDE BONA. Cuius formulae exemplum est apud Valer. Max. *VIII*, 2.1. Conf. L. 34. pr. D. locati. Item : AIO ME TIBI PRAETER DOTEM ET PATRIMONI-  
VM MEVM DEDISSE TEQUE MIHI , QVANTVM AEQVIVS MELIVS SIT ; DARE OPORTERE. Item : AIO TE MIHI DOMVM ILLAM, QVAM TIBI MAN-  
CUPAVI , VT MIHI REMANCIPARES, VT INTER BONOS BENE AGIER OPORTET, NE PROPTER TE TVAMQUE FIDEM FRAVDER, REMANCIPARE O-  
PORTERE. Arbitrariae vero actiones ita concipiebantur : AIO MAEVIVM MIHI VE-  
STEM EXHIBERE DEBERE , VEL QVANTVM AEQVIVS MELIVS MIHI DARE OPORTERE. L. pen. §. ult. D. solut. matrim. Cicero *Topic. XVII*. Car. Sigon. *de iudic.* 1, 21. p. 485. sequ. Actiones stricti iuris, omissis illis formulis, in rem vel praestationem certam reo intendebantur. Differentia etiam ea erat inter has actiones, quod actiones bonae fidei & arbitrariae ab arbitris, actiones stricti iuris a iudicibus discuterentur. Illis libera erat & nullis adstricta vinculis religio, ut detrabere aliquid possent, & adiicere, & sententiam suam, non prout lex & iusti-  
tia



*tia suaderet, sed prout humanitas & misericordia impelleret, regerent.* Senec. de Benef. I, 7, Hos praetor includebat formula, adeoque omnia *ad libellum*, ut ait Cic. pro Q. Rosc. IV. adiudicare tenebantur, hoc est, *ad teruncium*, ut explicat Hadr. Turneb. Aduers. XXIX, 36. Id quod tum demum intelligetur melius, ubi de iudicium datione, praescriptisque eis a Pratore formulis egerimus.

XXXVII. XXXVII. Quinto aliis actionibus solidum, aliis minus, quam solidum consequimur. Quoties enim reum, quantum facere poterat, dare oportebat: toties minus quam solidum obtinebatur. Formula erat de peculio filii: AIO ME SERVILIO FILIO TVO C. AVREOS MVTVOS DEDISSE, TEQVE, QVANTVM EX EIVS PECVLIO FACERE POTERIS, MIHI DARE OPORTERE. Item de dote: AIO ME TIBI NOMINE DOTIS MILLE DEDISSE, TEQVE MIHI, QVANTVM FACERE POTERIS, DARE OPORTERE. Ita & a parente, patrono, socio, milite, donatore, non totum, sed quantum facere poterant, obtineri poterat, ob beneficium competentiae. Eodemque modo agebatur cum eo, qui bonis cesserat, si postea aliquid adquisiisset, de quibus omnibus plura Iureconfulti. Vid. Sigon. de iudic. I, 21. p. 483.

XXXVIII. XXXVIII. Sexto actiones vel ob factum Actionum proprium reorum, vel filiorum familias seruorumque causa intendebantur. Huc pertinent actiones QVOD IVSSV, de IN REM VER-  
SO, de PECVLIO, TRIBVTORIA, EX-  
ER-

ERCITORIA , INSTITORIA. De quibus omnibus titulo proxime insequente ex instituto erit agendum.

XXXIX. Hactenus, quo pacto actiones intendere soliti sint veteres, ostendimus. Eas rei vel negando excipiebant, vel excipiendo excludere conabantur, ceu infra ad titulum de exceptionibus docebimus. Vbi ergo reus actionis fundamentum vel negando, vel excipiendo eliserat, & sponfiones ea, qua antea diximus, ratione fuerant factae: proximum erat, ut vel iudices, vel arbitri, vel recuperatores postularentur. *Index* cognoscebat de actionibus omnibus, maxime vero, quae erant stricti iuris. *Arbitri* ad diiudicandas causas bonae fidei & arbitrarias dabantur, horumque latior erat iudicandi potestas. Festus p. 253. *Arbiter est, qui totius rei arbitrium habet & potestatem.* Vnde hi arbitri cum compromissariis non sunt confundendi. Denique, si de persequutione rei agebatur, dabantur *recuperatores*, ita dicti, quod per eos suum quisque recuperaret, (c) ceu post Festum voce *Reciperatio* pag. 893. recte observat Theophil. ad §. 4. *Inst. qui & ex quib. caus. manum. non licet.* Sic A. Caecinae recuperatores dabantur, ut tota Cice-

XXXIX.  
Postulatio  
iudicis.

(c) Nullum est dubium, quin initio ob rem tantum persequendam dati sint recuperatores. Id enim vel ipsum indicat vocabulum. Postea tamen & alii iudices hoc nomen tulisse videntur. Nam & ad aestimationem iniuriarum recuperatores datos legimus. Tac. *Annal.* I, 74. Gell. XX, 1. nec non in vindictis secundum libertatem Suet. *Vespas.* III. quin & pro obtinenda corona murali. Liu. XXVI, 48.

(d)

Ciceronis oratio docet. Tales etiam in provinciis datos esse legimus Cic *Verr. II, II, 13. Liu. XLIII, 1.* Inualuit tamen postea, ut & centumuiros, quos praetor in consilio habebat, causas grauiiores difficilioresque cognoscerent. Sen. *de Benef. III, 7.* Quod ab Augusti demum temporibus frequentius fieri coepisse, haut obscure colligas ex Taciti *de Orat. XXXVIII.* ubi ita auctor, quisquis sit: *Primus tertio consulatu Cn. Pompeius adstrinxit, imposuitque veluti fraenos eloquentiae, ita tamen, ut omnia in foro, in legibus, omnia apud Praetores gerebantur, apud quos quanto maiora olim negotia exerceri solita sunt, quod maius argumentum est, quam quod causae centumuirales, quae nunc primum obtinent locum, adeo splendore aliorum iudiciorum obruebantur, ut neque Ciceronis, neque Caesaris, neque Bruti, neque Caelii, neque Calui, non denique ullius magni oratoris liber apud Centumuiros dictus legatur; exceptis orationibus Asinii Pollionis?*

XL. Formula postulandi iudicem vel arbitrum.

XL. Iudices ergo hi postulabantur a litigantibus, ita, ut actor primum iudicem aduersario ferret, quem ipsi commodum erat, in verba sponsionis NI ITA ESSET, rogaretque ut eo contentus esset, nec alium posceret, vel procaret. Verbo enim PROCARE hac in re vsos veteres, docet Festus voce *procum p. 380.* Est enim *procare poscere, ut cum dicitur in iudice collocando: SI ALIVM PROCAS, NIVE EVM PROCAS, hoc est poscis.* Quod si ergo iudicem probaret reus tum iudex conuenire dicebatur. Valer. Max. II, 8. (d) L. 80. D. *de iudic.* & hinc nihil erat reli-

(d) Licebat ergo eundem reicere, & eierare, quod fiebat

reliquum, quam ut eum postularent a praetore; quod his verbis factum esse, docent Cicero *pro Muraena* XII. & Valerius Probus *in Notis*: PRAETOR IUDICEM ARBITRUMVE POSTVLO UT DES IN PERENDINVM. Eodem modo postulabantur Recuperatores. Cic. *Verrin. III*, 58. *Coepit Scandilius recuperatores aut iudicem postulare.* Centumuii non postulabantur, nisi uterque litigantium in eos subscripsisset. Plin. *Epist. V*, 1.

XLI. Iudices postulati a Praetore, dabantur addebantur, adigebantur, vel addicebantur, L. 80. D. de iudic. Cuiac. *Obs. IV*, 15. & quidem cum certa formula, quae intentioni actionis reiue exceptioni respondebat. Semper his in formulis Praetores utebantur voce PARET, quod idem esse videtur, ac adparet, unde & Festus negat, hoc vocabulum duplici R. scribi oportere. Eius verba in voce parret talia sunt: Parret, quod est in formulis, debuit & producta priore syllaba pronunciari, & non gemino R. scribi, ut fieret paret, quod est inueniatur, ut comparet, adparet. Sic, si quis rei instituisset vindicationem, negante reo, iudex in haec verba dari solebat: CAQVILI, IVDIX ESTO SI PARET, FVNDVM CAPENATEM,

XLI. Iudices qua formula dati?

fiebat formulis: EIERO, QVEM TVLISTI IUDICEM, INIQVVS EST: vel HVNC NOLO, TIMIDVS EST, vel NOLO EVM ELIGERE. Cic. *de Orat. II*, 70. Plin. *Paneg. XXXVI*, 4. Conf. Briffon. *de Form. V*. p. 369. Ex quo facile patet, unde natum sit iusiurandum perhorrescentiae, quod postea inuexit ius canonicum cap. 11. *de rescriptis*, in 6.



TEM, DE QVO SERVILIUS AGIT CVM CATVLO SERVILII ESSE EX IVRE QVIRITIVM, NEQVE IS SERVILIO A CATVLO RESTITVATVR, TVM CATVLVM CONDEMNA. Sin exceperat reus, formulae huic etiam addebatur exceptio, veluti: EXTRA QVAM SI TESTAMENTVM PRODATVR, QVO ADPAREAT, CATVLI ESSE. Ita aliis quoque actionibus formulae accommodabantur, ceu iam per omnes actionum species ostenderunt Car. Sig. *de indic. Rom. I, 24. p. 495. sequ. Barn. Briffon. de Form, V. p. 370.*

XLII. Numerus testium praescriptus.

XLII. Postremo praetor numerum testimonium, quibus denunciaretur testimonium, praescribebat, quorum plerumque decem fuisse, ex Valerii Probi notis & lege Manilia de limitibus apud Frontinum ostendit Sigonius *de indic. I,*

Satisfactio.

25. Satisfabant tum quoque litigantes eo modo, quem infra Tit. XI. vberius declarabimus. Denique fiebat litis contestatio. Haec quid fuerit, non adeo clarum atque expeditum est. Festus ait, tum demum litigantes contestari litem dici, quum *ordinato iudicio utraque pars diceret: TESTES ESTOTE.* Testes itaque

Litis contestatio.

adhibiti videntur ad probandum, fuisse hanc actionem institutam, reum hoc vel illo modo contradixisse, sponsones has inter litigantes intercessisse, datumque hac formula iudicem, ceu adparet ex *L. vn. C. de litis contest.* Quo factum, vt per litis contestationem diceretur *quasi contrahi L. 3. §. II. D. de pecul. Conf. Noodt. de iurisd,*

*iurisdic. l. 15. p. 147. Huber. Praelect. ad Digesta*  
*V, l. 21. pag. 182. sequ.*

XLIII. Et haec quidem, quae hactenus diximus, IN IVRE FIERI dicebantur: reliqua IN IUDICIO expediri solebant. De iudicium vero notione cognoscendique ordine infra ad tit. XVII. agemus.

## TIT. VII.

QVOD CVM EO QVI IN ALIENA  
 POTESTATE EST NEGOTIVM GE-  
 STVM ESSE DICITVR.

**A**Gi apud Romanos poterat non solum cum iis, quibus cum factum aliquod intercesse- rat, sed & cum iis, quorum in potestate erant alii, qui vel contraxerant, vel delictum aliquod commiserant. De his actionibus hoc & insequente titulo agendum.

I. Prima, quae huc pertinet, actio, de qua aliquid ex antiquitate monendum sit, est IN-  
 STITORIA, ad quam intelligendam, praeci-  
 pue ostendendum, quatenam olim Romae fue-  
 rit mercatorum conditio. Romulus qui rem-  
 publicam suam non nisi ad militare studium  
 comparatam esse volebat, etiam mercatura in-  
 terdixerat civibus eamque non secus ac artes  
 sellularias a servis tantum exerceri iusserat.  
 Dionys. Halic. II, p. 98. Postea, crescente ci-  
 vium numero, crescente luxu, ubi maior esse  
 coeperat rerum necessitas, paullo benignius  
 coeperunt de hoc vitae genere sentire, adeo ut

I. Actio in-  
 stitoria.

Mercato-  
 res quo lo-  
 lo Romae  
 fuerint?

(II.)

R

A. V.

A. V. C. CCLIX. Claudio Seruilioque coff. collegium mercatorum Romae institueretur, quod ab aede Mercurii, in qua sacra facere solebant, *Mercuriale* dictum est. De eo Liu. II, 27: *Certamen consulibus inciderat, vter dedicaret Mercurii aedem. Senatus a se rem ad populum reiecit. Vtriorum dedicatio iussu populi data esset, eum praeesse annonae, mercatorum collegium instituere, sollemnina pro pontifice iussit suscipere.* Sed & Ouidius *Fast. V. v. 672. de Mercurio,*

*Te, quicumque suas profitentur vendere merces,*

*Thure dato, tribuas ut sibi lucra, rogant.*

Fuit & aliud mercatorum collegium quod *Capitolinum* dictum est, cuius & Liuius & Cicero meminerunt. Horum vero alii mercatores καὶ ἑτοχῆν, alii negotiatores dicebantur, quorum illi Romae, hi in prouinciis negotiabantur, si recte rem explicauit Sigon. *de antiquo iure ciuium Rom. II, 10. p. 319.* Hinc apud Reines. *Inscr. Class. I, 170.* alius vocatur MERKATOR NAVICVLARIVS: alius *Class. I, 178.* NEGOTIATOR CRETARIVS, vel vti apud Grut *p. DCXII, 3. 4.* legitur, NEGOTIATOR ARTIS CRETARIAE. Quamuis vero ab hisce temporibus Romani mercaturae paullo maius, quam olim, statuerint pretium: mansit tamen inter eosdem opinio, adhaerere huic vitae generi nescio quid illiberale, & viro honesto indignum. Satis id adparet ex loco Ciceronis *de Offic. I, 42.* vbi ex instituto de mercatura differitur. Hoc loco Cicero primum distinguit inter propolas vel arrilatores & negotiatores quos Apuleius *magnarios* vocat. De illis: *Sordidi*

*etiam*

etiam, inquit, putandi, qui mercantur a mercatoribus, quod statim vendant, Nihil enim proficiunt nisi admodum mentiantur. Nec vero quidquam est turpius vanitate. Eos vero, qui magnariam exercent mercaturam, multaue vndique adportant, multisque sine vanitate impertiuntur, non admodum vituperandos putat Cicero, sed tum demum laudandos, si satiati quaestu, vel contenti potius, ut saepe ex alto in portum, sic ex ipso portu se in agros possessionesque receperint.

II. Quum ergo mercaturae cuicumque inesse videretur aliquid illiberale: non facile solebant mercatores magnarii ipsi in tabernis versari, sed vel seruos, vel liberos, vel liberos homines mercede conductos negotiationibus praeficere, quos INSTITORES adpellabant eo, quod negotio gerendo instarent. L. 3. L. 5. L. 13. §. ultim. D. de institor. act. Instare autem est negotiari uti Graecis τὸ ἐνδίδειν teste Hesychio idem ac δαυνίζειν. Hinc Nonius: *Instat mercaturam, credo rem faciet, frugi est homo.* Vnde Paullus Rec. Sent. III, 4, 72. ubi seruorum varia recenset genera, institores inter ministeria urbana refert. Quo loco, INSTRVCTORES legendum, frustra contendit Tho. Reines. Vide Notam adiectam nouae editioni Gruteri *inscr. p. IOLXXV, 8.* Si quis ergo cum INSTITORE contraxerat: poterat ipsum dominum vel negotiatorem conuenire. Et tunc actio hunc in modum intendebatur: AIO ME STICHO MAEVII SERVO, QVEM MAEVIVS INSTITOREM SVVM FECERAT, C. AVREOS CREDIDISSE, EVMQVE EIVS

II. Institor  
res qui-  
nam &  
quomodo  
instituta  
actio insti-  
toria?



260 ANT. ROM. AD INSTIT.  
REI NOMINE C. AVREOS MIHI DA-  
RE OPORTERE. Car. Sigon. *de Iudic.* I, 21.  
p. 484.

III. Actio  
exercito-  
ria.

III. Quemadmodum vero institoria actio  
a seruo institore nomen acceperat : ita EXER-  
CITORIA ab ipso domino EXERCITORE  
cognominabatur. Ex quo mare tentauerant  
Romani, multis illi priuilegiis inuitarunt ho-  
mines ad nauticam negotiationem. Quin &  
saepe in corpora & societates coaluerunt ne-  
gotiatores, nauigationem communi consilio  
sumtuque promoturi. Sic apud Gruterum  
*Inscript.* p. CCLIX, 1. mentio fit SCAPHARIO-  
RVM, QVI IVLIAE ROMVLAE NEGO-  
TIANTVR. Et p. DCXLVII, 1. & CCCXL, 3.  
laudantur QVINQVE CORPORATI NA-  
VIGANTES vel NEGOTIANTES, nimirum  
Ararici, Ligerici, Rhodanici, Druentici & Peri-  
corii. (a) Quicumque ergo vel in eiusmodi  
societate nauali, suo periculo naues vel flumi-  
nibus vel mari ipsi immittebant, siue suas, siue  
conductas, ii EXERCITORES vocabantur.  
Vnde *exercitor* est, ad quem obuentiones omnes  
& reditus naus perueniunt, siue is dominus na-  
uis sit, siue a domino per auersionem conduxe-  
rit. L. 1. §. 15. D. *de exercit. act.* L. 1. D. *de furt. ad-  
uers. naut.* Sic apud Gruter. *Inscript.* p. CCCXLII, 12.

OC-

(b) Sed & iura loquuntur de *consortio nauiculariorum*,  
L. 11. C. *Theod. de Nauicul. de corpore nauiculariorum*.  
L. 32. *eod. de coetu nauarchorum & concilio nauiculario-  
rum.* &c. Varia iis concessa esse priuilegia, constat  
ex L. 7. L. 14. & L. 36. *Cod. Theod. eod.* Conf. Reines.  
Not. ad *Inscript.* p. CCCVII, 21.

(b)

occurrunt EXERCITORES RATIVM VLPIANARVM. Et apud Reines. *Inscr. p. lxxvii, 20.* SCAPHARII EXERCITORES ARARICI. Idem aliquando *domini dicti*, veluti *L. 1. L. 2. C. Theod. de nau. non excus.* & in Marmore apud Reines. *Inscr. Class. III, 21.* ubi memorantur DOMINI NAVIUM CARTHAGINENSIVM EX AFRICA. Diuersi ab his erant MAGISTRI NAVIVM, qui naui praeerant, quibusque totius naus cura fuerat demandata. *L. 1. §. 1. D. naut. caupon stabul. L. 1. §. 1. D. de exercit. act. L. 2. princ. & §. ult. D. ad L. Rhodiam,* iique saepe seruilis erant conditionis, ceu ex iisdem locis adparet. (b) Quicumque ergo cum magistro naus contraxerat, ei actio in ipsum exercitorem dabatur, eaque intendi solebat hunc in modum; AIO ME STICHO SERVO, QVEM MAEVIUS DOMINUS EI NAVI QVAM EXERCET, MAGISTRUM PRAEFECERAT, CENTUM AUREOS EIVS REI CAUSSA, CUI PRAEFECTUS ERAT, CREDIDISSE, EUMQUE EIVS REI NOMINE CENTUM MIHI DARE OPORTERE. Car. Sigon. *de Iudic. I, 21, pag. 484.*

IV. De TRIBUTORIA actione praeter ea quae a iureconsultis dicuntur, nihil est, quod addamus, nisi quod ea hunc in modum intendi con-

IV. Actio  
tributoria.

(b) Nonnunquam plures magistri diuisis officiis praeponebantur, veluti alter locandis, alter exigendis vecturis. Plerique sic duos uni naui praeficiebant, ne alter sine altero quid ageret. *L. 1. §. 13. D. de exercit. act.*

confueuerit : AIO MAEVIUM PECULIA-  
RES STICHI SERVI MERCES EX EDI-  
CTO NON DISTRIBUISSE, ET QUAN-  
TO MINUS TRIBUTUM SIT, QUAN-  
TUM DEBUERIT, TANTUM MIHI EUM  
DARE OPORTERE. Car. Sigon. *de Iudic. I.*

21, p. 484.

V. Actio-  
nes de in  
rem verso  
& peculio.

V. Reliquae sunt actiones QUOD IUSSU,  
DE IN REM VERSO & de PECULIO,  
quarum *ista* instituebatur si filius familias vel ser-  
uus iussu patris vel Domini contraxerat, *illa*,  
quoties ex contractu illo pater vel Dominus  
factus fuerat locupletior : *haec*, si alienae pote-  
stati subiecti, quibuscum quis contraxerat, pe-  
culium profectitium haberent. Tale, vt supra  
vidimus, & filii familias, & serui, & ipsae matres  
familias habere solebant. Quod si ergo etiam  
sine voluntate mariti, domini patrisue cum u-  
xore, seruo filiove contractum fuerat : tunc ma-  
ritus, & dominus, & pater conueniri poterant.  
Et quidem, si non versum, tantum praestare te-  
nebantur, quantum patiebatur peculium. Si  
partem tantum in rem versam esse constaret,  
partem praestabant iidem, reliqua ex peculio,  
quantum fieri poterat, petebantur. Adeoque  
tum vtraque actio cumulabatur hoc modo :  
AIO ME STICHO MAEVII SERVO C.  
CREDIDISSE . UT MAEVII DOMUM  
CADENTEM FULCIRET, ET MAEVIUM  
QUATENUS ET IN REM VERSUM ET  
IN PECULIO STICHI ESSE CONSTA-  
BIT, DARE MIHI OPORETRE Sigon *l.c.*

P. 484.

VI. At quum securi hac actione foenerato- VI. SC.  
res filiis familias plurima solerent credere, eo- Macedo-  
que res rediret, vt filii ad praematurum atque nianum.  
improbum successionis votum impellerentur:  
SC. MACEDONIANO cautum est ab am-  
plissimo ordine, vt ne eis, qui pecuniam filiis  
familias crediderint, etiam post mortem patrum  
actio petitioque daretur. Nam ipso quidem  
iure erat actio, sed ea elidebatur exceptione SC.  
Macedoniani. *L. 11. D. ad SC. Maced.*

VII. Quando conditum sit istud Senatus VII. De  
consultum, non adeo liquido constat. Latam huius SC.  
esse de mutuo legem a Claudio Imperatore, origine  
anno V. C. 1000, eaque cautum, ne id a filiis contro-  
familias vmquam repetere possent creditores, versia.  
docet Tacit. *Annal. XI, 13.* Sed existimant  
plerique, saluberrimam hanc legem corruptif-  
simis sub Nerone temporibus obsoleuisse. Nam  
de eadem re iterum ad Senatum retulit Vespas-  
ianus Suet. *Vespas. XI. Auctor senatui fuit Ve-*  
*spasianus, decernendi, ne filiorum familias foeneratori-*  
*bus exigendi crediti ius vmquam esset, hoc est, ne post*  
*patris quidem mortem.* Hoc sane credere malunt  
Torrentius ad Suet. & Ant. Schultingius *Iu-*  
*rispr. anteius.* p. 278. quam, quod vulgo existi-  
mant, memoriae errorem in re tam parum an-  
tiqua obrepisse Suetonio, accuratissimo scripto-  
ri. Neque enim rarum esse aiunt, vt iura illis  
tamquam auctoribus adscribantur, qui ea abo-  
lita desuetudine restituerint, idque exemplis  
demonstrat Fridr. Brummer. *ad Leg. Cinc. III.*  
Sed longe expeditior superesset Tacitum Sue-



toniumque conciliandi ratio (c) modo de primo Vespasiani consulatu certius constaret.

VIII. Aquo  
denomi-  
natum?

VIII. Id vero singulare habuit hoc SC. quod non ab auctore vel cos. nomen adeptum est, sed a Macedone quodam, siue improbo foeneratore, uti vulgo existimant, siue filiusfamilias, uti Theophilo videtur, id nomen habuerit. Et sane quamuis plerisque vapulet Theophilus, & ipsi in prioribus editionibus eum notauerimus: iam tamen veritatis studio adductus ingenue moneo, probabiliorem & ipsius SCi verbis conuenientiore esse Theophili sententiam. Aiunt enim Patres: *Quum inter ceteras sceleris causas, Macedo quas illi natura administrabat, etiam aes alienum adhibuisset.* Haec prima causa, quae Senatum mouit, quod Macedo *aes alienum adhibuisset inter sceleris causas.* Atqui *aes alienum* non ratione creditorum dicitur, sed ratione debitorum. L. 213, §. 1. D. de V. S. Sequitur altera: *& saepe materiam peccandi malis moribus praestaret qui pecuniam, ne quid amplius diceretur, incertis nominibus crederet.* Haec demum SC. ver-

(c) Ingeniose nimirum Taciti & Suetonii sententias conciliauit Petr. Faber. *Semestr. I, 25. p. 142.* Claudius Tacito huius SC. auctor fuisse dicitur sub eodem vero Cos. fuit Vespasianus, isque consulatus Vespasiani vetus adpellatur a Sueton. *Vesp. VIII.* Claudio ergo tribuitur ea lex, tamquam principi. Vespasiano tamquam consuli. Nam & consulibus, immo & Senatoribus tum adhuc ius fuisse referendi ad senatum, relationemue postulandi, discimus ex Gell. *Noct. Att. IV, 10.* Sed is primus ac vetus Vespasiani consulatus non adeo certus est.

verba ad foeneratorem pertinent. *L. i. D. ad SC. Maced.* Incertis vero nominibus credere non est, suppressa causa mutui celatoque titulo crediti, & tacito foenore credere, ut rem explicant Paraeus in *Lexic. crit.* Cuiac. *ad C. de SC. Maced. & in Parat. D. eod.* Ian. Vinc. Graulina *de Leg. & Senatuscons. LXIX. p. 629.* sed nominibus non bonis sub usuris immodicis credere. Tales foeneratores erant Scaptius & Matinius, de quibus Cicero *ad Attic. Epist. V, ult.* nec non Fufidius de quo Horatius *Serm. I, 2. v. 12.*

*Fufidius vappae famam timet ac nebulonis,  
Diues agris, diues positus in foenore numis,  
Quinas hic capiti mercedes exsecat, atque  
Quanto perditior quisque est, tanto acrius urget.  
Nomina sectatur, modo sumpta veste virili,  
Sub patribus duris tironum. Maxime, quis non  
Iuppiter, exclamat, simul atque audinit.*

Conf. Ger. Noodt. *de Foen. & Usur. II, 13. p. 291.* qui totam hanc foeneratorum artem egregie exposuit. Eiusdem ergo furfuris erat scelestus ille, qui huic SC. occasionem dedit, Macedoni tanquam incerto nomini, sub usuris mordacissimis credendo. Inscriptiones Gruteri p. LXXX. meminere C. MODESTII MACEDONIS, qui an eiusdem cum nostro familiae fuerit, alii videant,

## TIT. VIII.

DE

## NOXALIBVS ACTIONIBVS.

**E**X delictis eorum, qui in potestate erant, dabantur, actiones noxales, quarum origo erit paullo altius repetenda.

I. Actiones  
noxales e  
XII. Tabu-  
lis sunt.

I. Iam in XII. Tabulis cautum fuerat, de noxae datione ob furtum, ceu docet Vlpianus L. 2. §. 1. *D. de noxal. act.* Ex quo colligimus, actiones illas noxales non aliunde, quam ex ipso illo vetere iure decemuirali, descendere, in quibus etiam horum vocabulorum prima mentio fit, de quibus dispiciendum accuratius.

II. Quid  
noxa &  
noxia ?

II. A nocendo & *noxam* & *noxiam* dici nemo dubitauerit. Vtrumque vocabulum ita distinguit Iustinianus, quod *noxa* ipsum, quod nocuit, corpus; *noxia* delictum, quod quis commisit, denotet. *princ. Inst. h. t.* eademque legimus L. 1. *pr. D. si quadrup. paup. fecit.* Nec abnuitt vsus veterum auctorum. Nam. Ter. Eun. V, 2. v. 13. *Vnam hanc noxiam omitte, si aliam admiserò occidito.* Plaut. *Mostell. V, 2. v. 56. Quid grauaris? quasi non cras iam aliam commeream noxiam.* Et ita passim alibi. Sed tamen non raro neglectum istud discrimen animaduertimus. *Noxa* enim plane etiam maleficium & peccatum quaecunque denotat. non modo in iure nostro L. 45. §. 1. *D. de Leg. 1. L. 4. & L. 32. D. de noxal. act.* sed & in duodecim tabulis, vt testatur, L. 238. *fin. D. de Verb. Sign.* quamuis eo loco multae editiones *noxae*; Florentina *noxiae* praeferat. III.

III. Noxae vero dedere, vel in noxam dare, erat hominem potestati suae subiectum, animalium viuum tradere ei, cui delicto quodam vel facto illius fuerat damnum illatum. *L. 1. §. 14. D. si quadrupes pauperiem fecit. Quinctilian. Declam.*

IX. Noxae ergo olim dabantur non solum animalia, non solum serui, sed & filii familias. *L. 5. pen. D. de oblig. & action. L. 3. §. 4. D. de liberis hominib. exhibend. immo & filiae familias §. ult. Inst. de noxal. act.* Magnum tamen hac in re inter seruos liberosque intercedebat discrimen. Liberi enim homines noxae dati seruiebant quidem, sed non erant serui. *Quinctilian. Instit. orat. VII, 3. & Declam. cccxi. Cuiac. Obseru. XIII, 9.* Hinc si tantum acquisitum per eos esset, quantum damni dederant, manumittendi erant quamuis nulla interposita esset, uti in emancipatione, fiducia. *Papinianus apud Auctor. Col. lat. Leg. Mos. & Rom. II, 3.* Manumissi quoque non erant libertinae conditionis, sed ingenuitatem recuperabant, non secus ac filii, a parente venundati *Quinctilian. Inst. V, 10.* Quae omnia in seruis secus se habebant, qui vere erant serui & omnia adquirebant domino illi nouo, cui fuerant dediti. Si tamen tantum corrasissent pecuniae, ut huic satisfacere possent, manumittendi omnino erant. *Cuiac. Obs. XIII, 9.* Sed quamuis satis diu haec vigeret consuetudo, siquidem & *Paullus* adhuc illius meminit *Recept. Sent. II, 31. 9.* postea tamen sensim obsoleuit noxae deditio filiorum familias, eaque grauiter improbatur ab Imperatore *§. ult. Inst. de nox. action. L. ult. C. de furt. & seru. corrupt.*

III. Quid noxae dare, & qui noxae danti?



IV. Actio-  
anum noxa-  
lium indo-  
les.

IV. Non vero proprium & speciale hoc erat actionis cuiusdam nomen, sed qualitas quaedam duntaxat, quae actionibus ex delictis vel quasi delictis adiungebatur. Hinc alia *actio noxalis* erat *furti*, de qua in legibus XII. Tabularum fuerat cautum: SI SERVUS, SCIENTE DOMINO, FURTUM FAXIT, NOXIAMVE NOXIT, NOXAE DEDITOR. L. 2. §. 1. D. de noxal. action. Gothofred. de Leg. XII. Tab. Tab. XII. Alia *actio noxalis* de dolo, alia *noxalis* de damno iniuria, alia *noxalis arborum furtim caesarum* L. 6. D. ad exhib. L. 9. §. 4. D. de dolo malo L. 19. & L. 28. D. de noxal. act. L. pen. D. commod. L. ult. C. de furt. L. 7. §. pen. D. arb. furt. caesar. Eodem modo ex edicto praetoris, de vi bonorum raptorum & ceteris delictis noxales instituebantur actiones. Huber. *Prael. ad Inst. h. t.* p. 396.

V. Quo-  
modo in-  
stitutae?

V. Ea porro huius actionis vis erat ac potestas, ut dominus paterue vel aestimationem litis sufferre, vel servum filiumue familias noxae dedere cogeretur. Vnde hac similiue formula intendebantur actiones noxales: AIO STICHUM MAEVII SERVUM FURTO, (RAPINA, ABBORIBUS FVRTIM CAESIS,) NOXIAM MIHI NOCUISSE, ET MAEVIVM AUT AESTIMATIONEM SUFFERRE, AUT STICHUM NOXAE MIHI DEDERE OPORTERE. Ita enim hanc actionis formulam sese habuisse, magis crediderim, quam quomodo eam concepit Sigonius *de indic.* 1, 21. p. 484.

## TIT. IX.

SI QUADRVES PAUPERIEM  
FECISSE DICATVR.

**N**Oxalis quoque est *actio de pauperie*: siquidem & is, cuius quadrupes damnum dederat praeter naturam generis sui, vel aestimationem fuisse, vel quadrupedem noxae dedere iubebatur. Vnde non mirum, Imperatorem de hac quoque actione proxime post noxales agere.

I. Haec quoque actio ex Legibus XII. Tabularum descendit, in quibus cautum fuisse legimus: SI QUADRUPES PAUPERIEM FAXIT, DOMINUS NOXIAE AESTIMAM OFFERTO, SI NOLIT, QUOD NOXIT DATO. *L. 1. princ. §. 1. & 2. D. h. t.* De quadrupedibus ergo lex agit, adeoque aliquanto latius patet, quam lex Aquilia. Quum enim haec pecudes tantum quadrupedes commemorat, quales sunt, quae gregatim pascuntur: (Vide supra *Lib. IV. Tit. III. §. VII.*) Lex illa XII. Tabularum damnum etiam ab aliis quadrupedibus datum vindicat, non tamen a feris bestiis, etiamsi essent in dominio. Hic enim requirebatur damnum contra naturam animalis datum: *L. 1. §. 7. D. h. t.* bestiarum vero genitalis erat feritas. *L. 1. §. 10. eod.* Damnum vero a quadrupede datum vocatur *pauperies*. *L. 1. §. 1. eod. Fest. voce pauperies p. 358.*  
(a)

I. Actio quadrupedaria ex XII. Tabulis est.

(a) Ea autem damna haec vox significat, quae quadrupes feritate commota intulit, non si quid depasta. Nam hoc casu altera dabatur actio de *pastu pecoris*, quae ex iisdem legibus XII. Tabularum descendit. L. 14. *fin. D. de praescript. verb.* (b) Ceterum actio de pauperie aequae ac de pastu noxalis erat, & aduersus dominum competebat, vt aut damni sufferret aestimationem, aut quadrupedem noxae dederet.

II. Lex Pesulania de cane.

II. Idem speciatim de cane cautum esse lege quadam PESULANIA, tradit Paull. *Recept. Sent. I, 15. 1.* Sed de ea lege PESULANIA nimium quantum inter se dissentiunt Interpretes. Vir summus, Iac. Cuiacius, qui in vetere quodam Codice legerat PESOLONIA, primum suspicabatur, Paullum scripsisse lege *Solonia*. Nam de hoc legislatore scribit Plutarchus in *Solon. p. 91.* Ἐγραψε δὲ καὶ βλάβης τετραποδῶν νόμον, ἐν ᾧ κύνα δακόντα παραδόναι κελεύει κλειῶ τετραπῶχει δεδεμένον. *Scripsit etiam legem de noxia quadrupedum, quae canem mordentem quatuor cubitorum catenae alligatum dedi iussit.* Vnde non dubitandum existimabat Cuiacius, quin ad hanc ipsam Solonis legem Paullus respexerit, Hanc Cuiacii

- (a) Caper in *Orthographia* ita distinguendum putat inter *pauperiatem* & *pauperiem*, vt illa ipsam conditionem, haec damnum denotet.
- (b) Schultingius ad Paull. *Recept. Sent. I, 15. 1.* recte obseruat, ob quadrupedes alieno agro immixtas non datam actionem de pastu pecudis, sed instituendam tum fuisse actionem ex lege Aquilia L. ult. C. ad L. Aquil. & hinc Iuvenalem *Satyr. XIV. v. 151.* hoc delictum vocasse *iniuriam*, id est, damnum iniuria datum.

(c)

Cuiacii coniecturam deinde magnopere probaverunt Ant. Augustinus & Conr. Rittershusius, adeo, ut hic eam lectionem in ipsum textum admittere haut dubitarit. Sed sane vocabuli terminatio magis Romanam, quam Atticam, legem videtur indicare. Quis unquam Solonis leges vocavit *Solonius*? Et cur Paullus in libro, quo prima iuris Romani elementa complexus est, legem quamdam Graecam adduxisset? Si recte se habet scriptura, ac non potius *Petilianae* vel alio modo scriptum fuit: Verosimilius est, *Pesulanum* quemdam, quisquis is demum fuerit, tribunum plebis, speciatim de cane sanxisse, quod lex XII. Tabularum generatim de quadrupedibus sanxerat, adeoque legem *PESVLANIAM* plebiscitum quoddam esse, cuius tamen auctorem aeque ac aetatem scimus iuxta cum ignarissimis. Hotomanus *de Leg. Rom.* p. 88. Sane ob damnum quoque a canibus datum competebat noxalis actio, si canis solutus fuisset, *L. 2. §. 2. D. h. t. (c)* quod procul dubio *Pesulania* illa lege primum inuectum est.

III. Eodem hoc titulo Imperator meminit III. Edicti AEDILITII (d), quo non licebat canem

Edictum aedilitium de cane aliisque bestiis.

(c) Fallitur ergo Iac. Cuiacius *Adnot. ad Paulli Recept. Sent. p. m. 252.* negans, canes his actionibus contineri, eo quod illi inter pecudes non sint. Hoc enim de actione ex lege Aquilia verum est, non de actione quadrupedaria. *L. 2. D. ad L. Aquil.*

(d) Praetori hoc edictum tribuit Paullus *Recept. Sent. 1, 16, 2.* partim, quod de iisdem rebus, de quibus aediles, praetores quoque ius dicere solebant. Cuiac. *Obs. VIII, 28.* partim quod edictum aedilitium in Praetoris trans-



nem aliudve animal siue solutum, siue ligatum in plateis viisque publicis habere. Si aduersus ea factum esset, & homo liber ex ea re periisset, solidorum CC. sin alias libero homini nocitum esse diceretur, quod aequum bonumque iudici videretur, tanti condemnabatur dominus: ceterarum vero rerum, quantum damnum datum fuerat, dupli. (e) §. 3. *Inst. b. t. & L. 40. L. 41. L. 42. D. de edict. aedil.* vbi ipsa legitima Aedilis verba habentur. Extra locum publicum fas erat Romanis, quaeuis habere animalia, veluti canes, vrsos & huius generis alia. Ea solebant interdum vineta alligataque habere: noctu vero dimittere libera: Varro *de Re Rust. I, 21.* Hinc canis apud Phaedrum *Fab, III, 7. v. 18.*

*Quia videor acer: alligant me interdum.*

Nonnunquam etiam epigramma addebant: CAVE CANEM, ne quis praetereuntium propius accederet, & a cane latitante inaderetur. Exemplum exstat apud Petron. *Arbitr. Satyr. Cap. LXXII.*

IV. Formae harum actionum.

IV. Ex his ergo facile patet, quibus formulis etiam hae actiones intendi consueuerint. Si quis enim actionem quadrupedariam instituere vellet, ita intendebat: AIO, BOVEM MAEVII

transfusum videtur. Ian. a Costa *ad §. 2. Inst. de diuis. stipular.*

(e) Immo tempore Paulli etiam extraordinaria poena habebat locum. Vid. *Paul. Rec. Sent. I. 15. 13.* Id quod nec ex Praetoris, nec ex Aedilitio edicto est.

MAEVII SERVVM MEVM STICHVM  
 CORNV PETIISSE, ET OCCIDISSE,  
 EOQVE NOMINE MAEVIVM MIHI  
 AVT SERVI AESTIMATIONEM PRAE-  
 STARE, AVT BOVEM MIHI NOXAE  
 DARE OPORTERE. Sin ex aedilitio edicto  
 esset agendum, formula erat : AIO VRSVM  
 MAEVII MIHI VVLNVS INTVLISSE,  
 ET MAEVIVM, QVANTVM AEQVIVS  
 MELIVS, MIHI DARE OPORTERE, vel :  
 AIO VRSVM MAEVII MEAM MIHI  
 VESTEM DISCIDISSE, EVMQVE DV-  
 PLVM, QVANTI VESTIS EST, MIHI  
 DARE OPORTERE Sigon, *de iudic.* 1, 21.  
 p. 484.

## TIT. X.

DE

IIS PER QVOS AGERE  
POSSVMVS.

**Q**Vum omne iudicium litigantium desideret  
 praesentiam, neque omnes tamen promi-  
 scue ea prudentia atque facundia esse soleant,  
 uti ipsi pro se agere actionemue excipere pos-  
 sint: inveniuntur a Romanis COGNITORES  
 & PROCVRATORES, qui alienas causas  
 in iudiciis agerent. De his ergo hoc titulo  
 paullo adcuratius agendum.

• I. Iam a Romulo inventum fuisse *ius patro-*  
*natus*, iustosque esse patricios lites pro clientibus  
 plebeiis suspicere, iam supra ostendimus ex  
 Dionys. Hal. II. p. 84. ubi etiam observatum a  
 (II.) S nobis

I. Origo  
 aduocato-  
 rum.

nobis est, sequente aevo, ubi iam istud institutum exoleuerat, natum inde esse aliud *patronorum* genus, quod se totum forensibus controuersis consecrarit, operamque litigantibus aut commodarit aut locarit. Rittershus. *ad XII. Tab.* p. 82. Fridr. Brummer. *ad Leg. Cinc. II.* p. 20. Ceterum huic forensi operae dare se solebant adolescentes nobilissimi, quibus primum hoc erat industriæ specimen, primum honorum rudimentum. Nec temerario impetu ruebant in forum, sed plerumque a consulari quodam deducebantur, ceu docet. Plin. *Epist. II.* 14. qui etiam sua aetate hunc morem sensim exolescere dolet, quamuis ipse eum in usum reuocare conatus sit, ceu patet ex eodem *Epist. VI.* 23. Est haec origo *aduatorum*, qui *superesse* dicebantur negotiis, (vid. Gell. *Noct. Att. I.* 12.) quamuis tunc nondum fas esset litigantibus, abesse e iudicio.

II. Nemo  
alterius  
nomine  
agere po-  
terat.

II. Nam ne fieri quidem poterat ex antiqui iuris Romani principiis, ut alterius nomine quisquam ageret. Primo enim generalissima erat regula iuris, PER EXTRANEAM PERSONAM NIHIL ADQVIRI POSSE. §. 5. *Inst. per quas pers. adquir.* L. 126. §. 2. *D. de verb. obl.* L. 73. §. ult. *D. de Reg. iur.* Quum ergo etiam per sententiam iudicis adquiratur: consequens erat, ut extranea persona alieno nomine agere haut posset. Deinde paullo ante ad titulum de actionibus obseruauimus, omnes actiones atque exceptiones in stipulationem esse deductas: stipulari vero aliis nemo poterat ex tritissima Romani iuris regula L. 38. §. 17. *D. de verb. obl.*

*obl.* Vnde & ob hanc rationem nemo pro alio agere poterat in iudiciis. Denique eodem loco diximus, actiones omnes certis formulis sollemnibusque verbis fuisse conclusas. Iam hae formulae omnes ita conceptae erant, ut unusque, quod suum esset, petere posset. Ut vero peteret quis, quod alteri deberetur, nulla erat prodita iure civili actio. Ger. Nood. *Comm. ad Pand. III, 3. p. 126.* Ut paucis dicamus actiones erant *actiones* legis L. 2. §. 6. D. de Orig. iur. actiones autem huiusmodi nec diem, nec conditionem, nec procuratorem admississe iuris erat certissimi. L. 123 pr. D. de Reg. iur. Ex quibus omnibus non poterant non colligere Romani, necessariam esse litigantium praesentiam, nec posse quemquam alieno nomine vel intendere litem, vel excipere. (a)

III. Enimuero, quum hoc molestissimum III. Quid esset illis, qui subtilitates iuris forique ambages <sup>cognitores</sup> parum intelligebant: inveni demum sunt & procuratores? **COGNITORES & PROCURATORES**, qui aliorum lites susciperent. Quale inter eos discrimen fuerit, quibusdam paullo videtur obscurius. Utrosque trisse causarum ministros & suffragatores, docet Imperator L. ult. C. S. 2. *Theod.*

(a) Iam ab antiquissimis tamen temporibus excipiebantur actiones pro populo, pro libertate, pro pupillo. Quum enim nec totus populus, nec servus, nec pupillus agere ipsi possent: convenientissimum erat, his casibus admittere procuratores. Excipiebantur etiam absentes reip. causa aut apud hostes essent, pro quibus furti agi poterat ex lege Hostilia pr. *inst. h. r.*

(b)



*Theod. de cognit. & procurat.* Añt in eo diuerſam illorum conditionem fuiſſe animaduertunt, quod procurator abſentis litigatoris; cognitor praefentis eiudem cauſſam egerit, idque colligunt ex Feſto & Aſconio Paediano. Sed non dicit Feſtus, cognitores egiſſe cauſſas dominis praefentibus, verum cauſſas illis a dominis praefentibus fuiſſe commiſſas. Quod ubi fuerat factum, domino deinde licebat abeſſe, vt patet ex Ciceron. *pro Q. Roſc. Comoed. II.* & Horat. *Serm. I, 5. v. 35.* ubi poeta:

- - - - Ire domum, atque

*Pelliculam curare iube, ſi cognitor ipſe.*

Quare dicere malim, in eo poſitam fuiſſe differentiam, quod I. cognitores praecipue in ſtatu controuerſiis; procuratores in reliquis cauſſis ciuilibus locum habuerint. II. quod cognitores cum ſollemnitate aliqua a praefentibus: procuratores, ſine eiſmodi ſollemnitate per mandatum ab abſentibus fuerint conſtituti. Prius docet Donatus *ad Terent. Eunuch. IV, 7. v. 35.* ubi, quum dixiſſet comicus:

*Principio eam dico eſſe liberam, ciuem Atticam, ſororem meam.*

addit Donatus: in tria diuiſit officium deſenſionis ſuae, in ADSERTORIS: *Principio eam dico eſſe liberam: in COGNITORIS: ciuem Atticam, in FRATRIS: meam ſororem.* Poſterius vero erudite ſuo more demonſtrauit Iac. Gothofredus *ad d. L. ult. C. Theod. de cognit. & procurat.* Inde eſt quod vocantur praefentium cognitores *L. ult. C. Theod. de cognit. & proc.* qui litem alterius ſuſcipiunt coram eo, cui dantur, Feſt. voce cognitor,

*cognitor*, qui praesentium causam norunt, & tumentur, ut suam, Afcon. Paed. ad Cic. Divin. cap. IV. Qui cognitores esse potuerint, disquirunt Paull. Rec. Sent. I, 2. Atque hinc saepe oriebatur disceptatio forensis: *Non licet tibi agere mecum, cognitor enim fieri non potuisti.* Insti. Quinctil. Orat. III, 6. Ordinarie cognitores permittiebantur senioribus, & aegrogantibus, de quibus Auct. ad Herrenn. II, 13. Ex aequo & bono est, quod maior annis LX & cui morbus causa est, cognitorem det. Sed quum formulae sollemnes sensim ab usu recederent: obsoleuit etiam nomen cognitorum, adeo, ut Tribonianus illud ubique expunxerit, (b) ceu ex L. 28. §. 7. D. de poenis comparata cum Paulli Rec. Sent. V, 25. 10. ad oculum patet.

IV. Ne tamen inuentis cognitoribus & procuratoribus vetus illud iuris Romani principium, de quo num. II. diximus, plane reiiiceretur, neque procuratores alieno nomine agere viderentur: finxerunt suo more Icti DOMINIVM LITIS, in procuratorem transire, id est facultatem quamdam, vi cuius actio ita alicuius propria videretur, ut illam quasi suo nomine movere posset ac peragere. L. 4. §. 3. D. de alienat. iud. mut. caus. L. 4. §. fin. D. de adpell. Boehmer. Diff. de

IV. Cur  
procuratoribus  
adfectum  
dominium  
litis?

(b) Meminit adhuc cognitorum Paullus Rec. Sent. I, 2. 5. Meminit Codex Theodosianus, sed Tribonianus ubique eos expunxit, non quia putavit, alioquin derogatum iri dignitati cognitorum, qui erant iudices a principe dati, ut existimat Iac. Guthier. de Offic. dom. Aug. I, 25. Sed quia Iustiniani aeuo cognitorum opera aeque ac ipsum nomen in foro non amplius audiebatur.

*de domin. lit. I, 12.* Id vero dominium litis in procuratorem transferebatur per litis contestationem, perquam quippe cum aduersario quasi contrahebatur, dummodo antecessisset principalis mandatum. Schilter. *Exerc. X, 46.* Boehmer. *l. c. n. 24. 26.*

V. Effectus domini litis.

V. Varii vero erant huius dominii effectus veluti I. quod omnes iudicii actus ipsaque sententia in procuratorem dirigeretur. *L. vn. C. de satisfat. II.* quod lite contestata citatus principalis impune emaneret, neque ratum esset, quod inuito procuratore in iudicio gessisset. Boehm. *l. c. II, 10.* III. quod procuratore ex actione famosa condemnato nec procurator notaretur, & principalis integrae famae censeretur, *L. 6. §. 2. D. de his qui not. infam. IV.* Quod principalis posset pro procuratore cautionem interponere. *L. 8. §. 3. & L. 15. D. de procur. V.* quod procuratoris negligentia & contumacia domino principali noceret. *L. 78. §. 2. D. de legat. 2. VI.* Quod procurator sibi adquireret actionem directam tum ex stipulatu, tum rei iudicatae, idque tam actiue quam passiuē. (c) VII. Quod procurator vi huius dominii posset alium ipso iure sibi substituere, *L. 8. II. 23. C. de procur.* nec non substitutum reuocare, dummodo res adhuc esset integra. Boehmer. *Diff. alleg. II, 18.* VIII. Quod procurator, nisi causa cognita mutari non posset, *L. 17. D. de procur. IX.* Quod principalem

(c) Neutro tamen casu illa efficax est. *L. 28. D. de procur.* Sed procurator conuentus, exceptione doli se tueri potest. Boehmer. *Diff. de Domin. lit. II, 15.*

palem etiam in reconuentione defendere tene-  
retur: L. 33. §. 3. *sequ.* L. 35. *D. de procurat.* X.  
Quod litem ad heredes transmitteret, quam ta-  
men veteris iurisprudentiae subtilitatem iam  
dudum sustulere Theodosius & Valentinianus  
Imperatores L. *fin. C. Theod. de procurat.* XI. Quod  
procuratoris esset, & interponere adpellatio-  
nem, & eandem prosequi. L. 18 *D. de adpellat.* L.  
2. *C. de procur.* XII. Quod procurator, mortuo  
principali, litem nihilominus prosequi tenere-  
tur. L. 23. *C. de procur.* & quae sunt huius gene-  
ris alia.

VI. Locum tamen procuratores habebant VI. Procu-  
ratores in  
tantum in iudiciis priuatis, non aequè in publi- quibus iu-  
cis. In his neque accusator per procuratorem diciis lo-  
agere poterat, propter necessitatem inscriptio- cum ha-  
nis, de qua infra suo loco agemus, neque reus, buerint?  
si ipse praesens, & crimen ita comparatum esset  
vt capitis damnari posset. Boehm. *Diss. alleg.* II, r.

VII. A procuratoribus differebant DEFFEN- VII. Qui-  
SORES, qui sine mandato rei absentis nomine nam defen-  
interueniebant, litemque suscipiebant, de qui- fores, pa-  
bus satis accurate agunt Doctores ad *tit. D. de tronum caus-  
procur & defens.* Differunt ergo etiam PATRONI farum, &  
CAUSSARVM & ADVOCATI, quorum di- aduocati.  
scrimen hoc tradit Ascon. Paedian. *ad Cicer. Di-  
uinat. in Verr.* p. 1759. *Qui defendit alterum in iu-  
dicio, aut patronus dicitur, si orator est, aut aduocatus, si  
aut ius suggerit, aut praesentiam suam commodat ami-  
co, aut procurator, si negotium suscipit, aut cognitor, si  
praesentis causam nouit, & sic tueretur, vt suam. Sed  
de cognitoribus paullo ante, de aduocatis &  
patronis caussarum supra satis accurate egimus.*



## TIT. XI.

DE

## SATISDATIONIBVS.

**T**OTO coelo a fori nostri obseruantia distat  
vetus satisfactionum iudicialium ratio, de  
qua quaedam ex antiquitatibus monere iuuat,  
sed pauca: quum pleraque ipse Imperator ex-  
sequutus sit.

I. Satisda-  
tio quid?

I. SATISDARE iureconsultis est, datis  
fideiussoribus cauere. *L. 1. D. qui satisd. cogantur*  
quamuis aliquando latiore vocabuli notione  
& reliquae cautiones satisfactionum nomine  
veniant. *L. 61. D. de V. S. L. 25. D. de pecun. const.*  
*L. 49. D. de solut.* Et sane ignotae veteribus fuisse  
videntur cautiones vel per pignora, vel per ius-  
iurandum, vel per nudam promissionem  
quae tamen postea etiam in usu esse coeperunt,  
ceu ex titulo eodem Digestorum adparet.

II. Satisda-  
tionis  
quaenam  
fuerit ra-  
tio in iu-  
diciis rea-  
libus?

II. Distingui vero, quod ad ipsam satis-  
tationem attinet, solebat inter iudicia IN  
REM & in PERSONAM, Quoties IN  
REM agebatur, satisfidandum erat I. a possessore  
; quod si victus esset, nec rem ipsam restituere,  
neclitis aestimatione, potestas futura sit pe-  
titori, aut cum eo agendi, aut cum fideiussori-  
bus eius, quae satisfidatio vocari solebat IVDI-  
CATVM SOLVI. *princ. Inst. b. t.* Quin idem  
possessor cauebat etiam datis fideiussoribus, ni-  
hil se deterius in possessione facturum. Quod  
ni

ni faceret, possessio in fatisdantem aduersarium transierebatur. *Paull. Recept. Sent. l. 10, 1.* Vide supra *Lib. IV. Tit VI n. 24. 25.* Fideiussio iudicatum solui hac formula concipiebatur: SI EA RES SECVNDVM ME, HEREDEMVE MEVM, A SEMPRONIO IVDICE, QVIVE IN EIVS LOCVM SVBTITVTVS ERIT, IVDICATA ERIT, QVOD OB EAM REM TE, HEREDEMVE TVVM, DARE, FACERE, PRAESTARE OPORTEBIT, QVANTI EA RES ERIT, DARE SPONDES? *Barn. Briffon, de Form. V. p. 391.* Satisdare etiam tunc cogebantur II. Procuratores tum possessorum tum actorum: & illi quidem IVDICATVM SOLVI, hi autem REM RATAM DOMINVM HABITVRVM, cauebant. *Princ. Inst. eod.* Idem etiam III. de tutoribus intelligendum, qui & ipsi non secus, ac procuratores, cauebant, *princ. Inst. eod.* sed id tamen dum demum locum videtur habuisse, si quando, an tutores essent, dubitabatur. *L. 13. D. de adm. tut.* Vulgo enim tutoribus & curatoribus non erat de rato fatisdandum. *L. ult. §. 3. C. de adm. tut.* *Huber. Praelect. ad Inst. h. t. p. 399.* Et hoc innuere videtur Iustinianus dum *d. pr. Inst. h. t. tutoribus agentibus hanc fatisdationem aliquando remissam esse, ait.*

III. Ad iudicia PERSONALIA quod attinet, nec hic quidem actor fatisdare cogebatur, immo nec reus, si suo nomine iudicium accipiebat. Id quod de cautione IVDICATVM SOLVI intelligendum. Cautio enim REM RATAM HABERI ab actoris procuratore

III. Vt & in iudiciis personalibus.

omnino erat praestanda, quandoquidem in edicto Praetoris fuerat cautum; CVIVS NOMINE QVIS ACTIONEM SIBI DARI POSTVLAVERIT, EI, QVO NOMINE AGIT, ID RATVM HABERE EVM, AD QVEM EA RES PERTINERET, BONI VIRI ARBITRATV SATISDET. Rei autem procuratorem de IUDICATVM SOLVI cavere oportebat, quia nemo defensor in aliena re sine satisfactione idoneus esse creditur. §. 1. Inst. h. t. Hinc falsus est Alphenus, dum negavit aequum esse, procuratorem satisfacere, quod reus satisfacere non deberet, si adesset. Cic. pro P. Quinct. VII. Add. Car. Sigon. de Iudic. l, 27. p. 500.

IV. Quid  
Compro-  
missum?

IV. In causis bonae fidei & arbitrariis aliquando deponebatur pecunia, quae COMMISSVM adpellabatur Cic. pro Q. Rosc. Com. IV. Quaero abs te quid ita de hac pecunia commissum feceris, arbitrum sumseris, quantum aequius melius sit dari, repromittique, si pareret? Quum enim periculum esset, ut alterutra pars arbitri laudo staret: plerumque haec pecunia deponebatur, ut multae loco eriperetur ei, qui hoc modo elusisset arbitrium Conf. Sigon. l. c. p. 501.

V. Noua  
fatisdandi  
ratio.

V. Et haec erat vetus fatisdandi ratio, quae perfecta, tum demum litis contestatio fiebat. Vide supra L. IV. Tit. VI. num. 42. Sed haec omnia immutata sunt sequiore aevo. Nam nouo iure reus, siue in rem siue personali actione conueniretur, numquam cauebat IUDICATVM

CATVM SOLVI, sed tantum IVDICIO SISTI, quae cautio etiam iureiurando vel nuda promissione fieri poterat, nisi de fuga reus esset suspectus. Procurator actoris, nisi dominus praesens actis insinuaret mandatum, satisdare cogebatur, REM RATAM HABERI. Rei vero procurator non adigebatur ad satisdationem, sed sufficebat, si reus vel in iudicio vel extra iudicium pro eo cauisset, IVDICATVM SOLVI. Rei absentis defensori semper erat satisdandum IVDICATVM SOLVI, alias non admittebatur ad suscipiendam pro alio actionem. Haec noua est illa satisdandi ratio, quae Constantinopoli introducta, omnes deinde reliquas prouincias imperii peruasit, necessarium esse existimante Iustiniano, caput omnium ciuitatum, nempe regiam urbem eiusque obseruantiam omnes prouincias sequi. §. 7. Inst. h. t.



## TIT. XII.

DE

PERPETVIS & TEMPORALIBVS  
ACTIONIBVS, ET QVAE IN HERE-  
DES ET AD HEREDES  
TRANSEVNT.

**V**T rerum corporalium datur Vfuscapio: ita & ratione iurium praescriptio. Inter iura vero quae in bonis sunt, quum etiam sint actiones, consequens erat. vt & istis lapsu temporis praescriberetur. Hinc actiones aliae PERPETVAE erant, aliae TEMPORARIAE, aliae HEREDIBVS & IN HEREDES, aliae vel IISDEM, vel IN EOSDEM minus compete-  
bant. Qua de re hoc titulo dicendum.

I. Actiones  
quaenam  
perpetuae

I. Quemadmodum leges perpetuae sunt obligationis: ita & actiones, quae ex legibus nascebantur, erant perpetuae, ita vt iis nullo vnquam tempore praescriberetur. *pr. Inst. h. t.* Postea, quum interesse videretur reipublicae, lites aliquando finiri: constitutionibus Principum cautum est, vt eiusmodi actionibus, quae ex lege descendunt, triginta aut quadraginta annorum spatio praescriberetur. *Princ. Inst. h. t.* Remansit tamen antiqui vocabuli vsus, adeoque & eiusmodi actiones, quae non nisi circum-actis triginta vel quinquaginta annis expirant, PERPETVAE vocatae sunt. *Briffon. de Verb. Signif. voce Perpetuus.* Spatium enim XXX annorum veteribus erat *γενεά*, & id satis longum spatium

spacium videbatur ratione hominis, ius suum persequuturi. Hinc Glossae Nomicae: *Περὶ τῆς καλῆ καὶ τὸν τριακοντα ἔτιας χρόνου, καὶ τὸν ἄχρι τῆς ζωῆς τῆ ἀνθρώπου χρόνου.* *Perpetuum vocat triginta annorum spacium, tum quod per vitam hominis durat.* Ergo omnes actiones ciuiles ex conuentione erant perpetuae, adeoque triginta annos durabant. *L. 3. C. de praescr. trig. an. (a)* Idem annorum terminus praefixus est actionibus mixtis, *L. 7. C. de hered. pet.* nec non actionibus ex delicto, quoties ciuilitur agitur, quia & hae actiones personales, adeoque per *L. 3. C. de praescr. trig. ann.* perpetuae sunt. At criminales actiones quamuis & ipsae personales sint: plerumque tamen XX. tantum annos competunt. *L. 12. C. ad L. Corn. de fals. (b)*

III. *Actio-*  
 III. *nes prae-*  
 III. *toriae an-*  
 III. *nuae.*  
 III. *erat,*

(a) Excipiuntur tamen actiones personales ad promissam seruitutem consequendam competentes, quibus inter praesentes decem; inter absentes viginti annorum lapsu praescribatur. *L. 16. C. de usufr. L. 13. C. de ieruit.* Alias exceptiones, quae pleraeque ex recentiore iure descendunt dabit Stryk. *de Praescript. act. ciuil. p. m. 314.*

(b) Exceptis criminibus continuis, vt & parricidio & suppositi partus, de quibus semper recte agitur. *L. 13. D. ad SC. Syllan. L. 19. §. 1. D. ad L. Corn. de fals.* Notum quoque, delictis carnis quae vocant quinquennio praescribi, nisi vel vis vel incestus accesserit. *L. 29. §. 6. D. ad L. Iul. de adult. L. 29. de iur. & L. 39. §. 5. eod.* Idem tenendum de crimine peculatus. *L. 7. D. ad L. Iul. pecul.* Et quibusdam aliis, de quibus Icti plenius agunt.

(c)

Nonnullæ  
etiam per-  
petuæ.

erat, vt & omnes actiones prætoriae non nisi annuæ essent, *pr. Inst. b. t.* Earum tamen quaedam etiam hodie temporariae sunt, præsertim quæ ad rescissionem actus gesti, aut poenam tendunt. L. 35. D. de obl. & act. (c) Quod etiam in actionibus aedilitiis valebat, siquidem & Aedilium iurisdictio vertente anno expirabat. (d) Enimvero, quum durum videretur rei persecutorias actiones Praetoris edicto datas tam breui temporis lapsu perimi, & eum, qui res alienas detinebat, decedente prætore, securum præstari: inualuit, vt actiones prætoriae, quæ rem persequuntur, tamdiu durarent, quamdiu civiles, id est, reales ob res mobiles triennium; ob immobiles X vel XX, personales XXX annos. L. 35. *pr. D. de obl. & act.* L. 8. §. 7. D. de precar.

Tri-

(c) Perpetuæ tamen sunt ex prætoriiis poenalibus actio furti manifesti. *pr. Inst. b. t.* quod ideo inductum, quia actio hæc ex XII. tabulis descendit, quamvis prætor poenam mutarit. Gell. Noct. Att. II, 18. actio furti aduersus nautas & stabularios: L. ult. §. ult. D. naut. caupon. stabul. actio depositi miserabilis L. 18. D. de pos. actio serui corrupti. L. 13. D. de seru. corrupt. actio de effuso & deiecto, quoties liber homo laesus. L. 5. §. 5. D. de his qui effud. vel deiec. Quarum omnium eadem est ratio, quia actio furti aduersus nautas, actio depositi in duplum vere ex Legibus XII. Tabb. actiones reliquæ ex L. Aquilia originem trahebant, quamvis quaedam circa eas Praetor immutasset. Biennalis est actio doli. L. fin. C. de dol. mal.

(d) Attamen si ex edicto aedilitio rescindendus erat contractus, veluti per actionem redhibitoriam, sex mensibus tantum durabat actio nisi tantum propter ornamenta detracta animal redhiberetur, quo casu actio bimestris tantum erat, L. 28. D. de aedilit. edict.

(a)

Tricennales quoque erant actiones praetoriae, quae ex delicto non poenam, sed rem persequerentur, Add. Stryk. *de inuestig. action. Sect. III.*, 3. 4. p. 331. qui de his omnibus accurate satis commentatus est, nihil ut addi hic posse videatur.

## TIT. XIII. XIV.

DE

## EXCEPTIONIBVS ET

REPLICATIONIBVS.

**Q**Vae in iudiciis actoris fuerint partes, quae formula is actionem intendit, supra iam titulo VI. satis superque explicauimus. Diximus ibidem, n. XXXVIII. reum actionem vel negando excepisse vel excipiendo elidere conatum. Ea exceptio a Praetore erat postulanda, aequae ac actio, (a) & quidem non nisi proposita actione. Vnde tanquam ridiculum errorem veteris poetae exagitat Terent. *Eun. prooem.* v. 10. quod in comoedia induxerit reum, causam prius dicentem quam actor thesaurum vindicans dixisset, unde is sibi thesaurus sit, aut unde in patrum monumentum peruenerit. Ad quem locum Donatus: *Possessorem fecit priorem agere, quam petitem quod abhorret a consuetudine & iuris & litium.* Si reus excipiebat: actor denuo replicabat. Vnde iam de exceptionibus & replicationibus agendum.

## I. Erant

(a) Saepius nihil addebat ad infirmationem: & tunc pura ea dicebatur defensio. Sin addebat exceptionem: coniuncta vocabatur Car. Sigon. *de iud.* l. 21. p. 472. Cic. *de Inuent.* II. 20. *Agit is cui manus praecisa est, iniuriarum: postulat is, quocum agitur a praetore exceptionem.* — Is qui agit, IUDICIUM PVRVV postulat, ille, quocum agitur, exceptionem ait addi oportere. (b)



I. Exce-  
ptiones  
quotupli-  
ces?

I. Erant exceptiones duorum generum: aliae ex lege proficiscebantur, aliae ex edicto praetoris. quarum illae CIVILES: hae PRAETORIAE vocantur. Saepe enim, ubi lex de-  
derat actionem: ibi praetor dabat excep-  
tionem. Sic quum pactum ex Romani iuris prin-  
cipiis nihil operaretur: exceptionem tamen  
pacti admittebat Praetor: adeoque haec prae-  
toria erat exceptio. Utraeque exceptiones ite-  
rum in PERPETVAS siue PEREMTORIAS  
& TEMPORARIAS seu DILATORIAS  
dispercebantur. Illae litem plane finiebant,  
(b) veluti si reus opponeret REM IUDICA-  
TAM. Hae eam tantum differebant veluti si reus  
exciperet, debere se IN DIEM Veniente enim  
die, nihil impediabat, quo minus actio denuo  
institui posset, postquam pluris petitionem mi-  
nus periculosam esse iusserat Zeno Impera-  
tor.

II. Repli-  
catio.

II. Reo excipiente, actor REPLICABAT,  
id est, exceptionem illius noua exceptione eli-  
dere conabatur. Veluti si quis ageret aduersus  
Caium, hunc sibi debere centum; & Caius  
exciperet, pactum inter se intercessisse de non  
petendo:

(b) Vocatae hae exceptiones etiam PRAESCRIPTIO-  
NES sic praescriptionis rei iudicatae meminit L. 47.  
§. fin. D. de except. rei iud. praescriptionis doli L. 95 D.  
de solut. Praescribere vero est ante scribere, & inde  
hoc nomen datum videtur exceptionibus, quod quum  
ex iis penderet lis, ut ait Quinctilian. Inst. Orat. VI, 6.  
a praetore dictari ante actiones ipsisque actionibus  
praeponi & praescribi solerent. P. Fab. Semestr. I, 21.  
p. 118. sequ.

(c)

petendo : actor verbi causa respondebat , pactum illud nouo pacto esse sublatum , & tunc quidem REPLICARE dicebatur. Si tum quoque reo suppeteret noua exceptio, qua actoris replicatio elidi commodè posset: ea DUPLICATIONE adpellabatur. Immo nonnumquam ad TRIPLICATIONEM & QUADRUPPLICATIONEM pro varietate negotiorum procedebatur. Quae omnia satis accurate docet Imperator his titulis. Illud vero observare licebit, exceptiones aequè ac replicationes includi consueuisse sponsonibus, quarum ratio ex sequente §. elucebit; prouocabant scilicet se inuicem litigantes ad certam pecuniam, quae ei lucro cederet, qui iudicio vicisset. Vid. Cic. *Verrin. I*, 45. & ibi Ascon. Paedanius Liu. XXXIX, 43. Valer. Max. II, 8. 2. Cicero *pro Caecin. XVI. & in Verrin. III*, 57. 58.

III. Vt vero ex antiquitatibus, qua forma proferri exceptiones & replicationes consueuerint, ostendamus: separanda omnino sunt *bonae fidei*, *arbitraria* & *stricti iuris* iudicia. In iudiciis arbitrariis & stricti iuris statim, intenta actione, reus opponebat exceptionem, eamque deinde replicatione elidebat actor: adeoque non in iudicio, sed in iure excipiendum replicandumque erat, ante litis contestationem. Sic intendente actore: AIO HVNC HOMINEM EX IVRE QVIRITIVM MEVM ESSE, statim addebat, qui rei causam agebat: ET EGO NEGO, QVOD IAM RES IVDICATA SIT. Sequebantur sponsones ex parte actoris: SPONDESNE QVINGENTOS, SI HOMO  
(II.) T ISTE

III. Quenam fuerit excipiendi & replicandi ratio in iudiciis stricti iuris?

ISTE EX IVRE QVIRITIVM MEVS SIT?  
Spondeo. Ex parte vero altera : TV VERO  
SPONDESNE. NI HOMO TVVS SIT,  
NIVE RES IVDICATA SIT ? Spondeo.

Denique & actio & exceptio inferebatur formulae, qua iudex dabatur, hoc modo : SI PARET HVNC HOMINEM IVRE QVIRITIVM CAII ESSE, NEQVE RES IVDICATA SIT, SEIVS CONDEMNETVR. Aliud exemplum exposuit Ge. Graeu. *Epist. ad Schilterum* inserta Schilt. *Exercit. ad Pand. VII, 3 p. 222.* Conf. Ger. Nood. *de iurisdic. & Imp. I, 13. p. 14. 4.* Car. Sigon. *de Iudic I, 21. p. 479.* Exceptiones proponebantur verbis : SI NON vel AC SINON, item : AVT SI, AVT NISI, EXTRA QVAM SI, QVOD. Exempla ex ipso iure colligit Cuiac. *Obs. V, 34.* & multo accuratius Briffon. *de Form. Lib. V. p. 402. sequ.* Par ratio erat replicationum, quae eodem tempore eademque ratione opponendae, in stipulationem deducendae, formulaeque erant inferendae.

IV. Quae-  
nam in iu-  
diciis bo-  
nae fidei ?

IV. Alia vero erat ratio iudiciorum bonae fidei, in quibus nihil attinebat, exceptiones in iure a praetore speciatim impetrari, formulaeque includi, siquidem arbitri libera & nullis adstricta vinculis religio & detrahare aliquid poterat, & adiiicere. Senec. *de Benef. III, 7.* Hinc locum habebat exceptio etiam post litis contestationem opposita, quin exceptiones bonae fidei iudiciis inesse dicebantur. L. 3. D. *de rescind. vendit.* L. 84. §. 4. D. *de legat. 1.* L. 21. D. *solut. matrim.* Conf. Ger. Nood. l. c. vt & Probab. II, 1. p. 42. *seq. de Foenore, & Vsur. III, 15. p. 330. de Forma*

emen-



*emendandi doli mali* V. p. 483, VIII. p. 495, de *Pact. & Transact.* XI. p. 682.

V. Vbi ad iudicium ventum : actor suam actionem & replicationem ; reus exceptionem & duplicationem probabat. Nam & reus excipiendo actor fiebat. *L. 1. D. de except.*

V. Probatio exceptionis & replicationis facta in iudicio.

## TIT. XV.

DE

## INTERDICTIS.

**T**Ribus verbis, ut supra *Lib. I. Tit. II. n. XXII.* diximus, Praetoris protestatem circumscripserant veteres. DABAT enim, DICEBAT, & ADDICEBAT. Ad dicendi potestatem etiam INTERDICTA referuntur, de quibus hoc titulo quaedam ex antiquitatibus monebimus.

I. Controversiae aut de iure in re erant, aut de possessione. Si quis constans & perpetuum ius in re sibi competens persequabatur, eoque nomine actionem instituebat : dicebatur PETERE. Sin possessionem vel adipisci vel retinere, vel recuperare vellet ; qua de re ante institutas actiones reales plerumque incidebat controversia. Vid. *Lib. IV. Tab. VI. n. 24.* tunc non petere aut agere, sed INTERDICERE dicebatur. *Interdicere* ergo non erat praetoris, (a)

I. Quid interdicere fuerit ?

TIT. 2

sed

(a) In Digestis tamen etiam Praetor nonnunquam INTERDICERE dicitur. Veluti *L. unie. pr. D. ut in flum. publ. l. 1. §. 29. D. de aqua quot. L. un. pr. D. de fonte*



sed eius, qui possessionem quaerebat adeoque idem erat, ac interdictum a praetore postulare, vel eodem vti. *Quinctil. Inst. III, 6. Non debuisti INTERDICERE, (id est, interdicto vti,) sed PETERE, (id est actionem petitoriam instituire,) an recte interdictum sit, ambigitur.* Eadem significatione vox INTERDICERE occurrit. *L. 1. §. pen. D. de via publ. L. 3. D. de tab. exhib. L. pen. D. ne quid in loco publ. & locis aliis quamplurimis, collectis a Barn. Briffon, de Verb. Sign. voce Interdicere p. 290.*

II. Quid interdictum dare?

Formula interdicti.

II. Quemadmodum ergo, qui possessionem rei in controuersiam deductae, petebat, INTERDICERE dicebatur: ita praetor tunc, si iustae preces viderentur, (b) INTERDICTVM DABAT, quod aliquando etiam DECRETI, aliquando ACTIONIS nomine veniebat. Cuiac. *Obs. V, 17.* Faciebat id certa formula, qua aliquid fieri vel iubebat vel vetabat, ita tamen, ut nihil

*fonte.* Sed frequentior tamen & antiquior est altera significatio.

- (b) Dispiciebatur, an quis VEL VI, VEL CLAM VEL PRECARIO possideret, quae vocabula perpetuo Interdicto VTI POSSIDETIS inferebantur. *L. 1. §. 5. D. vti possid.* Hinc Chaerea apud Terent. *Eunuch. II, 3.*

*Hinc tu mihi vel vi vel clam, vel precario. Fac tradas.*

Ad quae verba Donatus: *Secundum ius loquutus est. Nam his tribus mala fide aliquid possidetur.* Vnde falluntur, qui hoc interdictum *vti possidetis* possessorio summarissimo, quod vocant, comparandum existimant.

(a)

nihil interim de ipsa causa decerneret, ut recte obseruauit Theophil. *Princ. Inst. h. t.* Sic exempli causa edicebat praetor : VTI NVNC POSSIDETIS EVM FVNDVM. Q. D. A. (id est *quo de agitur*,) QVOD NEC VI, NEC CLAM, NEC PRECARIO ALTER AB ALTERO POSSIDETIS, ITA POSSEDEATIS. ADVERSVS EA VIM FIERI VETO. Fest. *voce possessio* p. 372. Vlpian. *L. 1. D. uti possid.* Reliquas formulas, quibus Praetor de adipiscenda recuperandaque possessione edixerit, collegit Briffon. *de Form. V. p. 388. sequ.*

III. Nec solum de possessione praetor interdicta dabat, sed & de iis controuersis, quae de rebus sacris, religiosis, publicis & huius generis aliis incidebant, si qua vis in iis vel facta esset, vel metueretur. Sic de rebus sacris edicebat praetor : IN LOCO SACRO FACERE, INVE EVM IMMITTERE QUID VETO. *L. 1. D. ne quid in loco sacro fiat.* De religiosis : QVO QVAEVE ILLI MORTVVM INFERRE, INVITO TE IVS EST, QUO MINVS ILLI EO EAVE MORTVVM INFERRE, & IBI SEPELIRE LICEAT, VIM FIERI VETO. *L. 1. D. de mort. inferend.* Eodem modo praetor interdixerat, de locis & itineribus publicis, de fluminibus; de ripis aliisque eiusmodi rebus, de quibus ipsae formulae exstant in *Libro XLIII. Digestorum.*

IV. Ceterum ab actionibus interdicta toto coelo differebant. In actionibus non petebat actor statim, ut praetor aduersario ipsius aliquid imperaret vel prohiberet, sed aiebat, ver-

III. Interdicta de rebus sacris, religiosis, publicis.

IV. Differentia inter actiones & interdicta.

bi causa, rem esse suam, vel sibi deberi ex mutuo, vel alia causa, iudiciumque ac iudicem petebat. At in interdictis rogabatur praetor, ut interdiceret iubendo, aut vetando formulis, quales adhuc adduximus. Ant. Schult. *ad Paulli Recept. Sent. V. 6. p. 453.* Cuiac. *Obs. V, 17.* Actionibus institutis, plerumque dabantur iudices: at interdicta ipse interponebat praetor, nec in iis opus erat iudice. Car. Sigon. *l. c.*

V. Dato Interdicto, nonnumquam sequebatur iudicium.

V. Dato tamen interdicto, ac negante altera parte, recte illud contra se petitum, iudicium erat dandum, & iudex vel recuperator constituendus, qui hac de re cognosceret, sententiam ferret, litemue, si ita ferret casus, aestimaret. Cic. *pro Caecin. II, L. 1. §. 41. D. de vi & vi armat. L. 3. §. ult. D. uti possidet. L. 3. §. 1. D. de itin. & actuprin.* Hinc isto casu etiam sponfiones inter partes interponebantur: **SI RECTE INTERPOSITVM INTERDICTVM?** siue **SI ADVERSVS EDICTVM PRAETORIS VIS ESSET FACTA?** Exemplum est apud Ciceron. *pro Caecin. VIII. XVII. Quinctil. Instit. Orat. VII, §. XII, 10.*

VI. Cur interdicta vocentur, ius ordinarium?

VI. Quae quum ita sint, facile patet, hoc casu, quo negabat alter se interdicto teneri, litigantes esse ad ius ordinarium remissos. *L. 1. §. 2. D. si ventr. nom. mul. in possess. miss.* Quamvis & interdicta ipsa **IVS ORDINARIVM** vocentur. Frontin. *de limit. agror. p. 41.* De possessione controversia est, de qua ad interdictum, hoc est **IVRE ORDINARIO** litigatur. Ad quae verba Aggen. Urbic. *De possessione fit controversia, quoties de totius fundi statu per interdictum, hoc est, IVRE ORDINARIO*



NARIO litigatur. Hoc non est disciplinae nostrae iudicium, sed apud praesidem prouinciae agitur, ut ex lege restituatur possessio, cui poterit attinere.

VII. Reliqua, quae de singulis interdictis dici possent, iam a doctoribus occupata sunt, quorum expilare scrinia nihil attinet. Id modo addimus, interdictorum ad instar introductas esse extraordinarias cognitiones, quae interdictis quodammodo adsimilabantur. Vnde AD EXEMPLVM INTERDICTORVM tunc rem agi, aiunt Diocletianus & Maximianus, L. 3. C. de interdict. qualis locutio etiam est in L. 2. C. unde vi L. 4. C. eod. L. ult. C. de libert. exhib. L. ult. C. de action. Add. Briffon. de Form. V. p. 390. Varias Interdictorum diuisiones, explicant Icti. Alia enim dicunt esse PROHIBITORIA, alia EXHIBITORIA. Deinde alia ADIPISCENDAE; alia RETINENDAE; alia RECUPERANDAE POSSESSIONIS causa dari obseruant. Denique alia ipsis sunt SIMPLICIA: alia DVPLICIA. Sed dari etiam Interdicta mixtae naturae, veluti quae simul prohibitoria & exhibitoria, vel prohibitoria & restitutoria sunt, obseruat Cuiac. Obs. IV, 11. Cui etiam eam debemus obseruationem, quod quamuis vulgo bina tantum illa interdicta retinendae possessionis duplicia esse doceant, eiusdem tamen naturae sit interdictum, quod inter corriuales redditur ex L. 1. §. 26. D. de aqu. quot. & aestiu. Cuiac, Obs. IV, 11.

VII. Quid cognitiones extraordinariae?



## TIT. XVI.

DE

## POENA TEMERE LITIGANTIVM.

**I**nterest reipublicae, ne temere ad litigandum procedant homines. Hinc & Romani temeritatem litigantium partim pecuniaria poena, partim iurisiurandi religione, partim infamiae metu, coërcuerunt. *Princ. Inst. h. t.* De singulis nonnulla monere haut abs re fuerit.

I. Iusiurandum calumniae in civilibus.

I. Ad iusiurandum CALVMNIAE quod attinet, illud satis antiquum est, quamvis postea Iustinianus nonnihil hac in re immutarit. *L. 2. C. de iureiu. propt. cal.* Et antiquis quidem temporibus de calumnia iurandum erat omnibus, qui iusiurandum alteri detulerant, *Paul. Recept. Sent. II, 2. 2. L. 34. L. 37. D. de iureiur.* neque quisquam ab hac lege eximebatur, praeterquam parentes & patroni, liberis & libertis iusiurandum deferentibus. *L. 7. §. 3. D. de obsequ. parent.* Sed & is, qui nouum alteri opus nunciabat, iurare prius tenebatur, NON CALVMNIAE CAVSA OPVS NOVVM NVNCIARE. *L. 5. §. 14. D. de op. non. nunciat.* Praeterea, qui damni infecti, itemque qui ad exhibendum agebat iurare prius debebat de calumnia. *§. 13. §. 3. D. de damn. inf.* nec non qui thesaurum suum in alieno defossum effodere volebat. *L. 15. D. ad exhibend.* vt & creditor, qui in possessionem bonorum debitoris missus, rationum instrumentorumque debitoris recognitionem dispunctionemque iterum petebat. *L. ult. D. de reb. credit.* Sed hoc qui-

quidem erat iusiurandum calumniae *speciale*. Praeter id etiam receptum *generale*, quod ab initio iudicii ab actore, reo & aduocatis exigitur, cuius formulae sunt in *d. L. 2, princ. C. de iurei. propter cal.*

II. Haec in priuatis iudiciis. In publicis II. Et in criminalibus. semper accusatori iuranda erat calumnia. Hinc in lege Seruilia, quam Car. Sigonius restituit, cautum fuerat: *Qui pecuniam ab altero petet, is eum, unde petet, ex praetoribus, qui in eum annum lectei erunt, ad iudicem in eum annum, qui ex H. L. factus erit, in ius educito, nomenque eius deserto si deiurauerit, calumniae caussa non postulare.* Et de Metello auctor est Asconius Paedian, in Cic. Cornelian. p. 1300. eum Curionem accusaturum bis iurasse, semel adactum a patre, iterum lege tum, quum iuraret calumniam.

III. Si quis tamen iurisiurandi immemor III. Poena calumniae ex lege Remmia. calumniose alterum vel in ius vocasse vel accusasse diceretur: poenas is dabat haut leues. Exstabat hanc in rem lex vel Memmia vel Remmia, incertae aetatis, (a) qua cauebatur

T 5

vt

(a) Valer. Max. III, 7. 9. hanc legem vocat *Memmiam*, quam lectionem etiam editiones pleraeque Ciceronis in Oratione *pro S. Roscio* XIX. praeferunt, quum tamen in MSC. codicibus constanter legatur *Remmia*, quo nomine etiam in iure nostro venit *L. 13. D. de testib. L. 1. §. 2. ad SC. Turpil.* Vnde non satis certum est, quod existimat Steph. Vin. Pigh. *Annal. ad ann. clocxiii. p. 484.* legem hanc latam esse a *C. Memmio Gallo, Tribuno plebis.* Sane & Remmia gens Romae non ignota, Remmii enim Aedilis meminit Aurel. Victor *de Vir. Illust. LXVI.* Alius Remmii mentionem facit Tacit. *Annal. II, 68.*

(b)

vt calumniatoribus poena, constituto iudicio, imponeretur. Ea poena in quo constiterit, nondum constat. Plerumque huc trahunt locum Cic. pro S. Rosc. XX. *Sin autem sic agetis, ut arguatis aliquem patrem occidisse, neque dicere possitis aut quare, aut quomodo, aut tantummodo sine suspitione latrabitis: crura quidem vobis nemo suffringet, sed si ego hos bene noui, litteram illam, cui vos usque eo inimici estis, ut etiam eos omnes oderitis, ita vehementer ad caput vobis affigent, ut postea neminem alium, nisi fortunas vestras accusare possitis.* Inde ergo colligunt, poenam legis Remmiae fuisse stigma fronti inustum. Sed quamuis non adeo certum sit, hanc poenam ex lege Remmia esse: ex ipso tamen hoc Ciceronis loco palam est, omnino litteram calumniatorum frontibus inuri consueuisse. Sed qualem? procul dubio litteram K. Non enim CALVMNIA sed KALVMNIA scribebant veteres, vt patet ex Terentii Scauri, Velii Longi & Diomedis Orthographia. Vnde & Iulian. in *Μεταγωγῇ* p. 360. non obscure ait K fuisse illud calumniatorum insigne. Sed huius rei illustrationem expectamus a V. A. & iurisprudentiae bono nato, Henr. Brenemann, quem bene de Lege Remmia meritum, respublica litteraria sperat.

IV. Aliae calumniae poenae.

IV. Postea & aliae calumniae poenae inuenerunt, veluti exsilii, vel relegationis in insulam, vel ordinis amissionis. Paull. *Rec. Sent. V. 4. 11.* Quod tamen de causis criminalibus tantum videtur intelligendum, nec non de controuersis status, nam & in his actoris calumnia exsilio poterat puniri. Paull. *Recept. Sent. V. 1. 5.* In causis ciui-



ciuilibus calumniantes actores in impensas damnabantur. *L. 79. pr. D. de indic.* immo & in quadruplum eius, quod quis litis alteri intendendae causa acceperat. *L. 1. sequ. D. de calumn.* Licebat quoque reo ab actore sibi stipulari decimam rei petitaе partem, si eum per calumniam actionem mouere crederet, (b) *Cuiac. Obs. VII, 5.* Quod ita procul dubio factum; SPONDESNE DECIMAM PARTEM EIVS, QVOD PETIS, SI CALVMNIATVS ES? Ad quae actor; SPONDEO, SI CALVMNIATVS SVM. Sed de impensis litis a calumniante victori restituendis ipsi Icti in suis libellis plura liberaliter dare solent.

V. Sed & INFAMIA coercabant temere litigantes in quibusdam iudiciis. Omnes enim ex delicto quocumque condemnati erant infames, si vere, id est dolo, deliquisse dicerentur. *L. 7. D. de publ. indic.* Eamdem ignominiam subibant, qui tutelae, mandati, directa aequae ac nonnumquam contraria, *L. 6. §. 5. D. de his, qui not. inf.* depositi directa, itemque pro socio actione damnati fuerant. *§. 2. Inst. h. t. L. 1. D. de his qui not. inf.* Sed de hisce famosis iudiciis singulis suo loco diximus.

IV. Aliae calumniae poenae.

TIT.

(b) Meminere huius decimae partis summae libello comprehensae Diocletianus & Maximianus Augusti. *L. 3. C. Hermogen. de Calum.* Sed eam decimam suae aetate minus visitatam fuisse, testatur Tribonianus *§. 1. Inst. h. t.* At reduxit tamen eam Iustinianus *Novella CXII, 2.*

(b)



## TIT. XVII.

DE

## OFFICIO IUDICIS.

**D**iximus supra titulo huius libri sexto, alia a litigantibus facta esse IN IVRE coram praetore, alia in IUDICIO coram iudice pedaneo. Illic quid factum, iam illo loco satis explicauimus. Reliquum est, vt & iudiciorum Romanorum formam addamus.

I. Iudex  
datus cum  
formula.

I. Actione coram praetore solenniter intenta, vel *iudices* vel *arbitri* vel *recuperatores* dabantur, & quidem cum certa formula. In actionibus stricti iuris talis erat formula : C. AQVILI IVDIX ESTO, & SI PARET. FVNDVM CAPENATEM SERVILII ESSE EX IVRE QVIRITIVM, NEQVE IS SERVILIO A CATVLO RESTITVATVR, TVM CATVLVM DAMNATO. Tum ergo iudicis erat cognoscere, an fundus esset actoris. Nonnumquam reus exceptionem obiecerat, & tum illa quoque comprehendebatur formula, (a) iudicisque erat cognoscere, an exceptio illa possit a reo demonstrari. Veluti si praetor hac formu-

(a) Iniquus ergo erat praetor, si in data formula omitteret exceptionem. Et tunc tribunorum poterat implorari auxilium. Cic. *Acad. Quaest.* IV. 30.

formula dederat iudicem: C.AQVILI IVDEX ESTO, ET SI PARET, AGRVM CAPE-  
NATEM SERVILII ESSE, CATVLVM  
DAMNATO, EXTRA QVAM, SI TESTA-  
MENTVM PRODATVR, QVO ADPA-  
RET, CATVLI ESSE. Hic praecipue iudex  
cognoscebat, an tale exstaret testamentum. Id  
quod etiam de replicatione, duplicatione & ce-  
teris est obseruandum. Sin iudicium esset bo-  
nae fidei, talis erat formula: SI PARET,  
MAEVIVM SERVILIO DOMVM VEN-  
DIDISSE, TUM QUANTUM MAEVIO  
SERVILIUM OB EAM REM DARE EX  
FIDE BONA OPORTET, TANTI DA-  
MNATVR. Sin arbitrarium denique, talis  
erat formula: ESTO ARBITER, ET SI PA-  
RET MAEVIVM VESTEM SERVILII HA-  
BERE, NEQUE IS ARBITRIO IUDICIS  
EXHIBUERIT, TUM, QUANTUM IN  
LITEM SERVILIUS IURARIT, TANTI  
DAMNATO Sigon. *de iudic.* l. 24. p. 497. *sequent.*  
Paucis: Praetor de iure cognoscebat, decernens,  
quid iure sit pronunciamdum, si actor intentio-  
nem suam probasset: *iudex* deinde de facto di-  
spiciebat, vtrum actor actionem suam, an reus  
exceptionem possit demonstrare, Si iuris tan-  
tum esset quaestio, Praetor solus extra ordi-  
nem cognoscebat, Ger. Noodt. *de iurisdict.*  
& *imper.* l. 8.

II. Legendus erat.

II. Legebantur hi iudices a praetoribus in vrbe; in provincia vero a praefide Sen. *de Benef. III, 7.* ita tamen vt discrimen esset inter iudicia publica & priuata. In publicis iudices legebantur ex decuriis, quae in album mitti solebant. Tales decuriae iudicum initio erant binnae, deinde tres, postea Augustus quartam ex inferiore censu addebat, quae vocabatur *Ducenariorum*, iudicabatque de minoribus summis, quae CC. millia nummum non excederent. Ex quo patet, iudiciis selectos praecipue quidem de criminibus, at aliquando damen etiam de causis priuatis iudicasse. Suet. *Aug. Cap. XXXII.* Hanc Decuriam in ferreo annulo esse iusserat Augustus, teste Plin. *H. N. Lib. XXXIII. cap. 1.* Deinde Caligula quintam adicebat Suet. *Calig. Cap. XVI.* sextam, quam addi precabantur iudices, Galba negabat. Sueton. *Galb. XIV.* Ex his ergo decuriis ordinarie petebatur iudex in causis publicis. Vnde Inscriptio apud Reines. *Class. VI. p. 406.*

L. CLODIO. C. F. SERG.  
VITELLINO. II. VIR. I. D.  
IUDIC. EX. V. DEC.  
EQVO PVBL.

In priuatis vel decuriis sumebatur, vel a Praetore eligebantur, ita tamen vt litigantibus fas esset suspectos reiicere, & clamare: HVNC NOLO, HIC TIMIDVS EST, ET BONA SAECVLI PARVM INTELLIGIT. ILLVM VOLO, QVIA CAESAREM FORTITER AMAT. Plin

*Paneg.*



*Paneg. XXXVI.* & alter *Plin. Hist. Nat. l. praef. Add. L. 80. D. de iudic. L. 23. D. de appellat.* Numeri iudicum, qui causas priuatas iudicarent ita meminit *Gell. Noct. Attic. XIV, 2.* Quo primum tempore a praetoribus lectus in indices sum, ut iudicia quae adpellantur priuata, susciperem.

III. Vbi placuisset demum iudex, & a praetore esset addictus: non licebat iudici iudicium renuere, nisi iusta esset excusandi causa *L. 1. pr. & §. 2 de vacat. & excus. mun.* Cuius rei exempla existant apud *Sueton. Claud. XV.* & *Plin. Epist. X, 66.* Munus enim publicum erat hoc iudicandi onus, neque quisquam illud poterat sine iusta causa subterfugere, unde & inscii, immo & inuiti dari poterant iudices. *Vid. L. 39. D. de iudic. Plin. Epist. III, 20.* Vt in recuperatoriis iudiciis, sic nos in his comitiis, quasi REPENTE ADPREHENSI, securi iudices fuimus. Qui locus non ita intelligendus est, ac si Praetor de medio, quemcumque libuisset, pro arbitro adprehenderit, sed quod ex selectis, quoscumque vellet, etiam inuitos iudices litigantibus dare potuerit. *Ger. Nood. de iurisd. & imper. I, 13.*

III. Addici etiam poterat inuitus.

IV. Porro iudex, maxime si solus esset datus, in consilium adhibebat aliquot amicos vel iurisperitos, & cum his sedebat in subselliis. *Gell. Noct. Att. XIV, 2.* Vnde facile patet, cur dicti sint iudices pedanei. Non enim in tribunali, ut magistratus, sedebant, sed in subselliis, adeoque veluti ad pedes praetoris. Ceterum iudicium in foro & comitio exercebatur, e. g. ad puteal Libonis, & haec sunt loca iudiciorum, quorum meminit *Modestinus L. 6. §. 2. D. de iudic.*

IV. Vbi & cum quibus iudicabit?



VI. Quo-  
modo in  
leges iura-  
rit ?

V. Simul ac in hunc locum se contulerat iudex, primo omnium iurabat, ex lege se iudicaturum, cuius iurisiurandi solemnis formula erat: **EX ANIMI SENTENTIA.** Cic. *Aca. Quaest.* IV, 47. Cuius formulae vestigium in L. 2. §. 2. *C. de iureiur. propt. calumn.* deprendit Cuiac. *Observ.* I, 21. Jurabat vero, aram tenens, id est, *puteal Libonis*, de quo iam supra quaedam monuimus. Vnde Cicero *pro Flacco XXXVI.* Ergo is, cui si aram tenens iuraret, crederet nemo, per epistolam, quod volet, iniuratus probabit. Add. Jac. Raeuard, *Var.* V, 8, P. Faber *Semestr.* I. p. 212.

VI. Iudice  
absente  
dies dif-  
findebatur

VI. Si iplo die iudicii, non aderat iudex, vel morbo vel alia iusta causa impeditus, tum dies iudicii proferebatur. Qua de re in legibus XII. Tabularum fuerat cautum: SI MORBUS SONTICUS, VOTUM, ABSENTIA REIP, ERGO AUT STATUS DIES CUM HOSTE INTERCEDAT: NAM SI QUID HORUM FUAT UNUM IUDICI ARBITROVE, REOVE, EO DIE DIFFENSUS ESTO. Goth. *ad XII. Tab. Tab. II.* Ea enim lege permittitur, vt si iudici vel reo causa fontica fuerit, iudicii dies differri posset. L. 2. §. 3. *D. si quis caution.*

VII. Liti-  
gantes ab-  
sentes edi-  
cto cita-  
bantur.

VII. Si iudex adesset, litigatorum vero alter se haut sisteret, neque iustam adferret excusationis causam, tum edictis citabatur. Primo enim altera pars, petebat edictum primum, deinde per interuallum non minus decem dierum, alterum ac tertium, ac denique impetrabat peremptorium, quod inde hoc nomen sumserat, quod perimeret disceptationem, id est, ultra

non

non pateretur aduersarium tergiuersari. *Comminabatur enim is, qui edictum dederat, etiam absente diuersa parte, cogniturum se & pronunciaturum.* L. 68. 69 70.

*D. de iudiciis.* Non semper tamen quatuor opus erat edictis, sed nonnunquam tria, non nunquam duo, nonnunquam *unum pro omnibus* sufficiebat, *quod aestimare oportebat eum, qui ius dicebat, & pro conditione causae vel personae, vel temporis ordinem edictorum vel compendium moderari.* L. 72. *D. de iudic.*

VIII. Praesentes iurabant calumniam.

VIII. Praesentes utrique litigantes statim iuebantur iurare calumniam, ut superiore titulo diximus, cuius rei exemplum est apud Cicer. *pro P. Quinct.* Tum iussi sunt patroni dicere: id quod duabus fiebat vicibus adeoque quater ex certo horarum interuallo perorabant patroni. Appian. *de bello ciu.* l. p. 663. Primo enim totam causam iudici verbis breuissimis ac veluti per indicem exponebant. & haec vocabatur CAVSAE CONIECTIO, (b) Ascon. Paedian. *ad Cic. Verrin III* p. 1841. *Quum litigatores ad iudicem venissent, antequam causa ad indicem ageretur, quasi per indicem rem exposuerunt, atque id ipsum dictum est causae coniectio, quasi causae in breue coactio.* Postea vero integris iustisque orationibus statum causae exponebant, simulque testibus, litteris, tabulis deductisque ex ipsa re argumentis, suam vel actionem vel exceptionem probabant, ut latis patet ex Ciceronis orationibus

Tum fiebat causae coniectio. Hinc oratores dicebant

(b) Vnde adparet, cur L. 1. *D. de Reg. iur.* regula iuris dicatur *quasi quaedam causae coniectio.* Conferri ibi merentur Commentarii Iac. Raeuardi & Iac. Gothofredi.

(II.)

V

(c).

tionibus pro P. Quinctio & Q. Roscio Comoedo. Ceterum hic mos procul dubio Athenis, vt alia, Romam migrauerat. Nam & Athenienses, antequam causam perorarent, praemittebant breuem eiusdem coniectionem, quae etiam *arg. Boni* dicebatur. Vnde Budaeus *Comment. Graec. Lingu. p. m. 631*. *Est autem arg. Boni intentio & obiectio iudicii dictati, quasi petitio digladiantis*. Postea in XII. tabulis cautum: AB ORTV ANTE MERIDIEM CAUSSAM CONIICITO, (c) CVM PERORANT AMBO PRAESENTES. Et inde factum vt translata in iudices notione litigantes primo conicere causam, deinde iusta oratione perorare iuberentur. Gell. *Noct. Att. XVII. 2*. Ne tamen in immensum euagarentur oratores lege Pompeia cautum fuerat, vt ad clepsydram dicerent. Cic. *de Orat. III, 34*. Id. *de Orat. XXXVIII*. Quot clepsydrae dandae essent, eius rei penes iudices erat arbitrium. Plin. *Epist. IV, 9. II, 11. I, 23. VI. 2*. Vnde saepe sex vel plures perorantibus datas nouimus.

IX. Iudices interea quid egerint?

IX. Iudices ubi audiebant partes, dicebantur OPERAM DARE. L. 18. pr. D. de iudic. L. 13. pr. D. de vacat & exc. mun. Cuiac. *Obs. V, 33*. Quam molestum vero fuerit iudicibus, perorantes audire oratores, & quam parum saepe ad

(c) Gothofredus & alii legere malunt CONSCITO, sed hoc idem fuisse videtur ac causam conicere. *Consciscere* enim dicebatur Praetor, dum postulantibus seu perorantibus per se vel per alios litigatoribus, de re tota cognoscebat, vt ipse ait Gothof. p. 188. Sane id non faciebat praetor, verum iudex.

(d)



ad ea, quae dicebantur, attenderint, facile patet ex loco Titii apud Macrobi. *Saturn. II, 12.* *Veniunt in comitium tristes, iubent dicere, quorum negotium est, narrant. Iudex testes poscit, ipsus it minctum, ubi redit, adit, se omnia audiuisset, tabulas poscit, litteras inspicit, vix prae vino sustinet palpebras.* Sed haec forsitan de laxa posteriorum temporum disciplina intelligenda sunt.

X. Interim audiebantur etiam testes, & X. Testi- quidem non remotis partibus, ceu hodie fieri <sup>um produ-</sup> solet ex male intellecta Zenonis *l. 14. C. de testi-* ctio. *bus.* Ibi enim *secretarium* non est locus, ubi testes secreto & remotis partibus audiuntur, sed locus in quo iudices postremis temporibus causas cognoscebant, ceu constat ex Hesychio in voce *Σεπτερο*, & Suida in voce *Στράν*. Plura de hoc Secretario iudicum, (nam & secretarium erat in ecclesiis, ubi Episcopi & Presbyteri audiendis fratrum negotiis vacabant, Sulpit. Seu. *Dial. II, 1. Epist. I. & III.*) observavit H. Valesiad. Amm. Marcellin. *Lib. XV. cap. VII p. 69.* Add. Gundlingiana *Part. IX. Obs. IV.* Potius Romani producentem testes semper adesse patiebantur, ut eos interrogaret. Qua in interrogatione praecipue elucebat oratorum solertia. Saepe loco testium tabulae producebantur, ut fides fieret iudici. Vid. Cic. *pro Q. Rosc. init.* Gell. *Noct. Att. XIV, 2.*

XI Causa demum utrimque perorata, post XI. Sen- meridiem ferenda erat sententia. Ita enim de- tentia a iu- nuo legebatur in XII Tabulis: POST ME- dice quo- RIDIEM PRÆSENTI LITEM ADDICI- modo la- TO. Gell. *Noct. Att. XVII, 1.* si quid ergo ob- ta ?



scuritatis causa haberet, dicebat iudex SIBI  
 NON LIQVERE, quo facto de integro erat  
 instituenda cognitio Gell. *Noct. Att. XIV, 2.*  
 Cicero *pro A. Caecina II.* Vno iurante, sibi non  
 liquere, reliqui ferebant sententiam. *L. 36. D. de*  
*re iud.* & quidem de plurium sententia Si pa-  
 ria erant iudicum suffragia res erat in penden-  
 ti, donec competens iudex unam earum sen-  
 tentiarum confirmaret. *L. 28. D. de re iud.* Id  
 quod tamen aliter se habuisse in iudiciis cen-  
 tumviralibus, si paribus consiliis actor vicisset  
 & victus esset, erudite docet *ο παύω* Cuiac. *Obs.*  
*X, 20.* Si ad liquidum res erat deducta, tum fe-  
 rebatur sententia: veluti in causis status: VI-  
 DERI SIBI HVNC HOMINEM LIBERVM  
*L. 28. §. 1. D. de liber. caus.* in actione iniuriarum.  
 VIDERI IVRE FECISSE vel NON FE-  
 CISSE *Princ. Inst. de iniur.* in causa exhereda-  
 tionis: VIDERI MATREM IVSTAS HA-  
 BUISSE CAUSSAS EXHEREDANDI. Ver-  
 bo enim VIDERI veteres in sententiis *ἡ δίκης*  
 usus esse, idem observat Cuiac. *Obs. III, 26.* In  
 causis contractuum: QVVM CONSTET  
 TITIVM SEIO EX ILLA SPECIE L.  
 ITEM EX ILLA LV. DEBERE, IDCIRCO  
 TITIVM SEIO CENTVM ET V CON-  
 DEMNO. *L. 1. §. 1. D. quae sent. sine adpell. resc.*  
 Sin absolvendus videretur reus, formula erat:  
 SECVNDVM ILLVM LITEM DO Val.  
*Max. II, 8. 2.*

XII. Quo-  
 modo ab  
 arbitro?

XII. Ita iudices pronunciabant. Arbitri  
 in actionibus arbitrariis primum arbitrium di-  
 cebant, deinde, nisi paruisset reus, ferebatur  
 sen-

sententia reusque condemnabatur, quanti in litem iuratum. *L. 18. pr. D. de dolo malo.* Prius fiebat hac formula: ARBITROR TE HOC MODO SATISFACERE ACTORI DEBERE. Posterius vero hoc modo: CENTVM, DE QVIBVS ACTOR IN LITEM IVRAVIT, REDDE.

XIII. Perfecto iudicio, reque iudicata, nihil reliquum erat, quam ut damnatus iudicatum solueret. (d) Semel enim finita causa in iudicium amplius deduci non poterat. Vnde Donatus *ad Terent. Andr. VII. 1. v. 7.* explicaturus verba Comici admodum familiaria: ACTVM EST, *Haec res, inquit, secundum ius civile dicitur, in quo cauetur, ne quis rem actam apud iudices repetat. Sic ipse Terentius in Phormione: Actum, aiunt, ne agas. Fas tamen illi erat, vel restitutionem in integrum petere, de cuius causis abunde differitur a iureconsultis, vel actorem calumniae postulare, de cuius criminis poena ad superiorem titulum diximus, vel iudicem*

XIII. Re-  
media  
conde-  
mnato  
com-  
petentia.

## V 3

dicem

(d) Id nisi faceret, vi mixti imperii, quod praetori compete-  
bat, executio fiebat per lictores, qui morem non  
gerentes coercebant, damno, captisque pignoribus.  
Quin aliquando fabri ipsis adiungebantur, qui omnia  
disturbarent, inprimis si nouum opus nunciatum, vel  
interdictum datum. Vid. *Casaubon. ad Suet. Jul. c. XVII.*  
Nonnumquam veteri iure sequebatur addictio die tri-  
gesimo, id est, reus iterum in ius raptus a praetore ad-  
dicebatur actori, nisi vel sponforem dedisset, vel iudi-  
catum soluisset. Tum reus abductus ab actore in  
priuato carcere tenebatur, donec aut opera aut pecu-  
nia satisfecisset. Qua de re supra dictum est pluri-  
bus. Exemplum est apud Ciceron. *pro Flacco XIX.*

(a)

dicem aut quod litem suam fecerit, aut falsi aut repetundarum postulare, de quibus iudiciis partim supra ad *TIT. V. n. 1* partim infra *TIT. XVIII. n. 67. sequ.* agitur, vel denique interponere adpellationem, antequam sententia in rem iudicatam transferit. Sed de Adpellatione quum in Institutionibus tacuerit Imperator, plura hic dicere, nihil attinet.

## TIT. XVIII.

DE

### IVDICIIS PVBLICIS.

**P**Lane diuersa erant a iudiciis *privatis* PVBLICA, quorum illis sua quisque persequabatur, his respublica delicta publica vindicabat. Vnde Iustinianus *princ. Inst. h. t.* *Publica iudicia neque per actiones ordinantur, neque omnino quidquam simile habent cum ceteris iudiciis, magnaue diuersitas eorum est & in instituendo & in exercendo.* Quum ergo *Titulo VI.* & sequentibus de iudiciis *privatis* actum sit: nihil iam videtur reliquum, quam vt de publicis quoque ex antiquitatibus nonnulla moneamus.

I. Quid inter sit inter iudicia publica & popularia?

I. Iudicia PVBLICA quae fuerint, tum deum recte cognoscemus, si ea a *popularibus*, *extraordinariis* ac denique *populi* iudiciis accurate seiunxerimus. Cum *popularibus* ergo actionibus in eo conueniebant iudicia publica, quod utrobique cuius e populo actio permetteretur, quum in *privatis* iudiciis non nisi is, cuius intererat, actoris vice fungi posset. Ast in eo haut leue



ne inter populares actiones & publica iudicia intercedebat discrimen, quod illae ad civilem mulctam actori adplicandam; haec ad publicam animaduersionem essent comparata. Vnde illae erant cognitionis praetoriae, haec coram Quaesitoribus ac iudicibus instituebantur. Quales populares actiones erant albi corrupti, sepulcri violati, deiectioni vel effusi. Vid. L. 43. §. 2. *D. de procur. L. 3. §. 5. & fin. D. de his qui effud. vel deiec. Zonar. Annal. Tom. II. p. 6.* καὶ τὸν δῆμον ποπῆλιν ἀνέμασιν ὁδόν καὶ παρὰ ταῖς βιβλοῖς ταῖς νομικαῖς ποπῆλιν κέκληται ἡ δημοτικὴ αἰγωγή. *Quod nos δῆμον vocamus Romani populos adpellarunt.* Vnde & in libris legitur

popularis vocatur, quae cuilibet de populo datur, actio. Ita enim vertendum esse hunc locum iam monuit Briffon. *de Verb. Sign. p. 443.* quum in vulgari versione perperam legatur plebeia educatio. Conf. Thomas. *Dissert. de Abigeynum. IX.*

II. Magna quoque iudiciorum publicorum & extraordinariorum cognitionum similitudo erat ac conuenientia. Vnde de eorum discrimine haut levis est controuersia inter iuriconsultos. Vid. Ant. Matth. *de crimin. Proleg. IV, 7. p. 53.* Thomas. *Diss. alleg. n. XII. sequ.* Beyer. *Posit. ad Pand. de extraord. crim. p. 613.* Sed plana tamen res est. In eo conueniunt iudicia extraordinaria & publica, quod utraque tendunt ad animaduersionem publicam, & crimina, quibus reipublicae vtilitas laeditur, vindicant. Sed differunt tamen variis modis, quos nescio an accuratius quis exposuerit, quam ὁ πᾶν Graevius in *Animadu. ad Sigonium Tom. II. Thesaur. Antiquitatum Rom.* praemissis, vbi ita

II. Quid inter eadem & extraordinarias cognitiones?



scribit vir doctissimus : **PUBLICA** iudicia erant de criminibus, de quibus lex certa lata erat, & finita illa lege poena, secundum quam legem postulabatur, a quocumque ciue, qui publici criminis aliquem volebat accusare, nisi essent, quibus iure id licebat. **PUBLICA** dicebantur, & quia pertinebant ad statum publicum, siue reipublicae, non ad priuatorum statum, ut iudicia priuata, & quia ex legibus publicis oriebantur. **EXTRAORDINARIA** erant, quae ex legibus publicis non oriebantur, sed in quibus quaerebatur de criminibus de quibus aut nullae leges erant, aut si leges essent cum crimen atrocius duceretur, quam ut secundum leges iudicaretur puniendum esse. In iudiciis publicis sortiebantur inter se Praetores, quam quisque deberet exercere quaestionem, de vi, de adulterio : in extraordinariis cognoscebant aut Coss. aut totus Senatus, aut Princeps, aut Praefectus Urbis intra c. lapidem, aut praef. praet. ultra c. lapidem, aut in prouinciis imperatoris Legati Aug. pro Praet. in populi vero Proconsules. Ex quibus patet, I. Publica iudicia instituta esse de criminibus, de quibus leges latae erant, & finita illis legibus poena, secundum quas leges postulari posset a quocumque ciue, qui publici criminis aliquem vellet accusare, nisi essent, quibus iure id haut liceret. (a) Ast extraordinaria iudicia ex legibus publicis non orta, in iisque quaesitum de criminibus, de quibus aut nullae exsta-

(a) Explicat id. Macer. L. 1. D. de publ. iudic. Sic publica iudicia oriebantur ex lege Iulia de adulteriis, maiestatis, de vi publica & priuata, peculatus, ambitus, &c.

(b)

exstabant leges, aut poena nulla finita. II. In iudiciis publicis sortitos esse inter se praetores, quam quisque deberet exercere quaestionem, veluti de vi, de adulterio, de maiestate. In extraordinariis vero cognouisse aut consules aut totum senatum, aut Principem, aut praefectum vrbi intra centesimum lapidem, aut in prouinciis Imperatoris legatos Augusti pro praetore, in populi vero Proconsules (b) Addit Graeuus aliam differentiam, quod in iudiciis publicis quilibet e populo accusare potuerit; in extraordinariis vero non nisi is, cuius interfuerit, quam licet argumentis haut poenitendis in dubium vocarit illustri Thomas. l. c. satis tamen certa res videtur de plerisque. Sane id constat de actione sepulcri violati, L. 1. §. 2. L. 6. D. de sepul. r. viol. expilatae hereditatis, L. 4. D. expil. her. Quin ob hanc ipsam causam haec delicta priuata adpellantur L. 1. §. ult. D. de poen. L. 2. & sequ. D. de concuss. L. 3. D. de praeuariat. L. 1. D. de stellionat. quia nimirum non omnibus promiscue accusandi ius est. Alioquin enim & plura ad statum reip. pertinent, veluti ruptio aggerum Nili, & accusationi locus est, & inscriptioni in crimen, L. ult. D. de delict. priu. & poena capitalis. L. 1. §. ult. L. 2. D. de extraord. crimin. Quae omnia non cadere

(b) Obseruauit hoc ipse Sigon. de Iudic. II, 4. p. 540. Et in hoc praecipua *extraordinariorum* & *publicorum* iudiciorum sita fuisse videtur differentia. Quin ideo dicta haec iudicia videntur, EXTRAORDINARIA, quia tunc non ii, penes quos criminum quaestiones ordinariae essent, sed alii superiores magistratus extra ordinem iudicarent.

cadere in delicta priuata, nemo non videt. Ceterum plura erant eiusmodi extraordinaria crimina, veluti sollicitatio alienarum nuptiarum, inquinatio lacuum, & aquarum publicarum corruptio, interpellatio puellarum de stupro, abactio partus, dardanariatus, aliaque plura, de quibus Doctores ad Pandectas *Lib. XLVII. Tit. XI. & sequ.*

III. Quid inter ea & iudicia populi?

III. Interdum & priuatas & publicas causas non magistratus cognoscebant, sed populus, & tunc eiusmodi iudicia vocabantur POPULI. Priuata rariora erant, publica paullo frequentiora, iisque inprimis maiestatis aliaque crimina vindicabantur, in quibus de capite ciuis Rom. quaerebatur. Hinc eleganter Plaut. in *Menaechm. IV, 2. V, 18.* discernit iudicia priuata, publica, & quae coram populo exercebantur. En eius verba: - - - *Aut ad POPULVM, aut in IVRE, aut ad IVDICEM res est.* Sed de his populi iudiciis sub finem tituli aptior erit dicendi locus.

IV. Quae nam crimina vindicata iudiciis publicis?

IV. Ceterum iudiciis publicis vindicabantur crimina publica, quae vel aduersus rempublicam fuerant commissa, vel reip. salutem laedere, dignaque adeo videbantur, quae lege & poena publica vindicarentur. Prioris generis erant crimina ambitus, repetundarum, vis publicae; posterioris, homicidium, veneficium, parricidium, crimen falsi, adulterii, plagii. Car. Sigon. de iud. II, 2. p. 531. sequ. Non ergo omnia crimina iudiciis publicis vindicabantur, sed ea, de



de quibus leges iudiciorum publicorum exstabant. Vnde Macer. *L. 1. D. de public. iudic.* Non omnia inquit iudicia in quibus crimen vertitur, & publica sunt, sed ea tantum, quae ex legibus iudiciorum publicorum veniunt, ut *Iulia maiestatis &c.*

V. Ea crimina poenis vindicabantur, quorum octo genera Ciceronis auctoritate prodit Isidor. *Orig. V, 27. p. 934. edit. Dion. Gothofr.* *animad- versum in reos? Quid damnum?* *damnum, vincula, verbera, talionem, ignominiam, ex-filium, servitutem & mortem.* DAMNVN alias & multa vocatur. Initio reip quum nondum esset pecuniae tanta copia, duarum ouium & triginta bouum suprema multa erat. Quum vero ea res ob inaequale armentorum pretium inaequalem faceret multae aestimationem: paullo post exactos reges A. V C. CCXLVIII lege Ateria Tarpeia constituti sunt in singulas oves aeris deni, in boues centeni. *Gell. Noct. Att. XI, 1. Dionys. Halic. X. p. 674. Fest. voce Peculatus p. 359.*

VI. VINCVLORVM nomine veniunt VI. Vincu-compedes, pedicae, boiae, manicae, catenae, la-nerui, carcer. Carcerem primus ad terrorem ciuibz inferendum aedificauit Ancus Marcius, *Liu. 1, 33.* quamuis alii id tribuant Tullio Hostilio: Sed id forsan de parte carceris intelligendum. Carceris enim locus subterraneus vocabatur *latomiae* vel *lautuminae*. *Fest. hac voce. Liu. XXVI, 27. XXXII, 26. XXXVII, 3. XXXIX, 44. L. 1. §. 4. D. de aleat.* Eius alia pars vocata *Tullianum*, alia *robur*. *Fest. hac voce Liu. XXXIX, 59.* prior a Tullio rege exstructa, a quo etiam iste locus Tulliani nomen obtinuisse videtur.

Di-



Distinguebant vero Romani, vtrum accusatus crimen esset confessus, an inficiatus? Ante confessionem rei in custodiis liberis habebantur, siquidem vel ipse magistratus eos domi adseruabat, vel alii priuati nobiles eorum suscipiebant custodiam, ceu patet exemplis apud Liu. XXXII, 26, XXXIX, 114. Sallust. *de Bell. Catil.* XLIX. Post confessionem vero rei in vincula publica coniiciebantur, dum ferretur & exequutioni mandaretur sententia. *L. 5. D. de cust. & exhib. reor. L. 2. C. eod.* Ipsi carceri praeerat commentariensis, cuius erat, eos, qui in vincula publica coniicerentur, in commentarios referre, eorumque nomina Triumuiris rerum capitalium singulis mensibus ingerere. *L. ult. C. eod. Plin. Hist. Nat. VII, 38.*

VII. Verbera.

VII. VERBERA fustibus & virgis infligebantur. Et illis quidem Romani in castris, (c) his in vrbe utebantur, nec ab vlllo temere extremum sumtum est supplicium, quia virgis prius in terga saeuiretur. Liu. VII, 19. Sed postea virgarum metu ciues esse variis legibus liberatos, iam supra *Adpend. Lib. I. n. XXVIII.* obseruauimus.

IIIX. Talio.

IIIX. TALIONIS poenam iniuriis atrocioribus statuerant decemuiri, quorum haec lex reliqua est apud Festum Gell. *Noct. Att. XXI, 1.* SI MEMBRVM RVPIT, NI CVM EO PACIT,

(c) Fustuarium supplicium ordinarium erat eorum, qui ducem deseruerant. Cicero *Phil.* III, 6. Liu. V, 6. Quo ritu istud supplicium sumtum sit, docet Polyb. *Hist.* VI. p. 670.

(d)

CIT, TALIO ESTO. Verum quum omnes talionem hanc transactione a se amoliri possent, neque credibile sit, quemquam adeo stolidum fuisse, ut oculum sibi excuti pro oculo, quam pacisci cum laeso, maluerit; facile est ad existimandum, etiam antiquissimis temporibus rarissimum apud Romanos fuisse talionis usum, tantum abest, ut eam sequiore aevo obtinuisse verosimile sit.

IX. IGNOMINIA vel Censorum nota, vel IX. Ignominia. lege aut edicto praetoris inurebatur. Illam tamen paulo leuiorem visam opinor. Cicero sane apud Non. Marcell. I, 93. *Censoris iudicium nihil fere damnato*, ait, *adferre, praeter ruborem*. De infamia qua praetor edicto certos homines notabat, singularis exstat digestorum titulus, ad quem plura commentantur iureconsulti.

X. De EXSILIO SERVITUTEQUE X. Exsili- iam supra satis multa notauimus. MORS um, seruitus, mors. vel CIVILIS vel *violenta* erat. Morte *ciuili* plecebantur, quibus adimebatur libertas vel ciuitas, qua de re iam suo loco actum est, nec hae mortis species differunt ab exsilio & seruitute. Ast *violenta* morte, quae in primis huc pertinet, animaduvertebatur in eos, qui extremo digni videbantur supplicio. Et antiquis quidem temporibus vsitatissimum erat suspendium in arbore infelice. (d) Quod supplicium me-

(d) *Infelix arbor* Turnebo in *Aduers.* IV, 3. est stipes seu furca, eumque ea in re sequitur Sigon. *de Indic.* III, 3. Ast Catoni & Plinio felices arbores vocantur, in uniuersum, quae fructum ferunt, infelices, quae neque feruntur vnquam, neque fructum ferunt. Conf. Coel. Rhodig. *Less. Ant.* X, 7. Brod. *Miscell.* IV, 6. (e)

metuendum erat P. Horatio, quum sororem occidisset. Liu I, 26. Nec infrequens praecipitatio ex rupe Tarpeia, de qua Iust. Rycquius *de Capitol. Cap. IV. p. 44. sequ.* Quod supplicium licet antiquitus seruis & liberis hominibus commune esset, ceu ex Lege XII. Tab. demonstrat Gell. *Noct. Att. X, 18.* postea tamen fuit liberorum hominum proprium: serui vero sub furca caesi in crucem agi consueuerunt. (e) Quo de supplicio eiusque ritibus multa disputata sunt a Iusto Lipsio, Gretsero, Ge. Calixto, Barth. Nihusio & plurimis, qui Christi passionem commentariis illustrarunt, eruditiss. Instar omnium esse possunt Ant. Bynaeus *de passione Christi* & Sagit. in *Harmon. Evangelist. de passion. Dom. Part. II. n. 418. sequ.* Saepe etiam fontes, virgis caesi, demum securi percutiebantur a lictoribus. Exemplo esse possunt Iunii Bruti filii, patris ipsius iussu ita percussi, apud Liu. *Hist. II, 5.* vt & Campani, eodem modo tractati, teste Liu. XXVI, 15. (f) Non rara quoque erat strangulatio, quae triumvirorum interuentu a lictoribus laqueo fiebat, & quidem plerumque in

(e) Vnde Cicero Philipp. I. *Talis animaduersio fuit Dolabellae cum in audaces sceleratosque seruos, tum in impuros nefariosque liberos.* Hos scilicet ad saxum, illos ad crucem condemnauit. Add. Cic. *ad Attic. Epist. XIV, 17.*

(f) Ignominiosius videbatur, securi, quam gladio feriri. Hinc Vlpian. L. 8. §. 1. *D. de poen.* negat, in eum telo animaduerti posse alio, qui ad gladium damnatus sit. Eodem pertinet, quod Papiniano securi percussio, Antoninus Caracalla dixit: *Gladio te exsequi oportuit meum iussu.* Vid. P. Fab. *Semest. 1, 3. p. 20.*



in ea carceris parte quae *Tullianum* vocabatur. Sallust. *de Bello Catilinar.* LV. Cicero in *Vatinium*, XI. Valer. Max. V, 4. 7. VI, 3. 1. Ex altera carceris parte, quam *Robur* adpellabant, praecipitatio fiebat. Quale supplicium describit Festus voce *Robur*. p. 410. Singulare quoque supplicium parricidarum erat culleus, de quo infra suo loco dicemus. (g) Sub Imperatoribus multae aliae poenae receptae, multae veteres abrogatae. In iure nostro supplicia licita occurrunt, ad furcam damnatio, viuicomburium, capitis amputatio, quibus proximae metalli coercitio, & deportatio in insulam, quae quia caput vel naturale vel ciuile adficiunt poenae CAPITALES adpellantur. L. 23 pr. §. 11. L. 8. §. 1. l. 46. D. de poen. Illegitimae contra erant poenae, si quis inedia necaretur, L. 10. D. de interd. & re-leg. iunctis Basilicis, vel si animaduерteretur in aliquem securi, telo, fuste, laqueo, veneno, virgis, L. 8. §. 1. 3. D. de poen. praecipitatione. L. 25. §. 1. D. h. t. Inter NON CAPITALES licitas sunt fustium admonitio, flagellorum castigatio, damnatio in opus temporarium, relegatio, infamia, dignitatis priuatio, L. 6. §. ult. L. 7. L. 8.

(g) Haec omnia in libera republica fiebant. Sub Imperatoribus multae aliae ac longe acriores poenae inuentae sunt, veluti damnatio ad metalla, ad bestias, viuicomburium, aliaeque huius generis supplicia. Nec desunt exempla, quod homines arboribus incuruatis illigati, postea remissis illis in partes distracti sunt. Qualia multa hinc inde in historia Augusta, & in martyrologiis occurrunt. Conf. Sagittarii libellum de cruciatibus Martyrum.

(h)



*L. 8. pr. L. 28. pr. §. 4. 6. D. de poen. L. 103. D. de Verb. sign. Illicitae autem sunt poenae carceris perpetui, L. 7. §. 9. L. 35. D. de poen. & tormentorum. L. pen. D. de quaestion. Cuiac. Obs. XIV, 34. Sed omnes tamen has illicitas poenas Principes saepe per modum priuilegii irrogasse, satis nouimus.*

XI. Iudicia publica a quibus exercita?

XI. Ceterum publica iudicia exercebant initio reges ipsi. Romulus, teste Dionysio Halic. II. p. 87. de delictis maximis ipse cognoscebat: minora senatoribus permittebat. Postea Tullus Hostilius instituit Duumuiros, qui perduellionem iudicarent, simulque ab eorum sententia prouocationem concessit ad populum. Liu. I, 26. De Tarquinio Superbo auctor est idem Liuius I, 55. eum, ut metum incuteret populo, cognitiones capitalium rerum sine consilio per se solum exercuisse, propterque eam causam occidere, in exilium agere, bonis mulctare, potuisse. In Regum locum succedebant consules, quos quaestionibus publicis non secus ac reges praefuisse, satis patet exemplo Iunii Bruti apud Liu II, 5. Enimuero quum eodem anno P. Valerius Poplicola legem de prouocatione tulisset: inualuit postea, ut non consul de capite ciuis Rom. iniussu populi quaereret, verum ii, quos populus quaestionibus publicis praefecisset, quique inde Quaestores parricidii sunt adpellati. Meminit eorum iam Lex XII Tabularum, si vera scribit Pompon. L. 2. §. 23. *D. de orig. iur Festus voce Quaestores p. 160. Quaestores parricidii adpellati, quos solebant creare causa rerum capitalium.*

XII.

XII. Solebant vero eiusmodi Quaesitores XII. Quae-  
 olim ita constitui, vt primo fieret SC. quo tri- sitores  
 buni iuebantur primo quoque tempore ad quomodo  
 plebem ferre de quaestione huius vel illius cri- constituti?  
 minis, Liu. IV, § 1. Fiebat deinde a tribunis  
 rogatio hoc modo: VELITIS IVBEATIS,  
 VT QVAERATVR, QVAE PECVNIA  
 CAPTA, ABLATA, COACTA AB REGE  
 ANTIOCHO, QVOD AES PVBLICVM  
 RELATVM NON EST, VTI DE EA  
 SER. SVLPICIVS PRAETOR VRBANVS  
 AD SENATVM REFERAT. QVEM EAM  
 REM SENATVS VELIT QVAERERE, DE  
 HIS, QVI PRAETORES NVNC SVNT.  
 Liu. XXXVIII, § 4. Consistente & suffra-  
 gante plebe, a senatu res modo dictatori Liu.  
 IX, 26.) modo consulibus (Liu. IV, § 1.) modo  
 ex praetoribus cuidam negotium dabatur,  
 quaerendi de crimine. Et hi dicti deinde  
 sunt *Quaestores parricidii vel Quaestores rerum  
 capitalium.*

XIII. Enimuero haec mutata sunt anno V. XIII.  
 C. DCIV, quo perpetuae esse coeperunt quae- Quaestio-  
 stiones, atque ordinariae. Quum enim eo anno nes quan-  
 L. Piso, tribunus plebis, legem de repetundis do factae  
 tulisset: addidit, vt singularis de eo crimine sint per-  
 praetor quaereret. Cic. Brut. XXVII. Pigh. petuae?  
 Annal II. p. 447. Eadem ratione L. Sulla  
 Praetori cuidam *quaestionem* de maiestate; alii  
 aliis de peculatu. & de ambitu quaestionem  
 demandarunt. Solebant ergo sex, qui tunc in  
 vrbe erant, Praetores, inito magistratu, iurisdic-  
 tionem urbanam, peregrinam & quatuor illas  
 (II.) X quae-

quaestiones in sortem conicere, adeoque fortunae, cuinam quaeuis obtingeret, committere. (b) Sigon. *de iudic.* II, 4. p. 540. L. Cornelius Sulla quaestiones quatuor alias publicas inuexit, de sicariis, veneficiis, falso & parricidio, adeoque totidem addidit praetores L. 2. §. 32. *D. de orig. iur.* Solebat tamen senatus, quum raro plures, quam octo praetores crearentur, suo arbitrio modo binas iurisdictiones modo binas quaestiones modo iurisdictionem & quaestionem vni alteriue deferre. Sigon. *l. c.* p. 542. Sed & extra ordinem nonnunquam Senatus populiue decreto quaerebant siue consules, siue alii constituti quaesitores. Exempla sunt apud Ciceronem *de Fin.* II, 16, & *Brut.* XXII.

XIV.  
Quaesitorum  
sessio.

XIV. Quaesitores ergo isti in foro atque in tribunali praeerant iudiciis publicis, sedentes in sella curuli, gladiumque positum ante se habentes in signum imperii. Aderant praeterea Iudex Quaestionis, iudices, scribae, accensi; praecones, lictores, adparitores & alii, qui Quaesitorem in iudicando exsequendoque sententiam iuuabant. Sigon. *de iudic.* II, 4. pag. 544.

XV. Quis  
iudex  
quaestio-  
nis.

XV. Inter iudices primum locum occupabat IUDEx QUAESTIONIS, non idem sane cum Quaesitore, vt aliqui sibi persuadent, sed

(b) Ante haec tempora praetores bini singulas domi iurisdictiones, ex S. C. fortiebantur, vrbanam & peregrinam: reliqui quatuor provincias foris gubernandas suscipiebant.



sed ab hoc diuersissimus. Sane in causa Opianici Praetor erat Verres, Iudex quaestionis C. Iunius. In causa Verris, Praetor M. Glabrio, Iudex quaestionis Q. Curtius. In causa Cluentii Praetor Q. Naso, index quaestionis Q. Voconius. Inter Quaesitorem & iudicem quaestionis hoc interfuisse ait Quintilianus, *Instit. Orat. VIII, 3.* quod praetor seu Quaesitor in iis, quae essent imperii; Iudex quaestionis in iis, quae ad cognitionem pertinebant, fuerit occupatus. Fuit ergo non quidem magistratus *L. 1. pr. & §. 1. D. ad L. Corn. de sicar.* sed persona tamen publica, (i) quae veluti partes Praetoris siue absentis siue nimis occupati agebat, unde & *princeps indicum* vocatur Alconio Pae-  
diano. Praetor quoque praesens dabat accusationem, vel negabat, coge-  
bat Iudices & mittebat, Iudex vero quaestionis datam actionem exercebat, iudices sortiebatur, testes audiebat, quaestiones habebat, tabulas inspiciebat, & si qua erant huius generis alia. Sigon. *l. c.*

pag.

(i) Videtur hoc munus post aedilitatem capi consuevisse. Sane C. Iunius Iudex Quaestionis in Cluentiana fuit aedilitius, teste Cicero. *pro Cluent. XXXIII.* Et huc pertinet etiam Inscriptio apud Sigon. *de Indic. II, 5. p. 548.*

C. OCTAVIVS. C. F. N.C. PRON. PATER.  
AVGVSTI.

ER. MIL. BIS. Q. AEDIL. PL. CVM TORANIO IVDEX QVAESTIONVM.

TR. PROCOS. IMPERATOR ADPELLIATVS EX PROVINCIA MACEDONIA.

Conf. Gruter. *Inscr. p. CCCLX.*



§ 46. *sequ. Ger. Nood. de Iurisdic. & Imper. II, 5. p. 158. Schulting. Iurispr. antiqu. antejustin. p. 728.*

**XVI.** Quaesitores reliqui toris erant, adeoque adsidebant in subselliis. **XVI.** Reliqui iudices quasi consilium Prae-

udices.

Legebantur initio ex ordine senatorio deinde ex equestri, lege Sempronia: tum ex utroque lege Servilia Caepionis, hinc iterum ex equestri lege Servilia Glauciae, porro iterum ex senatorio lege Liulia Drusi, tum ex tribus ordinibus senatorio, equestri, plebeio, lege Plautia Siluani: hinc denuo ex senatorio lege Cornelia Sullae, ac paullo post denuo e tribus ordinibus lege Aurelia Cottae, postremo ex senatoribus solis, lege Iulia Caesaris. Numerus ex lege Servilia Glauciae fuit quadringentorum quinquaginta: quamvis non idem semper fuerit seruatus. Hic numerus denuo in varias decurias descriptus fuerat, uti diximus supra Lib. IV. Tit. XVII. §. II. Ex eadem lege iudicem nec oportebat tringinta annis minorem esse, nec maiorem sexaginta. Aliis legibus cautum fuerat, ut iudices viginti quinque ad minimum annorum essent, quamvis vigesimum annum sufficere iterum statuerit Augustus Sueton. *Aug. XXXII. (k)* Legebat eos quotannis Praetor, simul iurans, se eos dolo malo scientem non legisse: lecti vero aderant in subselliis & iurati ferebant sententiam.

## XVII.

(k) Pro vigesimo anno trigessimum ponit Sigon. *de Iudic. II, 8.* sed de prauatum esse illum locum Suetonii, sancludum obseruauit Cuias. *Obs. XX. 32. & Orneui. in Prolegom. T. XI. Thesaur. ant. Rom.*

XVII. Etiam publica iudicia inieiebant ab XVII. Rei  
*in iurisdictione L. 8. D. de accusat.* In iure deinde primum in  
 a Quaestore postulabat accusator, ut liceret ius vocati,  
 sibi nomen deferre. Coel. ad Cicer. *Epist. VIII, 6.* deinde  
 Cic. *Divinat Verr. XX.* quae tamen postulatio postulata  
 etiam absente reo fieri poterat. Coel. ad Cic. *l. c.* facultas  
 Valer. Max. III, 7, 9. Erant vero, qui accusa- deferendi  
 re non poterant, veluti mulieres, (1) pupilli, qui nomen.  
 stipendium merebant, infames. Sic nec liber-  
 ti iure accusabant patronos. *L. 8, D. de accusat.*  
 nec Quaestores Praetores & Praesides suos.  
 Cic. *Divin. Verr. XIX.* Vnde & accusatus po-  
 stulare poterat, si ei commodum videretur, ut  
 iudicium de accusatore fieret, liceretne illi ac-  
 culare, nec ne. Auct. ad Herenn. I, 12. Quin  
 & locus erat antecategoriae, vel accusationi ac-  
 cusatoris, si quis ei maius crimen obliceret. *L.*  
*19. C. qui accus. non poss.* & tunc causa maioris cri-  
 minis praeferebatur minori, quamvis prius de-  
 lato. *L. 1. C. eod.* De quibus antecategoriis  
 erudite ut solet agit Cuiac. *Obs. XX, 7.* Exempti  
 quoque erant aliqui ab aliorum accusationi-  
 bus, veluti magistratus, Liu. *XLV, 37.* & absen-  
 tes reip. causa. Valer. Max. III, 7, 9. Qui no-  
 men

(1) Nisi parentum, liberorumve, patroni vel patronae  
 vel eorum filii, filiae, vel nepotis mortem exsequan-  
 tur. *L. 1. D. de accusat.* quod & de pupillis observan-  
 dum, qui alios consilio tutorum facere reos poterant,  
 si de patrum vel avorum morte habenda esset quae-  
 stio. *L. 2 §. 1. D. eod.* Praeterea feminas admitte-  
 bantur, si deferrent crimen maiestatis, *L. 8. D. ad L.*  
*Iul. Maiest. Annonae, L. ult. §. 2. D. ad L. Iul. de an-*  
*non.* & denique sacrilegii. *L. 10. C. de Episc. & Chris.*

men defererebat, vocabatur accusator, idque turpe munus habebatur. nisi quis aut reipublicae causa, aut patrocini gratia, aut paternarum aut propriarum inimicitarum causa ad accusandum accederet. Cic. *de Offic.* II, 14. Publicos tamen Romae fuisse accusatores, qui delicta publica persequerentur, patet ex Cic. *pro S. Rose.* XX. Plin. *Epist.* III, 17.

XVIII. In crimine repetundarum simul postulati patroni, Sin plures se offerrent accusatores, iudicio praemittebatur diuinationis.

XVIII. Si socii repetundarum quem postulabant; oportebat eos simul potestatem patronos nominandi postulare. Concedebatur id SC vt patet ex Liu. XLIII, 12. Cic. *Diuinat. Verr.* XX. Nominati hi patroni sociorum, simul erant accusatores reorum. Sin vero duo pluresue accusationem simul deposcerent; iudicium antea fieri debebat, quis illorum deberet nomen deferre, id quod DIVINATIONEM vocabant, quia non de facto quaerebatur, sed de futuro, vter deberet accusare. Ascon. Pae-dian, in Cic. *Diuin. Verr.* p. 1757. Gell. *Noct. Att.* II, 4. L. 16. D. *de accus.* Exemplo esse potest diuinationis Ciceronis in Verrem, in qua cum Caecilio disputat, vter accusandi partes suscipere deberet. Qui in hac diuinatione vicerat, primasque agebat partes, *accusator*; reliqui *subscriptores* dicebantur, iique, vt ait Asconius, accusatorem adiuuare solebant. De subscriptionibus vid. Cic. *Diuin. in Verr.* XV. *Epist. ad Q. fratr.* III, 4. *pro Muraena* XXIV, *Epist. ad famil.* VIII, 8. Alia ab hac subscriptione est, qua accusator ad similitudinem supplicii seu talionis se obstringebat, si non probasset, simulque cauebat, se in crimine perseveraturum vsque ad sententiam.



L. 7. pr. L. ult. C. de accus. & inscr. L. ult. C. de Calumn. L. 2. C. de exh. & transm. reis.

XIX. Die constituta, utraque parte praesente, ipsa fiebat *delatio nominis*, ita tamen, ut accusator prius verbis conceptis iuraret, se non calumniandi causa deferre nomen. Vide supra Tit. XVI. n. 2. Fiebat ea delatio nominis eadem formula, qua solebat in iudiciis priuatis lis intendi, veluti: AIO, TE IN PRAETURA SPOLIASSE SICVLOS CONTRA LEGEM CORNELIAM, ATQVE EO NOMINE SESTERTIVM MILLIES A TE REPETO. Fatente reo, statim fiebat aestimatio litis. Negante eodem, postulabatur, ut nomen inter reos reciperetur, ac tum delatio scribebatur nominis, criminis, loci, temporis, personarum accurata facta mentione, L. 3. pr. §. sequ. D. de accusat. Quo facto tempusque inquirendi dabatur. Alcon Paedian. Verrin. I. p. 1816. Crimen ergo, quod obiciebatur, libello subscriptum relinquere oportebat accusatores, simulque accedere debebat subscriptio ad similitudinem poenae, de qua paullo ante diximus. Quod ideo inuentum fuerat a Romanis, ut ne facile quis profliret ad accusationem, *quum sciret, insultam sibi accusationem non futuram*. L. 7. pr. D. de accusat. Cauebant itaque singuli accusatores, quod crimen obiecturi sint, & perseveraturi etiam in crimine usque ad sententiam. Libelli formula erat: HOC COS. ET DIE APVD ILLVM PRAETOREM VEL PROCOS L. TITIVS PROFESSVS EST, SE MAEVIAM LEGE IVLIA DE ADVLTERIO RE-

XIX. Delatio nominis, ejusque receptio.



AM DEFERRE, QVOD DICAT EAM CVM. C. SEIO IN CIVITATE ILLA, DOMO ILLIVS, MENSE ILLO, CONSVLIBVS ILLIS, ADVLTERIVM COM- MISISSE L. 3. *pr. D. de accusat.* Et haec professio deinde vel ab ipso accusatore, vel ab alio, si forte ille litteras nesciret, eius nomine erat subscribenda, vt docet Paullus iureconsultus L. 3. *pr. & §. 2. D. de accusat.* Hinc Asconius in *Cornelianam* p. 1307. *Detulit nomen Publius, subscripsit Caius.* Quemadmodum vero accusator nomen DEFEREBAT; ita illud RECIPIEBAT Praetor, quae receptio, quum aliquando esset in Quaestoris arbitrio, postulari debebat. Seneca in *Ludo p. m. 683. T. 12. Postulat nomen recipi. edit subscriptionem, occisos senatores triginta.* Et Coel. ad Ciceron. *Epist. VIII, 8. Nec Laterensis Praetor, postulante Pansania, quo ea pecunia peruenisset, nomen recipere voluit.* Recepto vero nomine, Praetor certam diem qua accusator & reus adessent, constituebat, & plerumque quidem diem tricesimum ex lege Licinia & Iulia. Cic. *Vatin. XIII.* Quod tempus, si paullo breuius esset, licebat accusatori diem longiorem postulare ad inquirendum, praecipue in crimine repetundarum, vt patet ex Ascon. ad Cic. *Verrin. I. p. 1815.*

XX. Delato-  
to nomine  
reus ve-  
stem mu-  
tabat.

XX. Ex eo tempore reus vestem mutare & patronos conquirere solebat. Posita enim toga alba, non quidem atram seu pullam, (m) vt

(m) Atram seu pullam vestem sumebant in luctu, ceu multis ostendit Kirchmann. *de Funer. Rom. II, 17.* Vnde & Paull. *Rec. Sent. I, 21, 14, ait: Qui luctet, absti-*  
neret

vt Sigonius *de iudic. II, 10, p. 563.* suspicatur, sed  
 fordidam & obsoletam sumebat, Liu. VI, 20.  
 unde *sordes* pro reatu, & sordidatos pro reis  
 saepe dici, obseruat Graevius in *prolegomenis To-*  
*mi XI, Thesaur. Ant. Rom.* Idem etiam rei amici  
 & cognati saepe faciebant nonnunquam &  
 ipsi magistratus, si viri bene de rep. meriti vita  
 & salus in discrimen vocaretur, Cic *post redit. V.*  
 Plutarch. in *Vita Gracchor. p. 829.* Promittebat  
 etiam reus barbam & capillum, vt constat ex  
 Gell. *Noct. Att. III, 4.* Liu. II, 61. Cic. *pro Ligur.*  
 XI.

XXI. Patronos ante Caesaris tempora ra-  
 ro adhibebant plures, quam quatuor: post bella  
 vero ciuilia saepe ad duodecim peruentum M.  
 sane Scaurum sex patroni defenderunt, P. Clo-  
 dius Pulcher, M. Marcellus, M. Calidius, M.  
 Cicero, M. Messala Niger, Q. Hortensius.  
 Ascon. Paed. in Cic. *pro M. Scauro p. 1752.* Idem  
 eiusmodi patronos in quatuor classes distin-  
 guit.

XXI. Pa-  
 troni quot  
 adhibiti?

*nere debet a conuiujs, ornamentis, purpura. & alla ve-*  
*ste.* Albam tamen vestem sub Imperatoribus in luctu  
 adhibitam esse a mulieribus, docent Lips. *ad Tacit.*  
*Ann. II. Forner. Rer. Quotid. II, 21.* idque probant ex  
 Plutarchi *Quaest. Rom. p. 270.* & Herodian. *Hist. IV, 2.*  
 Sed ex utroque auctore patet, albae vesti locum tan-  
 tum fuisse per eos dies, quibus nondum iusta facta  
 fuerant marito. Alias enim & feminae pulla veste in  
 luctu vsas, adparet ex Lactant. *de mort. persecut.*  
 XXXIX. Ceterum non modo quoad colorem, vestes  
 in luctu mutabantur, verum etiam quoad formam.  
 Magistratus enim in luctu posita praetexta latum cla-  
 uum sumebant: senatores lato clauo posito, angus-  
 tum, Dio Cass. XL, & LVI. Conf. P. Fab. *Semestr. I,*  
*2, p. 8.*

Xs

(a)

guit. Proprie enim *patronus* dicebatur orator, qui voce causam orabat. Qui vero vel jus fuggerebat, vel praesentiam suam commodabat amico, *advocatus* vocabatur. Addit idem *procuratorem*, & *cognitorem*, qui tamen ad priuata tantum iudicia pertinebant. Ascon. in Cicer. *Verrin. I. p. 1759.*

XXII. Citatio rei per praekonem.

XXII. Veniente die, in quem accusatorem & reum adesse iusserat praetor, vtrumque citari oportuit per praekonem. Si reus ergo criminis conscientia sese haut sisteret, absenti irrogabatur exilium. Ascon. in *Milonian p. 1323.* Sin, reo praesente, accusator non adesset: eximebatur accusati nomen de reis. Ascon. in *Cornel. p. 1307.* *Postero die, quum Cassius adsedisset, & citati accusatores non adessent, exemitum est nomen de reis Cornelii.*

XXIII. Lecti deinde iudices.

XXIII. Vtroque prodeunte, porro de iudicibus legendis agebatur, vt tantus adesset eorum numerus, quantus erat lege definitus. Fiebat autem hic delectus per *sortitionem* & *editionem*. In *sortitione* praetor vel iudex quaestionis nomina omnium, qui eo anno inter iudices adlecti fuerant, in urnam coniiciebat, ac sorte deinde eum educebat numerum, quem lex praescribebat. Quo facto, deinde tum accusatori tum reo dabatur potestas, reiiciendi, quos parum sibi putarent idoneos, quorum in locum deinde alios subfortiebatur praetor vel iudex. Quaestionis, quibus ille iudicum numerus legitimus compleretur. Cic. *Verr. Act. I, 6.* Ascon. *Paed. in Verrin. II. p. 1817.* Nonnunquam lex non forti, sed accusatoris rei que arbitrio iudicum



cum electionem permittebat, & hi tunc EDERE IUDICES, ipsi autem iudices EDITITII dicebantur. Cic. *pro Muraena* XXIII. *pro Planc.* XV. & XVII. Sic lege Servilia Glaucia accusator iubetur ex CDL iudicibus edere centum: ex his centum reus edere quinquaginta. Vid. fragmenta legis Servil. apud Sig. *de iudic.* II, 27. p. 609. Lecti iudices *citabantur*, citatique vel excusatione se tuebantur, vel accedebant, subselliaque iudicum occupabant. Et hi tunc iurabant in leges, ut obstricti religione iudicarent. Quum iurassent omnes, praeter ipsum praetorem: (n) nomina eorum libellis consignabantur, ne pro selectis iudicibus, ut sit in multitudine, aliqui suppositi corruptissime iudicarent, Ascon Pædian. in *Verrin.* II. p. 1817.

XXIV. Iam ipsa demum causa cognosci XXIV. coepit, eaque cognitio duabus potissimum actionibus absolui consuevit *prima & secunda*, nisi forte lex comperendinationem, adeoque secundam actionem prohiberet. In prima actione accusator, accepta dicendi potestate, actionem instituit, crimina rei singulatim percensuit, & ad singula vel testes interrogavit, vel tabulas, servorumve tortorum confessionem produxit, ut fidem faceret iudicibus. Vnde interrupta plane fuit prior haec oratio, ut patet ex Ciceronis *oratione I. adversus Verrem*. Postea vero

(n) Praetor enim iam inito magistratu iurauerat conceptis verbis, se ex animi sententia & secundum leges iudicaturum. Petr. Fab. *Semestr.* I. p. 213.

(o)



vero eandem causam alio die retractavit, non interrupto dicendi genere, sed oratione perpetua, qua crimina illa dicendo exaggerabat, testimoniaque artificiose confirmabat, & totius vitae anteaetae flagitia narrabat, eaque oratio *nar' ἐξον* dicta est accusatio. Cic. *pro Coel.* III.

XXV.  
Quaestio-  
nes de ser-  
uis habi-  
tue.

XXV. Quum ergo prima statim oratione accusatori omnia testimoniis essent confirmanda, eaque in *quaestiones, testes & tabulas* distinguerentur: de singulis monenda quaedam ex antiquitatibus existimo. QVAESTIONES erant testimonia servorum, vi tormentorum expressa. Solebat enim accusator, simul ac iudices cum Praetore adsedissent, servos rei in quaestionem postulare. (o) Ascon. Paedian. in Cic. *pro Mil.* p. 1323. Non licebat tamen servos in caput domini interrogare, nisi in causa incestus & coniurationis, Cic. *partit. orat.* XXXIV. *pro Milone* XXII. immo & postea in causa tributorum, L. 1. §. 20. D. de *quaest.* de quo loco videndus Cuiac. *Obs.* VI, 29, in reliquis criminibus non oportebat salutem dominorum servorum arbitrio committi. Cicero *pro Milone* XXII. (p) Paull. *Recept. Sent.* V, 16, 5. Nonnunquam & alieni servi in quaestionem postulabantur, sed

non

(o) Immo & privati olim torquebant servos. Cic. *pro Cluent.* LXIII. LXVI. Quinctilian. *Declam.* CCCXXVIII. CCCXXXVIII. CCCLIII.

(p) Moribus & institutis maiorum id ius tribuit Cicero in *Paratis. Orat.* XXXV. & *pro Rege Dsios.* I. Ast Tacit. *Ann.* II, 30. illud a SC. quodam vetere arcessit. Probabile est, SC. quodam illud vetus institutum in usum fuisse reuocatum.

(q)

non nisi singuli, & permittente domino, a quo tamen concedendum id erat, si caueret accusator, se, si exspirassent in quaestione, eorum pretia; sin deteriores facti, eius quoque damnia aestimationem praestitutum. Paull. *l. c. §. 3. L. 13. D. de quaest.* Serui ergo in quaestionem postulati, praesentibus aduocatis, eculeo alligati ita intendebantur, vt tamquam ex cruce penderent miseri, ipsaque compages ossium illis diuelleretur. Tum porro augendo dolori admovebantur candentes laminae, vngulae ferreae, aliaque huius generis tormenta, quae satis operose describuntur a Car. Sigon. *de iud. III. 17. p. 720. sequ.* Hieron. Mag. *lib. sing. de equuleo*, edito cum notis Gothof. Iungermanni Octau. Ferrar. *Elect. 1, 5. Sagittar. de cruciat. Martyr. XVII. p. 313. sequ.* aliisque. Quaestione habita & confessione seruorum in tabulas relata, tabulae obfignabantur, donec depromerentur in iudicio. Cic. *pro Milon. XXII.*

XXVI. Quemadmodum vero serui per tormenta, ita liberi homines extra illa quaerebantur, & hi testes dici solebant. Prouidendum vero inprimis erat, ne testes adhiberentur parum idonei. Vnde exploranda erat conditio cuiusque, vtrum quis decurio esset an plebeius, & num honestae & inculpatae vitae, an vero notatus & reprehensibilis? locuples ne, an egens esset, vt lucri causa facile quid admissurus videretur? porro an inimicus ei, contra quem ferebat testimonium? an ei amicus, pro quo ferebat, & quae sunt huius generis alia, quae cum cura explicare solent iureconsulti ad *ad titulum*

XXVI.  
Testimo-  
nia.

*tulum D. de testibus.* Dolendum est, periisse Domitii Afri, Oratoris & Caussidici libros II. de testibus, laudatos a Quinctiliano *Instit. Orat. IV, 7. VI, 4.* Fuit enim auctor iste inter Ictos & oratores veteres celeberrimus cuius meminerunt Plin. *Epist. VIII, 18.* Tacit. *Annal. XIV, 19.* & Hieron. in *Chron. 12. MMLX.* qui eum domo Nemausiensem fuisse ait. Ceterum hi testes vel sua sponte dicebant testimonium, vel invitati quando iis, permittente lege, accusator testimonium denunciaret. A qua tamen necessitate lex Iulia de iudiciis publicis exemerat generos, foceros, vitricos, priuignos, sobrinos, sobrino natos, eosque, qui proprio gradu essent, liberos item & patronos. *L. 4. D. de testib.* Ceterum testes interrogabantur in iudicio ab accusatoribus, & in eo quam maxime elucere videbatur eorum prudentia & dexteritas, quod longius repetita interrogatione verum extorquerent etiam inuitis. Cic. *pro Flacco X.* Hinc quum Phaedria adolescens apud Terentium obliquius interrogaret eunuchum de turbis in domo meretricis datis: Donatus ad illum locum *Eunuch. IV, 4. v, 33.* notat: *Et hae sunt obliquae interrogationes, quibus uti oratores videmus, quum deriuare testimonium nituntur.* Quamuis vero testes non nisi iurati dicerent testimonium, & de iis etiam rebus, quas ipsi vidissent compertasque haberent: non alia tamen formula interrogabantur, quam illa: S. TEM-PANE, QVAERO EX TE, ARBITRERIS-NE, C. SEMPRONIUM COS. IN TEM-PORE PVGNAM INISSE? Ad quae testis

vel



vel ARBITROR, vel NON ARBITROR  
respondebat. Cic. *Acad. Quæst. IV*, 47. & *pro Fonteio IX*. Quod etiam Cuiacius obseruauit *Obs.*  
*III*, 26. Absentes testes per tabulas dicebant  
testimonium.

XXVII. Tabularum nomine omne genus  
scripturarum veniebat, quo causam probabat  
accusator, eoque in primis pertinebant in re-  
tundarum & peculatus crimine tabulae dati &  
expensi, tabulae auctionariae: in reliquis pa-  
ctiões, litterae, syngraphae, aliaeque huius ge-  
neris, quae ob signatae diligenter ab accusato-  
re ad praetorem deferbantur. Cic. *Act. I. adu.*  
*Verr. cap. V.* & *Verrin. I*, 61. Car. Sigon. *de iudic.*  
*II*, 16.

XXVII.  
Tabulae  
probatio-  
nis causa  
recitatae.

XXVIII. Iam ut ad primam actionem re-  
deamus, ubi accusator actionem suam pariter ac  
accusationem absoluerat, patroni sese ad rei  
defensionem accingebant, inter quam & accu-  
sationem aliquot plerumque dies intercede-  
bant. Vid. *Cellar. ad Cic. pro S. Ros. IV*. In ipsa  
defensione quid egerint patroni, facile est ad  
suspiciandum, idque satis superque docent tot  
Ciceronis, quae exstant, orationes. Crimen  
scilicet obiectum vel diluebant, vel iure factum  
contendebant. Testes, quos produxerat ac-  
cusator, vel reiiciebant, vel sibi prodesse osten-  
debant, & quae alias ipsa suggerit ratio causae-  
que indoles. Vid. Cic. *pro Cluent. XVIII.* & *pro*  
*Fonteio I.* & *XVI*. Illud vero non praetermit-  
tendum, quod in epilogis ad misericordiam  
concitandam etiam filios reorum produxerint.

XXVIII.  
Rei defen-  
sio.

Qua



Qua de re multa suo more praecipit Quintilianus *Inst. Orat. VI, 2.*

XXIX.

Laudatio-  
nes rei.

XXIX. Nec patroni solum reum per aliquot saepe dies (q) defendebant: sed adhiberi etiam solebant laudatores. id est, summa auctoritate viri, siue ciues, siue ex municipiis missi, qui publica laudatione rei periculum subleuant. Cic. *pro Cluent. XL.* Horum laudatorum plerumque decem dabantur, isque numerus iam erat moribus receptus, ut honestius videretur, nullos, quam pauciores accipere. Cic. *in Verr. V, 23.* Ea laudatio modo praemittebatur defensionis, modo innectebatur eidem, modo eam sequebatur, ut ex Ciceronis orationibus pro Flacco, pro Cluentio & pro Scauro patet. Conf. Sigon. *de ludic. II, 19 p. 584.*

XXX.

Compe-  
rendinatio  
vel actio  
secunda.

XXX. Ceterum lex, ex qua agebatur, aut hanc vnam actionem admittebat, aut comperendinationem concedebat. Si vnica actio admittebatur, tum finita defensione, statim in suffragia mittebantur iudices, & sic primo coetu, vel primo indicare dicebantur. Auctor ad Herenn. IV, 36. *Vos veriti estis, si primo coetu condemnassetis, ne crudeles existimaremini?* Quae verba egregie interpretatur Turneb. *Aduersar. XX, 5.* Si lex comperendinationem haberet: tum perendie noua instituebatur partis vtriusque recitatio, sed ita, ut priore loco reus, posteriore accusator diceret. Cic. *Verrin. I, 9.* & ibi Asconius Paedrianus.

XXXI.

(q) Sic Cicero Cornelium per quadriuum defendit, teste Ascon. Paediano in *Cornel.* p. 1302.

(r)

XXXI. Finita & hac actione, ubi uterque XXXI.  
 Orator DIXI addiderat, statim praeco DI- Iudices  
 XISSE, eos pronuntiabat. Quo facto, prae- missi in  
 tor tabellas distribuebat inter iudices, eosque consilium.  
 ad ferendam sententiam mittebat in consilium.  
 Ascon. Paedian in Cic. Verrin. III. p. 1841. Mit-  
 tere iudices in consilium est dimittere iudices ad senten-  
 tiam dicendam, ubi allegatis omnibus argumentis, ora-  
 tor dixerat DIXI. Et in Verrin. II, p. 1823. Mo-  
 ris veterum fuit, quum satis visum esset fluxisse verbo-  
 rum, hanc sibi necessitatem finiendae orationis impo-  
 nere, ut dicerent ad ultimum: DIXI, quod etiam ab  
 utraque parte oratione consumpta, ut in consilium di-  
 mitterentur, praeco (r) solet pronuntiare: DIXE-  
 RVNT. Acceptis tabulis, quae cereae erant,  
 & diversi coloris, Cic. Verr. V. consurrexere iu-  
 dices. & in leuioribus causis sententiam singuli  
 de tabulis pronuntiarunt: & tunc PALAM di-  
 cebatur LATA SENTENTIA: in grauioribus  
 vero CLAM hoc fieri consueuerat. Accede-  
 bant enim iudices ad urnas, quarum toterant,  
 quot iudicum ordines, & in illas e tribus, quas  
 acceperant, tabulis vnam immittebant. Qui  
 absoluendum credebant reum, eam immitte-  
 bant, cui A, id est ABSOLVO inscriptum. Qui  
 condemnandum; alteram, in qua C, id est  
 CONDEMNO legebatur. Qui denique du-  
 bitabant, tertiam, in qua NL. id est NON LI-  
 QVET, immittebant. Interea dum hae tabu-  
 lae immittebantur, & earum deinde fiebat di-  
 (II.) Y remtio:

(r) Ita in vulgatis Ciceronis editionibus. Sed pro  
 praetore legendum esse praeconem, recte monet Fr.  
 Hotomanus in proem. act. in Verr. p. 229. (s)

remtio : reus in genua prouolutus iudicum genua osculabatur, nihilque, quod ad misericordiam excitandam facere videretur, praetermittebat. Valer. Max. VIII, 1. 6. Idem etiam faciebant laudatores & amici, ceu patet exemplo M. Scauri, cuius laudatores ad genua iudicum, quum sententiae ferrentur, bifariam se diuiserant, & pro eo rogabant, teste Asconio Paediano ad Cic. pro Scauro. p. 1754. Inualuerat etiam, ut virgines Vestales aliquando adhiberentur deprecatrices. Vid. Tacit. Ann. XI. 32. & Bernegg. ad Suet. Iul. cap. 1.

XXXII.  
Sententia  
lata a præ-  
tore.

XXXII. Diremtis tabulis, Praetor ipsam pronunciabat sententiam. Aut enim condemnabat reum, aut absoluebat, aut amplius cognoscendum aiebat, prout id plura suaderent suffragia. Coel. apud Cicer. *Epist.* VIII, 8. Condemnationis formula erat : VIDETVR FECISSE, vel NON IVRE VIDETVR FECISSE. Absolutionis : NON VIDETVR FECISSE, vel IVRE VIDETVR FECISSE. Ampliationis denique : AMPLIVS COGNOSCENDVM. Cic. *acad. quaest.* IV, 47. *de finib.* I, 7. Quin & si poena adiiceretur simili id fiebat formula : VIDERI EVM IN EXSILIO ESSE, BONAQVE EIVS VENIRE, IPSI AQVA ET IGNI PLACERE INTERDICI. Liu. XXV, 4. Sig. *de iud.* II, 22. Briss. *de Form.* V, p. 480, Condemnationis sententiam pronuntiaturus praetor, praetextam ponere solebat, teste Plutarcho in *Ciceron.* p. 883. nec verba solum antea relata proferebat, verum etiam poenae & supplicii nonnunquam faciebat men-



mentionem, quamvis etiam aliquando eam praetermitteret, & ad ipsam reiiceret legem.

L. I. §. 4. D. ad SC. Turpil.

XXXIII. Absolutus reus, domum se recipiebat, positoque sordido habitu, resumebat togam albam, (s) vt patet exemplo Ciceronis apud Plutarch. in *Cicer.* p. 265. Si non absolutionis, sed ampliacionis tantum pronunciata esset sententia: denuo cognosci caussa ab integro solebat alio die, quem praetor arbitrato suo statuebat. Tunc iterum primus dicebat accusator, & deinde patronus, quo facto, denuo in consilium mittebantur iudices, idque eo usque fiebat, donec ad liquidum perducta esset caussa. Denique condemnato reo, aut tribunorum implorabatur auxilium, cuius rei exempla exstant apud Plutarch. in *Caesare* p. 708. Cic. *pro P. Quinct.* XX. aut consul ipse vel alius praetor intercedebat, vti patet exemplis apud Valer. Max. VII. 7. 6. aut lis ei aestimabatur, veluti in iudicio repetundarum, aut ipsa sequebatur animaduersio, & reus in poenam aliquam condemnabatur. Lite aestimata, aut pecunia solvenda erat, aut eam summam, proscriptis eius bonis, sectores curabant. Ascon. Paedian. in *Verrin.* III, p. 1845. De poenis, quales, fuerint apud veteres, iam supra satis superque dictum est.

XXXIII.  
Repetita  
causae  
cognitio.

Y 2

XXXIV.

(s) Licebat tunc reo absoluto contra accusatorem vel calumniae vel praeuaricationis instituere actionem, de quibus multa iureconsulti. Adde Sigon. *de iudic.* II, 26. (t)



XXXIV.

Qualia  
fuerint iu-  
dicia po-  
puli?

XXXIV. Sufficiant haec de iudiciis publi-  
cis. Addenda nonnulla de iudiciis populi,  
quae & ipsa plerumque ad vindicanda crimina  
comparata fuere. Publica enim iudicia de iis  
instituebantur criminibus, de quibus certae  
exstabant leges. At populus iudicabat de qui-  
buscumque, quae ad se detulisset magistratus,  
(t) & in quibus de capite ciuis Romani ageba-  
tur. In primis tamen duo crimina ad popu-  
lum deferri solebant, maiestatis puta & pecu-  
latus. Sic maiestatis caussam ad populum di-  
xere Marcus Coriolanus, Sp. Cassius, T. Mene-  
nius, Sp. Seruilius, Ap. Claudius, & alii. Ob  
peculatum dies dicta M. Camillo, M. Liuius Sa-  
linatori, P. Africano, M. Postumio & aliis,  
qualia exempla collegit Sigon. *de indic. III, 2.*

XXXV.

In quibus  
comitiis  
instituta?

XXXV. Instituebantur haec iudicia olim  
in comitiis curiatis, ceu patet exemplo P. Ho-  
ratii, cui, quum sua manu sororem interemisset,  
dies dicta est apud populum, cuius suffragiis li-  
beratus perduellionis supplicium euasit. Liu.  
I, 26. Cic. *pro Milone III.* Atqui eo tempore  
comitia non erant alia, quam curiata, centu-  
ratis

(t) Sic de fororis caede dies dicta est P. Horatio. Liu.  
I, 26. Valer. Max. VIII, I, 1. de homicidii suspicione  
P. Sestio: sed & de vindiciis contra leges datis Ap.  
Claudio. Liu. III, 56. de repetundis C. Lucretio,  
Liu. XLIII, 8. de perduellione C. Claudio, Liu.  
XLIII, 18. de peculatu M. Acilio Glabrioni, Liu. XXXVI, 1,  
54. P. & L. Scipionibus, Liu. XXXVIII, 50. L. Po-  
stumio Liu. XXV, 3. de puero ad stuprum pellecto  
C. Scantinio, Valer. Max. VI, 1. 6. de vi armata Mi-  
lioni. Ascon. Paedian. in Cicer. *pro Milone p. 1315.*  
*sequ.* (u)

riatis multo post a Ser. Tullio, Rege inuentis. Exactis autem Regibus, quum iam Seruius centuriata, & postea tribuni plebis etiam tributa inuenissent comitia: non curiatim amplius, sed vel per centurias, vel per tribus de criminibus ciuium Romanorum iudicari coepit. Centuriatis eam potestatem dederat P. Valer. Poplicola cos. qui lata lege sanxerat, vt a consulum sententiis prouocatio esset ad populum. Liu. *Hist.* II, 8. Quae lex deinde etiam inter sacratas repetita confirmataque est. Cic. *pro Sext.* XXX. Inualuit ex eo tempore, vt de multa ciuium Romanorum in comitiis tributis: (u) de capite eorundem non nisi centuriatis, ageretur. Cic. *de Legib.* III, 4. & 19. Quam legem Valeriam iterum retulit C. Gracchus anno Dccxxx. Cic. *pro Rabir.*

XXXVI. In tributis comitiis diem reis dicere solebant magistratus minores, veluti aediles curules, tribuni plebis & aediles plebis. Sic T. Menenius, Ap. Claudius, Sp. Seruilius. C. Sempronius alique iudicio oppugnati sunt a tribunis plebis. Liu. III. 52. 56. IV, 21. C. Scantio, tribuno plebis diem dixit M. Marcellus, aedilis curulis, quod filium suum de stupro adpellasset. Valer. Max. VI. 1. 7. Veturio exconsuli idem negotium facessuit C. Alienus, aedilis pleb. Dionys. Hal. X. p. 673. Aliud exemplum C. Fundani & Tib. Sempronii, aedili-  
 Y 3

XXXVI.

An etiam  
in comitiis  
tributis?

(u) Attamen etiam de capite M. Coriolani in comitiis tributis actum esse, nemo ignorat, Liu. I, 35. Verum id nulla lege aut more per tumultum actum esse, recte obseruat Car. Sigon. *de iudic. Rom.* III, 5. p. 695.

(\*)

lium plebis, qui Claudiae diem dixere, exstat apud Gell. *Noct. Att.* X, 6. Centuriatis autem comitiis non minores illi magistratus, sed consules, praetores, nonnunquam tamen & quaestores alique magistratus minores agebant, nisi forte & illis a consulibus hoc extra ordinem concessum esse, dicamus. Vnde patet, cur T. Manlius in comitiis centuriatis accusarint tribuni plebis. Vid. Liu. XVI, 20.

XXXVII.

De quibus  
his iudi-  
ciis iudi-  
catum.

XXXVII. Dies vero non nisi priuatis dici poterat, vnde si consules, praetores, alique magistratus accusari deberent, expectandum erat, dum magistratu abiissent. Exempli T. Menenii, Sp. Seruili, Ap. Claudii, C. Sempromii iam supra vidimus. Verumtamen contigit nonnunquam, vt extra ordinem etiam, qui nondum magistratu abiissent, deferrentur ad populum. Ita dies dictus est Scantinio, tribuno plebis, Valer. Max. VI, 1. 7. L. Flacco, Aedili curuli, Cic. *pro Flacco* Claudio & Graccho censoribus, Liu. XLIII, 16. vt alia exempla praetermittamus.

XXXVIII.

Quid fue-  
rit diei di-  
ctio?

XXXVIII. Ceterum vt iudicia publica ab accusatione, ita haec populi a DIEI DICTIO-NE incipiebant. Magistratus enim conscendens rostra, aduocata concione, hoc vel illo die se hunc ciuem de hoc crimine accusaturum, pronuntiabat, iubens simul. vt eo die reus adesset. Cuius rei hanc fuisse formulam existimat Sigonius *de indic.* III, 7. p. 697. AP. CLAVDI, HVC AD ME NONIS SEPTEMB. ADESTO, VT TE ACCVSARI AVDIAS. QVOD VINDICIAS CONTRA LIBER-  
TA-



**TATEM DEDERIS.** Dicta die, aut vades dandi erant in iudicio capitali, aut ubi de multa agebatur, praedes, qui reum obiturum hoc iudicium sponderent. Nisi id factum esset, hic in custodia habebatur. Exemplum Caesonis, qui vades dare iussus est, est apud Liu. III, 13. & M. Postumii apud eundem Liu. XXV, 4. De praedibus, quos dare L. Scipio non potuit, ideoque in carcerem abductus est, videndus Gell. *Noct. Att. VII, 19.*

XXXIX.

Citatio,  
excusatio,  
contumacia rei.

**XXXIX.** Veniente, qui dictus erat die, magistratus, iterum conscensis rostris, reum per praeconem citabat. Liu. XXXVIII, § 1. Suet. *Tiber. XI.* Citatione vero illa facta, vel magistratus maior intercedebat, vel reus absens excusabatur, vel auspicia dirimebant comitia, vel denique criminis conscientia reus aberat. Saepe, ne accusatio fieret, intercedebant magistratus, quemadmodum verbi causa Tribunos plebis pro Scipionibus intercessisse, patet ex Liu. XXXVIII, 60. Gell. *Noct. Att. VII, 19.* Saepe reus vel morbo decumbebat, vel funere curando occupabatur, vel denique voluntarium eligebat exilium, & tunc **EXCVSARI** dicebatur. Exempla sunt apud Liu. III, 13. XXXVIII, 52. *Cic. pro Rabir. III.* Saepe auspicia diem iudicii tollebant, & tunc simul causa iudiciumque sublatum videbatur. Sic P. Clodius imbre subito coorto; alius vero nescio quis, observato de coelo vitio, liberatus est. Liu. XL, 42. Sin contumacia conscientiaque criminis sese haut sisteret reus: statim ei pro arbitrio magistratus poena irrogabatur.



XL. Accu-  
satio ter  
repeten-  
da.

XL. Vbi vero se stiterat reus, (u) sequebatur ACCVSATIO, quae intermissis diebus ter erat repetenda. Nihil haec accusatio ab illa in iudiciis publicis differebat. Afferebat accusator certum crimen, idque testibus, tabulis aliisque argumentis probabat. Sigon. *de iudic.* III, 9. Addebat tamen in singulis accusationibus poenam vel mulctam, quam pro arbitrio dicebat, eaque ANQVISITIO adpellabatur cuius haec fuit formula: QVANDO IGITVR HAEC, QVAE DIXI, FECISTI, OB EAS RES EGO MVLCTAM TIBI DICO. Idem III, 10. Saepe tamen contigit, vt poena prima accusatione dicta, altera tertiae vel mitigaretur, vel exasperaretur. Sic in caussa Cn. Fulvia Sempronio, tribuno plebis, initio pecunia, tertia vero accusatione capite anquisitum est. Liu. XXVI, 3.

XLI. Pro-  
mulgata  
rogatio.

XLI. Perfecta tertium accusatione, idem, qui diem dixerat magistratus, rogationem scriptam promulgabat, in qua & crimen, & poena mulctae comprehendebatur. (x) Ea rogatio promulgata manebat per trinas nundinas, non secus ac leges, vt populus vel plebs, adprobandane, an abroganda esset, secum posset accuratius deliberare. Haec autem promulgatio MVL-

(\*) Abiectus ille solebat sub rostris stare multisque adolescentum plebisque conuiciis vexari. Vnde Gracchus, tribunus plebis, negabat se passurum, vt causam diceret P. Scipio. Tantum enim virum *sub rostris stare, & praebere aures adolescentum conuiciis, populo Rom. magis deformis, quam ipsi esse* Liu. xxxviii, 52.

(x) Neque enim permittebant leges, vt poena cum mulcta coniungeretur. Cic. *pro domo* XVII. (y)

MVLCTAE POENAEVE IRROGATIO;  
iudicium vero populi de illa MVLCTAE  
POENAEVE CERTATIO dicebatur. Cic. *de*  
*Leg. III, 3. Quum magistratus iudicasset*, IRRO-  
GASSITVE: *per populum* MVLCTAE POE-  
NAEVE CERTATIO *esto*.

XLII. Ter tiis nundinis accusator denuo in XLII. Rei  
rostra conscendit, citatoque rursus reo, quar- defensio.

tam accusationem instituit, eaque perfecta, po-  
testatem reo fecit caussam dicendi. Tum vero  
aut ipse reus, aut pro eo patronus luculenta  
oratione non modo crimen diluit, verum et-  
iam virtutes rei commendauit, nihilque, quod  
populum vel plebem ad misericordiam flecte-  
re posse videretur, praetermissit. Exemplo  
est Scipio, qui iussus dicere caussam, sine vlla  
criminum mentione, orationem magnificam  
de rebus a se gestis exorsus est Liu. XXXVIII.  
51. Addenda est Ciceronis *Oratio pro C. Rabi-*  
*rio*, perduellionis reo, ex qua, quae defensio-  
num eiusmodi fuerit ratio, satis elucet. Cete-  
rum, audita illa defensione, in certam diem co-  
mitia vel tributa vel centuriata indicebantur,  
(y) quibus plebs vel populus de caussa ferret  
suffragium.

XLIII. Interea rei varia sibi circumspicie- XLIII. Au-  
bant praesidia. Modo enim cum tribunis age- xilia reo-  
bant, vt intercederent: Gell. *Noct. Att. VII, 19.* rum.

modo augures clam permouebant, vt tristi qua-  
dam

Y 5

(y) Tributa comitia ipsi indicebant tribuni plebis:  
centuriata magistratus maiores. Si ergo tribuni ple-  
bis capite anquirerent, centuriata comitia a praetore  
postulare consueuerunt. Liu. XLIII, 16. (z)

dam obnuntiatione dirimerent comitia : Liu. XL, 42. modo ab ipso accusatore, vt diem produceret, inceptoque desisteret, impetrabant. Sigon. *de Iudic.* III, 13. Si nihil horum procederet : solum reliquum erat populare auxilium. Hinc ipso comitiorum die sordidati ac barba capilloque submisso prodibant cum propinquis clientibus & amicis, & singulorum ciuium amplexi genua, rogando prensandoque efficiebant, vt absolvere suo suffragio se dignarentur. Idem faciebant cognati, amici, clientes. Vid. Liu. VI, 20. XLIII, 16. Appius Claudius tamen, vt id faceret, adduci non potuit. Liu. III, 61.

XLIV. Populi vel plebis suffragia.

XLIV. Adpetente ipso comitiorum die, vbi vel populus in campum Martium, vel plebs in comitium confluxerat, magistratus, qui diem dixerat, denuo reum per praeconem euocabat. Tacentem & iudicio se subtrahentem per cornicinem ante aedes & in arce citabat. Varro *de Lingua Lat.* V, 2. p. 44. Vbi ne sic quidem suidabat copiam : statim ei sciscebatur exsilium. Exemplum Postumii est apud Liu. XXV, 4. Aliud Fuluii apud eundem XXVI, 3. Praesente vero reo, magistratus populum vel plebem in centurias tribusue discedere, & per scribam recitari iussit. ROGATIONEM, veluti: ROGO VOS, VELITIS IVBEATIS NE, VT M. TVLLIO AQVA ET IGNI INTERDICTVR, QVOD FALSVM SC. RETVLERIT, QVOD CIVES ROMANOS INDICTA CAVSSA NECANDOS CVRARIT? Cic. *pro domo* XVIII. XIX. Eo facto populus vel plebs



plebs mittebatur in suffragia, ita, vt singulae centuriae vel tribus per pontes in septa transirent, & ad pontes tabellas, sententiam suam complexas, custodibus darent. Qui reum condemnatum volebant: tabulam reddebant, cui inscriptum V. R. id est *vti rogas*. Qui absolutum malebant: alteram, in qua erat A. id est *antiquo*. Denique diremptio numeratioque fiebat suffragiorum, eodem modo, quem supra inter legislationis ritus descripsimus: & tunc, quod plures sciuiſſent centuriae vel tribus, ratum habebatur, statimque vel multa vel poena a reo exigebatur, vel absolutum illum esse, pronuntiabatur. Liu. XLIII, 18. Cic. *pro Domo XXX*.

XLV. Et haec quidem fuit iudiciorum publicorum populique ratio. Iam nihil superest quam vt leges de iudiciis publicis, quas Imperator hoc titulo explicauit, ex antiquitatibus illustremus, quamuis id non perfunctorie iam factum sit a Car. Sigonio *de Iudic. II, 16. sequ.*

XLVI. Maximum crimen, quod a ciue Romano admitti poterat, erat MAIESTATIS, quo nomine veniebat; quidquid aduersus populum Romanum aut securitatem eius commissum fuerat: Vlpian. L. 1. §. 1. D. ad Leg. Iul. Maies. aut vt Cicero de Orat. II, 39. describit: *Maestas est amplitudo ac dignitas ciuitatis. Is eam minuit, qui exercitum hostibus populi Romani tradidit. Et Partit. Orat. xxx, Maestas est in imperiis atque in omni populi Romani dignitate, quam minuit is, qui per vim multitudinis rem ad seditionem vocauit. Auctor ad Herem. II, 12. Maestatem is minuit, qui ea tollit, ex quibus rebus ciuitatis*

XLV. Le-  
ges de iu-  
diciis pu-  
blicis.

XLVI. Crimen  
laesae ma-  
iestatis.



uitatis amplitudo constat. Et paullo post: *Maie-  
statem minuit, qui amplitudinem ciuitatis detrimen-  
to adficit.* Quaecumque ergo aut populo aut  
magistratibus directo factae erant iniuriae  
quaeque vel dignitatem vel securitatem popu-  
li Romani laedere videbantur: ea ad maiestatis  
crimen pertinebant.

XLVII.  
Leges va-  
riae de  
maiestate.

XLVII. Primam de maiestate legem ipse  
Romulus tulisse videtur, quippe qui, teste Dio-  
nys. Halic. *Antiqu. 11. p. 84.* proditores tam-  
quam Diti consecratos a quocumque occidi  
permisit. Postea & in XII. Tabulis cautum  
est, vt si quis in vrbe coetus nocturnos agita-  
set, capite plecteretur, Porc. Latro. *Declam. adu.*  
*Catilin. cap. XIX.* in iisdem tabulis lex exstabat:  
QVI HOSTEM CONCITAUERIT, QVI-  
VE CIVEM HOSTI TRADIDERIT, CA-  
PITE PVNITOR. L. 3. D. ad L. Iul. maiest. Et  
inde factum videtur, vt postea inter crimen *ma-  
iestatis & perduellionis* distingueretur. (2) Paullo  
post

(2) *Perduellis* veteribus erat hostis. Varro de Lingua  
Lat. IV, 1. p. 32. Fest. voce *hostis* p. 297. L. 234. D. de  
V. S. *Duellum* enim idem priscis ac bellum. Per ve-  
ro habet significationum intendendi Menag. *Amoen.*  
*iur. p. 322.* Hinc per duellionis crimen admisisse di-  
cebatur, qui erat hostili in rempublicam animo, L.  
vlt. D. ad L. Iul. maiest. quales erant Iunii, Vitellii. A-  
quillii, in quos animaduertit Brutus. Liu. II, 3. 4. 5.  
Quamuis paullo latius antiquis acceptum videatur  
perduellionis vocabulum, ita vt omnia atrociora cri-  
mina contra ciuium libertatem securitatemque publi-  
cam admissa denotaret, vt patet exemplo P. Horatii  
apud Liu. I, 26. Si quis non quidem hostilem ani-  
mum aduersus rempublicam ostenderat, sed tamen  
aut securitatem aut dignitatem populi magistratuum-  
ue laelisse dicebatur, is maiestatis erat reus. (\*)

post lata lex *Gabinia*, incertae quidem aetatis (a) sed satis tamen, ut videtur, antiqua, qua cautum est, ut qui coitiones vllas clandestinas in vrbe conflauisset, more maiorum capitali supplicio mulctaretur. Porc. Latro l. c. Ex quo patet, Gabinium illum quicumque fuerit, ea, quae Leges XII. Tabularum de coetibus nocturnis statuerant, ad quoscumque alios adeoque etiam diurnos transtulisse. Accessit postea A. V. C. Ioclii. C. Mario quintum consule *Lex Appuleia*, rogata a L. Appuleio Saturnino, tribuno plebis seditiosissimo ut vis in vrbe facta seditioque vindicaretur aduersus C. Norbanum quaestorem Cic. de Orat. II, 49. Eodem exemplo A. V. C. Ioclxii. Q. Varius Sucronae in Africa natus & inde Ibris dictus trib. pleb. tulit *Legem Variam*, qua quaeri iubebatur; quorum dolo malo focii ad arma ire coacti essent. Valer. Max. VIII, 6, 4. III, 7, 8. Conf Appian. de bello cin. I, p. 632. edit Toll. qui historiam omnem huius legis adcurate persequitur. In eo tamen errat, quod pro Vario, legis auctorem finxit Valerium, quamuis id etiam Schiltero visum sit. Conf. & Ascon. Paedian. in Cic. pro Scauro. p. 1752.

XLVIII. Sed multo seuerior illis antiquioribus fuit lex CORNELIA, non multis post annis

XLVIII.  
Lex Cornelia de eadem.

(a) An idem forte Gabinius hanc legem tulit, qui & tabellariae fuit auctor, quique A. V. C. Iocxiv. Cn. Calpurnio Pisone & M. Popilio Laenate Coss. tribunatum gessit? Ita visum coniunctissimo Gundlingio in diff. de crimine maiest. I, 6, p. 6. Sed id quidem diuinare quam adfirmare licebit facilius. (b)

annis lata a L. Sulla Dictatore, qua ad Caesaris  
vsque aetatem vsus est populus Romanus. Hu-  
ius legis haec capita collegit Carol. Sigon. *de*  
*Iudic. II, 29.*

PRAETOR, QVI EX HAC LEGE  
QVAERET, DE EO QVAERITO, QVI  
INTERCESSIONEM SVSTVLERIT,  
AVT MAGISTRATVI, QVO MINVS  
MVNERE SVO FVNGATVR, IMPE-  
DIMENTO FVERIT, QVI EXERCITI-  
VM E PROVINCIA EDVXERIT,  
AVT SVA SPONTE BELLVM GESSE-  
RIT. QVI EXERCITVM SOLLICITA-  
VERIT, QVI DVCIBVS HOSTIVM  
CAPTIS IGNOVERIT. QVI POTESTA-  
TEM SVAM IN ADMINISTRANDO  
NON DEFENDERIT. QVI CIVIS  
ROMANVS APVD REGEM EXTER-  
NVN VERSATVS FVERIT.

MVLIERIS TESTIMONIVM ACCIPIA-  
TVR. (b)

CALVMNIATORIBVS NVLLA POE-  
NA SIT.

HIS DAMNATIS POENA AQVAE ET  
IGNIS INTERDICTIO SIT.

Sed vereor, vt omnia huius legis capita viderit  
Sigo-

(b) Addi debuisset, & feruorum. Nam & horum ad-  
missum esse testimonium. constat ex Sallust. *de bello*  
*Caril. XXX.* Vid. Gundl. *de lege maiest. I. 13.* Lauda-  
biles tamen principes feruorum testimonium raro  
admisserunt: veluti Traianus teste Plin. *paneg. XLII.*  
Nerua, teste Dione Cass. *LXVIII. p. 769.* Tacitus Imp.  
teste Vopisco *in vita Tac. IX.* Conf. Ezech. Span-  
hem. *ad Iulian. Orat. I, p. 222.* (c)



Sigonius. Nihil enim hic de quaestionibus & torturis, de quibus statuerat SVLLA, vt ab iis nulla dignitas exciperetur. Ammian. Marcellin. *Hist. XIX, 12.* conf. *L. 10. §. 1. D. de quaest.* Tale quid postea etiam sanxere Valentin. Valens & Gratianus imperatores *L. 1. C. Theod. de quaest. L. 4. C. ad Leg. Iul. maiest.*

XLIX. Sequuta est lex *Iulia* maiestatis prior, XLIX.  
lata a C. Iulio Caesare, qua vt maiestatis da- Lex Iulia  
mnatis aqua & igni interdiceretur, cautum fue- de eadem.  
rat, teste Cicerone *Philipp, I, 5.* Ad extremum successit *lex Iulia* posterior, quam Augustus tulerat, cuiusque pleraque capita etiamnum exstant in fragmentis iureconsultorum in *titulo D. ad L. Iul. maiest.* Omnes hic lege maiestatis rei pronunciantur, qui quidquam vel contra rempublicam vel aduersus principem admiserant; siue facto siue libello famoso fecissent iniuriam. Et vt tanto maior esset reorum copia, etiam famosi & milites & serui & liberti ad accusandum admittebantur. Conuicti porro ex hac lege, si perduellionis rei essent, capitis damnabantur: (c) ex alia causa mitius puniebantur. Sin in reatu decessissent, nec a successoribus purgarentur, bona fisco vindicabantur. Eam legem licet satis seueram postea tamen Tiberius asperiores reddidit, & ad ipsa dicta, quae impunia antea erant, protulit. (d) Tacit. *Annal. I, 72.*  
Im-

(c) Interdicebatur eis aqua & igne, teste Paulo *Recept. Sent. V. 29. 1.* Sic deportatorum ob hoc crimen etiam meminit Iul. Capitolin. *Vit. Pertinac. VI.*

(d) Initio Augustus specie huius legis de libellis famosis quae-



Imo sub eodem hoc genus calumniae eo procellerat, ut capitale esset, circa Augusti simulacrum seruum cecidisse, vestem mutasse, numo vel annulo impressam Principis effigiem latrinae aut lupanari intulisse, dicto villo, factoque eius existimationem laesisse. Periiit denique & is qui honores in colonia sua eodem die decerni sibi passus erat, quo decreti & Augusto olim erant Sueton. *Tiber. LIII.* Immo nec poena ab Augusto statuta satis magna visa est immitioribus principibus. Vnde de sua aetate Paullus *Recept. Sent. I, 29, 1.* *Nunc humiliores bestiis obiciuntur, vel vini excuruntur; honestiores capite puniuntur.*

L. Nouae  
de maie-  
state leges.

L. Postremo Arcadius & Honorius Augusti incredibili Rufini & Eutropii moti tyrannide, quam in ipsos principes adfectauerant, Maiestatis legem non solum ad factiones ipsumque conatum protulerunt, sed & poenam quam maxime exacerbarunt. Praeterquam enim quod maiestatis reos gladio feriri iusserunt, etiam bona adiudicarunt fisco, (e) & filios a materna, auita, omniumque proximorum heredita-

quaesuerat, postea id per interpretationem ad dicta tractum, ut praeclare docet Io. Fr. Gronou. ad Tacit. *Annal. I, 72.*

(e) Fecerunt id Imperatores D. Marci Imp. exemplo, qui Drunciani Senatoris, & Cassiani furoris socii, bona post mortem fisco vindicauerat, si vera scripsit Paulus *L. 7. C. ad L. Iul. de maiest.* (Nam Iul. Capitolinus in vita Marci. & Vo. Gallic. in vita Auidii Cassii id factum esse negant.) Postea idem constituerunt Seuerus & Antoninus, teste Marciano *L. 8. pr. C. cod.* Adde tamen Cuiac. *Obs. II, 19.* (f)

ditate excluderunt, neque quidquam eos ex testamento extraneorum capere passi sunt, ut eos perpetuo egentes & pauperes infamia paterna semper comitaretur, essentque tales, ut iis & mors solatium, & vita esset supplicium. Sic poena paterna & in liberos adundat, quod alioquin a principiis iuris alienum & barbaris proprium est, quos ob crimina non modo liberos sed & omnem familiam supplicio adfecisse erudite docet Em. Merill. *Obs. IV, 3.* Omnia haec pluribus inculcat *L. quisquis. 5. C. ad L. lul. de Maiest.* in quam luculentus exstat commentarius Iacobi Gothofredi, editus *Genevae c1614. in 40.* Ceterum id observandum, perduelles aequae, ac hostes lugeri more maiorum non debuisse. *L. 11. §. 1. D. de his qui not. infam. L. 35. D. de relig. & sumt. fun.* Origo huius moris est apud Liu I, 20. Exemplum eiusdem apud Sueton. *in vita Tib. cap. LXI.* Conf. Merill. *Obs. Lib. VII, 32.*

LI. Proximum est crimen ADULTERII LI. Lex  
Iulia de  
adulterio.  
quod primus vindicandum publicis iudiciis existimavit Augustus, (f) qui quum diffluentem luxu ciuitatem Romanam & ad omnem  
Z stupro.

(f) Quae fuerit poena adulterii ante legem Iuliam, vix constat. Solebant olim ipsi viri ex consilio propinquorum in adulteras animaduertere, ut patet ex Dionys. Halic. *Ant. Rom. II p. 95.* Quod ius diu mansit, adeo ut & Tiberius mulierum impudicarum coercionem propinquis ac necessariis demandaret, si accusator publicus deesset. Suet. *Tiber. XXXV.* Adulteri domi deprehensi fere castrari solebant Langl. *Or. Semestr. VIII, 7.* Hinc Plaut. *Curcul. 1, 1. v. 88.*

(II.)

stuprorum adulteriorumque licentiam proiec-  
tam cerneret, coercendi huius mali causa se-  
uerissimam de adulteriis & stupris legem tulit.  
*L. 1. D. de adult. Suet. August. XXXIV.* Vnde  
Horatius *Carm. IV, 5.* hanc Augusti providen-  
tiam ita celebrat :

*Nullis polluitur casta domus stupris :*

*Mos & lex maculosum edomuit nefas.*

*Laudantur simili prole puerperae.*

*Culpam poena premit comes.*

Plura fuerunt huius legis capita, quae singula-  
ri, eoque pererudito commentario collegit  
Barn. Brissonus, sed non exacto tamen satis or-  
dine. Multa enim legis capita ordini suo re-  
stituere potuisset, si vidisset Paulli Recept. Sent.  
auctiores, quales exhibet Schultingius. *Libro II.*  
*tit. 26.* Primo capite variis legibus derogauerat  
Augustus. Secundo permiserat patri tam  
adoptiuo, quam naturali adulterum cum filia  
cuiuscumque dignitatis domi suae vel generi,  
deprehensum, sua manu occidere. Paull. *Rec.*  
*Sent. II, 20, 1. & Collat. Leg. Mos. & Rom. IV, 2.*  
Quinto capite cautum fuerat, ut adulterum de-  
prehensum viginti horas, attestando vicinos,  
retine-

*Isa tuum conferto amare semper. si sapias.*

*Ne id quod amas populus si sciat sit tibi probro.*

*Semper curato, ne sis INTESTABILIS,*

*Quod amas, amato testibus praesentibus.*

Huiusmodi poenam Chaeriae adolescentulo immine-  
re fingit ancilla apud Terent. *Eun. V, 4.* & militem  
gloriosum, Pyrgopolinicen eodem supplicio territat  
Periplectomenes apud Plaut. *Mil. Glorios. act. V. v. 2.*  
& seqq.



retinere liceret. (g) Paull. *Recept. Sent. II*, 26, 3.

Reliqua capita ex Briffonio petenda. Id modo hic quaeritur, qua poena vindicatum fuerit adulterium? Tribonianus §. 4. *Inst. h. t.*, temeratores alienarum nuptiarum gladio ex hac lege puniri ait, non secus ac eos, qui cum masculis nefandam libidinem exercent. Stupri vero flagitium, si personae honestae sint, publicatione dimidiae partis bonorum; sin humiles, corporis coercitione cum relegatione vindicari. Sed rationem hic fugere Tribonianum, iam dudum animaduerterunt eruditi, Iac. Cuiac.

*Obs. XX. 8. XXI, 17.* Barn. Briffon. *ad Leg. Iul. de Adult. p. 91.* Wissenbach. *ad Instit. Disp. LIII, 30. & ad Pandect. Part. II, Disp. XXXIV, 19.* Et certè capitalem non fuisse adulterii poenam, vel ex eo adparet, quod adulterii damnatas eadem lex vxores duci & in testimonium citari vetet. L. 29. §. 1. *D. de adult. L. 9. C. eod. L. 18. D. de testib.* Quod certe perabsurdum fuisset cauere, si huius criminis poena vitam ciuitatemque ademisset. (h) Vnde ita hoc caput, quod de poe-

Qua poena vindicatum sit adulterium?

Z 2

na

(g) Ipsa legitima huius capituli verba exstant L. 15, *D. ad L. Iul. de adulter.*

(h) Mireris ergo, Triboniani hunc errorem defendisse Viros doctissimos, veluti Marc. Lyrelama *Membr. II, 9.* & Schyvendoerferum *ad Ekholmum p. 1318.* Quamvis enim a Principibus immitioribus nonnunquam grauius animaduerteretur in adulteros, veluti ab Augusto apud Sueton. *Octav. III.* & Antonino Caracalla apud Dionem in *Excerptis Peiresc. p. 755. ed. Vales.* factum hoc tamen esse extra ordinem, & non ex lege hac Iulia, praeclare, vt solet, docuit Ger. Noodt. *Dissert. & Maxim. XV, p. 395.*

(i)



na egit. restituere maluit Barn. Briffonius: QVI STVPRVM ADVLTERIVM SCIENS DOLO MALO FECERIT, IN INSVLAM RELEGATOR. Sed nec hic quidem rem acu tetigisse videtur, eo, quod nondum integrae edita tum fuerant Paulli *Sententiae receptae* in quibus *Libro 11. Tit. 26. n. 12. sequ.* ita legimus: *Qui masculum liberum inuitum stuprauerit, capite punitur.*

(i) *Qui voluntate sua stuprum flagitiumue impurum patitur, dimidia parte bonorum suorum mulctatur, nec testamentum ex maiore parte facere licet. Adulterii conuictas mulieres dimidia parte dotis, & tertia parte bonorum, ac relegatione in insulam placuit coerceri. (k) Adulteris vero viris pari in insulam relegatione, dimidiam bonorum partem auferri, dummodo in diuersas insulas relegentur. (l) Incesti poenam, quae in viro in insulam deportatio est, mulieri placuit remitti, hactenus tamen, quatenus lege Iulia de adulteriis non apprehenditur. Ancillarum sane stuprum, nisi deteriores*

(i) Dubitant tamen eruditi, an prima haec particula ex lege Iulia fit. Vid. Pith. *ad Collat. Leg. Mos. & Rom. V, 2. p. m. 752.* Schulting. *ad Paull. l. c. p. 320.*

(k) Sic in insulam ab ipso Augusto relegatae Iuliae. Suet. *Octau. LXV.* Tacit. *Annal. III, 24.* Eamdem poenam sub Tiberio tulit Vistilia, Tacit. *Ann. 11. extrem.* Aliud exemplum est apud Plin, *Epist. VI. 31.* De dotis parte adulteris erepta Horatius *Serm. 1, 2. V, 127*

*Nec vereor, ne dum furuo, vir urbe recurrat.*

*Ianua frangetur, latret canis: undique magno*

*Pulsa domus strepitu resonet, vel pallida lecto*

*Desiliat mulier, miseram se, conscia clamat.*

*Cruentibus haec metuat, doti haec deprensa,*

(l) Vnde praeter legem fuit, quod adultero Manlio tantum Italia atque Africa interdictum. Tacit. *Annal. 11, 50.*

(m)

fiant, aut per eas ad dominam adfectet, citra noxam habetur. Quantius ergo pretii hic locus est, ex quo solo quippe discimus exacte, quatenam poena nefandae libidini, adulterio, incestui ac stupro lege Iulia, fuerit proposita.

LII. Quamquam autem legem Iuliam retulerit Domitianus (m) & mira nonnunquam severitatis exempla in adulteros statuerint sequentes Imperatores, inprimis Macrinus & Aurelianus: Iul. Capitolin. *Macr. XII. Vopisc. Aurel. VII.* nemo tamen ante Constantinum M. repertus est, qui adulterii crimen capitis poena vindicandum statuerit. Exstat eius constitutio L. 2. C. de adult. Postea Iustinianus capitalem poenam in masculis quidem probavit, mulierem vero verberibus caesam in monasterium detrudi iussit, data viro intra biennium potestate, eam, si vellet, inde reuocandi. Quo transacto aut viro praemortuo, habitu monastico eam amiciri, & per omnem vitam in monasterio manere praecepit. *Nouella CXXXIV, 10.*

LII. Re-  
cētiore  
de adulte-  
rio leges.

LIII. Tanta itaque severitate in adulteros adulterasque animaduvertebant Romani. Quid vero de meretricibus? Moribus Romanis impune erat quaestum corpore facere, dummodo

LIII.  
Quaestus  
meretri-  
cius impu-  
nis olim,  
si professio  
fieret a-  
pud aedi-  
les.

Z 3

cus.

(m) Quo pertinent illa Martialis *Epigr. VIII.*

*Iulia lex populis ex quo, Faustine, relaxata est*

*Atque intrare domos iussa pudicitia:*

*Aut minus, aut certe non plus vigesima lux est.*

Et Iuvenalis *Satyr. II.*

*Qualis erat nuper tragico pollutus adulter*

*Concubitu, qui tunc leges reuocarat amaras*

*Omnibus atque ipsi Marti Venerique timendas.*

(n)

eiusmodi mulieres nomina apud aediles (n) profiterentur. Ipsi enim huic turpitudinis professioni satis inesse poenae arbitrabantur. De *Vistilia Tacitus Annal. II, 85. Vistilia, praetoria familia genita, licentiam stupri apud aediles vulgauerat, MORE INTER VETERES RECEPTO, qui satis poenarum aduersus impudicas in ipsa professione flagitii credebant. Apud Reines. Inscr. Class. VII, 20. convicanis omnibus locum sepulturae praebere videmus, praeterquam iis. QVEI QVAESTVM SPVRCVM PROFESSI, id est lenonibus & meretricibus. Si qua ergo venalem haberet pudicitiam, quae quaestus illius turpitudinem professa haut fuerat, aedilium erat, illas deferre ad populum, multaue vel exilio coercere. Cuius rei exempla existant apud Livium X, & XXV.*

LIV. Ante professionem nomina mutabant & Togam sumebant.

LIV. Antequam vero hunc quaestum profiterentur, mulieres impudicae, plerumque mutabant nomina. Hinc non nemo apud Paut. *Poenul. V, 3. v. 19.*

*Quam huc aduenisti in ipso tempore.*

*Namque hodie earum MUTARENTVR NOMINA,*

*Facerentque indignum genere quaestum corpore. Quamvis ergo impune committeretur hoc vitium, infames tamen habebantur mulieres impudicae, ipsoque matronali habitu abstinere cogebantur. Hinc Suetonius Tiber. XXXV. ait,*

613

(n) Aedilium enim curae etiam fornices, popinas aliasque Veneris palaestras fuisse demandatas, luculenter ostendit Lips. *Exc. ad Tacit. Ann., IV, 85. p. 1175.*

(o)



*eas iure ac dignitate matronali exsolutas, & Vipianus L. 15. §. 15. D. de iniuriis vestem meretriciam matronali aequae ac ancillari opponit. Conf. Ter-tull. de cultu mulier. XII. Vestis vero illa mere-tricia erat toga (o) & vitta, quam posita instita sumebant non modo meretrices, verum etiam adulterii damnatae. Lips. Exc. ad Tacit. p. 1176. Briffon. Antiqu. Rom. I, 4. Hinc Iuuenal. Sat. II, v. 69.*

- - - Carfinia talem

Non sumet damnata TOGAM.

Horat. Sat. I, 2. v. 36.

- - - Quid inter -

Est in matrona, ancilla, peccesne TOGATA.

Martialis Epigr. II, 39.

Coccina famosae donas & ianthina moechae:

Vis dare, quae meruit, munera? mitte TO-  
GAM.

Idem I. 36.

Quis Floralia vestit, & STOLATVM

Permittit meretricibus pudorem?

Idem Epigr. VI, 64.

Sed patris ad speculum tonsus, matrisque TO-  
GATAE

Filius. - - -

LV. Gliscente vero malo, & feminis etiam LV. Pro-  
Z 4 illu-fessio illa

aliquando

(o) Antiquis tamen temporibus commune virorum inhibita. mulierumque vestimentum fuisse docet Nonius XIV, 27. & Ascon. Paedian. ad Verr. III. Toga inquit, communis habitus fuit & marium & feminarum, sed praetexta honestorum, toga viliorum, quod etiam circa mulieres servabatur. Add. P. Fab. Semeistr. I, 15. p. 72.

(\*)



illustribus quaestus illius toeditatem professis, senatusconsulto cauit Tiberius, *ne quaestum corpore faceret*, cuius pater aut maritus eques Romanus fuisset. Tacit. Ann. II. 8. Quin & feminas famosas, quae ad euitandas legum lularum poenas nomina apud aediles fuerant professae, exilio adfecit idem Imperator. Suet. Tiber. xxxv. Quare Papiniani etiam tempore mulier, quae euitandae poenae adulterii causa lenocium fecerat, adulterii acculari damnarique poterat ex SC. L. o. D. ad leg. Iul. de adult.

LVI. Po-  
stremis  
tempori-  
bus mere-  
tricius  
quaestus  
modo  
permisus  
modo  
prohibi-  
tus.

LVI Sunt etiam, qui insequentibus sub Imperatoribus meretrices etiam publicatione bonorum mulctatas existimant, idque colligunt ex verbis Paulli Recept. Sent. III, 4, 6. *Mulier, quae luxuriose vivit, bonis interdici potest.* Cuiac. ad Paull. l. c. Enimuero mulier luxuriose viuens non est meretrix, sed prodiga, quae furiosum rerum suarum facit exitum. Forner. Select. II. 5. Tantum ergo abest, ut acrioribus poenis in meretrices animaduenterint imperatores sequentes, ut potius sub illis denuo inualuerit lenonum meretricum & exoletorum vectigal, quamuis illud sacro aerario inferri vetuerit Alexander Severus. Lamprid. Alex. XXIV. Primus Tacitus Imperator pristina seueritate usus meritoria intra urbem stare vetuit. Vopisc. Tacit. XI. Hinc extra legum ciuiliu poenam fuit vita meretricia etiam sub Imperatoribus Christianis, quamuis ea ab infamia non fuerit immunis. (\*) L. 12. & 29. §. 1. C. ad Iul. de adult.

(\*) Nec magis poena manebat eos, qui cum meretrice rem habuerant. Terent. Eun. V, 4. v. 38. Quis

*dult. L. 13. §. 2. D. eod. L. 4. §. 2. D. de conduct. ob turp. caus.*

LVII; Tertium crimen quod publicis iudiciis vindicatum accepimus, est **HOMICIDIVM**. Illud tam detestandum visum est veteribus, ut parricidii nomine veniret. De Romulo Plutarchus. p. 32. ἰδὼν δὲ τὸ μηδεμίαν δίκην κατὰ πατροκτόνων ὀρίσαντα πᾶσαν ἀνθρώπου φοβίαν πατροκτονίαν προσεπέειν. *Singulare hoc est, quod qui poenam in eos, qui parentes necauerint, nullam sanxerit, quoduis homicidium PARRICIDII designaverit nomine.* Idem observat Festus voce *Parici quæstores*. p. 356. Vel Romulus ergo, vel, ut Festus mauult; Numa primus hanc tulerat legem: **SI QVIS LIBERVM HOMINEM SCIENS DOLO MALO MORTI DVIT, PARRICIDA ESTO.** Idem postea repetitum est in XII. Tabulis, in quibus etiam cautum fuerat: **QVI MALVM CARMEN INCANTASSIT, MALVM VENENVM FAXIT, DVITVE, PARRICIDA ESTO. QVI PARENTEM NECASSIT, CAPVT OBNVBITO CV-**  
**Z 5 LEO-**

LVII. Antiquae leges de homicidio & parricidio.

*Quis homo pro moechno unquam vidit in domo meretricia*

*Prehendi quemquam?*

*Et Plaut. Curc. 1, 1. v. 37.*

*Nemo hic prohibet. nec vetat,*

*Quin, quod palam est venale si argentum est, emas.*

*Nemo ire quemquam publica prohibet via,*

*Dumne per fundum septum facias semitam,*

*Dum te abstineas nupta, vidua, virgine,*

*Iuuentute, & pueris liberis, ama, quod libet.*

(p)

LEOQUE INSVTVS IN PROFLVENTEM MERGITOR. Iac. Gothofr. *Leg. XII. Tab. Tab. VII.* Et ex his legibus diu admodum quaestiones instituere Romani, Sic de sicariis quaesivit L. Tubulus Praetor apud Cicer. *de Finib. II, 16.* de caede facta in sylua Scantia P. Scipio & D. Brutus Coss. Cic. *Brut. XXII.* De veneficiis quoque quaesitum esse, patet ex Flori *Epit. Livii LXVIII*, qui & Publicium Malleolum interemta matre culleo esse infutum, eodem loco docet, quum antea damnato folliculo lupino os obuolutum & soleae lignae pedibus inductae, atque ita homo in carcerem ductus esset. Rem referunt Auct. ad Herenn. I, 13. Oros. V, 16.

LVIII. Lex  
Cornelia  
de sicariis.

LVIII. Postea A. V. C. DCCLXXI. L. Sulla Dictator celebrem illam legem Corneliam *de sicariis, veneficiis & parricidis* tulit. De his omnibus enim eadem lege fuisse actum, quamvis diuersis praetoribus sit demantata quaestio, non abs re suspicati sunt ὁ πάλιν Pithoeus *ad Collat. Leg. Mos. & Rom. I, 2.* Ant. Schulting. ad Paull. *Sent. Recept. V, 24. 1. p. 513.* Quaerebatur etiam ex hac lege de eius capite, qui hominem occidisset dolo malo, cuiusue dolo malo factum esset incendium, quiue furti faciundi causa cum telo ambulasset. (p) Paull. *Recept. Sent. V, 23. 1.* Cicer. *pro Milone IV.* Quaerebatur etiam ex eadem lege

(p) Olim scilicet non licebat cum telo ambulare intra urbem. Et huc respicit Plaut. *Aulul. III, 2. v. 2.*

EV. *Quia ad Tres viros iam ego deferam tuum nomen.* CON. *Quamobrem?*

EV.



lege de eius capite, qui venenum necandi hominis causa fecerit, vendiderit, emerit, habuerit, quive, quum magistratus esset vel senator, coierit, conuenerit, consenserit, quo quis falsum iudicium profiteretur, ut quis innocens iudicio publico condemnaretur, quive testimonium dolo malo dixerit, quo quis publico iudicio rei capitalis damnaretur, quive magistratus iudexve quaestoris ob capitalem causam pecuniam acceperit, ut publica lege reus fieret. Quae capita huius legis nobis seruarunt Cicero *pro Cluent.* LIV. Paull. *Rec. Sent. V, 23. l. Marcian. L. 3. pr. D. ad L. Corn. de sicar.* Accessit & SC. ut qui mala sacrificia fecisset, eius legis poena teneretur. L. 13. D. *ad leg. Corn. de sicar. Mala sacrificia* alias sunt *impia sacra* Paull. *Sent. Recept. V, 13. dirae precatones* Plinio *Hist. Nat. 11, 28. carmina & deuotiones*, quibus creditur, animas manibus inferis sacrificari, Tacito *Annal. 11, 69. Conf. Merrill. Obs. Lib. VIII. cap. IV.* Poena hisce omnibus inflicta non deportatio tunc nondum reperta, ut scribit Paullus *l. c.* sed aquae & ignis interdictio, ceu recte in eum locum animaduertit Iac. Cuiacius. Aliquando etiam ex bonis homicidae aliquid additum esse defuncti parentibus vel liberis, docet Cuiac. *Obs. XIV, 4.* LIX.

EV. *Quia cultrum habes.* CON. *Cocum decer.* Inde, qui cum fica aliove telo ambulabant, dicti sunt *sicarii* quod hominum genus describit Iosephus *Antiquit. Iud. XX, 7.* Adde Briffon. *Anciqu. Selectar. II, 11.* Quod vocabulum deinde ad omnes homicidas translatus, unde & haec lex Cornelia dicta de *sicariis* Conf. Quinctilian. *Instit. Orat. X, 1,*



LIX. Vt &  
de parricidio.

LIX. Alio eiusdem legis capite actum videtur de parricidio. Sane enim ipso viuentem Sulla, M. Fannius praetor idem de ficariis & de parricidis quaesivit. Hic vero veterem poenam retinuit Sulla, nihilque, ut videtur, addidit, praeterquam quod parricidii poenam ad alios quosdam cognationis gradus protulit. Cullei sane, cui insuti parricidae, etiam post Sullae legem meminit Cic. *pro S. Rosc. Amer.* XXV.

LX. Lex  
Pompeia  
de parricidio.

LX. Postea & Cn. Pompeius consul *legem Pompeiam* tulit de parricidiis, qua parricidii poenam protulit etiam ad eos, qui fratrem, sororem, patruelem, matruelem, patruum, auunculum, amitam, materteram, consobrinum, consobrinam, uxorem, virum, generum, socrum, vitricum, nouercam, priuignum, priuignam, patronum, patronam, dolo malo occiderint, quiue conscii fuerint illius criminis, vel illud attentarint, ut in matrem, (q) quae filium nepotemue interemerit. L. I. D. ad L. Pomp. de parric. Ad poenam quod attinet, eam plane cum poena legis Corneliae de ficariis conuenire putant Cuiac. ad Paull. Rec. Sent. V, 24. 1. & Gothofredus ad L. vn. C. Theod. de parricid. Sed deceptos illos esse male intellecta lege I. D. ad L. Pomp. de parricidiis, facile adparet. Sane enim post

(q) Patri enim vi potestatis in liberos competeat ius vitae & necis, adeoque is parricidii poena haud tenebatur si vel filium vel nepotem in potestate constitutum occidisset. L. II. D. de liber. & postum. Adde Auctor. Collat. Leg. Moys. & Rom. l. V. 7. 2.

post legem Pompeiam culleo infutos esse par-  
ricidas, discimus ex Sueton. *Octau. XXIII.* Se-  
neca de *Clement. l. 15. & 23.* & Iuven. *Satyrā VIII.*  
v. 214. *XIII. v. 153.* Constat vero, poenam  
Pompeia lege propositam in eo constituisse,  
quod confessus, se parentis aut cognati, aut  
omnino adfinitatis eius, quae nuncupatione  
parentum continetur, fata properasse, virgis  
sanguineis verberatus deinde culleo insueretur  
cum cane, gallo gallinaceo, vipera & simia,  
deinde in mare profundum iactaretur: sin au-  
tem quis alia cognatione vel adfinitate iunctas  
personas necasse se fateretur: poenam legis  
Corneliae de sicariis sustineret. (r) §. 6. *Inst.*  
*b. t.*

LXI. Multa tamen in his omnibus immu- LXI. Le-  
tarunt posterī. Inualuerat enim imperatorum ges recen-  
aeuo, vt homicidia & veneficia in magistrati- tiores de  
bus deportatione; in aliis honestioribus poe- homicidio  
na capitis; in humilioribus denique cruce vel & parrici-  
dio.  
bestiis vindicarentur. Qui in honore aliquo  
erant positi, veluti magistratus, principales ci-  
uitatis

(r) Inde facile patet, cur *L. 1. D. ad L. Pomp. de parricid.*  
eadem esse dicatur poena L. Pompeiae de parricidis,  
& legis Corneliae de sicariis, intelligendum id enim  
est de iis, qui remotiores cognatos vel adfines occi-  
derint. Vnde non opus est emendatione V. C. Ger.  
Noodtii, qui *Probab. l. 11.* in prima illa lege pro *legis*  
*Corneliae de sicariis* rescribendum putat *legis Corne-*  
*liae de parricidiis.* Quin quum lex Cornelia de sica-  
riis etiam parricidas persequuta sit, & vti paullo an-  
te §. LIX. diximus veterem cullei poenam retinuerit:  
recte sane & hoc sensu dici potuit, eandem vtraque  
lege poenam parricidis esse propositam.

uitatis, decuriones, deportabantur; *L. 16. D. ad L. Corn. de fícar.* eaque de re exstant rescripta Hadriani *L. 15. D. de poen. & diuorum fratrum L. 6. §. 2. de interd. & releg.* Exemplum est apud Lucian. in *Toxaride* p. 612. T. 1. vbi eiusmodi homicida deportatus esse dicitur decreto Imperatoris. Qui nullo erant honore conspicui, capitis damnabantur: *L. 16. D. ad L. Corn. de fícar.* eoque pertinent, quae de honestiorum poena refert Paullus *Recept. Sent. V, 23. 1.* In crucem tollebantur homines infimae sortis, maxime, qui latrociniiis dederant operam. Petron. *Satyr. p. 94.* Seneca *Epist. VII. L. 28. §. 15. D. de poen.* vbi Tribonianus, abrogato iam a Constantino inter Christianos crucis supplicio, Sozom. *Hist. Eccl. I, 8.* furcam pro cruce posuit, quod & alibi eum fecisse, notant Iac. Raeuard. *Comed. an. I, 16.* & Ant. Schulting. *Iurisprud. antiqu. Anteiustin. p. 506.* Alii ex faece hominum, qui caedem commiserant, bestiis obiciebantur Paull. *l. c.* vnde insignioribus homicidis vulgo poscebantur leones, teste Tertull. *de Spectac. XXII.*

LXII.

Quis cul-  
leum  
abrogarit?

LXII. Culleum parricidiis destinatum primus abrogauit Hadrianus. *L. 9. D. ad leg. Pomp. de parricid.* quamuis & post eius constitutionem, ceu ex eadem lege adparet, cullei supplicium in usu maneret in locis maritimis. Postea tamen viuicomburium & ad bestias damnatio inualuit. Vnde de sua aetate Paullus *Recept. Sent. V, 24, 1.* *Hodie tamen parricidae viui exuruntur, vel ad bestias dantur.*

LXIII. Lex  
Cornelia  
de falsis  
testamen-  
taria.

LXIII. Proximum est crimen FALSI, quod & ipsum publico iudicio vindicatum est. E-  
quidem



quidem iam antiquissimis temporibus de falso existisse leges, nemo dubitauerit. Sed earum iam pridem periit memoria. Celeberrima est lex Cornelia de falsis, quam *testamentariam & numariam* vocat Cicero *Verr. l. 42.* qui & addit, *ea non ius aliquod nouum constitutum esse populo, sed sancitum, ut quod semper malum facinus fuerit, eius quaestio ad praetorem pertineret ex certo tempore.*

Quaerebatur ex hac lege primo de eius capite, qui testamentum amouerit, celauerit, eripuerit, deleuerit, interleuerit, subiecerit, resignauerit, quique testamentum falsum scripserit, signauerit dolo malo, cuiusue dolo malo id factum fuerit, quique sibi legatum fideicommissumue adscripserit, quibus omnibus aqua & igni ex hac lege interdicebatur. Vid. Paull. *Recept. Sent. V, 26.*

1. Tale falsum frequentissimum erat Romae. In signatores testamentorum falsorum grauiter inuehitur Iuuenal. *Sat. l. l.* Audasii eius falsi rei exemplum habes apud Suet. *Iul. cap. LXXIV.* Si quis non modo falsum testamentum condiderat, verum etiam dominum hereditatis adipiscendae causa occiderat, accusator non modo publice persequabatur hoc crimen, sed & actionem priuatam habebat, ad bonorum possessionem, tanquam praemium accusationis consequendam. Ea actio vocabatur *internecini*, de qua consule, sis, Cuiac. *Obs. l. 2.* Equidem multa alia capita huc referunt iure consulti; sed caue existimes, ea omnia ex *lege Cornelia* esse. De solis enim testamentis illa egit, non de instrumentis aliis. Verum postea variis Senatus consultis legis Corneliae poena etiam ad alia



alia falsa prolata est. Exstat hanc in rem egregium Vlpiani fragmentum apud auctorem *Collationis legum Mos. & Rom. VIII. 7.* quo vario eiusmodi SC. recensentur. Statilio enim & Tauro Coss. (s) prodiit SC. quo poena legis Corneliae irrogatur etiam ei, qui quid aliud, quam testamentum sciens signauerit, signariue curauerit, item qui falsas testationes faciendas, testamentae falsa inuicem dicenda aut consignanda dolo malo curauerit. Deinde Licinio V, & Tauro Coss. (t) eadem lege condemnari iussi sunt, qui ob struendam aduocationem testimoniaue pecuniam acceperint, pactique fuerint, societatem coierint, aut aliquam delationem interposuerint. Paulo ante M. Aurelio Cotta & M. Valerio Messala Coss. A. V. C. 1000LXXII. statutum est ab amplissimo ordine, ut si qui coierint ad occisionem innocentum, eadem lege coercerentur. Denique A. V. C. 1000LXXXI.

(s) Ita in textu Vlpiani est. Sed Statilius & Taurus vnus idemque est. Innui ergo videtur consulatus *T. Statilii Tauri & L. Scribonii Libonis*, qui incidit in annum V. C. 1000LXXIX. ut coniecerunt Pithoeus *ad Collat. Leg. Mos. & Rom. l. c.* Cuiac. *Parat. C. ad L. Corn. de fals.* Petr. Fab. *Semestr. l. 25, p. 143.* & Salmaf. *ad Ius Attic. XXX. p. 877.* Vnde falluntur qui id SC. anno V. C. 1000LXXX. L. Nonio M. Annio Libone coss. conditum existimant cum Hotomano.

(t) M. Licinius V. Consul collegam non Taurum habuit, sed L. Calpurnium. Tacit. *Ann. IV, 62.* isque consulatus incidit in annum V. C. 1000LXXIX. Tiberii XIV. Sed forsitan Taurus Calpurnio suffectus est, aut scriba Taurum ex antecedentibus imprudenter repetiit.

IOCCCLXXXI. duobus Geminis Coss. eadem lege coerciti, qui ob venundandum vel denudandum non remittendumue testimonium (u) pecuniam acceperint. Vt adeo plurimis SC. (x) explicata ad aliosque casus prolata sit lex illa Cornelia, Quare mirum non est, quod inter *falsum* & *quasi falsum* distinguatur L. 1. §. ult. D. ad L. Corn. de fals.

LXIV. Alterum huius legis caput legis LXIV. Lex numariae nomine veniebat. Eo cautum fuerat, ut qui numos aureos ac argenteos adulterauerit, lauerit, conflauerit, raserit, corruerit, quique numos stanneos plumbeosque emerit, ven-

de falsis  
numaria.

(u) Verba haec sunt in textu Vlpiani, sed vitiosa procul dubio. Legendum monet Cuiacius *denunciandum vel non denunciandum, remittendumue*. Disputant de hoc loco Herald. de Rer. iudicat. aut., 6. Grot. Flor. Spars. ad L. ult. D. de concussion. Salmas. Iur. Attic. XXX. Corn. Bynckershoeck Obseru. III, 19.

(x) Tale etiam est SC. quo cautum, ut eae tabulae, quae publici ac privati contractus scripturam continent, adhibitis testibus ita signarentur, ut in summa marginis ad mediam partem perforatae, triplici lino contringerentur, atque imposita supra linum cerae signa imprimerentur: aliter prolatae tabulae nihil menti haberent. Paull. Recept. Sent. V, 25. 6. Quod sub Nerone repertum, docet Sueton. Ner. XVII. Contra ea non ad Neronis tempora, sed ad Tiberii principatum hoc ius pertinere, idque inductum esse SC. Liboniano existimat P. Fab. Semestr. I, 25. p. 143. Plura de hoc signandi modo tradit Cl. Salmasius de modo subscr. & subsing. testam. XXVI. Et aliis SC. esse videntur, quae habet Paull. Rec. Sent. VI, 25. 11. sequ.

vendiderit dolo malo, ei damnato aqua & igni interdiceretur. Verum & huic alia deinde sunt addita, siue SC. siue constitutionibus principum. Quale fuit illud, quod qui vultu principis signatam monetam, praeter adulterinam, reprobauerit, huius legis poena teneretur. Paull. *Rec. Sent. V, 25. 1.* Id quod iam Epicteti temporibus, id est, sub Nerone & Vespasianis receptum fuerat. Ita enim Arrian. *Diss. Epictet. III, 3.* Τὸ τῆ καίσαρος νόμισμα ἐκ ἕξιν ἀποδοκιμάσαι τῷ τραπέζῃ· τῇ δὲ τῷ λαχανοπώλῃ αἰδ' ἀν' δέξιν θέλει ἔθελει, πρὸς δὲ αὐτὸν δὲ τὸ ἀντ' αὐτὸν πολέμενον, *Caesaris nummum nec argentario nec olerum venditori improbare licet: sed ostenso eo, siue velit siue nolit, rem venditam ei tradere oportet.* Plura hanc in rem dabit Iac. Gothofr. *ad L. vn. C. Theod. si quis solid. circul. exter. circumcid.*

LXV. Le-  
ges nouae  
de crimi-  
ne falsi.

LXV. Enimvero nec haec Sullae feueritas sufficere visa est Imperatoribus, hinc nouae inualuere poenae, noua supplicia. Nam de suo aeuo Paullus: *V, 25. 1. Et honestiores quidem in insulam deportantur, humiliores autem aut in metallum damnantur, aut in crucem tolluntur. Serui autem post admissum manumissi capite puniuntur.* Iustinianus vero §. 7. *Inst. h. t.* omnes liberos homines deportatione; seruos extremo supplicio ob falsum puniri tradit.

LXVI. Le-  
ges anti-  
quiores de  
vi publica  
& priuata:

LXVI. Non minus seuerè vindicata est  
VIS PVBLICA & PRIVATA. Et antiquis-  
simis quidem temporibus de vi non singulari-  
bus legibus actum, sed ea res legibus de maie-  
state & sicariis simul comprehensa videtur. Pri-  
mus hoc crimen a maiestate & homicidio di-  
stinxit,



stinxit, ac lata singulari lege vindicauit P. Plautius tribunus plebis, A. V. C. LXXV Catulo & Lepido Coss. quae lex etiam Catulo nonnunquam tribuitur ideo, quod is consul Plautium in ea ferenda adiunxerat. Quum enim mortuo eo anno Sulla. Lepidus, Marianarum partium adfector, cum Catulo Sullano de actis Sullae contendere coepisset: ingens seditio concitata est; victoque pulso vrbe, & in Sardinia interfecto Lepido, Catulus hanc legem tulit cum Plautio, Cic *pro Milon.* XIII. Quae rebatur ex hac lege de capite eius, qui aduersus remp. coniuravit, insidias senatui fecerit, magistratibus vim attulerit, qui cum telo in publico fuerit, aut seditionis causa loca superiora occuparit, alienasue aedes saxis, ignibus aut ferro occuparit, itemque, qui possessorem e fundo hominibus armatis deiecerit dolo malo, aut armatis obiectis, ut inde profugerent, causam attulerit quo casu praedium nec usufructu ex hac lege poterat. Poena & hic erat aquae & ignis interdictio. Ex hac lege quaestio habita est de Catilina, ejusque coniurationis sociis, de P. Clodio, P. Sextio & aliis. Vid Sigon. *de Indic.* II, 33.

LXVII. Postea & Pompeius tertio consulatu legem de vi tulit, quae tamen non in uniuersum valuit, sed tantum de caede in Appia via facta, & incendio curiae, & domo M Lepidi Interregis oppugnata quaeri, & Quaestorem ob hanc rem nouum extra ordinem creari iussit. Vid. Sigon. *de indic.* II, 33. p. 676.

LXVII.  
Lex Pompeia de eadem.



LXVIII.  
Lex Iulia  
de vi pu-  
blica.

LXVIII. Successit *lex Iulia*, a Caesare lata iam dictatore, cuius solus meminit Cicero *Philipp.* I, 9. sed obscure, vt quid ea sancitum sit, vix constet. Tanto celebrior vero est *Lex Iulia Augusti de vi publica & priuata*. Publicam vim fecisse dicebatur, qui arma, tela, domi suae agroue in villa praeter vsum venationis, vel itineris, vel navigationis coegerit, praeter ea, quae quis promercii causa habuerit, hereditate ei obuenerint, qui turbae seditionisue faciendae consilium inierit, seruosque ac liberos homines in armis habuerit: qui pubes cum telo in publico fuerit; qui pessimo exemplo conuocata seditione villas expugnauerit, & cum telis & armis bona rapuerit: qui ex incendio rapuerit aliquid, praeter materiam; qui puerum vel feminam, vel quemquam alium per vim stuprauerit: qui in incendio cum gladio aut telo rapiendi causa fuit, vel prohibendi dominum res suas seruare. qui armatis hominibus possessorem domo agroue suo aut naui sua deiecerit, expugnauerit concursu, vtque id fieret, homines conuocauerit: qui coetu, concursu, turba, seditione incendium fecerit, quique hominem dolo malo incluserit, obsederit, quique fecerit, quo minus sepeliatur, quo magis funus diripiatur, distrahatur, quique per vim sibi obligauerit: qui quum imperium potestatemue haberet, ciuem Romanum aduersus prouocationem necauerit, iusseritque quid fieri, aut quid in collum iniecerit, vt torqueatur: qui legatorum, oratorum, comitum quem pulsauerit, siue iniuriam fecerit: qui reum vinxerit, im-

pe-

pedieritue, quo minus intra certum tempus ad-  
 sit: qui dolo malo fecerit, quo minus iudicia  
 tuto exerceantur, aut iudices, ut oportet, iu-  
 dicarent, vel is qui potestatem imperiumue ha-  
 beret, quam ei ius erit, decerneret, imperaret,  
 facere: qui ludos pecuniasue ab aliquo invito  
 publice priuatimue per iniuriam exegerit: qui  
 cum telo dolo malo in concione fuerit, aut ubi  
 iudicium publice exercebatur, praeter eum, qui  
 propter venationem haberet homines, qui cum  
 bestiisque pugnarent: qui conuocatis homi-  
 bus vim fecerit, quo quis verberetur & pulse-  
 tur, neque occisus homo sit: qui aedes alienas  
 villasue expilauerit, effregerit, expugnauerit,  
 siquidem in turba cum telo fuerit: qui noua  
 vectigalia exercuerit. Haec sunt praecipua  
 huius legis capita, quae nobis seruarunt iure-  
 consulti, & ex iis collegit Sigon. *de iudic.* II, 33.  
*p.* 679. *sequ.* Singulare id fuit in hac lege, quod  
 praetor, cui haec quaestio obuenerat, iurisdi-  
 ctionem posset alii mandare. *L. 1. princ. de offic.*  
*eius cui mand. iurisd.* Poena vis publicae erat a-  
 quae & ignis interdictio, postea deportatio,  
 qualem poenam subiit Vibius Serenus. Tacit.  
*Ann.* IV, 43. Denique sub Imperatoribus se-  
 quentibus humiliores ex hac lege capitis dam-  
 nati; honestiores in insulam deportati sunt.  
*Paull. Rec. Sent.* V, 26. 1.

LXIX. Eadem lege etiam de vi priuata LXIX. Et  
 actum, cuius rei erant, qui coetum & concur- de vi pri-  
 sum fecerant, quo minus quis in ius duceretur, uata.  
 quique quaestionem de alterius seruo habue-  
 rant: qui quem ex agro suo hominibus con-

gregatis sine armis deiecerant: qui creditores sine auctoritate iudicis res debitoris occupauerant Sigon. *l. c. p. 681*. His damnatis tertia pars bonorum publicabatur, neque ad senatoriam neque ad decurionalem dignitatem accessus dabatur, neque iudices esse poterant. Postea humiliores ob haec similiaque crimina in metallum damnabantur, honestiores publicata tertia bonorum parte in insulam relegabantur. *Pauli Recept. Sent. V, 26, 3.*

LXX. Crimen peculatus olim extra ordinem vindicatum.

LXX. Sequitur crimen PECVLATVS, de quo plerumque, vt supra dixi, ipse populus iudicabat. Dicebatur ita furtum pecuniae publicae, & quemadmodum a furto fures, ita a peculatu peculatores adpellabantur. *Ascon. Paed. in Verr. II. p. 181.* idque ideo, quia olim in pecude maximae constiterunt diuitiae, adeoque ab ea initium eius fraudis esse coepit. *Fest. voce peculatus p. 359.* Et olim quidem nec singularis lex de hoc crimine exstabat, nec quaestitores singulares erant constituti. Quoties ergo suspectum de peculatu habebant ciuem: extra ordinem eniquam hanc quaestionem demandabat populus, vt patet exemplo L. Scipionis Africani apud Liu. XXXVIII, 56. ex quo etiam discimus, tum reis litem aestimam, eoque facto aut praedes dedisse eos, aut in carcerem ductos, immixtis in eorum bona Quaestoribus.

LXXI.

Leges variae de peculatu.

LXXI. Postea lex de peculatu a nescio quo lata est. & singularis constitutus praetor, qui quaestionem de peculatoribus haberet. Quis huius instituti auctor sit, incertum est, nisi quod con-



constat, id Sullanis temporibus esse antiquius. Sigon. *de iudic.* II, 28. p. 624. Accessit postea lex de residuis, lata, ut videtur, a C. Cornelio Trib. pl. ut pecuniae, quae residuae apud quemquam erant, exigerentur. Ascon. Pædian. in *Cornelian.* p. 1311. Postremo a Caesare lata est *lex Iulia de peculatu*, eaque cautum, ut qui ex pecunia sacra, religiosa, abstulerit, interceperit, in suam rem verterit, aut quo quis auferret, interciperet, vel in rem suam verteret, fecerit, qui in aurum, argentum, aes publicum quid indiderit, immiscuerit, aut quo id fieret, fecerit dolo malo, quique tabulam aeream legis, formamve agrorum aut quid aliud continentem refixerit, vel quid immutauerit, ei aqua & igni interdiceretur, & pecunia ab herede repeteretur. Si quis vero publicam pecuniam delegatam in usum aliquem retinuerit, neque in eam rem consumserit, aut si apud aliquem ex locatione emtione, alimentaria ratione ex pecunia, quam acceperit, aliaue qua pecunia refederit, is damnatus amplius tertia parte, quam debeat, solueret. Sed & hanc poenam postea ab Imperatoribus exasperatam esse, non abs re suspicatur Schult. ad Paull. *Recept. Sent. V*, 28. p. 524.

LXXII. Proxime ad peculatum accedebat crimen REPETVNDARVM, de quo quæstio prima perpetua facta est, & prætorem certum habuit. *Repetundae* vero dicebantur pecuniae, quas siue socii siue ciues privati a magistratibus aut iudicibus aut publicis curatoribus iudicio repetebant, quas illi aut in pro-

LXXII.

Leges antiquae de repetundis.



uincia, aut in vrbe, aut ob dicendum ius aut ob aliud quid publice curandum acceperissent. Car. Sigon. *de Iudic.* II, 17. Et initio quidem haec causa priuata erat, & extra ordinem ex senatusconsulto cognoscebatur a recuperatoribus, idque anno adhuc IOLXXXIII factum est, vt patet exemplo P. Furii Philii & M. Matieni, repetundarum acculatorum ab Hispanis apud Liu. XLIII, 2. Glisciente autem subinde magistratuum prouincialium auaritia, primam de repetundis legem tulit L. Calpurnius Piso, Trib. pleb. A. V. C. Iocviii. Manlio & Censorino Coss. qua non solum poenam, vt par est credere, seueriorem proposuit, sed & singularem instituit praetorem. Cic. *de Offic.* III, 21. Equidem Valer. Max. VI, 9. 10. meminit etiam legis Caeciliae, ex qua repetundarum damnatus sit L. Lentulus, qui quum postea Censor factus sit anno V. C. Iocvi. damnatum illum oporteret anno antecedente Iocv, adeoque legem Calpurniam sequente statim anno insequuta esset *lex Caecilia*. Sed memoria procul dubio fefellit Valerium, neque aliam in mente legem habuit, quam Calpurniam, nisi dicere malis, eandem legem etiam Caeciliam dictam, forsan ab aliquo Pisonis collega. Vtut sit, illud certum est, lege Calpurnia prouincialium tantum magistratum rapacitatem esse coërcitam, non item urbanorum. De his enim anno adhuc Iocxii quaestio extra ordinem habita est, teste Cicerone *de Finib.* II, 16. Nec alia huius criminis poena fuisse videtur ex lege Calpurnia, quam aesti-

aestimatio litis. Si enim vel relegatio vel exsilium subiissent rei, censuram non obtinuisset Lentulus Anno V. C. Ixcvi. quum esset superiore Anno repetundarum damnatus. Valer. Max. l. c.

LXXIII. Calpurniam legem multae aliae sequutae sunt, & proximae quaeque duriores, LXXIII.  
Lex Iunia  
de iisdem. ut ait Cicero *de Offic. III*, 21. Talis erat *lex Iunia*, lata, ut videtur. a M. Iunio Penno, Tribuno plebis A. V. C. Iccxxvii. M. Aemilio Lepido & Lucio Aurelio Oreste coss. qua praeter aestimationem litis etiam exilium damnatis irrogabatur. Ea poena ex hac lege mulctatus est C. Cato, accusatus a Macedonibus. Vellei. Paterc. II.

LXXIV. Proxime Iuniam legem sequuta LXXIV.  
Lex Seruilia. est *Seruilia* lata a C. Seruilio Glaucia, Praetore, C. Mario VI. & L. Valer. Flacco Coss. A. V. C. Iccliiii. cuius ipsa fragmenta ex aenea tabula, in Petri Bembi museo reperta, edidit Car. Sig. *de Iud. II*, 27. p. 609. Quaerebatur ex ea lege de iis qui Coss. Praetores, Dictatores, Magistri equitum, aut in alio magistratu pecuniam ab aliquo privato abstulerint, ceperint, coegerint, conciliarint, auerterint. Additum fuerat, ut horum, dum magistratum aut imperium haberent, nomen deferre haut liceret, ut accusatoribus patronos sumendi repudiandiue esset facultas, ut CDL legerentur iudices, qui quotannis de repetundis iudicarent, & quae sunt huius generis alia. Ceterum non solum litis aestimationem sed & exsilium irrogatum esse lege *Seruilia*, ex *Liu. Epit. LXX*. adparet.

LXXV.  
Lex Acilia,  
Cornelia,  
Iulia repe-  
tundarum

LXXV. Post hanc Seruiliam legem lata est *Acilia* a M. Acilio Glabrione, in qua illud additum legibus superioribus, VT NEQVE AMPLIARI NEQVE COMPERENDINARI REVS POSSET. Afcon. Paedian. in Cic. *Verr. I, 9. p. m.* 1822. Successit Lex *Cornelia*, lata a L. Cornelio Sulla Dictatore, secundum quam iudicatum est usque ad Caesarem. Quaerebatur hac lege non solum de iis magistratibus, qui pecuniam dono ceperint, abstulerint, coegerint, conciliarint, auerterint sed &, qui libidinoſe, superbe, crudeliter se in prouincia gesserint, nec non de iis, qui iudices non suae decuriae munere functi sint, aut non perpetuo sederint, aut ob iudicandum pecuniam ceperint: itemque de eis, ad quos pecunia peruenerit: quiue proconſulares rationes ad aerarium non retulerint, aut qui procos. priuatim aliquo profecti fuerint, aut transmarinas res accersuerint. Poena praeter litis aestimationem erat aquae & ignis interdictio, nisi in reatu accusati decesserint. Quae omnia accurate ex monimentis genuinis demonstrauit. Car. Sigon. *de Iudic. II, 27. p.* 615. Postrema fuit *Lex Iulia*, quam in anno V. C. lxxciv. in primo consulatu tulit Iul. Caesar, vt ex Cic. *Orat. in Vatin. XII.* colligitur. Multa fuerunt huius legis capita, quae partim ex Ictorum fragmentis, partim ex Cicerone magno studio collegit Sigon. *l. c. p.* 613. *sequ.* De poena inter eruditos disceptatur. Senatu & curiis submotos esse repetundarum reos, patet ex Suet. *Caes. XLIII. Othon. II.* Tacit. *Hist. I, 78.* Plin. *Epist. II, 11, 12. IV, 9.* Paull. *Recept. Sent. V, 28.* Vnde hanc poenam



nam praeter litis aestimationem lege Iulia fuisse sancitam, existimat Iust. Lips. *ad Tacit. Annal.* XIV, 24. Enimvero sic haec lex non fuisset ceteris acrior, seuerior, sanctior, quod tamen passim innuit Cic. *in Vatini*. XII. & *pro C. Rabirio*. XIV. Quum ergo iam antea rei iuberentur duplum, triplum, quadruplum reddere, ac praeterea mitterentur in exilium, teste Aescon. Paed. *in Cic. Act. Verr.* XIII. non facile existimes, leniorem ea in re fuisse Caesarem. Sed tamen verum est, ciuitate non excidisse repetundarum ex hac lege damnatos, (y) verum praeter aestimationem litis ordine esse motos, & prohibitos praeterea testimonium dicere, iudicare, postulare. Vid. *L. 6. §. 1. D. ad L. Iul. repet.* & adde Schulting. *ad Paull. Rec. Sent. V.* 28. p. 125.

LXXVI. Nec omittendum crimen PLAGII, de quo existit Lex FABIA, quam iam ante Ciceronis tempora latam adparet ex eius *Oratione pro C. Rabirio*. III. Tenebatur ea lege, qui ciuem Romanum ingenuum, libertinum, seruumue alienum celauerit, vendiderit, vinxerit, comparauerit, quiue in eam rem socius fuerit. Eius poenam olim numariam fuisse ait Paullus apud Auct. *collat. leg. Mos. & Rom.* XIV, 2. (z) Sed idem addit, postea in plagiarior

LXXVI.  
Lex Fabia  
de plagio.

(y) De sua quidem aetate testatur Paullus *Rec. Sent. V.* 28. reos hac lege damnatos nonnunquam in exilium missos, aut ad tempus relegatos. Sed plerasque poenas ab Imperatoribus esse immutatas, nemo ignorat, & haecenus exemplo non vno est demonstratum.

(z) In textu est *summaria*, pro quo *numaria* legi iubent Pithoeus



rios extra ordinem animaduertisse praefectos vrbi, itemque praesides prouinciarum, & ita quidem, vt humiliores aut in metallum damnarentur, aut in crucem tollerentur, honestiores vero, adempta dimidia parte bonorum, in perpetuum relegarentur. Si seruus, sciente domino, alienum seruum subtraxerat, venderat, celauerat, in ipsum dominum animaduertebatur: sin id domino ignorante commiserat, in metallum dabatur. Paull. *l. c.* & Vlpian. *in Collat. Leg. Mos. & Rom. XIV, 3.* Editā etiam post ea tempora Diocletiani constitutio, qua in vrbe hoc crimen capite vindicari iubetur, *L. 7. C. ad Leg. Fab. de plag.* quam sequuta alia Constantini, ex qua ob plagium liberi hominis seruus aut libertinus statim, id est, primo quoque munere, bestiis obiicitur, liber sub hac forma in ludum datur, vt antequam aliquid faciat ad se defendendum, gladio consumatur. *L. 1. C. Theod. ad L. Fab. de plagiar.*

LXXVII.

Ambitus  
apud Ro-  
manos  
qualis fue-  
rit?

LXXVII. Agmen claudat crimen AMBI-  
TVS. *Ambire* Romanis erat petere magistratum, verum studiosius atque obnixius. quam mores legesque ciuitatis ferebant. Mira hic erant Romanorum artificia, quibus sibi & amicorum & populi fauorem conciliarent. Q. Cicero *de petit. consul. V.* *Petitio diuisa est in duarum rationum diligentiam, quarum altera in amicorum studiis, altera in populari voluntate ponenda est.*

Pithoeus & Rittersh. in h. l. vt & Petr. Faber *Semestr. II. II.* Ipsam quoque numariam poenam ex lege Fabia describit Vlpianus apud Auct. *Collat. Leg. Mos. & Rom. XIV, 3.*

est. Amici erant propinqui, necessarii, & qui aliquid ostendebant voluntatis. Propinquos vocabant, qui aut cognatione aut adfinitate coniuncti erant. Necessarios, quos consuetudo vitae coniunxerat, ut familiares, tribules, vicinos, clientes, municipes, & qui in eadem societate collegio, sodalitate & ordine erant. Aliquid voluntatis ostendere videbantur salutatores, deductores, sectatores, suffragatores, de quibus omnibus Cicero l. c. Hi omnes ergo pro candidatis prensabant, eosque laudabant, commendabant, & rerum eorum satagebant. Populorum vero auram qua praecipue erat opus, captabant nomenclatione, blanditiis, assiduitate & benignitate. Nomenclatio eam habebat vim, ut petitor singulos ciues suo quemque nomine adpellaret ac salutaret. Quumque id fieri vix posset in tanta ciuium multitudine: alebant seruos, qui candidatis ciuium singulorum suggererent nomina, unde eos *Nomenclatores* vel *monitores* adpellabant. Cicero pro Muraena XXXVI. Dicti etiam sunt *fartores*, quia veluti in aures infarciebant ciuium nomina. Fest. voce *Fartores* p. 287. Quo pertinent illa Horatii Epist. I, 6. v. 49.

*Si fortunatum species & gratia spectat.*

*Mercemur seruum, qui dicet nomina, laeuum*

*Qui fodiat latus, & cogat trans pondera dextram*

*Porrigere. Hic multum in Fabia valet, ille*

*Velina:*

*Cuilibet hic fasces dabit, eripietque curule*

*Cuilibet importunus ebur*

*Blanditia varia continebat adsentandi artificia.*

*Alios*

Alios candidati patres, alios fratres, alios patronos adpellabant. Hor. l. c. v. 54. 55.

- - - Frater, pater, adde,

*Vt cuique est aetas ita quemque facietus adopta.*

Nec pudebat eos & frontem & vultum & sermonem ad eorum, quoscumque conuenerant, sensum & voluntatem commutare. Cic. de petit. consul. X. Opus porro erat adfuitate, nec parum prodesse videbatur candidatis, adfuitae esse Romae atque in foro, adfuitae petere, saepe eosdem adpellare, ambire, prensare, rogare. Circuibant ergo forum supplices populo, circuibant omnia Italiae conciliabula, prehendebant singulorum dexteras beneficia sua in singulos commemorabant, cicatrices pectore nudato ostendebant, & quae erant huius generis alia. Sed maximum momentum habebat benignitas, si plura populo dedissent congiaria, prandia, munera. Cic. de petit. conf. XI. Quae in re tanta erat quorundam profusio, ut furiosum patrimonii sui facerent exitum. Ascon. Paedian. in Cic. pro Scauro p. 1751. Sed in eo haut substitit candidatorum industria. Saepe eo prolapsi sunt impudentiae, ut praesente pecunia emerent suffragia, eaque de causa secum producerent interpretes, per quos pactio induceretur, sequestres, apud quos deponeretur pecunia, & diuisores, qui singulis numos distribuerent. Ascon. Paedian. in Verrin. II. p. 1821. Immo saepe adhibita vis est, turba vel factione conducta, quae terrorem incuteret populo, eaque sodalitiis nomine venit. Quae omnia accurate exposuit Sigonius de Indic. II, 30.



LXXVIII. Quum ergo tam turpe vitium tam altas egisset radices: nihil reliqui fecerunt Romani, ut illud legibus quam plurimis coercerent. Sane non temere vllum est delictum publicum, de quo tot exstent leges, quot de ambitu latae sunt. Iam anno V. C. cccxxi. L. Pinario & L. Furio, tribunis militum consulari potestate, senatus auctoritate lex lata est a tribunis plebis, qua togae candidae usus prohiberetur. Liu. *IV*, 25. Sed hanc legem vel nunquam vel parum diu valuisse oportet. Deinde A. V. C. cccxcv. C. Fabio Ambusto & C. Plautio Proculo Coss. sequuta est *lex Poetelia*, a C. Poetelio, tribuno plebis perlata, qua novorum maxime hominum ambitio, qui nundinas & conciliabula obire soliti erant, comprimebatur, Liu. *VII*, 15. Sed nec ea diutius in usu fuit. Proxima est *lex Baebia Aemilia*, a Cn. Baebio & L. Aemilio Paulo Coss. lata A. V. C. lxxxi. Liu. *XL*, 19. Eam aduersus largitiones latam esse colligi posse videtur ex Nonio *VII*, 19. p. 749. Cato lege Baebia: *pecuniam inlargibo tibi*. Inde A. V. C. lxxciv. noua lege opus fuit, puta *Cornelia Fulvia* lata a Cn. Cornelio Dolabella & M. Fulvio Nobiliore Coss. Epit. Liu. *XLVII*. Ea primum cautum fuisse videtur, ut largitio capitalis esset, id est, ex filio puniretur, siquidem paullo post ambitus damnatus est Q. Coponius, quod vini amphoram dedisset ei, cui suffragii latio erat. Plin. *Hist. Nat.* *XXXV*, 12. Postea A. V. C. lxxxiv. lata est *lex Maria* per C. Marium tribunum plebis, qua cautum est, ut pontes angustiores fierent, ne suffragatori

locus

LXXVIII.  
Leges va-  
riae de  
ambitu.



locus ad rogandum esset Cic. *de Leg.* III, 17. Nec dubium videtur, quin eodem tempore quaestio ambitus facta sit perpetua, siquidem iam A. V. C. Iocxxxix. P. Rutilius & M. Scaurus se inuicem huius criminis accusarunt Ascon. *in Cic. pro Scauro* p. 175 I. Per eadem tempora *lex Fabia* promulgata numero sectatorum a populo antiquata est Cic. *pro Muraena* XXXIV. Ast A. V. C. IocLxxxvi. M. Acilio Glabrione & C. Calpurnio Pisone Coss. perlata est *lex Acilia Calpurnia*, vt, qui ambitus damnati essent, iis neque magistratum capere, neque in senatum legi liceret, & pecunia mulctarentur. Dio Cass. *Hist.* XXXVI. p. 20. Eam legem postea anno Iocxc. Cicerone & Antonio Coss. sequuta *lex Tullia* de ambitu, qua legem Aciliam Calpurniam etiam ad eos protulit, qui mercede conducti obuiam candidatis iuissent, qui conducti sectarentur, qui gladiatoribus & vulgo locum attribuissent, qui prandia vulgo dedissent, qui biennio, quo petunt, gladiatores dari ausi essent, nisi ex testamento praestituta die. Cic. *in Vatin.* XV. Additum ea lege vt qui de ambitu condemnarentur, ii praeter aliam poenam decennali exilio mulctarentur. Biennio post anno Iocxcii. M. Valerio Messalla & M. Pupio Pisone coss. ab Aufidio Lurcone tribuno plebis denuo promulgata *lex Aufidia* de ambitu, seuerior etiam, quam Tullia, qua inter alia cautum, vt qui numos in tribu pronunciauerit, si non dederit, impune esset, sin dederit, quoad viueret, singulis tribubus sestertium MMM. deberet. Cic. *ad Att. Epist.* I, 13. Sed quam parum diu etiam haec

haec lex valuerit, discimus exemplo Caesaris & Bibuli apud Sueton. *Iul. XIX.* Eiusdem paene aetatis est *lex Licinia*, A. V. C. *Idcxcvi.* Cn. Pompeio & M. Licinio Crasso *coff. lata*, aduersus localitia, coitionem cum petitoribus, numorum diuisionem, quibus omnibus exilii poena statuta. Car. Sigon. *de Iudic. II, 32.* Sed nec hanc legem suffecisse, inde patet, quod paullo post anno V. C. *Idcc.* a Cn. Pompeio, solo tum Consule, noua lata est; qua breuius factum est iudicium ambitus. Sigon. *l. c. p. 660.* Sed & C. Iulius Caesar dictator ambitum coercuit non quidem lege, sed quod comitia cum populo partiretur, vt exceptis consulatus petitoribus, de cetero numero candidatorum pro parte dimidia, quos populus vellet, pronunciarentur, pro altera parte, quos ipse dedisset. Edebat autem candidatos per libellos circa tribus missos, scriptura breui: Caesar Dictator illi tribui. *Commendo vobis illum & illum, vt vestro suffragio suam dignitatem teneant.* Sueton. *Iul. XLI.*

LXXIX. Postrema est *lex Iulia de ambitu*, cuius in pandectis nostris fit mentio, lata ab Augusto Imperatore. Sed ea non opus fuit diu, siquidem comitiis sub Tiberio e campo translatis in curiam, omne ambitus crimen euauit. Vnde lex ambitus ad eos tantum pertinere visa est, qui in municipiis duumviratum vel sacerdotium, vt puta Alytharchiam, corruptis decurionum suffragiis, vel aduocata seruorum aliae multitudine, obtinuerint. *L. i. D. ad L. Iul. de adult.* Eos enim Imperatores sequentes in

LXXIX.  
Lex Iulia  
de am-  
bitu.

insulas deportari iusserunt, tamquam vis publicae reos. Paull. *Recept. Sent.* V, 30. 1.

LXXX.

Conclusio  
operis.

LXXX. Sed emensi iam sumus illud antiquitatis Romanae iter, nihilque, quod ad intelligentiam institutionum iuris Romani necessarium videbatur, omisimus. Quare tamquam fessi, ne diutius in aliena republica versemur, in patriam iam revertimur postliminio, visuri in posterum

*Quid domibus nostris pravi rectine geratur.*

S. D. G.





# INDEX

## RERVM ET VERBORVM.

Pro notat. *prooemium*, Adp. *adpendicem*, pr. *principium* cuiusque tituli. Numeri Romani *libros*, e reliquis numeris primus *ziculum*, secundus *paragraphum*, ind cat, Littera minuscula aduicta ad *adnotari-nem* textui subiectam respicit.

**A** Littera absolutionis nota IV. 18, 1.

Abdicatio liberorum qualis & quomodo facta? II. 10, 21.

Accensi. I. adp. 53.

Acceptilatio quid? III. 30. 10. sequi. quomodo facta? ibid. ubi locum habuerit? III. 3, 13.

cur dicatur iuris gentium. I. adp. 137.

Acclamations Principibus factae I. 4, 55. in acta relatae. ibid.

Accusare qui potuerint? IV. 18, 17.

Accusatio accusationis. IV. 18, 17.

Accusatores publici. IV. 18, 17.

Acquisitio iuris gentium. II. 1, 21, iuris ciuile. II.

1, 22. per liberos. II. 9, 1. per matrem familias II. 9, 4 per personas liberas. II. 9, 5. per seruos. II. 9, 2. per adrogationem. III. 11, 1, sq.

Actio aestimatoria ex empto. III. 23, 3. arbitraria. IV. 6, 36.

bonae fidei. ib.

in caupones. IV. 5, 5.

Confessoria. IV. 6, 27.

Rhetorum fictae, IV. 6, 22,

de distrahendis rationibus. I. 26, 5.

duplex in iudiciis publicis. IV. 18, 24.

edita quomodo? IV. 6, 19.

non easdem omnes dabant praetores. ibid.



**Actio de emto ex modo.**

III. 23, 3.

exercitoria. IV. 6, 38. &

IV. 7, 3.

familiae exerciscundae.

III. 28, 6. sequ.

formulae adstricta. IV.

6, 19. (n)

intenta quomodo? IV.

6, 19.

**Actio quod iussu.** IV. 6, 38.

Kalendarum. III. 15, 5.

legis quid? pro. 6.

ae a iureconsultis in-  
uentae. I. 2, 31.

num fuerint penes col-  
legium pontificum? I.

2, 31. (s)

cur excogitatae. I. 2, 31.

ex maleficiis. IV. 6, 33.

mandati, concurren-  
te

dolo, famosa. III. 23, 20.

mixta quid? IV. 6, 34.

in nautas. IV. 5, 5.

negatoria. IV. 6, 27.

negotiorum. gestorum.

III. 28, 3.

noxalis. IV. 8, 4. sequ.

de pastu pecoris. IV. 9, 1.

de peculio. IV. 7, 5.

perpetua. IV. 12, 1.

a persecutione quo-

modo differat? III. 30,

12. (m)

a petitione quomodo  
differat? III. 30, 12. (m)

poenalis. IV. 6, 35.

postulata quomodo?

IV. 6, 19.

praeiudicialis. IV. 6, 30.

praescriptis verbis. IV. 6,

32.

praetoriae annuae. IV,

12, 2.

perpetuae. ib. 3.

Publiciana. IV. 6, 28.

eius antiquitas ib.

quadrupedaria. IV. 9, 4.

quasi Seruiana. IV. 6, 29,

quotuplex? IV. 6, 23.

rescissoria Public. IV.

6, 29.

de in rem verso. IV. 7, 5.

in rem utilis. IV. 6, 26.

Seruiana. IV. 6, 29.

**Actio pro socio, dolo con-**

currente, famosa. III. 23,

20.

qua solidum petitur vel

non petitur. IV. 6, 37.

ex sponso. III. 16, 22.

contra stabularium. IV.

5, 5.

ex stipulatu. III. 20, 22.

suspecti tutoris. I. 26, 2.

tributoria. IV. 7, 4.

**Actor tutoris.** I. 23, 11.

**Actor**

- Actor Seruus.** I. 23, 11.  
**Actum** est formula comica ab effectu rei iudicatae sumta. IV. 17, 13.  
**Actus & iter.** II. 3, 10.  
**Addictio bonorum libertatis** causa III. 12, 1. seq.  
**Addicti debitores.** III. 30, 2, an seruilis conditionis? ib. liberati, nonnunquam a diuitibus. III. 30, 4. (c)  
**Adiudicatio quid?** II. 1, 27.  
**Adiutor tutoris.** I. 23, 11.  
**Adoptio, cur Romae tam frequens?** I. 11, 1. seq. a quo fieri potuerit. I. 11, 12.  
 an & ab eo qui liberos habebat? I. 11, 8.  
 an in ea partus simulatus? I. 11, 15. (a)  
 per aes & libram. I. 11, 15.  
 mancipatio in ea adhibita. I. 11, 15.  
 quorum fieri potuerit? I. 11, 16.  
 an domi facta? I. 11, 15. (a)  
 quotuplex? I. 11, 4.  
 per testamentum. I. 11, 18. eius effectus. I. 11, 19.  
 mutata a Iustiniano. I. 11, 20.  
 an tribuerit nobilitatem I. 11, 11.  
 etiam domi facta a principibus. I. 11, 15. (a)  
 a feminis facta. I. 11, 12.  
**Adorare id est agere.** IV. 1, 11.  
**Adpromissor;** III. 21, 4.  
**Adquisitio** vide **Acquisitio**.  
**Adrogatio cur in comitiis facta, & lege curiata?** I. 11, 6.  
 quamdiu? I. 11, 13.  
 eius effectus. I. 11, 11.  
 pontificum auctoritate fieri cur debuerit? I. 11, 7.  
 quaestiones in ea propositae. I. 11, 9.  
 requisita, quum pupillus adrogatus. I. 11, 17. (c)  
**Adrogatio per rescriptum.** I. 11, 17.  
 in ea rogatio ad populum I. 11, 10.  
 Romae tantum facta. I. 11, 12.  
 vnde dicta? I. 11, 5.

- Adrogatio, per eam acqui-  
sitio. III. 11, 1.
- Adsciscere vocabulum ad-  
optionis I. 17, 18.
- Adferere liberali causa.  
IV 6, 30.  
in seruitutem, ib.
- Adfessores iudiciorum IV.  
6, 9.
- Assiduitas. IV. 18. 77.
- Assignatio libertorum.  
III. 2, 2.
- Adscriptitii I. 3, 8.
- Adulterae dotis parte pri-  
uatae IV. 18, 51.  
in monasterium detru-  
dendae ex lege Iustinia-  
ni IV 18, 52.  
ab ipsis viris condem-  
natae. IV. 18, 51. (f)  
verberatae ex lege Iu-  
stin. IV. 18, 52.
- Adulteri domi deprehensi  
castrati IV. 18, 57. (f)
- Adulterium capitale ex le-  
ge Constantini M. IV.  
18, 52.  
eius poena ex lege Iulia  
an gladius? IV. 18, 51.  
an relegatio in insu-  
lam? ibid. genuina quae-  
nam? ibid.  
grauiter punitum ab  
imperatoribus. IV, 18,  
52.
- Aduocatorum origo. I. 2,  
29. IV. 10, 1.  
vnde dicti. I. 2, 33.
- Aedes sacrae quomodo  
differant a templis? II.  
1, 2.
- Aedium Romanarum alti-  
tudo. II. 3, 7.
- Aedificandi modus Romae  
obseruatus. II, 4. 4.
- Aediles aerario aliquando  
praefecti. I. 25, 11,  
Cereales. I. 2, 26. (q)  
curules. I. 2, 25.  
eorum edicta. I. 2, 27.  
de sumtibus sepulcro-  
rum II. 1, 4.  
eorum iurisdictio. IV. 6,  
4. concurrens cum prae-  
toria. I. 2, 27.  
in municipiis I. Adpend.  
123.  
eorum munus. I. 2, 26.  
Origo I. 2, 25.  
etiam praetores dicti  
I. 2, 27. (r)  
plebei. I. 2, 25.  
apud eos profitebantur  
mere trices. IV. 18, 54.
- Aeditui, apud eos deposita  
testamenta, II. 10, 11.



- Aelianum ius vid. ius Aelianum.
- S. Aelius iuris Aeliani auctor Pro. 8. (p)  
eius Tripartita. ib.
- <sup>Ἀσπινοῦ</sup> vectigal. I. adp. 61.
- Aerarium quomodo a fisco differat? I. 25, 10.  
ei quinam praefuerint? I. 25, 11. eius praefectus. vid Praefectus. Saturni & milit. ib.
- Aes vxorium. I. 25, 3. graue. IV. 4, 1.
- Ager censui censendo. II. 1, 18. I. adp. 98.  
vectigalis. III. 2, 9. (b)  
& III. 22, 13.
- Agere alterius nomine cur non licuerit? IV. 10, 2.
- A. Agerius nomen in formulis solenne. III. 30, 12.
- Agnati qui? III. 2, 1.  
eorum tutela legitima. I. 15, 5. seq.  
eorum successio. III. 2, 3. sequi.  
capitis deminutionem passi instar cognatorum erant III. 5, 4.  
ad agnatos & gentiles prouerbium I. 23, 4. (c)
- Agnomina Romanorum. III. 2, 2.
- Album quid? I. 2, 23. (m)
- Altitudo aedium Rom. II. 3, 7.
- Altius non tollendi seruitus. II. 3, 7.
- Altius tollendi obscura. ib.
- Ambitus aedium. II. 3, 4.  
apud Romanos qualis? IV. 18, 77.  
leges de hoc crimine variae. ib. 78.
- Anatocismus olim licitus postea prohibitus. III. 15, 30. (m)
- Angiportus. II. 3, 4.
- Anguia Anguitia Dea Marforum. I. adp. 94.
- Annonae caritas. Propter hanc peregrini vrbe expulsi. I. adp. 136.
- Annulus pronubus. III. 16, 20. li aurei ius. I. 5, 17. (b)
- Anfariae vectigal. I. adp. 63.
- Antestatio in ius vocantium quid & quomodo facta? IV. 6, 14.  
ea an semper opus ib.
- Antestatus quis? & an idem cum libripende? I. 12, 7.



<sup>1</sup>Ἀντιφρόνα. II. 7, 18.

Antistins Labeo ICTus vid.  
Labeo.

Antoninus (Marcus) sub  
eo conditum edictum.  
prouinciale. Pro. 1. (s)  
praetorem tutelarem  
creauit I. 2, 20.

Antonini Caracallae con-  
stitutio: orbis Romani.  
I. adpend. 19.

eius occasio. ibid.

nus Pius an & Hadria-  
nus dictus? III. 3, 3.

<sup>2</sup>Ἀνθύπατος pro consulari. I.  
Adp. 96.

<sup>3</sup>Ἀρτικαθηγερία. IV. 18, 17.

Apollo Didymaeus. II. 14,  
4.

Apophoreta Saturnalia II.  
7, 5.

<sup>4</sup>Ἀπειπειν. II. 10, 23.

<sup>5</sup>Ἀπικηρύσσειν. ibid.

Aqua Claudia, Curtia, Tra-  
iana. II. 3, 12.

Aquae & ignis interdictio  
I. 16, 9.

in cubicula & trichinia  
ductae. II. 9, 12.

ductuum Rom. structu-  
ra II. 3, 12.

ductus seruitus ib. per  
iniuriam corruptae. IV.

4. 5. (6)

Aquam oletare quid? ib.

Aquilius ICTus formula-  
rum inuentor. III. 30.  
12. (b)

liana stipulatio. ib.

Aratrum inductum vrbi-  
bus. II. 5, 8.

Aratro circumductae co-  
loniae. I. adp. 125.

Arbitri & iudices quomo-  
do differant? IV. 6, 36.  
& ib. 39.

quomodo tulerint sen-  
tentiam. IV. 17, 12.

Arbor infelix quae? IV. 18,  
10. (d)

Arcae in sepulcris ex qua  
materia? II. 1, 4.

Ex arca numerare. III.  
15, 2.

Argentarii qui? III. 15, 6.  
(b)

Arillator quis? IV. 7, 1,

Aristocratiam pulsus regi-  
bus moliebantur patri-  
cii. I. 2, 46.

Arrha in emtione data. III.  
23, 2.

sponsalitia. III. 16, 20.

As. IV. 4, 1.

Assipondium. II. 14, 6.

Assius lapis cadauera con-  
sumit. II. 1, 4.

Atilia

Atilia gens Romae celeberrima. I. 20, 11. (c)

Auctio quid? II, 1, 22. II. 18, 11.

Auctoritas an a tutoribus interponi potuerit perfecto negotio? I. 21, 3.

Auctores cur esse debebant actores? IV. 6, 25.

Augustus cur Ictos sibi conciliarit? I. 2, 39. (x) numerum praetorum auxit. I. 2, 20.

inuentor quaestorum candidatorum. I, 2, 45. (z)

eius institutum de condendis SCis. I. 2, 47. (a) I. 2, 49.

Aurelius Imperator quis? Pro 19. (y)

Aureus quantum valuerit. III. 8, 10. (e)

Auris memoriae locus. IV. 6, 14. (i)

tacta ab antestantibus. ib.

Aurum coronarium. II. 7, 4. oblatitium. ibid.

Auspicia cur comitiis adhibita? I. 2, 7.

Auspicialis lapis. II. 1, 2.

Authenticae a quo collectae? Pro. 33.

Auxilia in legione. I. adp. 56.

B.

Balsamonis (Antiochi) *πρόχειρον* Pro. 39.

Barba a reis promissa. IV. 18, 20.

Barbari sequioria aevo quinam vocati? I. adp. 134. barbaricum. ib. eorum adoptandi ritus I. 11, 15. (a)

Basilus primus molitur collectionem iuris Graecam. Pro. 36.

Basilica a quo collecta? Pro. 38.

Iulia, in qua habita iudicia centumviralia. IV. 6, 9.

in basilicis instituta iudicia, IV. 6, 7. (a)

Basilii Imp. *πρόχειρον*. Pro 36.

Bello capti fiebant serui. I. 3, 1.

non tamen in bello civili. ib. (a)

Beneficium abstinendi. II. 17, 12.

diuisionis. III. 21, 9. ordinis. ib. 10.

in solutum dationis. III. 30, 7.

Beryti

Beryti schola iuridica. Pro.  
45.

Birrus a Romanis sub Imperatoribus loco togae usurpatus. I. adp. 139.

Bona caduca, vid. Caduca. eorum possessio quid? III. 10, 1.

quomodo differat a possessione bonorum? III. 10, 1.

quotuplex? III. 10, 3. an fuerit in arbitrio praetoris? ib. 2. (b) data pro tribunali, ib. 3. (c) contra tabulas. III. 10, 4. seq. secundum tabulas. III. 10, 6.

ab intestato. ibid. 7. quomodo petita & data III. 10, 10. sequ.

qualis iure nouo? ib. 12. eorum addictio libertatis causa. III. 12, 1.

in Bonis esse quid? II. 1, 29.

Bonitarium dominium. ib.

Branchu IC. notatus. IV. 6, 24. (u) & §. 25. (y)

Bulla habitus ingenuorum puerorum. I. 4, 1. (a)

**C** Littera Condemn. I. Adp. 31. IV. 18, 31

Caduca bona quid? III. 10, 8.

Caelebs nihil capiebat ex testamento. II. 14, 2.

Caelibatus amantissimi Romani. I. 25, 2. poena in libera rep. I. 25, 3.

Caerites & caeritum tabulae. I. adp. 6.

Caesaris conatus colligendi ius vniuersum. Pro. 12.

Caii institutiones. pro. 30. (d) eae adhuc seculum X. integrioribus exstiterunt. ibid.

Caius ubi tu es, ibi ego Caia I. 10, 11.

Calata comitia, vide comitia.

Calendae celeres & tristes. III. 15, 18.

Calendarium, vide Kalendarium.

Caligula iureconsultos tollere voluit. I. 2, 40.

Calumniae poena. IV. 16, 3. sequ.

Calumniatorum frontiliteria K suffixa. IV. 16, 3.

Candidianus a Valeria Augusta adoptatus. I. 11, 12.

Canis damnum dans. IV. 2, 2. sequ.

Canis



Canis quomodo a Romanis alligatus, IV. 9, 3.  
nem caue canum alligatorum latibulis sub scriptum. ib.

Canon frumentarius. vid. frumentum.

Capi solebant vestales & flamen Dialis. I 12, 14.

Capilli rasi a libertis. I. 5, 18. (i)  
submissa reis. IV. 18, 20.

Caricae ficus. II. 7, 4.

Castratio adulterorum. IV. 18, 51. (f)

Catholici procuratores Caes I. adp. 106.

Caupona in hac non diuertebant honorationes. IV. 5, 5.

Cenotaphium an religiosum. II. 1, 3.

Censorum edicta vel leges censoriae quid? I. 2, 18. (k)

Censores in municipiis. I. adp. 123.

Census causa Romam veniendum I. adp. 53.  
eo acquirebatur ius civitatis. I. adp. 52.  
quando Romae agide-

fierit. I. adp. 53. capitis & soli. I. adp. 114.

Censui censendo agri. II. 1, 18. I. adp. 98.

Centenarius libertus. III. 8, 7.

Centum aurei an mille HS? III. 8, 10. (e)

Centumvirale iudicium quale? IV. 6, 9.

in eo quae causae tractatae? IV. 6, 9.

vbi habitum? ib. quot iudiciibus confiterit?

ibid.

eius quatuor consilia. ibid.

Centuriae praerogativa, primo vocata, iure vocata. I. 2, 6.

Cessio in iure vide in iure cessio.

bonorum, qua lege introducta. III. 30, 8.

Chalcologus. I. adp. 53.

Chirurgi plerique Romae medici. I. 25, 19.

Χιρουργοί. IV. 1, 18.

Cicero an fuerit Ictus? Pro. 11. q.

tentavit collectionem iuris. ib.

eius loca explicata. I. 20,



- 20, 16. (g) I. adp. 72. (d)  
 I. adp. 88. I. adp. 120.  
 (x) I. adp. 25. (g)
- Ciuis ingenuus. I. adp. 4.
- Ciuium Rom. libertas. I.  
 adp. 25.  
 quomodo differat a li-  
 bertate iuris gentium?  
 ibid. (g)  
 a verberibus & iniuriis.  
 ibid.  
 a magistratum tyran-  
 nide. I. adp. 27. a saeui-  
 tia creditorum. ib. 30.  
 ius suffragii. ib. 31.
- Ciuis Romanus alterius ci-  
 uitatis ciuis esse non po-  
 terat. I. adp. 72.
- Ciuis Romanus sum*, qualis  
 formula? I. adp. 28.
- Ciuitatis ius cum quibus  
 communicatum? I. adp.  
 2. sequ.  
 in quo constiterit? vide  
 iura ciuitatis.
- Ciuitates foederatae. I. adp.  
 133.
- Ciuitates liberae heredes  
 poterant institui, non  
 aliae. II. 14, 3.
- Classes ciuium Romano-  
 rum. I. 16, 1.
- Claudii & Vespasiani tem-  
 poribus simul cur tri-  
 buatur SC. Macedonia-  
 num. IV. 7, 7.
- Claudius praetores fideic.  
 creauit. 1. 2, 20.
- Clepsydra, ad eam dicere  
 iussi sunt oratores. IV  
 17. 8.
- Cloacae seruitus. II. 3, 6.  
 carum Romanarum stu-  
 penda structura. II. 3, 6.
- Codex quid? Pro. 17. (u)  
 Alaricus. Pro. 22. (a)  
 Gregorianus. Pro. 18.  
 Hermogenianus. Pro.  
 19.
- vtriusque fragmenta. ib.  
 21.
- Iustinianus prior. ibid.  
 28. posterior. ib. 31.
- Graece versus in Grae-  
 cia exstitit. ib. 35. (b)
- Theodosianus. Pro. 22.  
 eius naeui. ib. 23.
- Codicilli, eorum origo &  
 natura. II. 23, 11. sq.  
 eorum & epistolarum  
 differentia. II. 23, 11. (c)  
 testamento confirmati.  
 II. 23, 14. solennitates.  
 II. 23, 15. sequ.  
 principum data sacer-  
 dotibus & dignitates. I.  
 adp. 68. Coe.

Coelestis Salinensis Carthaginis, quatenus Dea?

II. 14, 4.

Coemptio ritus nuptiarum omnibus fere gentibus solemnibus. I. 10, 10. (d) quomodo facta? I. 10, 11.

eius effectus. I. 10, 12.

Cognati an ad successionem vocati Legibus XII Tab. III. 5, 1.

eorum successio e iure praetorio. ib. 2.

quinam? III. 5, 3. ad quotum gradum successerunt. III. 5, 5.

Cognitio extraordinaria IV. 15, 7.

Cognitores qui? IV. 10, 3.

Coloni serui. I. 3, 8.

Coloniae quid? I. adp. 124. ciuium Romanorum. ib. 127.

Italici iuris. ib. 129. Latinae. ib. 128.

militares. ib. 130. quomodo deductae? ib. 125. quotuplices? ib. 126.

earum res publica. ib. 131.

insignia. ib. 127.

Comes rerum priuatarum.

I. 25, 12. sacrarum largitionum. ib.

Comites a puellis & praetextatis abducti. IV. 4, 5. (d)

Comitia quomodo habitata? I. 2, 6. seq. eorum origo. I. adp. 64.

quotuplicia? ibid.

quamdiu Romae permanserint? I. adp. 65, (2) calata quae? II. 10, 2.

curiata. I. adp. 64.

an testamentorum causa bis singulis annis conuocata. II. 10, 2. (a)

centuriata, in iis de capite ciuium Rom. actum IV. 18, 35.

tributa in iis de mulcta ciuium Rom. actum. IV. 18, 35.

Comitium locus iudiciorum. IV. 6, 7. (a)

Commodatum. III. 15, 31.

Communes res quae? II. 1, 13.

Communio an quasi contractus. III. 28, 5.

Comparare & fortiri provincias. I. adp. 105.

Comperendinatio. IV. 18, 30.

Com-

- Compromissum** quid ?  
IV. 11, 4.
- Compulsores** I. adp. 53.
- Concubinatus** origo. I ad.  
38.  
cur inuentus ? ib. 41.  
quando abrogatus. ib.  
43.
- Concubina** quae esse po-  
tuerit ib. 39.  
an & ingenua. ib. 40.  
eius conditio. ib. 42.
- Condictio** quid ? IV. 6. 31.  
rei furtivae. ib. 33.  
certi. III. 16, 22.
- Confarreationis** antiqui-  
tas. I, 10, 2. (a)  
ritus. ib.  
an omnibus commu-  
nis ? ib. 3.  
effectus I, 10, 4.  
cur obsoleuerit ? I. 10, 9.  
confirmatio illorum. I,  
15, 4.
- Connubium** vide nuptiae.
- Conquisitores** inquiren-  
dae rei furtivae dati. IV,  
1, 21.
- Consensus** patris in nu-  
ptiis necessarius I. 10, 15.  
curatoris. vid. curator.
- Constantinopoli** schola  
iuridica. Pro. 45.
- Constantinus M.** an colle-  
ctionem iuris Romani  
tentauerit ? Pro 12.  
auctor manumissionis  
in S. S. ecclesiis. I. 5, (d)  
legitimationis inventor  
I. 10, 23.  
adulterium capitis poe-  
na vindicauit IV. 18, 52.
- Constantinus Porphyro-  
genneta** *Βασίλειος* au-  
ctor. Pro 38.
- Consulares** quinam dicti  
sub Imperatoribus ? I.  
adp. 106.  
Ital. I. adp. 96.
- Consules** magistratuum a  
manumissione auspica-  
bantur. I. 5, 5. (b)  
etiam dicti duumviri in  
municipiis. I. adp. 123.
- Consules peregrini.** I. adp.  
89.
- Contractus** quid ? III. 4, 3.  
eius differentia a pacto.  
ib. 4.  
quotuplex ? III. 4, 5.  
re initus. ib.  
consensualis. III. 23, 1.  
litteralis vid. Litteralis.  
verbis initus vid. stipu-  
latio,  
qui initi a peregrinis.  
I. adp. 137. Con-



Contubernales praesidium. I. adp. 109.

Contumelia quomodo differat ab iniuria? IV. 4. princ. (a)

Conuentus in prouinciis habiti a Praesidibus. I. adp. 111, IV. 6, 12.

sub Corona emtio vide emtio.

Corporales res. II. 2, 1.

Correctores quinam? I ad. 106.

Cos Cretica. I. adp. 118. inde vectigal. ib.

Cretio hereditatis eiusque aditio an sint Synonyma? II. 17 13. quomodo & quo ritu facta? II. 17, 14.

Crimina iudiciis publicis vindicata. IV. 18, 4. iudiciis populi vindicata. IV. 18, 34. extraordinaria qualia. IV. 18, 2.

Crux feruile supplicium I. 8, 3. IV. 18, 10. pro ea furcam in corpore iuris substituit Tribonianus. IV. 18, 61. supplicium latronum. ib.

Culleo infuti parricidae. IV, 18, 57. & IV. 18, 59. seq.

quae animalia immissa IV. 18, 60.

usa quo abrogatus. IV. 18, 62.

Curator furiosorum & prodigorum. I. 23, 2.

Kalendarum. III. 15, 4.

cloacarum. II. 3, 6.

minorum. I. 23, 6. sq.

an inuitis datus. I. 23, 9.

eius consensus. I. 21, 4.

quotuplex. I. 23, 1.

Curiae datio. I. 10, 24.

an per eam statim facti decuriones? ib.

**D.** Littera nota damn. in iudicio perduell. I. adp. 31.

Damnare primo coetu. IV. 18, 30.

Damnum pro poena quid. IV. 18, 5.

iniuria datum. IV. 3, 1. de eo leges antiquae. ib. 2.

Debitor vide obaeratus.

Decem primi in municipiis. I. adp. 123.

Decemviri litibus iudicandis. IV. 6, 9.

Decre-



- Decretum per Interd. IV.  
15, 2.
- Decumae vectigal. I. adp. 60, 115.
- Decuriae iudicum. IV, 17, 2.
- Decurionum collegium. I. adp. 123. insignia. ib.
- Dedicatio templorum. II. 1, 2.  
moenium. II. 1, 9.
- Dedititii populi. I. 3, 1. I. 5, 15. (g) liberti I. 5, 11.  
eorum iura. II. 5, 15.
- Defensor quis. IV. 10, 7.
- Defensio pura. IV. 13. Pr. (a)  
coniuncta. ib.  
reorum in iudiciis publicis. IV. 18, 28.
- Deiecta. IV. 5, 4.
- Delicta priuata. IV. 1. seq.
- Delubrum quid? II. 1, 2.
- Deminutio capitis e censu Romanorum derivanda. I. 16, 1.  
quotuplex. I. 16, 2.
- Deportatio ab Augusto inuenta. I. 16, 11.  
an in locum aquae & ignis interdictionis successerit? ib. (f)  
quomodo facta? ib.
- cur non concessa Praefidis. I. adp. 111.
- Depositi contractus. III. 15, 31.  
negatio duplo vindicta. ib. a quo simpliciter introductum? ib.  
miserabilis natura. ib. in templis. II. 1, 2. (b)
- Derectarii qui? IV. 4, 8.
- Derogare legi, quid? I. 4, 8. (e)  
Δευτερεπώτατος. I. 16, 11.
- Dictatores etiam in municipiis. I. adp. 123.
- Dicterium quid? IV, 4, 5. (f)  
Διαδοχή. III. 10, 1.  
Διακατοχή. ib.  
Διεξοδικῶς scribere quid? I. 7, 5.
- Dianae sanum Romanum & Sacra ciuibus & Latinis communia. I. adp. 94.
- Dies atri. IV. 6, 11. (g) an iis senatus habitus? I. 2. 47.
- Dies cognitionum. IV. 6, 12.  
decretorum. ib.  
fasti. IV. 6, 11.  
intercisi. ibid.

- Dies lugubres. ib. (g) lu-  
 strici. II. 7, 7.  
 nominum II. 7, 7.  
 nefasti IV. 6, 11. (g)  
 ominosi. ib.  
 postulationum. ib.  
 sessionum. ib.  
 Diē dicere quid? IV. 18, 38.  
 diffindere quid. IV. 17, 6  
 Diffarreatio diuortii spe-  
 cies. I. 10, 8.  
 Diffindere diem, vid. diem.  
 Digesta quid veteribus  
 Ictis? Pro. 29. (c)  
 Digitorum percussio an in  
 hereditatis aditione ad-  
 hibita? II. 17, 15.  
 Dii an heredes potuerint  
 scribi? II. 14, 4.  
 iis ius trium liberorum  
 datum. ibid.  
 Δικαιοδοτα. Iuridici. I. adp.  
 106.  
 Δομιτίη; seruus. I. 23, 11.  
 Disputatio fori quid? I.  
 2, 35.  
 Dispensator census. I. ap. 52.  
 Dissensu mutuo soluti  
 contractus. III. 10, 15.  
 Diuidere sententiam quid?  
 I. 2, 50.  
 Diuination praemissa iudi-  
 cii. IV. 18, 18.  
 Diuifores. IV. 18, 77.  
 Diuortii iura. I. adp. 44.  
 origo & frequentia, ib.  
 45.  
 ritus, ib. 47. sequ.  
 Dixi, ab oratoribus cur  
 additum orationibus?  
 IV. 18, 31.  
 DO, DICO, ADDICO  
 Praetorum verba so-  
 lemnia. I. 2, 22.  
 Dominium bonitarium,  
 II. 1, 29.  
 litis eiusque effectus,  
 IV. 10, 4. seq.  
 Quirinarium. II. 1, 26.  
 Domini gaudebant iure  
 vitae & necis in seruos.  
 I. 8, 2.  
 nauium pro exerc. IV. 7, 3  
 eorum crudelitas. I. 8, 3.  
 legibus coercita I. 8, 4.  
 sequ  
 Domini dicti mariti I. 106  
 Domitii Afri libri de test.  
 IV. 18, 26.  
 de Domo numerare.  
 III. 15, 2.  
 Domus, cur inde in ius  
 rapi nemo potuerit? IV,  
 6, 16. ibi Dii colebantur  
 Penates. ib.  
 ibi latitans quomodo a  
 praetore tractatus. ib.  
 Cc Do-

- Domus** eam vi introiens  
lege Cornelia tenebatur.  
IV. 4, 8.  
mum deductio cur ne-  
cessaria in nuptiis? I. 10, 4  
ante eam sponsa ali-  
quamdiu in hortis com-  
morata, & hinc per di-  
rutam maceriam ingres-  
sa est aedes. I. 10, 11.
- Donatio** certis legibus fa-  
cta. II. 7, 19.  
an modus adq. pr.  
non aequip. legatis ab  
int. II. 22, 20.  
insinuari quando coepe-  
rit? II. 7, 17.  
mortis causa. ib. 19.  
propter nuptias. 16, 18.  
parentum. ib. 16.  
partis bonorum. ib.  
quotuplex. II. 7, 1.  
inter virum & vxorem.  
ib. 18.  
per scripturam facta. ib.  
in ea adhibita mancipa-  
tio. vid. mancipatio.
- Dona amicorum.** II. 7, 3.  
civium. ib.  
clientum. ib. (b)  
cognatorum. ib.  
hospitibus data. ib. 9.  
Ianuariis calendis missa.  
ib. 14.
- Imperatoribus** missa II.  
7, 3. (b)  
a libertis data. II. 7, 3.  
(b) III. 9, 1. promissa.  
III. 16, 19,  
lustrica. II. 7, 7.  
Matronalibus missa. II.  
7, 5.
- Dona a muneribus** quo-  
modo differant? II. 7, 2.  
natalitia. II. 7, 6.  
nominatim & singula-  
tim recensenda. II. 7, 15.  
nuptialia. ib. 8.  
rara antiquis tempori-  
bus. II. 7, 3.  
Saturnalib. missa. II. 7, 5  
a seruis dominis data.  
II. 7, 3.  
de iis lex Cincia. II, 7,  
10. sequ.
- Dormitator** i. e. fur no-  
cturnus IV. 1. 2. (b)
- Dos** aduentitia. II. 8, 8.  
quomodo data? II. 8, 4.  
quomodo dicta. ib. 6.  
cur inuenta. ib. 3.  
ea necessaria visa Rom.  
II. 8, 3.  
obsignata apud Auspi-  
ces. II. 8, 4.  
eius pars ademta adul-  
teris. IV. 18, 51. (k)  
do-

dominium cur marito  
concessum. I. 10, 7.

Dos personibus tribus  
soluta. II. 8, 5.

quasi pretium emtionis  
in nuptiis. II. 8, 1. (a)

profectitia. II. 8, 8.

quomodo promissum. II. 8, 5.

a quibus dari, dici, pro-  
mitti potuerit? II. 8, 7.

quanta plerumque fue-  
rit apud honoratiores?

II. 8, 3. (b)

Dotalia instrumenta an ad  
legitimationem neces-  
saria? I. 10, 25.

Dotalis fundi alienatio cur  
prohibita. II. 8, 9.

Drachma octaua pars vn-  
ciae. II, 14, 6.

Dupondius. ib.

Dupondii quinam? Pro. 45

Duumuiri in municipiis.  
I. adp. 123.

etiam consules dicti. ib.  
perduellionis. IV. 8, 11.

Ducenarius iudex. IV. 7, 2.

Ducenarius. I. adp. 53.

Duella tertia pars vnciae.  
II. 14, 6.

Edictales quinam? Pr. 45

Edictum Aedilitium. I.  
2, 27. IV. 9, 3. perpetu-  
um, eius origo. Pro. 14.

naui. ib. fragm. ib. 6.

Edicta censorum. I. 2, 18. (k)

Edicta patriciorum di-  
cta *patriciorum*. I. 12, 15.

Edictum Praetoris. I. 2, 23.

cur inuentum. I. 2, 24.

ab eo inchoata iuris-  
prudencia. I. 2, 23.

perpetuum post L. Cor-  
neliam. I. 2, 23.

quotuplex? ib.

scriptum iuuantibus

Trib. pl. I. 2, 23. (n)

tralatitium & nouum.  
I. 2, 23.

Edictum proconsulum

quale II. adp. 103.

provinciale perpetuum.

Pro. 15. I. adp. 103.

successorium. III. 10, 9.

cta magistratum qualia?

IV. 6, 5.

eo ter citati absentes IV  
17, 7.

Editio actionis. IV. 6, 19.

iudicum. IV. 18, 23.

Effectucatio. IV. 6, 24. (u)

Effusa. IV, 5, 4.

*ἑκαστὸν* praefectus vicefi-  
marius. I. adp. 62.

*ἐκαστὸν* IV. 11, 10, 27.

Emancipatio Anastasiana.

I. 12, 12.

Cc 2

Eman-



- Emancipatio ob dignita-  
tem. I. 12, 14.  
Iustiniana. I. 12, 13.  
quid? & quotuplex. I.  
12, 5.  
quibus ritibus antiqui-  
tus facta? I. 2, 7.  
an capitis minutio. I.  
16, 12.  
Emancipati hereditate ex-  
clusi. III. 1, 6.  
vocati ad successionem  
edicto vnde liberi, ib. 7.  
iis quo iure succefferint  
patres. III. 2, 5.  
Emphyteuseos origo. III.  
23, 13.  
Emtio sub corona. II. 1, 24.  
venditio quomodo  
contracta. III. 23, 2.  
Epicurei philosophi ἀπρᾶκ-  
τοι. I. 1, 4.  
ἐπιτροπῆς γραφή, crimen  
suspecti. I. 26, 1.  
ἐνόμιον. III. 25, 8.  
Episcopi dignitate libera-  
ti a patria potestate. I.  
12, 16.  
Equuleus qualis? IV. 18, 25  
Erciscere familiam quid?  
III. 28, 7,  
Erectum citum in XII. Tab.  
quid? ib.  
Ergastula domestica. I. 3,  
8. (f)  
ἔργολαβία. III. 25, 10.  
ἑταίρια prohibita. II. 1, 156  
Euictionem quis praestare  
debuerit? III. 23, 7.  
Exceptio quotuplex. IV.  
13, 1.  
postulanda. IV. 13, pr.  
eius formula. ib. 3.  
Excusare ICtis quid? I. 25.  
pr.  
Excusatio tutorum & cu-  
ratorum. I. 25, 1. seq.  
reorum in iudiciis po-  
puli. IV. 18, 39.  
Exercitor navis? IV. 7, 3.  
Exheredationis ius olim  
liberrimum. II. 10, 20.  
postea legibus restrictū.  
II. 10, 21. sequ.  
quomodo differat ab ab-  
dicatione. v. Abdicatio.  
Expensilatio. III. 22, 2.  
Executio sentent. IV. 17, 13.  
Exsilium quid? I. 16, 9.  
mors civilis. I. 16, 11.  
Exsules togam ponebant.  
vid. toga.  
quomodo testari potue-  
runt. I. adp. 138. (e)  
Expositio partus. I. 9, 5. (b)  
Extraordinaria crimina an  
priuata IV. 18, 2. F.

**F**abri exsecutores. IV.  
17, 13. (d)

Falcidia Lex vide *Lex*.

Quarta II. 20, 20.

Falli crimen quale? IV. 18,  
63.

de eo lex Cornelia te-  
stamentaria & numaria.  
ib. & seq.

quibus poenis vindica-  
tum? ib.

Familiam erciscere quid?  
III. 28, 7.

liae & gentes Romano-  
rum quomodo distin-  
ctae? III. 2, 2.

Fanum quid & vnde di-  
ctum? II. 1, 2. (c)

Farris vsus in sacrificiis a  
quo inuentus? I. 10, 2. (a)

vsus in nuptiis. ib.  
libra addictis data in  
diem. III. 30, 4.

Fartores qui? IV. 18, 77.

Fasti dies. IV. 6, 11.

Fastorum cura penes pon-  
tifices. Pro. 6. IV. 6, 11.  
reliquiae. Pro. 9.

Feminarum hereditas co-  
ercita lege Voconia. III.  
1, 4. II. 20, 16. seq.

eae non admittebantur  
postea vltra consanguini-  
neas success. III. 2, 4.

seruili amore bacchantes  
I. 16, 8.

in prouincias non co-  
mitabantur viros. I. adp.  
109. (t)

quando id permissum.  
I. adp. 16.

tutela vid. tutela,  
fideiubere non pote-  
rant. III. 21, 11.

nullius muneris publi-  
ci participes. ib. 13.

an vnquam in foro caus-  
fas egerint. III. 21, 11.

Feriae an eadem cum die-  
bus nefastis. IV. 6, 11. (g)

Latinae I. adp. 94. quo-  
tuplices? IV. 6, 11.

messis & vindemiarum  
IV. 6, 11. (b)

Feronia Dea Terraci-  
norum. I. adp. 94.

Festucaria vis quae? IV.  
6. 24. (u)

Festus explicatus. I. adp. 122

Fictio in hereditate iacen-  
te. II. 1, 16. in poena in-  
cenforum. I. 16, 3. in

postliminio. I. 16, 4.

in seruitute poenae. I.  
16, 5.

in vsucapionibus. I. 2, 24.

Fideicommissa ante Au-

Cc 3 gultum

- gustum non praeftabantur necessario. II. 23, 3.  
 Augusti de iis lex. ibid. 4.  
 quibus formulis relicta? II. 23, 2.  
 fingularia quomodo differant a legatis? II. 23, 9  
 ea differentia sublata a Iustiniano. ib. 10.  
 olim & peregrini capere poterant. I. adp. 128.  
 Fideipromissor quis? III. 21, 4.  
 Fideiussorum varia nomina. III. 21, 1. formulae. ib. iudicialium ratio. ib. 6.  
 Fideiussio quam obligationem produxerit? ib. 8  
 quibus obligationibus accesserit? ib. 7.  
 dotis causa. ib.  
 Fiducia qualis contractus. I. 12, 9.  
 cur ea opus fuerit in emancipatione. ib.  
 Fiduciarius pater. I. 12, 8(d)  
 Fiduciaria tutela, quae olim dicta? I. 19, 8.  
 Filiae apud plerasque gentes hereditate exclusae. II. 8, 2.  
 an hoc ius barbarum? III. 1, 8. (c)  
 apud Athenienses filiis postpon. III. 1, 2.  
 apud Romanos ante legem Voconiam admittebantur ad hereditatem. II. 8, 3.  
 Filiifamilias res mancipi. II. 1, 18.  
 Fiscus quomodo differat ab aerario? I. 25, 10.  
 eius administratio. ib.  
 Flamines Diales cur liberi a patria potestate? I. 12, 14. capi solebant. ib.  
 in municipiis. I. adp. 123.  
 Flavianum ius vid. *ius Flav.*  
 C. Flavius iuris Flauiani auctor quis? Pro. 7.  
 Focaria heres. II. 7, 14.  
 Foederatae ciuitates quae? I. adp. 133.  
 Foenebre malum. III. 15, 7.  
 contra illud variae leges ibid. 8.  
 Foeneratorum fraudes. III. 15, 12.  
 in quadruplum damnati IV. 6, 35.  
 ii ad medium Ianum sedebant. III. 15, 4.  
 Foenus quid? III. 15, 3.  
 eius differentia a mutuo. ib. 4.  
 Foenus

Foenus, num honestum. ib.  
in singulas Kalendas  
exactum. ib.  
qualis contractus? ib. 6.  
nauticum. III. 15, 16.  
quomodo computa-  
tum? vid. *usura*.

Formulae actionum. vid.  
*actio*, qui iis ceciderant,  
a Praetore restituebantur. IV. 6, 19. (n)

Forum a praefidibus in  
prouinciis indictum. IV.  
6, 12.

in forum adolescentes  
ducta consulari. IV. 10, 1

Fouencularium vectigal.  
I. adp. 63.

Fraternitas sociorum. III.  
23, 17.

Frumentarius canon. I. ap.  
15.

Frumenti decimae. ib.

Fundi populi quinam? I.  
adp. 88.

Fundus quid? ibid.

Funera pompae causa co-  
mitabantur liberti. I. 7, 2.

Fur olim idem ac seruus.  
IV. 1, 1.

an totius, acerui, qui vel  
minimam partem ex eo  
surripuit. IV. 1, 12.

diurnus quando occidi  
potuerit. ib. 9.

nocturnus occidi potuit.

IV. 1, 2. leges de ea re  
recentiores. ib. 3. sequ.  
ruri nocte furantes oc-  
cidi poterant. ib. 9.

Furca sub ea caesi serui. IV.  
18, 10.

pro cruce posita a Tri-  
boniano. IV. 18, 61.

Furtum conceptum. IV.  
1, 13.

concipiendi ritus. ib. 15.  
seq. e iure Attico expli-  
catus. ib. 17. sequ.

sublatus lege Aebutia.  
ib. 20. ritus concipiendi  
furtum post legem Ae-  
butiam. ib. 21.

conceptum quomodo  
punitum? ib. 12.

manifestum quid? IV. 1,

5. quomodo punitum  
ex Leg. XII. Tab. ib. 6.

sequ. quomodo a Prae-  
tore vindicatum? ib. 10.

nec manifestum. ib. 11.  
nocturnum. IV. 1, 2.

non exhibitum. ib. 24.

oblatum. ib. 23.

quomodo punitum. ib.



Furtum prohibitum. *ib.* 24  
vnde dictum? *IV.* 1, 1.  
rerum immobilium. *IV.*  
1, 1.

Fustigatio ad necem vsque  
*IV.* 4, 2.

Fustuarium supplicium.  
*IV.* 18, 7.

**G**Allia togata cur dicta.  
*I.* *adp.* 10.

quando ius ciuitatis im-  
petrarit. *ib.* *seq.*

Gellius explicatus. *I.* 2, 52.  
*II.* 10, 6, (*d*)

Genialis locus quid? *I.* 11,  
15. (*a*)

Genitiuus pro ablatiuo  
positus. *I.* 14, 2.

Gentes Romanae patri-  
ciae & plebeiae. *III.* 2, 2.  
tem soli patricii habere  
se gloriabantur. *ib.*

Gentiles quinam? *III.* 2, 2.  
eorum successio. *III.* 2, 7.  
*ad gentiles & agnatos,*  
proverbium. *vid. agnatus*

Centilitatis ius. *I.* *adp.* 32.  
in successionebus quan-  
do expirarit? *III.* 2, 7.

Gladium positum ante se  
habebant Quaesitores  
rerum capitalium. *IV.*  
18, 14.

Gladio feriri minus igno-  
miniosum quam securi.  
*IV.* 18, 10. (*f*)

Glebae adscripti. *I.* 3, 8.  
ex fundo petita ab iis,  
qui vindicias sibi dari  
postulabant. *IV.* 6, 24.

Glicia gens. *II.* 18, 5.  
lex a Cuiacio ficta. *ib.*

Gradus prohibiti in nu-  
ptiis. *I.* 10, 17.

an etiam numerati in  
materia de nuptiis? *I.* 10.  
17. (*g*)

cognitionis. *III.* 6, 4.  
eorum schema anti-  
quum. *ib.*

Grammatices fata. *I.* 25, 16.  
professionis origo. *ib.*

Grammaticorum stipen-  
dium. *ib.*

sic per fragmenta non  
integra citant. *I.* *adp.* 44.

Gregorianus Codex. *vid.*  
Codex.

Gregorius an Gregorianus  
vocatus sit codicis  
Gregor. auctor. *Pro.* 18  
Christianus ne an genti-  
lis fuerit. *ib.* 20.

in Gyaros, releg. *I.* 16, 1.

in Gypsum relatio. *I.* 16,  
11.

Groncuii Io. Frid. & Mart.  
Schookii de vsuris cen-  
tesimis scripta eristica.  
III 15, 18, (l)

**H**abitatio quid. II. 4, 5.  
Hadriani nomen an  
& Antoninus Pius ges-  
serit. III. 3, 3.  
sub eo conditum edi-  
ctum perpetuum. Pro 14  
eius successores omni-  
bus promiscue iurecon-  
sultis facultatem de iure  
respondendi dedere. I.  
2, 40.  
sub eo alia coepit esse  
iurisprud. Rom. facies.  
I. 2, 57.

Harmenopuli ( Const. )  
*παρμενοπουλ.* Pro. 39.

Haſta Praetoris. II. 1, 25.  
IV 6, 7.

Haſtae iudicium. IV. 6, 9.  
ad eam locata vectigalia  
III. 23, 11.

Hemifecula duodecima  
pars vnciae. II. 14, 6.

Herciscere familiam. vid.  
*erciscere.*

an haec phraſis a Tribon-  
iano inuenta? III. 28, 7.  
ſq.

Heredes extranei. II 19, 13.  
quinam inſtitui potue-

rint? II. 14, 1. ſeq. pro  
herede geſtio. II. 17, 16.  
ſecundi, tertii, quinam?  
II. 15, 2.

neceſſarii. II. 17. 11.  
ſui & neceſſarii. II. 17, 12.  
ſui. III. 1, 2 ſeq. quomo-  
do hi ſucceſſerint? ib. 4.  
ſeq.

Heredipetae. I. 15, 6.

Hereditas, res mancipi. II.  
1, 18.

Hereditatis aditio quo ri-  
tu facta? II. 17, 15.

Hereditatem alicuius mu-  
nere accipere quid? II.  
23, 3.

Hereditatis poſſeſſio pro  
bon. poſſeſſ. III. 10, 1.  
in eam immixtio. ib. 17.  
eius agnitio. ib.  
ab inteſtato ordo. III. 1,  
1. ſeq.

Hermogenes an Codicis  
Hermogeniani auctor?  
Pro. 19.

gentilisne an Chriſtia-  
nus? ib. 20.

Hermogenianus Cod. vid.  
*Codex*

Homicidium olim parri-  
cidium dictum. IV 18, 57.  
quomodo vindicatum.

Cc 5                      lege

- lege Cornelia de ficariis? IV. 18, 58. vt & sub Imperatoribus. IV. 18, 58  
 Horatius explicatus I. 2, 11  
 (g) I. ap. 6 (b) I. adp. 132  
 II. 1, 19.  
 Horrea Galbiana, Seiana, Papiana, Romae. I. adp. 115.  
 Hospitii ius. IV. 5, 5.  
 Hostes pro peregrinis. I. Adp. 2.  
 Iugeri non debuerunt. IV. 18, 50.  
**I**gnominia qualis poena? IV. 18, 9.  
 Imperium magistratuum in quo constitit? IV. 6, 5.  
 Incorporales res, quae? II. 2, 2.  
 non exsistere quodammodo dicuntur. II. 2, 4,  
 Inedia necare poena illicita IV. 18, 12.  
 Infantum lustratio. II. 7, 7.  
 Ingenui ciues, vid. *ciues*. quinam. I. 4, 1.  
 Iniuria atrocior verbalis. IV. 4, 2.  
 atrocior realis. ib. 3.  
 leuior. ib. 1.  
 a contumelia quomodo differat? IV. 4. princ. (a)  
 de ea edictum Praetoris IV. 4, 5.  
 plures simul illatae quomodo aestimari solitae? IV, 4, 7.  
 fluiui quae? IV. 4, 5. (i)  
 eius aestimatio IV. 4, 7.  
 de ea Lex Cornelia, ib. 8  
 eius actio ciuilis & criminalis quomodo differant. IV, 4, 10.  
 Innocentius iureconsultus I. 2, 40.  
 Inofficiosi testamenti querela vid. *Querela*,  
 Institor quis? IV. 7, 2.  
 Institutionum compositio & naeui. Pro. 30.  
 Instare quid? IV. 7, 2.  
 Insulae in vrbe quid? II, 34  
 Insulae genius ib.  
 Insularius ib.  
 Intentio actionis quomodo facta? IV. 6, 22  
 Intercisi dies IV. 6, 11  
 Interdiarius fur. IV. 1, 5  
 Interdicendi bonis formula, praemissa curationi prodigorum. I. 23, 4  
 aquae & ignis ratio. vid. *Aqua*,  
 In-

Interdictum ab actione vt differat?	IV. 15, 4	plerumque aedilitius.	ib. (i)
dare quid?	ib. 2	persona publica.	ib.
dicere quid?	ib.	Iudices addicti etiam inuiti.	IV. 17, 3
duplicia plura quam duo	IV. 15, 7	additi, addicti, adacti	IV. 6, 41
quotuplicia	ib.	eorum in audiendo negligentia.	ib. 9
eius formula	ib. 2.	iis adiuncti iurisperiti.	IV. 5, 2. IV. 17, 4
de rebus religiosis, sacris, publicis	ibid. 3	eorum decuriae.	IV. 17, 2. & IV. 18, 16
quid sit?	IV. 15, 1	quomodo selecti?	IV. 17, 2. IV. 5, 2
cur vocatum ius ordinarium	ib. 6	in leges vt iurarint?	IV. 5, 2. IV. 17, 5
Interpretes	IV. 18, 77	litem quomodo suam fecerint?	IV. 5, 1
Interpretatio iuris penes ICTos	l. 2, 32	male iudicantes quomodo puniti?	IV. 5, 3
Interrogationes & resp. fere in omnibus rebus ferii, adhibitae	III. 20, 3	Iudices in causis capitalibus	IV. 18, 16
Inuenientes aliquid dimidium poscebant	II. 1, 21	ex quibus lecti?	ib. per fortitionem. ib. 23
Italia quae dicta?	1. Adp. 96	eorum aetas.	ib. 16. (k)
nonnunquam Procos. extra ordinem decreta.	l. adp. 97. (p)	Iudices in causis capitalibus	quomodo editi. IV. 18, 23
italicum ius.	l. Adp. 97	quomodo in leges iurarint.	ib.
solum quod?	ib.	eorum nomina libello consignata	ib. 23
fundus vsucapi poterat non pron.	II. 6, 2	quo-	
tineris seruitus.	II. 3, 10		
Iudex Quaestionis quis?	IV. 18, 15		



- quomodo missi in consilium. ib. 31
- Iudices in causis civilibus ab arbitris ut differant? IV. 6, 36. & ib. 39
- quando cognouerint? IV. 6, 7
- eorum postulatio. vide *postulatio*.
- dati cum formula. IV. 6, 41. IV. 17, 1
- reici poterant. IV. 6, 40 (d) IV. 17, 2
- Iudicium centumvirale vid. *centumvirale*.
- Iudicium familiae erciscundae. III. 28, 8.
- Iudicia populi qualia? IV. 18, 3. & IV. 18, 34
- olim habita in comitiis curatis. ib. 35
- postea in centuriatis si de capite ciuis agebatur. ib.
- in tributis, si de multa ib. 36
- de quibus criminibus habita? IV. 18, 34
- a quibus magistratibus dies dicta reis? IV. 18, 36
- quibus isam dies dicta. ib. 37
- in iis accusatio ter repetita. vid. accusatio
- quomodo in iis rogatio promulgata. ib. 41
- quomodo sententia lata suffragiis populi vel plebis. 44
- iis intercedebant saepe tribuni, & augures. ib. 42
- Iudicia priuata quomodo a publicis differant? IV. 6, 1
- iis initio praeerant? re- ges ib. 2. post cons. ib. 3
- denique Praetores. ib.
- quo ordine habita? IV. 6, 1
- vbi instituta. IV. 6, 7. (a)
- Iudicia publica quomodo differant a priuatis? IV. 6, 1. a iudiciis populi IV. 18, 3. a popularibus actionibus. IV. 18, 1. ab extraordinariis cognitionibus. IV. 18, 2
- olim iis praeerant Reges. IV. 18, 1
- post duumviri perduellionis. ib.
- nonnunquam & Cons. extra ordinem demandabantur. IV. 18, 1
- denique constituti Quaestitores parricidii. IV. 18

- i i. repetundarum, &*  
*aliorum criminum. ib. 13*  
*eorum ordo. IV. 18, 1.*  
*sequ.*  
*udicium de moribus vxor-*  
*is. I. Adp. 45*  
*sub iugum missi populi.*  
*1. 3, 1*  
*ulianus Edicti perpetui*  
*auctor. Pro. 14*  
*Nouellarum interpres.*  
*Pro. 32. (g)*  
*ul. Capitolinus explic. I.*  
*25, 8. (e)*  
*unonis Sisipitae sacra. I.*  
*Adp. 94*  
*Iupiter Tarpeius heres po-*  
*tuit institui. II. 14, 4*  
*Anxur & Lanuvinus. I.*  
*Adp. 94*  
*In iure cessio quo ritu fa-*  
*cta? II. 1, 23*  
*quae facta, & quae in*  
*iudicio? IV. 6. princ.*  
*Iureconsulti, eorum aucto-*  
*ritas ante Augustum. I.*  
*2, 37. post Augustum. I.*  
*2, 38. sequ. sub Impe-*  
*ratoribus sequentibus.*  
*I. 2, 40. post Theodo-*  
*sium. I. 2, 41. post Iusti-*  
*nianum. I. 2, 42. eorum*  
*philosophia. I. 1, 1. in-*  
*primis Stoica. ib. 2*  
*eorum aemulatio cum*  
*philosophis. I. 1, 4*  
*eorum decisiones an*  
*ius fecerint? I. 2, 28*  
*quomodo ius ciuile con-*  
*diderint? I. 2, 30*  
*quomodo & quo ritu*  
*de iure responderint?*  
*I. 2, 33*  
*formulas componebant.*  
*IV. 6, 32*  
*Iure consultorum solum*  
*domesticum. I. 2, 33*  
*eorum disputationes. I.*  
*2, 35*  
*eorum origo. I. 2, 29.*  
*Iuridici Ital. I. adp. 96*  
*Iuridici quinam? I. adp. 106*  
*Iurisdictio quomodo dif-*  
*ferat ab imperio. IV. 6, 5*  
*in quo constiterit? ib. 6*  
*mandata. IV. 6, 10*  
*Iuris prudentia, olim in la-*  
*tenti habita. Pro. 42*  
*eam docendi methodus*  
*antiqua. ib. 43. I. 25, 20*  
*eius scholae. Pro. 44*  
*Ius applicationis. I. adp.*  
*137. (d)*  
*Ius Aelianum quale. Pro.*  
*8. an idem cum S. Aelii*  
*Tripartitis. ib. eius frag-*  
*menta.*

menta. ib.  
 Ciuitatis Rom. quomodo differat a iure Quiritium? I. Adp. 23. sensim auctum. ibid. 22. censu adquiri poterat, ib. 52. amitti non poterat ab inuitis. ib. 73. quot modis amissum. ib. (e)  
 eius collectio tentata a Cicerone. Pro. II. Caesare. ib. 12. Pompeio. ib. an & a Constantino M? ibid. a Iustiniano. Pro. 25  
 Flauianum. Pro. 7  
 honorarium. I. 2, 18  
 Graeco Romanum eius varia compendia. Pro. 39  
 hospitii. IV. 5, 5  
 Italicum vid. Italicum.  
 Iustinianum, eius historia. Pro. 25. versiones Graecae. ib. sequ. vsus in oriente. ib. 35. in occidente pro. 34. an in Turcia? vid. *Turcae*.  
 Latii vid. *Latium*.  
 liberorum trium, quatuor, quinque. I. 20, 22. I. 25, 8. de eo tractatus M. Vertranii Mauri. I. 25, 8

Papirianum pro. I  
 Patronatus patricius competens in plebem I. 2, 29. originem dedit iureconsultis. ibid.  
 Patronatus in liberos. III. 9, 1  
 Togae. I. adp. 138. seq.  
 Postliminii, v. postliminium.  
 Quiritium. I. adp. 23 vitae & necis in liberos. I. 9, 5. quando patribus ademptum? I. 9, 8 in seruos I. 8, 2. quando & cur dominis ademptum? ib. 4  
 in vxores I. 10, 6  
 Iusiurandum calumniae in causis ciuilibus. IV. 16, 1. IV. 17, 8. in causis capitalibus. IV. 16, 2 iudicum. IV. 17, 5 perhorrescentiae. IV. 6, 40. (d)  
 ciuium in leges. I. 2, 12  
 In ius vocatio quo ritu facta? IV. 6, 14  
 e domo non licita. ib. 16  
 quando ad eam venia opus fuerit? ib. 15.  
 in causis etiam crimin. locum habuit. IV. 18, 17  
 quam-

quamdiu in vsu fuerit.

IV. 6, 17

Iustiniani novi. Pro. 45

Iustiniani Imperatoris mo-

res & ingenium. Pro. 26

collectio iuris ciuilis.

Pro. 25 sq.

**K.** Littera fronti calum-  
niatorum suffixa. IV.

*Καταβολή*  
*καταβολή*

III. 26, 15

Kalendae, in eas exige-

bantur vsurae. III. 15, 4

Kalendarii actio. III. 15, 5

curatores qui? ib. 4. (f)

forma, ib.

ferui. ib.

quid fuerit? III. 15, 4. (f)

Kalendarium exercere. ib.

**L.** Littera nota abs. in

crim. perduell. I. Adp.

31

Labeo (Antistius) Ictus li-

bertatis studiosissimus.

I. 2, 39. (x)

Lampadaria in sepulcris.

II, 1. 4

lanx & licium in conci-

piendo furto adhibita

quid? IV. 1. 14. sq.

Lapis auspicalis. II. 1, 2

Lares domi culti. I. 10, 4

Latini Iuniani eorum

origo. I. 5, 12

eorundem iura. I. 5, 14

Latini nominis focii. I.

Adp. 74

cum iis foedera Rom.

ib. 76. sequ.

quando ciues facti. ib. 82

eorum iura. ib. 84. seq.

an. potuerint verberari?

ib. 85. an. gauisi iure con-

nubii? ib. 86. an. iure patr.

potest. ib. 87. matri

plus iuris quam Rom. I.

Adp. 87. quatenus e te-

stamento capere potue-

rint? ib. 88. an. habue-

rint ius census? ib. 89.

an. tutores dari potue-

rint. I. 13, 3. an. habue-

rint ius militiae? I. Adp.

90. an. Romanis tribu-

tarii? ib. 91. an. ius suf-

fragii acceperint? ib. 92

suis vsi sunt legibus. ib.

88

suis parebant magistra-

tibus. ib. 93

magistratu in patria ge-

sto fiebant ciues Rom.

ib.

erant inter peregrinos.

I. Adp. 134

Latium vetus & nouum,

I. Adp. 76

La-



- Latrones** in crucem acti. IV. 18, 61
- Latomiae** quid? IV. 18, 6
- Latus** & aug. & angustus clausus. I. Adp. 139
- Laureatae** lirerae & hastae I. Adp. 100
- Laudationes** reorum in iudiciis publicis IV. 18, 29
- Lautomiae** quid? IV. 18, 6
- Lectus** aduersus. I. 13, 15.  
(a) genialis. ib.
- Legare** quid significet? I. 14, 2  
optimo iure quid? II. 20, 4. (c)
- Legatum** quid? II. 20, 1  
datum est verbis legislatoriis II. 20, 1. (a)  
quomodo differat a fideicommisso? II. 23, 9  
quotuplex? II. 20, 2  
per damnationem. ib. 4  
per vindicationem. ib. 3  
finendi modo relictum ib. 5  
per praeceptionem ib. 6  
differentia quoad effectum. II. 20, 7  
partis hereditatis. ib. 9  
poenae nomine relictum  
quid ex mente Bynkershoekii II. 22, 13. seq.
- quid ex sententia Gundlingii. ib. 1.  
a quo & quibus legatus potuerit? ib. 1.
- Legatus** unde dictus. I. 14  
2. II. 20,  
**Legatus** Aug. quis? I. adp. 10  
**Legatus** Aug. cen. I. Adp. 5  
praefidis. ib. 10
- Lege** agere quid? prooen V
- Leges** etiam sub imperatoribus aliquamdiu veteri latae. I. 2, 4  
Regiae vid. *lex*.  
XII. Tabularum vid. *Tabulae* XI  
in municipiis latae. Adp. 12
- Legitima** portio hereditatis vid. *Quarta*.  
an ante Const. I. 10, 2
- Legitimat**io quando inuenta? I. 10, 2  
quid ea Const. M. intend. I. 10, 2  
eius varia genera. ib. 1
- Leonis** Imp. *Βασίλειος* Pro. 2  
eius nouellae in Graecetiamnum in usu. ib. 4

**Lex quid?** I. 2, 1  
 quomodo scripta. I. 2, 2  
 quomodo cum senatu  
 communicata? I. 2, 3  
 eius promulgatio per  
 trinundinum. I. 2, 4  
 eius recitatio per prae-  
 conem. I. 2, 5  
 quomodo perlata in co-  
 mitiis? I. 2, 16. sq.  
 iureiurando confirma-  
 ta. I. 2, 12  
 unde nomen acceperit?  
 I. 2, 13  
 quo stilo scripta? I. 2, 14  
 quando antiquatur, abro-  
 gatur, obrogatur eidem, de-  
 rogatur, subrogatur? I. 2,  
 8. (e)

**Lex, (Leges)**

Acilia de repetundis IV.  
 18, 75

Acilia Calpurnia de am-  
 bitu. IV. 18, 78

Aebutia qualis? IV. 1, 20  
 quando & a quo lata ib.

Aelia Sentia, eius histo-  
 ria. I. 6, 1. ratio. I. 5, 11.

I. 6, 2. varia eius capita.  
 I. 6, 3.

ex ea non est manu-  
 missio propria matri-  
 monium. I. 6, 6

(II.)

Appuleia de maiestate.  
 IV. 18, 47

Aquila de damno, eius  
 historia. IV. 3, 4. sequ.  
 varia capita ib. 5. caput  
 secundum qua de re e-  
 gerit? IV. 3, 9

Ateria Tarpeia de mul-  
 cta. IV. 18, 5

Atilia de dandis tutori-  
 bus: quando lata? I.  
 20, 9. quid ea cautum?  
 I. 20, 10

Atinia de vfucapioni-  
 bus. II. 6, 4

Aufidia de ambitu. IV.  
 8, 78

Baebia Aemilia de am-  
 bitu. ib.

Calpurnia de repetun-  
 dis. IV. 18, 72. an eadem  
 cum Lege Caecilia? ib.

Cassia tabellaria. I. adp.  
 31

Cincia de muneribus.  
 II. 7, 10. seq. eius variae

relationes ib. 11. caput  
 primum II. 7, 10. se-  
 cundum ib. 12. tertium.

II. 7, 13. An lex imper-  
 fecta? II. 7, 12. (f. quan-  
 tum ex hac lege donari

potuerit? II. 7, 12. (e)

Dd Coelia

Coelia tabellaria. I. adp.

31

Cornelia de edictis Praetorum perpetuis. I. 2, 23.

de residuis. IV. 18, 71

de prouocatione. I. adp.

27

Lex (Leges)

Cornelia (Sullae) de falsis testamentaria & numaria, IV. 18, 63. & 64. sq.

de iniuriis IV. 4, 8. eius poena qualis? ib. 9. (1)

de maiestate eius historia & materia IV. 18, 48

de parricidio. IV. 18, 59

de repetundis. ib. 75

de licariis, eius historia & capita. IV. 18, 58

Cornelia Fulvia de ambitu. IV. 18, 78

Curiata, quid, & doctorum de ea controuersia, I. adp. 64. (y)

Decimaria, vid. *Papia Poppaea*.

Didia Licinia sine suffragiis lata. I. 2, 4. (b)

Duillia de foenore vnciario. III. 15, 9

Fabia de ambitu IV. 18,

78

de plagio. IV. 18, 76

Falcidia vnde dicta? II.

20, 18. eius legitima

verba & materia. ib. 19

variae relationes. ib. 20

Furia testamentaria. II.

20, 15

Fusia Caninia: eius hi-

storia & materia. I. 7, 1

seq. an ad manumissio-

nem ab intestato perti-

nuerit? I. 7, 4

Gabinia de foenore

qualis fuerit? III. 15, 12

de maiestate. IV. 18, 47

tabellaria. I. Adp. 3

Genucia de vsura noi-

facienda. III. 15, 1

Glicia de querela inof-

ficiosi, a Cuiacio resti-

tuta. II. 17,

Iulia de adulterio: eius

historia. IV. 18, 51. rela-

ta a Domitiano. ib. 5

eius capita. il

Lex Iulia de adulteri

qualis poena h. l. statu-

ta in adulteras. ib. capi-

de fundo dotali. II 8,

de ambitu. IV. 18, 7

de cessione bonoru

III. 30, 8. quando

prouinciales producta

ib. (

de ciuitate Latinis &  
Italīs danda. l. adp. 8. an  
ab Iulio Caesare lata?

ib. (c)

de maiesta e Caesaris &  
Augusti. IV. 18, 49. seq.  
poena ex h. l. ib.

de maritandis ordini-  
bus. l. 25, 6.

de peculatu. IV. 18, 71

de repetundis. IV. 18, 75

de vi publica & priuata.

IV. 18, 68

de vsucapionibus. II. 6.

5

Iulia & Titia de tuto-  
rum datione in prouin-  
ciis. l. 20, 11

Iunia de repetundis. IV.

18, 73

Penni de peregrinis. l.

adp. 136

Iunia Norbana de liber-  
tinorum conditione. l.

5, 12

Laetoria de curatione  
minorum. l. 23, 6. dicta,  
etiam Quinaeuicenaria.

ib.

Licina de agrorum  
modo. l. adp. 60

Licina de foenore. III.

15, 8

de ambitu. IV. 18, 78

Licina & Mucia de so-  
ciis in suae ciuitatis iura  
redigendis. l. adp. 52

Maria de ambitu. IV.

18, 78

Mensia. l. adp. 134

Papia de peregrinis. l.

Adp. 136

de sociis in ciuitatis suae  
iura redigendis. l. Adp.

52, (r)

de Virg. Vest. l. adp. 66

Papia Poppaea. Eius hi-  
storia. l. 25, 7. capita de  
praemiis ΠΟΛΥΤΑΔΙΣ. l.

25, 7. caput de tutore  
mulieri dotis causa dan-

do. l. 20, 21. de matri-

bus trium quatuorue li-

berorum a tutela libe-

randis. l. 20, 22. de pro-

hibendis nuptiis sena-

torum & libertinarum.

l. adp. 35. de nuptiis in-

genuorum cum liberti-

nis. l. adp. 36. an ea nu-

ptiae sexagenariorum &

quinguagenariorum pro-

hibitae? l. adp. 37. eius

caput de caelibibus ni-

hil capientibus ex testa-

mento. II. 14, 2. caput

D d 2

de



- de orbis ib. (a) Lex decimaria eiusdem legis caput. ib. 2. (a) qui liberi in hac lege profuerint? III. 3, 6. (f) caput de libertabus ob liberos tutela liberandis. III. 8, 6. vt & de bonis liberti centenarii III. 8, 7. de successione patronae III. 8, 8. caput de caducis. III. 10, 8
- Papiria tabellaria I. adp. 31
- Pesulania de cane, qualis illa lex? IV. 9, 2
- Petronia de seruis I. 8, 5. an Paetinia vocanda? ib. I. 8, 5. (b)
- Pinaria de ambitu. IV. 18, 78
- Plautia de vi. IV. 18, 66
- de usucapionibus. II. 6, 5
- Plotia de ciuitate Italica danda. I. adp. 8
- Poetelia Papiria contra crudelitatem creditorum. I. adp. 30. III. 30, 5
- Poetelia Papiria de ambitu. IV. 18, 78
- Lex Pompeia de parricidio. IV. 18, 60. de vi. ib. 67
- de ambitu IV. 18, 78
- Porcia de prouocatione. I. adp. 27
- Publicia de apophoretis Saturnalibus. II. 7, 5
- Publilia. I. 2, 3. & 17
- Quiniucenaria. vid. Laetoria.
- Regia de omni potestate in principes transfrenda. I. 2, 62. variae de ea sententiae. I. 2, 63. conflata illa ex variis 67. fin. in honorem Augusti & successorum factis. ib. 64. repetita, quoties Principes auspicabantur imperium ib. 65. eius fragmenta. I. 2, 67
- Regiae leges Pro. I. 2. earum collectio. ib. fragmenta. Pro. 2. an exoleuerint, eiectionis regibus? Pro. 3
- Remmia de Calumniatoribus. IV. 16, 3. an dicenda Memmia? ib. (a)
- Sacrae. I. adp. 27
- Saenia quae? I. adp. 32. (k)
- Scribonia de usucapione. II. 6, 6
- Sempronia de foenore. III. 15, 12
- de

- de prouinciis. I. adp. 107  
 Seruilia de ciuitate cum  
 Latinis communicanda.  
 I. adp. 8  
 de repetundis. IV. 8, 74  
 Tabellariae. I. adp. 31  
 XII. Tabularum. vid.  
*Tabulae XII.*  
 Tribunitia de consulari  
 Imp. I. adp. 26  
 Tribunitia pro plebi-  
 scito. I. 2, 15. (b)  
 Tullia de ambitu IV. 18,  
 78  
 Lex (Leges) Valeria con-  
 tra tyrannidem. I. adp. 26  
 de magistratu iniussu  
 populi non gerendo. ib.  
 27  
 de prouocatione ad po-  
 pulum. ib.  
 Variae de maiestate. IV.  
 18, 47  
 Voconia de mulierum  
 hereditatibus. II. 14, 2.  
 II. 20, 16. de legatis. II.  
 14, 2. cur oblitterata? II.  
 20, 17  
 Libellus Diuortii. I. adp. 48  
 Liberali causa manu ad-  
 ferere. IV. 6, 30  
 Liberi omnia adquirebant  
 patri. II. 9, 1  
 eorum professio apud  
 aerarium. I. 25, 9. legiti-  
 mi & spurii. I. 10, 19  
 Liberatorum naturalium con-  
 ditio. I. 10, 19. seq. no-  
 mina. ib. 21. (a)  
 Libertas an in commer-  
 cio? I. 3, 6  
 Liberta, ei semper succe-  
 debat patronus. III. 8, 5  
 a tutela liberata nume-  
 ro quatuor liberorum.  
 III. 8, 5  
 Liberti centenarii, qui?  
 III. 8, 7. ciues Rom. I. 5,  
 10  
 dedititii. I. 5, 11. quomo-  
 do eis successum? III.  
 8, 9  
 eorum differentia an  
 sublata per constitutio-  
 nem: orbis Romanus.  
 I. 5, 16  
 Latini Iuniani. I. 5, 13. sq.  
 ingrati in seruitutem re-  
 uocati. I. 6, 9. (a) eorum  
 poena. ib.  
 pileati. I. 5, 18  
 rasi. ibid. lit. (i)  
 a patronis denominati.  
 III. 8, 1  
 tis quomodo successum?  
 III. 7, 2. III. 8, 1 seq.  
 Dd 3 Liber-

- Liberti, eorum colluuiēs**  
 sub Augusto. I. 6, 2  
 paterni an adoptiuos se-  
 quuti. I. 11, 18  
 pompae causa domino-  
 rum funera comitati. I.  
 7, 2  
 ducere non poterant  
 patronas. I. Adp. 36
- Libertus adhibitus diuor-  
 tio.** I. adp. 48
- Libertini qui?** I. 5, 2  
 & liberti quomodo dif-  
 ferant? ib.  
 Orcini vel Charonitae.  
 I. 5, 6
- Licium & lanx in conci-  
 piendo furto adhibita.**  
 IV. 1, 14. seq.
- Licium quid?** IV. 1, 15
- Limocincti apparitores.**  
 IV. 1, 15
- Linea in graduum compu-  
 tatione quid?** III. 6, 2  
 directa. ib. 3  
 transuersa. ib.
- Litem suam facere.** IV. 5, 1
- Litis contestatio quid?** IV.  
 6, 42
- Litterarum obligatio, qua-  
 lis iure antiquo?** III. 22,  
 4. seq.  
 an olim species contra-  
 huerit. III. 22. pr.
- eius contractus formu-  
 la. ib. 4  
 inducebat nouationem  
 ib. 5  
 eius effectus. ib. 6  
 qualis e iure Iustinia-  
 neo? ib. 8
- Liuius explicatus.** I. 16,  
 3. (b)
- Locatio conductio publi-  
 ca.** III. 23, 8. priuata.  
 ib. 12  
 facta Kal. Iul. & ex Kal.  
 Martiis. III. 25, 12  
 in quinquennium. ib.
- Longa possessione capio  
 quid?** II. 6, 7  
 eius differentia ab vsu-  
 capione. ib. 8
- Luctatius Veratius vid. Ve-  
 ratius.**
- Luctus, in eo an adhibitae  
 etiam vestes candidae?**  
 IV. 18, 20. (m)  
 hostium & perduellium  
 prohibitus. IV. 18, 50
- Luminum seruitus.** II. 3, 8
- Lupa cum puerulis insigne  
 municipiorum.** I. adp.  
 120. (u)
- Lustratio infantum quo-  
 modo facta?** II. 7, 7
- Lultrici dies.** ib.

- Lustri condendi ritus & effectus. I. adp. 54
- Lycurgus tritor legitimus Leoboti. I. 15, 5
- Lytae quinam? Pro. 45
- Lynuchi in sep. II. 1, 4
- M**acedo vtrum improbus foenerator an filiusfam. IV. 7, 8
- Magister nauis. IV. 6, 3
- focietatis. III. 23, 14
- Magistratus, eorum iura. IV. 6, 5. municipales, eorum iurisdictio. IV. 6, 4. imitabantur Romanos. IV. 6, 7. (d)
- iis dies dici non poterat. IV. 18, 37
- prouinciales. I. adp. 106
- quibus comitibus vfi sint? IV. 6, 5
- qui creati? I. adp. 67. sq.
- M**aiestas, eius crimen quale? IV. 18. 46. sq.
- eius specie multa leuiora crimina vindicata sub Imp. IV. 18, 49
- de ea variae leges. ib. 47 & 50
- quando ob illam etiam filii puniti? IV. 18, 50
- patria. I. 9, 1
- M**aiorennitatis annos quis definiuerit. I. 23, 10. III. 21, 3
- M**anceps quis? III. 23, 11
- M**ancipatio quo ritu facta? I. 12, 7. seq. II. 1, 19. ea adhibita in adoptione. I. 11, 15. in donatione. II. 7, 13. in emancipatione. I. 12, 7. seq. in emtione. III. 23, 2. in stipulatione. III. 16, 15. in testamento. II. 10, 7
- M**ancipi res quaenam? II. 1, 18
- vox an indeclinabilis? ib. 17. (i)
- earum natura. II. 1, 17
- cur de iis nihil in iure Iustiniano occurrat? II. 1, 7. (b)
- M**ancipia vrba & rustica. II. 3, 1
- M**andatum, eius origo. III. 23, 19
- porrecta dextra datum, ib.
- M**anumissio eius abusus. I. 6, 2. inter amicos. I. 5, 8
- per censum lustralem. I. 5, 3
- in ecclesiis. I. 5, 7
- per impositionem bul-  
lae & praetextae, do-  
natio.



- nationem vestis ma-  
 tronalis. l. 5, 8  
 mortis causa. ib.  
 per epistolam. ib. 8  
 propter matrimonium  
 non est ex lege Aelia  
 Sentia sed Papia Pop-  
 paea. l. 6, 5  
 in templis Deorum. l.  
 5, 7. (d)  
 per testamentum. l. 5, 6  
 per vindictam: eius ori-  
 go. l. 5, 4. ritus. ib. 5  
 a minorennibus quo-  
 modo factae? l. 6, 5  
 in fraudem creditorum.  
 l. 6, 6  
**Manus**, in eam conuentio.  
 l. 10, 6  
 an ea species capitis de-  
 minutionis? l. 10, 6  
 iniectio in iure quomo-  
 do facta? IV. 6, 24  
**Mare** an in dominio impe-  
 ratoris? ll. 1, 13  
**Margaritae** res mancipi.  
 ll. 1, 18  
**Maritus** iudex vxoris. l.  
 10, 6  
**Mars Gallicus** heres insti-  
 tuti poterat. ll. 14, 4  
**Mater** ad successionem li-  
 berorum vocata edicto  
 Praetoris. III. 3, 1. dein-  
 de a Claudio Imperato-  
 re. ib. 2  
 postea SC. Tertulliano.  
 ib. 3  
 ei cur prius prospectum  
 de hereditate liberorum,  
 quam liberis de heredi-  
 tate matrum? III. 3, 4  
 ei non succedebant li-  
 beri. III. 4, 1. quod mu-  
 tatum SC. Orphitiano.  
 ib. 3  
 eius hereditas cur peti-  
 ta querela inofficiosi,  
 ante SC. Orphitianum?  
 III. 4, 2  
**Mater Deorum** Sipelensis  
 heres institui poterat.  
 II. 14, 4  
**Matrimi** quinam? I. 10, 5  
**Matrimonium** vocabulum  
 iuris gentium; nuptiae  
 & connubium iuris ci-  
 uilis. I. adp. 137  
**Matronae** in ius vocari  
 non poterant. IV. 6, 15  
**Medicina** olim a seruis fa-  
 cta. l. 25, 19  
**Chirurgica.** ib.  
 vt sensim in honore ha-  
 beri coeperit? ib.  
**Medicorum** immunitas ib.  
 Me-

- Medici oculares. I. 25, 19  
 Medicae & obstetrices. ib.  
 clinici & iatraliptae. ib.  
 de mensa numerare. III.  
 15, 2  
 Mensae argentariae scri-  
 ptura. III, 22, 2  
 Mensarii. III. 15, 6. (b)  
 Mercatura veteribus Rom.  
 ignominiosa IV. 7, 1  
 postea honestior. ib.  
 Mercatorum collegia. ib.  
 ii quomodo differant a  
 negotiatoribus. ib.  
 Mercator nauicularius. IV.  
 7, 1  
 Meretrices impune quae-  
 stum corpore faciebant  
 IV. 18, 53  
 nec puniebantur qui  
 cum iis rem habuerant.  
 IV. 18, 56  
 profiteri tenebantur a-  
 pud aediles. ib.  
 nomina mutabant, to-  
 gamque sumebant. IV.  
 18, 4  
 professio nominum ali-  
 quando inhibita. ib.  
 Metalla inuestigare qui  
 potuerint? I. adp. 118  
 ex iis vectigal. ib.  
 Milites legionarii vnde le-  
 cti? I. adp. 56  
 sub Imperatoribus qua-  
 les? ib. 57  
 eorum missio. I. adp. 56  
 Militia mercenaria a quo  
 inuenta. I. adp. 57  
 Minerva Miliensis heres  
 institui poterat. II. 14, 4  
 Misericordiam in iudiciis  
 publicis quomodo mo-  
 uerint oratores? IV. 18, 28  
 Missio militum. vid. miles.  
 Moenia exstruendi ritus.  
 II. 1, 9  
 eorum dedicatio. ib. 10  
 eorum sanctitas. II. 1, 11  
 Monitores. IV. 18, 77  
 Mulier vid. femina.  
 Municipales qui? I. adp. 5. &  
 120  
 Municipiorum *ἀντονομία*. I.  
 adp. 120  
 differentia. ib. 122  
 insignia. ib. 120. (u)  
 leges quo ritu latae? ib.  
 123  
 magistratus. ib. & IV.  
 6, 7. (d)  
 respublica. I. adp. 123  
 extra Italiam origo. I.  
 adp. 121  
 Munus vid. *donum*.  
 a libertis debebatur pa-  
 tronis. III. 9, 1  
 Dd 5 quo-

- quomodo a libertis promissum? III. 16, 19
- Mutuum adpendi solebat. III. 15, 1
- quid. ib.
- vnde dictum. III. 15, 2
- est alienatio. III. 15, 1
- N**atalis exfulum. I. 16, 11
- Nauiculariorum corpora. IV. 7, 3
- Naui magister. ib.
- exercitor. vid. *exercitor*.
- Naui vetustissimae quidam supplicii causa impositi. I. 16, 11. (g)
- Nautarum corpora. IV. 7, 3
- in eos actio. IV. 5, 5
- Nec mancipi res. II. 1, 14
- Necessarii quinam dicti? IV. 18, 77
- Nefasti dies. IV. 6, 11
- Negotiator cretarius vel artis cretariae. IV. 7, 1
- Negotiatores quomodo a mercatoribus differant? IV. 7, 1
- Negotiorum gestionis origo. III. 28, 1
- Negotiorum gestori ne mo sine cautione soluebat. III. 28, 2
- voluntarius procurator. 11
- Nepotes fratris sororisue filii. III. 6, 3. (a)
- Nerua imp. praetorem fiscalem creauit. I. 2, 20
- Nexus & mancipium. II. 1, 20
- quomodo differant. III. 16, 15
- Nexi in neruo debitores. III. 30, 2
- Nigidius vide Numerius
- N. L. id est Non liquet nota ampliationis. IV. 18, 31
- Nomen quando infantibus impositum. II. 7, 7
- Nomina adoptiuorum. I. 11, 19
- Romanorum quotuplex. III. 2, 2
- debitoris quomodo tabulis inscriptum. III. 22, 2
- deferre quid. IV. 18, 17. & 19
- mutatum a meretricibus. IV. 18, 54
- Nomenclatores serui. IV. 18, 77
- Nonius explicatus. I. 10, 11
- Notae iuridicae. Pro. 9
- Nouatio debiti litterarum obligatione inducta. III. 22, 5. quid. III. 30, 14
- Nouae tabulae a plebe toties

ties postulatae quid? III. Nuptiae, quotuplices. I.

30, 6

10, 1

Nouellae Iustiniani non omnes eiusdem auctoris.

earum requisita. l. 10, 15  
erant inter solos ciues.

Pro. 32. earum textus authenticus, versiones &c. ib.

l. 10, 16. l. adp. 33

Theodosiano Codici subiectae. Pro. 24

earum ius etiam peregrinis concessum. l. 10,

16. (f) l. adp. 138

Noxa & noxia ut differant. IV. 8, 2

ab iis cur abhorruerint Romani. l. 25, 2

Noxae dedere. ib. 3

a contubernio quomodo differant. l. 10, 16

dati liberi homines an serui facti ib.

inter quosdam vnus gentis ciues prohibita.

serui, poterant se redimere. IV. 8, 3

l. adp. 33

Nullius res. II. 1, 16

Nymphaea quid? II. 3, 12

Numerius Nigidius nomen in formulis usitatum. III. 30, 12. (p)

O Alis, in quam relegati.

l. 16, 11

Numi principum vultu signati sine contradictione recipiendi. IV. 18, 64

Oberati quomodo a creditoribus tractati. III. 30, 2

Numorum adulteratorum poena ex L. Cornelia. IV. 18, 64 ex constitutionibus Imp. ib. 65

eorum addictio iam sub regibus usitata. ib. 3. an

e iure Attico sit. ibid. a Seru. Tullio sublata. ib.

Numorum adulteratorum poena ex L. Cornelia. IV. 18, 64 ex constitutionibus Imp. ib. 65

reuocata a Decemuiris. ib. 4

Numum quis primus signarit. III. 14, 1

an in partes secati? ib.

Nunciantes res laetas et prouincia quomodo incesse- rint. I. adp. 100

Obligatio quid? III. 14, 1

quotuplex? ib. 2. seq.

Nuptialia dona. II. 7, 8

Obrogare legi quid? l. 2,

8. (e)

Obsignatio pecuniae quid?

& quo ritu facta. III. 30, 16

Ofilius



- Ofilius edicta praetorum collegit. Pro. 13
- Oletare aquam. IV. 4, 5. (i)
- Ollarium. II. 1, 4
- Ollarum schola. ib.
- Oneris ferendi feruitus an anomalos? II. 3, 3
- Operae libertorum. III. 9, 1 quomodo promissae? III. 16, 19
- Opus conductum & perf. probandum. III. 25, 10
- Oratorum munus in iudiciis. IV. 17, 8 quot adhibiti in iudiciis? ib. Dixi cur additum? IV. 18, 31
- Orbi quid capere potuerint ex testamento? II. 14, 2 cur apud Romanos magni habiti? I. 25, 2
- Ornamenta consularia praetoria, triumphalia, decurionalia &c. I. adp. 123. (2)
- Offis fracti poena. IV. 4, 3
- P**acta quo loco fuerint apud Rom. III. 14, 1 successoria cur apud Romanos irrita fuerint. II. 10, 2 an Romani ea seruari noluerint. ib. quomodo a contractibus differant? III. 14, 4
- Pacta, sperata sponsa. III. 20, 20
- Pagani oppositi militibus. II. 10, 17
- Pandectarum compilatio. Pro. 29. earum versio. ib. ordo prooem. 29
- Papinianistae, qui? Pro. 45
- Papirianum ius. Pro. 1
- Papirius quis? ib. olim dictus Papisius. ib. (b)
- Parentes (i. e. patres) poterant liberos exponere. I. 9, 5. (b) occidere ib. ter venundare. I. 9, 6 adquirebant per liberos. I. 9, 7 familiae principes. I. 9, 4. iudices domestici, domestici magistratus, censores filiorum. ib. 1. 9, 5. (c)
- Paret quid in formulis dandi iudicem? IV. 6, 41
- Parricidium quibus legibus & qua poena vindicatum? IV. 18, 57. seq. ita

- ita olim vocatum quod-  
uis homicidium. ib. 57
- Particeps patris cur voce-  
tur filius. II. 19, 12
- Pater vid. parentes.
- Patria potestas Romanis  
propria. I. 9, 1
- a Romulo introducta. I.  
9, 2
- erat dominium iuris  
Quiritium. I. 9, 1
- cur moribus tribuatur?  
ib. 2
- an cum legibus Atticis  
conueniat? ib. 1. (a)
- in quo constiterit. ib. sq.
- sensim imminuta. I. 9, 8  
sequ.
- quibus modis soluta? I.  
12, 1. seq.
- Patricii & plebei quomo-  
do differant? I. adp. 32
- illorum praerogatiuae.  
I. adp. 32
- exactis regibus aristo-  
cratiam moliebantur. I.  
2, 46
- an primus Iustin. I. 12, 15
- Patriciatus dignitas libera-  
bat a patria potestate. I.  
12, 15
- ea qualis? ib.
- Patricii edicta propon. ib.
- Patrimi quinam? I. 10, 5
- Patrimonium Principis. I.  
25, 12
- Patronatus ius in liberos  
competens. III. 9, 1
- patriciorum in plebeios  
I. 2, 29
- Patrona nubere non pote-  
rat liberto. I. adp. 36
- Patroni in crimine repe-  
tundarum. IV. 18, 18
- libertorum eodem iure  
erant ac agnati. III. 8, 1
- (a) eorum nomina li-  
berti adsumebant. I. 5,  
18. eosque alere tene-  
bantur liberti, si egesta-  
te premerentur. III. 9, 1
- ciuitatum, collegiorum,  
populorum. I. 2, 29
- reorum. IV. 17, 8
- Pauli liber de gradibus  
cogn. adhuc Cuiacii ae-  
tate exstitit. I. 116, 1
- Pauperies quadrupedaria.  
IV. 9, 1
- Peculator. IV. 18, 70
- Peculatus vnde dictus? ib.
- de eo initio extra ordi-  
nem quaesitum. ib.
- variae de eo leges. ib. 71
- Peculium filiorum. II. 9, 2
- castrense vnde. II. 9, 2  
ma-

- matrum familias. I. 10,  
6. (c)
- feruorum vnde colle-  
ctum? II. 9, 3
- Pecunia quid significet? I.  
14, 2
- in calendarium conuer-  
sa. III. 15, 4
- Pecus quadrupes quid in  
iure? IV. 3, 7. quid? ib.
- Πεμπόμενοι qui? I. adp. 109
- Penates. I. 10, 4. IV. 6, 16
- Pensio. III. 25, 8
- Perduellis quis? IV. 18,  
47. (z)
- is lugeri non debuit. IV.  
18, 10
- Peregrini non vfi praeno-  
minibus. I. adp. 140
- eorum quibusdam da-  
tum ius connubii & te-  
stamenti factionis. I.  
adp. 38
- heredes non instituti.  
II. 14, 2
- quinam? I. adp. 134
- eorum Praetor. ib. 135
- vrbe nonnunquam pul-  
si. ib. 136
- eorum iura. ib. 133
- eorum bona vacantia fi-  
sco vindicata. ib. (d)
- iis ius nonnumquam  
extra ordinem dictum.  
IV, 6, 12
- Admissi ad militiam. I.  
adp. 57. ad honores &  
consulatus. I. adp. 69
- Maximam plebis par-  
tem constituebant. I.  
Adp. 136
- Periculum rei venditae pe-  
nes quem? III. 23, 4
- Perpetuae act. IV. 12, 1
- Persequutio quomodo ab  
actione differat? III. 30,  
12. (m)
- Personarum diuisiones  
non omnes attulit Tri-  
bonianus. I. adp. princ.
- Petere quid? IV. 15, 1
- Petitio quomodo ab a-  
ctione differat? III. 30,  
12. (m)
- Petronius explicatus. IV.  
1, 21
- Philosophia iureconsulto-  
rum. I. 1, 1. eius fata  
Romae quae fuerint? I.  
25, 18
- eius professio Romae.  
ibid.
- eius causa multi a nu-  
ptiis abstinebant. I. 25, 2
- Philosophorum stipendi-  
um. I. 25, 18
- Pi-

- Picturae rerum prospere gestarum Rom. missae. I. adp. 100  
 Picariae & inde vectigal. I. adp. 118  
 Pignus, eius alienatio. II. 8, 10  
 Pipulum quale conuicium? IV. 4, 2  
 Plagium eiusque vindictio. IV. 18, 76  
 Planus iudiciorum locus. IV. 6, 8  
 de plano cognoscere. ib. an idem ac summum cognoscere? ib. (e)  
 pro platonii vmbra vectigal. I. adp. 63  
 Platonis leges ius Atticum imitantur. IV. 1, 18. (b)  
 Plautus explicatus. III. 30, 4. (e) I. 2, 23. (m)  
 Plebiscitum quomodo latum? I. 2, 16. seq.  
 quando legis nomine venire coeperit? I. 2, 15. (b)  
 eius auctoritas. I. 2, 17  
 vocatum etiam lex tribunicia. I. 2, 15. (b)  
 Plinius explicatus. I. 11, 15. (a)  
 Plutarchi locus emendatus. I. 20, 16. (f)  
 Poenae Romanorum. IV. 18, 5  
 capitales non capitales, licitae & illicitae. IV. 18, 11  
 eam barbari totis familiaribus infligebant. IV. 18, 50  
 Polygamia Romae vetita. I. 10, 18  
 de ea lex Valentiniani. ibid.  
 Πολυπαδίας praemia in libera republ. I. 25, 14. sequ.  
 a Iulio Caesare proposita. ib.  
 ab Augusto. I. 25, 5  
 Pompeius ius Romanum colligere in vnum corpus voluit. Pro. 12.  
 Pompilius Rufus seruus an ingenuus? III. 12, 2  
 Pontes in comitiis. I. 2, 10  
 Pontifices an actiones legum inuenerint? I. 2, 31. (5)  
 penes eos fastorum cura. IV. 6, 11  
 Populus fundus. vid. *Fundi populi*.  
 Porro Quirites, formula quiritandi. IV. 1, 9  
 Portorium, vectigalis genus.



- nus. I. adp. 59. & 117.  
 Possessio quid? II. 1, 18  
     bonorum data credito-  
     ribus. II. 17, 11  
     bonorum & bonorum  
     possessio quomodo dif-  
     ferant? III. 10, 1  
     bonorum introducta le-  
     ge Poetelia. I. adp. 30  
 Possessor pro hoc olim  
     non habitus, qui dolo  
     possidere desiit. Quan-  
     do id ius inuectum. IV.  
         6, 25. (y)  
     quando in rem agat. IV.  
         6, 27  
 Postliminii ius quale? I.  
     16, 4  
     vnde dictum? ib.  
 Postulatio actionis. IV.  
     6, 19  
     iudicis. IV. 6, 39. eius  
     formula. ib. 40  
 Potestas patria, vid. patria  
     potest.  
     quid? I. 25, 14  
 Praecipitatio e rupe Tar-  
     peia. IV. 18, 10  
 Praecones rei furtivae in-  
     quirendae adhibiti. IV.  
         1, 21  
     per eos citati rei. IV.  
         18, 22  
 Praedia Romanorum qua-  
     lia? II. 3, 1  
     rustica cur res mancipi  
     non item urbana, nisi I-  
     talica. II. 1, 18  
     rustica & urbana &c. II.  
         3, 1  
 Praefecturae quae? I. adp.  
     132  
 Praefectus aerarii I. 25, 11  
     fisci. I. 25, 12  
     Augustalis. I. adp. 106  
     feriarum Latinarum. I.  
         adp. 94. (n)  
     vicesimarius. I. adp.  
         62. (x)  
 Praemiis πολυπαθίας cur  
     Romae opus fuerit? I.  
         25, 4  
 Praenomina Romano-  
     rum. III. 2, 2  
     ea adsumebant servi.  
         III. 8, 1. (a)  
     iis carebant peregrini. I.  
         adp. 140  
 Praerogativa in comitiis  
     quid? I. 2, 6  
 Praes quis? III. 21, 3. III.  
     23, 11  
     postulatus in iudiciis  
     publicis. IV. 18, 38  
 Praescriptio pro excepti-  
     one. IV. 13, 1. (b)  
     Prae-

- Praefes** prouinciae. I. adp. 105  
 habebat ius gladii, non deportandi cur? I. adp. 111  
 eius comitatus. ibid. 109  
 profectio eius in prouinciam. ib. 110  
 eius munus. ib. 111  
**Praetexta**, habitus ingenuorum puerorum. I. 4, 1. (a)  
 itemque magistratum. Adp. I. 39  
**Praetor**: eius adseffores. IV. 6, 9  
 ita dictus quilibet magistratus. I. 2, 27. (r)  
 eius edicta collecta a quibus? Pro. 13  
 perpetuum edictum vide *edictum*.  
 fideicommissarius, eius origo & munus. I. 2, 20. (l) II. 23, 4. (c)  
 eiusdem concurrens iurisdictio cum coff. I. 2, 20. (l)  
 fiscalis. I. 25, 12  
 eius insignia I. 2, 21  
 eius iurisdictio. I. 2, 22  
 in municipiis. I. adp. 123 (II.)  
 numerus eorum. I. 2, 20  
 eius origo. I. 2, 19. IV. 6, 4  
 peregrinus. I. adp. 135  
 potestas. I. 2, 21  
 in praefecturas missus. I. adp. 132  
 quando ipse cognouerit? IV. 6, 6  
 sortitio praetorum. IV. 18. 13. (b)  
 tutelar. I. 20, 13  
 Περὶ μαριτύλης seruus. I. 23, 11  
**Prehensio** magistratum. IV. 6, 5  
**Primus** in comitiis quis? I. 2, 10  
**Priuatae** res. II. 1, 17  
**Priuati** dicti, qui non erant milites. I. adp. 130  
**Priuilegium** quid? I. 2, 60  
 Προβάνη apud Athenienses coniectio causae. IV. 17, 8  
**Procure** iudicem. IV. 6, 40  
**Proconsules** in prouinciis missi. I. adp. 105. horum insignia. ib. sub imperatoribus non habebant imperium militare. I. adp. 111  
**Procurator** fisci. I. 25, 12  
 Ee Pro-

**Procurator (res)**

Caesaris. I. adp. 100. iudiciales, eorum origo.

IV. 10, 3. dominium litis. ib. 4. in quibus iudiciis locum habuerint?

IV. 10, 6. XX. hereditatum. I. 25, 11. (f)

princ. patrim. I. 25, 10

voluntarius. III. 28, 2

**Prodigorum curatio. I.**

23, 2

iis quomodo bonis interdictum? I. 23, 3

**Proditores ex lege Romuli Diti sacri. IV. 18, 47**

**Professio liberorum. I. 25,**

9. II. 7, 7

census prouincialis. I.

adp. 53

natalis, censualis. I. 25,

9. (e)

**Professorum immunitas.**

I. 25, 23

**Proletarii qui? I. 16, 1**

**Prolytae quinam? Pro. 45**

**Promagister XX. hereditatum.**

I. 25, 11. (f)

societatis publicano-

rum. III. 23, 14

**Propinqui quinam dicti?**

IV. 18, 77

**Propola. IV. 7, 1**

**Propraetores in prouin-**

**ciis missi. I. adp. 105**

**eorum insignia. ib.**

**Proscriptio quomodo fa-**

**cta? I. 3, 1. (a)**

**Prouinciae quatenus? I.**

**adp. 99**

**formula. ib. 100**

**quo ritu factae? ib.**

**in iis quae leges obser-**

**uatae? ib. 103**

**consulares. ib. 105**

**praetoriae. ib.**

**populares. ib. 107. (f)**

**Caesarum. ib.**

**Prouinciam ornare quid?**

**ib. 108**

**Prouocatio ad populum.**

**I. adp. 27**

**Psalterium quale instru-**

**mentum musicum? IV.**

**4, 5. (f)**

**pro separ. scripto famo-**

**so. ib.**

**Pfellus (Mich.) eius Συνο-**

**ψis iuris. Pro. 39**

**Pubertas an explorata tur-**

**pi corporis inspectione?**

**I. 22, 1. sq.**

**eius anni iam ante Iu-**

**stinianum definiti. I.**

**22, 2**

de ea controuerſia ve-  
tus. I. 22, 4  
Publicae res. II. 1, 14  
Publicani, eorum digni-  
tas apud Romanos. III.  
23, 8.  
apud exteros exoſi. ib.  
immo & iſſis Romanis  
temporibus poſtremis.  
ib.  
conducebant veſtigalia  
& vltro tributa. ib. 9. & 10  
decumani. ib. 9  
mancipes. ib. 11  
pecuarii. ib. 9  
portitores. ib. 9  
praedes. ib. 11  
ſocii. ib.  
eorum ſocietas. ib. 14  
Puls, ea veſcebantur Ro-  
mani veteres loco pa-  
nis. III. 30, 4  
vt & Carthaginienſes.  
ib. (e)  
Pulphagi Carthaginien-  
ſes. ib.  
Andr. Puluaeus de L. A-  
tinia. II. 6, 4  
Pulſare & verberare quo-  
modo differant? IV. 4, 8  
Punctum omne ferre. I. 2,  
11, (g)  
Puteal Libonis quid? IV.  
5, 2. (c)

**Q**Vadageſima litium. I.  
adp. 63  
Quadrupes, pecus, beſtia.  
IV. 1, 5. (e) quid? IV. 9, 1  
Quaeſitores parricidii. IV.  
18, 11  
quomodo conſtituti?  
IV. 18, 12  
quomodo praefederint  
iudiciis? IV. 18, 14  
eorum comites. ib.  
gladium ante ſe poſitum  
habebant. ib.  
Quaeſtio quomodo de ſer-  
uis habita? IV. 18, 25  
Quaeſtores: eorum anti-  
quitas. I. 25, 11  
Candidati. I. 2, 45. (2)  
iis aerarii cura deman-  
data. ib. 46  
Quaeſtores in municipiis.  
I. Adp. 123  
prouinciarum. ib.  
Quarta Falcidia. II. 20, 20  
legitima quando & qua  
oſſione inualuerit?  
II. 17, 7. eadem eſt ac  
Quarta Falcidia. ibid. a  
Iuſtiniano mutata. ib. 8  
Quali contractus quid? III.  
28. princ.  
delictum quid? IV. 5. pr.  
falſum. IV. 18, 63  
Ee 2 Qua-



# INDEX RERVM

Quatuorui in praefecturis. I. adp. 132

Querela inofficiosi vnde inducta? II. 17, 5  
quando instituta? ib. 6  
quando cessarit? ib. 7  
a quibus instituta? ib. 9  
quo iure a liberis instituta contra testam. matris? II. 17, 9

Quinquennales qui? I. adp. 123

Quiritare quid? IV. 1, 9

Quiritarium dominium. II. 1, 29

Quirites vestram fidem. IV. 1, 9

**R**apina quomodo a furto differat? IV. 2, 1

de ea quid edixerit Praetor? ib. 2

eius poena. ib. seq.

Rationales. I. adp. 106

Recepta sententia. I. 2, 35

Recuperatores XX. in consilio Praesidis. I.

adp. 111

dati a Praetore. IV. 6,

39

eorum origo. IV. 6,

39. (c)

Redactus. }

Reditus. }

III. 25, 8

Redemptor operis. III. 25, 10

Redhibitio ob latens vitium. III. 23, 6

Regiae leges. Pro. 1. earum fragmenta. ib. 2  
an exoleuerint eiectionibus? Pro. 3

Regulae iuris quid? I. 2, 35

Rei vindicatio quomodo instituta? IV. 6, 24

Relegati vnde dicti. II. 20, 1

Relegatio. I. 16, 9. in insulam. I. 16, 11. (g)

Religionem patriam Romani plerisque saluam relinquebant. I. adp. 101. (q)

Religiosae res. II. 1, 3

Remancipatio, modus dissoluendi nuptias. I. 10, 13

Repetundae quid? IV. 18, 72. variae de iis leges. ibid.

quomodo vindicatae? ibid.

Replicatio. IV. 14, 2  
eius formula. ibid. 3

Repudium quid? I. adp. 49

Rerum diuisiones. II. 1. sequ. Res

Res sacrae, religiosae, sanctae, nullius, vniuersitatis, publicae, communes, mancipi &c. vide suis locis.

Rescribere quid? III. 22, 5

Rescriptum Principis. I. 2, 56

Rescribi quando coeperit a Principibus? I. 2, 57

Responso Prudentum. vide *Iureconsulti*.

Restipulatio. III. 16, 3

Restitutio in integrum ob alienationem iudicii mut. caus. factam. IV. 6, 25. (γ)

ob absentiam quam antiqua. I. 23, 7. (d)

Reus, (rei) per accensum citati IV. 6, 21

absentum bona possidenda data. ib. 21

eorum nomina edita praetori. ib. (5)

in iudiciis publicis vestem mutabant. IV. 18, 20

quod & eorum cognati faciebant. IV. 4, 5. (e)

barbam & capillum promittebant. IV. 18, 20. per praeconem ci-

tati. ib. 22. eorum liberi producti ad mouendam misericordiam.

ib. 28. laudationes eorum. ib. 29. sententiam

audiebant prouoluti in genua. ib. 31. absoluti

togam albam sumebant ib. 33

in iudiciis populi quomodo accusati. ib. 38.

seq. quomodo defensi? ibid. 42. eorum pren-

satio. ib. 43. sub rostris stabant, adolescentum

conuiciis expositi. ib. 40. (\*) quomodo ex-

cusati? ib. 39

Rhetorices origo & fata. I. 25, 17. professorum

stipendia. ibid. & immunitas. ib.

Robur, pars carceris. IV. 18, 6

Romania. I. adp. 134

Ρωμαϊκῆ Edicta a patriciis proposita. I. 12, 15

Romania schola. Pro. 44

Romanus Lacapenus auctor ἐκμογῆς βασιλικῆς ib. 39

Romulus, eius lex de patria. pot. I. 9, 2. de pro-

- dit. IV. 18, 47. de homicidio. ib. 57
- Rostra. I 2, 16. (i)
- e Rupe Tarpeia praecipitatio. IV. 18, 10
- S** Acer esto, quamnam poenam denotet? I. adp 27. (b)
- Sacerdotes quomodo creati? I. adp. 66
- ab Imperatoribus pro lubitu constituti. ib. familiarum I. adp. 71, 63
- Sacerdotia olim patriciorum propria. ib. 66
- postea cum plebe communicata. ib.
- quaenam patricii sibi retinuerint? ib.
- Sacra priuata. I. 10, 4. I. 11, 1
- horum communio inferebat potestatem. I. 10, 6
- quomodo interempta? I. 11, 1. (\*)
- publica. I adp. 70
- sumtibus publ. perag. ib.
- peregrina Romae non admissa. ib. 74
- municipalia. ib. (b)
- retinebant coloniae. I. adp. 71. (b)
- Sacrae res quaenam? II. 1, 2
- earum exauguratio. ib.
- Sacramentum militare. I. adp. 66
- Sacramento quaerere, quid? IV. 6, 25. (2)
- Sacrificia mala quae? IV. 18, 58
- Sacro commendatae res. II. 1, 2. (b)
- Salariae annonae vectigal. I. adp. 61
- Salinae. I. adp. 118
- Saltatio an in hereditatis aditione adhibita? II. 17, 15
- Sanctae res. II. 1, 8
- a Sagminibus herbis dictae. ib.
- Sanguinolenti liberi qui? I. 9, 9. (d)
- eorum venundatio. ib.
- Sarcophagus vnde. II. 11, 4
- Satisfactio tutorum quomodo exigi solita? I. 24, 1. sq.
- in iudiciis exigi solita. IV. 6, 42. IV. 11, 1. seq.
- Scapharii. IV. 7, 3
- Scenicae mulieres cur infames? I. adp. 35
- Schoonii (Martini) & I. F. Gro-

Gronouii libelli Eristici.	Sellae curuli insidens co-
III. 15, 18. (l)	gnoscebat Praetor. IV.
Scholae iuridicae. Pro. 45	6, 7
Ollarii. II. 1, 4	eius forma. ib. (c)
Romana. I. 25, 21	Senacula. I. 2, 47
prouinciales. I. 25, 22	Senatores coloniarum. I.
prohibitae. ib.	adp. 131
Scriptura, vectigal. I. adp.	Senatum habendi locus. I.
116	2, 47
an produxerit obliga-	eius potestas in libera
tionem? III 22, 7	republica. ib. 46
Scripturae S. loca explica-	in eo relationes factae.
ta. I. adp. 53. ibid. 28.	ib. 48
ib. 13. ib. 109. III. 16, 2.	quomodo sententiae
(a) IV. 6, 18. (m)	rogatae. ib. 49
Scrupulus 24. pars vnciae.	quomodo dictae sen-
II. 14, 6	tentiae? ib. 50
Scribere, pro mutuum pe-	Senatus frequens. I. 2, 50.
cuniam sumere. III.	(d)
22, 5	Senatusconsulta qualia in
ab aliquo quid signifi-	libera rep. I. 2, 46
cet? ib.	quae legum vim habent
Secretarium qualis locus?	primum condita sub Ti-
IV. 17, 10	berio. I. 2, 45
Σέκρετον. ib.	vbi facta? I. 2, 47
Sectio bonorum. III. 30, 4	quo ritu facta? I. 2, 48.
Sectores ib. II. 17, 11	seq.
Securi caesi fontes. IV.	praemissa auspicia. ib.
18, 10	47
id ignominiosum. ib.	quo stilo scripta. ib. 53
(f)	quomodo confirmata a
Selecti, ex his lecti iudices.	Tribunis plebis? ib. 54
IV. 17, 2	illata aerario. ib.
	Ee 4 quo-



- quotuplicia ? ib. 52  
 tacita. ib.  
 per infrequentiam facta.  
 ib. 50. (d)  
 quamdiu fieri consue-  
 uerint ? ib. 59  
 quomodo sub Imp.  
 condita ? I. 2, 45. ib. 55  
 Senatus consulta varia de  
 anatocismo. III. 15, 30.  
 (m)  
 Apronianum. II. 23, 8.  
 II. 14, 2  
 Caluitianum. I. adp. 37  
 Claudianum de tutori-  
 bus a Coss. dandis. I.  
 13, 12. de tutela mu-  
 lierum cessitia. I. 13,  
 23. de mulieribus fer-  
 uili amore bacchanti-  
 bus. I. 16, 8. de adsi-  
 gnatione libertorum.  
 III. 9, 3  
 ad L. Corneliam de fal-  
 sis. IV. 18, 63  
 ad L. Corneliam de ini-  
 iuriis. IV. 4, 11  
 Aurelianum de falso. IV.  
 18, 63  
 extremum: *darent ope-  
 ram coss. ne quid resp. detri-  
 menti caperet.* I. 2, 46  
 Geminianum de falso.  
 IV. 18, 63  
 sub Hadriano factum  
 de legatis ciuitati reli-  
 ctis. II. 20, 10  
 Largianum. III. 8, 9. (d)  
 Licinianum de falso. IV.  
 18, 63  
 Macedonianum, eius  
 historia. IV. 7, 7. nomen  
 unde ? ib. 8  
 D. Marci de senatorum  
 nuptiis. I. adp. 35. (m)  
 Marcianum de baccha-  
 nalibus. I. 2, 53  
 Neronianum de legatis.  
 II. 20, 8. (e)  
 Orphitianum; eius hi-  
 storia. III. 4, 3. ma-  
 teria. ibid. 4. mutatio.  
 ib. 6  
 Pegasianum. II. 20, 20.  
 II. 23, 6  
 Pernicianum vel potius  
 Persicianum. I. adp. 37  
 Plancianum. I. adp. 130  
 Statilianum de falso. IV.  
 18, 63  
 Tertullianum: eius hi-  
 storia. III. 3, 3. mate-  
 ria. ibid. 5. qui liberi ex  
 hoc SC. profuerint ?  
 ib. 6  
 Traiani de satisfatione  
 tutorum. I. 24, 2  
 Tre-

- Trebellianum. II. 23, 5  
 Velleianum. III. 21, 12.  
     sequ.  
 de vsufructu quantita-  
 tum & iurium. II. 4, 7  
 Senes coemtionales qui?  
     I. 11, 1. (\*)  
 iis sacra priuata manci-  
 pata. ib.  
 Sententiam diuidere quid?  
     I. 2, 50  
 as numerare. ib. (d)  
 in eam ire. ib.  
 Sententia in populi iudi-  
 ciis quomodo lata? IV.  
     18, 44  
 in publicis iudiciis, vel  
 clam vel palam lata. ib.  
     31  
 pronunciata a Praetore.  
 ibid. 32. qua formula id  
 factum? ib.  
 in priuatis iudiciis quo-  
 modo lata? IV. 17, 11  
 ab arbitris quomodo la-  
 ta? IV. 17, 12  
 Sepulcra dedicata Diis Ma-  
 nibus. II. 1, 4. hinc reli-  
 giosa. ibid. eorum reli-  
 gio etiam spacium am-  
 biens occupabat. ib. 5.  
 extra urbem. II. 1, 3. (c)  
 ex iis reliquiae tolli non  
 poterant nisi permisso  
 pontificum. ib. 5  
 nec reficere ea licebat  
 nisi auctoritate Pontifi-  
 cum. ib.  
 publicae praebita viris  
 bene de rep. meritis, vel  
 conuicanis ex liberali-  
 tate. II. 1, 4  
 quomodo aedificata &  
 eius partes. ib.  
 in iis simulacra deorum  
 & arae. ib.  
 Aeditui. ib.  
 consecrata. ib. 5  
 an fuerint in commer-  
 cio? ib. 6  
 familiaria, hereditaria,  
 neutrius generis. ib. 7  
 praedia ad eorum tute-  
 lam destinata. ib. 5  
 Leges iis additae. ib. 6  
 an res mancipi. ib. 18  
 Sequestres in ambitu qui-  
 nam? IV. 18, 77  
 Serui, eorum nulla co-  
 gnatio. III. 7, 1  
 corrupti, de iis egit ca-  
 put 2. L. Aquiliae. IV. 3, 9  
 eorum demensum men-  
 struum & annuum. II.  
     19, 3  
 fartores. IV. 18, 77  
 Ee 5 fugi-

- fugitiui conuafare ali-  
quid solebant. III. 23,  
4. (a)
- furaciffimi IV, 1, 1
- heredes quomodo insti-  
tuti? II. 14, 1
- heredes neceffarii. I. 6,  
11
- Kalendarii quinquam? III.  
15, 4. (f)
- nomenclatores. IV. 18,  
77
- an occidi potuerint a  
dominis? vid. *iur vitae*  
& *necis*.
- praenomen domino-  
rum adfumebant. III.  
8, 1. (a)
- publici. I. 3, 8
- poterant & aliis ftipula-  
ri. I. 24, 3
- quo ritu venditi? I. 3, 4.  
II. 1, 24
- venales faltare, in or-  
bem currere, fe denuda-  
re iuffi. III. 23, 3
- quot modis facti? I. 3, 1.  
sequ.
- non pro personis habi-  
ti. I. 3, 2
- feipfos venundantes. I.  
3, 7
- eorum ftigmata. I. 5,  
11. (e)
- in fubfelliis accumbe-  
bant. I. 5, 8
- eorum fupplicium. IV.  
18, 10
- eorum tortura. I. 5, 11  
(e) IV. 18, 25. an etiam  
in caput domini quae-  
fiti? ibid. & IV. 18, 48.  
(b)
- Tabularii. I. 24, 3
- varia eorum conditio.  
I. 3, 8. (f)
- vincti feruientes. ib.
- Seruius Tullius libertinis  
ciuitatem dedit. I. 4, 10
- beneficium celfionis  
bonorum primus inue-  
xit. III. 30, 3
- contractus & numos  
inuenit. III. 14, 1
- Seruitus poenae. I. 16, 5
- rufticorum & vrbano-  
rum praediorum. II.  
3, 1
- altius tollendi. II. 3, 7
- rufticorum praediorum  
cur folae res mancipi?  
II. 1, 118
- Sextertii an affibus fubfti-  
tuti? IV. 4, 1
- Sextula pars 6. vnciae. II.  
14, 6
- Sex-

- Sexuiri in praefecturas  
missi. I. adp. 132
- Sicarii qui? IV. 8, 58
- Sicilia in ea tutela datiu  
ante L. Iul. & Tit. I.  
20, 11
- Silicicum quarta pars vn-  
ciae. II. 14, 6
- Sigillaria. II. 7, 5. (c)
- Siliquaticum. Adp. I. 61
- Societas priuatorum. III.  
23, 15
- publica. III. 23, 14
- quomodo soluta? ibid.  
18
- ei renunciandi formula.  
ib.
- voluntaria per rei com-  
munionem. III. 28, 5
- Socii fraternitatis iure in-  
ter se utebantur. III. 23,  
17
- publicani. III. 23, 11
- Socii & Latini nominis.  
vid. Latini.
- Solutio. III. 30, 1
- in Solutum datio. III. 30  
7
- Sordes pro reatu. IV. 18,  
20
- Sordidati pro reis. ib.
- Sordidus reorum habitus.  
ib.
- Sortitio, in qua tribu La-  
tini ferrent suffragia? I.  
adp. 92
- centuriarum & tribu-  
um in comitiis. I. 2, 6
- prouinciarum. I. adp.  
105
- iudicum. vid. *Index*.
- Sponsa, sperata, pacta. III.  
20, 20
- Sponsalia inter absentes.  
III. 16, 20
- arrha & annulo firma-  
ta. ib.
- impune rescissa. I. Adp.  
49. III. 16, 22
- per stipulationem con-  
tracta. III. 16, 20
- an inde data actio? ib.
- in tabulas relata. ib.
- vnde dicta. ib.
- Latinorum. I. Adp.  
86
- Sponsor. III. 21, 4
- Spuriorum apud Roma-  
nos conditio. I. 10, 19.
- sequ.
- an infames? I. 10, 21
- an patrum nomen tu-  
lerint? ib. (a)
- Stabularii, in eos actio. IV.  
5, 5
- Statu liberi qui? I. 3, 8



# INDEX RERVM

- στυγνόςμιον* Ill. 25, 8  
 Stillicidium, qualis serui-  
 tus? II. 3, 5  
 Stigmata feruorum. I, 5  
 II. (e)  
 Stipendia & tributa quo-  
 modo diff. I. adp. 58  
 Stipulatio Aquiliana. III.  
 30, 12  
 aedilitia. III. 16, 17. (c)  
 unde dicta? ib. I. quid?  
 ib. 2  
 an inita fracta stipula.  
 ib. 1  
 eius formulae. ib. 3  
 cur interrogatione &  
 resp. congrua facta? III.  
 20, 4  
 ab Ictis compositae. ib. 5  
 omnibus fere negotiis  
 adhibitae. ib. 14  
 litteris nutuue fieri non  
 poterat. ib. 6  
 a quo fieri potuerit?  
 ib. 7  
 liberorum. ib. 9  
 pupillorum. ib. 8  
 feruorum. ib. 7  
 inter heredem & fidei-  
 commissarium. II. 23, 7  
 aliis non proderat III.  
 16, 10  
 quotuplex? ib. 12  
 cum mancipatione  
 nonnunquam. ibid.  
 15  
 ea non opus erat in di-  
 ctione dotis. ibid. 18.  
 nec in promissione ope-  
 rarum & munerum.  
 ib. 9  
 Stoicae philosophiae stu-  
 diosi Iureconsulti. I.  
 1, 2  
 decisiones in iure. ib. 3  
 definitiones in iure. ib.  
 & II 2, 3  
 diuisiones. ibid.  
 etymologiae. ibid. III.  
 15, 2. (d)  
 Stoicorum doctrina de re-  
 publica vniuersali gene-  
 ris humani. II. 1, 14  
 Strangulatio. IV. 18, 10  
 Strenae missae. II. 7, 4  
 Subhastatio ignominiosa.  
 II. 17, 11. quomodo  
 facta? ib.  
 Subrogare legi quid? I. 2,  
 8. (e)  
 Subscriptio criminis. IV.  
 18, 18  
 Substitutio vulgaris & pu-  
 pillaris. II. 15, 1. sequi  
 eius formulae. ibid. 3.  
 seq. pupillaris quomo-  
 do scripta? ib. 5  
 Sub-

Subuades quinam ? III.

21, 3

Successionis ab intestato  
fundamentum. III. 1, 1

Suetonius explicatus. I.  
adp. 37. I. 6, 9. (a) I. 6,

8. (d) ib. 11. (g) II. 10,  
18. (k)

Suffragia quomodo lata ?  
I. 2, 9. seq.

quomodo diremta ? ib.

II

quomodo plura value-  
rint in iud. IV. 17, 11

Sui heredes vid. *Heredes*.

Sulpitii duplici prænomi-  
ne vsi. III. 2, 2. (c)

Suouetaurilia. I. adp. 54

Superstites pro testibus.  
IV. 6, 24. (x)

Supplicium vide poena.

Supplicationes ob res pro-  
spere gestas decretæ.

IV. 6, 11

Sus an inter pecudes. IV.  
3, 7

Suspendium ex arbore in-  
felici. IV. 18, 11

Suspecti tutoris crimen. I.  
26, 1

apud Atheniens. ibid.

Suspensa. IV. 5, 4

Συμβέλιον quid ? I. 6, 5

Syndicatus vox qualis ? IV.

5, 1. (b)

**T**Abellæ quibus lata  
suffragia. I. 2, 9

quibus iudices tulere  
sententiam. IV. 18, 31

Tabulæ eboreæ & quer-  
næ proem. 4. (b)

Tabulæ contractuum  
quomodo signatæ ? IV.

18, 63. (x)

creditorum in iudicio  
prolatæ fidem facie-  
bant. III. 22, 2

nouæ a plebe postula-  
tæ quid ? III. 30, 6

secundæ. II. 15, 5. (b)

in iudiciis publicis pro-  
latæ. IV. 18, 27

Tabulæ XII. vel Decem-  
uirales, earum origo.

Pro. 3

ex quibus legibus com-  
pilatæ ? ib. (f. g)

earum nœui. ib. 3

earum interitus. ib. 4

a pueris ediscebantur.  
ib.

ab iis inchoatum studi-  
um iuris. ib. (i)

earum fragmenta a  
quibus compilatæ ? ib.

5

ebo-

# INDEX RERVM

- eboreae an roboreae  
 fuerint? ib. 4. (b)  
 Tabularum XII. leges de  
 causae coniectione. IV.  
 17, 8  
 de damno iniuria dato.  
 IV. 3, 3  
 deposito. III. 15, 31  
 die diffidendo. IV.  
 17, 6  
 diuortio. I. Adp. 44  
 familia ericiscunda. III.  
 28, 6  
 foenore vnciaro. III.  
 15, 7  
 furiosorum curatione. I.  
 23, 2  
 furto manifesto. IV. 1,  
 6. sequ. nec manifesto.  
 ib. 11. nocturno. ibid.  
 1, 2  
 homicidio. IV. 18, 57  
 iniuriis atrocioribus. IV.  
 4, 2. sequ.  
 leuioribus. IV. 4, 1  
 in ius vocatione. IV.  
 6, 14  
 maiestate. IV. 18, 47  
 noxalibus actionibus.  
 IV. 8, 1  
 obaeratis. I. Adp. 30.  
 III. 30, 4  
 parricidio. IV. 18, 57  
 pauperie. IV. 9, 1  
 prodigorum curatione.  
 I. 23, 2  
 sepulcris extra urbem.  
 II. 1, 3. (e)  
 successione agnatorum.  
 III. 1, 1. gentilium. III.  
 2, 7. in libertorum bo-  
 nis. III. 7, 2  
 suorum heredum. III.  
 1, 1  
 suspectis tutoribus. I.  
 26, 1  
 testamentis. II. 10, 5  
 testibus explicata. ibid.  
 6. (d)  
 transactione. IV. 6, 18  
 tutela agnatorum. I.  
 15, 4  
 patronorum. I. 15, 7  
 testamentaria. I. 14, 2  
 vindicibus dandis. III.  
 21, 2. IV. 6, 18  
 vfucapione. II. 6, 2. seq.  
 Tagaces fures. IV. 1, 1  
 Tabulario stipulari quid?  
 I. 24, 3  
 Talio. IV. 18, 8  
 Telum quid? IV. 1, 9  
 in vrbe ferre nefas. IV.  
 18, 58. (p)  
 Templorum consecratio.  
 II. 1, 2  
 de-

dedicatio.	ib.	praetorium quam anti-	
differentia ab aedibus		quum.	II. 10, 13
facris.	ib.	in procinctu quomodo	
Terentius explicatus.	I.	factum.	ib. 1
	10, 7	in cinctu Gabino.	ib. 3
Tertullus cos.	III. 3, 3	quando & cur defierit.	
Testamentum.			ibid.
per aes & libram.	II. 10,	a quibus scriptum?	ib. 9
6. quo ritu factum?	ib.	rescissum.	II. 17, 5
	7	ruptum.	II. 17, 3
quamdiu.	ib. 14	in tabulis pluribus scri-	
in calatis comitiis cur		ptum.	II. 10, 11
factum?	II. 10, 2, quan-	vbi depositum?	ib.
do defierint?	ib. 5	Testari qui potuerint?	ib.
in ceris scriptum, &			18
quomodo?	ib. 12	quando licuerit femi-	
quamdiu hic mos vi-		nis?	ib. 19
guerit?	ib. (f)	Testes quinam in testa-	
infirmatum.	II. 17, 2	mento esse potuerint?	
iniustum.	ib. 1		II. 10, 15
irritum.	ib. 4	eorum numerus a Prae-	
ex iure Attico an sit?	II.	tore praescriptus.	IV.
	10, 5. (c)		6, 42
iureconsultis adhibitis		an auditi remotis par-	
factum.	ib. 8	tibus.	IV. 17, 10
holographum.	ib. 9	quomodo interrogati	
lingua Latina confici-		in iudiciis publicis?	IV.
endum.	ib. 10		18, 26
in lapidibus superstes.		quales in iisdem adhi-	
	ib. (e)	biti?	ib.
militare.	ib. 16	Theodosius Iunior Codi-	
eius origo.	ib. 2	cis Theod. auctor. Pro.	
nullum.	II. 17, 1		22
		Theo-	



Theophilus paraphraseos  
institutionum auctor.

Pro. 35

veterum Iurisconsulto-  
rum libros exscripsit.

III. 22, 4

Θεωφύλου quid? II. 7, 8

Tiberius comitia e cam-  
po transtulit in curiam

I. 2, 45. cur id fecerit?

ib. (b)

Tigni immittendi serui-  
tus. ib. II. 3, 4

Tignus. ib. 4

Tituli seruorum & rerum  
venalium. III 23, 3

Titus imperator praeto-  
rem fideic. unum de-  
traxit. I. 2, 20

Toga ciuium Rom. infi-  
signe. I. adp. 139. ea uti  
non licebat exsulibus?

I. 16, 9. (e)

quando sumta? I. 22,  
2. (b)

habitus meretricum. IV.  
18, 54

Tonfores artem suam in  
publico exercebant. IV.

3, 6. (f)

Traditio quid? II. 1, 26

III. 23, 6

Transactio litigantium in  
via. IV, 6, 18

Trebatius an stoicus. I. 1, 2

Tribonianus qualis? Pro.  
27

Tribunal a quo condi-  
tum. IV. 6, 7. (b)

qualis formae. ib.

an etiam in municipiis.  
ib. (d)

Tribuni plebis an senten-  
tiam in senatu dixerint.

I. 2, 49. (c)

edicta cum Praetoribus  
scribebant. I. 20, 10. (d)

turbulenti aliquando, a-  
liquando iustissimi. I.

adp. 29

defendebant plebem.  
ibid.

saepe intercedebant  
sentententiis capitali-  
bus. IV. 18, 33

poterant & collegarum  
actibus intercedere,

non tamen in tutoris  
datione. I. 20, 10

Tribui certae adscripti  
municipes. I. adp. 122

Tribubus binis qui adscri-  
pti? I. adp. 64

Tribus quot? ib.

Triginta anni γενεά, tem-  
pus perpetuum. IV. 12, 1

Tri-

- Tributa veterum Rom. I.** **quomodo soluta. I. 22,**  
**adp. 58** **I. seq.**  
**prouinciarum. ib. 114** **quasi contractus. III.**  
**Tullianum pars carceris.** **28, 4**  
**IV. 18, 6** **Tutores a quibus dati. I.**  
**Tunica Romanorum re-** **20, 11. sq.**  
**centiorum I. adp. 139** **eorum auctoritas. I. 21,**  
**Turcae an ius Iustiniane-** **I. seq.**  
**um retineant? Pro. 40** **fatisdatio. I. 24, 1. sq.**  
**Tutela antiquitas. I. 13, 1** **praetoriani. I. 21, 5**  
**datiua. I. 20, 9** **suspecti. I. 26, 1. sq.**  
**fiduciaria. I. 19, 8** **V Adimonium quid. IV.**  
**olim parentum. ib.** **6, 20. (o)**  
**legitima agnatorum, e-** **adhibitis ICTis scriptum**  
**ius origo. I. 15, 5. variae** **III. 21, 6**  
**de ea legislatorum sen-** **deferere. IV. 6, 21**  
**tentiae. ibid. 5. eius ef-** **fistere. ib.**  
**fectus fraudes heredipe-** **Vas quis? III. 21, 3**  
**tarum. I. 15, 6. legitima** **Vectigalia ciu. Rom. I. adp.**  
**patronorum. I. 17, 7.** **59**  
**mulierum apud Grae-** **prouinciarum. ib. 115**  
**cos. I. 20, 16. eius anti-** **locata a censoribus. III.**  
**quitas & origo. ib. 6** **23, 9**  
**quotuplex? ib. 17** **Veneficium quomodo pu-**  
**cessitia. I. 20, 18** **nitum. IV. 18, 57**  
**an penes maritos? I. 20,** **Venia aetatis quibus data.**  
**19** **I. 23, 10**  
**quamdiu durarit. I. 20,** **Veratius Lucius, eius pe-**  
**24** **tulantia. IV. 4, 1. & 4**  
**cur obsoleuerit. I. 20, 20** **Verbera per virgas & fu-**  
**quomodo finita. I. 22, 5** **stes inflicta. IV. 18, 7**  
**testamentariae origo. I.** **Verberare & pulsare quo-**  
**13, 2** **modo differant. IV. 4, 8**  
**(II.)** **F f** **Ver-**

- Verborum obligationum** olim tres species. III. 16. pr.
- Vespasiani & Claudii temporibus** cur tribuatur SC. Macedonianum ? IV. 7, 7
- Vestales virgines** patria potestate solutae. I. 12, 14 non erant in tutela. I. 20, 16. (f) an semper patriciae. I. apud eas deponebantur testamenta. II. 10, 11 deprecatrices adhibebantur a reis capitalibus. IV. 18, 31
- Vestis pulla** in luctu adhibita. IV. 18, 20. (m) an etiam a reis. ib. diuerforum ordinum. I. adp. 139
- urbana & rustica.** II. 3, 1
- alba** an in luctu adhibita. IV. 18, 20. (m)
- ingenuorum.** I. 4, 1. (a)
- Veterani** in colonias missi. I. adp. 130
- Vexillum praesidium** infigne. I. adp. 106
- Vi. clam, precario, formula** in interdictis adhibita. IV. 15, 2. (b)
- Viae seruitus.** II. 3, 10
- latitudo.** ib. 11
- Vicarii serui.** II. 9, 3
- vicariorum.** ib.
- Vicesima manumissorum.** I. adp. 62
- Vicesimarius praefectus.** ibid.
- Vicesima hereditatum.** I. adp. 19
- eius praefectus.** I. 25, 11. (f)
- eius promagister.** ib.
- Videri vocabulum** sollemnne in ferendis sententiis. IV. 17, 11
- Villae veterum** quomodo diuisae. II. 3, 1
- Vincula, qualis poena.** IV. 18, 6
- Vindicatio rei** quomodo instituta, vid. *Rei vindicatio*.
- Vindiciae** quomodo postulatae in iudicio. IV. 6, 24
- Vindex.** III. 21, 2. (b IV. 6, 18
- Vis bonorum raptorum.** vid. *Rapina festucaria*. IV. 6, 24. (u)
- publica** quomodo vindicata ex L. Plautia IV. 18,



18, 66. ex L. Pompeia	Vnstrina ad sepulcra. ib.
ib. 67. ex L. Iulia ib. 68.	Vfucapio e iure Attico. ll.
sub Imperatoribus ibid.	6, 1
exasperata. 68	qualis e XII. Tabulis
priuata quomodo pu-	ib. 2
nita. ib. 69	rerum furtiuarum &
Viscerationes quid? I. adp.	raptarum vetita. ibid.
94	4. seq.
Vltro tributa. ll. 23, 10	vxorum. I. 10, 14
Vmbra vectigalis. I. adp.	eo iure non vtebantur
63	peregrini. I. adp. 137
Vnciae hereditariae. ll.	Vfura auida. ll. 15, 20
14, 6	beffis. ibid. 23
vnde dicta. ib.	centesima legitima. ib.
eius partes. ib.	15
vfurariae. ll. 15, 8. seq.	an lege Gabinia intro-
Vnde liberi. ll. 10, 7	ducta. ib. 14. est ex edi-
legitimi. ib.	cto Praetoris, & consti-
decem personae. ib.	tutionibus. ib. 15
cognati. ibid.	quanta? ib.
vir & vxor. ib.	ciuilis. ib. 25
cognati manumifforis.	dextans. ib. 21
ibid.	deunx. ib. 20
Vngulae ferreae in tortu-	didrans. ib. 22
ris adhibitae. IV. 18, 25	leuior. ib. 26
Vniuerfitates an potuerint	modesta. ib.
heredes institui? ll. 14, 3	modica. ib. 25
Vocatio magistratuum	quadrans. ib. 28
in ius. IV. 6, 5	quincunx. ib. 26
Vrbs vnde dicta? ll. 1, 9. f)	septunx. ib. 24
quomodo condita. ib.	sextans. ib. 29
Vrnarum numerus certus	triens. ib. 27
in sepulcris. ll. 1, 4	triplex. ib. 30
	F f 2
	Vlu-





# INDEX RERVM ET VERBORVM.

- V**furæ binae, ternae, quaternae, quinae. ib. 30. sq. eas computandi modus. ib. 18. eum pueri in scholis discebant. ib. (k)
- V**surpatio quid? II. 6, 10
- V**sus, ritus nuptiarum. I. 10, 14 & mancipium opponuntur. II. 1, 18
- seruitus personalis quid? II. 4, 4
- auctoritas. II. 6, 1
- V**sus fructus quid? II. 4, 1. seq.
- eius origo. II. 4, 6
- quantitatum & iurium. II. 4, 7
- quando finitus? ib. 8
- V**xor confarreata sacrorum fiebat particeps. I. 10, 4. an in potestate mariti? ibid. 6
- adsumebat mariti nomen. ibid.
- omnia adquirebat marito. ibid.
- marito heres sua. III. 1, 2
- eum vocabat Dominum. I. 10, 6
- remancipari & cedi alii poterat. I. adp. 47
- quidquid habebat in dubio mariti. II. 9, 4
- V**xorium aes. I. 25, 3
- W**elingii (Abr.) libellus de furto per lacem & licium concepto laudatus. IV. 1, 13
- X**enia missa hospitibus. II. 7, 9
- ἡ πόβολον. II. 7, 18
- ἡ πόβολικὰ instrumenta. ibid.
- ἡ πόγαϊον in sepulcris. II. 1, 4

SOLI DEO GLORIA.

F I N I S.





PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

Law  
Rom  
H468

Heineccius, Johann G  
Antiquitum romanorum.



